



PIZZOFALCONE



BIBLIOTECA PROVINCIALE

Armede

XIII



Palchetto

Num " d' ordine

4/5-11/11

IV.)


NAZIONALE


B. Prov.

VITE EM III

2442

NAPOLI





B. Gro

I

2242

608665

IOANNIS KEILL, M. D.

Regia Soc. Lond. Socii, In Acad. Oxon.

Astronomiae Professoris Saviliani

INTRODUCTIONES

A D V E R A M

P H Y S I C A M

E T V E R A M


ASTRONOMIAM.

Quibus accedunt

TRIGONOMETRIA.

DE VIRIBUS CENTRALIBUS

DE LEGIBUS ATTRACTIONIS..




M E D I O L A N I ;

Excudit FRANCISCUS AGNELLI
ANNO MDCCXLII.

PUBLICA AUCTORITATE, AC PRIVILEGIO.

THE UNIVERSITY OF CHICAGO

PHYSICS DEPARTMENT



PHYSICS DEPARTMENT

CHICAGO, ILLINOIS



L. S.

QUam grata , quæ de *Physica* & *Astronomia* conscripsit , summo jure inter primos referendus *Mathematicos* , **JOHANNES KEILL** , fuere *Philosophis* , *variæ horum scriptorum* restantur editiones .

Ne hæc cæteris postponenda foret , schedas ab alio cum anterioribus editionibus collatas , & juxta hæc correctas , ipse cum cura examinavi , & variis , quæ in præcedentes irrepserant , mendis hanc editionem purgavi .

Laborem hunc in me suscepi , cum operum utilitas mihi nota esset , & persuasum

AD LECTOREM.

*sum haberem , Mathematici curam in
edendis talibus scriptis desiderari .*

*Meam autem denegare nolui scriptis
viri , quo mihi , dum in vivis esset , fami-
liariter uti , & hic & in Anglia contigit .*

G. J. 'S GRAVESANDE.

Die 15. Julii 1741.

REIMPRIMATUR

*F. Jo. Dominicus Liboni Inquisitor Generalis S.
Officii Mediolani.*

*Franciscus Curionus Archipresbyter S. Eusebii pro
Eminentissimo , & Reverendissimo D. D. Card.
Archiepiscopo.*

Carlius pro Excellentissimo Senatu.

IN-

INTRODUCTIO
AD
VERAM PHYSICAM:
SEU
LECTIONES PHYSICÆ

Habitæ in Schola Naturalis Philosophiæ Academiæ
OXONIENSIS An. Dom. 1700.

*Quibus accedunt Theorematum Hugenianorum de Vi Centrifuge
& Motu Circulari demonstrationes.*

Authore

JOANNE KEILL, M. D.

Astronomiæ Professore Saviliano R. S. S.

THE UNIVERSITY OF CHICAGO

THE UNIVERSITY OF CHICAGO
DIVISION OF THE PHYSICAL SCIENCES
DEPARTMENT OF CHEMISTRY
530 SOUTH EAST ASIAN AVENUE
CHICAGO, ILLINOIS 60607-7070
TEL: 773/936-5200 FAX: 773/936-5201

JOHN M. HARRIS
DIRECTOR

NOBILISSIMO ET HONORATISSIMO
D.^{NO} D.^{NO} THOMÆ
COMITI
PENBROCHIAE,
ET
MONTGOMERIAE, &c.

Nobilissimi Ordinis Periscelidis Equiti,

SUMMO

CLASSIUM BRITANNICARUM

PRAEFECTO.



IBI, Vir Honoratissime, exercitationes
hasce destinantem metitò me deterreret
Dignitatis Tuae splendor, & amplitudo,
nisi illis aditum aperire praeferret ea,
quam Tu foves, & ornas, Philosophia. Cum enim
gravissimis Reipublicae negotiis ingenua literarum stu-
dia admiscere soleas, cum ad Te haud ægrè fines ac-
cedere, qui tantas quidem curas Tuas interpellare
minime audet, hisce tamen aliquid liberalis oblecta-
menti offerre magnopere cupit. Hoc enim cum paucis
commune habes, ut idem & in literis optime versatus
sis, & in Republica; idem tam philosophorum scho-
lis, quam Regum conciliis praesse merearis.

Dum itaque in idoneis consiliis adhibendis quam
sapiens sis, Regum sapientissimus; in fœderibus san-
ciendis



PRÆFATIO.

QUAMVIS nunc dierum celebretur Philosophia Mechanica, & insignes in hoc ævo obtineat sui cultores; in plerisque tamen physicorum scriptis, vix quicquam mechanicæ præter ipsius nomen inveniri potest. In cujus locum substituent philosophi corpusculorum quæ nunquam viderunt, figuras, vias, poros & interstitia, partium intestinum motum, pugnas & conflictus. Alkali & Acidi, & quid boni malive exinde oritur ita adamussim narrant, ut nihil in historia naturali præter fidem desideretur, quoties materiæ subtilis miracula prædicant; miracula dico, nam illud proculdubio miraculi instar est, quod contra passim notas naturæ leges, & stabilita mechanicæ principia evenit; qualia futura essent omnia naturæ phænomena, si à materiæ subtili & metodo operandi à Physicis tradita producerentur.

Ad ipsam naturam explicandam postulata adhibent, quæ nec concedi possunt, nec intelligi; & quæ magis implicata sunt, quam illa ipsa phænomena, quorum causas investigant. Quod si ipsis sua concedantur postulata, non tamen exinde orientur effectus isti, quorum rationes & origines se enucleasse gloriantur.

Ne vero quisquam hoc gratis & malevole à nobis dictum suspicetur,

cretur, Theoriam illam, quam ad explicandam affectionem corporum terrestrium omnium maxime universalem condiderunt, examini subjiciamus; Gravitationem intelligo, quam ex legibus mechanicis per materiam subtilis actionem se deduxisse maxime jactitant.

Cartesiani gravitationem ab actione materiam celestis oriri volunt, quæ in vortice agitata circa terram deferretur, & proinde, quantum possit, à terra recedit, & corpora terrestria minus agitata versus terram propellit. Vel, ut clarius Recentiores mentem suam explicant, cum materia ætherea continuos circa terram gyros perficiat, corporum in circulo moventium ritu, conatum à centro motus recedendi habebit, adeoque corpora terrestria minorem vim habentia versus centrum protrudet; ut aqua versus terram gravitans corpora minoris pro mole ponderis demersa sursum, seu ad circumferentiam pellit.

Hæc utcumque speciosa prima facie videantur, si ad examen revoces, omnibus fere naturæ legibus adversari invenies. Nam primo Cartesiani postulant materiam ætheream circa terram in circulis deferri; at qua ratione motus iste oriatur, aut quo pacto conservetur, æque arduum esset exponere, ac ipsius gravitatis rationem reddere: Qui igitur gravitationem exinde ortum suum ducere contendunt, ignotum per ignotius explicare suscipiunt; præsertim cum non pauca adduci possint argumenta, quibus istiusmodi rotatio penitus evertitur. Verum Cartesianis concedamus illud postulatam, & videamus, utrum exinde sequetur, quod volunt Phænomenon. Cum necesse sit, ut vorticis terram circumrotantis velocitas ad terræ superficiem sit æqualis ipsius terrenæ rotationis velocitati (nam si major esset, aliqua motus pars in terram impenderetur, quo fieret ut ipsius velocitas semper minueretur & terræ augeretur, donec ad æqualitatem pervenirent,) unde ex notis Terræ magnitudine & tempore rotationis, dabitur spatium, quod corpus, urgente vi centrifuga materiam celestis, percurrere potest, in dato tempore; æquale scilicet arcus interea descripti quadrato ad circuli diametrum applicato. Per Lem. 2. ad demonstrationes Theorematum Hugenii de Vi Centrifuga & Motu Circulari. Ex quo principio si calculus ineatur, inveniretur spatium, tempore unius scrupuli secundi

cundi à corpore vi centrifugâ ætheris agitato percurrendum , non excedere pedem dimidium : Si igitur mechanicè produceretur effectus gravitatis , tempore unius scrupuli secundi gravia non ultra dimidium pedem descenderent : At gravia in motu suo deorsum pedes 15 in eo tempore percurrunt ; adeoque si hoc modo æther gravitatis causa esset , contra mechanica leges ageret , efficiendo ut corpus per pedes 15 in scrupulo secundo descendat .

Ut hujus objectionis vim effugiant , supponunt materia ætheream vertiginem vertigine terræ multo celeriore . Quod licet fieri non possit , illud tamen si denao iis concedamus , nec inde sequetur mechanica gravitatis actio . Nam cum materia vorticis semper deferatur in circulis æquatori parallelis, & virium centrifugarum directiones secundum lineas in planis horum circulorum jacentes semper fiant , oportet , ut corpora omnia in hisce planis descendant , & perpendiculariter ad axem , non ad ipsam terram tendant . Si igitur materia subtilis mechanice ageret , corpora ad axem rectâ pel-leret ; unde cum secundum hos Theoristas ad centrum terræ tendere cogat , effectum à veris mechanica legibus abhorrentem producit .

Ut hanc difficultatem tollant , ulterius supponunt materiam ætheream non in circulis æquatori parallelis , sed in magnis sphaeræ circulis deferri : At quo pacto hoc concipi possit , plane nescio ; cum enim quisvis circulus maximus alios omnes infinitos bis secet , oportet ut motus particula cujusvis ab aliis infinitis secundum diversas vias pergentibus impediatur , atque tandem motus ejus fistatur , si primò in omnes partes aequalis impressa fuerit motus quantitas ; vel ut ultima in circulis parallelis omnis deferatur , si major fuit ab initio motus versus unam partem quam aliam . Quin & illud etiam quæri potest , unde fit ut materia ætherea in superficie sphaeræ extima moveatur ; cum vim centrifugam habeat , videtur ipsam debere inde recedere ; quid igitur est quod ipsam inibi-beat ? Dicunt alia corpora ambientia materiam in extima superfisie coarctare & ejus recessum impedire . Cum autem oporteat ut materia hæc alia corpora ipsam ambientia premat , necesse est , ut motum ipsis communicet ; & hæc corpora aliis ipsa ambientibus motum pariter imprimant , atque sic in infinitum propagabitur mo-

tus materia subtilis , unde necesse est, ut celeritas ipsius paulatim languescat .

Alia quam plurima difficultates , mechanicas hasce gravitatis explicationes urgunt , quarum unam ad omnes istiusmodi ipsius Theorias se extendentem libet proponere . Scilicet si corpus deorsum à materia subtili , quovis modo pellatur , vis, qua pellitur necessario erit, ut numerus particularum , quibus simul agentibus versus terram truditur : Sed numerus particularum est ut corporis superficies ; quare erit vis quâ corpus deorsum premitur ut ejusdem superficies , & non ut ipsius quantitas materiae , quod experientia contradicit . Nec minus ceteras plerasque omnes , quas de aliis rebus condunt hypotheses , si ad examen reducantur , naturæ legibus repugnantes inveniemus .

Omnes errores ex hoc fonte promanasse videntur , quod homines ignari Geometriæ philosophari ausi sunt , & rerum naturalium causas reddere . Quid enim aliud præter hallucinationes ab iis expectandum , qui Geometriam totius physicae fundamentum neglexerunt ; & ignotis naturæ viribus per Geometriam tantum æstimandis , ipsius tamen operationes , metodo regulis mechanicis minime congrua explicare sunt aggressi ?

Inter hujusmodi philosophos Cartesius agmen ducit , qui etiam si Geometra fuerit insignis , ignavo tamen & desidi ut placeret philosophantium populo , nullum Geometriæ usum in philosophia adhibuit : Et quamvis profiteatur se omnia mechanice per materiam & motum explicaturum , Philosophiam tamen excogitavit , quæ à veris Mechanicæ legibus tantum abhorret, quantum quæ longissime . Illius selectæ nomina dant , quicunque recte , hoc est Geometrice , philosophandi laborem refugiunt : Magna equidem turba per orbem terrarum longe lateque diffusa est .

At licet tanta philosophantium pars umbram philosophiæ , non ipsam substantiam amplexa sit ; non tamen desunt (nec us spero unquam deerunt) qui in veris naturæ legibus perscrutandis , & rerum causis per principia mechanica exinde investigandis , baud inanem posuerunt operam .

Inter antiquos physicos præcipue eminebat Divinus Archimedes , qui præter illa Geometrica sua monumenta , Mechanicæ & Staticæ

Staticæ principia duobus libris De Æquiponderantibus & De Humido Insidentibus nobis demonstrata reliquit . Post hunc per longam annorum seriem delituit mechanica philosophia , nec nisi paucis quibusdam accuratioris ingenii viris exculta est . Inter quos Rogerus Bacon Oxoniensis & Hieronymus Cardanus merito nominandi sunt . Tandem sub initio seculi ultimo elapsi , nobilis ille Lynceus philosophus Galileus , clave Geometrica rursus reſeratis naturæ clauſtris , novam condidit de Motu scientiam , & methodum monstravit , qua rerum causæ mechanicæ sint indaganda . Ejus vestigiis insistentes , insignis viri Torricellius & Palschalius philosophiam novis speculationibus adauxerunt . Postquam vero à duobus potentissimis Regibus , societates Londinensis & Parisiensis ad philosophiam excolendam institutæ fuerint , miris inventis ampliata est rerum naturalium scientia , non iis solum quæ in nuda speculatione versantur , sed aliis quamplurimis quæ hominum utilitatibus inserviunt . Arduum esset negotium innumera illa recensere beneficia , quæ ex utriusque societatis laboribus humano generi provenerunt : Nec facile est ostendere , quantum debbit omnis posteritas illustris Hugenii Geometricis de motu Pendulorum demonstrationibus , aut egregiis nobilis Boylei experimentis , quibus ille admiranda plurima vetegit naturæ arcana . Wallisii Geometriam de Motu , Opus in suo genere perfectissimum , grato animo revolvunt seri nepotes . Non ulterius torquebunt philosophos fluviorum & ventorum causæ ab acutissimo Geometra Hallicio in Actis Philosoph. traditæ , ante ipsum frustra tentatæ .

Ad aliorum erga rempublicam philosophicam merita commemoranda pergerem , nisi circa Nevvtoni præclara inventa non subsistere nefas ducerem , cujus sagacissimum ingenium plura & abstrusiora patefecit naturæ mysteria quam sperare mortalibus fas erat ; cumque illius inventa intra angustos hujus præfatiunculæ limites non sunt coarctanda , sufficiat hoc solum indicasse ; quod quæcunque Patres nostri ab omni temporum memoria de philosophia mechanica nobis tradiderunt , ea ne ad decimam eorum assurgunt partem , quæ proprio Marte , per summam in Geometria peritiam , adinvenit Nevvtonus . Quam facile autem ad rerum à nobis longe dissitarum affectiones explicandas , Planetarum scilicet motus istorumque

que inæqualitates , adhiberi possint principia Mechanicæ , nuper literato Orbi innotuit per Elementa Astronomiæ Physicæ & Geometricæ à D. Gregorio Astronomiæ Professore Saviliano Edita : Opus cum Sole & Luna duraturum .

Cum vero talis sit philosophiæ mechanicæ status , ut nulla alia ratione quàm per Geometriam aditus ad ipsam pateat ; id à me efflagitabant amici mei , ut ipsius principia faciliora à primis tantum Geometriæ Elementis pendentia , & quæ exinde fluunt phænomena , Juventuti Academica exponenda susciperem ; quod etiam à me non iniquo jure postulavit Vir Clarissimus & omni literarum genere ornatus Dominus Thomas Millington Eques M. D. Philosophiæ Naturalis in hac Academia Professor Sidleianus , & Collegii Medicorum apud Londinenses Præses , cum me ad munus hoc obeundum in scholis publicis suffecit . Illius consilio sequentes in Academia lectiones habui : in quibus id præcipue mihi curæ fuit , ut discipulorum conceptus de generalibus corporum affectionibus rite & distincte formarentur ; ab obscuris enim & falsis de rebus ideis , omnes in re physica errores originem ducunt ; ideoque corporis extensionem , soliditatem , & divisibilitatem à plerisque satis obscure traditas , quantum potui , dilucide exposui : Deinde motus naturam & proprietates , ab omnibus præterquam quibusdam philosophis satis clare concipiendas , explicui , & leges naturæ exinde deduxi ; vim gravitatis seu pondera corporum quantitativè materiæ in iisdem proportionalia esse , & principium quo per machinas magna pondera elevantur , ostendi . Motus deinde leges , & causam accelerationis gravium ab iisdem pendentem , & qua proportionem crescunt , vel decrescunt spatia à gravibus pro variis temporum intervallis percurra monstravi . Hisce succedunt regulæ congressuum tam in corporibus duris quàm elasticis , & modus , quo illius magnitudinis æstimanda est : Quibus adjunxi motuum compositiones & resolutiones , & alia quædam Theoremata , quorum haud exiguus est in philosophia usus : Et ut ulterius viderent Philosophi , quousque se extendat in scientia rerum naturalium Geometria etiam elementaris usus , pulcherrima illa Hugenii Theoremata de Vi Centrifuga & Motu Circulari ex Elementis demonstravi .

INTRO-

11

I N T R O D U C T I O
A D
V E R A M P H I S I C A M.

L E C T I O I.

De Methodo Philosophandi.



Quandoquidem Muneris Nostri institutum postulat, ut coram vobis, Academici, corporum naturas, & affectiones explicandas suscipiamus, necessarium duximus, priusquam rem ipsam aggrediamur, quædam, de Physicorum sectis, principiis, & methodis præfari; eamque rationi exponere, quam amplexuri sumus in scientia corporum naturalium investiganda.

Philosophorum, qui de rebus physicis scripserunt, quatuor præ cæteris genera inclaruerunt. Primus est eorum, qui rerum naturas per numerorum & figurarum Geometricarum proprietates illustrarunt, dicam? An occularunt? Quales scilicet fuere Pythagorici & Platonici, quippe qui dogmata sua temere in profanum vulgus effundere non sustinuerunt, ideoque larvis & Hieroglyphicis ex Geometria & Arithmetica petitis Physicam suam velarunt, nec quisquam eorum discipulus, nisi post plures exactos probationis annos, ad veram Physicam, atque arcanam illorum Philosophiam perdiscendam admittus fuit. Quamvis hoc modo sua Philosophiæ dignitas conservata fuerit; pessime tamen nobis horum Philosophorum posteris consultum est; exinde enim adeo larvata, atque tenebris involuta ad nostras pervenere manus eorum dogmata, ut, quales fuerint veræ de rebus, atque rerum naturis sententiæ, parum constet: quantumvis autem obscuram accepimus hujus sectæ Philosophiam, certius tamen ex ea liquet Philosophos illos Geometriam & Arithmetica-

ticam ad solvenda naturæ phænomena necessarias duxisse, atque in hunc finem eas habuisse.

Secunda Physicorum gens à Schola Peripatetica originem duxit; hæc secta per materiam & formas, privationes, virtutes elementares, qualitates occultas, Sympathias & Antipathias, facultates, attractiones & id genus alia, Physicam suam explicavit. Verum, ut opinor, hujus nominis Philosophi non tam rerum causas indagasse visi sunt, quam idonea rebus ipsis impotuisse nomina, atque terminos adinventisse, quibus Actiones naturales rite designare possumus.

Tertium Philosophantium genus per experimenta procedit, atque in id solum incumbit, ut corporis cujusque proprietates, & actiones omnes, per sensuum repræsentamina nobis innotescant. Hujus sectæ laboribus haud exigua debet philosophia incrementa; plura fortasse exinde receptura, si methodi experimentalis sectatores nullas sibi ipsis finxissent Theorias, ad quas confirmandas experimenta sua pessime detorserunt.

Quarta denique Physicorum classis Mechanica dici solet, & qui huic sectæ nomina dant, omnia naturæ phænomena, per materiam & motum, partium figuram atque texturam, particulas subtiles, atque effluviolorum actiones, se possidenodare putant, atque horum operationes secundum notas atque stabilitas mechanicæ leges fieri contendunt.

Ex variis hisce philosophandi methodis, uii nulla est in qua omnia placent, ita in omnibus quædam probare possumus; quocirca ut delectus habeatur oportet, ea eligendo quæ usui maxime futura sunt, & rationem ex hisce omnibus compositam sequendo.

Et primo, cum antiquis Pythagoricis & Platoniciis, Geometriam & Arithmeticam, tanquam artes ad rite philosophandum necessarias, in auxilium accersimus, sine quibus parum admodum certi de causis naturalibus constabit. Cum enim omnis actio physica à motu dependeat, aut saltem non fiat absque motu, motus quantitas & proportio, corporum motorum magnitudines, figuræ, numerus, collisiones, & vires ad alia corpora movenda, invelliganda erunt. Verum hæc

hæc omnia, nisi ex notâ quantitatis & proportionis natura, determinari non possunt: adeoque opus erit iis artibus, quæ harum proprietates demonstrant: & proinde Geometria & Arithmetica necessariae ad ritæ philosophandum censendæ sunt.

Secundo cum Peripateticis non verebimur usurpare terminos Qualitatis, Facultatis, Attractionis, & similium; non quod his vocibus veram causam, seu rationem physicam, & modum actionis definimus, sed quia actiones hæc possunt intendi & remitti; adeoque cum illâ qualitatum proprietate gaudeant, jure possunt earum titulo insigniri, & sub hoc nomine, virium seu intensiōis & remissionis rationes expendi possunt. v. gr. possumus gravitatem qualitatem dicere, qua corpora omnia deorsum feruntur, sive ejus causa à virtute corporis centralis oriatur, sive sit corporibus innata, seu ab actione ætheris vi centrifuga agitati & altiora potentia procedat; sive demum alio quocunque producatur modo. Sic etiam corporum conatus ad se mutuo accedendi Attractionis vocabimus, qua voce non determinamus actiones istius causam, sive fiat ab actione corporum, vel se mutuo potentium, vel per effluvia emissa se invicem agitantium, seu ab actione ætheris, aut aeris, aut medii cujuscunque corpora innatantia, ad se invicem utcunque impellentis, possumus, inquam, has actiones illis vocibus denotare. Et si veræ illarum causæ nos lateant, quidni etiam qualitates occultæ dici mereantur? Eodem sane jure, quo in æquatione Algebraica incognitas quantitates literis x vel y designamus, & methodo hand multum ab simili, harum qualitatum intensiōes & remissiones, quæ ex positis quibuscunque conditionibus sequuntur, investigari possunt. Libet hanc rem exemplo illustrare.

Utcunque ignota sit qualitatum natura, utcunque nos lateat operandi modus, possumus tamen de earum intensiōe & remissione sequens demonstrare Theorema; scil. quod Qualitas seu virtus omnis, quæ undique à centro per rectas lineas propagatur, remittitur in ratione distantie duplicata.

Sit

TAB. I.
fig. 1.

Sit A punctum, à quo undique diffunditur qualitas quæcunque, secundum rectas AB, AC, AD, & cæteras innumeras per totum spatium indefinite protensas. Dico intensionem istius qualitatis decrefcere in ratione ejus, quæ crescunt distantia, duplicatâ; seu quod idem est, intensionem ejus in distantia æquali ipsi AB esse ad illius intensionem in distantia æquali rectæ AE, reciproce in duplicata ratione distantia AE ad distantiam AB, hoc est, ut quadratum ipsius AE ad quadratum ipsius AB. Cum ex hypothefi qualitas per rectas lineas undique in orbem propagatur, erit ejus intensio, in quavis à centro distantia, spiffitudini radiorum in ea distantia proportionalis; per radios hîc intelligimos vias rectilineas per quas diffunditur qualitas; at radii, qui ad distantiam AB diffunduntur per superficiem sphericam BCDH, ad distantiam AE per totam superficiem sphericam EFGK sese dispergunt; sed datorum radiorum spiffitudines sunt reciproce ut spatia, quæ ab iis occupantur; nempe si superficies EFGK fit dupla BCDH, erunt radii ad superficiem BCDH duplo confertiores, quàm iidem radii sunt ad superficiem EFGK, & si superficies EFGK fit tripla superficiei BCDH, erunt quoque radii ad superficiem BCDH triplo denfiores, quàm iidem radii sunt ad superficiem EFGK; & universaliter quæcunque proportionem habet superficies EFGK ad superficiem BCDH, eandem habebit reciproce denfitas radiorum ad superficiem BCDH, ad denfitatem eorundem ad superficiem EFGK. Sed ut constat ex Archimedis libris de sphaera & cylindro, superficies sphaericæ sunt in duplicata ratione diametrorum, vel semidiametrorum; eâ igitur spiffitudo seu denfitas radiorum, per quos propagatur qualitas ad distantiam æqualem distantia AB, ad eorundem denfitatem in distantia æquali AE, reciproce in duplicata ratione semidiametri, seu distantia AE ad semidiametrum, seu distantiam AB. Sed ut hætenus dictum est, intensio qualitatis in quavis data distantia est semper ut spiffitudo radiorum, per quos propagatur in ea distantia; quare erit etiam intensio qualitatis ad distantiam æqualem ipsi AB ad ejusdem intensionem ad distantiam æqualem ipsi AE, reciproce

ce in duplicata ratione distantiae AE ad distantiam AB.

Theorema hoc universaliter demonstravimus, quaecunque sit Qualitatis natura, modo secundum rectas lineas agat; atque hinc sequitur luminis, caloris, frigoris, odorum, & istiusmodi qualitatum intensiones esse reciproce, ut quadrata distantiarum à puncto unde procedant. Hinc etiam comparari inter se possunt actiones Solis in diversos Planetas, sed hæc non sunt præsentis instituti.

Post notas virium rationes in datis conditionibus, seu suppositionibus, conferendæ sunt rationes illæ cum naturæ phaenomenis, ut innotescat, quænam virium conditiones singulis corporum generibus competant. Verum, ut hoc fiat, plurima in subsidium advocanda sunt experimenta, qualia scilicet tertiæ sectæ Philosophi nobis tradiderunt: haud sine cautela tamen illa adhibenda sunt, quæ non nisi à *Theorista* aliquo ad suam probandam hypothesin adducuntur; novimus enim hoc hominum genus, quam impense suis faveant Theoriis, quam vellent esse veras, quam facile vel alios decipiant, vel seipsos in experimentis perficiendis decipi patiantur; quæ autem ab omnibus afferuntur, quæ quotiescunque tentata succedunt, ea tanquam indubitata principiorum, seu axiomatum loco habebimus, simplicissimis tamen & monstratu facillimis plus est fidendum, quam magis compositis & exploratu difficilioribus.

Denique, Academici, cum antiquis Atomistis, & novæ philosophiæ sectatoribus, experiemur, quæ & qualia phaenomena per materiam & motum, & notas, atque stabilitas Mechanicæ leges explicari possunt.

Ut vero tutius in hoc negotio progrediamur, & quantum possumus erroris periculum evitemus, sequentes regulas nobismet observandas proponimus. Primo, secundum Geometrarum methodum Definitiones ad rerum notitiam necessariæ ponendæ sunt: Nolim tamen ut à me expectetis definitiones Logicas ex genere & differentia constantes, vel eas, quæ intimam rei definitæ essentiam, & ultimam causam prodant; Has aliis disputandas relinquo. Ut ingenue fatear

tear ignorantiam, me latent intimæ rerum naturæ & causæ; quicquid mihi de corporibus eorumque actionibus comper- tum est, illud vel à sensibus hausi, vel ex aliqua eorum pro- prietate mihi per sensus notâ, deduxi. Sufficiat ergo, si loco istiusmodi definitionis (quam afferunt Logici) descri- ptionem adhibeamus; qua scilicet res descripta clare & di- stincte concipiatur, & ab omni alia discernatur. Res igitur per proprietates definiemus, unam aliquam simplicem assu- mendo; vel etiam plures, quas experientiâ rebus ipsis com- petere certissime novimus, atque ex illis, alias earundem, proprietates methodo, geometrica deducemus. Contra hanc regulam peccant plerique Philosophiæ novæ Magistri, qui res definiunt non quidem per proprietates rebus ipsis certo competentes, sed per essentias & naturas, quas inesse rebus supponunt. Supponunt quidem, at minime interim constât, an quales illi definiunt naturas, rebus ipsis revera insint, *e. gr.* Cartesiani dicunt fluidum esse, cujus partes in conti- nuo motu versantur; verum nec sensu, nec experientiâ, nec ratione proditum est, talem esse fluidi naturam; imo, quod illi afferunt argumentum ad hypothesin suam stabiliendam, hoc ipsum demonstratione Geometrica evertemus. Volunt enim corporis in fluido moventis minorem esse resistentiam, si partes fluidi motu intestino ciantur, quam si nullus talis adesset fluidi motus; cujus contrarium, cum de fluidorum resistentia agetur, demonstrabimus.

Quanto rectius philosophiæ Mathematicæ Scriptores, qui ex notissima fluidi proprietate illius desumunt definitionem: fluidum dicunt esse corpus, cujus partes vi cuicunque illatæ cedunt, & cedendo facile moventur inter se: ex qua defi- nitione pulcherrima condunt Theoremata ad usus humanos maxime accommoda, cum interea philosophi Cartesiani ni- hil certum aut solidum, nedum utile, ex sua protulerunt.

ada. In veritate physica investiganda, utile erit condi- tiones solum primo positas considerare, & ab omnibus aliis in- terea temporis abstrahere. Mens enim humana, finita cum sit, si nimia rerum multitudine implicita distrahatur, pa- rum habilis ad Theoremata detegenda reddetur. Hanc re- gulam

gulam observant scriptores mechanici in spatiis comparandis à duobus mobilibus percursis : corpora enim mota in illo casu tanquam puncta considerant , ab illorum magnitudine , figura , & colore abstrahentes ; quæ longitudinem percursam nullo modo variant .

3tio. Necessè erit à simplicissimis casibus ordiri , atque illis semel stabilitis , exinde ad magis compositos progredi licebit ; sic lidem mechanici corporum motus in vacuo , seu medio non resistente fieri supponunt , atque motus legibus in illo casu indagatis , exinde ad medii resistantiæ leges investigandas procedunt , & quales mutationes ex ea corporibus motis oriri debeant , deinde contemplantur . Quo vero minus corporum motibus resistit medium , eo minus recedunt corporum in eo medio motorum leges à legibus prius inventis . Sic etiam in Hydrostatica supponitur , nullam esse fluidi tenacitatem , seu partium coherrentiam , sed eas posse minima qualibet vi à se invicem divelli ; ex qua suppositione corporum demersorum pressiones & positiones determinantur . Verum fortasse nullum est in natura fluidum , ejus partes omni cohesione destituuntur , adeoque variatio , seu à legibus prius inventis discrepantia intelligenda erit ; & si parva admodum sit partium coherrentia , parva erit etiam & vix sensibilis à prædictis legibus discrepantia .

Contra hanc methodi legem peccant plerique *Theoristæ* , qui , primis & simplicioribus Mechanicæ Philosophiæ neglectis , vel non satis intellectis principiis , ardua & difficilissima problemata statim aggrediuntur , & quo pacto mundus , aut planeta , aut animal fabricari possint , temerario ausu ostendere conantur ; quibusdam in Geometria sciolis haud absimiles , qui cum elementa Geometriæ vix primis labiis tetigerunt , *Quadraturam circuli* , *anguli Trisectionem per rectas lineas & circulares* , *cubi Duplicationem* , & id genus alia statim adoriuntur . Ita nostri *Theoristæ* , haud bene jactis fundamentis , insanum extruunt ædificium ; unde nil mirum erit , si tantæ molis opus statim collabatur , haud sine ingenti fabricantium dedecore . At rite philosophantibus alia tenenda est via , alia progrediendum est methodo , &

quamvis nec mundum, nec terram, nec alium quemvis planetam condituri sunt, efficere tamen possunt, ut Philosophiæ Mechanicæ principia & fundamenta firmiter stabiliantur, &, quæ exinde consequi possint phænomena, explicantur.

LECTIO II.

De Corporis Soliditate, & Extensione.

CORPORIS definitionem non hic asseremus ex ejus intima natura seu essentia desumptam, qualem non satis perspectam habemus; nec fortasse ad ejus cognitionem unquam sumus perventuri; verum secundum regulam in priore lectione nobis propositam, per notas quasdam illius proprietates, illud ab omni alio entis genere distinguendo, definimus: idque *Corpus* dicimus, *quod extensum est, solidum, & mobile.*

Nemo, ut opinor, adeo hebeti est ingenio, quin facile percipiat, omnis corporis finiti aliquos esse terminos, quos superficies vocamus, harumque unam aliquam ab opposita distare: quin & hujus rursus superficiæ, (cum infinita non sit) dantur extrema, quæ lineas dicimus, quarum necesse est, aliquam esse à se invicem distantiam. Etiam & harum linearum erunt aliqui termini, quos puncta nominamus, inter quæ denique aliquod intervallum poni oportet. Ex hisce omnibus distantis simul junctis claram extensionis intrinsecam dimensionem ideam percipimus. Etenim distantia inter duas oppositas ejusdem corporis superficies, illius crassities, seu profunditas dicitur; distantia inter binas oppositas ejusdem superficiæ lineas, latitudo vocatur; & distantia inter utramque lineæ extremitatem, corporis longitudo nominari potest. Nullum est corpus, cui trina hæc dimensio non congruat, & quantulumcunque corpus esse supponamus, necesse tamen erit, ut crassitiem, latitudinem, & longitudinem habeat: quod autem in corpore est hisce omnibus destitutum, illud non corpus, sed punctum est, nec ipsa magnitudo, sed magnitudinis initium, aut finis.

Soli-

Soliditas est ea corporis proprietas, per quam omnibus aliis corporibus undequaque prementibus resistit, & quamdiu aliquem occupat locum, alia corpora omnia, quantacunque cum vi illud urgeant, in eundem intrare prohibet. Sic v. gr. si corpus aliquod intra manus teneatur, quantumvis magna vi prematur, manus tamen ad mutuos contractus pervenire non patietur.

Hæc est illa proprietas, quam plerique petipaterici *Impenetrabilitatem* vocant, quæ scil. duo corpora non possunt esse simul in eodem loco, vel se mutuo penetrare; ego tamen cum illustri hujus ætatis philosopho *Soliditatem* majus appellare. Hæc etiam proprietas ita in omnibus corporibus essentialis videtur, ut nihil aliud in rerum natura sit, cui ea competere possit: etsi enim dantur aliæ magnitudinis species, sola tamen magnitudo corporea soliditatem admittit; reliqua quantæ, vel etiam non quantæ, seu puncta possunt sese mutuo penetrare, uniti, & in eodem esse loco: quippe si duo globi sibi mutuo occurrant, in concursu punctum unius unietur cum puncto alterius, seu congruent vel in eodem erunt spatii puncto. Similiter si sint duo cubi æquales, potest eorum unus super alterum imponi; ita ut duæ eorum superficies quadratæ congruant, latera nempe unius quadrati cum alterius quadrati lateribus coincident; & anguli unius cum alterius angulis unientur, quæ proinde quantitates sese penetrabunt, & in eodem erunt loco; quod, ut ipsis contingat, corporibus impossibile est.

Hinc facile perspicitis, Academici, quam diverso sensu *Soliditatis* vocem usurpamus ab eo, qui apud geometras habetur, qui solida sese mutuo penetrare posse, supponunt; v. gr. cum demonstrat Euclides (Element. undecimo), duo solida parallelepipeda super eadem basi; inter eadem parallela plana constituta esse inter se æqualia; cum autem duo diversa parallelepida sic constituta sese penetrare necesse est, liquet, geometras sua solida tanquam penetrabilia supponere. *Soliditatis* igitur vocem, diverso prorsus sensu accipiunt geometræ, quam philosophi, nec sua solida magnitudini penetrabili opponunt, sed planæ, seu superficiebus, angulis

planis, & lineis; omne enim illud apud eos solidum est, quod trina dimensione constat.

At aliterius generis est corporum soliditas, quam ut ad corpora solummodo pertinere diximus, ita etiam omnibus corporum generibus inest, sive fluida sint sive dura, sive firma & fixa sint, seu facile mobilia & ictui cedentia, seu gravia admodum sint, sive parum habeant ponderis, vel si omnino levia fuerint, si modo talia darentur corpora: non enim minus prohibet duorum quorumvis corporum contactum gutta aquæ, vel aeris particula inter duo illa corpora immota manens, quam durissimum ferrum, aut adamas.

Per hanc denique proprietatem, distinguitur corpus ab alio extensionis genere, quod penetrabile concipimus, & *Spatium* vocamus; in quo omnia corpora locari, & moveri cernimus, illud ipsum ut immobile spectantes.

Cartesiani, qui corpus per ejus naturam (quam in sola extensione consistere volunt) definiunt, nullum agnoscunt spatium, seu extensum, quod non sit corporeum: verum cum nos spatii ideam à corporis idea distinctam habemus, vel saltem nos habere imaginamur; peccant contra bonæ methodi leges, qui corporis naturam seu essentiam intimam in aliquo ejus attributo ponunt, quod, an illi soli competat, non certe constat.

At dicunt Cartesiani, corporis naturam in alio nullo illius attributo consistere posse, cum nec durities, nec colores, nec pondus, nec figuræ, nec sapes, nec quælibet istiusmodi qualitatum sensum afficientium illius essentiam constituere possunt. Omnia quippe hæc attributa, possunt à corpore tolli, integra tamen manente corporis natura; sublata tamen extensione, statim tolletur Ens corporeum, adeoque in sola extensione corporis naturam sitam esse, necesse est.

Hoc est ipsius Cartesii argumentum, philosopho prorsus indignum: nihil enim exinde sequitur, nisi quod sensibiles illæ, quas affert, qualitates non sunt de essentia corporis, extensionem tamen esse attributum corpori necessarium & *essentiale*. At quid inde? potestne unum universale attributum

butum duabus diversis rerum speciebus convenire? An necesse est, ut res omnes, quæ idem habent attributum, eandem habeant etiam naturam & essentiam? Si verum hoc sit, nulla erit rerum distinctio, nulla diversitas. Quamvis igitur spatium & corpus unum & idem habeant essenziale attributum utrinque commune, sunt tamen res omnino diversæ; & alia dantur etiam essentialia attributa, singulis propria, per quæ satis distinguuntur.

In primis supra descripta soliditas solis corporibus propria est, & illis omnibus ita essentialis, ut eam ab iis ne vel cogitatione divellere possis, quin simul sustuleris ipsam, quam assumpsisti, corporis ideam; adeoque si in uno aliquo attributo corporis essentia & intima natura ponenda sit, multo potiore jure hanc sibi vindicabit soliditas, quam extensio; præsertim cum aliud videtur esse entis genus à corpore diversum, quod spatium dicimus, cui etiam congruit extensio; saltem contrarium nondum constat.

Præterea hujus spatii ideam à corporis idea omnino distinctam habemus; utrumque vindicare videtur attributa non diversa solum & sibi propria, sed ita contraria, ut impossibile sit, illa tanquam uni & eidem inhærentia subjecto concipere: corpus nempe tanquam solidum, seu impenetrabile, mobile, & divisibile apprehendimus, cujus partes disjungi, separari, & ad quemlibet à se invicem distantiam poni possunt. Potest unum corpus alteri corpori moventi obflare; potest ipsius motum sistere, vel saltem diminuere; potest etiam corpus alteri quiescenti, vel minori cum vi ad eandem vel contrarias partes moventi motuum suum communicare, atque illud secum abripere.

E contra, spatium concipimus tanquam illud, in quo corpus omne locatur, seu suum habet *Ubi*; quod omnino penetrabile sit, omnia in se recipiens corpora, nec ullius rei refugiens ingressum; quod immobiliter fixum est, nullius actionis, formæ, seu qualitatis capax; cujus partes à se invicem separari nulla vi possunt, sed spatium ipsum immobile manens, mobiliū successiones excipit, motuum velo-

citatem determinat, & rerum distantias metitur: hæc spatii & corporis tam dissona & repugnantia attributa eidem subiecto competere impossibile est.

Respondebunt forte Cartesiani, ideam illam, qualem nos dedimus spatii à corpore distincti, imaginariam prorsus esse & chimericam, cui scilicet aliquid simile, in rerum natura, nullâ potentiâ existere potest. Verum contra Cartesianos in promptu est demonstrare, revera dari spatium à corpore distinctum, vel spatium & corpus non esse prorsus idem: sed primo advertendum est, nos realem spatii corporis vacui existentiam in hoc loco non esse evicturos; illud in alia lectione præstandum erit: sufficiet in præsentia illius possibilitatem adstruere.

Ponamus ergo vas quodcunque, & aere primo repleatur, deinde exhauriatur intra vas contentus aer, vel per divinam potentiam annihiletur, & omne aliud corpus in illius locum ingredi prohibeatur; quæro jam; an in tali rerum conditione spatium futurum sit à corporibus vacuum? Corpus omne, quod in vase continebatur, destructum est, omnis alterius corporis ingressus prohibetur, & vas suam figuram conservare supponitur, certe necessarium esse videtur, ut vacuum seu spatium corpore non repletum detur. Respondent Cartesiani, hisce suppositis, vasis latera corrutitura, & ad se invicem necessario accessura. At cum secundum ipsos Cartesianos nullum corpus potest seipsum movere, cumque, ex hypothese, nullum aliud est corpus, quod vasis latera ad se invicem pellat, nullus etiam sequetur eorum ad se invicem accessus. Dicent forsan, aerem undequaque diffusum & vasis latera circumcirca prementem, illius motus causam fore. Verum cum pressio aeris sit vis infinita, talis potest esse vasis firmitas, quæ illi pressioni æquipollere possit, adeoque vas suam conservabit figuram: sed demus illis, vasis latera corrutitura; quæro quodnam corpus in illorum locum successurum erit? (respondebunt) Aer; quodnam corpus locum ab eo aere derelictum possidebit? Alius (fortasse dicent) aer successurus erit; at tandem subsistere oportet, & ad corpus aliquod pervenire necesse est, in cuius locum nul-

lum

lum aliud corpus ingrediatur ; absurdum enim est , dari progressum in infinitum . Vacuum igitur in illo casu necessario dabitur .

Sed & alia invicta demonstratione ex Geometria petita ; spatii corporis vacui possibilem saltem existentiam ostendemus : ad quod præstandum præmittimus duo sequentia effata, tanquam axiomata à nemine philosophorum in dubium vocanda . Primum est , quod corpus nullum , aut nulla materia pars alterius corporis existentia indigeat ad suam existentiam , *v. gr.* potest sphaera existere , sive aliud quodcunque corpus existat , aut non existat ; hoc ex natura substantiae clare sequitur . 2do. Potest corpus aliquod , saltem si durum sit , suam conservare figuram , si nulla sint corpora externa, vel nulla agentia, quæ ei mutationem inferre conantur . Certe agnoscendum est , Deum posse corpus quodlibet in eodem statu , atque situ conservare ; & quæcunque extrinsecus accidunt , potest nihilominus figura corporis immutata manere .

Cum igitur sphaera una , vel etiam plures possunt existere , nullis aliis existentibus corporibus ; ponamus, omnia alia corpora à Deo annihilari , præter duas sphaeras ; vel potius fingamus, omnem materiam mundanam in duas sphaeras coacervari ; quæ exponantur per duos circulos , quorum centra sint A & B ; cumque supponitur , nullum aliud existere corpus , possunt corpora illa sphaerica suam conservare figuram , cum nullum ponitur agens externum, quod figuram sphaericam destruat , vel mutet : duæ igitur illæ sphaeræ , vel contiguae sunt , vel disjunctæ . Disjunctæ si sint , erit spatium aliquod intermedium nullo corpore repletum ; adeoque omne spatium non erit corpus . Si vero sphaeræ sese mutuo tangant ; illas sphaeras in unico puncto sese tangere necesse est , per demonstratam in elementis ; inter alia igitur sphaerarum puncta est aliqua distantia , hoc est , spatium aliquod interjacebit . Sumantur enim duo quæcunque extra contactum puncta , puta D & E ; si inter illa nullum interveniat spatium , hoc est nulla distantia , sphaeræ illæ in eisdem punctis sese contingant , quod est impossibile .

TAB. 1.
fig. 2.

Vel ulterius sic ostensive demonstrari potest spatium ab omni corpore vacuum. Ponamus, duas sphaeras, in quibus omnis materia mundana cumulari supponitur, esse aequales; in utraque accomodentur rectae CD , CE semidiametro utriusvis sphaerae aequales, jungatur DE ; erit-haec recta semidiametro sphaerae aequalis; ducantur enim AD , BE ; & quia in triangulis aequilateris ACD , BCE anguli ACD , BCE sunt utervis duorum rectorum pars tertia, erit angulus DCE duorum rectorum etiam pars tertia, omnes enim anguli ad punctum C constituunt duos rectos; unde cum DC , CE aequales sunt, erunt anguli CDE & CED etiam aequales, & simul sumpti conficient duorum rectorum duas partes tertias; quare utervis erit duorum rectorum una pars tertia; aequiangulum igitur erit triangulum DCE ; adeoque erit DE aequalis semidiametro utriusvis sphaerae, nec in hoc casu major, vel minor esse potest. Similiter inter alia quaecunque sphaerarum puncta, extra contactum ad C , erit distantia quaedam ad sphaerarum diametrum determinabilem habens rationem, adeoque erit inter eas sphaeras spatium certum & determinatum nullo corpore repletum; verum in eo spatio potest admitti corpus, cujus dimensiones dictis congruunt distantis, quod vero majores habet dimensiones, nullam potentiam potest in praedicto spatio locari; unde cum proprietates tales praedicto spatio demonstrative congruant, & nemine cogitante potest tale spatium revera existeret, clare sequitur contra Cartesianos, ideam, quam de spatio habemus, non esse Chimericam, aut imaginariam; quod enim chimericum est, nullam habere potest extra intellectum existentiam.

Statuendum igitur est, revera esse spatium ab omni corpore distinctum; quod sit quasi vas universale, intra quod omnia corpora continentur & moventur. At qualis sit hujus spatii natura, num sit quid positivum, actu per se extensum, & reali dimensione praeditum; sive ejus extensio oriatur ex relatione corporum in eo existentium, adeo ut sit mera capacitas, ponibilitas, seu interponibilitas, ut nonnullis loqui placeat, & in eadem entium classe ponendum, qua mobili-

tas

tas & contiguitas; siue spatium nostrum sit ipsa divina immensitas, quæ est per omnia & in omnibus, siue sit creatum aut increatum, finitum vel infinitum, à Deo dependens vel independens, hîc non disquiremus; hæc omnia metaphysicis disputanda relinquimus. Nostro negotio sufficiet, quasdam illius proprietates exposuisse, & ejus distinctionem, seu naturam à corporis natura diversam, adstruxisse, & demonstrasse; qui plura velit, philosophos consulat.

LECTIO III.

De Magnitudinum Divisibilitate.

Quamvis, Academici, spatium à corpore realiter distinctum esse, plurimis demonstrari potest argumentis, & hætenus quædam attulimus, quæ insolubilia esse videntur; in eo tamen conveniunt ambo, quod extensio universale sit attributum ad utrumque necessario & essentialiter pertinens. Priusquam igitur ulterius progrediamur, non à re alienum erit, generalem quandam extensionis affectionem, illius nempe divisibilitatem exponere.

Hæc extensionis proprietas omni magnitudinis speciei, tam lineis quam superficiebus, tam spatio quam corpori competit, & necessario inest. Per divisibilitatem autem non hîc loci intelligimus actualem partium à se invicem separationem, quæ motum supponit, qualem quidem spatii natura non admittit, nec talem separationem demonstrationes ex Geometria accersitæ probant; verum nostra, quam hîc evincere conabimur, divisibilitas est solum magnitudinis cujusvis in suas partes resolutio, seu earum distinctio & assignabilitas; v. g. cum docet Euclides, in propositione nona element. primi, angulum quemvis rectilineum bisariam secare, non in ea methodum ostendit, qua una anguli pars media ab altera divulsa recedat, & ad datam ab ea distantiam ponatur, sed methodum tantum tradit, qua linea ducatur, ita angulum in duos alios angulos dividens, ut qui ab una illius lineæ parte

te

te jacet angulus, æqualis sit ei, qui ad alteram partem existit: sic etiam cum in propositione sequenti docet, rectam quamvis bisecare, docet tantum assignare punctum medium datam rectam in duas partes æquales dirimens, quod sit utriusque partis communis terminus, ubi scilicet desinit una partium æqualium, & incipit altera. Hæc magnitudinis in partes resolutio ita ei intima & essentialis est, ut illud quod partes non habet, scil. punctum, non magnitudo, sed magnitudinis initium dicatur vel finis; nec magnitudo quævis ex punctis potest constari, licet numero infinitis; omnis verò magnitudo non ex punctis, sed partibus, aliis nempe ejusdem generis magnitudinibus componitur, quarum unaquæque ex aliis etiam constatur partibus, & rursus quælibet harum partium alias adhuc in se continet partes, & sic in infinitum: nec unquam ad magnitudinem tam parvam pervenire possumus, quin adhuc in plures dividi possit partes, nullumque datur in quacunque magnitudinis specie absolute minimum, sed quicquid dividitur, dividitur in partes adhuc etiam divisibiles. Hæc semper ulteriori materiæ in partes resolutio, illius *Divisibilitas in infinitum* à philosophis nuncupatur; & recte sane, cum nulla assignari possit quantitas materiæ adeo minuta, & numerus finitus adeo magnus, quin numerus partium eam quantitatem componentium, in quas scil. resolvi potest illa quantitas, major sit numero illo utcumque magno; nam *illud infinitum vocamus, quod omni finito majus est*.

Quoniam autem infinita hæc materiæ divisibilitas rationibus ex Geometria petitis demonstranda sit, & cum hodie existant quidam philosophi, qui Geometriam ex Physica exulare cupiunt, eo quod ipsi Divinæ illius Scientiæ imperiti sint; & dum inter doctissimos haberi satagunt, nullum non movent lapidem, quo harum demonstrationum vim irritò utcumque convellant conatu; necesse erit, priusquam argumenta nostra geometrica proferamus eorum vim stabilire, & objectionibus quibusdam respondere.

Cum itaque inter hujus generis philosophos emineat Vir Clar. *Joannes Baptista Du Hamel*, Philosophiæ Bur-

gun-

gundicæ scriptor, libet, illius sententiam super hac re proferre. Dicit igitur, hypotheses geometricas nec veras esse, nec possibiles, cum scilicet nec puncta, nec lineæ, nec superficies, prout à geometris concipiuntur, vere in rerum natura existant; adeoque demonstrationes, quæ ex his afferuntur, ad res actu existentes applicari non posse, cum scilicet nihil eorum vere existit, nisi in ideis nostris: jubet igitur, geometras sibi suas servare demonstrationes, nec eas ad physicam transferre, quæ non lucem, sed majores huic scientiæ offundant tenebras.

Miror ego hujus viri, alias doctissimi, in hac re imperitiam. Potuit sane eodem jure suppositiones etiam quascunque physicas sustulisse, cum hypotheses geometricæ æquæ certæ, & æquæ possibiles sunt & reales, ac illæ sunt, quas physicas dicit: imo si existat corpus, necessario etiam existent vera puncta, veræ lineæ, & veræ superficies, prout à geometris concipiuntur; quod facile ostendemus. Nam si detur corpus, illud cum infinitum non sit, suos habebit terminos; corporis vero termini sunt superficies, & termini illi nullam habent profunditatem: si enim haberent, eo ipso, quod profunditatem haberent, corpora essent, haberentque illa corpora alios rursus terminos, qui superficies essent, adeoque esset superficies superficies. Vel igitur superficies illa omni destituta est profunditate, vel etiam profunditatem habebit: si prius, habemus quod petimus; sin posterius, ad aliam rursus pervenimus superficiem; atque sic progredieremur in infinitum, quod est absurdum: quare dicendum est, terminos illos omni profunditate privari, ac proinde veræ erunt superficies, & prout à geometris concipiuntur, absque profunditate, seu quæ longitudinem; & latitudinem tantum habent ad suam essentiam constituendam.

Rursus, cum superficies illa infinita non est, suis etiam claudetur terminis; termini vero illi lineæ dicuntur, quæ revera nullam habent latitudinem, alias enim superficies essent, & suos etiam haberent terminos, quos saltem concipere oportet omni latitudine destitutos; non enim (ut prius dictum

ctum est) dari potest progressus in infinitum, unde sequitur, dari lineas, quæ sunt tantum longæ absque omni latitudine: eodem prorsus modo & lineis sui etiam competunt termini, qui puncta vocantur, quibus nec longitudo, nec latitudo, nec profunditas convenit. Quare si corpus existeret supponatur, necessario tam superficies, quam lineæ & puncta geometrica, non tantum ut possibilia, sed etiam ut verè existentia ponentur.

Sed respondebunt, puncta illa, lineas, & superficies non esse materialia. Quid inde? Quis unquam dixit, punctum mathematicum materiam esse? Quis superficiem materialem agnoscit? Si materialis esset, suam haberet etiam superficiem sive terminum: superficiei autem superficiem quis unquam imaginatus est? Verum etiam si nec superficies, nec lineæ, nec puncta sunt ipsa materia, in ea tamen existunt vel existere possunt, tanquam illius modi, termini, seu accidentia; eodem prorsus modo, quo figura non est ipsum corpus, sed ejus tantum affectio, qua corpus sub datis terminis comprehenditur, habetque hæc proprietates reales à corporis proprietatibus omnino distinctas.

Sed rursus obijciunt nostri philosophi, nullam esse in rerum natura superficiem perfecte planam, nullum corpus perfecte sphericum, quale sibi fingunt geometræ, nec curvam ullam perfecte circularem. At quo pacto hoc illis innotuit? An omnia viderunt, quotquot sunt in mundo corpora, & per microscopia ea contemplati sunt? Dicent fortasse, corporum superficies planas, vel sphericas esse non posse, quia in harum figurarum naturis est contradictio quædam, & impossibilitas. At, ut contradictionem ostendant, velim; corpus omne aliqua saltem figura terminari necesse est; superficies planæ, vel sphericæ sunt omnium conceptu facillimæ, & simplicissimæ. Qualis igitur est in illis repugnantia, ut impossibile sit, corpus sub istiusmodi superficiebus comprehendi? Credo, neminem esse, qui Geometriam vel primus labilis tetigerit, quin harum figurarum naturam, & proprietates magis perspectas habeat, & plures earum affectiones norit, quam omnes istiusmodi philosophi intelligunt,

gunt, vel fortasse unquam sunt intellecturi: at horum nemo talem deprehendit in hisce figuris repugnantiam; nullus Geometra istiusmodi contradictiones in figurarum naturis unquam suspicatus est: è contra, harum possibilitatem evincunt tot pulchræ earum proprietates à geometris detectæ atque demonstratæ; nam rei impossibilis nullâ est vera proprietas, nulla demonstratio. Restat igitur, ut has figuras tanquam possibiles agnoscant; & si possibiles sunt, potest Deus corpora istiusmodi superficies habentia è materia formare. Ponamus igitur duo corpora, quorum unum planis, alterum sphaerica terminatur superficie; si igitur corpus sphaericum super plano constituitur, illud vere continget: at continget in unico tantum, & indivisibili puncto, seu in puncto, quod partes non habet, (per Cor. Prop. 2 El. 3ⁱⁱ) & proinde erit in illo casu verum punctum. Sed ulterius; ponamus, corpus sphaericum super plana superficie moveri, seu progredi absque omni circa axem aliquem rotatione, ita scilicet, ut punctum sphaeræ planum contingens semper in eodem plano inveniat; eritque via, quam punctum illud motu suo describit, linea vere mathematica absque omni latitudine: & si quidem sit via brevissima inter duo quælibet puncta in illo plano, orietur ex motu illo linea recta, sin aliâ, curva, vel ex pluribus rectis composita, vel partim ex his, partim ex illis constata. Puncta igitur, lineæ, & superficies, prout à geometris concipiuntur, vel finguntur, sunt possibilia, quod ostendi oportebat. Aliis etiam innumeris modis potest eorum possibilitas demonstrari, verum piget hisce ineptiis diutius immorari. Hoc tantum libet admonere, quod inter duo quælibet duorum corporum puncta erit distantia data & determinata; v. g. inter solis & stellæ fixæ centra est determinata distantia, quæ per rectam lineam mensuratur; duo illa puncta interjacentem; quæ erit omnium linearum, quæ à puncto uno ad alterum duci possunt, brevissima, & minimo tempore data velocitate peragrandâ; hæc inquam distantia eadem manet, qualiscunque futura sit corporis intermedii figura, sive planis claudatur, sive sphaericis contineatur superficiebus, sive demum absit omne cor-
pus

pus medium, & nihil intersit, præter spatium; eadem manebit linea magnitudine & positione, quamdiu corporum centra immota manent.

Stabilitis jam principiis, ad propositum redeo, ut scilicet demonstretur, extensionem omnem, tam corpoream, quam incorpoream in infinitum esse divisibilem; seu partes habere numero infinitas; quod pluribus invictis rationibus probare conabimur. Prima sit hæc; exponatur linea quævis AB ; dico, illam divisibilem esse in partes numero omni finito numero dato majores.

TAB. I.
fig. 1. Ducatur per A recta quævis AC , & huic per punctum B parallela ducatur BD , & in AC capiatur punctum quodvis C . Si igitur recta AB non est divisibilis in infinitum partium numerum, divisibilis tantum erit in numerum partium finitum; sit ille numerus qualiscunque, v. g. senarius. In linea BD ad partes puncto C oppositas capiantur quotcunque puncta, plura quam sex, v. g. puncta E, F, G, H, I, K, L , & ducantur (per postulatam primum *Euclidis*) $CE, CF, CG, CH, CI, CK, CL$; hæc ductæ dividunt rectam AB in tot partes, quot sunt rectæ: si enim non dividunt, ergo plures rectæ in uno aliquo puncto rectam AB intersecabunt; sed omnes se intersecant in communi puncto C , quare duæ aliquæ rectæ sese bis secabunt, & proinde vel spatium comprehendent, vel habebunt idem segmentum commune: quorum utrumque est contra axiomata in Elementis posita. Dividitur igitur AB in tot partes diversas, quot sunt rectæ; sed tot sunt rectæ, quot puncta in recta BD sumpta fuerint: quare cum sumpta fuerint plura puncta quam sex, erit linea AB in plures partes quam sex divisibilis. Eodem modo, quantumvis magnus ponatur numerus, ostendi potest, lineam AB esse divisibilem in partes numero majores illo numero, majorem scilicet assumendo in recta BD punctorum numerum (quod facile fieri potest, cum nullus sit numerus finitus ita magnus, quin major sumi possit, idque in data quavis ratione, majoris inæqualitatis), atque ducendo rectas a puncto C ad puncta in recta BD assumpta; hæc quippe rectæ rectam AB dividunt in tot partes, quot sunt rectæ, adeoque in plures par-

partes, quam numerus primo positus, qui (utcumque magnus sit) conflat unitatibus; erit itaque recta AB divisibilis in plures partes, quam per ullum numerum finitum exprimi potest; adeoque erit divisibilis in infinitum. Q.E.D.

TAB. I.
fig. 4.

Argumentum secundum. Exponatur recta quæcumque AB; dico illam divisibilem esse in infinitas numero partes; si enim non est divisibilis in partes numero infinitas, divisibilis erit in partes numero finitas; sit ille numerus quivis v. g. quinaris; ducatur recta quævis AK angulum utcumque cum AB continens, in eaque, quantum opus est producta, capiantur quot volueris puncta, plura quam quinque: sint v. g. C, D, E, F, G, H, K; jungatur KB; perque puncta C, D, E, F, G, H ducantur rectæ ipsi KB parallelæ; dividant hæ necessario rectam AB in tot partes, quot sunt rectæ: si enim non dividant, ergo plures rectæ in uno puncto concurrent: at non concurrent, cum parallelæ ponantur; quare unaquæque recta in diverso puncto rectam AB interfecabit, & omnes in tot partes rectam AB dividant, quot sunt rectæ parallelæ ductæ. At ductæ sunt plures quam quinque, ergo divisa erit recta AB in plures partes quam quinque: idem de alio quovis numero dicendum erit. Quare, nullus est numerus tam magnus, quin numerus partium, in quas recta AB est divisibilis, erit illo numero major, adeoque recta AB est divisibilis in infinitum.

310. Si quantitas non est divisibilis in infinitum, divisibilis erit in partes ulterius non divisibiles; at nulla est pars, quæ ulterius dividi non potest: quia nulla datur quantitas tam parva, quin adhuc minor accipi possit, idque in data ratione minoris inæqualitatis. Sit enim recta AB, & ejus pars quantumvis parva sit AC; dico, ipsa AC minorem lineam accipi posse, in ratione quacunque minoris inæqualitatis, v. g. ut unum ad tria. Ducatur à puncto A recta quævis AD, inque ea capiantur rectæ AE, EF, FG æquales: jungatur GC & per E agatur EH ipsi GC parallela; erit recta AH ipsius AC pars tertia: demonstratio constat ex *nona propositione Element. sexti*. Adeoque recta AC non erit minima, quæ accipi potest. Idem de alia quavis recta demonstrari potest,

TAB. I.
fig. 5.

potest, ac proinde nulla est in natura quantitas minima.

TAB. I.
fig. 6.

Præterea, si quantitas ex indivisibilibus componeretur, multa exinde sequerentur absurda; sint enim v. g. duo circuli ABCD, EFGH concentrici, dividaturque circumferentia major in partes suas indivisibiles, & ducantur à centro Q ad singulas hæcæ partes rectæ QOM, QPN, quæ circumferentiam utramque in æquales numero partes dividunt, & circumferentia major ABCD in partes suas minimas divisa erit; quare & circumferentia minor EFG tot partibus minimis, seu indivisibilibus constabit, quot constat ABC circumferentia; adeoque cum indivisibile indivisibili æquale sit, erit circumferentia EFGH æqualis circumferentiæ ABCD; minor majori: quod fieri non potest.

Ultimo. Ex hac quantitatis ex indivisibilibus compositione sequitur, nullas dari magnitudines incommensurabiles, contra quod à geometris passim demonstratur. Nam si magnitudo omnis ex indivisibilibus constaret, indivisibile illud esset omnium magnitudinum ejusdem generis adæquata & communis mensura: in omnibus enim aliquoties exacte contineretur, adeoque omnes in magnitudines communem mensuram habebunt, & latus quadrati illius diagonio esset commensurabile; contra *ultimam Propositionem Element. decimi*.

Innumeræ aliæ possunt adduci demonstrationes, quibus continui infinita divisibilitas ostendatur, & indivisibilium hypothesis funditus evertatur. Sed quid opus est pluribus? Cum hætenus allata argumenta non minorem habeant vim ad assensum cogendum, quam demonstratio quævis in elementis *Euclidis*; imo impossibile est, ut ea convellantur, quin simul Geometriæ fundamenta corruant; quæ tamen nulla unquam ætas, nulla philosophorum hæresis labefactare poterit.

Ut igitur argumentorum vim devient philosophi, distinguunt inter corpus mathematicum, & corpus physicum; corpus scil. mathematicum divisibile esse in infinitum, demonstrationum vi coacti, lubenter agnoscunt; corpus physicum in partes ulterius divisibiles semper resolveri posse negant. Sed quid quæso est corpus mathematicum, nisi quiddam

dam in trinam dimensionem extensum? Nonne corpori mathematico competit divisibilitas, eo quod extensum est? At eodem etiam modo extenditur corpus physicum; quare cum divisibilitas ab ipsius extensionis natura & essentia dependeat, & inde ortum suum trahat, illam omnibus extensis tam physicis quam mathematicis convenire necesse erit. Ut enim logicorum phrasi utar, quicquid prædicatur de genere, prædicatur de omnibus speciebus sub eo genere contentis.

Est & alia apud philosophos haud absimilis distinctio, qua corpus quodvis mathematicè divisibile esse in infinitum concedunt; divisibile autem esse physice negant. Si ullus sit horum verborum sensus, hic erit: corpus esse mathematicè, hoc est, realiter, & demonstrative divisibile in infinitum, concedunt; physice autem, seu secundum falsam suam hypothesin, negant; atque sic habebunt distinctionem, contra quam nihil urgeri potest.

Quoniam philosophi, contra quos disputamus, demonstrationibus geometricis non satis assueti sunt, & proinde earum evidentiam non facile perspiciunt; priusquam huic lectioni finem imponamus, libet, unum argumentum physicum ex motu petitum, pro infinita continui divisibilitate proferre; scil. si continuum ex indivisibilibus constaret, sequeretur, omnes motus æquiveles fore, nec minus in eodem tempore conficeret spatium segnissima testudo, quam *velox* *græc.* Achilles. Ponamus enim, Achillem velocissime cursurum, & testudinem segnissime repturam: si continuum ex indivisibilibus constaret, non potest testudo in aliquo dato tempore minus conficere spatium, quam Achilles; nam si Achilles in uno temporis instanti indivisibile pertransit spatium, non potest testudo minus spatium in eodem temporis momento transire, quia ex hypothesi non datur minus. Indivisibile enim alio indivisibili minus non erit, ergo pertransibit æquale; idem de alio quovis temporis momento dicendum est: ergo semper ab utroque percurrentur spatia æqualia; & proinde Achilles velocissimus non plus conficiet spatium, quam testudo lentissima; quod est absurdum. Alia ejus-

dem generis absurda ex eadem indivisibilium hypothefi deduci possunt ; verum , quæ dicta sunt , fufficiant .

L E C T I O I V .

In qua respondetur objectionibus contra materia divisibilitatem afferri solitis .

HActenus , Academici , argumenta exposuimus , quibus continuum materiz in infinitas numero partes divisionem clare satis demonstravimus ; restat , ut objectionibus seu philosophorum argutiis respondeamus . Sunt enim philosophi haud pauci , qui nescio qua idearum obscuritate laborantes , & demonstrationum , quas attulimus , evidentiam non satis perspicientes , contra rem tam manifeste veram argumenta sua proferre non audeant tantum , verum & confidunt specioso demonstrationum titulo ea insignire . At ego , qui plures illorum evolvi libros , nunquam incidi in quicquam ab iis de hacce re scriptum , quod rationis quidem speciem haberet ; adeo equidem sunt demonstrationibus destituti , ut ne minimam demonstrationis umbram in iis quicquam geometra , etsi lynceis donatus fuerit oculis , perspicere queat . Fateor tamen , esse aliquid in natura infiniti , quod humano intellectui haud adæquate comprehensibile esse videtur ; adeoque non mirum erit , si ex ea quædam sequuntur , quæ hominum mentes densa caligine involutz concipere non possunt : & speciatim in hac , quam nunc prosequimur , quæstione , multa sunt , quæ quibusdam philosophis , hisce rebus minus assuetis , paradoxa & incredibilia videntur : nihil tamen exinde sequitur , quod vel contradictionem implicat , vel cuivis axiomati , aut demonstrationi repugnat . Sed videamus , quas afferunt philosophi Atomistæ , argutias . Prima est ea Epicuri ; si continuum divisibile esset in infinitum , contineret infinitas numero partes , adeoque finitum contineret infinitum , quod est absurdum . At rogo , ut terminos suos explicant , & dicant ; quid per has voces intelligunt , *in-*
fini-

fnitum non poffe contineri in finito ; fi dicant , infinitam magnitudinem non poffe in magnitudine finita contineri , hoc lubenter concedam ; at hujus contrarium non fequitur ex ea , quam propofuimus , doctrina ; nec unquam illud neceffaria confequentia exinde deducere poffunt . Si dicant , partes numero infinitas , & infinite exiguas non poffe finitâ magnitudine contineri , hoc illud ipfum eft , quod iis probandum incumbit . Non , ut opinor , dicent , ipsis abfque ratione credendum effe ; nec illud tanquam propofitionem , per fe claram inter axiomata reponent , cujus contrarium tot validis rationibus demonftrari poteft . Urgeant itaque , partes numero infinitas infinitam magnitudinem componere ; fed hoc rurfus eft principium petere ; illud enim ipfum eft , de quo difputamus , utrum fcil. finita magnitudo poteft habere partes numero infinitas ? Certum enim eft , quocunque partes habeat , five finitas , five infinitas , eas fuo toti æquari : ficut enim decem partes decimæ unitatis efficiunt unitatem , centum centefimæ unitatis partes fimul fumptæ etiam unitatem component , & mille partium millefimarum in unum collectarum fumma toto non major erit ; ita etiam partes infinitæ infinitæfimæ alicujus magnitudinis ipfam magnitudinem adæquant . Vel fic : fit linea AB divifa in partes centum ; erunt omnes hæ fimul fumptæ ipfi AB æquales : & eodem modo , fi recta AB dividi intelligatur in mille partes , harum partium mille fimul fumptæ magnitudinem nec majorem nec minorem ipfa AB component . Vel etiam , fi divideretur recta AB in milliones , partes hæ rurfus fimul fumptæ toti AB erunt æquales ; & univerfaliter , fi fint duæ magnitudines AB & C , habeatque C eandem rationem ad AB , quam habet unitas ad numerum quemvis N , erit quantitas C per numerum N multiplicata ipfi AB æqualis . Cum enim quantitates C , AB , unitas , & numerus N fint proportionales , erunt extremæ in fe invicem ductæ mediis in fe invicem ductis æquales ; at cum AB per unitatem multiplicata ipfi AB eft æqualis (unitas enim nec multiplicatione auget , nec divifione minuit) , erit quantitas C per N numerum

TAB. 1.
fig. 7.

C ,

mul-

multiplicata ipsi AB æqualis: quantumvis igitur magnus, sive parvus sit numerus N , hic multiplicans quantitatem C faciet semper productum ipsi AB æqualem, modo C talis sit quantitas, ut ad AB eandem habeat proportionem, quam habet unitas ad dictum numerum N . Adeoque si N sit numerus infinitus, & C pars rectæ AB infinitesima, hoc est, si eandem habeat quantitas C rationem ad AB , quam habet unitas ad numerum infinitum N , est etiam quantitas C per numerum infinitum N multiplicata, hoc est, infinities sumpta, quantitati AB æqualis, nec eâ major, sicut nec minor esse potest. Si igitur partium magnitudo eadem ratione diminuat, qua earum numerus augetur, totum ex hisce omnibus partibus conflatum idem manebit; nec æstimanda est quantitas aliqua ex partium numero, sed ex earum numero, & magnitudine conjunctim; adeoque si partes infinite parvæ sint, necesse erit, ut earum multitudo sit infinite magna, priusquam quantitatem quamvis dabilem exsuperare possint. Sed præterea plura possumus proferre exempla, tam ex Arithmetica, quam ex Geometria, ubi, ipsis fatentibus adversariis, partium numerus erit infinitus, at ipsa magnitudo ex partibus istis infinitis composita finita erit. Sit primum exemplum series infinita numerorum in ratione quavis decrecentium, quæ finito adæquatur numero *v. gr.* $1; \frac{1}{2}; \frac{1}{4}; \frac{1}{8}; \dots$ &c. Hujus seriei in infinitum continuatæ summa erit unitati æqualis; at cum in infinitum extendatur series, erunt ejus termini numero infiniti; quare in hoc casu partes quantitatis numero infinitæ finitam efficiunt quantitatem. Similiter & hujus seriei summa $1; \frac{1}{2}; \frac{1}{4}; \frac{1}{8}; \dots$ &c., cum in infinitum continuatur, æqualis erit parti uni secundæ, seu unitatis dimidio, ut in Arithmetica demonstratur; at nemo negabit, seriem hanc in infinitum continuatam infinitas partes habere; quare possunt dari partes quantitatis numero infinitæ, quæ tamen unitatis partem dimidiam non exsuperant. Similiter in Geometria notum est, spatium posse dari infinite longum, quod tamen spatio finito perfecte adæquatur; hoc enim infinitis fere exemplis demonstraverunt Clarissimi Geometræ *Torricellius*, *Wallisius*, *Barovius*, & alii, ex quibus

bus libet exempla quædam proferre. Et primo sit curva ABCD talis naturæ, ut si sumptæ fuerint in asymptoto EH TAB. v. rectæ EF, FG, GH æquales, seu positæ rectis EF, EG, fig. 8. EH in proportionē arithmetica; & ad puncta E, F, G, H ordinatim applicentur rectæ AE, BF, CG, DH; sint ordinatæ hæ in proportionē geometrica: curva ABCD dicitur curva logarithmica, & spatium interminabile inter asymptoton & curvam infinite productas contentum, æquale erit spatio finito, ut à Clarissimo *Barevio* in lectionibus geometricis demonstratur; ex quo potest colligi supra nominatæ proprietates numerorum in proportionē quavis geometrica decrescentium. Sed ut hoc ad propositam nostram applicemus; nemo non agnoscat, in spatio interminabili HGFEABCD, quod infinite longum est, esse partes numero infinitas; at omnes illas spatii partes esse spatio finito æquales, demonstrant geometræ; quare sunt aliquæ partes spatii numero infinitæ, quæ non spatium infinitum, sed finitum conficere possunt. Eodem modo, in hyperbolis omnibus, Apollonianâ exceptâ, erit area inter curvam & asymptoton infinite protensas perfecte quadrabilis, & areæ finitæ æqualis; sed in areis hisce omnibus sunt partes numero infinitæ, quare erunt partes numero infinitæ æquales quantitati finitæ. Præterea, in hyperbola Apolloniana CAB, etsi area interminabilis, inter curvam AB & asymptoton EF in infinitum TAB. fig. 9. protensas contenta, sit area infinita, seu qualibet finita major; si tamen area illa infinita circa asymptoton suam revolvatur, generabitur solidum, seu corpus vere infinite longum, quod tamen æquale erit solido, seu corpori finito; ut elegantissime à *Torricellio* demonstratum est, qui solidum hoc hyperbolicum acutum nominavit: at in hoc solido sunt partes numero infinitæ, cum scilicet infinite longum est; ergo partes corporis numero infinitæ finitum component corpus. Alia innumera proferre possumus hujus rei exempla, sed diutius fortasse, quam par est, huic objectioni refellendæ immorati sumus.

1do. Obijciunt Atomistæ; si quantitas omnis est divisibilis in infinitum, magnitudo quævis minima æquabitur maxi-

mæ, cum scilicet tot partes habet minima, quot maxima. Qualis, quæso, est hæc consequentia? An quia ulna *Anglicana* dividi potest in centum partes, & pes Anglicanus etiam dividi potest in centum partes, ideo sequitur, pedem ulnæ æquari? At ovum ovo non similiter invenietur, quam est hæc argumentatio illorum objectioni; quæ falsissimæ innititur hypothefi, qua magnitudines volunt solum per partium numerum, non item per earum quantitates esse mensurandas.

Uterius objiciunt; si pes dividatur in infinitas partes æquales, & ulna etiam ita dividatur, ut pars unaquæque ulnæ sit æqualis parti cuiusvis pedis, erit numerus partium in ulna triplus numeri partium in pede; unde cum numerus partium in pede sit infinitus, erit numerus partium in ulna istius numeri infiniti triplus, & inde daretur infinitum triplo majus. At unde notum est illis, hoc esse absurdum? An contradicit axiomatici alicui vulgo recepto? Nequaquam mercuriale; nullum enim est axioma, quod omnia infinita æqualia ponit. Nec infiniti naturæ repugnat, ut ab alio infinito superetur: nam si detur infinitum, infinita *v. gr.* linea, erunt in ea infinita milliaria, plura stadia, & multo plures pedes. Sic in spatio, quod undique extensum imaginamur, si duæ lineæ parallelæ in infinitum producantur, erit area ab hisce rectis comprehensa reverà area infinita, eo quod omnem aream finitam, seu undique clausam superat; erunt igitur in ea infinita jugera, plures perticæ quadratæ, & multo plures pedes quadrati; rursus, si intra has lineas ducatur recta utrivis earum parallela, dividet hæc linea priorem aream in duas areas etiam infinitas; quæ igitur simul sumptæ priori infinito adæquantur. Non igitur naturæ infiniti repugnat, illud posse ab alio infinito excedi, per aliud multiplicari, & in alia etiamnum infinita dividi; hæc, inquam, nullo modo repugnant, sed ex ipsius rei natura facillime sequuntur; imo nemo est, qui infinitum spatium concedit, quin simul agnoscere cogatur istius spatii in alia infinita divisibilitatem.

Aliud perunt argumentum contra infinitam materiæ divisibilitatem ex omnipotentia divina. Dicunt enim, Deum pos-

se

se continuum quodvis in partes suas infinitesimas resolvere , atque partes hæc à se invicem separare : sed si hoc fiat , daretur pars ultima , & divisibilitas continui tandem exhauriretur ; ergo continuum non infinitum sectile est . Respondeo , proculdubio Deum posse quicquid est possibile , aut quod immutabili ipsius naturæ non repugnat ; at cum hæcenus demonstravimus , nullam dari posse materiæ particulam utcumque parvam , quæ non iterum secari potest in infinitas alias etiam particulas ; liquet exinde , Deum non posse ita secare materiam , ut detur pars ultima indivisibilis . Si enim ad hoc se extenderet potentia Divina , posset Deus aliquid , quod contradictionem involveret , vel quod immutabili ipsius essentiae repugnaret . Sed ulterius urgent , si quantitas omnis sit divisibilis in infinitum , & partes actu sint in continuo , dabitur actu pars infinitè parva , adeoque ulterius non divisibilis . Respondeo primo ; possum cum *Aristotele* negare , esse partes actu in continuo , & inde corrueret eorum argumentum ; quod , ut demonstrationem invictam , tantopere prædicant . 2do . Concedamus illis , partes esse actu in continuo ; concedamus , esse partes infinitè parvas , & indivisibiles ; concedamus denique argumentum , nihil tamen exinde inferitur contra quantitatis non infinite parvæ continuam & in infinitum divisibilitatem ; hæc in argumento supponitur , at non refellitur ; an quia pars continui infinite parva non est ulterius divisibilis , ideo sequitur , partem datam , seu partem non infinitè parvam etiam non esse ulterius divisibilem ? Si aliquid exinde sequatur , sequitur , continuam omnem quantitatem in partes infinitè parvas posse resolveri , adeoque continuum esse in infinitum divisibile . Sed tertia & vera responsio sit ; negando , esse partes in continuo adeo minutas seu parvas , ut nequeant esse ulterius divisibiles ; & quamvis darentur partes infinitè exiguæ , vel tales , quæ eandem habent proportionem ad sua tota , quam numerus finitus ad infinitum , vel spatium finitum ad infinitum ; negamus tamen , hæc partes non esse ulterius divisibiles : sed cum ipsæ sunt extensæ , erunt etiam divisibiles non tantum in duas , tres , vel plures partes , sed etiam quælibet potest in infinitum secari : quan-

titatis infinite parvæ partes numero infinite, infinitesimæ infinitesimarum, seu fluxiones fluxionum à geometris dici solent, à quibus adhibentur ad plura problemata aliàs intricatissima solvenda. Præterea, & harum fluxionum dantur & aliæ fluxiones, seu partes suis totis infinite minores, & harum rursus partium erunt aliæ partes, atque sic, quousque libet, progredilicebit. Non dissimulo, ob humani ingenii imbecillitatem hoc conceptu esse difficilimum; non ideo tamen deferenda est veritas validissimis suffulta argumentis, præsertim cum quædam sunt, quæ à tenui nostro intellectu, difficulter admodum capiuntur, quæ tamen esse certissime novimus. Exempla possumus comparare plurima, at ea tantum adducemus, quæ ad rem propositam illustrandam interserviunt; quibus ostendemus, esse quantitates infinite minores aliis datis quantitativibus, quæ tamen erunt aliis infinite majores; ita, si dentur quædam quantitates infinite parvæ, erunt quædam etiam quantitates his infinite minores, & rursus his ultimis fieri possunt aliæ infinite minores, & sic semper deinceps, usque ad infinitum.

TAB. I.
fig. 10.

Primo igitur, sic probamus, dari quantitates, quæ quantitativibus infinite parvis sunt infinite minores; sit circulus ABF, cujus diameter AB, sitque BF pars peripheriæ infinite parva, cujus proinde chorda erit etiam infinite parva, hoc est, chorda BF, ad magnitudinem quamvis determinatam, v. gr. ad circuli diametrum AB, eam habebit proportionem, quam habet magnitudo quævis finita ad infinitam. Demissa intelligatur à puncto F ad A B perpendicularis FG; erit BG recta BF infinite minor. Ducatur enim AF; eritque angulus AFB in semicirculo rectus. Adeoque in triangulo AFB rectangulo ad F, ob demissam in basim AB perpendicularem FG, erit per 8^{am} 6^{ti} El. AB ad BF, ut BF ad BG. Sed, ex hypothesi, AB infinite major est quam BF, quare erit & BF infinite major quam BG; erit igitur quantitas, quæ, etsi alia data quantitate sit infinite minor, alia tamen quantitate infinite major erit.

Sic etiam in circulo notum est, sinum cujuslibet arcus esse suo arcu minorem, tangentem vero esse arcu majorem,

&

& proinde tangens arcus erit etiam ejusdem sinu major. Sit itaque in circulo, cujus centrum C, & diameter AB, arcus TAB. 1., infinite parvus BF, cujus tangens sit BE, sinus rectus GF, & sinus versus GB; per F ducatur FH ad AB parallela; erit HE æqualis differentiæ sinus recti FG & tangentis BE, quæ ex jam ostensis non est omnino nihil. Jam in triangulis CBE, FHE æquiangulis, ob angulos ad H & B rectos, & E communem, erit, per 4^{am} 6^{ti}, CB ad BE, sicut FH est ad HE; sed ex hypotheli CB infinite major est quam BE; quare erit & FH infinite major quam HE: id est, in presenti casu, erit BG sinus versus arcus infinite parvi infinite major quam differentia inter sinum rectum & tangentem ejusdem arcus. Cum igitur CB sit infinite major quam BE, & BE, ut superius demonstratum est, sit infinite major quam BG, & rursus, per jam ostensa, BG infinite major quam HE, liquet propositum.

Ad uberiores hujus doctrinæ illustrationem, aliud libet asserre exemplum, quod à summo illo Philosopho & Geometra Newtono deprompsimus, in scholio sectionis primæ *Philosophiæ Natur*. Sit curva AC parabola Apolloniana; TAB. 1. cujus axis AB, & AE tangens in vertice A. Demonstrant fig. 12. scriptores conici, ut in circulo, sic etiam in parabola, angulum contactus EAC esse angulo quovis rectilineo infinite minorem. Ad eundem jam axem AB & verticem A, describi intelligatur alterius generis parabola; cubicalis scilicet, cujus ordinatim applicatæ crescunt in subtriplicata ratione interceptarum; erit angulus contactus EAD angulo contactus parabolæ FAC infinite minor; vel quod idem est, nullæ sunt parabolæ Apollonianæ, vel nulli circuli, quantumvis magna parametro describantur, qui inter parabolam cubicalem & ejus ad verticem tangentem duci possunt; quod facillè sic demonstratur. Dicatur parabolæ Apollonianæ AC parameter a; parabolæ cubicalis AD parameter sit b; accipiaturs in tangente punctum E tale, ut sit AE rectis a & b tertia proportionalis, hoc est, ut sit $a \times AE = b$; per punctum quodlibet F medium inter A & E ducatur FD ad axem parallela; curvæ AD occurrens in D; ducatur BCD ad tangentem par-

rallela, & vocetur BD, in parabola AD ordinatim applicata, z; BC autem, ordinata in parabola AC, sit y; & intercepta AB sit x. Erit ex natura harum curvarum $ax = y^2$, &

$b'x = z^2$, adeoque $\frac{y^2}{a} = x = \frac{z^2}{b'}$; unde $b'y^2 = az^2$, & igitur

reducendo hanc æquationem ad analogiam, $b':az::z^2:y^2$, hoc est, $b' : a :: a \times AE$ est ad az seu $a \times BD$ vel $a \times AF$, ut BD^2 ad BC^2 : sed est $a \times AE$ major quam $a \times AF$, quare erit BD^2 major quam BC^2 , & proinde BD major quam BC; punctum igitur C cadit intra parabolam AD. Idem verum est de omnibus ordinatis BC, quæ sunt rectæ AE minores; adeoque portio parabolæ Apollonianæ AC ad verticem cadit intra parabolam cubicalem. Eadem de quavis alia parabola Apolloniana est demonstratio; adeoque nulla potest duci parabola, & proinde nullus circulus (qui semper alicui parabolæ est æquicurvus) inter parabolam cubicalem & ejus ad verticem tangentem.

Quantumvis igitur diminuatur angulus contactus parabolicus vel circularis, erit tamen angulo contactus ad verticem parabolæ cubicalis major; ideoque erit quivis datus angulus contactus circularis vel parabolicus angulo contactus ad verticem parabolæ cubicalis infinite major; quantitas enim altera infinite major est, quæ, quantumvis diminuta, alteram illam semper superat.

Adhuc ad eundem axem & verticem describi intelligatur alia curva parabolica AG, cujus ordinatim applicata quævis crescat semper in subquadruplicata ratione interceptæ; erit angulus contactus FAG angulo FAD infinite minor; quod ratiocinio priori haud dissimili demonstrare facile est. Eodem modo ad eundem axem & verticem potest alia describi curva parabolica AH, cujus ordinatim applicatæ crescunt in subquintuplicata ratione interceptarum, in qua sit angulus contactus FAH angulo FAG infinite minor; atque sic progredi licebit in infinitum, semper assignando alias, atque alias figuras parabolicas, quarum anguli contactus infinite à se invicem differant: scil. erit angulus FAC infinite minor angulo quovis rectilineo, & angulus FAD infinite

te minor angulo FAC, & angulus FAG infinite minor angulo FAD: atque sic habebitur series angulorum contactuum in infinitum pergentium, quorum quilibet posterior est infinite minor priorè; imo inter duos quoslibet angulos, alii interferi possunt anguli innumeri, qui sese infinite superant. Sed & inter duos quosvis ex hisce angulis, potest series in infinitum pergens angulorum intermediarum interferi, quorum quilibet posterior erit infinite minor priorè. Quin etiam possunt esse anguli innumeri angulo contactus circulari infinite majores, qui tamen erunt angulo rectilineo infinite minores. Atque sic progreditur in infinitum; *neque novit natura limitem*.

Hæc adhibui exempla, ut videant adversarii, immane quantum discedunt à veris rerum naturis eorum de rebus ipsis speculationes.

LECTIO V.

De Materiae Subtilitate.

Postquam infinitam materiae divisibilitatem validissimis (ut nobis videtur) propugnaverimus rationibus; objectionibus, quæ alicujus momenti sunt, prostratis prorsus & deletis; restat, ut mirandam naturæ subtilitatem, & minutissimas illas particulas, in quas materia actu dividitur, vel ex quibus componitur, paulisper contemplemur; has quidem undique comparatis exemplis, ante oculos vestros poni, sensibus obverti, & ipsarum exilitatem calculo ostendi, facillimum foret. Nos autem pauca tantum proferemus.

Et primo, ex summa auri ductilitate exiguum partium ipsius molem computatione collegerunt doctissimi viri *Robaustus Gallus in tractatu suo physico*; *Nobilis Boyleus* nostras in libro de *Effluviis*; & nuper *Clarissimus Hælleius in Actis Philosophicis numero 194. Hælleius* quidem demonstravit, unum auri granum in 10000 partes visibiles posse secari; adeoque cum unum auri granum æquale sit circiter

— unius digiti cubici, sequitur, unam digitum cubicum
100000 auri

auri dividi posse in partes 47 619 047; quæ omnes erunt nudo oculo satis spectabiles.

Computavit præterea *Halleius* crassitiem istius lamellæ aureæ, quæ super argentea fila ab artificibus inducitur; invenitque eam $\frac{1}{124500}$ digiti non excedere; hoc est, si digitus longus dividatur in partes 124500, crassities istius lamellæ unam harum partium vix adæquabit, adeoque cubus partis centesimæ unius digiti, vel, quod idem est, digiti cubici pars

$\frac{1}{1000000}$ potest continere 243 000 000 talium particularum.

Alia experimenta quamplurima tradit de hac re insignis ille & nobilis philosophus *Robertus Boyle*, in præfato libro *De Natura & Subtilitate Effluviolorum*; quorum unum, aut alterum hic adducere liceat. Et primo, dissolvit unum cupri granum in spiritu salis *Armoniaci*; & inde orta solutio, cum aqua distillata mixta, tincturam cœruleam saturam valde atque conspicuam largita est granis aquæ 28534, unde, cum aquæ quantitas, cujus pondus est unius grani, æqualis sit

$\frac{1}{100000}$ unius digiti cubici, erunt grana aquæ 28534 magnitudi-

dine æqualia digitis cubicis 105, 57. cum igitur unum cupri granum potest colorem cœruleum tantæ aquarum copię communicare, necesse erit, ut sit pars aliqua hujus cupri in parte quavis visibili prædictæ aquarum copię; adeoque quot sunt partes in ea aquæ quantitate oculo visibiles, in tot ad minimum partes divisum erat unum cupri granum; at visu sensibilis est linea, cujus longitudo est pars digiti centesima, adeoque ejus lineæ quadratum, aut cubus adhuc multo magis erit visu dignoscibilis: quare cum cubus, cujus latus est pars digiti longi centesima, sit pars digiti cubici millionesima

$\frac{1}{1000000}$, sequitur ad minimum in digitis cubicis aquæ 105,

57 esse partes sensu distinguibiles 105 570 000; adeoque per prædictam solutionem in tot ad minimum partes dividetur

cu-

cupri granum . Est vero magnitudo unius cupri grani æqua-

lis digiti partibus circiter $\frac{55}{100\ 000}$, adeoque cum digitus cubi-

cus contineat propemodum 20000 talium particularum, hinc sequitur, digitum cupri cubicum in partes 2 1 1 1 400 000 000 actu posse resolvi : & si accipiatur minutissima arenula, talis scilicet, ut ejus diameter sit pars digiti centesima, vel quod tantundem est, ut ipsa arenula sit pars digiti millionesima, hæc duos milliones centum & undecim millia & quadringenti, seu 2 111 400 particularum, in quas divisum est cuprum, continebit .

Secundum, quod proponimus, exemplum ex sequentibus ducitur principiis .

Omnes recentiores consentiunt philosophi, odores oriri à profluviis ex corpore odorifero prodeuntibus, & undique in medio dispersis, quæ ope spiritus, quem per nâres trahimus, in nervos olfactorios irruunt, eos irritant, atque sic sensorium afficiunt ; unde sequitur, in quocumque loco odor cujusvis corporis sentitur, in eo esse aliquas particulas corporis odoriferi sensum afficientes . At plurima sunt corpora odora, quæ ad distantiam quinque pedum facile olent, & sensum olfactorium movent ; erunt igitur per omne illud spatium quædam corporis odori diffusæ particulae, ita scilicet, ut ubicunque in eo spatio ponantur nares, ibi aliqua esse corporis odoriferi effluvia necesse sit, saltem quædam erunt in ea aeris quantitate, quæ simul per inspirationem intra nares ducitur . Ponamus igitur, esse unam tantum corporis odori particulam in unaquaque istius spatii parte, quæ digiti cubici partem quartam magnitudine adæquat : quamvis verisimile sit, effluvia tam rara vix sensum afficere posse, nolumus tamen plura assumere ; tot igitur ad minimum erunt particulae odorem producentes, quot sunt in sphaera, cujus semidiameter est quinque pedum, spatiola, quorum unumquodque æquale est digiti cubici parti quartæ . At in illa sphaera sunt ejusmodi spatiola numero 57 839 616 ; tot erunt igitur in illo spatio particulae odorem producentes .

Utcunque igitur, definito effluviolorum numero, progre-

dia-

diamur ad eorum magnitudinem determinandam. Cum quantum effluviolum à corpore quovis decidit, tantum necesse erit, ut corpus illud de pondere suo amittat; erit pondus effluviolum omnium, in dato quovis tempore, à corpore odorifero prodeuntium æquale pondèri partis eo in tempore amissæ. Jam per experimenta comprobavit *Boyleus*, determinatam quandam assæ foetidæ massam aperto aeri expositam sex dierum spatio grani partem octavam de suo pondere amisisse: cum vero continuus est effluviolum à corpore odorifero effluxus, patet, oportere eum semper tempori proportionalem esse, adeoque tempore unius minuti primi erit pondus effluviolum ab assa foetida decidentium æquale grani parti $\frac{1}{69\ 120}$. Est autem magnitudo particulæ aquæ, cujus

pondus est unius grani, æqualis digiti cubici partibus $\frac{169}{100\ 000}$, & proinde ejusdem aquæ particula, cujus pondus est pars grani $\frac{1}{69\ 120}$, magnitudinē æqualis erit partibus digi cubici

$\frac{1}{513}$. Atqui est gravitas assæ foetidæ ad aquæ gravitatem (ut ipse expertus sum), ut ad 8 ad 7, & proinde magnitudo quantitatis assæ foetidæ, cujus pondus est unius grani pars $\frac{1}{69\ 120}$, æqualis erit partibus digiti cubici

$\frac{466}{10\ 000\ 000\ 000}$; sed effluviolum omnium numerus supra inventus ponitur 57 839 616; adeoque cum omnia hæc effluvia digiti cubici partes $\frac{466}{10\ 000\ 000\ 000}$ tantum adæquent, erit unaquæque particula æqualis digiti cubici partibus $\frac{1}{466}$; seu reducendo hanc fractionem ad $\frac{1}{578\ 396\ 160\ 000\ 000\ 000}$

deci-

decimalem, erit uniuscujusque particulæ magnitudo æqualis ————— digiti cubici partibus, seu decem-

TO 000 000 000 000 000
millebillionefimis partibus octo.

In hisce supposuimus, particulas odorem producentes esse ubique in prædicta distantia æqualiter diffusas; at cum versus centrum, seu corpus odoriferum, à quo prodeunt, spissiores & plures sunt quam versus extimam sphaeræ superficiem, multo plures erunt particulæ quam superius determinavimus. Cum enim odores (sicut cæteræ omnes qualitates, quæ à centro secundum rectas lineas propagantur) decrescant in duplicata ratione distantiae auctæ ab eodem centro, erit numerus particularum odorem producentium, & in dato spatio inclusarum, v. g. in digiti cubici quadrante, ad distantiam unius pedis, quadruplus numeri particularum, quæ in spatio æquali ad distantiam duorum à centro pedum locantur; & novies major erit numero particularum ad distantiam trium pedum, & sic de cæteris. At si ubique non plures forent quam sunt ad extremam superficiem, esset earum numerus supra inventus 57839616. Patet igitur, revera esse ipsarum numerum numero prædicto multo majorem.

Ut igitur, in prædicto casu, particularum odores producentium numerus determinetur, cognoscenda est quantitas aëris foetidæ, quam aëri exposuit *Boyleus*; at ex ipsius scriptis non constat quanta hæc fuit; necesse erit igitur, ut assumamus aliquam illius quantitatem; sed quo minorem ipsam ponamus, eo major evadit proportio numeri particularum ex ea profluentium ad numerum superius inventum, cæteris omnibus pariter positis. Ut igitur numerum vero non majorem eruamus, assumenda est quantitas probabiliter major ea, quam aëri exposuit *Boyleus*; sitque ea æqualis sphaeræ, cujus diameter sit sex digitorum, per circulum DBO hic representatæ; sitque recta AD quinque pedum, seu 60 digitorum; erit AB 63 digitorum. Ad punctum A super AB erigatur perpendicularis AG, quæ representet densitatem seu numerum particularum intra datum spatium ad distantiam AB; & si in omnibus distantis eadem esset particularum densitas,

TAB. 2.
fig. 1.

sitas, earum numerus per rectas innumeras EQ , mR , DH , &c. parallelogrammum AH complentes, hoc est, per ipsum parallelogrammum AH exponi posset. Cum vero numerus particularum in accessu ad centrum supponatur crescere in ratione distantiae diminutae duplicata; ad puncta E , m , D , & alia innumera in recta AB sumpta, erigantur perpendiculara EL , mn , DC , quae sunt ad AG , ut quadratum rectae AB ad quadrata rectarum EB , mB , DB &c. respective; & per puncta G , L , n , C , & alia innumera eodem modo determinata ducatur curva; si jam AG repraesentet numerum particularum ad distantiam AB , EL repraesentabit earum numerum ad distantiam EB , posito quod particularum densitates sunt reciproce in duplicata ratione distantiarum à centro: at EQ ipsarum numerum denotasset, si ubique eadem fuisset earundem densitas; eodem modo mn exponet densitatem particularum ad distantiam mB ; at mR ipsarum numerum repraesentasset, si ubique uniformiter spissae essent: sic etiam DC denotabit numerum particularum ad distantiam DB positarum; si vero ubique aequaliter densae essent, numerus ille per DH repraesentandus foret: adeoque tota multitudo particularum, quae à sphaera DBO profluunt, & quarum densitas decrescit, prout recedunt à centro in ratione distantiae auctae duplicata, est ad earum multitudinem, si ubique ipsarum densitas ea esset, quae est ad ultimam distantiam AB quinque pedum, ut rectae omnes DC , mn , EL , AG ad rectas DH , mR , EQ , AG ; hoc est, ut area mixtilinea $ADCG$ ad aream rectanguli $GADH$.

Eo igitur res reducta est, ut inquiramus proportionem, quam habet area $GADC$ ad aream rectanguli AH . Cum autem est curva $GLnC$ talis naturae, ut rectae AG , EL , mn , DC ordinatim ad asymptotum AB applicatae sint reciproce, ut quadrata distantiarum à centro; erit curva haec generis hyperbolici, & spatium interminabile $CFBTS$ componitur ex elementis, quae sunt secundarum reciproca; adeoque erit illud spatium, etiamsi interminabile, perfecte quadrabile & aequale duplo rectanguli CB ; per ea, quae demonstravit *Wal-lisius* in *Aritmetica Infinitorum*. Adeoque erit area interminabilis,

nabilis, seu indefinite protensa, C D T S ipsi C B rectangulo æqualis; & eodem modo area indefinite protensa G A T S æqualis erit rectangulo G B; erit itaque excessus, quo area C D T S superat aream G A T S, æqualis excessui, quo parallelogrammum C B superat parallelogrammum G B. Investigemus igitur horum rectangulorum differentiam. Cum ex hyp. sit A D 60 digitorum, & B D trium, erit A B 63 digitorum; sitque A G unitas: cumque sit, ut D B' ad A B', ita A G ad C D, hoc est, ut 9 ad 3969, erit C D partium 441, qualium A G est 1; adeoque C D \times D B, seu rectangulum C B erit ad rectangulum B G, ut 1323 ad 63; & proinde rectangulorum differentia, hoc est, area G A D C erit partium 1260, qualium scilicet rectangulum A H est 60. Adeoque numerus particularum ex assa foetida prodeuntium; quarum densitates decrescunt in duplicata ratione distantiae auctae, & intra sphaeram, cujus diameter est 5 pedum, contentarum, est ad earundem numerum, (si ubique earum densitas est æqualis ei, quæ sit ad distantiam quinque pedum) ut 1260 ad 60; hoc est, ut 21 ad 1; si igitur numerus supra inventus 57839616 per 21 multiplicetur, productus dabit numerum particularum ex assa foetida prodeuntium, scilicet 1 214 631 936.










Præterea si fractio $\frac{10\ 000\ 000\ 000\ 000\ 000}{8}$, quæ magnitudinem particularum in priore casu exprimebat, per 21 dividatur, quotiens $\frac{210\ 000\ 000\ 000\ 000\ 000}{18}$ seu $\frac{1\ 000\ 000\ 000\ 000\ 000\ 000}{9}$ exhibet veram magnitudinem uniuscujusque particulæ in hoc posteriore casu.

Hæc omnia ex eo sequuntur, quod homo potest assæ foetidæ odorem ad distantiam quinque pedum sentire: at sunt alia animalia, quorum sensus in odorando humanis sensibus sunt multo acutiores, qualia in primis sunt carnes venatici, qui ferarum effluvia in terra relicta, longo post decessum ferarum tempore, percipiunt; & aves quædam, quæ pulveris pyrii odorem ad magnam distantiam sentiunt. Oportet certe, ut istiusmodi effluviolorum subtilitas longe major sit ea, quam

quam ex superiore calculo elicimus; at ob experimentorum defectum non potest ea facile ad numeros revocari.

Ut materiæ subtilitatem ulterius ostendant philosophi, in exemplum adducunt animalcula illa, quæ in aliorum animalium semine, & in aliis liquoribus natantia conspiciuntur. Hæc quidem in quibusdam fluidis adeo minuscula sunt, ut per microscopia objectum multum augmenta visa, ut puncta appareant. Imo solertissimus ille naturæ indagator *Leeuwenhoekius* plura horum animalculorum in lactibus unius aselli deprehendit, quam sunt homines in tota terreni globi superficie degentes. Sed lubet, horum animalculorum magnitudinem veram investigare: ad quod præstandum sequentia ex Opticis suppono. Primo, imaginem cujusvis objecti sub eodem angulo ex vertice emersionis lentis apparere, quo visibile ex vertice incidentiæ; hoc in Cl. *Gregorii* elementis Dioptricis Prop. 18 demonstratum est. 2do. Per experientiam comprobatum est, ea objecta, quæ tanquam puncta videntur, hoc est, quorum partes à se invicem visu distingui nequeunt, sub angulo uno minuto primo non majori apparere. 3tio. Satis experiendo conitat, pleraque istiusmodi animalculorum tantillæ esse magnitudinis, ut per lentem visa, cujus distantia focalis est pars digiti decima, tanquam puncta appareant; hoc est, eorum partes nequeunt discerni; adeoque sub angulo uno minuto primo non majori ex vertice istius lentis apparebunt. Eo igitur devenit, ut investigemus magnitudinem objecti, quod sub angulo dato ad datam distantiam apparet; hoc est, si in præsentī casu, sit C vertex lentis, AB longitudo animalculi, BC ejus distantia à lente, æqualis scilicet digiti, & angulus BCA, sub quo ad illam distantiam videtur, sit unius scrupuli; ex datis BC, & angulo BCA invenienda est AB longitudo objecti. Jam in triangulo rectangulo ABC, ex datis (præter angulum ad B rectum) angulo BCA unius minuti primi, & latere BC æquali parti decimæ, per Trigonometriam innotescet latus AB æquale quam proxime $\frac{3}{100000}$ unius digiti. Si igitur animalcula illa essent figuræ cubicæ, ejusdem scilicet longitudinis,

TAB. I.
fig. 13.



nis, crassitiei, & latitudinis; ipsorum magnitudo per cubum fractionis $\frac{1}{100\ 000}$ exprimenda esset; scil. per numerum

27

1 000 000 000 000 000
 27
 ; æquale scil. esset unumquodque viginti septem partibus mille-billionesimis digiti cubici.

Hinc, quod quidam philosophi de Angelis somniant, verum erit de nostris animalculis, nempe posse multa eorum millia super parvæ aciculæ cuspidem salutare.

Hinc etiam colligitur, quantum est intervallum, quantilla intercedit proportio inter minima hæc natantia animalia, & illa maxima, immanes nempe Balænas, quæ in oceano montium instar apparent, quoties ex aquis sua capita emergunt. Sunt enim in quibusdam liquoribus animalcula tantillæ magnitudinis, ut si calculus incatur, invenietur ingentem terræ molem non satis amplam futuram, ut si tercia proportionalis minutissimis his animalibus natantibus, & vallis oceani Cæcis: adeo ut ipsa terra, utcunque magna videatur, minorem tamen deprehenditur habere rationem ad pisces hos maximos, quam hi ad illos minimos, qui in animalium semine natantes per microscopia conspiciuntur.

Cum animalculum quodvis sit corpus organicum, perpendamus paulisper, quam delicatullæ, & subtiles esse debent partes ad ipsum constituendum, & ad vitalem actionem conservandam, necessariæ. Haud mehercule facile concipitur, quo pacto in tam angusto spatiolo comprehendendi possint, cor, quod ipsius vitæ fons est, muscoli ad motum necessarii; glandulæ ad liquores secernendos, ventriculus, & intestina ad alimenta digerenda, & alia membra innumera sine quibus animal esse non potest. Sed cum singula memorata membra sunt etiam corpora organica, alias etiam habebunt partes ad suas actiones necessarias. Constat enim, ex fibris, membranulis, tunicis, venis, arteriis, nervis, & hisce similibus canaliculis numero fere infinitis, quorum exilitas imaginationis vires superare videtur. At his infinitè propemodum minores esse debent partes fluidi, quod per

canaliculos hosce decurrit, nempe sanguis lymphæ, & spiritus animales, quorum in grandioribus animalibus incredibilis est subtilitas.

Libet crassiores sanguinis partes in his animalculis contemplari, globulos nempe, qui in sanguine natant, ipsorumque magnitudinem calculo eruere.

Ad quod præstandum sequentem adhibebimus hypothefin; nempe quod diverforum animalium similes partes solidæ, hoc est, similes particulæ corporeæ, seu partes trina dimensione constantes, sunt ut ipsorum animalium magnitudines. Unde sequitur, diverforum animalium similes dimensiones lineares esse in subtriplicata ratione magnitudinum animalium, hoc est, ut harum magnitudinum radices cubicæ: *v. gr.* Cor humanum est ad cor animalculi cujusvis, per microscopium visi, ut ipsum corpus humanum ad corpus animalculi; & præinde, si utriusque corda sint corpora similia, erit diameter unius ad alterius diametrum, ut radix cubica magnitudinis unius ad radicem cubicam alterius magnitudinis. Sic etiam vasa sanguifera minima in homine sunt ad vasa similia minima in animalculo, ut magnitudo hominis ad animalculi magnitudinem; & diameter vasis minimi in corpore humano erit ad diametrum vasis minimi in corpore animalculi, ut radix cubica magnitudinis humanæ ad radicem cubicam magnitudinis animalculi.

Ponamus jam, hominis mediocris magnitudinem esse trium pedum cubicorum, seu digitorum 5184: ut igitur magnitudo hominis mediocris, seu digiti cubici 5184 ad magnitudinem animalculi superius traditam, æqualem nempe digiti

cubici partibus $\frac{27}{1\ 000\ 000\ 000\ 000\ 000}$, ita vasa minima in

corpore humano ad similia vasa minima in animalculo; & ut radix cubica magnitudinis humanæ, seu ut radix cubica numeri 5184 ad radicem cubicam magnitudinis animalculi, seu

ad radicem cubicam numeri $\frac{27}{1\ 000\ 000\ 000\ 000\ 000}$, hoc est,

quam proxime ut 17 ad $\frac{3}{100\ 000}$, ita diameter vasis minimi

in

in corpore humano ad diametrum vasis minimi in animalculo. Verum Cl. *Leeuwenhoekius* istiusmodi vasa in corpore humano detexit ope microscopii, ut posita diametro unius arenulæ 4 digiti, hæc contineret 2640 diametros talium vasculorum, quæ in humano corpore conspexit; adeoque erit diameter unius huiusmodi vasculorum æqualis $\frac{1}{2640} \times \frac{1}{10}$ digiti, hoc est,

æqualis digiti parti $\frac{1}{79200}$; & quamvis certum sit, hæc vasa non fuisse minima eorum, quæ sunt in corpore humano, nam & alia hisce multo minora ibi esse oportere, facile est ostendere; ponamustamen, ipsa fuisse minima. Fiat igitur, ut 17 ad $\frac{3}{100000}$, ita $\frac{1}{79200}$ ad alium numerum, numerus ille exprimet in partibus digiti diametrum vasis minimi in animalculo;

qui, operando per *regulam Trium*, invenitur $\frac{134400000}{3}$. Hæc fractio ad decimalem reducta erit quam proxime $\frac{44800000}{100000000}$; vel (ut numeros rotundos adhibeamus)

$\frac{448}{1000000}$. Cum autem necesse sit, ut diameter globuli, vel particulæ fluidi, quod in vase aliquo continetur, ipsa vasis diametro non sit major; erit diameter globuli sanguinei, qui per vasa hæc minima decurrit, non major digiti partibus $\frac{1}{1000000000}$; adeoque ipsorum globulorum soliditas, seu magnitudo minor erit cubo istius diametri, hoc est, minor erit partibus digiti cubici $\frac{1}{1000000000000}$.

hoc est, erit globulorum magnitudo minor ea digiti cubici parte, quæ exprimitur per fractionem, cujus numerator est numerus octonarius denominator vero est numerus decem-

D 3

quin-

quintillionarius, seu qui scribitur per unitatem cum triginta tribus cyphris post se.

Cum fractio, qua globulorum magnitudo exprimitur, tam numerosis constet cyphris, ut vera ipsorum quantitas, cum minutissimis arenulis, talibus scil., ut ipsarum diametri digiti partem centesimam non excedant, & denique minimas has arenulas cum aliis maximis terræ corporibus, ingentibus e.g. montibus; ut videamus qualem ad se invicem obtineant rationem, atque sic multo melius particularum exilitas intelligitur. Sed cur hac utar voce? Cum potius dicendum est, comparatione sic facta, illorum subtilitatem prorsus incomprehensibilem fore. Nam exinde colligitur, ne quidem decies mille ducentos quinquaginta, & sex altissimos totius telluris montes posse continere tot arenulas, quot potest una arenula continere globulos animalculorum sanguineos. Non mirum erit, Academici, si ad hæc attonitis hæreatis animis, & re tam prodigiosa percussi, ipsam materiam infinitam divisibilitatem, etli validissimis sussultam demonstrationibus, in dubium vocetis. Utcunque vero res hæc prima facie prorsus incredibilis videatur, ipsam nihilominus ex claris & facillimis principiis deducemus.

Ut facilius calculus incatur, vocemus decimam pedis partem unum digitum, & ponamus, centum arenulas juxta se positas spatium istius longitudinis digitalis occupare; vel, quod idem est, supponantur mille arenulæ contiguæ per longitudinem pedis extendi: erunt igitur in uno digito cubico arenulæ 1 000 000, & in pede cubico erunt arenulæ 1 000 000 000. Sit milliare unum seu mille passuum æquale 5000 pedibus, erunt pedes cubici in uno milliari cubico 125 000 000 000; adeoque arenularum numerus, quæ in uno milliari cubico contineri possunt, erit 125 000 000 000 000 000 000.

Jam ut montium dimensiones habeamus, sumamus altissimum, ut vulgo creditur, totius telluris montem, cum nempe, qui in insula *Teneriffa* est, & *El. Pico de Terrario* dicitur, cujus altitudo perpendicularis vulgo æstimatur trium milliarium *Italicorum*. Supponamus, montem hunc esse figuræ conicæ,

nica, atque hujus circuitum ad basim esse triginta & quinque milliarius, erit area basis 97, 5 circiter milliarius: nam ut 314 ad 100, hoc est, ut circuli circumferentia ad diametrum, ita 35 ad 11, 14 diametrum seu montis crassitie ad basim; cujus pars quarta 2, 785 ducta in peripheriam 35 dat aream basis, æqualem scil. 97, 5 milliariibus quadratis; cum igitur mons ex hyp. sit figuræ conicæ, si basis in tertiam altitudinis partem multiplicetur, productus in milliariibus cubicis exhibebit ipsius montis contentum solidum; atque tertia pars altitudinis ex hypothese æqualis est uni milliari, qui multiplicans numerum 97, 5, productus seu montis soliditas erit æqualis milliariibus cubicis 97, 5; qui numerus si rursus multiplicetur per 125 000 000 000 000 000 000, productus seu numerus 12 187 500 000 000 000 000 000 exhibebit numerum arenularum, ex quibus mons insulæ *Teneriffæ* componi possit.

5. Hinc investigatis videamus, quot particulae seu sanguinis globuli in una arenula contineri possunt. Ex supra monstratis uniuscuiusque globuli magnitudo minor est digiti cubici

partibus _____ ; & ma-

1 000 000 000 000 000 000 000 000 000 000 000 000

gnitudo unius arenulae aequalis est digiti cubici parti ————

1 000 000

adeoque si posterior hic numerus per priorem dividatur,

1 000 000 000 000 000 000 000 000 000 000 000 000 000

quotiens , seu

8 000 000

000 000 000 000 000 000 000 000 000 000

....., hoc est,

3

125 000 000 000 000 000 000 000 minor erit numero globulorum sanguinis, qui in magnitudine unius arenulæ contineri possunt; sed numerus hic

125 000 000 000 000 000 000 000 000 divisus per

12 187 500 000 000 000 000 numerum arenularum,
quæ in monte insulæ *Teneriffæ* contineri possunt, quotiens
major erit quam numerus 10 256; adeoque una arenula

D 4

plaf:

plusquam decem millies ducenties quinquagesies & sexies plures globulos sanguineos in se continere potest, quam altissimus totius telluris mons arenulas: vel, quod idem est, decem mille ducenti quinquaginta & sex montes, quorum unusquisque æqualis est altissimo totius telluris monti, non tot possunt in se continere arenulas, quor una arenula possit in se continere particulas sanguineas animalculorum, quæ per microscopia in quibusdam fluidis natantia cernuntur. Quod erat ostendendum. Cum igitur globuli hi tantillæ sint magnitudinis, quid sentiendum erit de particulis fluidum componentibus, in quo istiusmodi globuli vehuntur; & de spirituum animalium subtilitate? Hæc proculdubio tanta est, ut omnem calculum, & imaginandi vim fugiat.

Supra modum mirabilis est hæc naturæ subtilitas; at sunt aliæ materiæ particule memoratis multo subtiliores, ad quas si prædicti globuli referantur, non montium, sed ingentium terrarum initia apparebunt. Lucis intelligo particulas, quæ à corpore lucido ineffabili celeritate undiquaque projiciuntur, quarum subtilitatem animus humanus nunquam forte, nisi post adeptam in cælis perfectionem, assequetur: immensam tamen ipsam esse, vel exinde colligitur, quod lumen tenuissimæ lucernæ in tempore omnino insensibili, & absque ullo sensibili ipsius lucernæ decremento, ad distantiam duorum milliarium ab oculo sentitur; unde necesse est, ut in omni assignabili parte sphaeræ activitatis istius lucernæ, cujus diameter quatuor millibus passuum major est, & in omni assignabili temporis particula, sint quædam istius lucernæ particule, quæ oculum ingrediuntur, vel ingredi possunt; quæ quidem in diversis temporis partibus diversæ erunt. Atque per ineffabilem illam lucis subtilitatem fit, ut Sol etiamsi continuo ab ipsius creationis exordio lucem celerrime in omnem mundi partem emittat, non tamen sensibile quidquam per omne illud tempus de sua magnitudine amittit, etiamsi quotidie per aliquam, inestimabilem licet quantitatem decrescat; unde etiamsi post sex mille annos ejus diuinitus nondum notabilis evaserit, post infinitam tamen annorum seriem, quamvis valde protractam, totus dissipatur. Ex quo
se-

sequitur, mundum hunc nec in æternum existere posse, nec potuisse ab æterno existisse.

Ex demonstrata infinita materiæ divisibilitate, sequentia theoremata ejusdem raritatem, & tenuem compositionem spectantia facile eliciuntur.

L E M M A.

Data quavis materiæ quantitate, ex ea, vel ex quavis ejus parte formari potest sphaera concava, cujus semidiameter sit datæ rectæ æqualis.

Sit materiæ particula a' , & data recta sit b . Ratio peripheriæ circuli ad radium sit p ad r . Dicatur semidiameter concavitatis x , & crassities pelliculæ concavitatem sphaeræ ambientis erit $b - x$, & cylindrus sphaeræ circumscriptus, cujus radius est b , erit $\frac{2 \times p b'}{8r}$; unde sphaera cylindro inscri-

pta erit $\frac{2 \times p b'}{24r}$. Eadem ratione sphaera, cujus radius est x , erit

$\frac{2 \times p x'}{24r}$, quarum differentia $\frac{2 \times p b'}{24r} - \frac{2 \times p x'}{24r}$ ponenda est sphaeræ

lamellæ æqualis, seu materiæ particulae datæ, hoc est, erit

$\frac{2 \times p b'}{24r} - \frac{2 \times p x'}{24r} = \frac{24r a'}{24r}$. Unde $x' = b' - \frac{24r a'}{24r}$ & $x =$

$\frac{24r a'}{24r}$, adeoque crassities lamellæ sphaericæ, seu $b - x$

erit $b - \frac{24r a'}{24r}$.

Eadem ratione fieri possunt ex data materiæ quantitate Cubi

concaui, Cylindri concaui, vel corpora etiam alterius cujusvis

figuræ concaui, quorum latera sunt datæ rectæ æqualia.

Theorema Primum.

Data quavis materiæ quantitate, quantumvis exigua, & dato

spha-

spatio quovis finito utcumque amplo (quod v. g. sit cubus , qui sphaeram Saturni circumscriberet) , possibile est , ut materia istius arenulae per totum illud spatium diffundatur , atque ipsum ita adimpleat , ut nullus sit in eo porus , cujus diameter datam superet lineam .

TAB. 2.
Fig. 2.

Sit datum spatium cubus , cujus latus sit recta AB , diametro scilicet orbitae saturni aequalis ; deturque materiae particula , cujus quantitas sit b' ; data recta (qua pororum diametri non majores esse debent) sit D . Dividi concipiamus recta AB in partes aequales rectae D , quarum numerus finitus erit , cum nec recta AB ponitur infinite magna , nec recta D infinite parva : sit numerus ille n , hoc est , sit $nD = AB$, adeoque erit n D aequalis cubo rectae AB. Concipiamus item spatium datum dividi in cubos , quorum singulorum latera sunt aequalia rectae D , eritque cuborum numerus n' ; & hi cubi per spatia EFGH in figura represententur . Dividi porro supponatur particula b' in partes , quarum numerus sit n , & in unoquoque spatio cubico ponatur una harum particularum , & hac ratione materia b' per omne illud spatium diffundetur . Potest praeterea unaquodque ipsius b' particula , in sua quasi cella locata , in sphaeram concavam formari , cujus diameter sit aequalis datae rectae D : unde fiet , ut sphaera quaelibet proximam quamque tangat , & data materiae particula utcumque exigua b' spatium datum ita adimpleat , ut nullus sit in eo porus , cujus diameter datam rectam D superet . Q. E. D.

Cor. Hinc dari potest corpus , cujus materia si in spatium absolute plenum redigatur , spatium illud fieri potest prioris magnitudinis pars quaelibet data .

Theorema Secundum .

Possunt esse duo corpora mole aequalia , quorum materiae quantitates sint utcumque inaequales , & datam quamvis ad se invicem obtineant rationem ; pororum tamen summa , seu spatia vacua inter corpora , ad rationem aequalitatis fere accedant .

Vel

Vel in filo Cartesiano: *Spatium omne, quod à materia subtili intra unius corporis poros occupatur, posset esse fere æquale spatio, quod à simili materia intra alterum corpus tenetur; licet materia propria unius corporis decies millies, vel centies millies superet materiam propriam alterius corporis, & corpora sint mole æqualia.*

Ex. gr. Sit digitus cubicus *Auri*, & digitus cubicus *Aeris* vulgaris non condensati. Certum est, quantitatem materiæ in *Auro* vicies millies circiter superare materiam *Aeris*, attamen fieri potest, ut spatia in *Auro* vel absolute vacua, vel materia subtili repleta, sint fere æqualia spatij in *Aere*, vel vacuis, vel materia tantum subtili repletis.

Sint A & B corpora duo, magnitudine æqualia: utrum- TAB. 2.
que v. gr. sit cubus unius digiti. Et corpus A decies millies sit 1.

sit gravius corpore B, unde & corpus A quantitate materiæ decies millies superabit corpus B. Pōnatus jam, materiæ quantitatem in A redigi in spatium absolute plenum, quod sit digiti cubici pars centies millesima (liquet enim ex Coroll. precedentis theorematibus fieri posse); unde cum materia in A decies millies superet materiam in B, materia illa in B, si in spatium absolute plenum compingatur, occupabit tantum digiti cubici partem $\frac{1}{1000000}$, seu decies

millies centies millesimam; adeoque partes reliquæ 999 999 999 vel erunt absolute vacuæ, vel materia aliqua subtili, qualis supponitur Cartesiana, tantum repletæ. Porro, cum materiæ quantitas in A impleat tantum digiti partem centies millesimam, erunt in corpore A partes 99 999 centies millesimæ, vel vacuæ, vel materia subtili repletæ; hoc est, reducendo fractionem ad denominatorem prioris fractionis, erunt in A partes vacuæ 999 990 000 millies decies centies millesimæ. Adeoque vacuitates in A erunt ad vacuitates in B, ut numerus 999 990 000 ad numerum 999 999 999, qui numeri sunt ad se invicem fere in ratione æqualitatis; nam eorum differentia parvam admodum ad ipsos numeros obtinet rationem.

mem. Adeoque spatia vacua, vel materia subtili tantum repleta, quæ sunt in duobus corporibus A & B, eandem cum ipsis numeris ad se invicem rationem obtinentes, sunt etiam seæ in ratione æqualitatis. Q. E. D.

Corpora autem omnia esse rarissima, hoc est, pro mole sua parvam admodum continere materię quantitatem, ex *Diaphanorum* proprietatibus certissimè constat: nam *radii lucis* intra vitrum vel aquam, non lecus ac in aere per rectas lineas diffunduntur, quæcunque luci exposita sit corporis diaphani facies: adeoque à minima quavis assignabili diaphani parte ad aliam quamvis ejusdem partem semper extenditur in his corporibus porus rectilineus, per quem transiverit lux; atque hoc fieri non potest, nisi materia diaphani ad ejus molem parvam admodum obtineat rationem; nec fortasse materię quantitas in vitro ad ejus magnitudinem majorem habet rationem, quam magnitudo unius arenulæ ad totam terreni orbis molem: hoc autem non esse impossibile, superius ostensum est. Unde cum aurum non sit octuplo densius vitro, ejus quoque materia ad propriam molem exiguam admodum obtinebit rationem.

Hinc ratio reddi potest, cur effluvia magnetica eadem fere facilitate densum aurum & tenuem aerem pervadunt.

Ex his etiam propositionibus, & ex maxima lucis celeritate ratio reddi potest, cur *lucis* radii ex pluribus objectis prodeuntes, & per tepue foramen transmissi se mutuo non impediunt, sed per eandem rectam in motu suo perseverant: Quod per motum, seu impulsu fluidi plenum efficientis vix explicari potest; Corpus enim omne à pluribus potentiis, secundum diversas directiones simul impulsu, unam tantum & determinatam directionem accipit ex omnibus compositam.

LECTIO VI.

De Motu, Loco, & Tempore.

CUM hæcenus de corporum *Soliditate, Extensione, divisibilitate, Subtilitate*, satis à nobis dictum sit; ad motum jam, nobilissimam, qua gaudet corpus, affectionem, dilucidandum accedimus: quo mediante se prodit natura, eâ rerum varietate agentem, quæ videri non sine stupore debet; quo sublato, omnis periret mundi ornatus, & spectabilis pulchritudo; atque horrendæ tenebræ & infinitus torpor res omnes occuparent. Ab hoc pendent dierum & noctium vicissitudines, frigoris & caloris, nivis, pluviae & serenitatis sese mutuo excipientium tanta varietas, atque anni tempestates omnes. Per motum crescunt plantæ, nutriuntur arbores, & vivunt animalia, cum ipsa vita non nisi in motu, hoc est sanguinis circulatione consistat. Sed quid singulis enumerandis morer? Cum res omnes ex motu nascuntur.

Scientia igitur de motu ad rite philosophandum adeo est necessaria, ut ne vel minimum naturæ opus absque eo investigari possit. Hinc celebre & verissimum illud philosophi effatum, *ἡ ἀγνοία τοῦ κινήματος αὐτῆς τῆς φύσεως ἀπορροή, ἡ δὲ φύσις ἄγνωτος*. *Ignorato Motu, Naturam ignorari necesse est.*

De motus natura, causis, & communicatione, multum inter se disceptarunt physici, seu potius metaphysici; & mirum est quantas lites de re satis clara moverunt; & quæ idearum confusio, quæ tenebræ inde subortæ sunt, adeo ut inter disputandi ineptias, naturalis & simplex, quam de eo habuerunt, notitia ipsius elabi videatur. Vix enim è plebe quemquam, aut rudem artificem inveniemus, qui non plus noscat de vera natura, atque causa motus, quam omnes hi disputantes philosophi; quorum quidem aliqui eo pervenerunt insanæ, ut motum omnem tanquam rem impossibilem à corporibus sustulerint, & argutias quasdam propoluerint, quibus illius impossibilitatem adstruere sibi visi sunt.

Liccat

Liceat hic validiora quædam illorum argumenta proferre ; & primum sit illud *Diotari Cræni* : nempe , si corpus moveatur , vel movetur in loco , quo est , vel in loco , quo non est , quorum utrumvis est impossibile ; si enim movetur in loco , quo est , ab illo loco nunquam exiret , adeoque nullus daretur motus : similiter non potest moveri in loco , quo non est , quia nihil agit in loco , quo non est , ergo non omnino movebitur corpus . Respondeo , nec corpus moveri in loco , quo est , nec in loco , quo non est , sed moveri è loco in locum .

Secundum argumentum est illud *Zenonis* , quod *Achillis* nomine insignivit , quo Zeno conatur probare , si daretur motus , Achillem etiâ velocissimum testudinem animalium tardissimam nunquam assecuturum : est autem ejusmodi . Ponatur , Achillem à testudine distare per quodvis spatium finitum , v. g. mille passuum , atque cum centies velocius testudine moveri supponamus : ergo dum Achilles unum percurrit milliare , testudo milliaria partem unam centesimam conficiet , adeoque Achilles testudinem nondum est assecutus ; & rursus , dum Achilles partem illam milliaria centesimam conficit , testudo interim per milliaria partem decem millesimam reptabit , adeoque nec adhuc testudinem erit assecutus Achilles . Eodem modo dum Achilles partem illam milliaria decemmillesimam decurrit , testudo per milliaria partem millionesimam promovebitur , adeoque nec adhuc testudinem attingere potest : atque sic progredi licebit in infinitum , nec unquam potest testudinem captare , sed semper erit aliqua inter Achillem & testudinem distantia .

Famosum est hoc Zenonis argumentum , ad quod solvendum scripserunt quidam integros tractatus : at nos facillime illius nodum dissolvemus , dicendo , milliaria una cum milliaria parte centesima , una cum milliaria parte decem-millesima , una cum milliaria parte millionesima , & sic infinitum , quantitati finitæ æquipollere : hoc enim ab arithmetiis demonstratum est , quod summa seriei cujusvis quantitatum in quavis proportionem geometrica in infinitum decrescens , æqua-

æqualis sit quantitati finitæ; sed milliari pars $\frac{1}{100}$, una cum

parte $\frac{1}{10\ 000}$, una cum parte $\frac{1}{1\ 000\ 000}$, una cum parte

$\frac{1}{100\ 000\ 000}$ centum-millionesima, & sic in infinitum, se-

ries quantitatum in proportionē geometrica in infinitum de-
crescentium, adeoque illius summa, cum sit æqualis quan-
titati finitæ, à mobili cum data velocitate moto, finito in
tempore percurri potest. Ponamus enim, Achillem spatio
unius horæ milliari peragrasse; ergo & partem milliari cen-
tesimam in parte horæ centesima conficiet, & partem mil-
liari decem-millesimam in horæ parte decem-millesima per-
curret; eodem modo pars milliari millionesima in parte ho-
ræ millionesima peragrabitur, & sic de cæteris. Si igitur
hora, una cum horæ parte centesima, una cum horæ parte
decem-millesima, una cum horæ parte millionesima, +

$\frac{1}{100\ 000\ 000}$, &c. in infinitum; si, inquam, summa hujus

seriei in infinitum continuatæ infinito temporis spatio æqui-
polleret, certum est, Achillem testudinem nunquam esse asse-
cuturum in tempore finito: verum cum, ut hæcenus dictum

est, horæ pars $\frac{1}{100} + \frac{1}{10\ 000} + \frac{1}{1\ 000\ 000}$, &c. sit series quan-

titatum in proportionē geometrica in infinitum decreſcentium,
erit illius summa quantitati finitæ æqualis, scil. uni parvi ho-
ræ nonagesimæ nonæ, ut facillime demonstrari potest: &
intra illud temporis spatium omnes, utcumque numero infi-
nitæ, temporis particulæ elabentur. Dicimus igitur, Achil-
lem testudinem assecuturum post elapsas horam unam & in-
finitas illas numero particulas, quæ in prædicta serie con-
tinentur; hoc est, post horam unam, & horæ partem nonage-
simam nonam ad testudinem pertinet; atque sic tollitur vis
illius argumenti, quod tanquam insolubile toties jactaverunt
illius patroni.

Hoe

Hoc etiam proferri solet contra motum argumentum. Corpus A moveatur à B ad C (positis B & C duobus punctis contiguis) in instanti D: cum movetur A, supponitur, esse in B, adeoque in eo instanti non potest ad C pervenire, quia scil. ponitur, esse in B; & in eodem instanti non potest esse in utroque, quia nihil potest esse simul in duobus locis, hoc est, in eodem instanti; adeoque in instanti, quo est in B non potest ad C pervenire: eodem modo in quolibet alio instanti non potest ad C pervenire, quia adhuc ponitur in B; adeoque secundum hujus argumenti authores nunquam ad C peruenget.

Huic argumento facile responderi potest, dicendo, A sub initio instantis D esse in B puncto, at in fine in puncto C; oportet enim, ut tempus omne, in quo peragitur motus finitus, habeat initium & finem.

Sed præterea in allato argumento non pauca assumpta ponuntur, quæ falsa, atque impossibilia sunt, v. g. cum duo supponuntur puncta contigua. Si per punctum intelligatur pars indivisibilis, seu minima quantitas, talia quidem puncta non dari prius demonstravimus; adeoque si huic hypothese innitatur argumentum, impossibile erit, ut ullam inferat humano intellectui vim, ad motum convellendum. Si vero per puncta intelligantur ipsa puncta mathematica, qualia scil. sunt linearum termini, sectiones, & contactus, hæc equidem ut possibilia agnosco: impossibile tamen erit, ut res quævis in iis moveatur; quicquid enim movetur, per spatium movetur, at punctum mathematicum alii puncto contiguum non potest spatium componere, sed punctum: nam sicut in Arithmetica mille cypharæ, seu nihil millies sumptum nihilo æquipollet; sic in Geometria mille puncta, vel etiam infinita simul puncta quantitatem non component, sed puncto, seu non quanto æquipollebunt. Unde cum duo puncta contigua tantum puncto æquantur, lubens agnosco, non posse motum per ea fieri: at nihil inde sequitur absurdi, motus enim per spatium non tollitur, sed motus per punctum; & absurdum quidem esset, si istiusmodi concederetur motus.

Quod

Quod de punctis diximus, idem potest instantibus accommodari, ostendendo, ut magnitudines omnes, sic etiam tempus esse in infinitum divisibile, adeoque nullam esse temporis particulam, quæ proprie instans dici possit, seu punctum temporis; sicut nulla est pars lineæ, quæ cum puncto geometrico coincidit: & ut infinita puncta non lineam componunt, sed punctum, sic etiam infinita instantia, seu temporis puncta nulli temporis æquantur. Potest quidem spatium temporis inter diversa instantia dato temporis æquari, at ipsa instantia nulli temporis æqualia erunt: tempus enim non ex instantibus, sed ex partibus, quæ sunt tempora, componitur; nec motus in instanti, sed in tempore peragitur.

Sed hisce nugis valere jussis, ad institutum revertor.

Cum motus, de quo acturi sumus, sit motus localis, res postulat, ut quedam de loco, & tempore prius disseramus. Locus distingui solet in internum, & externum. Internus locus est spatium, quod à corpore locato repletur; externus autem is solus est, qui ab Aristotele definitur, & dicitur *superficies concava corporis ambientis, & locatum continens*.

Clarius fortasse distinguetur locus, sicut & spatium, in absolutum, & relativum. Locus absolutus, seu primarius est ea spatii immobilis, permanentis, & undique expansi pars, quæ à corpore locato occupatur: locus relativus, seu secundarius est apparens ille, & sensibilis, qui à sensibus nostris ex situ ad alia corpora definitur. Cum enim spatium ipsum sit ens simile, & uniforme, cujus partes videri nequeunt, & per sensus à se invicem distingui, ideo convenit, ut corporum loca ad alia corpora referantur, & per distantias, & positiones ad alia ista corpora determinentur; v. g. ponamus, aliquem in angulo quovis domus alicujus sedere; illius locus per distantiam, respectum, & positionem, quam habet ad alios angulos, parietes, & circumstantia corpora, quæ tanquam immobilia spectantur, definitur; & quamdiu quisquam eundem situm, & distantiam ab hisce corporibus conservat, tamdiu in eodem manere loco videbitur. Sic etiam si quisquam in nave sedeat; sive quiescit navis, sive movetur, quamdiu ean-

dem

dem

dem servat distantiam ab omnibus navis partibus, quæ tanquam quiescentes spectantur, & eadem manet ad eas omnes positio, idem etiam manebit illius locus relativus.

Quod de loco diximus, potest etiam spatio similiter applicari, scil. illud quoque in absolutum, & relativum distingui: absolutum dicimus illud, quod sua natura, absque relatione ad externum quodvis, semper manet simile, & immobile. Relativum autem est, quod ad corpora quædam refertur, per quæ determinatur, & mensuratur; cujus nempe partes ad corpora illa eandem semper servant positionem & situm, & quarum distantia ab iis immutata, eadem semper perseverat.

Spatium relativum idem semper magnitudine, & figura est cum spatio absoluto; non tamen necesse est, ut idem semper numero maneat cum eodem: nam in prædicto navis exemplo, si navis absolute quiescit, in eo quidem casu spatium relativum cum absoluto coincidit, non magnitudine & figura tantum, sed etiam & numero: at si ponamus, navem moveri, spatium absolutum, quod intra cavitatem navis continetur, erit in diversis locis diversum; at cum ipsa cavitas, & figura navis eadem maneat, erit spatii in ea contenti eadem semper, & invariata magnitudo, eadem illius figura, & ejus partes similiter sitæ ad eandem navis partes eandem semper habent positionem, & distantiam, & proinde idem spatium relativum dici debet.

Sic etiam in hypothesi terræ motæ, spatium, quod intra parietes ædificii continetur, etsi, absolutum scil. spectando, semper mutatur, cum tamen eadem manet ædificii cavitas, eadem figura, & omnes spatii contenti partes similes, ad eandem ædificii partes eundem semper conservant situm; imo cum ad spatium aeris nostri relativum, seu etiam ad omnes terræ partes, eandem semper obtinent positionem, spatium illud idem relativum dici potest.

Eodem modo & tempus distingui potest in absolutum, & relativum. Tempus absolutum æquabiliter fluit, hoc est, nunquam tardius, nunquam velocius procedit, sed absque omni relatione ad corporis cujuscunque motum, æquo semper

per labitur tenore. Tempus relativum, seu apparens est sensibilis durationis cujuscvis per motum mensura; cum enim ipsius temporis fluxus æquabilis sensus non afficiat, advocandus est in subsidium motus æquabilis, ut mensura aliqua sensibilis, quæ illius quantitatem determinet, cujus partes temporis partibus semper respondeant, & proportionales sint. Motus autem ille uniformis, qui ad mensuram temporis adhibendus est, debet esse maxime notabilis, cunctis obviis, & in omnium sensus incurrens, qualis vulgo censetur apparens ille solis, & lunæ, & reliquorum siderum revolutiones, per quas tempus partitur in horas, dies, menses, & annos. Et sicut ea tempora æqualia judicamus, quæ præterlabuntur, dum mobile aliquod æquabili velocitate latum æqualia spatia percurrit, sic æqualia etiam dicenda sunt tempora, quæ fluunt, dum sol, vel luna revolutiones suas ad sensum æquales peragunt.

Verum cum, ut hæcenus dictum est, temporis fluxus accelerari, aut retardari nequit, corpora autem omnia nunc incitatus, nunc segnius moveri possunt; nec fortasse datur in rerum natura motus perfecte æquabilis; necesse est, ut tempus absolutum sit aliquid à motu vere, & realiter distinctum; nec illius natura magis à motu corporum, quam ab eorundem quiete dependet. Ponamus enim, cælum, & sidera ab ipso mundi exordio immobilia perstitisse, at non ideo fuit potuit temporis cursus, sed illius quiescentis status duratio æqualis esset tempori, quod jam movendo elapsum est. Præterea cum constat ex Sacra Historia, tempore *Jesux* solem in eodem cæli visibilis puncto, per aliquod tempus immotum mansisse; non tamen ideo tempus absolutum perstitit, & cum sole rursus progredi cœpit, sed eodem, quo prius celeri præterlabebatur cursu, quamvis omnia horologia scæterica eandem diei horam, per omne illud stationis tempus indicabant: & sic quidem substitit tempus apparens, ad solis nempe motum relatum, dum absolutum interim uniformiter progrediebatur.

Sic etiam cum & hodie solis motus apparens uniformis non est, nec ejus revolutio diurna æquabilis erit, ut omnes

agnoscunt astronomi, sed aliquando celeriore aliquando lentiore procedit gradu, ac proinde dies naturalis, *μετ' ὅλην*, seu spatium temporis una revolutione diurna elapsum nunc minus, nunc majus evadet; adeoque tempus apparens non eodem, quo tempus absolutum, progreditur tenore; unde, ut ab illo distinguatur, necesse est.

Cum tempus absolutum sit *Quantum uniformiter extensum & sua natura simplicissimum*, potest per magnitudines simplicissimas rite repræsentari, seu imaginationi nostræ proponi: quales imprimis videntur esse rectæ lineæ, & circulares, quibuscum, & tempori quædam intercedunt analogiæ. Nam tam temporis, quam rectarum, & circularium linearum partes omnes sunt sibi ubique similes, & uniformes; & sicut linea per motum, seu fluxum puncti generatur, cujus quantitas ab unica pendet longitudine per motum determinata; sic etiam tempus quodammodo censeretur potest instantis continuo labentis vestigium, cujus quantitas ab unica profluit velut in longum exposita successione, quam spatii percursum longitudinem demonstrat; & proinde optime per fluxum puncti seu rectam lineam repræsentari potest, quod in sequentibus sæpius fiet.

Observandum autem, nos per temporis vocem intelligere spatium illud temporis, quo motus transigitur; adeoque cum de rebus physicis, & motu agendum est, rite cum *Aristotele* definiri potest: *Mensura motus secundum prius & posterius*; non quidem absolutam temporis naturam spectando; sed connexionem illam, quam motus cum eo habet, ut scilicet nullum spatium à mobili in instanti percurri possit, sed successive, & juxta fluxum temporis omnis motus peragatur, qui igitur cum temporis quantitate comparari potest, & ab ejus fluxu mensurari.

LECTIO VII.

DEFINITIONES.

I. **M**OTUS est continua, & successiva loci mutatio.

II. **M** Celeritas est affectio motus, qua mobile datum spatium in dato tempore percurrit.

III. Quies autem est corporis cujuscvis in eodem loco permanentia.

Hinc sequitur, quietem, motum, & celeritatem secundum duplicem loci distinctionem duplices esse, absolutos scil., & relativos.

IV. Motus absolutus est mutatio loci absoluti, & illius celeritas secundum spatium absolutum mensuratur.

V. Quies absoluta est permanentia corporis in eodem loco absoluto.

VI. Motus relativus est mutatio loci relativi, cujus celeritas secundum spatium relativum mensuratur.

VII. Quies vera relativa est permanentia corporis in eodem loco relativo.

Ex hisce sequitur primo, posse aliquem relative quiescere, qui tamen secundum spatium absolutum vere, & absolute moveatur; v. gr. si aliquis in nave sedeat, cum eundem retinet locum relativum, eundem servat situm, & distantiam ad reliquas navis partes, quæ tanquam quiescentes spectantur, illæ relative quiescit; cum tamen interea eodem provehitur motu, eadem celeritate, & secundum eandem plagam, qua ipsa navis à ventis desertur; in quo casu omnes navis partes eundem inter se situm servantes spectatori intra navem posito tanquam quiescentes apparebunt: è contra, dum ipsa navis movetur, spectatori in navi locato litiora, aliaque corpora extra navem circumjacentia moveri videbuntur ea celeritate, at versus contrariam plagam, qua ad ea revera accedit navis, vel ab iisdem recedit. Hujus apparentiæ ratio ex principiis opticis facile ostenditur: ea enim corpora ut quiescentia videmus, quæ ad ipsum oculum easdem semper servant positiones, & distantias; quæ autem

moveri videmus corpora, ea distantias suas & positiones oculi respectu mutare deprehendimus; vel ut paulo altius rem deducamus.

Cum Optica nos doceat, omne corpus, quod videtur, imaginem suam ope radiorum à visibili prodeuntium in ipso fundo oculi seu in retina depictam habere; sequitur, ut ea objecta moveri videantur, quorum imagines in retina moventur; hoc est, quæ diversas retinæ partes successive pertranseunt, dum quis oculum suum immotum supponit: at ea objecta tanquam quiescentia cernuntur, quorum imagines eandem semper occupant retinæ partem, cum scilicet imaginum motus in oculi fundo non sentitur. Atque hinc est, quod in nave sedentes ipsius navis motum non percipiunt; omnes quippe navis partes inter se relative quiescentes, eandem positionem, & distantiam quoad oculum servantes, imagines suas in iisdem retinæ partibus semper depictas habebunt; earum igitur motus non videbitur: at cum ad littora oculos vertat spectator, dum ipsa navis movetur, necesse est, ut objectum quodlibet externum situm suum oculi respectu mutet, & proinde ejus imago alias atque alias retinæ partes successive occupabit; hoc est, objectum externum moveri videbitur. Ob eandem rationem, si terra circa solem, vel suum axem moveatur, illius motus ab ipsis terræ incolis neutiquam percipietur, cum scilicet ædificia, & omnia in terra objecta visibilia iisdem semper terræ partibus insidentia, eandem semper inter se & oculum positionem servabunt; sin astra, aliaque omnia corpora terræ non adhærentia adspiciantur, ea ob eandem causam, qua prius littora, moveri videbuntur; hoc est, si terra circa suum axem rotetur ab occidente in orientem, sol, & reliqua sidera ab oriente in occidentem moveri conspicientur.

Sed terræ motu paulisper dimisso, ad exemplum navis redeamus; si navis secundum quamcumque directionem feratur, v.gr. versus orientem, & aliquis in prora sedens lapidem versus occidentem eadem velocitate projiciat, qua ipsa navis ad orientem progreditur; lapis in hoc casu spectatori intra navem moveri videbitur versus occidentem, & ejus ve-

locitas relativa æqualis erit ipsius navis celeritati absolutæ; revera tamen lapis quiescet in spatio absoluto, abstrahendo à terræ motu, & eo omni, qui ex gravitate oriri potest. Et si ponamus aliquem extra navem in aere pendulum, ille lapidem quiescentem spectabit; cum vero gravis sit lapis, videbit illum perpendiculariter tantum deorsum motum, nec magis versus ortum, quam occasum tendentem: vis enim à projiciente in lapidem impressa nihil aliud agit, quam destruit æqualem vim motus, quæ à navi versus contrariam plagam ipsi communicabatur. Moto enim quolibet corpore vel spatio, etiam omnia corpora vel corporum particula, intra illud relative quiescentia, eadem celeritate, & secundum eandem plagam moventur.

At objiciat aliquis, lapidem è manu projicientis emissum in ipsam puppim impingere, eique ictum imprimere, adeoque, cum lapis in ipsam puppim irruit, non potest non moveri: respondeo, verum quidem esse, eos, qui intra navem versantur, lapidem in puppim irruentem, eamque percutientem conspiciere; at si ponatur aliquis extra navem in aere pendulus ille non lapidem versus puppim, sed puppim in lapidem impingentem videbit; & ictus magnitudo, qui in utrovis corpore recipitur, eadem omnino erit, ac si navis quiesceret, & lapis revera versus puppim impelleretur eadem celeritate, qua puppis ad lapidem accedebat. Si enim duo TAB. 2.
sint corpora A & B, utcumque æqualia, vel inæqualia; eadem fig. 4.
erit percussionis vis, sive B cum data celeritate in corpus A quiescens impingat; vel si quiescat B, & A eadem celeritate in ipsum irruit; vel si utrumque corpus versus eandem plagam moveretur, & subsequens A celerius motum in ipsum B impingeret; eadem erit quantitas ictus, ac si B omnino quiesceret, & A solum latum esset differentiâ celeritatum, qua scil. ipsius celeritas celeritatem corporis B superabat; vel denique, si tam A quam B versus contrarias partes ferantur, ictus magnitudo eadem fiet, ac si unum quiesceret, & alterum motum esset cum ea celeritate, quæ sit summæ priorum velocitatum æqualis. Verbo dicam, eadem semper manente velocitate relativa corporum, qua ad se invicem accedunt,

eadem quoque erit percussionis quantitas, quomodocunque veræ velocitates paritæ sint, ut in sequentibus demonstretur. Sed rursus ad navem redeamus.

Si vis, qua lapis à projiciente emittitur, minor sit ea, quæ ex navis motu in hoc casu recipitur, lapis ipse revera in eandem, qua ipsa navis, plagam, motu scil. absoluto, deferretur; hoc est, à spectatore, quem extra navem in aere consistentem posuimus, versus orientem moveri videbitur ea celeritate, qua celeritas navis celeritatem motus ab impellentis dextra impressi superabat; at in ipsa navi sedentibus lapis versus occasum moveri apparebit eadem prorsus celeritate, quam à projicientis manû accepit, qua etiam in puppi impingere videbitur.

Sed si quis in puppi sedens lapidem versus proram projiciat; verus, & absolutus illius motus erit versus proram, seu orientem; & à spectatore nostro extra navem posito ea celeritate ferri conspicietur; quæ æqualis sit summæ duarum celeritatum, illius scil., quam à projiciente accepit, & illius, quæ per motum navis ipsi communicabatur.

Hæc omnia hypothesei terræ motæ possunt applicari. Si enim terra solummodo circa axem suum revolvatur ab occidente versus orientem, & lapis, vel globus è tormento projiciatur ad occidentem ea celeritate, qua terra circa axem vertitur; impetus, quem globus ex tormento recipit, contrarium impetum, qui ex terra illi imprimebatur, destruet; adeoque in spatio absoluto quiesceret globus, secluso motu ex gravitate orto. Nihilominus, qui in terræ superficie degunt, & una cum ea revolvuntur, lapidem, vel globum versus occasum celeriter ferri conspicient; & si murus aliquis ejus motui apparenti objiciatur, globum vi eadem murum ferientem videbunt, ac si murus revera quiesceret, & globus contra illum ea celeritate impingeret, quam in eo casu ab explosione reciperet: nam eadem, ut dictum est, erit ictus quantitas, sive globus cum determinatâ celeritate in murum quiescentem projiciatur, sive murus in globum quiescentem eadem celeritate irruat.

Si minor sit vis, quæ in globum per bombardæ explosionem

nem imprimitur, ea, quæ per diurnum motum terræ illi communicatur, globus revera versus orientem feretur; at quia ejus velocitas minor est eâ, qua nos versus orientem revolvimur, globus à nobis ad occidentem tendere conspicietur; & obstaculum quodcunque ejus motui apparenti oppositum ea vi ferire videbitur, ac si revera obstaculum in eodem spatio absoluto permansisset, & globus in ipsum ea vi, quam à bombardâ accepit, impegisset. Si deinceps globus versus orientem explodatur, motus ejus absolutus erit in orientem, & ejus velocitas in tantum superabit velocitatem, qua ipsa tellus fertur, quanta est ea, quæ globo per bombardam imprimitur, adeoque ea sola velocitatis differentia in obstaculum quodcunque irruit, & illud percutiet.

Verum universaliter, corporum in dato spatio inclusorum iidem erunt motus inter se, idem congressus, eadem percussionis vis, sive spatium illud quiescat, sive moveatur uniformiter in directum.

Motu, quiete, celeritate, tam absolutis quam, relativis prolixè satis explicatis, ad alios terminos definiendos accedo.

VIII. *Spatium percursum est via illa, quæ à corpore motu ipsius peragrat.*

IX. *Illius longitudo est recta illa, quæ à centro corporis moti describitur.*

X. *Directio motus est recta, qua tendit mobile.*

XI. *Motus æquabilis fit, quando mobile eadem semper celeritate omnes longitudinis, seu spatii percursi partes describit.*

XII. *Motus acceleratus est, cujus velocitas continuo crescit.*

XIII. *Motus retardatus est, cujus velocitas continuo minuitur.*

XIV. *Motus æqualiter acceleratus est, cui temporibus semper æqualibus æqualia accedunt velocitatis incrementa.*

XV. *Motus æqualiter retardatus est, cujus velocitas temporibus æqualibus ad quietem usque æqualiter decrescit.*

XVI. *Momentum (quod & quantitas motus, sæpe etiam simpliciter motus dici solet) est potentia, seu vis illa corporibus motis insita, qua è locis suis continuo tendunt.*

XVII.

XVII. *Impedimentum vero est, quod motui obstat vel resistit, atque illum destruit, vel saltem minuit.*

XVIII. *Vis motrix est potentia agentis ad motum efficiendum.*

XIX. *Vis impressa est actio in corpus exercita, ad ejus statum vel motus vel quietis mutandum.*

Si corpus A quiescat, & movendum sit cum data celeritate, vis illa, quæ ipsi imprimitur, quaque accepta cum data velocitate moveri incipit, dicitur vis impressa; in quo casu à vi motrici non nisi in concipiendi modo differet: eadem enim vis, quatenus ab agente procedit, dicitur vis motrix, & quatenus à patiente recipitur, dicitur vis impressa. Sic etiam, si corpus B moveatur, quædam determinata requiritur vis ad illius motum minuendum, & quædam etiam determinata vis necessario habenda est ad illius motum omnino sistendum; quæ cum in corpus B exercetur, vis impressa dicitur.

Non ignoro, quosdam philosophos quantitatem motus ab illius celeritate non distinguere; ea quippe corpora æquales motus habere dicunt, quæ æquali celeritate moventur, sive ipsa corpora æqualia, sive inæqualia existant, sive unum sit exiguum admodum, alterum vero utcumque magnum; modo eadem velocitate utrumque corpus latum sit, in utroque semper eandem motus quantitatem permanere volunt. At non ratio solum, verum & experientia docet, motum non modo augeri in ratione velocitatis, sed & etiam in ratione molis seu magnitudinis, positis corporibus homogeneis seu ejusdem speciei; v. g. sint duo corpora A & B, quorum A majus corpus, & B minus; & momentum seu quantitas motus ipsius A non tantum majus erit momento ipsius B, si A velocius feratur ipso B; verum si utrumque æquali celeritate feratur, erit vis, seu energia, qua corpus majus A fertur, major ea, quam habet corpus B ad suum locum mutandum; quia scil. vis contraria obstaculi vel impedimenti major requiritur ad sistendum motum majoris corporis A, quam ea, quæ necessaria est ad motum corporis minoris B solvendum: quippe, si sit corpus A centum librarum, pondus vero

TAB. 3.
Fig. 4.

vero ipsius B unius libræ, & si æqualis sit in utroque corpore celeritas, vis, quam corpus A exercet, quaque obstaculum quodvis removere conabitur (& proinde vis impedi- menti retinentis, & motum illius destruentis) multo major erit vi motus corporis B, qua scil. impedimentum removere nititur; & illius impediementi vis, quæ necessario requiritur ad motum ipsius B destruendum, minor erit vi impediementi; quæ sufficiens erit ad motum mobilis A auferendum. Verum in sequentibus theoremata dabimus, quibus motus quantitas æstimari, & ejus mensura determinari potest.

XX. *Vires motrices æquales sunt, quæ similiter agentes æquales motuum quantitates in dato tempore producant.*

XXI. *Vires contrariæ sunt, quarum linearum directionis sunt contrariæ.*

XXII. *Gravitas est vis ferens deorsum, qua corpora rectè ad terram tendunt.*

XXIII. *Vis centripeta est vis illa, qua corpus ad punctum aliquod tanquam centrum continuo urgetur; atque hinc sequitur, gravitatem esse vim quandam centripetam.*

XXIV. *Per vim centrifugam autem intelligimus vim, qua corpus aliquod continuo urgetur, ut à centro recedat.*

Vires autem hæ semper æstimantur per vires contrarias, quæ corpora in eodem statu retinere possunt; sic si corpus aliquod filo alligatum circa centrum immobile revolvatur, vis, qua à centro recedere conatur, est vis centrifuga; actio autem fili renitentis, & corpus versus centrum continuo retrahentis, qua fit, ut corpus in eodem semper circulo retineatur, erit tanquam vis centripeta vi centrifugæ æqualis; adeoque harum virium una per alteram rite æstimari potest. Sic etiam vis gravitatis alicujus corporis innotescit per vim ipsi contrariam & æqualem, qua ipsius descensus impediri potest. Potest autem vis illa vel esse alterius corporis pondus (per mechanicum aliquod instrumentum, e. g. libram) contrarie agentis, vel vis centrifuga, quæ orietur, si corpus illud cum certa quadam, & determinata velocitate in circulo circa centrum terræ revolvatur; vel denique potest esse al-
terius

terius coporis firmitudo, & resistentia, supra quod pondus premeus incumbit.

XXV. *Quantitas acceleratrix cujusvis vis est mensura velocitatis, quam in dato tempore vis illa generat.*

In eadem à terra distantia corpora omnia, utcunque inæqualium ponderum, æquivelociter descendunt; & proinde æquales sunt ipsorum vires acceleratrices; in distantis autem inæqualibus inæqualiter, in majori scil. minus, in minore magis accelerantur.

L E C T I O VIII.

FINITIS definitionibus ad res minus claras, vel terminos minus usitatos explicandos inservientibus, ad axiomata physica accedimus. Cum autem Philosophiæ naturalis objectum sint corpora, corporumque in se invicem actiones, quæ non tam facile, & distincte concipiuntur, quam simplices illæ magnitudinum species, de quibus tractat Geometria; nollem, ut quisquam in materia physica, tam rigidæ demonstrandi methodo insistat, ut principia demonstrationum, hoc est, axiomata adeo clara, & per se evidentia possulet, ac illa sunt, quæ in Geometriæ elementis traduntur: talia quidem dari rei natura non permittit. Verum sufficiat, si ea adhibeantur, quæ rationi & experientiæ congrua esseprehendimus, quorum veritas primo quasi intuitu elucet, quæ sibi ipsius fidem apud non obstinatos conciliant, & quibus assensum suum nemo denegabit, nisi se omnino Scepticum profiteatur.

Verum etiam in demonstrationibus laxiore aliquando argumentationis genere utendum est, & propositiones adhibendæ sunt non absolute veræ, sed ad veritatem quam proxime accedentes, e. g. cum demonstratur, omnes ejusdem penduli vibrationes in arcibus circuli minoribus factas æquidistantas fore; supponitur, arcum circuli parvum, ipsiusque chordam esse declivitatis, & longitudinis ejusdem, quod tamen, si rigidam veritatem spectemus, admittendum non est: at in Physica hæc hypothesis tantillum à vero abluat; ut differentia merito sit negligenda, & discrepantia vibrationum, quæ

ex

ex illa differentia oritur, omnino insensibilis evadit, uti experientia testatur. Sic etiam insignis Philosophus & Geometra D. Gregorius in *Elementis Catoptricis & Dioptricis*, laxiorem Geometriam adhibet, lineas & angulos tanquam æquales assumendo, qui revera inæquales ad æqualitatem quam proxime accedunt. Atque sic pulcherrima solvit problemata physica, quæ alias intricatissima futura sunt. Sed etiam ipsi Newtono aliquando arridet hæc methodus; ut videre est in *Prop. 3 lib. 2 Philosophiæ Naturalis Princip. Math.*

Si qui vero sint, qui contra istiusmodi principia, & demonstrationes pertinacem obfirmant animum, & propositionibus satis manifestis se expugnari non patiuntur, hos, ut supina sua ignorantia gaudeant, relinquimus, nec dignos esse, qui ad veram Physicam admittantur, censemus.

A X I O M A T A.

- I. Non entis, aut nibili nullæ sunt proprietates aut affectiones.
- II. Nullum corpus potest naturaliter in nihilum abire.
- III. Omnis mutatio corpori naturali inducitur ab agente externo procedit; corpus enim omne est iners materiæ moles, & nullam sibi ipsi mutationem inducere valet.
- IV. Effectus sunt causis suis adæquatis proportionales.
- V. Causæ rerum naturalium æ sunt, quæ simplicissimæ sunt, & phænomenis explicandis sufficiunt: nam natura metodo simplicissima, & maxime expedita semper progreditur; hisce enim operandi modis se melius prodit Sapiencia Divina.
- VI. Effectuum naturalium ejusdem generis eadem sunt causæ; ut descensus lapidis & ligni ab eadem causa procedit; eadem quoque est causa lucis & caloris in sole & in igne culinari; reflexionis lucis in terra & planetis.
- VII. Quæ duæ res ita inter se connexæ sunt, ut sese perpetuo comitentur, & quarum una mutatur, vel sublatâ, altera quoque similiter mutetur vel tollatur, vel harum una alterius causa est, vel utraque ab eadem causa communi provenit.

Sic si sit acus magnetica circa axem versatilis, cui magnes admoveatur, & circa eandem revolvatur; acus etiam

con-

contingo eodem tenore movebitur, & si sistatur magnetis motus, subfistet quoque ipsius acus circulatio, & rursus cum ipso magnete revolvi incipiet: unde nemo dubitat, quin arcus vertigo ab ipsius magnetis motu dependeat. Sic etiam cum fluxus, & refluxus maris in eodem loco semper fiat, scilicet cum luna ad eundem circulum horarium pervenerit, & ejus motum continuo comitetur; periodus nempe æstuum periodo motuum lunarium ita præcise respondet, ut nulla à tot seculis notata sit aberratio: retardatur enim minutis 48 in singulos dies; & in syzygiis lunæ cum sole semper fit æstus maximus, in quadraturis minimus; unde agnoscendum est, maris fluxum à motu lunæ, & ipsius situ respectu solis pendere.

VIII. *Moto corpore quovis secundum quamcunque plagam, omnes ejusdem particulae, quæ in ipso relative quiescunt, eadem velocitate simul secundum eandem plagam progrediuntur; hoc est, moto loco relativo, movebitur quoque locatum.*

IX. *Æquales materiae quantitates eadem velocitate lata æqualia habebunt momenta, seu motuum quantitates.*

Nam momentum cujusque corporis est summa momentorum omnium particularum corpus illud componentium; & proinde ubi æquales sunt particularum magnitudines & numeri, æqualia erunt momenta.

X. *Vires æquales & contrariæ in idem corpus agentes mutuum effectum tollunt.*

XI. *Ab inæqualibus autem, & contrariis viribus producitur motus æquipollens excessui præpollentis.*

XII. *Motus à viribus conspirantibus, hoc est, secundum eandem directionem agentibus productus æquipollet earundem summae.*

XIII. *Æquipollens si vel augeatur, vel contrarium minuatur fit præpollens.*

Qui mechanice philosophari volunt, duo sequentia adhibent effata.

XIV. *Omnis Materia est ejusdem ubique naturæ, & eadem habet essentialia attributa, sive in calis sit, sive in terris, sive appareat sub forma corporis fluidi, sive duri, aut alterius cujusvis;*

jusvis ; hoc est , materia cujusvis corporis , e. g. ligni , à materia alterius cujusvis non essentialiter differt .

XV. Diversæ autem corporum formæ non sunt nisi diversæ modificationes ejusdem materiæ ; & à varia particularum corpora componentium magnitudine , figura , textura , positione , & cæteris modis pendent .

XVI. Sic etiam qualitates , seu actiones , vel potentia quorundam corporum in alia corpora oriuntur solum ex prioribus affectionibus , & motu conjunctim .

Ponunt autem philosophi , materiam esse omnium formarum , & qualitatum commune substratum , quæ ad omnes se indifferenter habet , cum sit omnium capax , & eadem semper manet sub quibuscunque appareat formis , unde & à peripateticis materia prima nuncupatur .

Quamvis vero formæ , & qualitates ipsi materiæ sunt prorsus accidentales , ad corpus tamen , quod ex forma & materia simul junctis coalescit , necessario & essentialiter pertinent ; v. g. quamvis materia ligni prorsus sit indifferens ad hanc vel illam formam , seu particularum figuram , & texturam , quibus infinitis modis variatis eadem semper manet ; non tamen potest lignum subsistere sine determinata illa particularum modificatione , quæ formam lignei corporis constituit , quæ sublata perit lignum , & eadem materia in alterius generis corpus transit . Quod autem in particularum modificatione forma corporis lignei consistit , patet , ubi lignum igni immittitur , & materia forma illa privatur : nam per vim ignis dissolvitur particularum nexus , & textura , & harum pars quædam in fumum , & vapores transit , altera in cineres reducitur .

Multa à philosophis proferuntur exempla , ut ostendant , varias particularum ejusdem materiæ magnitudines , figuras , & texturas varias producere corporum formas , & ex variis etiam ipsarum motu , & positione varias oriri qualitates ; quorum aliqua hîc adducemus .

Primo , cum per calorem solis aquæ particulæ rarefiant , ex mari ad supremum fere aera sub forma vaporum evolvuntur ; at recens hæc forma non aliunde provenit , quam ex partium

tium mutato situ: per rarefactionem autem fit, ut aqueæ particule plura, & patentiora forte contineant in se spatiola, vel omnino vacua, vel purissimo tantum æthere repleta: unde harum materia majus occupans spatium, quam æqualis materiæ aeris quantitas, aere redditur minus intensive gravis, & proinde sursum trahitur, eodem modo, quo suber sub aqua demersum: nec unquam consilunt vapores, donec ad aerem ejusdem gravitatis perveniunt, ubi relative quiescunt, & nubes mille figuras induentes componunt.

Mox ubi per ventorum cursum aer minus gravis redditur, vapores eandem retinentes gravitatem necessario subsident, & in casu suo per aeris resistentiam condensati, & in minus spatium coacti formam priorem amittunt, & in terram cadentis pluviae speciem recipiunt.

Multo maxima hujus pars per fluvios ad mare deducitur, iterum in vapores abitura; pars vero aliqua terræ se immiscet, & ibi deposita arborum, herbarumque radices, & semina ingreditur, è quibus in alias plane, & novas corporum species assurgit. Et eadem quidem pluvialis aqua diversa corpora componit, prout diversa ingreditur rerum semina; quædam scilicet in plantagine, quædam in gramina, aliqua in flores, aliqua in quercus, ornos, fagos, & alias quamplurimas arborum & plantarum species.

Nec in eadem planta omnino similis manet eadem pluvia, cum plantæ omnes ex innumeris heterogeneis consent partibus; sic in lino *e. g.* alia est forma radices, alia caulis, alia tenuium fibrarum, alia florum, alia seminis, alia capsularum semen continentium.

Varia quoque est in eodem lino vasorum structura, (non aliter enim ac in corpore animato, quælibet planta sua habet vasa humorum circulationi inservientia) sed & diversis omnino gaudent hæ partes proprietatibus: caulis *e. g.* est corpus lignosum & post exsiccationem valde friabile, dum cortex, seu membranula caulem operiens ex oblongis, tenuissimis, & plicabilibus constat fibris varie inter se connexis.

Hanc membranam à caule sua separant linifices, & postquam mille tractaverunt modis, fibras ejus in oblonga contorquent

AD VERAM PHYSICAM. LECT. VIII. 81

torquentur fila ; mutatæque particularum positione & situ ,
 aliam sane , & longe diversam subeunt fibrillæ formam ab ea ,
 quam in viridi habebant planta .

Mox in se convoluta fila , iisdem manentibus particulis
 ipsorum minimis , glomorum species præbent . Fila hæc
 variè inter se connectunt , & texunt linteones , & arte sua
 telas ex illis componunt , quæ vestimenta hominibus
 præbent . Hæc denique in linteola redacta aquæ immittun-
 tur , & malleis ligneis in mollem quasi pulpam rediguntur ,
 quæ tandem , exsiccatō humore aqueo , in formam papyri
 transmutatur , quæ , si igni immittatur , partim tenuissimum
 pulverem , partim in fumum evanescit .

At hæc omnes tam multifariæ , sub quibus eadem materia
 apparet , formæ non nisi ex particularum mutata figura ,
 magnitudine , & textura proveniunt , & ab iis solummodo
 pendent .

Sic si metalla liquantur , ignis vi partium coherentia dis-
 solvitur , & particulæ metallicæ à se invicem separatæ ra-
 pidissimo cidentur motu , quo fit , ut formam corporis fluidi
 induant .

Hinc etiam (ut videtur) oritur illa salium , & metallo-
 rum in mensuris dissolutio ; per fermentationem enim se-
 parantur partes à se invicem , & in minima resolutæ ipsius
 fluidi agitantur motu , unde tanquam corpora fluida appa-
 rebunt . Ex hisce corporum , ipsorumque partium figuris ,
 & reliquis modificationibus plurimi oriuntur effectus , plu-
 rimæ qualitates singulis corporum generibus propriæ , quas
 perire necesse est , si partium constitutio mutetur . Sic ex ea-
 dem materia v. gr. ferro formantur claves , cultri , limæ ,
 ferræ , & alia innumera instrumenta ad varios usus accom-
 modata , quorum qualitates , & effectus ex solis pendent eo-
 rundem figuris : unde enim clavi potentia sua ad osium re-
 ferendum , nisi ab ipsius figura , magnitudine , & partium
 congruitate cum partibus ferræ , cui immittitur ? Unde cuneis ,
 & cultris potentia ad corpora findenda ? Nonne hanc ex so-
 la ipsarum figura provenire demonstratum est à Mechanicæ
 scriptoribus ? Unde fiunt motus in automatis tam regula-
 res ,

res, nisi ex rotis inter se dispositis, sibi invicem adaptatis; & commissis; unde denique fit, ut per machinas artificiales tanti effectus producantur? Certè ratio non aliunde, quam ab ipsarum fabrica petenda est.

Nec minus partium suarum constitutioni, & modificationi debent corpora naturalia, quam artificialia: omnes enim ipsorum operationes non nisi ex motu, situ, ordine, figura, & positione corpusculorum proveniunt, quibus in quovis corpore mutatis, mutantur etiam eo ipso illius corporis qualitates.

Si corporis superficies sit scabra & aspera, lucem in ipsam incidentem undequaque reflectit, propterea quod partes superficiales lucem excipientes, & remittentes non omnes in una atque eadem superficie regulari, sed infinitis fere; iisque diversis locantur planis: unde lucem in varia hæc plana incidentem undique etiam reflecti necesse est. Hinc glacies, quæ, cum integra, & polita sit, nullius fere est coloris, in partes tamen contusa, seu asperam, & angulosam habens superficiem, alba apparet, scil. cum lumen copiose, & in omnes partes reflectit. Eadem quoque est ratio albescentis aquæ, cum in spumam vertitur:

Ea autem est plerorumque corporum visibilium structura, ut eorum superficies partem radiorum in se incidentem suffocare, partem remittere possint. Si superficies ita sint comparatæ, ut omnia radiorum genera æqualiter reflectant, vel æqualiter suffocent, erit illorum color vel albus, vel niger, vel subfuscus, inter album, & nigrum medius: nam color albus non aliter differt à nigro, quam quod alba corpora plurimos reflectant omne genus radios, nigra autem paucissimos. Hoc patet ex umbra corporis opaci, quæ sole lucente in parietem album projicitur; pars enim, in qua umbra versatur, cum multo pauciores, quam reliquæ omnes excipiat radios, multo pauciores quoque reflectit, adeoque reliquarum respectu nigra apparet. At si partes illæ reliquæ non plures reciperent radios, quam ea, ubi umbra projicitur, tunc ubique idem foret color, nempe albus.

Si talis sit superficiei textura, ut aliquod radiorum ge-
nus

nus copiosius, & reliqua omnia parcius reflectat, superficiem color ad eum accedet, qui ex radiis magis copiose reflexis oritur; hoc exinde demonstrari potest, quod ejusdem objecti varius erit color, prout varia excipit radiorum genera, reliquis interceptis, ut primus invenit sagacissimus *Newtonus*. Sic si per trigonum vitreum radii rubri (sic enim vocitare licet colorem rubrum producentes) in objectum cæruleum projiciantur, objectum suum mutabit colorem, & rubrum induet; si flavos tantum excipiat radios, tunc ejus color in flavedinem vertetur; si cærulei incident radii cæruleus apparebit, & color ille cæteris omnibus coloribus vividior erit, eo quod horum radiorum multo plures reflectit, & pauciores suffocat quam reliquorum.

Si superficies corporis sit exacte polita, hoc est, nulla asperitate & scabritie impedita, & radios satis confertos reflectat; hæc radios ab objecto quovis prodeuntes, & in ipsam incidentes ita reflectet, ut objecti illius imaginem conspiciendam præbeat: & ob eam causam corpora istiusmodi superficies habentia *Specula* vocantur. Si speculum sit planum, imago erit objecto æqualis, & pone speculum invenietur, ad distantiam æqualem ei, quam habet radians ante ipsum; si superficies sit concava spherica, & objectum radians magis distet ab ipso quam $\frac{1}{2}$ diametri spheræ, imago in aere pendula inter radians speculum apparebit, & ipso quidem objecto minor erit; si radians in centro locetur, ibi quoque erit ejus imago ipsi æqualis; si ultra centrum versus speculum progreditur radians, ita scil. ut major sit ipsius distantia ab eo quam $\frac{1}{2}$ diametri, imago à speculo ultra centrum transcurrent, & radiante major erit: cum autem radians ad distantiam æqualem $\frac{1}{2}$ diametri pervenerit, tum imaginis distantia infinita evadit; si autem tantillo propius ad speculum accedat, imago erit pone speculum ipso radiante major. Omnia hæc tam diversa phænomena ex sola mutata distantia proveniunt, cæteris omnibus in eodem statu manentibus.

Videamus jam varios, & illos prorsus contrarios effectus, qui ex solo mutato situ seu positione oriuntur, aliis rebus

omnibus in eodem statu existentibus, præter ea, quæ ex mutatione situs dependent.

Omnes jam agnoscunt philosophi, solem in centro hujus systematis quiescere, terram autem, reliquorum planetarum instar, circa ipsum spatio annuo deferri; ita autem terra circa solem movetur, ut axis ejus non ad orbitæ suæ planum normalis, sed ad ipsum inclinatus angulo 66½ gr. sibi semper parallelus maneat. Et propter hunc parallelismum, & inclinationem necesse est, ut terra aliquando unum ipsius polum soli obvertat, aliquando alterum, & proinde terræ partes omnes varios subibunt ad solem situs. Ex hac situs mutatione dependent omnes illæ tempestatum vicissitudines, quæ singulis annis obveniunt, scil. æstas, hyems, ver, & autumnus: si enim axis terræ ad planum suæ orbitæ normalis esset, tunc nullæ forent temporum mutationes, nullæ dierum & noctium differentiæ, sed quælibet terræ pars radiorum solarium æquales vires eodem semper exciperet modo.

Cum autem singulæ terræ partes solis respectu situm suum continuo mutant, & ejusdem radios nunc magis obliquos, nunc minus, nunc breviores, nunc diuturniores tempore excipiant, diversæ, & prorsus contrariæ exinde oriuntur phasæ. Autumno scil. exarescunt segetes, & fructus maturescunt, paulatim tamen viridem, & amœnam faciem deponunt campi, & decidunt arboribus folia. Mox ingruente hyeme frigent & horrent omnia, nix regit alta montes, cujus onere depressæ laborant sylvæ; imo quod mirum est, ipsæ maris aquæ stabiles & firmæ redduntur, quodque prius fuit navibus tantum penetrabile, nunc exercitus; & castra gerit.

Terra autem orbem suum continuo percurrente, quælibet ejus pars solis respectu situm mutat, & quæ prius averfa, nunc solem respicere incipit; quod dum fit, diffugiunt nives, redeunt gramina campis, & sua arboribus folia, nec stabulis jam gaudet equus, nec arator igne, sed nova prorsus, & læta apparet rerum facies, & annus per ætatem ad autumnum revertitur.

Cum

Cum jam tot diversi, tot contrarii eveniant effectus ex sola sitis mutatione, & tam varia ex hac consequantur phaenomena, cæteris omnibus causis lisdem manentibus; certe, ex positione, distantia, magnitudine, figura, & structura partium corpora componentium, ex effluviis motu, & subtilitate, ex corporum congruitate, & eorum ad alia corpora respectu; ex hisce inquam omnibus varie, & infinitis fere modis junctis, & simul combinatis, infinitæ propemodum diversæ provenire possunt corporum formæ, affectiones, & in se invicem operationes, nec quicquam in natura conspiciendum est, quod ex hisce non pendeat. Si enim hæc mutantur, mutabuntur simul corporum formæ, qualitates, & operationes. *e. g.* Constat, attractiones, & directiones magneticas ex partium structura oriri; nam si ictu satis valido magnes percutiatur, quo partium internarum posuio mutetur, mutabitur etiam eo ipso magnetis polus. Et si igni immittatur magnes, quo interna partium structura mutetur, vel prorsus destruat, tunc amittit omnem priorem virtutem, & ab aliis vix differt lapidibus.

Etiamsi autem generaliter ostensum sit, operationes magneticas ab interna partium constitutione quodammodo provenire, modus tamen operandi ex mechanicis, & intellectu facillimis principiis deductus non adhuc inventus est. Quodque nonnulli de effluviis, materia subtili, particulis poris magnetis adaptatis, &c. generaliter prædicant, minime nos ad claram & distinctam harum operationum explicationem deducit: sed omnibus hisce non obstantibus virtutes magneticæ inter occultas qualitates reponendæ sunt.

Ex dictis sequitur, qualitates corporum, quæ à formis non pendunt, quæque eadem inante materiæ quantitate intendi, & remitti nequeunt; sed omnibus insunt corporum generibus, in quibus experimenta instituere liceat, esse qualitates omnium corporum universales. Cum enim ex forma, seu modificationibus corporum non proveniant, oportet ut ab ipsa dependeant materia: sed cum omnis materiæ eadem sit natura, & pars ipsius quævis ab alia non nisi per modos differat, erunt qualitates ex hisce modis non productæ in omni materia eadem.

Theoremata de Motus quantitate, & Spatiis à mobilibus percurfis.

THEOR. I.

IN comparandis corporum motibus, si mobilium quantitates materiæ æquales sint, erunt momenta, seu motuum quantitates, ut velocitates.

TAB. 1.
fig. 5.

Sint A & B duo mobilia æquales habentia materiæ quantitates, & moveatur A celeritate C, B vero celeritate c ; dico, momentum, seu quantitatem motus in mobili A esse ad momentum, seu quantitatem motus in mobili B, ut celeritas C ad celeritatem c : si enim vis aliqua imprimenda sit corpori A, ad illud movendum cum data velocitate C dupla habenda est vis ad movendum corpus B cum dupla velocitate, & tripla adhibenda est vis ad illud movendum cum tripla velocitate, & dimidia tantum vis necessaria est ad movendum B cum dimidia velocitate; & sic de cæteris multiplicibus vel submultiplicibus; *i. e.* cum (per axioma quartum) effectus sint causis suis adæquatis proportionales, si vis, quæ adhibetur ad corpus B movendum, sit dupla istius, quæ applicatur ad A movendum, erit quoque illius momentum hujus momenti duplum; si tripla habenda est vis, erit quoque motus corporis B motus ipsius A triplus; si dimidia tantum vis corpori B imprimatur, erit ejus momentum dimidium momenti ipsius A: hoc est, cum velocitas corporis A sit universaliter ad velocitatem ipsius B, ut vis impressa corpori A ad vim ipsi B impressam; & ut vis impressa mobili A ad vim impressam corpori B; ita momentum, seu quantitas motus in A ad momentum, seu quantitatem motus in B; erit velocitas mobilis A ad velocitatem mobilis B, ut motus ipsius A ad motum mobilis B. Q. E. D.

Cor. Si momenta sint, ut velocitates, erunt quantitates materiæ in corporibus motis æquales.

THEOR. II.

In comparatis motibus, si celeritates sint æquales, erunt corporum momenta, seu motuum quantitates, ut quantitates mate-

ria

ria in iisdem ; vel , si mobilia sint homogenea , ut ipsorum magnitudines .

Sint duo mobilia A & B, quorum utrumque feratur ea-
dem celeritate C; dico, momentum corporis A esse ad mo-
mentum corporis B, ut quantitas materiæ ipsius A ad quan-
tatem materiæ ipsius B. Si enim materiæ quantitas in A du-
pla sit istius, quæ est in B, dividi potest A in duas partes,
quarum utralibet tantum habebit materiæ, ac proinde (per
axioma 9) tantum motus, quantum habet B; cum scilicet ea-
dem velocitate utrumque corpus feratur: adeoque erit mo-
mentum corporis A momenti corporis B duplum. Si ma-
teriæ quantitas in A tripla sit ejus, quæ est in B, dividi po-
test A in tres partes, quarum unaquæque habebit motus quan-
tatem æqualem ei, quæ est in B; & universaliter, quam-
cunque proportionem habet materia in A ad materiam in B,
eamdem habebit rationem momentum ipsius B ad momen-
tum ipsius B, si modo eadem velocitate utrumque corpus la-
tum fuerit.

Si corpora homogenea sint, erunt quantitates materiæ, ut
ipsorum magnitudines, seu moles; ac proinde ipsorum motus
erunt etiam in eadem magnitudinum ratione.

Cor. Si momenta sint, ut quantitates materiæ, erunt cele-
ritates corporum æquales.

THEOR. III.

*In comparatis motibus quorumcunque corporum momentorum
ratio componitur ex rationibus quantitarum materiæ & cele-
ritatum.*

Sint duo mobilia quæcunque A & B, & moveatur A cele-
ritate C, B vero celeritate c; dico, momentum ipsius A esse
ad momentum ipsius B, in ratione composita ex ratione quan-
tatis materiæ in A ad quantitatem materiæ in B, & ratio-
ne celeritatis corporis A ad celeritatem corporis B. Ponatur
corpus tertium G, quod materiam habeat æqualem ei, quæ est
in A, sed moveatur celeritate corporis B. Constat ex ele-
mentis, rationem momenti corporis A ad momentum corpo-
ris B compositam esse ex ratione momenti corporis A, ad
momentum corporis G, & ratione momenti corporis G ad

TAB. 2.
fig. 6.

momentum corporis B: sed (per theor. 1) momentum corporis A est ad momentum corporis G, ut celeritas C est ad celeritatem c ; & cum G & B eadem celeritate ferantur, momentum corporis G erit ad momentum corporis B, ut materiæ quantitas in G vel A ad quantitatem materiæ in B. Ideoque erit quoque momentum corporis A ad momentum corporis B, in ratione composita celeritatis C ad celeritatem c , & quantitatis materiæ in A, vel G ad quantitatem materiæ in B. Q. E. D.

Cor. 1. Si corpora sint homogenea, momentorum ratio erit composita ex ratione magnitudinum, & celeritatum.

TAB. 1.
fig. 7.

Cor. 2. Si fiat, ut A ad B, hoc est, ut materiæ quantitas in A ad quantitatem materiæ in B, ita recta D ad rectam E, & compleantur rectangula sub D & C, & sub E & c , erit momentum mobilis A ad momentum mobilis B, ut rectangulum DC ad rectangulum Ec.

Nam quia est, ut A ad B, ita D ad E, erit ratio composita ex rationibus A ad B, & C ad c , æqualis rationi compositæ ex rationibus D ad E, & C ad c ; sed (per 23 el. 6) ratio composita ex rationibus D ad E, & C ad c æqualis est rationi rectanguli DC ad rectangulum Ec: & (per theor. hoc tertium) ratio momenti mobilis A ad momentum mobilis B æqualis est rationi compositæ ex rationibus A ad B, seu D ad E, & C ad c ; quare erit, ut rectangulum DC ad rectangulum Ec, ita momentum mobilis A ad momentum mobilis B. Cujusvis igitur corporis momentum considerari potest tanquam rectangulum factum ex ductu molis, vel quantitatis materiæ in eodem contentæ in ejusdem celeritatem.

Cor. 3. Quare quæcunque demonstrata sunt de horum rectangulorum proportionione, eadem quoque vera erunt de corporum momentis hisce rectangulis proportionalibus; v. gr. si sit, ut D ad E, vel ut A ad B, ita c ad C, erunt in eo casu mobilium momenta æqualia; rectangula enim parallelogramma latera reciproce proportionalia habentia sunt æqualia (per 14 el. 6), & è contra; si rectangula sint æqualia, erunt latera reciproce proportionalia; hoc est, si quantitates materiæ, seu in corporibus ejusdem generis eorundem

AD VERAM PHYSICAM. LECT. IX. 89

dem magnitudines sint celeritatibus reciproce proportionales, erunt momenta æqualia; & conversim, si momenta sint æqualia, erit ut materiæ quantitas in uno ad quantitatem materiæ in altero, ita reciproce hujus celeritas ad illius celeritatem; hinc etiam demonstratur sequens

THEOR. IV.

In comparatis motibus celeritatum ratio componitur ex ratione directâ momentorum, & reciproca quantitatum materiæ.

Sint duo mobilia A & B, & feratur A celeritate C, B vero celeritate c. Dico, esse C ad c, hoc est, celeritatem unius A ad celeritatem alterius B in ratione directâ momenti corporis A ad momentum corporis B, & ratione reciproca materiæ in A ad materiam in B. Fiat, ut A ad B, ita recta EI ad rectam KG; & fiat IL æqualis C, GH vero æqualis c; & compleantur rectangula EL, KH. Per superius dicta, rectangula EL, KH repræsentabunt momenta mobiliū A, & B respectivè; ad GH applicetur rectangulum HN æquale rectangulo EL. Cum igitur HN æquale sit EL, erit (per 16 cl. 6) IL ad GH, ut GN ad EI; sed ratio GN ad EI æqualis est rationi GN ad GK, & GK ad EI; hoc est, æqualis rationibus rectanguli HN, vel EL ad KH rectangulum; & GK ad EI: quare erit celeritas C, vel IL ad celeritatem c, vel GH, in ratione composita ex ratione momenti EL ad momentum KH, & materiæ GK ad materiam EI; hoc est, velocitas cujusque corporis semper est, ut illius momentum applicatum ad ejusdem materiam. Q. E. D.

Simili prorsus ratiocinio colligitur, corporis cujusque materiam esse semper, ut momentum ad ejusdem velocitatem applicatum.

Atque hæc de corporum momentis. De proportionem spatio- rum à mobilibus emensorum sequentia etiam vulgo demonstrantur theoremata.

THEOR. V.

In comparatis motibus, si mobiliū celeritates sint æquales, erunt spatia ab illis percursa directè, ut tempora, quibus peraguntur motus.

Percurrat mobile longitudinem AB tempore T, motu æqua- TAB. 10.

quabili & uniformi; item idem, vel aliud mobile eadem velocitate latum percurrat longitudinem CD tempore t ; dico, lineam AB esse ad lineam CD , ut tempus T ad tempus t . Etenim si tempus T sit duplum ipsius t , potest illud dividi in duas partes, quarum unaquæque æqualis erit t , adeoque singula spatia æqualibus hisce temporis partibus eadem celeritate percurfa æqualia erunt spatio percurso in tempore t ; & duo spatia simul sumpta spatii tempore t percurfi dupla erunt: eodem modo, si T sit triplum ipsius t , dividi potest in tres partes æquales, & spatia singulis hisce temporibus percurfa æqualia erunt spatio tempore t percurso; ac proinde tria spatia simul sumpta spatii tempore t percurfi tripla erunt. Idem de aliis multiplicibus & submultiplicibus ostendi potest; quare universaliter, quamcunque proportionem habet T ad t , eandem habebit spatium percursum AB ad spatium percursum CD . Q. E. D.

Cor. Si tempora sint, ut spatia percurfa, celeritates sunt æquales.

T H E O R. VI.

In comparatis motibus, si motuum tempora æqualia sint, spatia percurfa erunt, ut celeritates.

TAB. 2.
fig. 11.

Percurrat mobile aliquod in dato tempore longitudinem AB , celeritate C ; & in eodem vel æquali tempore, percurrat idem vel aliud mobile longitudinem DE , celeritate c ; dico, lineam AB esse ad lineam DE , ut celeritas C est ad celeritatem c . Si enim celeritas C sit dupla ipsius c , erit spatium AB percursum celeritate C duplum spatii DE percurfi celeritate c ; si celeritas C sit tripla ipsius c , erit quoque AB longitudo ipsius DE longitudinis tripla; si C sit dimidia ipsius c , erit AB ipsius DE dimidia: & universaliter, cum æqualia tempora in percurrendis lineis insuntantur, quamcumque proportionem habet celeritas C ad celeritatem c , eandem habebit longitudo percurfa AB ad longitudinem percurfam DE . Q. E. D.

Cor. Si celeritates sint, ut spatia percurfa, tempora erunt æqualia.

Poterant duo prima theorematum, item quintum, & hoc sex-

sexturn, universaliter per æquimultiplicia, Euclidis methodo, demonstrari; verum cum per se adeo clara sint, ut inter axiomata reponi possint, vix tanto demonstrationis apparatu indigent.

THEOR. VII.

Longitudines percurse sunt in ratione composita ex rationibus temporum, & celeritatum.

Sit linea AB peragrata celeritate C, tempore T; & linea DE celeritate c, tempore t: dico, rationem AB ad DE compositam esse ex ratione celeritatis C ad celeritatem c, & ratione temporis T ad tempus t. Ponatur linea FG percurri tempore T, celeritate c; constat, AB esse ad DE in ratione composita ex rationibus AB ad FG, & FG ad DE. Sed quia AB & FG eodem tempore percurruntur; erit AB ad FG, ut celeritas C ad celeritatem c: cum vero mobilia eadem celeritate describant lineas FG & DE; erit (per theor. 6) FG ad DE, ut T tempus ad t tempus: quare cum ratio AB ad DE componatur ex rationibus AB ad FG, & FG ad DE, erit etiam composita ex rationibus, quæ sunt hisce rationibus æquales, nempe ex ratione celeritatis C ad celeritatem c, & temporis T ad tempus t.

Cor. 1. Si fiat HK æqualis C, HI æqualis T, item MN æqualis c, & MO æqualis t, & compleantur rectangula parallelogramma HL, MP; erit AB ad DE, ut rectangulum HL ad MP rectangulum: nam (per 23 el. 6) est rectangulum HL ad rectangulum MP in ratione composita ex rationibus HK ad MN, & HI ad MO; sed (per præcedens theorema) spatium percursum AB est ad spatium percursum DE, in ratione ex iisdem rationibus composita; unde spatia hæc percurfa considerari possunt tanquam rectangula facta ex temporibus in celeritates ductis.

Cor. 2. Si igitur spatia percurfa sint æqualia, erit quoque rectangulum sub celeritate, & tempore, quibus unum spatium transigitur, æquale rectangulo sub celeritate & tempore, quibus alterum peragratum spatium, & proinde erit, ut celeritas ad celeritatem, ita reciproce tempus ad tempus (per 14 el.

cl. 6) hoc est, si spatia percurſa ſint æqualia, tempora erunt reciproce, ut celeritates.

T H E O R. VIII.

In comparatis motibus, temporum ratio componitur ex directâ ratione longitudinum; & reciproca celeritatum.

TAB. 2.
fig. 14.

Theorema hoc demonstrari potest eodem modo ex præcedenti, quo quantum sequitur ex tertio; perspicuitatis autem gratia sic breviter ostenditur. Percurratur tempore T longitudo AB , celeritate C ; item tempore t longitudo DE percurratur, celeritate c dico, tempus T esse ad tempus t in ratione composita ex directâ ratione longitudinis AB ad longitudinem DE , & reciprocâ celeritatis C ad celeritatem c . Sit K tempus, quo percurri potest longitudo AB cum celeritate c , erit ratio temporis T ad tempus t composita ex ratione T ad K , & K ad t ; sed (per corol. præcedentis theor.) est ut T ad K , ita c ad C (cum idem spatium utroque tempore percurratur), & ut K ad t , ita (per cor. theor. 5) longitudo AB ad longitudinem DE ; quare erit T ad t in ratione composita celeritatis c ad celeritatem C , & longitudinis AB ad longitudinem DE ; hæc est, tempora sunt in ratione composita ex reciproca celeritatum, & directâ longitudinum. Q. E. D.

Eodem modo ostenditur, celeritates esse in ratione directâ longitudinum, & reciproca temporum.

Cor. 1. Atque hinc sequitur, tempus esse, ut spatium percursum applicatum ad celeritatem.

Cor. 2. Celeritas quoque est, ut spatium percursum applicatum ad tempus.

Theorema tertium, & septimum demonstrari possunt ex universali hoc theoremate, nempe:

Si effectus aliqui ex pluribus simul causis pendeant, ita scil. ut augeantur, vel diminuantur in eadem ratione, quæ augetur, aut diminuitur causarum aliqua; erunt effectus illi in ratione causarum omnium composita; hoc est, si causæ A , B , C simul agentes producant effectum E , qui cæteris iisdem manentibus semper est, ut causarum quævis; & aliæ causæ a , b , c prioribus respectivé similes, & si-

mi-

militer agentes producant effectum e ; erit ut E ad e , ita $A \times B \times C$ ad $a \times b \times c$. Quod eadem fere methodo, quam in præcedentibus demonstrationibus adhibuimus, facile ostendi potest.

Ad eundem modum, si idem effectus ex pluribus rebus simul pendeat, quarum aliquæ eundem adjuvant, vel augent in ea ratione, qua ipsæ augentur; aliquæ vero impediunt, vel minuant in eadem ratione, qua augentur; erit effectus semper directe, ut causæ adjuvantes, & reciproce ut agentes, impediētes, vel minuentes.

Theorema septimum stylo Newtoniano sic demonstratur.

Data celeritate, spatium percursum est ut tempus; & dato tempore, spatium percursum est ut celeritas; quare neutro eorum dato, est ut celeritas & tempus conjunctim.

Sic etiam theorema octavum ostenditur,

Data celeritate, tempus est directe ut spatium percursum; & dato spatio, tempus est reciproce ut celeritas; quare neutro dato, tempus erit directe ut spatium, & reciproce ut celeritas.

Similiter theorema tertium, & quartum exponi possunt, atque hanc methodum nos etiam brevitati studentes interdum usurpabimus.

LECTIO X.

IN demonstrationibus præcedenti lectione adhibitis methodum exposuimus, qua res physicæ ad Geometriam primo, deinde ad Arithmeticam reducendæ sunt; cum enim ibi demonstratur, corporum motus esse, ut rectangula sub ipsorum celeritate, & materia, ex datis cujuscvis corporis materia, & celeritate, dabitur ejusdem momentum, æquale scil. facto ex celeritate corporis in ejusdem quantitatem materiæ; v. gr. sit corpus A octo partium, B vero partium sex, celeritas ipsius A, ut 5, & corporis B celeritas, ut 3, erit motus corporis A quadraginta partium, & motus corporis B partium tantum octodecim.

Ita ex datis corporis cujuscvis momento, & materia, innotescet quoque illius celeritas; nempe si dividatur momentum

tum per ipsius materiam, quotiens exhibebit ejusdem velocitatem; sit enim motus in corpore A partium 40, & ejus materia octo partium; sit etiam motus in corpore B partium octodecim, & illius materia partium 6; dividendo quadraginta per octo, quotiens quinque exhibebit, velocitatem sc. mobilis A; & dividendo octodecim per 6, quotiens tria dabit, velocitatem mobilis B.

Cum per exempla res magis elucescunt, & numeri semper ad praxin sunt advocandi; ut tyrones se melius illis affuecant, licebit nobis scientiam de motu per numeros quoadque illustrare, & Arithmeticam tam speciosam, quam numerosam adhibere; ex speciosa enim Arithmetica eruantur canones quidem generales, qui postea ad numeros particulares sunt applicandi.

Sic denotet A materiam in quovis dato corpore A, C vero ejusdem celeritatem, atque ipsius momentum vocetur M; vel potius hæ literæ denotent numeros quantitativus illis proportionales; erit $C \times A = M$ & $C = \frac{M}{A}$ & $A = \frac{M}{C}$.

Similiter cum spatium percursum sit semper rectangulo sub celeritate, & tempore proportionale; si spatium dicatur S, tempus T, & celeritas C; erit $S = C \times T$; & $C = \frac{S}{T}$; & $T = \frac{S}{C}$;

& proinde cum sit $M = A \times C$, erit quoque $M = A \times \frac{S}{T}$; vel si T detur, erit $M = A \times S$; hoc est, cujusque corporis momentum est, ut ipsius materia ducta in spatium ab ipso in dato tempore percursum. Alia quamplurima hisce similia, quæ nonnulli pro motus legibus venditant, ex hæcenus demonstratis deduci possunt; at cum ea omnia tyro quivis facile per se eruere possit, non opus est, ut hic proferantur.

Ex supra demonstratis constat, momentum corporis cujusunque oriri ex motu partium singularum; nam singulis corporis particulis inest impetus, seu vis movendi, & ex harum virium summa componitur impetus, seu quantitas motus totius corporis.

Hinc et iam colligitur, quod quo major corporibus inest materiae quantitas, eo major adhibenda sit vis ad ea corpo-

sa cum data velocitate movenda, & eorum proinde momenta eadem ratione, majora erunt; si igitur sint duo corpora eadem velocitate lata, erunt quantitates materiæ in ipsis semper, ut eorundem momenta; adeoque si corpora mole æqualia, & æquavelocia inæqualia habuerint momenta, necesse est, ut in illis inæquales quoque sint materiæ quantitates; & quod minus habet momenti, plures habebit poros, seu spatia, vel omnino vacua; vel materia aliqua repleta, quæ non participat de motu totius corporis, cujus poros implere supponitur. Sic, *e. g.* si fiant duo globi suberis, & plumbi, ejusdem magnitudinis, & uterque eadem velocitate moveatur; cum experientiâ notum sit, momentum unius multo majus esse momento alterius, necesse est, ut multo plures sint pori in uno quam in altero; quos vel omnino vacuos esse, concedendum est, vel dicendum, eos materia aliqua subtilissima repletos esse, quæ ita libere potest ejusdem poros permeare, ut de motu corporis, cujus poros occupat, non participet.

Ut autem materia illa libere possit aliorum corporum poros permeare, nec de ipsorum motu participare, oportet, ut omnia corpora omnes suos poros secundum rectas lineas directioni motus parallelas extensas habeant; ut scil. nullæ fiant reflexiones materiæ subtilis contra pororum latera: alioquin una cum ipso corpore movebitur materia etiamsi subtilissima, quæ ipsius poros replere supponitur. Non potest igitur materia subtilis de corporis motu non participare, nisi corpus motum ita disponatur, ut poros suos directioni motus parallelos habeat. Cum autem infinitis aliis modis ipsius situs variari potest; hoc est, possunt pororum longitudines in infinitis angulis ad lineam directionis inclinari, & proinde illis omnibus positis, moto corpore, una movebitur materia subtilis in ipsius poris locata: non igitur potest materia subtilis ita corporum poros libere permeare, quin de ipsorum motu participet; ac proinde moto corpore, movebitur quoque materia intra ipsum contenta quantumvis subtilis sit. Si igitur suber moveatur, secum quoque deferet materiam suis poris contentam; adeoque cum minus habet momen-

ti, quam globus plumbeus ejusdem magnitudinis, eadem velocitate latus, minor erit in subere materiæ copia, & proinde plures pori, seu spatia absolute vacua.

Ex demonstratis etiam deducitur sequens theorema.

T H E O R. I X.

Pondera corporum omnium sensibilium juxta terræ superficiem sunt quantitativè materiæ in iisdem proportionalia.

Nam, ut multiplici pendulorum experientia constat, corpora omnia vi gravitatis perpendiculariter cadentia (abstracto aeris resistentiam) æqualia spatia in iisdem temporibus percurrunt. Nam in vacuo, seu medio non resistentem, non plus temporis impendit in descendendo minutissima quævis plumula, quam ponderosum plumbum; adeoque omnium corporum in dato tempore cadentium velocitates sunt æquales; erunt igitur eorum momenta quantitativè materiæ in iisdem proportionalia; verum vires motum generantes sunt semper motibus, seu momentis generatis proportionales, & proinde in hoc casu erunt, ut quantitates materiæ in corporibus motis; sunt autem vires, quæ motus illos generant, ipsæ corporum gravitationes, hoc est, pondera. Omnium igitur corporum pondera sunt quantitativè materiæ, quæ in corporibus sunt, proportionalia. Q. E. D.

Cor. 1. Corporis igitur cujusvis pondus, ex aucta solummodo, vel diminuta materiæ quantitate, augetur, vel diminuitur.

Cor. 2. Quare eadem manente materiæ quantitate in corpore quovis dato, idem quoque manebit ejusdem pondus, & quomodocunque variatur ejusdem figura, vel textura particularum corpus illud componentium, pondus tamen ipsius non mutabitur: adeoque nullius corporis pondus ab ejus forma, seu textura pendet.

Cum (per axioma 14) natura cujuscunque materiæ sit eadem, nec unum corpus ab alio differat, nisi modaliter, per partium figuram, situm, & alias istiusmodi formas; erunt corporum affectiones, quæ ab illorum formis non pendent, in omnibus corporibus eadem; adeoque cum (uti dictum est) corporum pondera ab illorum formis non oriantur, sed

à materiæ quantitate pendeant, in æqualibus materiæ quantitatibus, in eadem à terra distantia, æquales erunt versus terram gravitationes; si vero duorum corporum pondera sint inæqualia, inæquales quoque erunt in iis materiæ quantitates.

Ponamus jam, duos globos, plumbi scil. & suberis æqualium magnitudinum; si in utroque eadem esset materiæ quantitas, (per jam ostensa) utrumque corpus æqualiter ponderaret; nam materia subtilissima poros suberis occupans æque ponderaret ac materia plumbi ipsi æqualis; cum vero magnum sit in duobus hisce globis ponderum discrimen, magnum quoque erit in iisdem materiæ discrimen; & si plumbum subere sit triplo gravius, triplo quoque major erit in plumbo contenta materia, quam in subere; adeoque plures erunt in plumbo pori, seu plura spatia absolute vacua: Vacuum igitur non tantum possibile est, sed & actu datur; quod erat probandum. At hic sequitur, materiæ quantitatem in quovis corpore rite per ipsius gravitatem æstimari posse.

Cum momentum augeri possit, tam ex aucta materiæ quantitate, eadem manente velocitate, quam ex aucta velocitate, eadem manente materia, veteres (quos vis pulveris pyrii ad corpora celeriter movenda latebat) machinis ad hostium muros diruendos ita comparatis utebantur, ut ingens materiæ moles, etsi non magna velocitate, vehementi tamen impetu muros concuteret; at hodie, per explosionem pulveris pyrii ex tormentis bellicis magna velocitate parvi globuli impelluntur. Quamvis autem veterum machinæ bellicæ hodiernis multum cedant, ipsarum tamen vis ad muros evertendos incredibilis fere fuit: arietes enim ex ingentibus trabibus sibi invicem commissis compositi erant; quorum pondus vel hinc æstimari potest, quod sc. ipsorum aliqui sex hominum millibus (ut alii sc. aliis succederent) ab ipsos dirigendos, & motum iis imprimendum indigebant; ea pars, qua morum percutiebant, gravi ferro consolidata fuit, & ex funibus ita dependebant (arietes compositos intelligo), ut ipsorum longitudines horizonti essent parallelæ;

G

unde

unde magnâ virorum manu retrorsum acti, statim suâ gravitate, & hominum viribus simul agentibus antrorsum pulsi prominenti ferro muros quatiebant; & teste *Josepho*, nullæ fuerunt turres tam validæ, aut moenia tam lata, quæ assiduas ipsorum plagas potuerint sustinere.

In machinis, quæ per circumgyrationes rotarum pondera elevant, aliquando per additionem plumbi rotæ graviores redduntur; ut scil. major materiæ copia majorem impetum, seu motus quantitatem suscipiat, per quam resistentiæ, tam ex aere, quam ex materiæ frictione ortæ melius resistatur, & diutius conservetur motus, qui proinde semel inceptus facile continuabitur.

Ab eodem quoque pendet principio, quod lanifices in nendo, fusis suis versoriis graves turbines imponunt, ut gyrationes diutius perseverent. Cum scil. motus pars per resistentiam aeris amissa ad motum ex materiæ additione auctum minorem habeat rationem, quam est ea, quam haberet ad motum non auctum.

Ex prædictis etiam solvitur sequens problema.

P R O B L. I.

Invenire velocitatem, qua datum corpus movendum est, ita ut habeat momentum æquale momento cuivis dato.

TAB. 2.
fig. 8.

Sit datum corpus A, cujus momentum æquale debet esse momento corporis B moti celeritate c ; fiat ut A ad B, ita celeritas c ad aliam C; hæc erit velocitas quæsitæ, qua scil. si moveatur A, ejus momentum æquale erit momento corporis B, uti liquet ex corol. tertio theorematum tertii. Corporum enim momenta sunt æqualia, si celeritates sint ipsis corporibus reciproce proportionales; sed ex hypothesi, est celeritas corporis B ad celeritatem corporis A, ut corpus A ad corpus B; unde erit momentum corporis A æquale momento corporis B. Q. E. I.

Atque hinc sequitur, corpus quodcunque parvum posse habere momentum æquale momento corporis utcunque magni, quod cum data velocitate movetur. Ex hoc principio pendent vires omnes machinarum, quæ ad corpora trahenda

da

da, vel elevanda fabricantur; nempe si machinæ ita disponantur, ut potentiæ velocitas ad ponderis sit ut pondus ad potentiam: eo inquam casu potentia pondus sustinebit. Liceat hoc in quinque simplicioribus instrumentis Mechanicis ostendere. Et primo in *Vectis*, quem hic consideramus tantquam lineam inflexilem, sive rectam, sive curvam, sive ex pluribus rectis compositam, circa punctum immobile versatilem, gravitatis quidem expertem, ponderibus tamen sustinendis, vel levandis accommodatam.

Punctum immobile, quo sustinetur, & circa quod rotatur vectis, ejus *Fulcrum* vocatur.

THEOR. X.

Sit AB vectis circa fulcrum C tantum rotabilis; erit spatium, quod ab unoquoque ipsius puncto describitur, ut ejus distantia à fulcro.

Nam moveatur vectis è situ ACB ad situm aCb; punctum A describet peripheriam Aa, B vero percurrat peripheriam Bb; sed propter sectores ACa, BCb similes, est Aa ad Bb, ut AC ad BC; hoc est, spatia à punctis A & B descripta sunt, ut ipsorum à fulcro distantia. Si punctis A & B applicentur potentiæ vectis brachia perpendiculariter trahentes; spatia, quæ ab ipsis describuntur secundum, vel contra propensiones suas, non sunt peripheriæ Aa, Bb, sed perpendiculares aF, bE in vectis brachia demissæ: nam potentia in A per spatium aF tantum, & non amplius progressa est secundum directionem, vel propensionem propriam; sicut ob eandem causam via à potentia B percurra secundum propriam directionem æstimanda est per bE. Sed ob æquiangula triangula aCF, bCE est aF ad bE, ut aC vel AC ad bC vel BC; hoc est, viæ à potentiis secundum proprias directiones percurse erunt, ut ipsarum à fulcro distantia.

Quod si directio potentiæ non sit recta ad vectis brachium A. C perpendicularis, ducenda est à fulcro in lineam directionis perpendicularis CG, & spatium à potentia secundum ipsius propensionem descriptum erit perpendiculari illi proportionale; nihil enim refert, utrum filum FGA, per
TAB. 2.
fig. 15.
TAB. 2.
fig. 16.

G z

quod

quod potentia agit, affixum sit puncto G vel A, vel etiam puncto D; eâdem quippe manente directionis lineâ, eadem erit ipsius vis ad circumrotandum planum ADCB, ac si puncto G affigeretur filum, & via ab ipsa, in dato tempore, secundum propriam directionem descripta, proportionalis est rectæ CG. Quare patet in omni casu, viam à potentia quavis secundum directionem propriam descriptam proportionalem esse distantiae lineæ directionis à fulcro.

T H E O R. XI.

In vecte vis motrix, seu potentia, quæ ad pondus eam habet rationem, quam distantia lineæ directionis ponderis à fulcro, habet ad distantiam directionis potentiae à fulcro, pondus sustinebit; ac proinde tantillum aucta pondus elevabit.

TAB. 1.
fig. 17.

Constat ex præcedente, spatia, quæ à potentia & pondere secundum, vel contra propensiones proprias describuntur, proportionalia esse distantis lineæ directionum à fulcro; sed velocitates sunt hisce spatiis proportionales, ac proinde distantis quoque proportionales erunt. Si igitur sit potentia P ad pondus Q, ut CQ distantia directionis ponderis à fulcro ad CA distantiam directionis potentiae à fulcro, potentia erit ad pondus, ut velocitas ponderis ad velocitatem potentiae; erit igitur per cor. 3 theor. 3 momentum potentiae æquale momento ponderis; ac proinde potentia ponderi æquipollebit; quod si tantillum augeatur potentia, pondus elevabit. Q.E.D.

TAB. 1.
fig. 18.

Hinc patet ratio, cur in statera, Romana vulgo dicta, unico appendiculo, vel sacomate diversorum corporum pondera examinantur. Est enim machina hæc vectis inæqualium brachiorum, porrecto nempe ab axe motus (qui & axis æquilibrii esse debet) brachiorum altero in certam longitudinem, puta unius pollicis, aut minorem; in altero brachio quantumvis porrecto distinguunt partes ipsi CA longitudine æquales, quot opus videbitur, numeris 1. 2. 3. 4. 5. &c. designatas appenso itaque pondere explorando ex A, pondus datum, seu notum P ex brachio contrario dependens à centro motus removendo & admovendo, explorant, in qua distantia fiat æquilibrium; atque invento, v. g. pondus P in
di-

distantia 8 ponderi Q in A æquiponderare, hinc colligunt (propter pondera distantius reciproce proportionalia), pondus Q ponderis P noti octuplum esse. TAB. 3.
fig. 1

Defin. Axem in Peritrochio vocant instrumentum mechanicum ponderibus levandis aptum; in quo cylindrus (quem axem vocant) fulcris per extrema sustinetur, circumpositum habens tympanum (quod peritrochium vocant), in cuius ambitu scytalæ infiguntur, quibus applicata vis peritrochium una cum axe vertit; circa quem convoluti funes onus elevant.

T H E O R. XII.

In axe cum peritrochio (& machinis cognatis, quarum eadem est ratio) vis motrix, quæ ad pondus sustinendum eam rationem habet, quam perimenter axis, cui applicatur pondus, ad perimetrum orbis extimi, cui applicatur vis, ponderi æquipollet; quæ itaque tantillum aucta pondus elevabit.

Ex fabrica machinæ patet, in una ipsius conversione tantundem elevari pondus appensum P, quantum funis tractorii illud est, quod axem semel circumplicat; quod itaque illius ambitui æquale supponitur; unaque tantundem procedere potentiam scytalæ extremitati applicatam, quantus est extimi orbis ambitus à potentia eadem machinæ revolutione descriptus; (hoc est, spatium à potentia eodem tempore percursum æquale esse orbis extimi ambitui) adeoque velocitates potentiae & ponderis, quæ sunt, ut spatia simul percursa, erunt ut perimenter orbis extimi & perimenter axis. Quare si sit pondus ad potentiam, ut perimenter orbis extimi ad perimetrum axis, erit velocitas potentiae ad velocitatem ponderis reciproce, ut potentia ad pondus. Itaque per corol. 3 theor. 3 momentum potentiae æquale erit momento ponderis; ac proinde potentia ponderi æquipollet, & ipsum per axem in peritrochio sustinere valebit; quod si tantillum augeatur potentia, vel minuatur pondus, potentia pondus elevabit. Q E D.

Cor. Quo major est ambitus orbis extimi, hoc est, quo longiores sunt scytalæ, vel quo minor est axis, eo potentior erit vis ad pondus elevandum.

Defin. Ex orbiculis uno vel pluribus apte dispositis, circa axes suos volubilibus, quibus circumpositus funis ductorius pondus attrahit, compositam machinam *Trochleam* appellant.

T H E O R. XIII.

In trochlea mobili, ex orbiculorum positione calculo aestimatur quanta vis appposito ponderi æquipolleat; nempe vis ea, quæ sit ad pondus, sicut 1 ad numerum funiculorum, quibus pondus suspenditur, idem pondus sustinere valebit: quæ proinde tantillum aucta pondus elevabit.

TAB. 3.
fig. a.

Sit funis, cujus alterum extremum unco B affixum, & in hujus duplicatura dependeat trochlea mobilis, cujus loculamento appendatur pondus Q; clarum est, ut attollatur pondus Q per unum pedem, utrumque funem loculamentum cum appenso pondere sustinentem (deorsum ab unco supputando) debere uno pede breviorum fieri; hoc est, ut attollatur pondus per unum pedem, potentiam debere per duos pedes moveri; quare in hac machina potentia viâ ponderis viâ dupla erit; ac proinde celeritas potentia dupla quoque, erit celeritatis ponderis: adeoque si potentia sit ad pondus, ut 1 ad 2, ipsius momentum momento ponderis æquipollebit, & pondus sustinebit.

TAB. 3.
fig. 3.


Si ita disponantur orbiculi, ut pondus Q à tribus funibus dependeat; ut pondus ascendat per unum pedem, oportebit, omnes tres funiculos (ita loqui liceat, quamvis non nisi unus continuus, & nullibi interruptus funis sit) uno pede breviores reddi, quod fieri aliter non potest, quam si potentia P tres pedes progrediatur: quare cum in hac machina potentia viâ sit ponderis viâ tripla; erit ejus celeritas quoque tripla celeritatis ponderis; adeoque si potentia sit ad pondus, ut 1 ad 3, ipsius momentum momento ponderis æquipollebit.

TAB. 3.
fig. 4.

Simili prorsus ratione ex quarta figura patet, potentiam in P, quæ sit subquadrupla ponderis Q, eidem æquipollere. In omnibus casibus potentia, quæ ponderi prius æquipollebat, si vel ipsa tantillum augeatur, vel pondus minuatur, potest ipsum elevare. Q. E. D.

De-

TAB II.





Defin. Cylindrum rectum Helice similiter sulcatum *Coch-* TAB. 3.
leam appellant, & quidem interiorem, si sulcata superficies fig. 5.
 convexa sit, exteriorem, si concava. Debet autem cochlea
 interior ita exteriori contormis esse, ut pars parti apte res-
 pondeat (hujus eminentiis illius cavitatibus congruentibus),
 quo fiet, ut interior per exteriorem permanentem tota laba-
 tur, vel etiam super interiorem permanentem propellatur
 exterior. Potissimum adhiberi solent cochleæ obicibus pro-
 pellendis, frangendis, aut comprimendis, aliisque motibus
 trusione factis; soletque torinsecus adhiberi manubrium, aut
 scytala, cui vis applicatur.

THEOR. XIV.

*In cochlea, si sit ut ambitus, quem vis sive potentia applicata
 peragrat in una cochleæ conversione, ad intervallum duarum
 continue proximarum spiraliū conversionum (secundum coch-
 leæ longitudinem æstimatum), sic pondus vel resistentia ad po-
 tentiam; æquipollebunt potentia & resistentia, & potentia
 tantillum aucta impedimentum movebit.*

Intelligatur cochlea interior CA per exteriorem fixam, ope scytalæ CB, versando protrudi, simulque pondus P (vel quod ponderis instar est) elevare. Manifestum est ex machinæ inspectione, in una cochleæ revolutione pondus tantum elevari, quantum est intervallum duarum spiraliū proximarum; & potentiam tantum promoveri, quantus est ambitus ab ista in una revolutione descriptus; hoc est ponderis via erit ad viam potentiae eodem tempore factam, ut intervallum spiraliū ad ambitum à potentia una revolutione descriptum; adeoque celeritas ponderis erit ad potentiae celeritatem in eadem ratione: ac proinde si sit, ut potentia ad pondus, ita prædictum intervallum duarum proximarum spiraliū ad viam à potentia descriptam, potentia ponderi vel resistentiae æquipollebit: quæ itaque tantillum aucta resistentiam superabit. Q. E. D.

Defin. Cuneum plerumque adhibent, ex ferro seu duriori aliqua materia, forma prismatis non admodum alii, cujus oppositæ bases sunt triangula isoscela; utriusvis hujus trianguli altitudinem appellant altitudinem cunei, ejusque trian-

guli basin vocant cunei crassitiem, rectamque, quæ triangulorum vertices conjungit, cunei aciem; quodque eorum bases conjungit parallelogrammum, cunei dorsum dicunt.

T H E O R. XV.

Potentia cunei dorso directe applicata, quæ sit ad resistentiam à cuneo superandam, ut cunei crassities ad ejusdem altitudinem, resistentiæ æquipollebit; & proinde aucta eandem superabit.

TAB. 3.
fig. 6.

Resistentia cuneo superanda sit v. g. ligni tenacitas, seu firmitudo, aut alius quivis obex cuneo dirimendus. Pater, dum cuneus adigitur in situm usque, quem nunc obtinet, via potentiæ, seu longitudo secundum suam propensionem percursa est BA; tantum enim, & non amplius progressa est: eodemque modo DC est via impediementi, atque dum detruditur cuneus per totam altitudinem suam, dividitur obex per totam cunei crassitiem; & in toto processu proportionaliter, ut patet ex natura trianguli: unde si sit, ut cunei crassities ad ipsius altitudinem, ita potentia ad resistentiam, hujus momentum illius momento æquale erit; adeoque potentia aucta resistentiam superabit.

S C H O L I U M.

Hinc per instrumenta mechanica non augetur vis potentiæ, quod quidem fieri non potest; sed ponderis vel elevandi, vel trahendi velocitas ita per instrumenti applicationem minuitur, ut ponderis momentum vi potentiæ non majus evadat. Sic e. g., si vis quædam agens possit elevare datum pondus unius libræ cum data velocitate, per nullum instrumentum fieri potest, ut eadem vis elevet pondus duarum librarum cum eadem velocitate: potest tamen ope instrumenti cum velocitatis dimidio pondus duarum librarum elevare; imo potest eadem potentia pondus mille, vel decies mille librarum elevare, cum velocitatis parte millesima, vel decem millesima; sed non ideo augetur potentiæ vis, sed motus, quem producit in elevando pondus illud magnum, omnino æqualis est motui, qui producitur, cum elevatur pondus unius libræ.

Ex dictis etiam patet ratio, cur in canalibus communicantibus diversæ amplitudinis conservatur liquorum æquilibrium.

brum . Sit enim canalis amplus ABCD cum alio angustio- TAB. 3.
 re MNKH communicans in C; in utroque canali infusa aqua fig. 7.
 ad eandem altitudinem assurgat, & descendendi conatus,
 seu vis, quam habet aqua in canali FH ad elabendum per
 orificium C, æqualis est vi aquæ in canali AC ad descenden-
 dum per idem orificium . Nam si ponatur, aquam descen-
 disse in canali AC per altitudinem AI, necesse est, ut aqua
 in canali FH ascendat ad altitudinem HN, talem sc. ut cy-
 lindrus aquæ MFGN æqualis sit cylindro AILD, sc. cylin-
 dro aquæ, quæ in canali AC descendit; sed æqualium cy-
 lindrorum reciprocantur bases & altitudines (per 15 prop.
 el. duodecimi) hoc est, erit FM ad AI, ut orificium AD
 ad orificium MN vel FG: sed est FM ad AI, ut velocitas ascen-
 sus aquæ in canali FN ad velocitatem descensus aquæ in ca-
 nali AC; & est orificium AD ad orificium MN, ut aqua in
 AC ad aquam in canali FH (nam cylindri æque alti sunt
 inter se ut bases); quare erit velocitas aquæ ascendentis in ca-
 nali FH ad velocitatem aquæ descendentis in canali AC, ut
 aqua in canali AC ad aquam in FH; hoc est, aquarum ve-
 locitates sunt ipsis reciproce proportionales, & proinde erunt
 aquarum momenta æqualia; sed sunt contraria, quare nul-
 lus sequetur motus .

Hinc obiter patet ratio, cur aqua, vel fluidum quodvis ex
 latiore in angustio rem alveum defluens majori celeritate mo-
 veatur .

Hinc si in corpore animali arteriarum ramuli vel arte-
 riæ capillares habeant summam orificiorum, seu potius sectio-
 num transversarum, majorem sectione transversa arteriæ ma-
 gnæ, seu aortæ, à qua omnes oriuntur; erit sanguinis velo-
 citas in extremitatibus corporis minor, quam in aorta; si ve-
 ro æqualis sit hæc summa sectioni transversæ aortæ, erit ve-
 locitas sanguinis in iisdem æqualis velocitati sanguinis in aor-
 ta; si minor sit summa, tunc major erit velocitas sanguinis
 per extremas arterias transcurrentis, quam in aorta .

HActenus theorematum de motus quantitate, spatiis à mobilibus percurfis, & quæ exinde consequuntur, corollaria demonstrata dedimus; ad leges naturæ jam devenit, illas sc. leges, quas omnia corpora naturalia constanter observare necesse est. Has igitur eodem ordine, & iisdem verbis, prout ab illustri *Newtono* proponuntur, trademus, quarum prima hæc est.

L E X I.

Corpus omne perseverat in statu suo quiescendi, vel movendi uniformiter in directum, nisi quatenus à viribus impressis cogitur statum illum mutare.

Cum corpora naturalia consistant ex materiæ massa, quæ sibi ipsi nullam status sui mutationem inducere queat, si prius quiescebant corpora, oportet, ut in ea quiete semper permaneant, nisi adsit vis nova ad motum in iis producendum; si vero in motu sint, eadem energia, seu vis motum semper conservabit; & proinde corpora motum suum semper retinebunt, & secundum eandem rectam eodem tenore semper progredientur, cum nec sibi ipsis quietem, nec retardationem, nec directionis suæ mutationem ad descendum versus dextram, aut sinistram acquirere valeant. Philosophos novimus, qui facile agnoscunt, nullum corpus posse seipsum movere, hoc est, per se ex quiete ad motum transire; iidem non æque lubenter concedunt, corpora semel mota non posse per se ad quietem tendere, eo quod videant, projectorum motus paulatim languescere, & ipsa mobilia ultimò ad quietem pervenire.

Verum ut nullus modus, vel accidens sponte sua, seu per se destruitur, & sicut omnes effectus à causis transeuntibus producti semper permanent, nisi adsit nova aliqua, & extranea causa, quæ ipsos tollat; sic etiam motus semel inceptus semper continuabitur, nisi vis aliqua externa adsit, quæ ipsi obstat; nec magis potest corpus semel motum, motum seu energiam suam ad movendum deponere, & per se ad quietem

tem redire , quam potest figuram semel sibi inductam exuere , & aliam recentem absque causa extrinseca acquirere .

Inest præterea corporibus vis quædam , seu potius inertia , qua mutationi resistunt ; unde est , quod difficulter admodum è statu suo , qualiscunque is sit , deturbentur : vis vero illa eadem est in corporibus motis , ac quiescentibus ; nec minus resistunt corpora actioni , qua à motu ad quietem reducuntur , quam ei , qua à quiete ad motum transeunt ; hoc est , non minor requiritur vis ad corporis alicujus motum sistendum , quam prius necessaria fuit ad eundem motum eidem corpori imprimendum : unde cum vis inertię æqualibus mutationibus æqualiter semper resistat , illa non minus efficax erit , ut corpus in motu semel incepto perseveret , quam ut corpus quiescens semper in eodem quietis statu permaneat .

Quidam sunt Philosophi , qui corpus ex sua natura tam ad motum , quam ad quietem indifferens esse supponunt ; at per indifferentiam illam non (ut opinor) intelligunt talem in corporibus dispositionem , per quam quieti , aut motui nihil omnino resistunt ; quippe hoc posito , sequeretur , corpus quodvis maximum summa celeritate motum à minima quavis vi posse sisti ; aut si quiesceret magnum illud corpus , ab alio quovis minimo propelli , absque ullo velocitatis corporis impellentis decremento ; hoc est , corpus exiguum quodvis in aliud maximum impingens posset illud secum abripere sine ulla ipsius retardatione ; & utrumque corpus post impulsu junctim ferretur ea celeritate , quam prius corpus illud exiguum habebat : quod absurdum esse , omnes novimus . Non igitur indifferentia illa sita est in non renitentia ad motum ex statu quietis , aut ad quietem ex statu motus , sed in eo solum , quod corpus ex sua natura non magis ad motum , quam ad quietem propendet , nec magis resistit transire à statu quietis ad motum , quam à motu rursus ad eandem quietem redire ; potest præterea corpus quodvis quiescens à quavis vi moveri ; potest æqualis vis secundum contrariam directionem agens motum illum destruere ; atque in hoc indifferentiam illam sitam esse volunt .

Cum ,

Cum, secundum expositam naturæ legem, corpus omne semel motum in eodem motu semper perseveret, quærunt Philosophi, cur projecta omnia motum suum (quem violentum vocant) sensim amittant? Cur non in infinitum pergunt? Si motus ex sua natura non languesceret, potuisset lapis ex manu projicientis sub initio mundi emissus spatium fere immensum, & tantum non infinitum, pertransisse. Sic quidem potuit, si in vacuo seu spatiis liberis motus absque gravitate fieret. Verum, cum omnia projecta vel per aerem, vel super aliorum corporum superficies scabras ferantur, exinde provenit eorum retardatio; cum enim necesse sit, ut mobilia aerem obstantem è loco suo pellant, & dimoveant, vel ut superficiei, super quam moventur, scabritiem vincant, oportet, ut vim & motum illum omnem amittant, qui hisce obstaculis continuo impenditur; & proinde projectorum motus semper diminuetur. Si vero nulla esset medii resistentia, nulla superficiei, super quam decurrunt mobilia, asperitas, nulla gravitas, quæ corpora terram versus continuo pelleret, absque omni retardatione idem semper continuaretur motus. Sic in cœlis, ubi medium tenuissimum est, planetæ diutissime suos conservare possunt motus; & super glaciem, aut alias superficies politas, seu minime scabras, corpora ponderosiora serius ad quietem reducuntur.

Desinant jam philosophi continuati motus exquirere causam, alia quippe agnoscenda est nulla, præter primam illam, quæ non modo motum, sed res omnes in *Essè* suo conservat, Deum scil. Opt. Max. Nec alia ratione perseverat motus, quam qua continuatur corporis alicujus figura, color, aut aliæ quævis istiusmodi affectionum, quæ semper eadem permanerent, nisi vis aliqua externa eas turbaverit.

Multo quidem rectius, & magis secundum bonæ methodi leges egissent, si rationes retardari, & amissi motus investigassent: verum quosdam in hac re adeo cæcutire deprehendimus, ut illud ipsum ponant causam continuati motus, ex quo revera ejus retardatio provenit.

Desinant etiam philosophi de communicatione motus tan-

tas lites movere; ex supra positis enim facile intelligitur, cur lapis ex projicientis manu tanto cum impetu emittitur: quippe quum lapis in manu continetur, necesse est, ut de motu ipsius manus participet (per axiom. 8), adeoque eadem celeritate, & versus eandem plagam, qua ipsa manus, feretur: sed corpus omne naturale semel motum in eodem perseverat motu (per legem supra positam), donec ab agente externo impediatur; unde cum projiciens manum suam retrahit, lapis non retractus recta progreditur. Eodem prorsus modo, si navis, aut cymba ventis, vel remis celeriter agatur, qui in ipsa sedent eundem celerem motum ipsis communicatum habent; at si subito sistatur navis, res omnes in navi positæ motum suum continuare conantur, & quæ ipsi navi firmiter non adhærent, post illius quietem relictis locis suis etiamnum progrediuntur; atque hinc periculum est, ne homines in navi relative quiescentes, post tam subitam & quasi violentam status sui mutationem, prorsum præcipitentur, cum scil. motus, quem prius ab ipsa navi acceperunt, nondum destructus sit.

Si lapis in funda celeriter circumagatur, ea celeritate circulum describit, quam habet ea fundæ pars, in qua ponitur; cum vero corpus omne secundum rectam lineam progredi affectet, lapis in singulis orbitæ suæ punctis, secundum lineam orbitam in puncto, in quo est, tangentem egrederetur, nisi à filo detentus esset; adeoque si filum demittatur, rumpatur, vel alio quovis modo lapidem cohibere desinat, lapis non ulterius in circulo, sed secundum rectam lineam movebitur, secluso motu ex ipsius gravitate orto.

Conatus ille, quem lapis circumgyratus habet in quovis suæ orbitæ puncto secundum tangentem egrediendi, filum, per quod in orbita detinetur tendit, & vis illa, qua filum tenditur, ex vi centrifuga oritur, per quam scil. à peripheria recedere conatur. Tensionem hanc quisque in funda facile experiri potest; & per experientiam invenimus, quo celerius circumgyratur lapis, vel etiam quo majus materiæ pondus in funda ponitur, eo majorem fieri illi tensionem.

Ob hanc rationem volunt quidam philosophi, centrifugam
hanc

hanc vim à sola gravitate proficisci ; huic tamen sententiæ nec ratio, nec experientia favet: nam in funda non solum tenditur funis, cum lapis partem suæ orbitæ infimam percurrit, sed etiam dum superiorem partem describit ; quod à gravitate oriri non potest, cum gravitas lapidem in superiore suæ orbitæ parte tantum urgere potest versus centrum, quæ directe contraria est vi centrifugæ, quæ illum à centro recedere cogit. Præterea cum lapis in plano horizontali in circulo revolvitur, filum quoque tenditur ; sed gravitas tensionem illam in illo plano nullo modo producere potest, cum lapis nec sursum, nec deorsum feratur ; cujus proinde motus à gravitate hac nec augebitur, nec minuetur ; non igitur à gravitate oritur vis centrifuga, sed à solo conatu, quem habent corpora omnia secundum rectam lineam progredienti.

Si terram circa suum axem rotari supponamus, nos omnes, qui in ejus superficie degimus, una cum ipsa revolveremur ; adeoque si subito sisteretur ejus motus, res omnes ipsi firmiter non adhærentes vehementi motu excussæ ab illa recederent ; sic etiam si circa Solem motu annuo deferatur, & subito illa revolutio sisteretur, res omnes excussæ, planetarum instar, circa Solem gyrarentur ob eandem causam, quæ prius ipsa tellus circa Solem movebatur.

Cum tellus circa axem vertatur, & res omnes in ipsa circulos describant æquatori parallelos, quærent philosophi, unde sit, ut corpora omnia ab ejus superficie non excutiantur, cum per naturæ legem corpora omnia motam secundum rectam lineam affectant ? Sic quidem excuterentur, nisi alia adesset vis, per quam ad terram detinentur, quæ est ipsa gravitatio vi centrifuga multo potentior.

Si vas aquæ plenum in plano quovis horizontali ponatur, & subito vi satis magna impellatur, aqua in vase sub initio versus partes motui vasis contrarias tendere videbitur ; non quod revera talis motus aquæ impressus est, sed cum illa in eodem quiescendi statu permanere conatur, vas motum suum aquæ intra ipsum contentæ communicare statim non potest, & proinde aqua à vase derelicta, & revera quiescens locum suum

suum relativum mutare videbitur. Tandem postquam vasis motus aquæ impressus est, & illa una cum vase uniformiter, & eadem celeritate progredi cœperit, si subito sistatur vas, aqua tamen in eodem motu perseverare conabitur, & super valis latera assurgens pars illius ulterius progredietur.

Si navis tempestate, & turbulento mari jactetur, in ipsa sedentes homines, & relative quiescentes doloribus, ægritudine, nausea & vomitu afficientur, præsertim si mari minus assueti fuerint; cum scil. liquores in ipsorum ventriculis, intestinis, vasis sanguiferis, & cæteris ductibus contenti, navis jactationibus non statim obediunt, unde in corpore humano fluidorum motus turbabitur, & morbi oriuntur.

LEX II.

Mutatio motus est semper proportionalis vi motrici impressæ, & fit semper secundum rectam lineam, qua vis illa imprimitur.

Sequitur ex axiomate 4. si enim vis aliqua motum quemvis generet, dupla duplum, tripla triplum generabit; & hic motus, quoniam in eandem semper plagam cum vi generatrice determinatur (quippe ab illa tantum oritur), fiet semper secundum eandem plagam (per legem primam); nec potest corpus secundum aliam quamvis plagam deflectere, nisi adsit nova vis priori obstat; adeoque si corpus antea movebatur, motus ex vi impressa productus motui priori, vel conspiranti additur, vel contrario subducitur, vel obliquo oblique adjicitur, & cum eo secundum utriusque determinationem componitur.

Si vis aliqua in dato corpore motum producat, (per legem primam) corpus illud in motu suo semper perseverabit: si vero postea vis eadem, vel æqualis secundum eandem directionem rursus in idem corpus agat, motus exinde productus priori æqualis erit, & proinde summa motuum prioris dupla erit: si denuo vis eadem tertio in idem corpus similiter agat, motus hinc ortus erit etiam primo æqualis, & proinde summa motuum erit motus primo impressi tripla; & similiter si vis eadem rursus in idem corpus ageret,
omnium

annuum motuum summa erit primo impressi quadrupla, & sic continuo.

Hinc si vis hæc nova æqualibus temporum intervallis continuo æqualiter ageret, motus exinde ortus esset, ut summa temporum, quibus generatur; adeoque cum, ob datum corpus, motus sit, ut velocitas, erunt velocitates sic genitæ, ut tempora ab initio motus, & motus erit æqualiter acceleratus; hinc sequentia theorematum facile demonstrantur.

T H E O R. XVI.

Si corpora in omnibus à terra distantis æqualiter gravitent, esset motus corporum, sua gravitate in eadem recta cadentium, motus æqualiter acceleratus.

Supponatur, tempus, in quo grave cadit, divisum esse in particulas æquales, & valde exiguas, & gravitas prima temporis particula agens corpus versus centrum pellat: si jam post primum illud tempus omnis gravitatis actio cessaret, & corpus desineret esse grave, nihilominus motus ex primo impulsu acceptus semper continuaretur, & corpus ad terram æqualiter accederet (per legem primam): verum cum corpus continuo sit grave, & gravitas indefinenter agat, etiam in secunda temporis particula eadem gravitatio alium impulsu priori æqualem ipsi communicabit, & corporis velocitas post duos hos impulsus prioris dupla erit; & si vis gravitatis omnino tolleretur, corpus tamen cum eadem celeritate in eadem recta moveri perseverabit; cum vero & tertia temporis particula corpus eadem gravitate urgeatur, alium quoque motum priorum utrivis æqualem post tertium illud tempus acquireret; sic etiam in quarta temporis particula gravitatio quartum impetum singulis priorum æqualem ipsi gravi superaddit; & sic de cæteris. Impetus igitur, seu motus corporis dati à gravitate acquisiti sunt, ut particulae temporis ab initio elapsæ, adeoque cum actio gravitationis sit continua, si particulae illæ infinite exiguae sumantur, erit corporis cadentis motus ex gravitate acquisitus, ut tempus ab initio casus elapsum; cumque corpus datum sit, erit motus, ut ipsius velocitas; ergo velocitas erit semper, ut tem-
pu

pus, in quo acquiritur. Gravi igitur cadenti æqualibus intervallis æqualia accedunt velocitatis incrementa, & proinde ejus motus erit uniformiter acceleratus. Q. E. D.

Similiter ex iisdem principiis demonstrari potest, corporum in eadem recta sursum tendentium motum esse æqualiter retardatum; cum scil. vis gravitatis, contra motum inceptum continuo & æqualiter agens, æqualibus temporibus æqualiter ipsius motum minuat, usque dum velocitas omnis sursum omnino sublata sit.

Cor. Recta AB exponat tempus, quo corpus cadit, & BC cum AB faciens angulum rectum exponat velocitatem in fine illius casus acquisitam; jungatur AC, & per punctum quodvis D ducatur DE ad BC parallela; erit hæc, ut velocitas in fine temporis AD acquisita. Nam (ob triangula ABC, ADE æquiangula) est AB ad AD sicut BC ad DE; sed BC repræsentat velocitatem in tempore AB, quare (cum velocitates sint, ut tempora) DE repræsentabit velocitatem acquisitam in fine temporis AD; similiter FG repræsentabit velocitatem in puncto temporis F; & in omnibus temporis punctis velocitates erunt, ut rectæ intra triangulum per ipsum ductæ, & basi BC parallelæ.

TAB. 3.
fig. 8.

THEOR. XVII.

Si grave ex quiete, motu uniformiter accelerato descendat; spatium, quod ab ipso in dato ab initio motus tempore percurritur, dimidium erit istius, quod in illo tempore uniformiter percurri potest cum ea velocitate, quæ in fine istius temporis à gravi cadente acquiritur.

Sit AB tempus in quo cadit grave, sitque BC velocitas ultimi ad acquisita. Compleatur triangulum ABC, & rectangulum ABCD; porro distinguatur tempus AB in innumeras particulas *ei*, *im*, *mp*, &c. Ducantur *ef*, *ik*, *mn*, *pq*, &c. basi parallelæ: (per cor. præced.) *ef* erit ut velocitas gravis in temporis particula infinite exigua *ei*; & *ik* erit ejus velocitas in particula temporis *im*; item *mn* erit ipsius velocitas ad punctum temporis *mp*; & sic *qp* erit velocitas in temporis particula *po*. Sed (per cor. theor. 7) spatium in quovis tempore, & cum quavis celeritate percursum

TAB. 4.
fig. 1.

H

est







est, ut rectangulum sub eo tempore & celeritate; quare erit spatium percursum tempore *ei* cum velocitate *ef*, ut rectangulum *if*; sic spatium percursum tempore *im* cum celeritate *ik* erit, ut rectangulum *mk*; sic etiam spatium percursum cum celeritate *mn* tempore *mp* erit, ut rectangulum *pn*; & sic de cæteris. Quare erit spatium percursum in omnibus hisce temporibus, ut omnia hæc rectangula, seu ut rectangulorum omnium summa; cum autem temporis particule infinite exigue sint, erit omnium rectangulorum summa æqualis triangulo ABC. Est vero (per supra citatum corol. theor. 7) spatium à mobili percursum tempore AB cum uniformi celeritate BC, ut rectangulum ABCD; unde erit spatium percursum à gravi in dato tempore cadente ex quiete, ad spatium percursum in eodem tempore, velocitate uniformi cum æquali ei, quæ ultimo acquiritur à gravi cadente, ut triangulum ABC ad rectangulum ABCD: sed triangulum ABC est dimidium rectanguli ABCD, unde erit spatium, quod à gravi cadente ab initio casus in dato tempore percurritur, dimidium ejus, quod percurri potest in eodem tempore cum velocitate ultimo acquisitâ. Q. E. D.

Cor. 1. Spatium, quod percurritur cum velocitate CB in tempore æquali dimidio ipsius AB, æquale erit spatio à gravi cadente tempore AB percurso.

TAB. 3.
fig. 1.

Cor. 2. Ex ipsa demonstratione sequitur, quod sicut spatium percursum tempore AB repræsentatur per triangulum ABC, sic spatium tempore AF à gravi emensum per triangulum AFG repræsentari posse; item spatium peractum tempore AD per triangulum ADE exponetur.

Cor. 3. Spatia percurfa ab initio casus computando, sunt in duplicata ratione temporum; nam spatium percursum tempore AB est ad spatium percursum in tempore AF, ut triangulum ABC ad triang. AFG; sed (ob similitudinem triangulæ ABC, AFG) triangulum ABC est ad triangulum AFG in duplicata ratione lateris AB ad latus AF: adeoque erit spatium percursum tempore AB ad spatium percursum tempore AF in duplicata ratione temporis AB ad tempus AF. Sunt igitur spatia percurfa à gravi ex quiete cadente, ut quadra-



A

ta temporum, quibus percurruntur.

Cor. 4. Hinc si grave in dato tempore è quiete cadens percurrat spatium quodvis, spatium in duplo tempore percursum erit prioris quadruplum, in triplo tempore spatium peractum erit novies majus, quam illud, quod primo percurritur, &c. Hoc est, si tempora sumantur, ut 1. 2. 3. 4. 5. &c. spatia hinc temporibus descripta ab initio motus computando erunt ut 1. 4. 9. 16. 25.

Cor. 5. Cum spatium percursum in primo tempore sit ut 1, in secundo ut 4, computando ab initio, erit spatium in secundo tempore seorsim descriptum ut 3; eodem modo cum spatium descriptum in fine temporis tertii sit ut 9, & in fine temporis secundi ut 4, erit spatium descriptum in tempore tertio seorsim sumptio ut 5; & sic de cæteris: sumendo igitur temporis partes æquales, erunt spatia à gravi è quiete cadente in singulis seorsim descripta ut 1. 3. 5. 7. 9. 11. &c. scil. ut numeri impares.

Cor. 6. Hinc etiam cum velocitates cadendo acquisitæ sint ut tempora, erunt spatia percurra etiam ut quadrata velocitatum; & tam velocitates, quam tempora erunt in subduplicata ratione spatiorum, per quæ grave cadit ab initio motus.

LECTIO XII.

LEX III.

Actiōi semper contraria, & æqualis est reactiō; seu corporum duorum actiōes in se mutuo æquales sunt, & in partes contrarias diriguntur. Hoc est, per actiōem & reactionem æquales motus mutationes in corporibus in se invicem agentibus producuntur, quæ mutationes versus contrarias partes imprimuntur.

HÆc lex non aliter melius quam per exempla potest illustrari.

1. Si corpus unum in alterum quiescens impingat, quicquid motus quiescenti imprimitur, tantundem præcise impingenti subtrahitur, v. g. Si corpus A cum duodecim TAB. 4. motus partibus versus corpus B feratur, & postquam in illud fig. 2. impegerit communicentur ipsi B 5 partes motus, restabunt

H 2

ipſi

ipsi A motus partes tantummodo 7; adeoque mutationes, quæ utrique corpori contingunt æquales erunt: idemque omnino erit effectus, ac si vis 5 partibus motus æquipollens impelleret corpus B versus C, & alia huic æqualis in corpus A ageret, & ipsum in contrarias partes versus H urgeret.

2. Si corpus B non quiescat, sed tendat versus C, & corpus A celerius motum in ipsum impingat, tantundem motus deperdet corpus A, quantum corpus B lucratum est, & mutationes motus per impulsu in utroque corpore productæ (hoc est incrementum motus unius, & decrementum alterius) æquales erunt.

3. Si corpora A & B sibi obviam veniant, & A feratur versus C cum 12 motus partibus, B vero versus H cum tribus motus partibus; qualiscunque motus mutatio corpori B accidat, eadem omnino corpori A continget: v. g. Si post occursum feratur B versus C cum partibus motus duabus, mutatio motus, quæ ipsi inducta est, erit partium quinque; æqualis scilicet summæ duorum motuum, illius nempe, quo prius versus H ferebatur, quique per impulsu corporis A destructus est, & illius, qui de novo recipitur, cum quo versus plagam C tendit; & motus in corpore A amissus huic 5 motus partibus præcise æqualis erit; adeoque (ut in primo exemplo) idem omnino sequitur effectus, qualis fuisset, si vis cum 5 motus partibus pelleret B versus C, & alia huic æqualis in corpus A imprimeretur, quæ illud versus partes H ageret.

Verum universaliter ictus magnitudo, quæ ab occursum duorum corporum oritur, in utroque corpore semper æqualiter recipitur; unde & mutationes motus, quæ ab ictu producuntur, in utroque corpore semper æquales erunt.

Sic si malleus ferreus vitrum percutiat, ictus tam in malleo, quam in vitro æqualiter recipitur, & vitrum frangitur, ferro integro manente; non quod major est vis percussiois vitro impressa, quam est illa, quæ in malleo recipitur, sed quia partes ferri duriores, & firmiter inter se coherentes multo fortius eidem percussiois vi resistunt, quam vitri particule fragiles, & minus coherentes. Eodem prorsus modo si cor-

pus

pus aliquod tenui filo muro alligetur, parva vis sufficiens erit ad illud divellendum; si vero prægrandi fune idem corpus muro alligatum esset, vis prior æqualiter applicata parum proficeret ad corpus avellendum.

4. Si equus lapidem funi alligatum trahat, retrahetur etiam equus æqualiter in lapidem; nam funis utrinque distentus eodem se relaxandi conatu æqualiter urgebit lapidem versus equum, & equum versus lapidem; unde attractionis vires, tam in equo, quam in lapide, æquales erunt; verum cum tanta sit firmitudo, & vis equi solo insistentis, ut tractioni funis resistere possit, ille funi trahenti minime cedit, nec per ejus vim è loco suo dimovebitur; at lapis, cui non tanta inest resistendi vis, versus equum promovebitur.

5. In attractionibus magneticis, non solum magnes trahit TAB. 4.
ferrum, verum & æqualiter vicissim ab ipso ferro trahitur; ^{fig. 1.}
quod experientia constat: imponatur enim magnes suberis
frusto B, & ferrum A similiter alio suberis frusto imponatur, ut tam magnes, quam ferrum aquæ innatent; deinde manu teneatur magnes, & ferrum videbimus ad magnetem accedere, si vero ferrum immobile teneatur, ad illud accedere magnetem deprehendemus; sed si utrumque corpus aquæ libere innatare permittatur, magnes & ferrum sibi mutuo obviam ire conspicientur, & attractionis vis in utrumque æqualiter agat, æquales motus in utroque producendo: dico, motus æquales fore; non item celeritates, nisi ferrum, & magnes ejusdem sint ponderis; si enim diversi sint ponderis, quod magis ponderat, minorem habebit celeritatem. *e. g.* Si magnes sit ferro decuplo ponderosior; ferrum vicissim decuplo majorem velocitatem habebit; ut scil. æquales motuum quantitates in utroque corpore generentur; adeoque non convenient magnes & ferrum in medio puncto E, sed in puncto D, quod ita dividet distantiam BA, ut BD sit ad DA, ut pondus A ad pondus B; sic in allato exemplo, si BD sit totius distantiae pars undecima, punctum D erit, ubi magnes, & ferrum sibi mutuo occurrent: cum enim B D sit pars undecima distantiae BA; erit B D ad D A ut 1 ad 10; sed ut 1 ad 10, ita (per superius dicta) erit velocitas corporis B ad

H 3

velo-

velocitatem corporis A; quare cum spatia percurſa in dato tempore ſint velocitatibus proportionalia, tempore, quo corpus A percurreret ſpatium AD, corpus B cum decima velocitatis parte latum percurreret ſpatium æquale decimæ illius ſpatii parti; adeoque in puncto D poſt illud tempus reperietur, in quo igitur puncto magnes, & ferrum ſibi mutuo occurrent. Eodem modo duo magnetes ſuberis diverſis particulis impoſiti, ſi eorum poli amici invicem obvertantur, æqualiter ſeſe mutuo attrahent: ſi vero poli inimici ſibi invicem juxta ponantur, poli hi ſeſe mutuo fugient, & quantitates motuum, vi fugæ productæ, in utroque æquales erunt.

TAB. 4.
fig. 4.

6. In aliis attractionibus idem oſtenditur. Sint enim duæ cymbæ A & B aquæ innatantes, & homo in illarum una v. g. in A poſitus ope funis verſus ſe trahat cymbam alteram B; non ſolum hac tractione B accedet ad A, verum etiam A verſus B æqualiter trahetur; & quantitates motuum, attractione productæ, in utraque cymba æquales erunt: unde ſi cymbæ pondere ſint æquales, cæteris paribus, æquales habebunt velocitates, & in medio puncto E convenient. Sin una illarum altera major ſit, hoc eſt, majorem habeat in ſe materiæ quantitatem, ſeu majus pondus, quæ major eſt, minus habebit velocitatis; e. g. ſi cymba B ſit decuplo major cymba A, velocitas ipſius A decuplo major erit velocitate cymbæ B, & cymbæ convenient in puncto G, quod ita dividit illarum diſtantiā primā AD, ut AG ſit decuplo major quam GD; hoc eſt, erit GD pars undecima totius diſtantiæ AD; ſi vero B ſit navigium millecuplo, vel decem-millecuplo majus quam A, ipſius velocitas erit millecuplo, vel decem-millecuplo minor velocitate A, adeoque vix ſenſibilis. Si jam B ſit aliud corpus infinite magnum, illius velocitas erit infinite parva, hoc eſt, prorsus nulla reſpectu velocitatis ipſius A. Hinc ſi funis littori alligetur, & homo in cymba per funem trahat ad ſe litus, cymba ad litus accedet, & litus ad cymbam; cum vero litus reliquæ terrenæ moli firmiter adhæret, ejus magnitudo, quæ eadem eſt cum totius terræ magnitudine, reſpectu cymbæ erit valde immenſa, & tantum non infinita, adeoque ejus velocitas erit fere infinita

finite exigua, & (ut dicam) nulla; ac proinde litus potest tanquam firmus obex considerari, qui cedere nescit, & tota velocitas tanquam cymbæ inhærens æli/mari potest. Si navigii B pondus sit mille talentorum, & feratur versus F cum velocitatis gradibus centum, erit (per theor. tertium) momentum illius navigii partium centum millium: si jam navigio B alligetur cymba A, cujus pondus sit decem talentorum, quicquid motus communicantur hac ratione cymbæ A, tantundem decedit navigio B.

7. Si quis in cymba A trahat funem AE, per quem navigio B alligatur, ita ut hac tractione cymba promoveatur cum quingeniis velocitatis partibus, erit motus exinde ortus 5 millium partium, & tantundem sui motus amittet navigium B; cui proinde restabunt motus partes nonaginta quinque mille, unde erit velocitas navigii B partium nonaginta & quinque.

8. Si quis in navigio A sedens per contum, aut aliud ejusmodi instrumentum pellat, aut protrudat navigium B versus partes F, per illam trusionem retro cedit etiam navigium A versus partes contrarias, ita ut in utroque navigio æquales sint motus quantitates, quæ ab hominis propellentis vi oriuntur; unde si navigium B sit decuplo majus navigio A, decuplo minorem habebit velocitatem; si centuplo sit majus, habebit vicissim centesimam partem velocitatis navigii A; adeoque si B sit corpus quodvis immentum, erit velocitas navigii A immensa respectu illius, quæ inveniri debet in cymba B; unde si quis in nave sedens per contum terram, & litus à se protrudat, recedet hac trusione navis à littore; litus enim tanquam corpus immensum, & firmus obex respectu navis considerari potest; cujus proinde velocitas erit minima, aut plane nulla respectu illius, quæ in navigio reperitur.

Si navigium EDG remis agitur, cum aqua per remorum TAB. 4. palmulas AB retro pellitur versus partes C, illa rursus æqualiter in remos reaget, eosque una cum navigio, cui affixi sunt, versus partes H propellet, ob quam solam causam promovebitur navigium; si enim nulla esset reactio, & aqua nullum imprimeret motum remis versus partes H, cum ipsa in con-

trarias partes per remos truditur, subsisteret navigium; quandoquidem nihil esset, quod illud versus plagam H propelleret: verum, cum aqua reagendo tantum motus imprimit navigio ED, quantum ipsa exinde per remos acceperit, hinc sequitur, quo majores sunt remorum palmulæ, vel numero plures, cæteris paribus, vel etiam quo celerius intra aquam agantur, eo concitatori impetu progredi navigium.

Hinc cum natatio nihil aliud sit, quam brachiorum pedumque remigium, facile intelligitur, cur intra aquas promoveamur natando; cum scil. per manuum, pedumque palmas aqua impellitur retrorsum, illa tangendo in contrariam plagam natantes propellet, ita ut motus in aqua genitus æqualis sit motui, quo natantes progrediuntur. Idem etiam dicendum est de avium volatu; cum enim aves per alas suas aerem deorsum feriunt, aer reagendo eas sursum elevari; si versus Orientem aerem pellant, reactio aeris ipsas in Occidentem tendere coget. Sic pulvis pyrius intra tormentum bellicum accensus rarefit, & vi sua æqualiter agit in globum missilem, & tormentum, unde globus expellitur; aer enim rarefactus in omnem partem se expandere satagens, æqualiter tam tormentum retrorsum, quam globum antrorsum urgebit, & inde elater in utroque æquales motus quantitates producet; & dividendo has motuum quantitates tam per pondus tormenti, quam per pondus globi, velocitates exinde ortæ erunt ponderibus reciproce proportionales.

Cum omnia corpora in superficie terræ posita versus terram gravitent, vicissim tellus in corpora singula gravitabit, & versus illa attrahetur, & motus hac attractione geniti, cum in terra tum in corporibus gravibus descendantibus, æquales erunt; ita si lapis vi gravitatis suæ deorsum ad terram cadat, terra vicissim ad lapidem assurgat: cum vero quantitas materiæ in terra immensa superet quantitatem materiæ in lapide, velocitas lapidis vicissim immensa superabit velocitatem, qua terra ad lapidem tendit, adeoque (si physice loquamur) velocitas terræ nulla erit, quod calculo sic patebit: ponamus, lapidem centum pedum solidorum versus terram descendantem; spatium à lapide tempore unius minu-

nati secundi decursum erit quindecim circiter pedum : sed (juxta illos , qui de terræ dimensione scripserunt) tota globi terraquæ moles continet pedes solidos 30 000 000 000 000 000 000 000 ; ponamus jam terram ubique esse ejusdem densitatis cum vulgaribus lapidibus (quamvis omnino credibile est , ipsam esse multo densiorem .) Unde erit materiæ quantitas in terra ad quantitatem materiæ in lapide centum pedum , ut 300 000 000 000 000 000 000 000 ad 1 ; proinde dum lapis centum pedum gravitate impulsus descendere debet per spatium quindecim pedum , terra versus lapidem trahetur per unius pedis partes $\frac{15}{300\ 000\ 000\ 000\ 000\ 000\ 000}$, quæ

tantilla est quantitas , ut ipsam imaginandi vim effugiat : & proinde in phylica negligi potest , & pro nulla haberi , quamvis geometricè , & secundum veritatem loquendo , dicendum est , terram ad lapidem accedere , & utrumque corpus æqualiter se mutuo trahere .

Si Luna per gravitatem in sua orbita detineatur , ne a terra recedat ; hoc est , si luna versus terram gravitet , terra vicissim , & omnes ejus partes versus Lunam gravitabunt & hinc continuus oriatur fluxus , atque refluxus maris : sed hoc obiter alibi enim motum maris fusius explicabimus .

Sit navis in aqua quiescens , quæ facile à quolibet impulsu externo moveri potest , nulla tamen est vis intra navem agens , eique solum innitens , quæ ipsam promovere potest : sit enim GH navis , & ponatur intra navem machina quævis , TAB. 4.
fig. 6. v. g. corpus elasticum ABC , quod vehementer constrictum resiliere per se potest ; porro compresâ machinâ , latus BC approximabitur lateri AB ; elater naturali sua energia , seu vi sua restitutiva se utrinque æqualiter explicare satagens , æqualiter impellet tabulatum DA versus G , & tabulatum EF versus H ; & proinde navis duobus hisce contrariis , & æqualibus motibus impulsâ non movebitur : eodem plane modo , si quis in prora stans ad H per funem trahat ad se puppim G , funis utrinque distensus relaxandi se conatu æqualiter urgebit puppim versus hominem trahentem , & trahentem versus puppim ; cumque trahens ipsi proræ insitit , prora vicissim ad puppim æqua-

æqualiter trahetur, unde & hi duo motus contrarii, & æquales se invicem destruent, & nullus sequetur motus.

Ex hac lege sequentia demonstrantur Theoremata.

T H E O R. XVIII.

Si corpus unum alteri vel quiescenti, vel secundum eandem directionem tardius moto impingat, summa motuum in utroque corpore versus easdem partes eadem manebit post impactum, quæ fuit ante impactum.

TAB. 4.
fig. 7.

Moveatur corpus A secundum directionem CD à C versus D, atque in aliud corpus B impingat, quod vel quiescat, vel secundum eandem directionem tardius moveatur: dico, summam motuum in utroque corpore versus easdem partes, à C scil. versus D, ante & post impulsum eandem manere. Exponat CD motum corporis A, & si corpus B moveatur, recta EF motum ejus exponat versus easdem partes, & proinde summa motuum per summam rectarum CD, EF exponetur: cum jam actio, & reactio æquales semper sint & contrariæ, æquales vires versus contrarias partes impressæ, æquales in utroque corpore producent motuum mutationes versus contrarias plagas; si igitur motus per impactum corporis A ipsi B impressus repræsentetur per FG, vis contraria, & æqualis in corpus A agens tantundem subducet de ejus motu versus easdem partes factæ; adeoque ponendo DK ipsi FG æqualem, erit CK ut motus corporis A, & EG ut motus corporis B post occursum; & proinde summa motuum erit, ut summa rectarum CK, EG: cum autem FG sit æqualis KD, si utriusque addantur EF & CK, erunt EG & CK æquales ipsis CD, EF: unde eadem manebit summa motuum versus easdem partes & ante, & post impulsum. Si FG sit æqualis CD, punctum K coincidet cum C, & CK æqualis erit nihilo; unde post impulsum quiescet corpus A. Si vero FG major sit quam CD, punctum K cadet ultra C, & motus ipsius A erit negativus seu versus contrarias partes factus à C versus K, & summa motuum versus partes G factorum erit, ut EG dempto CK; nam summa duarum quantitatum, quarum una est positiva, altera negativa, est ipsarum differentia. Quoniam autem $FG = KD$, utrique addatur $EF - CK$, & erit $EF + FG - CK$, hoc est EG — CK

TAB. 4.
fig. 8.

TAB. 4.
fig. 9.

$CK = KD + EF - CK$, hoc est $EF + CD$; unde summa motuum versus easdem partes, quæ hic est differentia motuum versus contrarias partes factorum ante & post impactum, eadem manet. Q. E. D.

Cor. Eodem modo, si plura corpora versus easdem partes mota in sese impingant, summa motuum versus easdem partes non mutabitur.

THEOR. XIX.

Si duo corpora ad partes contrarias mota sibi mutuo directe occurrant, summa motuum ad eandem partem (quæ est differentia motuum ad partes contrarias factorum) ante & post occursum versus eandem semper partem eadem perseverabit.

Moveatur corpus A à C versus D, cujus motus exponatur per CD; B vero in contrariam partem, scil. ab E ad F moveatur, cum motu ut EF; ponatur DH ipsi EF æqualis; eritque CH, quæ est differentia motuum ad partes contrarias, ut summa motuum factorum ad partem G; dico, eandem CH esse, ut summa motuum versus eandem partem G post occursum. Sit enim motus corporis B post impactum versus partem G, & per rectam EG repræsentetur; vis igitur impulsus in corpus B versus partem G impressa æquipollebit summæ motuum EF, EG, & per rectam FG repræsentabitur; nam per illam vim destruitur motus ut EF versus partem F, & motus ut EG imprimitur versus contrariam partem G; cum vero vis impulsus æqualiter in utrumque corpus agit versus contrarias partes, si fiat DK æqualis ipsi FG, hæc repræsentabit vim in corpore A exercitam versus contrariam ejus motui plagam; adeoque si motus ut DK subducatur à motu ut CD, restabit CK ut verus motus corporis A versus partem G. Jam cum DK æqualis sit FG, & DH æqualis FE, erit DK, demptâ DH, hoc est KH æqualis FG, demptâ FE, hoc est EG: & proinde cum sit KH æqualis EG, erit KH ut motus corporis B post occursum; sed CK est ut motus corporis A, adeoque CK, KH, id. e. CH erit summa motuum in utroque corpore versus partem G. Q. E. D. Si FG sit æqualis CD, cadet punctum K in C, & motus A erit æqualis nihilo, hoc est, quiescet corpus A post impactum, & CH erit æqualis EG.

TAB. 4.
fig. 10.

TAB. 4.
fig. 11.

TAB. 4.
fig. 12.

EG. Si vero FG major sit, quam CD, punctum K cadet ultra C ad alteram partem, & motus corporis A erit à C versus K: est vero (ob FG æqualem ipsi DK, & FE æqualem DH) KH æqualis ipsi EG, & proinde si ab utraque dematur CK, erit CH æqualis rectæ EG, demptâ CK; sed CH erat ut summa motuum versus partem G factorum ante occursum, & est EG, demptâ CK, ut summa motuum versus eandem partem factorum, differentia scil. motuum versus contrarias partes post occursum. Quare eadem manebit summa motuum versus eandem partem ante & post impactum.

Duo hæc ultima theoremmata simul, & iisdem verbis sic optimè à Newtono enuntiantur.

Quantitas motus, quæ colligitur capiendo summam motuum factorum ad eandem partem, & differentiam factorum ad contrarias partes, non mutatur ab actione corporum inter se.

L E C T I O X I I I .

Definitiones Secundæ.

- I. **C**entrum gravitatis cujusque corporis est punctum illud intra corpus positum, per quod si utcumque incidat planum, quæ utrinque sunt corporis gravis segmenta, circa planum illud librata æquiponderabunt.

Hinc, si corpus ex centro suæ gravitatis suspendatur, situm quemcumque datum retinebit; cum scil. partes corporis circa centrum undique æqualium momentorum consistunt, seu æquales habent ad motum propensiones.

- II. Duorum corporum commune gravitatis centrum vocamus punctum in recta ipsorum centra conjungente ita situm, ut distantie corporum ab illo puncto sint in ratione reciproca corporum.

TAB. 4.
fig. 13.

Sint duo corpora A, B, quorum gravitatis centra conjungat recta AB, quæ ita sit in C divisa, ut AC sit ad BC, ut corpus B, hoc est, materia in B ad corpus A, vel materiam in A; punctum illud C dicitur commune corporum A & B centrum gravitatis; ideo scilicet, quia si corpora illa circa punctum illud in iisdem ab ipso distantis rotarentur, situm quem-

quemcunque datum retinerent; ut demonstratum est in theoremate 11.)

III. Similiter, si sint tria corpora A, B, D, sitque C centrum TAB. 4.
gravitatis duorum A & B, & dividatur recta CD in E, ita fig. 14.
ut CE sit ad DE, ut pondus corporis D ad pondus duorum A
& B simul, dicitur punctum illud E trium horum corporum
commune gravitatis centrum; circa quod etiam corpora illa ro-
tata situm quemcunque datum retinerent.

IV. Eodem modo, si sint quatuor corpora A, B, D, F, & sit E TAB. 4.
commune centrum gravitatis trium illorum A, B, D; punctum fig. 15.
G, quod ita dividat rectam EF, ut EG sit ad GF, ut pondus
corporis F ad pondus corporum A, B, D simul, vocatur eorum
quatuor commune centrum gravitatis.

Atque eodem modo quinque, aut plurium corporum
commune centrum gravitatis definitur.

V. Corpus unum dicitur alteri directe impingere, cum recta se-
cundum quam movetur, per impingentis centrum gravitatis,
& punctum contactus ducta, sit superficiei corporis, in quod
impingitur, perpendicularis; aut etiam si non in puncto, sed
in linea, seu superficiei sese tangant, cum recta illa sit huic, sive
lineae, sive superficiei perpendicularis.

VI. Oblique autem, seu indirecte impingere dicitur, cum prae-
dicta recta superficiei corporis, in quod impingit, non sit per-
pendicularis.

VII. Corpus perfecte durum appello, quod iclui nequaquam ce-
dit; hoc est, quod ne pro minimo tempore figuram suam
amittit.

VIII. Corpus molle est, quod iclui ita cedit, ut pristinam figu-
ram amittat, & nunquam se ad eandem restituere conatur.

IX. Corpus elasticum est, quod iclui aliquantisper cedit, se tamen
in pristinam figuram, sua sponte restituit.

X. Vis elastica est vis illa, qua corpus de figura sua detrusum
se in pristinam figuram restituit.

XI. Corpus perfecte elasticum est, quod se eadem vi in pristinam
figuram restituit, qua ab ea dimotum est.

THEOR. XX.

Si duo, vel plura corpora motu aequabili, secundum eandem, vel
con-

contrarias partes ferantur , commune illorum centrum gravitatis , ante mutuum occursum , vel quiescet , vel movebitur uniformiter in directum .

TAB. 4.
fig. 16.

Casus primus. Corpora A & B versus partes contrarias cum motibus æqualibus tendant , quorum commune gravitatis centrum sit C. Ob æqualem in utroque corpore motus quantitatem , erit velocitas corporis A ad velocitatem corporis B, ut corpus B ad corpus A ; hoc est , (ex natura centri gravitatis) ut AC ad BC ; unde , cum spatia eodem tempore percurra si ut velocitatibus proportionalia , dum mobile A percurrit longitudinem AC , longitudo BC percurretur à mobili B ; adeoque concurrent corpora in puncto C , & in eo puncto erit ipsorum gravitatis centrum tempore concursus : sed & ante concursum in eodem erat puncto , adeoque in eodem permanfit loco .

Eodem modo , si corpora cum æqualibus motibus à puncto C recederent , ostenderetur , ipsorum gravitatis centrum quiescere .

Casus secundus. Si corpora in eadem recta versus eandem partem , vel inæqualibus motibus versus contrarias ferantur , illorum commune gravitatis centrum semper in eadem recta invenietur . Cum enim corpora uniformiter directè à sese recedant , vel ad sese accedant , ipsorum à se invicem distantia uniformiter augebitur , vel minuetur ; & proinde corpora à puncto quovis prædictam distantiam in data ratione dividente uniformiter recedent , vel ad ipsum uniformiter accedent . Corporum igitur distantia à communi gravitatis centro uniformiter augebitur , vel minuetur ; quod fieri non potest , in prædictis casibus , nisi centrum illud vel quiescat (ut in primo casu) vel uniformiter moveatur , ut in præsentī casu .

TAB. 5.
fig. 1.

Casus tertius. Moveantur corpora A & B in rectis AC, BD ; sintque spatia à corpore A in æqualibus temporibus percurra AC , CE æqualia , & spatia à corpore B in iisdem temporibus percurra BD , DF quoque æqualia ; concurrant rectæ AC , BD in G ; & fiat ut AC ad BD , ita AG ad GH ; & jungatur AH , cui per C & E parallelæ ducantur CI , EK ; erit AC ad HI , ut AG ad GH , hoc est , ut AC ad BD ; quare est HI = BD , & pro-

proinde $HB = ID$. Similiter est CE ad IK , ut AG ad GH , vel AC ad BD , hoc est, ut CE ad DF ; quare est $IK = DF$, unde & $KF = ID = HB$. Sit L commune gravitatis centrum, cum corpora in punctis A & B locantur; ducatur LM ad ED parallela, & erunt rectæ AB , AH similiter sectæ: jungatur GM & producat; hæc secabit parallelas ipsi AH in punctis N & O ; in eadem scilicet ratione, qua secta est AH vel AB ; ducantur per N & O ad BD parallelae NP , OQ ; hæc secabunt CD , EF in eadem ratione, qua sectæ sunt CI , EK ; hoc, est in ea ratione, qua secta est AB in L ; sed L est commune centrum gravitatis, cum corpora in A & B reperiantur; quare erit P ipsorum centrum, cum in punctis C & D fuerint; & Q illorum est centrum, cum corpora sint in punctis, E , F . Præterea est ML ad HB , ut AM ad AH , vel ut CN ad CI , seu ut NP ad ID ; sed sunt HB & ID æquales; quare & ML , NP æquales erunt; similiter NP & OQ æquales erunt: cum igitur rectæ ML , NP , OQ æquales sint & parallelae, recta per L ducta, & ad MO parallela transibit per puncta P & Q , & proinde centrum gravitatis semper in recta LQ locabitur: præterea (ob parallelas) est AC ad CE , ut MN ad NO , hoc est, ut LP ad PQ ; (quare ob $AC = CE$) erit $LP = PQ$. Semper igitur in eadem recta est corporum commune gravitatis centrum, & in æqualibus temporibus æqualia percurrit spacia. $Q. E. D.$

Casus quartus. Si corpora non in uno aliquo, sed in diversis planis moveantur, ipsorum viæ, & via communis centri gravitatis reducendæ sunt ad idem planum, demittendo à punctis viarum singulis perpendicularia in planum quodvis, & (similiter ac in præcedenti casu) demonstrabitur, viam centri gravitatis sic reductam esse lineam rectam; cumque hoc in plano quovis ad libitum assumpto fit, necesse est, ut ipsa via, seu semita centri gravitatis corporum sit linea recta. $Q. E. D.$

Similiter commune centrum horum duorum corporum & tertii cujusvis vel quiescit, vel progreditur uniformiter in linea recta, propterea quod ab ipso dividitur distantia centri communis gravitatis duorum corporum, & centri corporis tertii in data ratione. Eodem modo & commune centrum horum trium corporum, & quarti cujusvis vel quiescit, vel


vel progreditur in linea recta, propterea quod ab eo dividitur distantia inter centrum commune trium, & centrum corporis quarti in eadem semper ratione; & sic de aliis quocunque corporibus. Q. E. D.

THEOR. XXI.

Si duo corpora, utcunque æqualia, vel inæqualia, versus eandem partem, celeritatibus utcunque æqualibus, vel inæqualibus ferantur, summa motuum in utroque corpore æqualis erit motui, qui oriretur, si utrumque corpus cum celeritate communis centri gravitatis latum esset.

TAB. 4.
fig. 17.

Sint duo corpora A & B, quorum commune gravitatis centrum sit C, & utrumque corpus feratur versus D; dico, summam motuum in utroque corpore æqualem fore motui; qui produceretur, si utrumque corpus cum celeritate centri gravitatis C versus D latum esset. Describat enim corpus A in dato quovis tempore longitudinem Aa, corpus B longitudinem Bb, & via à gravitatis centro C interea percursum sit CG: & (per theor. 6) longitudines Aa, Bb, CG simul descriptæ repræsentabunt celeritates corporis A, corporis B, & communis centri gravitatis C respective. Per corol. autem theor. 3 motus quantitas in quovis corpore est ut rectangulum factum ex materia, & celeritate, adeoque erit motus in corpore A, ut $A \times Aa$; & in corpore B, ut $B \times Bb$; & summa motuum erit, ut summa horum rectangulorum, scilicet, ut $A \times Aa + B \times Bb$. Est vero (per definit. centri gravitatis corporum) BC ad AC, ut A ad B, & ut A ad B ita etiam (per eandem definitionem) bG ad aG; quare erit BC ad AC, ut bG ad aG; unde (per 19. Element. quinti) BC est ad AC, hoc est A ad B, ut $BC - bG$ ad $AC - aG$; hoc est, ut $CG - Bb$ ad $Aa - CG$; adeoque (per 16 El. 6) $A \times Aa - A \times CG$ æquale erit $B \times CG - B \times Bb$; & proinde $A \times Aa + B \times Bb$ æquale erit $A \times CG + B \times CG$: sed duo rectangula $A \times Aa$ & $B \times Bb$ sunt (uti dictum est) ut summa motuum in utroque corpore; & duo rectangula sub A & CG, & sub B & CG erunt ut summa motuum, qui orirentur, si utrumque corpus cum celeritate CG centri gravitatis latum esset; unde



unde erit summa motuum in utroque corpore æqualis motui, qui produceretur, si utrumque corpus cum celeritate communis centri gravitatis latum esset. Q. E. D.

Si tria sint corpora A, B, D, ad eandem partem lata, quo-
rum trium commune gravitatis centrum sit E; erit summa TAB. 4.
motuum in tribus corporibus æqualis motui orto ex corpo-
ribus iisdem cum velocitate puncti E latis. Sit enim C com-
mune centrum gravitatis duorum quorumvis A & B; erit
(per superius demonstrata) motus in duobus hisce corpori-
bus æqualis motui, qui oriretur, si utrumque corpus in
unum coalescens cum velocitate puncti C latum esset; sed
etiam summa motuum (scil. motus corporum sic coalescen-
tium, & motus tertii corporis D) æqualis erit motui, qui
fieret, si corpus ex duobus coalescens una cum corpore tertio
D moveretur cum celeritate puncti E; unde liquet in hoc
quoque casu theorema.

Eadem est demonstratio, si corpora non in eadem recta,
sed in parallelis, vel etiam in rectis quomodocunque inclina-
tis moveantur. Sed in hoc casu notandum est, celeritatem
corporum, qua versus eandem plagam cum centro gravita-
tis feruntur, non æstimari à via, quam revera percurrunt,
sed solum à via, in quam secundum directionem centri gra-
vitatis promoventur; v. gr. si duo corpora A & B in rectis TAB. 5.
Aa, Bb ferantur, sitque CG linea à communi centro gravi-
tatis descripta, interea dum corpora percurrunt longitudines
Aa, Bb, & dimittantur à punctis A, a, B, b, in rectam
CG perpendiculares AF, ag, BH, bK; spatia jam, quæ se-
cundum directionem puncti C corpora percurrunt, non sunt
Aa, Bb, quæ sunt spatia absoluta ab iisdem descripta; ve-
rum spatium, secundum quod promovetur corpus A versus
plagam D, computandum est in recta FD per longitudinem
Fg; tantum enim, & non amplius secundum directionem pun-
cti C progreditur. Similiter spatium, secundum quod pro-
moveretur corpus B versus plagam D est HK, & per illud spa-
tium ejus in recta HD progressus æstimatur; adeoque celeri-
tates corporum, quibus versus eandem partem feruntur, sunt
ut rectæ Fg, HK: est præterea A ad B, ut BC ad AC, seu

(ob æquiangula triangula ACF, BCH) ut HC ad FC; unde similiter procedet demonstratio ac in primo casu.

THEOR. XXII.

Si duo corpora versus contrarias partes ferantur, erit differentia motuum ad partes contrarias factorum, vel (quod idem est) summa motuum ad eandem partem æqualis motui, qui produceretur, si utrumque corpus versus eandem plagam, cum celeritate communis gravitatis centri, latum esset.

TAB. 4.
fig. 18.

Sint corpora A & B, quorum gravitatis centrum commune sit C, & moveatur corpus A ab A versus D, & corpus B versus contrariam plagam à B versus E; sint spatia à corporibus A, B, & centro C simul descripta Aa, Bb, CG; hæc (per theor. 6) repræsentabunt velocitates corporis A, corporis B, & centri gravitatis C respective; unde est motus corporis A ut $A \times Aa$, & motus corporis B ut $B \times Bb$, unde differentia motuum erit $A \times Aa - B \times Bb$: porro ex natura centri gravitatis, est BC ad AC, ut A ad B, & ut A ad B, ita erit bG ad aG, quare erit ut BC ad AC, ita bG ad aG; adeoque erit (per 19 el. 5) BC ad AC, hoc est A ad B, ut $BC - bG$ ad $AC - aG$, id est, erit A ad B, ut $Bb + CG$ ad $Aa - CG$; quare erit (per 16 el. 6) rectangulum sub $A \times Aa - CG$ æquale rectangulo sub B & $Bb + CG$; hoc est, $A \times Aa - A \times CG = B \times Bb + B \times CG$; unde erit $A \times Aa - B \times Bb = A \times CG + B \times CG$; sed $A \times Aa - B \times Bb$ est (uti dictum est) differentia motuum versus contrarias partes, vel summa motuum versus eandem; & $A \times CG + B \times CG$ est motus emergens, si utrumque corpus cum velocitate communis ipsorum centri gravitatis latum esset, unde liquet propositum.

Cor. 1. Si differentia motuum versus contrarias partes sit nihilo æqualis; hoc est, si in utroque corpore sint motuum quantitates æquales, commune gravitatis centrum in hoc casu quiescit.

Cor. 2. Si sint plura corpora, vel omnia versus eandem, vel quædam in contrarias partes lata, summa motuum ex omnibus versus eandem partem eadem erit, ac si omnia ad eam partem cum velocitate communis omnium gravitatis centri lata essent.

Cor.

Cor. 3. Corporum igitur plurium motus ex motu centri gravitatis æstimandus est ; & tantum eorum systēma progreditur, vel regreditur, tantum ascendit, vel descendit, quantum commune ipsorum gravitatis centrum progreditur, vel regreditur, ascendit, aut descendit.

THEOR. XXIII.

Si corpora in se invicem impingant, vel etiam utcumque in sese agant, communis illorum gravitatis centri status, vel quiescendi, vel movendi uniformiter in directum non exinde mutabitur.

Si corpora in se invicem impingant, (per theor. 19) summa motuum versus eandem partem eadem manet ante, & post impulsū ; sed (per theor. 21 & 22) summa motuum ante & post impulsū eadem est, ac si corpora omnia cum velocitate communis gravitatis centri ad eandem cum ipso partem lata essent ; quare cum eadem corpora habent motuum summas ante & post impulsū sibi invicem æquales, & etiam æquales motui orto ex omnibus simul cum velocitate communis gravitatis centri latis, liquet, velocitatem communis gravitatis centri ante & post impulsū eandem manere. Q. E. D.

Hucusque leges quasdam generales ad corporum quorumcunque motus determinandos inservientes tradidimus : ad alias jam speciales congressuum regulas devenimus, quibus scil. corpora singula post occursum, & mutuum in se invicem impactum motus suos continuant, & versus quas partes, & cum quibus velocitatibus singula tendant. Verum ob variam corporum structuram, prout scil. elastica vi polent, vel destituantur, pro diversis corporum generibus regulæ congressuum diversæ erunt ; & quamvis nullum fortasse detur corpus, quod sit vel perfecte durum, vel perfecte molle, vel perfecte elasticum, (omnia enim corpora aliquid ex hisce omnibus fortasse in se continent) id tamen non impedit, quin qualitates istas abstractione mentis separare possimus, & corpus considerare tanquam una solummodo ex hisce qualitatibus præditum : & motus corporum eo magis ad regulas infra tradendas accedunt, quo magis corpora ipsa ejusmodi qualitatibus, & conditionibus gaudent.

Supponimus hic, corpora ab aliis omnibus ita esse divisa, ut eorum motus ab aliis circumjacentibus nec impediatur, nec juventur.

T H E O R. XXIV.

Si corpus durum, vel molle corpori duro, vel molli directe impingat, sive illud, in quod impingat, quiescat, sive versus eandem partem tardius moveatur, seu demum versus contrariam, sintque motus inæquales; utrumque corpus post impactum una cum communi gravitatis centro junctim movebitur.

TAB. 4.
fig. 19.

Impingant corpus A in corpus B; quod vel quiescat, vel versus eandem plagam tardius, vel versus contrariam cum minore motu feratur; dico, utrumque corpus post impullum eadem celeritate unâ cum communi gravitatis centro junctim moveri. Cum enim corpus B non impediatur ab aliis corporibus circumjacentibus, (per legem secundam) à vi in ipsum per corpus A impressa movebitur versus eas partes, in quas fit virium directio; sed & junctim movebitur cum corpore A: non enim tardius moveri potest, ob corpus insequens A; non celerius, quia nulla alia, ex hypothesi, præter impellens A datur hujus motus causa; cum alia omnia (ut vis elastica, & ambiens fluidum) nihil agere supponantur; adeoque post impactum cum communi ipsorum centro gravitatis utrumque corpus junctim movebitur. Q. E. D.

Cor. Si corpora ponantur concurrere in D, cum velocitates mobilium sint spatia simul descripta, velocitates corporis A, corporis B, & centri gravitatis C ante concursum erunt ut rectæ AD, BD, CD respectivè; hæ enim longitudines simul percurruntur.

P R O B. II.

Corporum durorum aut mollium post directum impactum determinare motus.

TAB. 4.
fig. 20. 21
22 23. 24
25.

Omnes hujus problematis casus eâdem operâ construemus. Sint igitur duo corpora A & B, quorum gravitatis centrum sit C, ponantur corpora concurrere in D; erunt (per præcedens corol.) celeritates ante impactum corporis A, cor-
poris

poris B, & communis centri gravitatis C, ut rectæ AD, BD, & CD respective; fiat jam DE æqualis DC, hæc repræsentabit velocitatem corporum post occursum; hoc est, erit velocitas corporis A ante impulsus ad ejusdem velocitatem post, ut AD ad DE; & velocitas corporis B ante impactum erit ad ejus velocitatem post impactum, ut BD ad DE: nam (per theor. 19) corpora A & B post impulsus una cum centro gravitatis progrediuntur: sed (per theor. 18) celeritas centri gravitatis eadem manet ante, & post impulsus, & versus eandem semper plagam; quare si CD repræsentet ejus celeritatem ante impulsus, DE ipsi CD æqualis ejus velocitatem post impulsus exponet; adeoque DE exponet quoque celeritatem corporum A & B, quæ unâ cum centro C progrediuntur post impulsus. Q. E. D.

Cor. 1. Si corpus B quiescat, coincidet punctum D cum B, TAB. 4. ut in 20 figura: & quia B est ad A, ut AC ad BC vel DE, erit *fig. 20.* componendo A+B ad A, ut AB vel AD ad DE; hoc est, velocitas corporis A ante impactum est ad ejusdem velocitatem post, ut summa corporum ad corpus impingens A.

Exemplum 1. Si A sit æquale quiescenti B, erit A+B ad A, ut 2 ad 1; adeoque velocitas corporis impingentis erit dupla ipsius velocitatis post impactum:

Exemplum 2. Si A sit ad B, ut 1 ad 9; erit A+B ad A, ut 10 ad 1; ideoque velocitas post impulsus erit tantum pars decima velocitatis ante impulsus.

Exemplum 3. Si B sit corpus infinite superans A, erit velocitas corporis A post impulsus infinite parva, hoc est, nulla; nam in eo casu A respectu A+B evanescit, & proinde velocitas corporis A post occursum quoque evanescit; hoc est, si corpus in firmum obicem impingat cedere nescium, post impactum quiescet.

Exempl. 4. Si corpus B ipsi A æquale secundum eandem TAB. 4. *fig. 21.*

directionem tardius moveatur, erit DE vel CD = $\frac{AB}{AB + 2 BD} + BD = \frac{AD + BD}{2}$, hoc est, erit velocitas post impulsus priorum velocitatum semisumma. I 3 Ex-

TAB. 4.
fig. 23.

Exempl. 5. Si corpora cum æqualibus motibus versus contrarias partes tendant, punctum *D* coincidit cum *C*, ut in theor. 20 demonstratum fuit; & *CD*, *DE* erunt nihilo æquales, hoc est, post occursum quiescet utrumque corpus.

Cor. 2. Hinc demonstratur, falsam esse *Cartesianorum* legem, qua eandem semper motus quantitatem in universo conservari volunt; nam corpora non elastica, versus contrarias partes cum æqualibus motibus in sese incurrentia, mutuos motus tollunt.

TAB. 4.
fig. 24.

Exempl. 6. Si corpora æqualia versus contrarias partes cum inæqualibus motibus tendant, erit *DE* vel *CD* = *CB* - *BD* =

$$\frac{AB}{2} - \frac{AB - 2BD}{2} = \frac{AD - BD}{2}, \text{ hoc est, erit velocitas}$$

post impulsu priorum velocitatum semi-differentia.

Hæc omnia ex superiori constructione facile fluunt; sed cum in praxi calculus semper adhibendus est, generalis hujus problematis solutio per calculum sic eruitur.

Velocitas corporis *A* vocetur *C*; velocitas corporis *B* sit *c*; & si corpora secundum eandem directionem moveantur, summa motuum in utroque versus eandem plagam erit *AC* + *Bc*; sin versus contrarias partes moveantur, summa motuum versus eandem partem erit *AC* - *Bc*; sed (per theor. 19) in corporibus omnibus summa motuum versus eandem partem ante & post impulsu eadem manet: quare erit corporum post impulsu motus vel *AC* + *Bc* vel *AC* - *Bc*, prout corpora ad eandem, vel contrarias partes ante impulsu tendunt: datur igitur momentum corporum eadem velocitate latorum; unde (per dicta in lect. X.) ipsorum velocitas simul innotescet; nempe si dividatur momentum per ipsa corpora, quotiens exhibebit ipsorum velocitatem scilicet $\frac{AC + Bc}{A + B}$ vel $\frac{AC - Bc}{A - B}$;

& si *B* quiescat, hoc est, si *c* ponatur nihilo æqualis, velocitas corporum erit $\frac{AC}{A + C}$

Cor. 3. Cum velocitas corporis *A* ante impactum fuerit, ut *AD*, & post impactum ejus velocitas sit *CD*, erit velocitas amissa

AD VERAM PHYSICAM. LECT. XHI. 135
 amissa AC, & proinde motus per ictum amissa $A \times AC$.

T H E O R. XXV.

Si corpus motum alteri sive moto, sive quiescenti directe impingat; ictus magnitudo proportionalis est momento ad occursum perduto in corpore, si quid sit, fortiori.

Si enim intelligatur motorum corporum (si quid sit) fortius, vel, si momentorum sint æqualium, utrumvis ut percutiens, alterum ut percussum; ictus magnitudo æquipollebit vi à percutiente in percussum impressæ; sed vis illa, quæ in percussum imprimitur à percutiente decedit (per legem tertiam); adeoque motus in corpore. percutiente amissus erit vi in corpus percussum impressæ, & proinde magnitudini ictus, proportionalis. Q. E. D.

Cor. Ubi æqualia sunt momenta, quæ à corporibus percutientibus decidunt, ibi æquales erunt ictuum magnitudines.

T H E O R. XXVI.

Si corpus datum in aliud quiescens datum directe impingat; ictus magnitudo velocitati impingentis semper erit proportionalis.

Impingat corpus datum A in aliud datum quiescens B cum TAB. 4.
 velocitate, quæ exponatur per AB; deinde impingat idem cor- fig. 26.
 pus A in idem quiescens B cum alia velocitate DE; hoc est, sit AB ad DE, ut prior velocitas ad posteriorem, & ponantur deinde corporum distantie AB, DE; quæcunque enim inter ea, initio motus, intercedat distantia perinde est quoad magnitudinem ictus; sitque commune centrum in primo situ C, in secundo G. Cum corpus A movetur velocitate AB, erit CB ejus velocitas post occursum; & cum motus ante impactum fuit $A \times AB$, motus post impactum erit $A \times CB$; & motus amissus erit $A \times AC$. Eodem modo si corpus moveatur velocitate DE, erit motus amissus $A \times DG$, ac proinde ictus magnitudo cum velocitate AB erit ad magnitudinem ictus cum velocitate DE, ut $A \times AC$ ad $A \times DG$, vel ut AC ad DG: quia autem est AC ad BC, ut B ad A, erit AC ad $AC + BC$, hoc est, AB, ut B ad $A + B$; & similiter erit B ad $A + B$, ut DG ad DE, quare erit AC ad AB, ut DG ad DE, unde permutando erit AC

ad DG, ut AB ad DE; hoc est, erit ictus magnitudo cum velocitate AB ad magnitudinem ictus cum velocitate DE, ut velocitas AB ad velocitatem DE. Q. E. D.

Cor. Si corpus A in B irrueret, motus amissus esset $A \times AC$; si vero B in A cum eadem celeritate impingeret, motus amissus esset $B \times BC$; quia autem est, ut A ad B, ita BC ad AC, erit $A \times AC = B \times BC$; adeoque eadem erit quantitas motus per ictum amissa, siue B cum data celeritate impingat in A, siue A cum eadem velocitate in corpus B incurrat; adeoque eadem in utroque casu erit ictus magnitudo.

T H E O R. XXVII.

Si corpus unum in alterum, secundum eandem rectam, ad eandem partem segnius latum, directe impingat, eadem erit ictus magnitudo, ac si antecedens quiesceret, & insequens in illud cum velocitatum differentia latum esset.

TAB. 4.
fig. 27.

Sint duo corpora A & B versus eandem partem lata, quorum commune gravitatis centrum sit C; & ponatur corpora concurrere in D: constat ex supra traditis, velocitates corporum ante impulsu esse, ut rectæ AD, BD; & proinde velocitatum differentia erit ut AB; utriusque autem corporis post impactum velocitas per CD exponetur, & proinde motus perditus in corpore A erit $A \times AC$. Si autem corpus A cum velocitate AB in quiescens B impingeret, ipsius velocitas post occursum esset CB, & motus amissus esset $A \times AC$; unde cum in utroque casu eadem amittitur in percutiente motus quantitas, eadem quoque erit ictus magnitudo.

Cor. Si eadem manet velocitatum differentia, hoc est velocitas respectiva, qua corpora ad se accedunt; quomodo-cunque augeatur, aut minuatur illorum summa, eadem semper consequetur ictus magnitudo.

T H E O R. XXVIII.

Si corpora duo motibus contrariis sibi invicem obviam veniant, ictus magnitudo eadem erit, ac si unum ipsorum quiesceret, & alterum in illud cum velocitatum summa impingeret.

TAB. 4.
fig. 28.

Sint duo corpora A & B versus contrarias partes lata, quorum

rum commune gravitatis centrum sit C, sitque D punctum in quo concurrunt: constat, velocitates corporum A & B esse, ut rectæ AD, BD; & proinde velocitatum summa exponetur per AB: CD autem designat ipsorum velocitatem post impactum, & proinde motus in corpore A amissus erit $A \times AC$. Si autem A in B quiescens impingeret cum velocitate AB; velocitas post impactum esset ut CB, & motus amissus esset $A \times AC$. Cum igitur in utroque casu eadem motus quantitas amittatur, eadem quoque erit ictus magnitudo. Q.E.D.

Cor. 1. Si igitur eadem maneat velocitatum summa, hoc est, velocitas respectiva corporum A & B, qua ad se invicem accedunt, quæcunque sit velocitatum differentia, seu quomodocunque velocitas illa inter corpora concurrentia partita sit, eadem semper erit ictus magnitudo.

Cor. 2. Est igitur ictus magnitudo in datis corporibus semper proportionalis ipsorum velocitati respectivæ.

Cor. 3. Corporum in dato spatio inclusorum iidem sunt motus inter se, sive spatium illud quiescat, sive moveatur uniformiter in directum; nam differentię velocitatum, quibus corpora tendunt ad eandem partem, & summæ, quibus ad contrarias partes tendunt, eadem sunt, sive spatium, in quo corpora includuntur, quiescat, sive moveatur uniformiter in directum; adeoque ictus magnitudines hisce semper proportionales existentibus eadem erunt in utroque casu. Hinc in navi motus omnes eodem modo se habent, sive ea quiescat, sive moveatur uniformiter in directum. Sic etiam projectorum, & percussionum phænomena eadem contingunt omnia apud nos in terra positos, sive cum terra junctim ferantur omnia communi motu, sive absit ille communis motus, & terra quiescat; adeoque quæ afferri solebant objectiones à projectionibus inæqualibus eadem vi faciendis, prout vel ad Orientem vel ad Occidentem fierent; atque ab inæqualibus percussionibus à tormento bellico globum emittente futuris, prout in has, vel illas partes explosio fieret, & quæ sunt ejusmodi, nihil in utramvis partem probant, sive ad quietem terræ, sive motum adstruendum.

L E C T I O X I V .

SI nulla esset elasticitas, leges, quas in præcedente lectione de percussione corporum durorum proposuimus, omnibus corporibus perfecte congruerent, & corpora omnia post impulsum junctim moverentur ad partes eas, ad quas ante percussionem tendebat corpus fortius, hoc est, cujus momentum majus erat, & cum ea celeritate, quam in supradictis legibus determinavimus. Verum cum pauca admodum dentur corpora, in quibus non aliquid inest elasticitatis (nam molle lutum, cera, & alia istiusmodi corpora quædam aeris particulas in se continent, quæ ipsis virtutem aliquam elasticam reddere valeant), sit per vim illam elasticam, ut corpora non junctim post impulsum moveantur, sed à sese resiliant, & diversa velocitate aliquando ad eandem, aliquando ad contrarias partes moveantur. Ut vero modus, & causa hujus resiliationis intelligatur, res exemplo illustrari potest.

TAB. 5.
Fig. 3.

Sit AB filum supra planum, in aliqua tamen ab eo distantia, extensum; cujus duæ extremitates AB firmiter figantur, & filum fortiter tendatur: si jam trahatur filum per medium suum D, extremitatibus fixis manentibus, ad situm ACB ita ut punctum ejus D sit in C, & tunc dimittatur, non manebit filum in situ ACB, sed magna vi in situm priorem se restituere perget; & cum per continuam vis elasticæ actionem motus satis velox in filo genitus est, sit ut cum in situm ADB pervenerit, in motu suo versus eandem partem perseverabit, donec vis elastica, seu restitutiva ulteriori huic motui continuo renitens, & tandem æquipollens, ipsum destruet, & filum cum vi versus partes C urgebit, adeo ut, cum rursus in situm ADB pervenerit, eandem vim habeat ulterius movendi versus C, quam prius habuit tendendi versus partes E; atque sic cundo, & redeundo continuas vibrationes efficiet.

Ponamus jam, corpus F in filum AB irruere: filum per vim ipsi à corpore F illatam ex situ suo deturbabitur, & punctum ejus D, in quod incurrit corpus F, una cum F versus C movebitur; qui motus eo ulque continuabitur, donec vis fili resili-

restitutiva motui corporis F contraria ipsi æquipolleat ; quod cum sit , destruetur motus omnis versus C : vis autem hæc elastica ulterius agens filum reducet , quod itaque corpus F urgebit , & ipsum eadem velocitate secum movebit ; sed (ob fortem , quam hic supponimus fili tensionem) eadem vi se restituet filum , qua prius inflexum fuit : at vis , qua inflectabatur , momento corporis impingentis æquipollebat (nam illud omne in filo flectendo impensum fuit) ; adeoque filum ea vi in corpus F agendo , eandem motus quantitatem ipsi restituet , quæ in flexione insumpta fuerat ; adeoque corpus F eadem velocitate , qua advenerat , regredietur , atque sic fiet reflexio .

Ponamus jam loco fili corpus aliquod elasticum AB, quod TAB. 5.
fixum & immobile supponere primo liceat ; & ejus superfi- fig. 4.
cies ADB vi corporis ingruentis F introrsum comprimatur : quamprimum vis comprimens , hoc est , motus corporis F cessaverit , elater vi sua insita in pristinam figuram se restituet , & cum ea vi corpus F urgebit versus E ; & si corpus utrumvis sit perfecte elasticum , vis elateris restitutiva vi ipsum comprimenti , hoc est , momento corporis F æquipollebit , adeoque cum hac vi in corporis F agens illud cum eadem velocitate , quam prius habebat , retroire coget . Si vero corpus ADCB non sit fixum , sed in tali statu , ut motus ejus à nullo alio corpore impediatur , vis elastica in utroque corpore æqualiter aget , & æquales motuum mutationes producet ; nam si corpus ADB urget corpus F versus partem E , illud rursus à corpore F æqualiter urgebitur ad partem contrariam ; & proinde corpora à se mutuo resilient . Atque sic demonstravimus , qua ratione effectum sit , ut corpora post impulsu non junctim vel quiescant vel moveantur , sed à se invicem resiliendo diversa velocitate contrarias aliquando ineant vias , aliquando eandem .

Cartesiani , qui elasticitatis vim ad corpora reflectendum nesciebant , aliam plane diversam tradiderunt reflexionis causam : dixerunt enim , motum motui non contrarium esse , sed directionem directioni ; ideoque corpus unum in aliud incurrens reflecti , quia incurrentis motus non potest destrui , cum scil.

scil. secundum ipsos nihil motui contrarietur: at cum directio unius alterius directioni obilet, incurrens post impulsus ad contrarias partes reflecti voluerunt, eadem semper manente quantitate motus in percussio, & percutiente.

Sed facile est ostendere, hanc sententiam nec rationi, nec experientiæ congruam esse; nam cum momentum, seu quantitas motus sit vis seu energia illa, qua mobile secundum directionem suam tendit, si corpora duo sibi mutuo directe occurrant, vires secundum contrarias plagas impressæ contrariæ erunt; adeoque si æquales sint, sese mutuo destruent; si inæquales, motus, qui est minoris efficaciz, destruetur. Præterea corpus unum in aliud majus quiescens, vel secundum easdem partes segnius motum, impingens reflectitur; atqui hoc fieri non potest ob solam directionem directioni contrariam; si enim impingat corpus B in aliud majus A, quod vel quiescit, vel versus easdem partes & tardius moveatur, cum vis omnis, quæ in utroque corpore reperitur, tendat versus C, vis illa nunquam potest motum versus partes contrarias in utrovis corpore dirigere. Nam (per legem secundam) motus omnis fit secundum lineam, qua vis imprimitur; atqui (ex hypothesi) omnis vis imprimitur secundum lineam BC, à B versus C; quare si solummodo per vim corporibus insitam fieret reflexio motus, absque nova vi fieret motus secundum contrariam plagam ei, qua vis imprimitur; quod fieri non potest. Non igitur à vi prius impressa oritur illa reflexio, sed à vi elastica, qua pollet utrumvis corpus, quæque secundum partem utramvis æqualiter agens corpora à sese discedere cogit.

TAB. 5.
fig. 5.

Præterea, si motus motui non esset contrarius, multo facilius esset corpus semel motum in contrarias partes dirigere, quam penitus illud sistere; in priore enim casu motus corporis in manu reflectentis non recipitur, sed tantum in contrarias partes vertitur: in posteriore vero casu, motus ille, omnis in corpus resistens impenditur; quod tamen est contra manifestam experientiam. Denique, si nihil motui contrarium esset, ubicunque corpus quodvis in aliud aliquod obstaculum incurreret, fieret semper reflexio, quod tamen ex-

peri-

perientiæ repugnat; nam plumbum, lutum, cera, & alia corpora elasticitatis fere expertia, si in pavementum cadunt, non reflectuntur; cum tamen pilæ conflatæ ex lana, vel plumis, globuli eburnei, marmorei, vitrei, & alia ejusmodi corpora magna elasticitatis vi pollentia, in idem pavementum demissa fortiter resiliant: reflexio igitur illa non è motu, qui utrique corpori communis est, sed ab elasticitate, quæ solis reflectentibus peculiaris est, provenit. Quod erat ostendendum.

Sed quærent fortasse *Cartesiani*, quo pacto innotescit, globos eburneos, vitreos, marmoreos, & alia reflectentia corpora, quæ durissima esse videantur, elasticitate pollere: respondendo, illorum elasticitatem posse exinde concludi, quod, cum percutiuntur, tinnitum edunt, qui à vibrationibus corporis percussi oritur, eodem modo, quo filum tensum suis vibrationibus undulationem aeris efficit; & proinde minime dubium est, quin corpora illa elatere aliquo prædita sint. Atque hoc quidem argumentum corporum vim elasticam probabilem reddit; sed aliud est argumentum, quo res hæc demonstrative probatur.

Sint enim duo globi vel eburnei, vel vitrei, & si globorum figuræ essent perfecte sphericæ, in uno tantum & indivisibili puncto sese tangerent; sed hoc nulla arte humana fieri potest: tam prope tamen ad figuras sphericas possunt perducì, ut sese in puncto physico, hoc est, in parte visibili minima tangerent. Si jam unius globi superficies atramento (aut quovis colore, qui facile detergi potest) inficiatur, & alter in ipsum quiescentem impingat, experimento constat, non punctum tantum physicum globi incumbentis post impulsus alterius colore tingi, sed partem ejus superficiei satis magnam; atqui hoc fieri non potest, nisi ipsorum superficies per ictus vim mutata fuerint: post reflexionem autem utrumque globum pristinam figuram recuperare deprehendimus; quare globi hi habent vim elasticam, qua sese in pristinam figuram per ictum deformatam restituere valent. Q.E.D. Sequuntur jam regulæ motus pro corporibus elasticis.

THEOR.

INTRODUCTIO THEOR. XXIX.

Si duo corpora perfecte elastica in se invicem impingant, eadem manebit ipsorum velocitas relativa ante & post impactum; hoc est, corpora perfecte elastica eadem celeritate à sese mutuo post ictum recedent, qua prius ad se invicem accedebant.

Nam (per cor. theor. 27) vis compressiva, seu ictus magnitudo in datis corporibus oritur à velocitate corporum relativa, & ipsi eil proportionalis; & (per def. 11.) corpora perfecte elastica eadem vi sese in pristinam figuram restitunt, qua compressa fuere; hoc est, vis restitutiva æqualis eil vi compressivæ, ac proinde vi, qua corpora ad sese accedebant ante impactum, æquipollet: sed per vim hanc restitutivam coguntur corpora à se invicem discedere; unde vis hæc in eadem corpora agens producet velocitatem relativam æqualem ei, quam prius habebant, seu faciet, ut corpora eadem velocitate à se invicem recedant, qua prius accessere. Q. E. D.

Cor. Æqualibus igitur temporibus ante & post impulsu sumptis, æquales erunt corporum à se invicem distantia; & proinde æquales quoque erunt in iisdem temporibus distantia corporum à communi gravitatis centro.

Ex hoc corollario regulæ congressuum in corporibus perfecte elasticis facile eruuntur, quod igitur in sequenti problemate præstandum est.

P R O B L. III.

In corporibus perfecte elasticis, & directe impingentibus regulas congressuum determinare.

Omnes hujus problematis casus eadem opera constructos dabimus. Sint A & B duo corpora perfecte elastica, quorum commune gravitatis centrum sit C, & ponantur corpora concurrere in D, ac fiat CE æqualis CD: dico, post concursu rectam EA exponere velocitatem corporis A ab E versus A, & rectam EB exponere velocitatem mobilis B ab E versus B.

Dem. Cum (per theor. 23) commune corporum gravitatis centrum ante, & post impulsu eadem semper velocitate

TAB. 5.
fig. 6 7. 8.
9. 10. 11.
12. 13. 14.
15. 16.

citare uniformiter progrediatur, in tempore æquali, ei, quo percurritur à corpore A longitudo AD, vel à centro gravitatis C longitudo CD, post impulsus ab eodem C percurretur longitudo DK ipsi DC æqualis, fiat Ka æqualis CA: & cum (per cor. præcedentis theor.) æqualibus temporibus ante, & post impactum sumptis æquales semper sint corporum à communi gravitatis centro distantie; eodem temporis puncto, quo commune gravitatis centrum est in K, corpus A reperietur in a, adeoque post impulsus erit ipsius motus à D versus a, & ejus velocitas erit, ut recta Da, quæ ab ipso in eo tempore percurritur; sed ob CE æqualem rectæ CD vel KD, & CA æqualem Ka, erit rectarum CE, CA differentia æqualis differentie rectarum KD, Ka, hoc est, erit EA æqualis Da: sed recta Da denotat corporis A velocitatem post impulsus, quare ejus velocitas per rectam EA quoque denotabitur; præterea cum velocitas corporum relativa ante, & post impulsus eadem maneat, & recta EA denotet velocitatem mobilis A, velocitas mobilis B post impulsus necessario per rectam EB denotabitur; ab E scil. versus B. Q.E.D.

Cor. 1. Si corpus B quiescat, coincidet punctum D cum B: & quia est B ad A, ut AC ad CB, erit componendo B & A simul ad A, ut AB ad CB; unde duplicando consequentes erit B & A simul ad 2 A, ut AB ad 2 CB vel EB; hoc est, ut corporum aggregatum ad duplum corporis impingentis, ita celeritas impingentis ante contactum ad celeritatem prius quiescentis post contactum. TAB. 5.
fig. 6. 7. 8.

Cor. 2. Adeoque si A & B æqualia sint, erit $A \& B = 2 A$, unde EB celeritas corporis B post contactum erit æqualis AB celeritati corporis A ante contactum; & proinde coincidente puncto E cum puncto A, erit AE velocitas mobilis A post impulsus nihilo æqualis; quod etiam facile sic ostenditur: ob corpora A & B æqualia, erit $AC = CB = CD = CE$, quare coincident punctum E cum A, & proinde mobile A post impulsus quiescet, & corpus B post impulsus movebitur cum celeritate EB vel AB. Si igitur corpus elasticum in alterum quiescens, & æquale impingeret, post contactum quiescet impingens, &

& quiescens cum prioris celeritate movebitur.

TAB. 5.
fig. 9.

Cor. 3. Si corpora A & B æqualia versus eandem partem ferantur, post contactum ad eandem quoque partem ferentur, celeritatibus permutatis; nam ob $CE = CD$, & $AC = CB$, erit $CE - AC$, hoc est, $EA = CD - CB$ seu BD ; adeoque velocitas corporis A post impactum æqualis erit velocitati mobilis B ante impactum: præterea quia $EA = BD$ erit $EB = AD$, & proinde velocitas corporis B post contactum prioris A velocitati ante occursum æqualis erit.

TAB. 5.
fig. 13.

Cor. 4. Si corpora A & B æqualia ad contrarias partes ferantur, post impulsu ad contrarias partes recedent, celeritatibus permutatis. Nam ob $AC = CB$, & $CE = CD$, erit $AC - CE$, hoc est, $AE = CB - CD$, seu BD adeoque velocitas corporis A post impactum æqualis erit velocitati corporis B ante impactum: præterea ob $EA = BD$ erit $AD = EB$; sed AD erat velocitas corporis A ante occursum, & EB est velocitas corporis B post occursum, unde liquet Corollarium.

Quoniam in praxi calculus semper est adhibendus, convenit, ut modus tradatur, quo celeritates corporum elastico-rum post impulsu sunt investigandæ, & ad numeros reducendæ; & quidem facile esset, ad modum superiorum Corollariorum, omnes particulares casus ex generali exposita constructione ad numeros revocare; facillime autem generalis calculus sic eruitur.

TAB. 5.
fig. 17.

Ponamus primo, corpora A & B versus eandem partem moveri; sitque C velocitas insequentis A, præcedentis vero B velocitas sit c ; unde velocitas corporum relativa erit $C - c$, & summa motuum versus eandem partem $AC + Bc$: velocitas corporis A post impactum versus eandem, qua prius, plagam vocetur x ; & quia eadem manet corporum velocitas relativa ante & post impactum, velocitas corporis B erit $x + C - c$; est enim velocitas corporum relativa æqualis excessui velocitatis, qua velocitas corporis celerioris superat velocitatem tardioris; adeoque excessus ille debet esse $C - c$; cum vero velocitas corporis A sit x , erit ejus motus versus plagam $D = Ax$; & cum velocitas corporis B sit

$x +$

$x + C - c$, erit ejus motus versus eandem partem $Bx + BC - Bc$; & horum motuum summa æqualis erit summæ priorum motuum, hoc est, erit $Ax + Bx - BC - Bc = AC + Bc$; unde reducendo hanc æquationem, erit $Ax + Bx = AC - BC + 2 Bc$; & $x = \frac{AC - BC + 2 Bc}{A + B}$ = velocitati corporis

$$A. \text{ Porro velocitas corporis B est } x + C - c = \frac{AC - BC + 2 Bc}{A + B} \\ + C - c = \frac{AC - BC + 2 Bc + AC + BC - Ac - Bc}{A + B} = \\ \frac{2 AC - Ac + Bc}{A + B}$$

Si BC sit major quam $AC + 2 Bc$, erit x seu $\frac{AC - BC + 2 Bc}{A + B}$ quantitas negativa, adeoque velocitas corporis A erit versus contrariam partem, & ejus motus versus D erit negativus. Si corpus B quiescat; hoc est, si sit $c = 0$, erit velocitas corporis A post impulsu $+\frac{AC - BC}{A + B}$ prorsum aut retrorsum, prout signum $+$ aut $-$ prævaluerit.

Si corpora A & B celeritatibus C & c , versus contrarias partes lata, sibi mutuo directe impingant, erit ipsorum motus versus eandem partem $AC - Bc$; & velocitas corporum relativa erit $C + c$. Sit jam x velocitas corporis A post impactum; erit ejus motus versus eandem, qua prius plagam Ax , & velocitas corporis B erit $x + C + c$, (nam velocitas corporum relativa per ictum non mutatur) & motus in corpore B versus D erit $Bx + BC + Bc$; unde summa motuum in easdem partes erit $Ax + Bx + BC + Bc$, quæ (per theor. 14.) æqualis erit $AC - Bc$; adeoque erit $Ax + Bx = AC - BC - 2 Bc$, & $x = \frac{AC - BC - 2 Bc}{A + B}$, & velocitas corporis B erit $\frac{AC - BC - 2 Bc}{A + B} + C + c = \frac{c AC - BC - 2 Bc + AC + Ac + BC + Bc}{A + B} = \frac{c AC - BC - 2 Bc + AC + Ac + BC + Bc}{A + B}$

Si $BC + 2 Bc$ sit major quam AC , erit motus corporis A retrorsum, versus contrariam scilicet partem, in quo casu erit x seu $\frac{AC - BC - 2 Bc}{A + B}$ quantitas negativa.

Corporum durorum leges primus, quod sciam, recte tradidit *Johannes Wallisius*, hujus Academiae in Cathedra Geometriae *Savilianus* celeberrimus professor, in actis philosophicis numero 43, ubi etiam primus veram causam reflexionum in aliis corporibus aperuit, & has ab elasticitate proficisci docuit. Postea, non longo temporis intervallo, clarissimi viri Dom. *Christophorus Wren*, tunc temporis in hac Academia Astronomiae professor *Savilianus*, & Dom. *Christianus Hugen* leges, quas observant corpora perfecte elastica, Societati Regiae Anglicanae seorsim impertivere, & eandem prorsus constructionem dederunt, quamvis uterque, quid ab altero factum de hac re fuit, incitus erat. Cum autem illi constructiones, & leges motus absque demonstratione in philosophicis actis consignarint; placuit hanc ipsorum elegantem admodum constructionem exinde depromere, & demonstrare.

Non dissimili methodo construitur problema in corporibus quidem elasticis, sed quae non se restitunt vi aequali ei, qua comprimuntur. Sint enim duo quaecunque corpora A & B, quorum commune gravitatis centrum sit C; secantur AC, BC ita in *a* & *b*, ut AC sit *a*C & BC ad *b*C, ut vis elaterem comprimens ad vim, qua elater se restituit; fiatque CE aequalis CD; erit Ea velocitas corporis A post impulsum ab E versus *a*, & Eb erit velocitas corporis B ab E versus D.

TAB. 5.
fig. 18 19.

Quod si vis restitutiva aequalis sit vi compressivae, coincidet punctum *a* cum A, & constructio redit ad priorem. Demonstratio facilis est praecedentem intelligenti, nec opus est, ut apponatur.

T H E O R. XXX.

Si mobile A in recta AB uniformiter moveatur; & interea recta linea illa AB, sibi semper parallela, motu etiam aequabili deferatur secundum directionem ad AC parallelam; sitque velocitas mobilis A ad velocitatem lineae AB, ut AB ad AC, & compleatur parallelogrammum ABDC, cujus diagonalis sit AD; erit haec vera linea à mobili A motu suo descripta.
Cum linea AB ad situm *ab* pervenerit, sit g locus mobilis

TAB. 5.
fig. 20.

lis A, & quia (per theor. 6) spatia simul descripta sunt, ut velocitates, erit ag longitudo à mobili A percursa ad Aa longitudinem à linea AB percursum, ut velocitas mobilis A ad velocitatem rectæ AB, hoc est, (ex hyp.) ut AB ad AC; unde parallelogrammum aG simile erit parallelogrammo CB, & proinde (per 24 el. 6) punctum g in diagonali AD locabitur; hoc est, corpus A semper in recta AD reperietur, adeoque hæc linea ab illo percurreretur. Q. E. D.

Cor. 1. Eodem tempore describitur à mobili A linea AD, quo absque motu secundum AC lineam AB percurreret; aut quo absque motu secundum AB describeret rectam AC.

Cor. 2. Cum mobile ideo in recta AD deferatur, quod præter motum proprium participat quoque de motu loci sui, seu rectæ AB, & motus ejus ex utroque compositus sit; si mobile aliquod duos motus secundum directiones AB, AC simul impressos habeat, sintque motus illi vel vires, à quibus producuntur, ut rectæ AB, AC, erit AD linea descripta à mobili, quod à duabus hisce viribus motus impressos recepit; & ejus vis, qua in recta AD fertur, erit ad priores secundum AB, AC, ut diagonalis AD ad latera parallelogrammi AB, AC.

Cor. 3. Hinc è converso, si mobile cum vi ut AD percurrat rectam AD, idem erit motus & secundum eandem directionem, ac si initio motus simul impelleretur à duabus viribus, rectis AB, AC proportionalibus, secundum directiones ab A ad B, & ab A ad C: atque hinc motus quivis, etsi in se simplex, tanquam ex pluribus motibus compositus considerari potest; & vires quælibet in alias plures secundum diversas directiones agentes resolveri possunt.

THEOR. XXXI.

Si corpus A in firmum obicem DC oblique impingat, erit energia percussiois, seu magnitudo ictus obliqui ad magnitudinem ictus, quem produceret idem corpus eadem celeritate perpendiculariter impingens, ut sinus anguli incidentiæ ACD ad radium.

TAB. 5.
fig. 21.

Ab A in obicem demittatur perpendicularis AD, si superficies obicis sit plana; vel si curva, demittatur perpendicu-

laris in planum tangens obicem in puncto incidentiæ C, & compleatur rectangulum DB. Jam (per corol. 3 præcedentis) motus corporis A ut AC in recta AC æquipollet duobus motibus simul impressis secundum directiones AB, AD, qui sunt ad motum in AC ut rectæ AB, AD ad AC: sed motui in recta AB nullo modo resistit obex DC, cum enim AB sit ad DC parallela, corpus in recta AB motum in obicem DC nunquam impinget; vis igitur, qua impingit in obicem, est ut recta AD: est itaque vis corporis A in recta AC ad vim, qua impingit in obicem, ut AC ad AD: sed si perpendiculariter cum vi ut AC impegiſſet in eundem, ictus magnitudo per AC repræſentaretur, motus enim totus per obicem destrueretur: quare erit magnitudo ictus obliqui ad magnitudinem ictus perpendicularis, ut AD ad AC; hoc est, posito AC radio, ut sinus anguli incidentiæ ad radium.

T H E O R. XXXII.

Si corpus perfecte elasticum in firmum obicem oblique impingat, ab illo ita reflectetur, ut angulo incidentiæ æqualis fiat angulus reflexionis.

TAB. 5.
fig. 22.

Incidat corpus A perfecte elasticum in firmum obicem oblique secundum lineam AB; dico, corpus illud cum eadem celeritate ita in recta BC reflecti, ut angulo incidentiæ ABD æqualis sit angulus reflexionis CBF. Recta AB exponat motum corporis A in directione AB. Per corol. 3 theor. 30 resolvitur hic motus in alios duos secundum directiones AE, AD, ad quos motus in AB est, ut AB ad AE, AD; sed cum AE sit ad superficiem obicis parallela, & AD ad ipsum, vel saltem ad planum obicem in B tangens, perpendicularis; vis illa, qua impingit in obicem, est ea solummodo, quæ est, ut AD, secundum directionem ad obicem perpendicularem. agens: fiat jam BE æqualis, & parallela ipsi AD, & BF æqualis DB vel AE, & compleatur rectangulum EF, quod erit per omnia simile & æquale rectangulo DE. Cum igitur motus ut AE secundum directionem ad obicem parallelam per ictum non destruat, quippe huic motui obex non est contrarius, post impulsu ad B permanet in corpore vis
ut

ut AE vel BF movendi secundum directionem BF: sed ex natura elasticitatis, corpus cum vi ut EB secundum directionem EB in obicem impingens, eadem vi secundum eandem directionem reflectitur; motus igitur corporis ad punctum incidentiæ B componitur ex motu ut BF secundum directionem BF, & motu ut BE secundum directionem BE; quare (per corol. 2 theor. 30) corpus in recta BC cum vi ut BC movebitur: sed ob AD, CF æquales & parallelas, item ob DB, BF, & angulos ad D & F æquales, erit angulus CBF æqualis angulo ABD, hoc est, angulo incidentiæ æqualis erit angulus reflexionis. Q. E. D.

P R O B L. I V.

Corporum oblique impingentium post occursum determinare motus:

Moveantur corpora quæcunque A & B in lineis ad se invicem inclinatis AC, BC, quarum longitudines respective, TAB. 6.
fig. 1. exponent velocitates corporum A, B; recta EFC repræsentet planum, à quo tanguntur corpora in puncto concursus; in quod ab A & B demittantur perpendiculares AE, BF, quæ exponent velocitates, quibus corpora ad se invicem accedunt. Compleantur rectangula EG, FH. Per cor. 3 theor. 30 motus corporis A resolvitur in duos alios secundum directiones AG, AE, ad quos motus in AC est, ut AC ad AG, AE respective; similiter motus corporis B resolvitur in duos alios secundum directiones BF, BH; ad quos motus in BC est, ut BC ad BF, BH respective: cum vero AG, BH sint parallelæ velocitatibus, quibus secundum has directiones moventur corpora, in se invicem non impingent; adeoque motus secundum hasce directiones per impactum non mutabitur; velocitates igitur, quibus corpora in se mutuo incurrunt, sunt ut AE vel GC, & BF vel HC. Corporum igitur A, B cum velocitatibus GC, HC in se mutuo directe incurrentium (per probl. 2 si corpora dura sint, vel per probl. 3 si elastica) determinentur motus; sitque CL velocitas corporis A à C versus L post impactum, orta ex velocitatibus GC, HC. Cumque, ut ostensum est, maneat in corpore vis movendi secundum directionem ad AG parallelam cum velocitate ut

K 3

AG,

AG, fiat CM æqualis AG, & compleatur rectangulum LM; in hujus diagonali CN movebitur corpus A post impactum cum velocitate ut CN, ut patet (per corol. 2 theor. 30) Et similiter determinabitur motus corporis B post impulsu. Q.E.F.


T H E O R. XXXIII.


TAB. 6.
fig. 2.

Si mobile A à tribus potentiis ope trium filorum trabatur, vel alio quocunque modo urgeatur secundum directiones AB, AE, AC, ita ut hæ tres potentie sibi mutuo æquipolleant, hoc est, ut binæ quævis alterius effectum destruant, & corpus per nullam ipsarum moveatur; potentia illæ inter se eandem rationem habebunt cum rectis tribus ad ipsarum directiones parallelis & à mutuo concursu terminatis.

Exponat AD potentiam, seu vim qua mobile A urgetur ab A versus B; vis huic æquipollens seu æqualis & corpus contrarie ab A versus D urgens etiam per AD exponetur; sed (per cor. 3 theor. 30) vis ab A versus D corpus impellens æquipollet duabus secundum directiones AC, AE agentibus, ad quas vis prior ab A versus D agens est, ut AD ad AC, AE, vel ad AC, CD respective; & vicissim vires secundum rectas AC, AE agentes, & vi corpus ab A versus D urgenti simul æquipollentes, debent esse ad vim eandem secundum AD, ut AC & AE, vel CD ad AD; quare etiam vires secundum rectas AC, AE agentes, & æquipollentes vi, qua corpus ab A versus B urgetur, ejusque effectum destruentes, debent esse ad eandem, ut AC, CD ad AD; hoc est, si idem mobile à tribus potentiis sibi mutuo æquipollentibus secundum directiones AB, AC, AE urgeatur, erunt hæ tres potentie ut rectæ AD, AC, AB respective. Q.E.D.

Cor. 1. Cum in triangulo quovis latera sint ut sinus angulorum oppositorum, erit AC ad CD, ut sinus anguli ADC vel DAE ad sinum anguli DAC; unde quævis duæ potentie erunt inter se reciproce ut sinus angulorum, quos lineæ directionum cum linea directionis tertiæ potentie continent. Est præterea AD ad AC, ut sinus anguli C vel AED ad sinum anguli CDA vel DAE; & similiter potentia secundum AB agens est





est ad potentiam secundum AE, ut sinus anguli AED ad sinum anguli ADE vel CAD.

Cor. 2. Si pondus B duæ potentiae R, S filorum ope secundum rectas AR, AS trahentes sustineant, punctum A à tribus potentiis urgetur, quarum duæ secundum directiones AR, AS agunt, & altera est vis gravitatis ponderis B agens secundum rectam AB ad terram perpendicularem; unde erit potentia R ad vim gravitatis, ut AC ad AD, vel ut sinus anguli DAE ad sinum anguli DEA vel CAE; & potentia S erit ad vim gravitatis, ut EA ad AD, vel sinus anguli CAD ad sinum anguli DEA vel CAE, & potentia R erit ad S potentiam, ut sinus anguli EAD ad sinum anguli CAD.

TAB. 5.
fig. 23. 24.

Theorema hoc cum suis corollariis est fundamentum totius Mechanicæ novæ, quam Dominus Varignon edidit, & ab ipso etiam immediate consequuntur pleraque theoremata mechanica, quæ in eximio opere Jo. Alphonsi Borelli de Motu animal. continentur; ejus enim ope vires musculorum æstimari possunt.

THEOR. XXXIV.

Si grave B plano inclinato incumbat, & à potentia R secundum directionem plano parallelam agente sustineatur, nec in plano illo descendat; potentia R erit ad pondus corporis B, ut sinus anguli inclinationis ad radium.

Per punctum, ubi grave plano incumbit, ducatur ad communem sectionem plani & horizontis perpendicularis AC, à cuius puncto quovis A demittatur in planum horizontis perpendicularis AD, & jungatur CD: erit (per def. 6 el. 11) ACD angulus inclinationis plani & horizontis, cujus sinus est AD posito CA radio. Dico jam AC esse ad AD, ut pondus corporis A ad potentiam R. Corpus enim B à tribus potentiis secundum diversas directiones agentibus, & sibi mutuo in æquilibrio positis urgetur; quarum prima est vis gravitatis secundum directionem BE ad CD perpendicularem agens, secunda est potentia R corpus trahens secundum directionem BR ad AC parallelam, tertiæ autem potentiae supplet vicem resistentia, seu contranitentia plani secundum lineam FBH sibi

TAB. 6.
fig. 3.

perpendicularem agens; nam reactio actioni semper est æqualis, & fit in plagam contrariam: cumque planum perpendiculariter à mobili prematur secundum directionem BF, planum æqualiter reaget in corpus secundum directionem BH, & contranitentia illa æquipollet potentia secundum BH mobile urgenti: cumque hæ tres potentia sint sibi mutuo in æquilibrio, & mobile ab ipsis sustineatur, si ducatur FG ad EB parallela, rectæ AC occurrens in G, erit potentia R ad vim gravitatis, ut BG ad FG (per præcedens theor.) Sed ob triangulum CFG rectangulum, & demissam in basin CG perpendicularem FB est (per 8 cl. 6), ut BG ad FG, ita FG ad GC, & ut FG ad GC, ita (per 4 cl. 6) erit AD ad AC; quare est potentia R ad vim gravitatis, ut AD ad AC, vel ut sinus inclinationis plani ad radium. Potentia igitur aliqua potest grave in plano inclinato sustinere, modo potentia illa sit ad pondus gravis, ut sinus inclinationis plani ad radium. Q. E. D.

Cor. 1. Cum potentia R impediatur descensum gravis in plano AC, & ejus momento, quo in illo descendere nitiatur, æquipollet, sequitur, gravis cujusque vim descendendi in plano inclinato esse ad vim, qua descendere conatur in perpendiculo, ut sinus inclinationis plani ad radium.

Cor. 2. Hinc etiam plani inclinatio talis assignari potest, ut super illud quantulacunque potentia pondus quodcunque magnum sustinere, vel etiam elevare poterit.

L E C T I O X V.

De descensu gravium in planis inclinatīs & pendulorum motu.

PERACTIS iis, quæ ad motum generaliter spectant, ad eos jam devenimus, qui ex datis viribus oriuntur, motus; in quibus exponendis, & phænomenis inde ortis recensendis præcipue versatur vera Physica. Ut igitur à simplicissimis ordiamur, imprimis consideranda venit vis illa, quæ uniformiter, hoc est, ubique eodem tenore, versus eandem semper plagam dirigitur, qualis vulgo supponitur esse vis gravita-

vitatis : quamvis enim certum sit , gravitatis vim non ubique eandem esse , sed in diversis à centro terræ distantis quadratis distantiarum reciproce esse proportionalem ; cum tamen diversæ altitudines , ad quas gravia à nobis projecta perveniunt , exiguæ admodum sint , præ ingenti illa à telluris centro distantia ; in tantilla hac altitudinum differentia , eandem ubique esse gravitatis vim , tuto , & absque minimo sensibili errori , supponi potest .

De motu itaque gravium in hoc loco agendum est : motum autem illum peragi supponimus , vel in planis ad horizontem inclinatis , vel in superficiebus curvis , quales sunt sphericæ , & cycloidicæ ; vel in spatiis denique liberis & non resistentibus , de quibus sequentia dabimus theoremata .

T H E O R. XXXV.

Descensus corporis gravis super plano quovis inclinato est motus æqualiter acceleratus . Estque velocitas , quam grave super plano inclinato , in dato quovis tempore è quiete decedens , acquirit , ad velocitatem à gravi perpendiculariter cadente eodem tempore acquisitam , ut altitudo plani ad ejus longitudinem .

Sit planum inclinatum AB, super quo descendat grave D. TAB. 6.
fig. 4.
Per corol. primum , theor. 34 est vis , qua descendere conatur grave super plano quovis inclinato , ad vim absolutam gravitatis , qua sc. in perpendiculo descenderet , in constanti ratione , quæ est sinus inclinatione plani ad radium , seu ut altitudo plani ad ejusdem longitudinem ; adeoque cum eadem maneat vis absoluta gravitatis corporis D , eadem quoque manebit vis , qua super plano AB descendere conatur . Vis igitur illa eodem semper tenore in grave D ager ; adeoque similiter applicata , per legem secundam , æqualia semper velocitatum incrementa superaddet ; haud secus , ac fit in gravibus in perpendiculo cadentibus . Est igitur descensus gravium in plano inclinato motus uniformiter acceleratus . Q. E. D.

Porro incrementa velocitatum gravium in perpendiculo , & in plano inclinato cadentium , quæ eodem tempore indefinite

finite exiguo producuntur, sunt ad se invicem ut vires quibus producuntur: at vires sunt in constanti ratione, scil. ut longitudo plani AB ad ipsius altitudinem AC; quare incrementa velocitatum inde orta erunt in eadem ratione. Ac proinde (per 12 prop. element. 5) summa incrementorum unius erit ad summam incrementorum alterius in eadem ratione; hoc est velocitas corporis gravis in perpendiculo cadentis est ad velocitatem corporis super plano inclinato interea descendens, ut longitudo plani ad ejus altitudinem. Q. E. D.

Corol. 1. Velocitates corporis gravis in plano inclinato cadentis sunt, ut tempora, quibus acquiruntur.

Corol. 2. Quæcunque igitur in theor. 12, & ejus corol. de motu uniformiter accelerato demonstravimus, verà quoque erunt de descensu gravium in planis inclinis. Scil. spatium à gravi in plano inclinato cadente dato tempore percursum, ab initio motus computatum, dimidium erit istius, quod in illo tempore à mobili uniformiter percurri potest cum velocitate ultimo acquisita. Item spatia percurfa, ab initio motus computata, sunt in duplicata ratione temporum, vel celeritatum. Et celeritates, & tempora sunt in subduplicata ratione spatiorum percursorum.

Corol. 3. Hinc etiam gravis ascensus per planum quodvis acclive est motus uniformiter retardatus, sicut fit in ascensu corporis in perpendiculo, illumque eadem omnino symptomata comitantur.

S C H O L I U M.

Si ad experientias recurratur, has omnes ratiociniis nostris conformes esse reperiemus; & in planis non admodum declivibus experimenta instituire facile est, cum motus haud admodum veloces exacte mensurari possint; secus ac fit in descensu in perpendiculo, ubi pernicitas motus observationibus accuratis locum non relinquit.

Notandum, nos supponere plana exacte polita, & motum super iis nulla scabritie impeditum.

PROBL.

P R O B L. V.

Dato plano inclinato, assignare quam ejus partem percurrit grave, interea dum aliud grave datum spatium in perpendiculari perfecerit.

Sit planum inclinatum AB, super quo descendat grave ex A; assignanda est longitudo, quæ à gravi in plano inclinato cadendo percurritur, interea dum aliud grave spatium AC in perpendiculari cadens perfecerit. A puncto C in AB demittatur perpendicularis CD plano occurrens in D; erit AD spatium in plano inclinato confectum tempore, quo grave cadit in perpendiculari ex A ad C. Si enim non sit AD, sit AE spatium eodem tempore confectum, quo grave cadit ex A ad C, quod vel majus vel minus sit quam AD. Ducatur horizontalis recta CB. Et quoniam per theorema 12 in eo tempore, quo grave cadit ex A ad C, vel ex A ad E, percurri potest dupla longitudo AC, cum velocitate uniformi, & æquali ei, quæ acquiritur cadendo in C; sicut (per corol. præcedentis) in eodem tempore percurri potest longitudo dupla ipsius AE cum ea velocitate, quæ acquiritur in E; erit (per theor. VI.) velocitas in C ad velocitatem in E acquilitam, ut dupla AC ad duplam AE, vel ut AC ad AE: sed cum AC, AE simul percurrantur, erit (per theorema præcedens) velocitas in C ad velocitatem in E, ut AB ad AC; quare erit ut AB ad AC, ita AC ad AE: sed (per octavam element. 6) ut AB ad AC, ita AC ad AD: quare erit ut AC ad AE, ita AC ad AD: ac proinde erit AE æqualis AD, minor majori, quod fieri non potest. Non igitur aliud spatium quam AD à gravi super plano AB cadente conficitur, interea dum aliud grave cadit ex A ad C. Quod erat ostendendum.

TAB. 6.
fig. 5.

Corol. Hinc invenitur spatium, per quod grave in perpendiculari cadit, interea dum grave super plano inclinato percurrit longitudinem quamvis datam AB: nempe si ex puncto B ad AB erigatur perpendicularis recta BC, perpendiculari occurrens in C, erit AC spatium quæsitum.

TAB. 6.
fig. 6.

Corol. 2. Si duo vel plura sint plana inclinata AB, AE; & detur spatium AD, quod à gravi super plano AB in aliquo

TAB. 6.
fig. 7.

tem-

tempore percurritur; invenietur spatium, quod à gravi in altero plano AE interea percurritur; erigendo ex puncto D perpendicularem DG, cum perpendiculo occurrens in G; & ex G in AE demittendo perpendicularem GH plano AE occurrens in H; erit AH spatium quæsitum: utrumque enim spatium AD, AH conficitur in eo tempore, quo grave in perpendiculo descendit ex A ad G.

Corol. 3. Ex hujus theorematism demonstratione constat, velocitates à gravibus in perpendiculo, & in plano inclinato, eodem tempore acquisitas, esse ut spatia ab iisdem confecta.

T H E O R. XXXVI.

TAB. 6.
fig. 5.

Tempus, quo percurritur planum inclinatum AB est ad tempus, quo percurritur perpendiculum AC, ut AB longitudo plani ad longitudinem perpendiculi AC.

Ex C ad AB demittatur perpendicularis CD; & erit tempus, quo percurritur AD, æquale tempori, quo AC percurritur. Est vero tempus, quo percurritur AB, ad tempus, quo percurritur AD, in subduplicata ratione AB ad AD (per corol. 2 theor. 35) hoc est, ob AB, AC, AD continue proportionales, est tempus, quo percurritur AB ad tempus, quo percurritur AD vel AC, ut AB ad AC. Quod erat demonstrandum.

TAB. 6.
fig. 2.

Corol. Hinc tempora, quibus percurruntur diversa plana, AB, AD, KB, quorum eadem est altitudo, sunt ut longitudo planorum: est enim tempus per AB ad tempus per AC, ut AB ad AC; & tempus per AC ad tempus per AD, ut AC ad AD: quare ex æquo erit tempus per AB ad tempus per AD, ut AB ad AD.

T H E O R. XXXVII.

Celeritates gravium super plano quovis inclinato, & in perpendiculo æquales sunt, ubi gravia pervenerint ex eadem altitudine ad eandem rectam horizontalem.

TAB. 6.
fig. 5.

Sit planum inclinatum AB, & perpendiculum AC. Ducatur horizontalis recta BC. Dico, celeritatem acquisitam in pun-

puncto B, post descensum per AB, æqualem fore celeritati acquisitæ in puncto C, post casum per AC. A puncto C demittatur ad AB perpendicularis CD. Erit AD spatium, quod à gravi in plano AB cadendo percurritur, in eo tempore, quo aliud grave in perpendiculo descendit per AC: & (per cor. 3 probl. 5) celeritas in C est ad celeritatem in D, ut AC ad AD, vel ut AB ad AC. Quoniam autem celeritates super eodem plano cadendo acquisitæ sunt in subduplicata ratione longitudinum, quæ à gravi percurruntur, erit celeritas in B ad celeritatem in D in subduplicata ratione longitudinis AB ad longitudinem AD; hoc est, ob AB, AC, AD continue proportionales, ut AB ad AC. Sed ostensum, celeritatem in C esse ad eandem celeritatem in D etiam ut AB ad AC; quare cum celeritates in B & C eandem habeant proportionem ad celeritatem in D, inter se æquales erunt. Quod erat demonstrandum.

Cor. Hinc celeritates, quæ à gravibus cadendo ex eadem altitudine, ad eandem horizontalem rectam, super planis utcumque inclinatis acquiruntur, sunt inter se æquales: nam utraque celeritas, scilicet ea, quæ acquiritur in puncto B post descensum per AB vel KB & ea, quæ acquiritur in puncto D post descensum per AD, æqualis est celeritati acquisitæ in descensu gravis ex A ad C. TAB. 6.
fig. 2.

THEOR. XXXVIII.

Si ex eadem altitudine descendat mobile continuato motu per quotlibet, ac quælibet plana continua AB, BC, CD; semper eandem in fine velocitatem acquirat, quæ nimirum æqualis est ei, quæ cadendo perpendiculariter ex pari altitudine acquiritur.

Per A & D ducantur horizontales rectæ HE, DF, & producantur plana BC, CD, ut cum HE convenient in punctis G & E. (Per corol. theor. 37) eadem celeritas acquiritur in puncto B, descendendo per AB, ac si per GB descendisset grave: supponimus autem, flexum, aut punctum B non impedire motum gravis cadentis, sed tantum ipsius directionem mutare; adeoque in puncto C eadem erit celeritas acquisita descendendo per AB, BC, ac si per GC descendisset. TAB. 6.
fig. 9.

Sed

Sed descendendo per CG eadem acquiritur celeritas, quam obtineret grave cadendo per EC: adeoque cum flexus C velocitatem gravis non minuere supponitur, in D eandem velocitatem habebit, ac si descendisset per planum ED, vel per EF perpendiculum. Q. E. D.

Cor. 1. Hinc liquet, per circuli circumferentiam, vel per curvas quaslibet descendente mobili, (nam curvas tanquam ex infinitis rectis compositas hic considerare liceat) semper eandem ipsi velocitatem acquiri, ac si ab eadem altitudine recta in perpendiculo descenderit grave.








Cor. 2. Quod si grave, post descensum per AB, BC, CD, vel per HD sursum convertat motum suum; ascendet ad eandem, unde venit, altitudinem per quæcunque plana inclinata: nam cum gravitas eadem semper vi in eodem plano agat, sive ascendat corpus sive descendat, eadem erit ejus efficacia ad corporis velocitatem in ascensu minuendam, quæ est ad ipsam in descensu augendam; tantum igitur est decrementum velocitatis in puncto C, dum ascendit mobile à D ad C, quantum fuit incrementum velocitatis acquisitum in descensu à C ad D; ac proinde eadem erit velocitas in C, post ascensum per CD, quæ erat prius in eodem puncto, post descensum per AB, BC. Similiter velocitas in B post ascensum per CB eadem est cum velocitate acquisita in descensu per AB vel BG; sic etiam gravitas tantundem detrahet à velocitate mobilis ascendendo per BA, quantum acquirebatur in descensu per AB; & in punctis æque altis eadem semper erit mobilis velocitas: sed velocitas in initio descensus, scil. in puncto A nulla fuit; adeoque ascendendo in puncto illo A omnis tollitur velocitas; quod igitur punctum erit terminus, ad quem mobile ascendendo perveniet.

TAB. 6.
fig. 10.

Cor. 3. Si mobile per superficiem quamvis AB descendat ad punctum infimum B, ac deinde, velocitate cadendo acquisita, per superficiem similem & æqualem BC ascendat; æqualibus temporibus per æqualia spatia ascendet, ac descendet.

THEOR.

TAB. VI.



THEOR. XXXIX.

Si à puncto supremo A, vel infimo B circuli ad horizontem erecti ducantur quolibet plana inclinata AC, BC usque ad circumferentiam; tempora descensuum per ipsa æqualia erant tempori, quo gravia perpendiculariter per diametrum cadunt. TAB. 7.
fig. 1.

Cadat grave ex A ad C super plano AC: dico, tempus descensus per AC æquale esse tempori descensus per diametrum AB. Nam angulus ACB in semicirculo rectus est, (per 31 element. tertij) unde cum à puncto C ad AC erecta sit perpendicularis BC perpendiculari AB occurrens in B; erit (per corol. 1 probl. 5) tempus descensus per AC in plano inclinato æquale tempori casus per AB in perpendiculari. Dico etiam, tempus per CB eidem tempori per AB æquale fore. Ducatur CD ad AB, & DB ad AC parallela: & (per 34 element. primi) erit CD æqualis AB; & ob angulum ACB in semicirculo rectum, erit angulus CBD rectus: quare cum à puncto B super CB erecta sit ad angulos rectos BD cum perpendiculari conveniens in D; erit (per corol. 1 probl. 5) tempus per CB æquale tempori descensus per CD; sed est CD æqualis AB, unde tempus per CB æquale erit tempori per AB.

Idem aliter sic ostendi possit. Tempus descensus per AB est ad tempus per EB in subduplicata ratione AB ad EB, hoc est (ob AB, BC, EB continue proportionales) ut AB ad BC, vel BC ad EB; sed (per theor. 36) tempus per BC est ad tempus per EB in eadem ratione BC ad EB: quare cum tempora per AB & BC ad tempus per EB eandem obtineant rationem æqualia erunt. Quod erat demonstrandum.

Cor. 1. Si ducatur perpendicularum AB, & super diametro AB describatur circulus; omnia plana à puncto B, vel à puncto A, ad circuli circumferentiam ducta eodem tempore percurrentur; eodem scil. tempore percurruntur AB, CB, DB, EB, FB, GB. TAB. 7.
fig. 2.

Cor. 2. Si in eodem puncto supremo A, plures circuli ABD, AGK se mutuo tangant, & exeant plura plana AB, AC, AD, AE circulos secantia; partes GE, HB, LC, KD æquali tem- TAB. 7.
fig. 3.

tempore percurrentur, si initium motus fiat à puncto supremo.

T H E O R. XL.

Si duo gravia descendant super duobus aut pluribus planis similiter inclinatis, & proportionalibus; tempora iis percurrentis impensa erunt in subduplicata ratione longitudinum planorum.

TAB. 7.
fig. 4.

Percurrat grave quodvis plana AB, BC, alterum autem grave plana DE, EF similiter ad horizontem inclinata & proportionalia, hoc est, ut sint anguli BAG, EDH, item BGA, EHD æquales; & AB ad BC, ut DE ad EF. Dico, tempus, quo percurrentur AB, BC, ad tempus, quo percurrentur DE, EF, subduplicatam habere rationem planorum AB, BC ad plana DE, EF. Ob triangula ABG, DEH æquiangula, est AB ad DE, ut BG ad EH; sed ex hypothesi, ut AB ad DE, ita est BC ad EF, quare ut BG ad EH, ita est BC ad EF; & ita (per 12 element. quinti) est GC ad HF. Sed quia AB, DE similiter inclinata sunt, eodem prorsus modo percurrentur, ac si partes essent ejusdem plani; sic etiam plana GC, HF eodem modo percurrentur, ac si partes essent ejusdem plani: adeoque tempus per AB erit ad tempus per DE in subduplicata ratione AB ad DE: & tempus per GC est ad tempus per HF in subduplicata ratione GC ad HF, vel in subduplicata ratione AB ad DE. Sed tempus per GB est ad tempus per HE, in subduplicata ratione GB ad HE, vel AB ad DE; adeoque (per 19 element. quinti) tempus per BC post descensum ex G vel A est ad tempus per EF post descensum ex H vel D in subduplicata ratione AB ad DE, hoc est, ut tempus per AB ad tempus per DE: adeoque (per 12 elem. 5) tempus per AB, BC erit ad tempus per DE, EF, ut tempus per AB ad tempus per DE; vel in subduplicata ratione AB ad DE; verum ob AB ad DE, ut BC ad EF, erit AB ad DE, ut AB, BC ad DE, EF; adeoque tempus per AB, BC erit ad tempus per DE, EF in subduplicata ratione AB, BC ad DE, EF. Q. E. D. Idem similiter ostendetur si plura essent utrobique plana inclinata, & proportionalia, unde patet propositum.

Cor.

Cor. Si sint duæ superficies curvæ AB, DE similes, & TAB. 7.
 similiter positæ, hæc minime differunt ab infinitis numero pla-
 nis, infinite parvis, & proportionalibus, & ad se invicem
 similiter inclinatis: adeoque erit tempus descensus per su-
 perficiem AB ad tempus descensus per superficiem DE in sub-
 duplicata ratione AB ad DE.

P R O B L. VI.

Dato spatio AB in plano utcumque inclinato, in dato tempore à TAB. 7.
 gravi è quiete cadente percurso, invenire spatium percursum fig. 6.
 æquali tempore, in alio plano contiguo BG posito, grave in
 secundo hoc plano motum suum continuare.

Per A ducatur horizontalis recta AE, & producatu BG
 ad E, ac fiat BD æqualis AB; & rectis EB, ED capiatur ter-
 tia proportionalis EC: erit BC spatium, quod in secundo
 plano à gravi motum suum continuante æquali tempore
 percurritur, quo AB in primo plano. Exponat enim AB vel
 BD tempus per AB, unde (per corol. theor. 36) EB ex-
 ponet tempus per EB. Est vero tempus per EB ad tempus
 per EC in subduplicata ratione EB ad EC, hoc est, ut EB
 ad ED; sed est EB spatium, quod percurritur tempore ut EB;
 adeoque EC erit spatium, quod percurritur tempore ut
 ED; ac proinde BC est spatium, quod percurritur tempo-
 re ut DB vel AB, post casum ex E vel A. Quod erat
 inveniendum.

P R O B L. VII.

Dato spatio AB in plano inclinato à gravi è quiete cadente per- TAB. 7.
 curso in dato tempore; item spatio BC in alio plano contiguo, fig. 7.
 in quo grave motum suum continuat: invenire tempus, quo
 percurritur spatium illud datum BC.

Ducatur per A horizontalis recta AE, cui occurrat BC
 producta in E: inter EB, EC inveniatur media proportiona-
 lis ED. Et si AB exponat tempus, quo percurritur AB, BD
 exponet tempus quæsitum, quo percurritur BC. Est enim
 tempus per AB ad tempus per EB, ut AB ad EB; adeoque
 EB exprimet tempus, quo grave cadet per EB: at est tempus
 per EB ad tempus per EC in subduplicata ratione EB ad EC;

L

sive

sive ob EB, ED, EC continue proportionales, ut EB ad ED; sed est EB ut tempus per EB; unde DB erit ut tempus per BC. Ac proinde tempus per AB erit ad tempus BC, ut AB ad BD. Q.E.D.







TAB. 7.
fig. 8.


Cor. Hinc si grave successive per plura plana inclinata AB, BC, CD deferatur, assignari potest tempus, in quo per singula movetur: producantur enim BC, CD, ut cum horizontali per A ductâ convenient in E, & F; inter EB, EC fiat EG media proportionalis: item inter FC, FD fiat media proportionalis FH, & si AB exponat tempus per AB, BG exponet tempus per BC, & CH exponet tempus per CD.

TAB. 7.
fig. 9.

Def. Si grave quodvis A, filo tenuissimo circa centrum B mobili, appendatur; talem machinam *Pendulum* appellamus. Quod si *Pendulum* circa B rotetur, ut grave arcum CAD describat, idem motus huic gravi accidet, ac si in superficie spherica CAD, perfecte dura, ac levigata, motum fuisset corpus grave. Etenim motum circa punctum B liberrimum supponimus, & ab aeris resistentia, quæ in gravioribus pendulis exigua admodum est, abstrahimus: quod si pendulum ad situm BC deferatur, & exinde demittatur, grave descendendo describet arcum CA, & in puncto A eam habebit velocitatem, quæ acquiritur cadendo per EA, qua velocitate per tangentem in A exire conabitur (per legem primam). Verum cum per filum AB detineatur in peripheria CAD, ascendet per arcum AD ad eandem altitudinem, scil. ad D, ex qua decidit, (per cor. 2 theor. 38) ubi omni amissâ velocitate, sua gravitate rursus incipiet descendere; & in puncto A priorem acquirere velocitatem, cum qua ascendet ad C: atque sic ascendendo, & descendendo continuas vibrationes in peripheria CAD perficiet. Quod si aer pendulorum motui nihil obstaret, & si nulla esset frictio circa centrum rotationis B, in æternum duraturæ forent pendulorum vibrationes: at ob hæc causas aliquantulum, licet insensibiliter singulis vibrationibus diminuitur penduli velocitas in puncto A, unde fit, ut non ad idem præcise punctum redeat grave penduli, sed arcus, in quos excurrit, continuo breviores reddantur, donec tandem insensibiles evadant.

THEOR.





THEOR. XLI.

Ejusdem penduli Vibrationes exiguae, utcumque inaequales sint, fere, & ad sensum sunt aequidistantiae.

Sit pendulum AB, quod oscillando describit inaequales arcus CBD, FBG: dico, aequalia fere in illis describendis infusmi tempora, sive oscillationem in arcu CBD aequali fere tempore peragi, quo perficitur oscillatio in arcu FBG, modo arcus CB, FB non sint nimis magni. Ducantur subtensae CB, FB, DB, GB; & quoniam arcus supponuntur exigui, ii nec longitudine, nec declivitate multum à subtensis suis differunt: ac proinde grave paria fere infumet tempora, sive per arcus CB, FB, sive per arcuum subtensas feratur; sed tempora descensuum per arcuum subtensas aequalia sunt (per theor. 39). Quare tempora per arcus BC, FB erunt fere aequalia, igitur & horum temporum dupla, scil. quibus oscillando describuntur inaequales arcus CBD, FBG, erunt quoque fere aequalia. Quare ejusdem penduli vibrationes licet in arcus inaequales excurrentes, sunt, saltem ad sensum, aequidistantiae. Q. E. D.

Huic theoremati suffragatur experientia; pendula enim duo aequalis longitudinis ad motum incitata, quorum unum in multo majores arcus excurrat quam alterum, tempora oscillationum fere aequalia habebunt, adeo ut in centum oscillationibus vix erit discrepantia temporis unius oscillationis.

THEOR. XLII.

Duraciones oscillationum duorum pendulorum in similes arcus excurrentium sunt in subduplicata ratione longitudinum pendulorum.

Sint duo pendula AB, CD in arcubus similibus EBF, GDH oscillantia; erit tempus oscillationis penduli AB ad tempus oscillationis penduli CD, in subduplicata ratione longitudinis AB ad longitudinem CD. Nam quoniam arcus EB, GD sunt similes, & similiter positi, erit (per cor. theor. 40) tempus descensus per EB, ad tempus per GD, in subduplicata

L 2

ratione

TAB. 7.
fig. 10.TAB. 7.
fig. 11.

ratione EB ad GD; sed tempus descensus per EB est dimidium oscillationis integræ in arcu EBF, sicut tempus descensus per GD est dimidium oscillationis integræ per arcum GDH; adeoque tempus oscillationis penduli per arcum EBF erit ad tempus oscillationis penduli per arcum GDH, in subduplicata ratione EB ad GD: hoc est, ob arcus EB, GD similes, in subduplicata ratione semidiametri AB ad semidiametrum CD; vel in subduplicata ratione longitudinis penduli AB ad longitudinem penduli CD. Q. E. D.

Cor. Longitudines pendulorum sunt in duplicata ratione temporum, quibus oscillationes perficiuntur.

Cum durationes vibrationum sint reciproce, ut numerus vibrationum eodem tempore peractarum, facile ex dato numero vibrationum, quæ ab uno pendulo AB notæ longitudinis in dato tempore perficiuntur, dabitur numerus vibrationum, quæ ab alio quovis pendulo CD notæ longitudinis eodem tempore perficientur; capiendo numerum, qui sit ad numerum vibrationum penduli AB, in subduplicata ratione AB ad CD, sive ut AB ad mediam proportionalem inter AB, CD, vel ut radix quadrata numeri, quo exprimitur longitudo penduli AB, ad radicem quadratam numeri, quo exprimitur longitudo penduli CD. Et vicissim ex dato vibrationum numero, quæ eodem tempore à duobus pendulis AB, CD perficiuntur, & data longitudine unius scilicet AB, dabitur longitudo alterius CD; nempe faciendo, ut quadratum numeri vibrationum penduli CD ad quadratum numeri vibrationum penduli AB, ita longitudo AB ad longitudinem quæsitam CD.

T H E O R. XLIII.

Velocitas penduli in puncto infimo est ut subtensa arcus, quem descendendo describit.

TAB. 8.
fig. 1.

Si pendulum AB, quod motu suo describat circulum BDCG: dico, velocitatem acquisitam cadendo ex D in B esse ad velocitatem in B acquisitam cadendo ex C in B, ut chorda arcus BD ad chordam arcus BC. Per puncta D, C ducuntur horizontales rectæ DE, CF: & erit velocitas gravis acquisita

quisita descendendo per EB, ad velocitatem gravis acquisitam in descensu per GB, in subduplicata ratione EB ad GB; hoc est, ob EB, DB, GB continue proportionales, ut DB ad GB. Eadem ratione, velocitas acquisita à mobili cadendo per GB est ad velocitatem acquisitam in casu per FB, ut GB ad CB. Quare ex æquo, velocitas acquisita in descensu gravis per EB, erit ad velocitatem acquisitam in descensu per FB, ut DB ad CB; sed velocitas acquisita in descensu per arcum DB eadem est cum velocitate acquisita in perpendicularo per EB; & velocitas in descensu per arcum CB acquisita eadem est cum velocitate in perpendiculari descensu per FB acquisita. Quare erit velocitas acquisita in descensu per arcum DB, ad velocitatem acquisitam in descensu per arcum CB, ut subtenſa DB ad subtenſam CB. Q. E. D.

Corol. 1. Sit GB perpendicularum cujusvis longitudinis, & velocitas acquisita in descensu gravis ex G ad B exponatur per GB; super quo tanquam diametro describatur semicirculus G C D B, & ex quovis diametri puncto E erigatur normalis ED peripheriæ occurrens in D, ducaturque chorda GD: erit hæc ut velocitas à gravi acquisita cadendo ex altitudine GE: nam ob BG, GD, GE continue proportionales, erit ratio BG ad GD subduplicata rationis BG ad GE, adeoque BG erit ad GD, ut velocitas acquisita cadendo ex altitudine GB ad velocitatem per GF cadendo acquisitam. Similiter velocitas acquisita cadendo per GB est ad velocitatem acquisitam ex casu per GF, ut GB ad GC; adeoque velocitates acquisitæ à gravibus cadendo per altitudines GE, GF sunt ut chordæ GD, GC.

Cor. 2. Si capiantur arcus BI, B 2, B 3, &c. tales, ut eorum subtenſæ sint ut 1, 2, 3, &c. respectivè; atque vis quadam agens pendulum sursum impellat per arcum BI, alia vero per arcum B 2, & alia per arcum B 3; velocitates penduli in puncto B hisce viribus moti erunt ut 1, 2, 3 respectivè.

Ope hujus theorematis variæ in quavis ratione data velocitates mobili tribuentur; aliæque à percussione alterius

corporis acquisite inter se, & cum aliis initio datis comparari possunt.

TAB. 8.
fig. 3.

Fiat triangulum ligneum ABC, in quo juxta angulum A capiantur duo puncta D, E, quorum distantia talis sit, ut pendula duo DF, EG ex illis libere dependentia se mutuo tangant, & centris D, E, intervallo DF, vel EG describantur circulorum arcus FK, GH, in quibus capiantur portiones FI, GI; F2, G2; F3, G3; F4, G4, &c. tales ut subtensæ sint ut 1, 2, 3, 4, &c. respectivæ; & si grave F ad punctum 5 attollatur in arcu KF, G vero ad punctum 3 in arcu CH, atque simul demittantur (per theor. 41), ad puncta infima simul pervenient, & velocitates, quibus sese percutient, erunt ut 5 & 3: quod si post istum mobile G in arcu GH ascendat ad 5, & mobile F in arcu FK ascendat ad 3, erunt velocitates mobilium F & G, ut 3 & 5 respectivæ, & versus contrarias partes. Ad hunc modum facile erit experientiae subicere regulas motus, tam in corporibus duris quam elasticis, quas in lectionibus XIII, & XIV demonstravimus.

Cum ejusdem penduli vibrationes minimæ sint fere æquidurnæ, licet arcus, in quibus excurrat pendulum, sint inæquales; hinc egregium pendulorum usum, ad horologiorum automaton motus regendos, monstravit *Christianus Hugenius*; quamvis enim *Galileus* hujus scientiæ author pendula prius adhibuit in observationibus Astronomicis, & Physicis, quæ accuratam temporis mensuram requirunt: *Hugenius* tamen primus horologia pendulis instruxit, & experientia comprobavit, horologia ejusmodi priora illa quorum libratores horizontales fuerint, longe superare. Ex eo tempore in usum communem recepta sunt horologia pendulis instructa, quorum aliqua tam affabre elaborata sunt, ut temporis mensuram exhibeant motu Solis multo justiore, qui tempus apparens, seu relativum solummodo monstrant, non autem verum, & absolutum; unde fit, ut automata pendulis instructa, statim temporibus horam indicant ab apparenti diversam, & aliquando tempus solaris horologii quindecim, vel sexdecim minutis primis superantem, aliquando totidem minutis ab

eo deficientem: nec nisi quater in quolibet anno Sol, & horologium automaton idem temporis punctum monstrant.

Quamvis ejusdem penduli vibrationes (licet excurrat pendulum in arcus inæquales) sint fere, & ad sensum æquiditurnæ; cum tamen non sint omnimodo & geometricè tales, sed majores minoribus sint aliquantulum diuturniores, & vibrationes pauxilla temporis quantitate à se invicem differant, ex multis minimis differentiolis tandem magna satis conflatur differentia, idque ita esse re ipsa, atque experimentis evincitur: si enim, ut aliquando in frigida sit tempestate, lentore aliquo afficiantur rotæ, ut pendulum minore vi impellant, incitatus quam par est festinant oscillationes; si nimia lubricitate polleant rotæ, & pendulum in majorem arcum excurrere cogant, lentius procedit tempus ab horologio indicatum. Imo ex nuperis experimentis in *Actis Philosophicis Londinensibus* recensitis constat automati pendulum in vacuo vibrationes perficiens, sublata aeris resistentia in majores arcus excurrisse, & singulas oscillationes in majore tempore complevisse. Quare ut pendulorum oscillationes ad omnimodam æqualitatem redigantur, & reciproca-tionum penduli latiorum, angustiorumque tempora perfecte æqualia evadant; excogitavit *Hugenius* methodum, quo grave penduli per cycloidis arcum semper deferretur. In sequentibus autem demonstrabitur, tempora descensuum per quoscunque ejusdem cycloidis arcus ad punctum infimum quod verticem cycloidis esse supponitur, inter se æqualia esse: adeoque si grave penduli semper in arcu cycloidis moveatur, erunt tempora oscillationum accurate inter se æqualia; sive pendulum in majores excurrat arcus, sive in minores.

T H E O R. XLIV.

Si centro C, intervallo quovis CA describatur circuli quadrans TAB. 8.
fig. 4.
AHB, atque in recta AC ea lege descendat mobile, ut ejus velocitas in loco quovis P sit semper ut PL, quæ est sinus arcus AL; erit tempus, quo descendit mobile ab A ad C, æquale tempori, quo percurri possit peripheria AHB cum uniformi velocitate ut CB, quæ ultimo à mobili cadendo acquiritur: erit præ-

terea tempus casus per spatium quodvis AF ad tempus casus per spatium A p, ut arcus AH ad arcum Al; & vis, qua in loco quovis F acceleratur mobile, erit ut FC, quæ est loci à centro distantia.

Distinguat peripheria AB in particulas innumeras infinitæ exiguas LLLL, & ducantur FH, PL, pl in AC perpendiculares; jungatur HC, sitque HK perpendicularis in PL. Quoniam triangula FHC, KHL sunt æquiangula, (nam præter angulos ad F & K rectos, est angulus FHC æqualis angulo KHL, est enim angulus KHC utriusque complementum ad rectum) erit FH ad HC, ut KH vel FP ad HL; sed (ex hyp.) est FH ut velocitas mobilis in puncto F, qua scil. percurritur lineola FP, & CH vel CB est ut velocitas, quæ ultimo cadendo acquiritur, ubi mobile ad C pervenerit, adeoque erit ut velocitas, qua describitur arcus HL. Erit igitur velocitas mobilis descendens per lineolam FP ad velocitatem mobilis, quod per arcum HL movetur, ut ipsa lineola FP ad arcum HL; quare cum velocitates sint spatiis percurfis proportionales, erunt tempora, in quibus spatia percurruntur, æqualia. Similiter demonstrari potest, aliam quamvis peripheriæ particulam LL cum velocitate CB describi eodem tempore, quo percurritur correspondens lineola PP in perpendiculo, cum velocitate correspondente PL; ac proinde componendo eodem tempore descendit mobile per omnes lineolas PP, hoc est, per totam AC, quo percurruntur omnes arcus LL, vel tota peripheria AHB, cum velocitate uniformi ut CB. Q. E. D.

Præterea est tempus, quo descendit mobile ab A ad F, æquale tempori, quo percurritur arcus AH; & tempus, quo descendit mobile ab A ad p, æquale est tempori, quo describitur arcus Al: sed est tempus, quo percurritur arcus AH, ad tempus, quo percurritur arcus Al, (cum utraque eadem velocitate describitur) ut arcus AH ad arcum Al; quare erit tempus descensus ex A in F ad tempus descensus ex A in p, ut arcus AH ad arcum Al; ac proinde dividendo tempus per Fp erit ut Hb arcus. Q. E. D. Fiant arcus HL, bl æquales, unde tempus descensus per FP æquale erit tempori per fp; & ob triangula KHL, FHC, item kbl, fb C æquiangu-
la,

la, erit KL ad HL vel bl, ut FC ad CH vel Cb; item est bl ad kl, ut Cb ad Cf; ac proinde, ex æquo, erit KL ad kl, ut CF ad Cf; at est KL ut incrementum velocitatis acquisitum, dum mobile percurrit FP, & kl est ut incrementum velocitatis mobilis, dum in æquali tempore percurrit lineolam fp; vires vero, quibus acceleratur mobile in locis F & f, sunt ut incrementa velocitatum temporibus æqualibus orta; erunt igitur vires mobilis acceleratrices in locis F & f ut rectæ KL, kl; hoc est, vis, qua urgetur mobile in F est ad vim, qua urgetur in f, ut KL ad kl; sed ostensum est ut KL ad kl, ita esse CF ad Cf, quare erit vis, qua urgetur mobile in F ad vim, qua in f urgetur, ut distantia CF ad distantiam Cf. Sunt igitur vires acceleratrices in quibuscumque locis ut ipsorum à centro distantia. Q. E. D.

Cor. Hinc è converso si mobile descendendo ab A ad C urgeatur à vi, quæ sit ut ipsius à centro distantia; & vis illa initio motus exponatur per rectam DE, posito arcu AE infinite exiguo; velocitates ejusdem mobilis in locis quibuscumque Ff exprimentur per sinus FH, fb, & tempora per arcus AH, Ab; & incrementa velocitatum, vel, si arcus æqualiter crescant, vires acceleratrices per incrementa sinuum exponentur.

THEOR. XLV.

Si mobile in recta AC urgeatur versus punctum C viribus, quæ sint distantis à puncto C proportionales, ex quacunque altitudine demittatur, ad punctum C eodem semper tempore perveniet; estque tempus illud ad tempus, quo possit mobile percurrere eandem viam cum uniformi velocitate, & æquali ei, quæ ultimò cadendo acquiritur, ut semiperipheria circuli ad ejus diametrum.

Demittantur duo mobilia ex punctis A & M simul, & urgeatur utrumque mobile viribus, quæ sint distantis à puncto C proportionales: dico, utrumque mobile ad punctum C eodem tempore perventurum. Centro C, intervallis CA, CM, describantur circuli quadrantibus AB, MN; & exponatur vis, qua urgetur mobile in A, vel quod idem est, ipsius velocitas in ipso motus initio, per DE sinum arcus infinite parvi AE; constat

TAB. 2.
fig. 5.

stat ex *Cor.* præcedentis, ipsius velocitatem, post casum ad C, per rectam CB exponi. Sed ex hypothesi, vis, qua acceleratur mobile in A, est ad vim, qua acceleratur mobile in M, ut CA ad CM, vel ut DE ad PO, ob arcus AB, MO similes; quare si DE exponat velocitatem mobilis initio casus ex A, PO exponet velocitatem mobilis initio casus ex M: AC proinde (per idem *Cor.*) CN exponet velocitatem mobilis in C post casum per MC. Est præterea tempus casus ex A ad C æquale tempori, quo describi potest peripheria AB, cum uniformi velocitate ut CB; & tempus casus ex M ad C æquale est tempori, quo describitur peripheria MN velocitate ut CN. Sed tempus, quo describitur peripheria AB velocitate CB, æquale est tempori, quo describitur peripheria MN velocitate CN, (ob $AB : MN :: CB : CN$, spatia scil. percursa velocitatibus proportionalia). Quare erit tempus casus ex A ad C æquale tempori, quo corpus descendit ex M ad C. Q. E. D.

Tempus, quo mobile percurrit rectam AC cum velocitate CB est ad tempus, quo arcum AB percurrit cum eadem velocitate, ut recta AC ad arcum AB, vel ut illius dupla ad hujus duplam, hoc est, ut diameter circuli ad semiperipheriam; sed tempus per arcum AB est æquale tempori descensus ad C; unde erit tempus, quo mobile fertur per rectam AC, cum velocitate ut CB, ad tempus casus ad C, ut diameter circuli ad semiperipheriam. Q. E. D.

TAB. 8.
fig. 6.

Defin. Si super recta Bb insistsens circulus, (quem circum generatorem dicimus) puncto sui b (quod punctum lineans appellabimus) rectam Bb tangens, super eadem recta volvi intelligatur, peripheria sua continua ad rectam applicatione commensurans æqualem rectam BAb, donec punctum lineans in sublime latum, adeoque curvam BGb suo motu describens, circuitu facto, eandem rectam BAb iterum in b contingat; curva BGb motu puncti b descripta, linea *Cyclois* appellatur. Et figura BGDAB figura *cycloidis* dicitur; & recta GA bisecans basim perpendiculariter, *cycloidis axis*; & punctum G vertex *cycloidis* dicitur.

LEM-

L E M M A.

Si circulus generator circa axem cycloidis constituitur, & à puncto quovis cycloidis ordinetur ad axem recta CE, cum peripheria circuli conveniens in D; erit recta CD æqualis arcui circulari GD, arcus vero cycloidis GC æqualis erit duplæ chordæ GD; & semicyclois BCG æqualis erit duplæ diametro AG; recta vero CF cycloidem in C tangens parallela erit chordæ DG Hæc à Wallisio & aliis, qui de cycloide scripserunt, demonstrata sunt.

T H E O R. XLVI.

In cycloide, cujus axis ad perpendicularum erectus est, vertice deorsum spectante, tempora descensus, quibus mobile urgente vi gravitatis à quocunque in eo puncto demissum ad punctum imum pervenit, sunt inter se æqualia; habentque ad tempus casus perpendicularis per axem cycloidis eam rationem, quam habet semiperipheria circuli ad ipsius diametrum.

TAB. 8.
fig. 7.

Sit cyclois ACD, cujus axis CE, circulus generator ECG. Cum recta cycloidem in puncto quovis H tangens parallela sit chordæ CG in circulo generatore circa axem constituto ductæ; patet, mobile in descensu suo eadem vi accelerari in puncto H, ac si in recta GC descenderet; est vero vis, qua acceleratur in GC, ad vim Gravitatis, ut MC ad GC; sed ut MC ad GC, ita GC ad CE (per cor. 8 prop. el. 6): quare vis, qua acceleratur mobile in puncto H, est ad vim gravitatis, ut GC ad CE. Eadem ratione vis gravitatis est ad vim, qua acceleratur mobile in alio quovis loco K, ut CE ad CL; quare ex æquo vis, qua acceleratur mobile in H, est ad vim, qua acceleratur in K, ut GC ad LC, vel ut dupla GC ad duplam LC, hoc est, ut curva cycloidis HC ad curvam KC. Vires igitur, quibus descendendo super cycloide acceleratur mobile, sunt ut longitudines curvæ percurrentæ. Ponamus jam, rectam ac æqualem longitudini curvæ AC, atque supponatur mobile aliquod iisdem viribus urgeri in recta ac versus c, quibus mobile urgetur descendendo per curvam AC; at vires, quibus urgetur mobile in punctis quibusvis cy-

cycloidis H & K sunt ut longitudines HC , KC , vel bc , kc , hoc est, vires in locis quibuscumque sunt ut distantiae locorum à puncto c ; ac proinde (per theor. præcedens) tempora descensus ex quacunque altitudine æqualia erunt. Quoniam itaque in correspondentibus cycloidis & rectæ ac punctis, æquales sunt vires acceleratrices, velocitatum incrementa æqualia quoque erunt, v. g. posito $AH = ab$, accelerationes in punctis H & b æquales erunt, sicut etiam in punctis K & k , modo sit $AK = ak$: & similiter in cæteris omnibus utriusque lineæ punctis, quæ sibi mutuo respondent, incrementa velocitatum æqualia erunt; adeoque si mobilia ex correspondentibus punctis incipiant descendere, summæ incrementorum, seu velocitates in æqualibus spatiis describendis acquisitæ æquales erunt, ac proinde tempora, quo æqualia hac spatia æqualibus velocitatibus descripta sunt, æqualia quoque erunt. Est igitur tempus descensus ab a ad c in recta ac , æquale tempori descensus ab A ad C super cycloide, & tempus descensus ab b ad c in recta bc æquale tempori descensus ab H ad C super cycloide; & similiter tempus per KC æquale est tempori per kc , si initium casus sit ex punctis k , K , & sic de cæteris. Sed tempus casus ab a ad c æquale est tempori casus ab b ad c , vel a k ad c ; quare tempus descensus super cycloide ab A ad C , æquale erit tempori descensus ab H ad C , vel a K ad C . Tempora igitur descensus, quibus mobile à quocunque puncto in cycloide demissum ad punctum imum pervenit, sunt inter se æqualia. Q. E. D.

Porro tempus casus ab a ad c est ad tempus, quo percurritur ac vel $2 EC$ cum velocitate ultimo acquisita, ut semiperipheria circuli ad diametrum: at tempus, quo percurritur $2 EC$ cum eadem velocitate, æquale est tempori, quo mobile sua gravitate cadens descendit per EC axem cycloidis; unde erit tempus descensus per ac vel AC ad tempus, quo grave descendit per cycloidis axem, ut semiperipheria circuli ad ejus diametrum.

Cor. Tempus, quo grave descendit in cycloide per arcum
AC

AC, & ascendit per CD, hoc est tempus motus in cycloide ACD est ad tempus casus perpendicularis per axem cycloidis, ut integra circuli peripheria ad ejus diametrum.

Hinc si grave penduli vibrationes in cycloide perficiat, sive in magnos excurrat arcus, sive in minimos, æqualibus semper temporibus singulæ oscillationes peragentur. *Hugenius* autem, in tractatu de *Horologio Oscillatorio*, parte tertia, modum ostendit, quo fiet, ut grave in cycloide, vel alia quacunque curva, oscilletur: inveniendæ scil. est curva, cujus evolutione curva data describitur; & duæ laminæ in eandem curvaturam inflectendæ sunt, intra quas, per fila determinatæ longitudinis, suspensum grave non circulum, sed aliam curvam describit. Sint duæ laminæ ACB, AED TAB. 8.
fig. 8. in figuras similes & æquales incurvatæ, & ex puncto A suspendatur penduli filum, quod, dum pendulum oscillatur, circumplicatur laminis ACB, AED, quas perpetuo tangit; per fili ad laminas applicationem continuo impeditur motus penduli in circulo, & grave per curvam BPDF desertur: curva ACB vel AED dicitur *Evoluta*, & curva BPDF ex evolutione describi dicitur. Quod si curvæ ACB vel AEB sint duæ semicycloides, quarum axes vel diametri circulorum generantium sint æquales FG vel AG, dimidiæ scil. longitudini penduli, curva BPDF, per quam grave desertur, evadit cyclois integra, cujus axis est FG dimidia penduli longitudo, ut ab *Hugenio*, aliisque demonstratur.

Cum portio cycloidis prope verticem F describitur motu fili, cujus longitudo est AF, atque circulus centro A intervallo AF eodem fili motu describitur; circulus ille per F transiens fere coincidit cum cycloidis portione prope verticem F, estque ipsi æquicurvus; eodem igitur tempore grave desertur ad F per arcum exiguum circuli, ac per arcum cycloidis, cui circulus est æquicurvus.

Hinc rursus patet ratio, cur pendulo vibrationes exiguas TAB. 8.
fig. 9. in circulo perficiente, tempora oscillationum sunt æqualia: nam si arcus CAD, CAF parvi sint, fere coincident cum portione cycloidis prope verticem F descriptæ circa axem AK, dimidiam scil. penduli longitudinem; adeoque eodem fere tem-




tempore descendit grave per arcus circuli CA vel GA , quo per arcus cycloidis ipsis propemodum coincidentes descenderet: sed æqualibus temporibus per arcus quosunque cycloidis descendet grave; quare etiam æqualibus temporibus cadet grave per arcus exiguos circulares CA , GA ; ac proinde oscillationes integræ per arcus CAD , GAF æqualibus temporibus peragentur.

Est itaque tempus, quo pendulum oscillationem minimam in circulo perficit, æquale tempori, quo perficitur oscillatio per arcum cycloidis, cujus axis est dimidia penduli longitudo. At tempus, quo perficitur oscillatio in cycloide, est ad tempus casus perpendicularis per axem cycloidis, hoc est, per dimidiam penduli longitudinem, ut peripheria circuli ad diametrum. Atque hinc sequitur tempus, cujus oscillationis minimæ esse ad tempus casus per penduli longitudinem, in constanti ratione, quæ est ea, quam habet circuli peripheria ad ipsius diametrum ductam in radicem quadratam numeri binarii.

Si in diversis Orbis terræ regionibus, idem pendulum temporibus inæqualibus oscillationes suas perfecit, tempora descensuum per penduli longitudinem in diversis his regionibus inæqualia quoque erunt; & ubi lentius procedunt oscillationes, ibi quoque lentius descendet grave in perpendiculo, & in dato tempore minus cadendo describet spatium. Experimento vero certum est, in regionibus prope æquatorem sitis, ejusdem penduli oscillationes diuturniores esse, quam in aliis locis, quorum major est latitudo; adeoque gravia in illis regionibus minus in dato tempore conficiunt spatium cadendo; & minori vi accelerant motum suum, quam in nostris regionibus longius ab æquatore distis; adeoque experimentis probatur, minorem esse gravitatis actionem in iis locis, quorum minor est altitudo, quam in locis pole propioribus.

Hoc gravitatis decrementum ex vi centrifuga oritur: cum enim ex terræ circa axem suum rotatione quodlibet corpus à centro circuli, quem describit, recedere conatur, quo majores sunt corporum circuitus, eo major ipsis inest vis

cen-





centrifuga, quæ itaque est semper ut sinus distantiae loci à polo, & sub æquatore maxima est, sub polo vero nulla; adeoque erit vis gravitatis in æquatore minima, in polo vero maxima.

Priusquam hanc materiam missam faciamus, lubet solutionem exhibere celeberrimi problematis à *Galileo* primum quæsitæ, deinde à *Job. Bernoullio* Geometris propositi, incunte An. Dom. 1696. Et à geometris celeberrimis, *Newtono*, *Leibnitio*, *Jac. Bernoullio*, *Hospitalio* aliisque soluti. Problema autem sic propositum fuit.

*Datis in plano verticali duobus punctis A & B, assignare motu- TAB. 9.
bili viam, per quam gravitate sua descendens, & moveri fig. 1.
incipiens à puncto A, brevissimo tempore perveniat ad alterum punctum B.*

Lineam hanc esse *Curvam Cycloidis* per puncta AB transeuntem, cujus basis est in horizontali per A ducta, invenerunt prædicti geometræ, ad quod demonstrandum sequens præmittimus.

L E M M A.

Si A dg B sit linea celerrimi descensus, citius descendet Grave ex quolibet ejus puncto d ad aliud quodvis ipsius punctum g, post casum ex A, per ipsam curvam deg, quam per aliam quamcunque viam.

Nam si dicatur, citius descendere grave per *dfg*, ergo via *A dfg B* breviori tempore percurretur, quam *A deg B*; ac proinde curva illa *A deg B* non erit curva celerrimi descensus; contra hypothesein.

Sit jam *A deg B* curva, cujus axis *AC*, ordinatim applicata *dL*; fluxio, seu incrementum momentaneum axis sit *LO = db*: fluxio vero curvæ sit *de*; sitque semper rectangulum sub data recta, quam vocemus *a*, & *db* vel *LO*, applicatum ad *de*, velocitati, quâ percurritur *de*, hoc est, quæ acquiritur cadendo ex A in *d* proportionale: hæc curva erit linea celerrimi descensus. Capiantur *de*, *eg* duæ curvæ portiones contiguæ & infinite parvæ; quæ proinde à

re-

rectulis minime differunt: dico, minore tempore descendere grave per *deg* curvam post casum ex A, quam per aliam quamlibet viam *dfg*. Per *f* ducatur *fq* parallela *eg*. Et supponatur *fq* eadem celeritate percurri, qua *eg*; sitque *fm* in *de*, item *me*, *gq* in *fq* perpendiculares. Et ob æquiangula triangula *fne*, *deb*, item *fme*, *gei*; est *de* ad *db*, ut *fe* ad *ne*;

adeoque erit $ne = \frac{db \times fe}{de}$: item ob *ge* ad *ei*, ut *fe* ad *fm*;

erit $fm = \frac{ei \times fe}{ge}$. Est vero $\frac{db \times fe}{de} : \frac{ei \times fe}{ge} :: \frac{db \times ei}{de \times ge} : \frac{db \times a}{de}$
 $\frac{ei \times a}{ge}$, hoc est, *ne* est ad *fm*, ut velocitas, qua percurritur

ne, ad velocitatem, qua percurritur *fm*; unde *ne*, *fm* æqualibus temporibus percurruntur; & quia *mq* æqualis est *eg*, erit tempus per *mq* æquale tempori per *eg*, adeoque tempus per *fq* æquale erit tempori per *neg*. Sed ob angulum ad *q* rectum, est *fg* major quam *fq*, adeoque tempus per *fg* majus erit tempore per *fq*, vel per *neg*; & ob *df* majorem quam *dn*, erit tempus per *df* majus tempore per *dn*; unde erit tempus per *df*, *fg* majus tempore per *dn*, *ng*. Minore igitur tempore descendit grave ex *ang*, post lapsum ex A, per curvam *deg*, quam per aliam quamlibet viam; ac proinde curva A *deg* B erit via celerrimi descensus.

TAB. 9.
fig. 3.

Sit A B M cyclois per B transiens, cujus basis sit horizontalis recta per A ducta; erit illa linea, super qua descendens grave in minimo tempore perveniet ex A in B. Sit G N M dimidium circuli generatoris, cujus diameter G M vocetur *a*, sitque *de* pars curvæ cycloidis infinite parvæ, quæ ab ejus tangente in *d* minime differt; adeoque parallela erit rectæ N M; unde triangula *dbe*, N Q M, G M N æquiangula erunt; quare est *de* ad *db*, ut G M seu *a* ad G N; ac proinde $\frac{db \times a}{de} = \frac{db \times a}{de} \times \frac{GN}{a}$

$= \frac{db \times a}{de} \times \frac{GN}{a} = \frac{db \times GN}{de}$. Sed (per cor. 1 theor. 43)

est G N ut velocitas, quæ acquiritur à gravi cadendo ex altitudine G Q vel L d, hoc est, ut velocitas, qua percurritur lineo-

la de . Quare erit $\frac{db \times a}{de}$ velocitati, qua percurritur lineola de proportionalis. Est igitur curva cycloidis $AdeB$ linea celerissimi descensus. Q. E. D.

Si velocitas ponatur esse ut altitudo, unde decidit grave, TAB. 9.
fig. 4. linea celerissimi descensus erit portio peripheriæ circuli, cujus centrum est in horizontali per A ducta; nam ob æquiangula triangula dbe , dLC est db ad de , ut dL ad dC ; ac proinde erit $db \times dC = de \times dL$, & $\frac{db \times dC}{de} = dL$. Sed ex hypothesi dL est velocitati proportionalis; quare si dC dicatur a , erit $\frac{db \times a}{de}$ velocitati proportionale. In hac igitur hypothesi peripheriæ portio $AdeB$ erit via celerissimi descensus.

Si velocitas, in puncto quolibet, sit ut altitudinis emensæ dignitas m , & dicatur ALx , dLy , erit $db = x$, $be = y$,

& $de = \sqrt{x^2 + y^2}$. Quare ex curvæ naturæ, erit $\frac{a^m x}{\sqrt{x^2 + y^2}}$

$= y^m$; unde $\frac{a^m x^2}{x^2 + y^2} = y^m$, & $a^m x^2 = y^m x^2 + y^m y^2$,

& $a^m x^2 - y^m x^2 = y^m y^2$, & $x^2 = \frac{y^m y^2}{a^m - y^m}$, & $x = \frac{y^m y}{\sqrt{a^m - y^m}}$.

Quæ æquatio universaliter exprimit curvæ naturam, in qua descendit grave tempore brevissimo, si velocitas sit ut altitudinis emensæ dignitas quælibet m .

LECTIO XVI.

MOTUS gravium in planis inclinatis, aut in superficiebus curvis, eorumque symptomata præcipua, quantum permetteret instituti nostri brevitatis, in præcedente lectione explicavimus. Restat jam, ut *Projectorum* phenomena recenscamus: & primo invenienda est natura illius lineæ, quam mobile in spatiis liberis, & non resistentibus projectum, urgente vi gravitatis describit. Et quidem si directe sursum vel deorsum projiciatur grave, in recta linea

M

mq-

movebitur; ejusque motum esse motum uniformiter retardatum vel acceleratum, prout sursum vel deorsum projicietur, ex dictis in prioribus lectionibus constat. At si secundum directionem horizontalem, vel aliam quamvis ad horizontem obliquam projiciatur, in linea quadam curva deferetur.

TAB. 9.
fig. 5.

Projiciatur enim mobile ex A, secundum directionem AV. Per legem naturæ primam; si nulla alia accedat vis, in eadem recta, eadem cum velocitate semper progredieretur; adeoque æqualia spatia AB, BC temporibus æqualibus describeret. Distinguamus itaque tempus in æquales particulas; & post primam temporis particulam ubi mobile ad B pervenerit, vis aliqua impulsu unico in ipsum agere supponatur motumque illi communicare, quo secundum directionem ad horizontem perpendicularem (priore sublato motu) per rectam BE deferretur, in eo tempore, quo describeret rectam BC & compleatur parallelogrammum CBED: constat ex cor. 2 theor. 30, mobile motu ex utroque composito, per diagonalem BD moveri, & in hac recta postea semper pergeret projectum, si nova nulla accederet vis ipsum ex propria semita detorquens; & æquali tempore spatium DF ipsi BD æquale conficeret. Verum si in puncto D vis eadem, secunda vice, simili agat impulsu, quo mobile per spatium æquale FG deorsum in eo tempore deferatur: motus mobilis ex utroque motu compositus erit per rectam DG, quam in eodem tempore describet mobile, quo absque novo impulsu progredieretur per spatium DF. Si vero post tertiam temporis particulam eadem vis iterum agat, & mobile in G deorsum per spatium ipsi HI æquale impelleret; motus ex priore & hoc novo compositus erit secundum rectam GI, quam in quarta temporis particula describet mobile: in I vero eadem urgente vi, mobile è semita GL in directionem IK detorquebitur, atque hac lege projectum motu suo polygonum ABDGIK describet. Quod si diminuantur in infinitum singulæ temporis particule, quibus vim agere posuimus, & augeatur ipsarum numerus, latera polygoni in infinitum minuentur, ipsorumque numerus in infinitum augebitur:

bitur : ac proinde in curvam vertetur polygonum , hoc est , si vis deorsum propellens talis sit , ut constanter & indefinenter agat , qualis est vis gravitatis , mobile urgente hac vi in curva deferetur .

THEOR. XLVII.

Projectum , cujus linea directionis horizonti parallela est , motu suo describit lineam parabolicam .

Sit grave vi quavis extrinseca , v. g. balista pulvere, TAB. 9. pyrio , aut simili qualibet vi ex puncto A projectum , cujus projectionis directio sit horizontalis AD . Dico , gravis semitam fore curvam semiparabolicam . Nam si aer motui projecti minime obstarer , neque adesset gravitas ; projectum motu æquabili procederet in eadem semper directione ; essentque tempora , quibus percurruntur spatii partes AB, AC, AD, AE , ut ipsa spatia AB, AC, AD, AE respective . Accedente jam gravitatis vi , & eodem tenore agente , ac si mobile vi extrinseca non impelleretur ; continuo à recta AE deflecter , & spatia descensus , seu deviationes ab horizontali AE eadem erunt , ac si perpendiculariter caderet . Quare si mobile , sua gravitate perpendiculariter cadens , tempore AB percurrat spatium AK tempore AC descendat per AL , & tempore AD per AM , eruntque spatia AK, AL, AM , ut quadrata temporum , hoc est , ut quadrata rectarum AB, AC, AD, vel KF, LG, MH . At cum impetus secundum directionem horizonti parallelam idem semper maneat , (huic enim vis gravitatis , quæ deorsum tantum corpora urget , minime contraria est) æqualiter promovebitur mobile secundum directionem horizonti parallelam , ac si gravitas abesset : quare cum tempore AB percurrat mobile spatium æquale AB ; cogente vero vi gravitatis deflectet à recta AB per spatium æquale AK , positaque BF æquali & parallela AK , in fine temporis AB erit grave in F . Sic cum tempore AC percurrat mobile spatium , secundum directionem horizontalem , æquale AC , & in eo tempore descendat per spatium æquale AL ; si fiat CG æqualis & parallela AL , in fine istius temporis erit mobile in G . Similiter cum tempore AD , secundum

directionem horizontalem promoveatur grave per spatium æquale AD, accedente gravitate descendat interim per spatium æquale AM, positaque DH æquali AM, in fine temporis AD erit mobile in H. Semitaque projecti erit in curva AFGH: sed quia quadrata rectorum KF, LG, MH sunt interceptis AK, AL, AM proportionalia, erit curva illa AFGH semiparabola. Est itaque semita corporis gravis secundum directionem AE projecti curva semiparabolica. Q. E. D.

L E M M A.

TAB. 9.
fig. 7. Sit ADB curva talis, ut demissæ ex quovis ejus puncto C ad AB perpendiculari CG, rectangulum sub AG, GB aequale sit rectangulo sub CG, & data recta L; erit curva illa parabola.

Bisecetur AB in E & erigatur perpendicularis DE: erit, ex hypothesi, rectangulum sub DE & L æquale rectangulo sub AE, EB, seu AE quadrato = (per 5 el. secundi) rectangulo sub AG, & GB + GE quad. = CG x L + GE quad. = EF x L + CF quad. quare erit rectang. sub DF & L æquale CF quadrato, quæ est proprietas parabolæ. Si punctum g cadat in AB productam, quod fit, ubi curva descendit infra AB, eadem parabola erit locus puncti c; nam (per 6 el. secundi) est Eg quad. = (ec quad. =) rectang. sub Ag, & gB + EB quad. = L x eg + L x DE = L x De; quæ est proprietas parabolæ.

Cor. Est recta illa L latus rectum, seu parameter parabolæ.

T H E O R. XLVIII.

Linea curva, quæ describitur à gravi secundum directionem quamlibet sursum oblique projecto, parabolica est.

TAB. 9.
fig. 8.

Sit AF directio projectionis, utcumque ad horizontem AV inclinata. Seposita gravitatis actione, mobile in eadem recta motum suum semper continuaret, per legem naturæ primam, & spatia AB, AC, AD temporibus proportionalia describeret. At accedente gravitate, à via AF continuo deflectere cogitur, & in curva moveri: dico, hanc curvam esse parabolam. Ponamus, grave perpendiculariter cadens

tem-

tempore AB percurrere spatium AQ, tempore vero AC spatium AR, & tempore AD spatium AS; erunt spatia AQ, AR, AS ut quadrata temporum, vel ut quadrata rectarum AB, AC, AD. Quoniam vero mobile vi insita, exclusa gravitate, tempore AB percurreret spatium AB, gravitate vero interim se exerente, descendit per spatium æquale AQ, liquet (si in perpendiculo BG capiatur BM=AQ), locum gravis in fine temporis AB fore M. Similiter cum mobile, ex impetu primo impresso, tempore ut AC percurrere debet spatium AC, at ex vi gravitatis per spatium = AR interim descendere cogitur; si capiatur in perpendiculo CN = AR, erit N locus mobilis in fine temporis AC. Sic etiam posito spatio DO, in perpendiculo, æquali AS, erit O locus mobilis in fine temporis AD, & deviationes BM, CN, DO à recta AF temporibus AB, AC, AD ortæ æquales erunt spatiis AQ, AR, AS; adeoque erunt, ut quadrata rectarum AB, AC, AD. Per A ducatur horizontalis recta AP semitæ projecti occurrens in P. Ex P erigatur perpendiculum PE lineæ directionis occurrens in E; & obæquiangula triangula ABG, ACH, ADI, AEP, quadrata rectarum AB, AC, AD, AE proportionalia erunt quadratis rectarum AG, AH, AI, AP; adeoque deviationes BM, CN, DO, EP quadratis rectarum AG, AH, AI, AP proportionales erunt. Rectis EP, AP tertia proportionalis sit L recta; eritque (per 17 el. 6) $L \times EP = AP \text{ quad.}$ Est vero AP quad.: AG quad.: EP:BM:: $L \times EP = L \times BM$; unde cum sit $L \times EP = AP \text{ quad.}$, erit $L \times BM = AG \text{ quad.}$ Similiter erit $L \times CN = AH \text{ quad.}$ & $L \times DO = AI \text{ quad.}$ Quoniam autem est BG:AG:: (EP:AP:: ex hyp.) AP:L, erit $L \times BG = AG \times AP = AG \times AG - AG \times GP = AG \text{ quad.} - AG \times GP$. Oportet autem est $L \times BM = AG \text{ quad.}$; quare erit $L \times BG - L \times BM = AG \times GP$, hoc est $L \times MG = AG \times GP$: simili ratiocinio erit $L \times NH = AH \times HP$, & $L \times OI = AI \times IP$, sicut etiam $L \times VK = AV \times VP$. Quare, per lemma præcedens, curva AMN OPK, in qua movetur projectum, erit parabola: Q.E.D.

Cor. 1. Recta L est parabolæ latus rectum ad axem pertinens.

Cor. 2. Sit AH=HP, & erit $L \times CN = AH \text{ quad.} = L \times NH$.

Unde erit $NH = CN$; ac proinde recta AF linea directionis projecti parabolam tanget (per prop. 33. libri primi *Conicorum Apollonii*.)

Cor. 3. Quoniam est $AP = 2 AH$; erit $PE = 2 CH = 4 CN$, vel $4 NH$.

Cor. 4. Si rectis PE , AE tertia proportionalis sit l , erit l latus rectum, seu parameter parabolæ ad diametrum AS pertinens. Nam quoniam PE , AE , l sunt continue proportionales, erit $l \times PE = AE$ quadrato; est vero AE quad. ad AB quad. vel ad QM quad. :: $PE : BM$, vel $AQ :: l \times PE : l \times AQ$; quare cum sit AE quad. $= l \times PE$, erit QM quad. $= l \times AQ$. Quare erit l parameter ad diametrum AS pertinens.

Cor. 5. Est vero $l = PE + L = 4 NH + L =$ quadruplæ altitudini parabolæ $+ L$. Nam est $l \times PE = AE$ quad. $= AP$ quad. $+ PE$ quad. $= L \times PE + PE$ quad. $= \overline{L + PE} \times PE$. Quare erit $l = L + PE = L + 4 NH$.

Cor. 6. Si tempora AB , BC , CD fiant æqualia; erunt spacia horizontalia AG , GH , HI æqualia; hoc est, si grave motu suo describat parabolam, æqualibus temporibus secundum directionem horizonti parallelam æqualiter promovebitur; & in singulis parabolæ punctis idem manebit impetus horizontalis, qui fuit ab initio motus.

TAB. 9.
fig. 9.

Cor. 7. Si mobile ex A projectum secundum directionem AE describat parabolam ACP ; in puncto quolibet C , per legem naturæ primam, secundum tangentem CG egredi conabitur, cum omni ea velocitate, quam in puncto C habet, & per solam gravitatem in curva parabolica retinetur. Quod si aliud grave ex C secundum directionem CG ea velocitate projiciatur, quam habuit grave ex A projectum in eodem puncto C ; grave illud alterum eandem parabolam CP describet. In puncto enim C eadem est utriusque gravis directio, eadem velocitas, & eadem gravitatis vis: quare utriusque eadem erit semita.

Cor. 8. Hinc si grave deorsum secundum directionem ad horizontem obliquam projiciatur; semita projecti erit curva parabolica.

THEOR.

THEOR. XLIX.

Impetus projecti in diversis Parabolæ punctis sunt portiones tangentium inter duas rectas axi parallelas interceptæ.

Describat grave parabolam ABL, quam tangent in punctis TAB. 9.
A & B rectæ AD, BE. Erunt impetus gravis in punctis A fig. 10.
& B, ut CD, EB portiones tangentium inter duas rectas axi parallelas interceptæ. Nam si à mobili in puncto A gravitas auferatur sua, egrederetur in tangentem AC, eodem impetu, quem habet in puncto A. Sic etiam mobile in B, amissa gravitate, per tangentem BE procederet cum omni velocitate, quam in puncto B habet. Verum in punctis A & B idem manet impetus horizontalis, uti liquet (per cor. 6. præcedentis theor.); adeoque mobile in A egrediens per tangentem AD, & in B per tangentem BE, æqualibus temporibus per æqualia spatia secundum lationem horizontalem promovebitur. Æqualibus igitur temporibus percurruntur CD in tangente AD, & BE in tangente BE; sed velocitates, seu impetus mobilis sunt ut spatia æqualibus temporibus percurfa: quare impetus mobilis in A est ad ejusdem impetum in B, ut CD ad BE. Q. E. D.

Cor. Si A sit vertex parabolæ, & producat tangens, donec axi occurrat in G; erit impetus in A ad impetum in B ut ordinata BH ad tangentem BG; est enim CD : BE :: CF : BF (ob triangula CBF, BHG similia) :: BH : BG.

Defin. Sit ACF parabola, in cujus axe ultra verticem producto capiatur GA = lateris recti. Linea GA dicitur *Sublimitas Parabolæ*. Et si infra verticem capiatur AD = AG, & ordinetur DC ad axem, erit DC = 2 AD vel 2 AG: nam ex natura parabolæ rectangulum sub latere recto = 4 AD & AD, hoc est, 4 AD quad. = est DC quad., adeoque erit 2 AD = DC. TAB. 10. fig. 1.

THEOR. L.

Sit grave ex Sublimitate parabolæ decadat ad verticem usque, motusque cadendo acquisitus, reflexione aliqua, aut alio quovis modo, in horizontalem mutetur, ita ut de novo grave incipiat motum deorsum; grave projectum ipsam parabolam describet.

TAB. 10.
fig. 1.

Cadat grave ex puncto G sublimitate parabolæ ACF, & in A, per reflexionem, aut aliam quamvis causam, motus cadendo acquisitus in horizontalem per ABE mutetur; vel, quod idem est, projiciatur grave secundum directionem AE ea velocitate, quæ acquiritur cadendo per GA: dico, grave illud parabolam ACF motu suo describere. Sit $AD = AG$, eritque $DC = 2 AG$. Ducatur CB ipsi AD parallela. Et ex alio quovis parabolæ puncto F ducantur FH ad AE, & FE ad HA parallelæ. Si abesset gravitas, mobile secundum directionem AE projectum velocitate, quæ acquiritur cadendo ex G in A, eodem tempore per duplum GA latum esset; adeoque in eo tempore describeret $AB = DC = 2 GA$. Sed mobile, ob vim gravitatis, incipiens in puncto A de novo descendere, in eodem tempore cadet per spatium $BC = AG$. Quare motu suo transibit per punctum C in parabola. Porro supponatur mobile motu horizontali (abstrahendo ab illo, qui ex gravitate oritur) quodam tempore pervenisse in E, ultra vel citra B; cumque motus secundum directionem horizonti parallelam æquabilis maneat, erunt AB, AE ut tempora, quibus percurruntur. Sed descensus, sive deviationes mobilis à recta AE sunt ut quadrata temporum, quibus fiunt: quare ob BC, EF quadratis rectarum AB, AE proportionales, cum C est locus gravis in fine temporis AB, erit F ejusdem locus in fine temporis AE; atque sic semper grave in parabola ACF reperietur.

Cor. Hinc gravis, parabolam quamvis describentis, velocitas in vertice est ea, quæ acquiritur cadendo ex sublimitate parabolæ.






L E M M A.

TAB. 10.
fig. 2.

Sit BA parabola, cujus axis AF, sublimitas AG, tangens qualibet BC, ordinatim applicata BF; erit BF. quad.: BC quad.: GA: GF.

Est enim (per 33 libri primi conicorum Apollonii) $CF = 2 AF$; & ex natura parabolæ $4 GA \times AF = BF \text{ quad.}$; quare erit BF quad.: BC quad.: $4 GA \times AF$: $4 GA \times AF + CF \text{ quad.}$: $4 GA \times AF$: $4 GA \times AF + 4 AF \text{ quad.}$: GA: GA + AF vel GF. Q. E. D.

THEOR.



A H E O R. LI.

Grave directe sursum projectum eodem impetu, quo aliud grave oblique projicitur, ascendet ad altitudinem æqualem altitudini, & sublimitati simul sumptis, ejus parabolæ, quam oblique projectum motu suo describet.

Projiciatur ex B secundum directionem BC grave, motu suo describens parabolam BAM, cujus axis AF, vertex A, sublimitas GA. Dico, si idem vel aliud grave æquali impetu ex B projiciatur directe sursum illud ascendere ad L, ut sit BL æqualis FG altitudini & sublimitati parabolæ simul sumptis. Per cor. theor. 49. Impetus gravis in B est ad ejusdem impetum in A, ut BC ad BF; sed impetus acquisitus cadendo ex G in F est ad impetum acquisitum cadendo ex G in A, in subduplicata ratione GF ad GA, hoc est, (ob BC. quad. : BF quad. :: GF : GA) ut BC ad BF. Quare erit impetus in B ad impetum in A, ut impetus acquisitus cadendo ex G in F ad impetum acquisitum cadendo ex G in A; sed impetus gravis in vertice A est is, qui acquiritur cadendo ex G in A; quare ejusdem impetus, seu velocitas in B est ea, quæ acquiritur cadendo ex G in F, sive ex L in B, quæ altitudo æqualis est altitudini, & sublimitati parabolæ simul sumptis; sed grave sursum directe projectum eodem impetu ascendet ad L; quare si grave directe sursum projiciatur eo impetu, quem habet illud grave describens parabolam BAM in eodem puncto B, ascendet ad altitudinem æqualem altitudini, & sublimitati parabolæ simul sumptis. Q. E. D.

Cor. 1. Si grave cadat ex L in B, & manente impetu casu acquisito, reflexione aliqua, aut simili quovis modo mutetur directio morus in rectam BC vel BN, ita ut grave de novo incipiat descendere; grave motu suo parabolam SBAM describet.

Cor. 2. Impetus in quovis parabolæ puncto B est is, qui acquiritur cadendo per quartam partem lateris recti pertinentis ad diametrum, quæ per punctum illud ducitur. Est enim $LB = \frac{1}{4} L + KB$. Quare erit $4 LB = L + 4 KB =$ lateri recto, quod

TAB. 10.
fig. 1.

quod ad diametrum per B transeuntem pertinet, ut constet ex cor. 5 theor. 48.

Jactis fundamentis doctrinæ de gravium projectione; antequam ad solutionem sequentium problematum accedamus, convenit, ut modum ostendamus, quo tormenta bellica secundum quemlibet elevationis gradum dirigantur. Directio autem *Bombardi* eadem censenda est cum directione vacui seu animæ ejusdem; nam accenso pulvere pyrio, globus emittitur secundum concavitatem *Bombardi* vel *Mortarii*: & nisi adesset gravitas, in illa recta producta pergeret, adeoque recta illa tormenti directio est.

Quare ut tormentum ad scopum dirigatur, non collimandum est secundum exterius metallum, cum tormenta crassiora sint versus caudam, quam juxta orificium, quod maxima eorum resistentia fieri debet in ea parte, quæ patitur maxime à pulvere pyrio; unde ut facillime dirigatur tormentum, additur aliquid orificio, (quod *Dispart* vocatur) ut ejus crassities æquetur crassitie caudæ: collimatur deinceps per rectam animæ *Bombardi* parallelam, atque modo prædicto tormenta recta ad scopum diriguntur, cum muri dejicendi sunt, aut aliud quidvis efficiendum, ubi magnus requiritur impetus, & scopus non distat ultra 200 passus, & tormentum satis magnum est: in talibus jactibus præter mox dicta, & experientiam de concedendo cuique tormento debitam pulveris pyrii quantitatem & globo congruam, nulum insuper artificium requiritur. Verum cum sæpissime arces aut hostes impetendi sunt, qui ob nimiam distantiam recta collimando attingi non possunt, vel ubi urbium tecta per *Bombas* cadentes perumpenda & ædes accendendæ sunt; elevanda est machina bellica, angulo ad horizontem inclinato: in quem finem opus erit regula ABCD cui adhæret parallelogrammum BEFD, in quo semicirculus in suos gradus divisus inscriptus; ex cujus centro dependet filum pondere instructum: extremum autem regulæ A in os machinæ inferendum est, & in situ ad ejus axem parallelo regula detinenda est, atque sic attollendum, aut deprimentum est tormentum, donec perpendiculum CQ attingat in semicirculi lim-

TAB. 10.
fig. 4.

limbo punctum K, gradum scil. elevationis desideratæ ab L versus B numerandum. Patet autem, angulum LCK æqualem esse angulo CMN elevationis machinæ, quia angulus MCN est utriusque complementum ad rectum. Sæpe parallelogrammo BEFD solum utuntur absque regula, & latus BE ad os machinæ applicant, quo fit, ut perpendiculum CQ ostendat gradum elevationis.

Defn. Per impetum perpendiculo quovis AB designatum, TAB. 10. intelligimus impetum requisitum ad projiciendum grave pro- fig. 5. positum ex A ad altissimum punctum B perpendiculi AB, sive, quod idem est, impetum acquisitum cadendo ex B in A; neque enim alia ratione impetus sub certa, & universali regula cadere potest, quam illum hoc modo per spatia determinando.

P R O B L. VIII.

Dato impetu BA, hoc est quantus est naturaliter cadentis ex B TAB. 10. in A, dataque directione AI, seu angulo elevationis DAI, fig. 5. oportet projectionis amplitudinem, altitudinem, totamque futuræ projectionis semitam reperire.

Ducantur ex A & B horizontales lineæ AD, BL. Supra diametrum AB fiat semicirculus AFB, qui lineam directionis AI secet in F; per F ducatur horizonti parallela EF, & producat ad G, ita ut sit $GF = EF$: itemque per G agatur perpendiculum LGD; vertice G per A describatur parabola AGK; dico, hanc esse semitam projecti, cujus directio est AI, & impetus AB; adeoque DG sive AE erit projectionis altitudo. Dupla AD sive quadrupla EF erit ejusdem amplitudo sive jactus integer horizontalis, & BE sive LG erit ejusdem parabolæ sublimitas. In triangulis AEF, IGF, ob angulos ad E & G rectos, & angulos AFE, GFI ad verticem aequales, item $EF = GF$, erit $IG = AE = DG$, ac proinde recta AI tanget parabolam. Et quoniam est $AD = EG = 2 EF$; erit $AD \text{ quad.} = 4 EF \text{ quad.} = 4 BE \times EA = 4 LG \times GD = \text{rectangulo sub latere recto \& GD}$; quare erit $4 LG = \text{lateri recto parabolæ}$, unde erit LG ejusdem parabolæ sublimitas: quare (per cor. 1. theor. 51) si grave decingat ex B in A, & impetu casu acquisito

se-

secundum directionem AI projiciatur, parabolam AGK describet.

TAB. 10. *Cor.* Hinc manifestum est ex dato alicujus machinæ impetu AB, circa quem descriptus sit semicirculus ADB, dari altitudines & amplitudines omnium projectionum, quæ ab eadem machina fieri possunt. Exempli gratia, manente semper eodem impetu AB, projectio facta secundum directionem AE, habet altitudinem AF, & amplitudinem quadruplam ipsius EF; similiter jactus facti secundum directionem AD altitudo erit AG, & amplitudo quadrupla ipsius GD; & sic de cæteris. Unde si angulus elevationis DAK sit semirectus, erit quadrupla GD amplitudo omnium maxima, quæ eodem impetu fieri possunt; & amplitudines projectionum æqualiter à projectione semirectæ distantium, verbi gratia, secundum rectas AE, AC, (positis angulis DAE, DAC æqualibus) nimirum quadrupla EF, & quadrupla HC, erunt æquales. Erit præterea projectionis semirectæ amplitudo $4GD = 4GB =$ lateri recto parabolæ. Projectio vero perpendicularis sursum, hoc est impetus projectionis æquabitur dimidiæ amplitudini projectionis semirectæ eodem impetu factæ. Denique ad æquales jactus in plano horizontali faciendos minor requiritur impetus in projectione semirectæ: si enim non sit minor impetu alterius projectionis secundum aliam directionem factæ, erit amplitudo projectionis semirectæ major amplitudine alterius illius projectionis.

Cor. 2. Quoniam AK tangit circumulum; erit (per 32 element. tertii) angulus ABE = EAK angulo elevationis; ac proinde est angulus AGE ipsius EAK duplus: quare posito GA dimidio impetus pro radio, erit EF quarta pars amplitudinis sinus dupli anguli elevationis; & AF altitudo projectionis erit arcus AE seu dupli anguli elevationis sinus versus; & FB parabolæ sublimitas erit sinus versus arcus BE, seu complementi dupli anguli elevationis ad duos rectos.

P R O B L. IX.

TAB. 10. *Datis amplitudine AK, & angulo directionis CAK; invenire projectionis impetum, & altitudinem AI.*

Ca-

Capiatur AD pars quarta amplitudinis; & erigantur. perpendiculara DC, AB; fiatque angulus ACB rectus. Dico, AB esse projectionis impetum, & DC esse ejusdem altitudinem. Nam quoniam angulus ACB rectus est, semicirculus diametro AB descriptus transibit per C; unde (per corol. 1 problematis præcedentis) projectio, cujus directio AC & impetus AB motu suo describet parabolam AMK, cujus altitudo est DC vel AI, & quarta pars amplitudinis est AD; quare vicissim projectum, cujus directio est AC, & quarta pars amplitudinis AD, impetum habebit AB, & altitudinem DC. Q. E. D.

Cor. 1. Hinc ex dato cujusvis machinæ quovis jactu horizontali, è data elevatione factò, reperire licet altitudinem jactus perpendiculariter sursum facti, nimirum machinæ impetum, qui quidem in majoribus tormentis excedit quamlibet perpendiculararem altitudinem, ad quam ascendere hominibus conceditur. Dato vero impetu dabitur amplitudo & altitudo. jactus ex alia quamvis elevatione facti; unde dignosci potest, num dato tormento scopus, cujus distantia cognita est, attingi poterit.

Cor. 2. Si AD, quarta pars amplitudinis, ponatur radius, erit altitudo DC tangens anguli elevationis. Ut scopus in data distantia horizontali percutiatur, præstat eundem semper retinere angulum directionis, semirectum nempe, & impetum augere vel minuere, donec scopus attingatur. Nam machina ad hunc angulum elevata, minimus requiritur impetus ad scopum feriendum; adeoque in hisce jactibus faciendis maxime pulveri pyrio parcityr: Accedit, quod circa hanc elevationem jactus sit omnium certissimus; cum error unius aut duorum graduum vix sensibilem in projectione producat errorem.

P R O B L. X.

Datis impetu & amplitudine, invenire directionem & altitudinem jactus.

Sit impetus AB; quarta pars amplitudinis data sit AD. TAB. II.
Supra diametrum AB describatur semicirculus ACB, & fig. 1.
eriga-

erigatur normalis DCE, semicirculum secans in punctis C & E: Dico, utramque directionem, sive AC sive AE, parabolam designare, cujus amplitudo erit AK, quadrupla AD. Nam projectiones factæ cum impetu AB, juxta directionem AC vel AE, amplitudinem habent AK quadruplam ipsius FC, vel GE, (per probl. 8.) altitudo vero potest esse vel AF vel AG; ut patet. Quod si normalis DC, circulo in unico puncto occurrat, hoc est ipsum tangat, parapola unica erit descripta, projectione semirecta, & amplitudo proposita erit maxima, quam dato impetu attingere licet. Si perpendicularis DC semicirculo non occurrat, problema erit impossibile.

Cor. Si habeatur machinæ cujusvis impetus, (inventus, per cor. 1 probl. præcedentis, ex quovis jactu horizontali) licebit ope hujus probl. talem machinæ tribuere directionem, ut scopus in data distantia horizontali positus feriatur, & ex duabus directionibus proposito aptis, à directione semirecta æqualiter remotis magis idoneam eligere.

S C H O L I U M.

Præcedentium trium problematum conversa ex supradictis facillime, & nullo negotio solvuntur; scil. ex data altitudine & amplitudine, impetum & directionem invenire. Item ex datis impetu & altitudine, directionem & amplitudinem invenire, & denique datis directione & altitudine, amplitudinem invenire: ita ut hisce diutius immorari inutile sit.

P R O B L. XI.

Propositum sit, rationem invenire inter durationem projectionis factæ perpendiculariter sursum, & alterius cujusvis, cujus idem est impetus.

TAB. 10.
fig. 8.

Sit AF projecti impetus, sive projectio sursum facta, & ABC projectio ex alia qualibet elevatione AG. Circa diametrum AF describatur semicirculus directionem AG secans in G: dico, durationem projectionis directæ sursum, sive tempus ascensus per AF, & descensus per eandem, esse ad durationem projectionis in parabola ABC, sicut AF ad AG. Tempus

pus lationis ex A in B æquale est tempori lationis ex B in C: adeoque tempus per ABC duplum est temporis lationis ex B in C; sed tempus lationis ex B in C æquale est tempori descensus liberi in perpendiculo BD; quoniam motus progressivus nullo modo impedit descensum à gravitate oriundum: adeoque tempus projectionis per ABC duplum est temporis descensus per BD, vel per æqualem EA; sic etiam tempus ascensus & descensus per FA, sive tempus projectionis directe sursum duplum est temporis descensus per FA: quare tempus projectionis sursum erit ad tempus projectionis in parabola ABC, ut tempus descensus per FA ad tempus descensus per EA, hoc est, in subduplicata ratione FA ad EA, vel ob FA, AG, EA continue proportionales, ut FA ad AG. Q.E.D.

Cor. Durationes projectionum, pari impetu, secundum diversas directiones AG, AH factarum, sunt in ratione chordarum AG, AH. Quod si AF ponatur radius, erit AG sinus anguli AFG qui æqualis est angulo elevationis machinæ; adeoque est tempus projectionis directe sursum ad tempus projectionis in parabola, ut radius ad sinum anguli directionis.

S C H O L I U M.

Omnia problemata circa gravium projectiones in plano horizontali factas ope tabularum sinuum, & tangentium facillime resolvuntur.






Proponatur AK amplitudo horizontalis alicujus tormen- TAB. 10.
ti majoris ad datum angulum CAK elevati; quæritur alti- 7.
tudo projectionis, & machinæ impetus. In triangulo ADC fiat ut radius ad tangentem anguli elevationis, ita AD quarta pars amplitudinis datæ ad altitudinem DC; item fiat ut sinus anguli elevationis ad radium, ita altitudo inventa DC ad AC, quæ proinde dabitur; & in rectangulo triangulo BCA, fiat ut sinus anguli ABC (qui æqualis est elevationis angulo) ac radium, ita AC ad AB impetum; qui proinde innotescet; Dato vero impetu, dabitur tempus projectionis perpendicularis. Est vero tempus projectionis perpendicularis ad tempus projectionis secundum AC, ut AB ad AC; sive ut radius ad

ad sinum anguli elevationis; ac proinde, per tabulas sinuum, tempus projectionis secundum AC innotescet. Hinc etiam, ex dato tempore projectionis cujuscvis, secundum datam elevationem factæ, dabitur tempus alterius cujuscvis projectionis, eodem impetu factæ. Est enim ut sinus elevationis projectionis, cujus tempus est notum, ad sinum alterius elevationis, ita tempus notum projectionis unius ad tempus alterius, quod proinde notum erit. Ex data vero amplitudine unius projectionis, secundum datam directionem factæ, dabitur amplitudo projectionis secundum aliam quamvis directionem factæ. Nam posito dimidio imperus pro radio, quarta pars amplitudinis est sinus dupli anguli elevationis, ac proinde amplitudines sunt ut horum angularum sinus. Quare si innotescat amplitudo secundum directionem AG, dabitur amplitudo secundum directionem AH; fiat enim ut sinus dupli anguli CAG ad sinum dupli anguli HAC, ita amplitudo projectionis secundum AG ad amplitudinem projectionis secundum directionem AH. Quod si ex datis impetu & amplitudine horizontali, quærat^r elevatio correspondens; illa ex eodem principio facile innotescet. Nam constat (ex cor. 1 probl. 8), duplum impetus esse amplitudinem projectionis semirectæ. Sed sinus elevationum duplicatarum sunt ut amplitudines; quare fiat ut duplum impetus ad amplitudinem datam, ita sinus dupli anguli semirecti, hoc est sinus nonaginta graduum seu radius, ad alium; qui erit sinus duorum arcuum, quorum unus est alterius complementum ad semicirculum: atque hi duo arcus dimidiati dabunt duas elevationes, quibus data amplitudo attingi potest.

TAB. 10.
fig. 8.

Non semper tormenta bellica ita explodenda sunt, ut globus præcise in eodem horizontali plano incidat; sed sæpe scopus est altior tormento, aut depressior: quare in sequenti problemate methodus tradenda est, qua scopus supra vel infra horizontem attingendus est.

PRO-



P R O B L. XII.

Data basi parabolæ, unoque puncto, per quod ipsa transit; directionem, semitam, & impetum projectionis invenire.

Sit AC basis parabolæ, & punctum B scopus feriendus: TAB. 12.
ex B in AC demittatur perpendicularis BD; rectis BD, AD, DC fig. 2.
quarta proportionalis capiatur L; erit L latus rectum parabolæ; bisecetur AC in E, & ex E erigatur perpendicularum EF; rectis L & AE tercia proportionalis sit EG; erit G vertex parabolæ: & si producatu EG ita, ut sit GF = GE, & ducatur AE, erit FAE angulus directionis machinæ. Estque impetus, quo projiciendum est grave, æqualis EG + 1/2 L. Quoniam est BD ad AD, ut DC ad L, erit L x BD = rectangulo sub AD & DC, adeoque (per cor. 1 theor. 48) est L latus rectum parabolæ per B transeuntis, cujus basis est AC. Et quoniam L, AE, EG proportionales sunt, erit L x EG = AE quad. adeoque erit G vertex parabolæ. Vertice igitur G, & latere recto L descripta parabola erit semita projectionis gravis, quod punctum B feriet. Estque impetus projectionis æqualis EG + 1/2 L; angulus vero elevationis est FAE. Q. E. I.

Eodem modo procedendum est, si punctum b sit infra horizontem: si enim ex b in AC productam demittatur perpendicularis bd, & ipsis bd, Ad, dC quarta proportionalis capiatur L, erit L latus rectum parabolæ per b transeuntis.

Cor. Posito AE radio, erit EF, vel dupla EG, tangens anguli elevationis; adeoque si fiat ut AE data ad datam EF, ita radius ad tangentem anguli FAE, dabitur angulus elevationis.

P R O B L. XIII.

Dato impetu, invenire directionem, secundum quam projectum grave datum punctum quodvis attingat.

Sit impetus, datus M, punctum, per quod transire debet pro- TAB. 12.
jectum sit B, cujus distantia AB à puncto A datur: ex B in fig. 3.
horizontalem AC demittatur perpendicularis BD, in qua producta capiatur DG = 2 M; & centro G intervallo GB describatur circulus, quem in B tanget recta BK = AB: ex K super BK erigatur perpendicularis KH circulo in duobus punctis H, H

N

oc-

occurrere, ex quibus in diametrum LB demittantur perpendiculares HE, HE, ducanturque rectæ AE, AE, quæ erunt duæ directiones proposito satis facientes; hoc est, projectum secundum directionem AE emissum cum impetu M, per punctum B transibit. Est enim AD quad. + BD quad. = AB quad. = BK quad. = EH quad. = (ex natura circuli) LE × EB = LB × EB - EB quad. = 4 M - 2 DB × EB - EB quad. quare erit 4 M × EB = (AD quad. + BD quad. + 2 DB × EB + EB quad. = AD quad. + DE quad. =) AE quad. Sed parabola descripta à gravi secundum directionem AE projecto cum impetu M ita secabit rectam DE, ut sit 4 M × EB = AE quad. (ui patet ex cor. 2 theor. 51); quare punctum B est in eadem parabola: & grave, cum impetu M secundum directionem AE projectum, per B transibit. Q. E. D.

TAB. II.
fig. 4.

Cor. Si HK in uno solummodo puncto, circulo occurrat hoc est, si circulum tangat, unica erit directio proposito inserviens. Quod si non omnino circulo occurrat, problema erit impossibile, hoc est, punctum B dato impetu attingi non potest. Adeoque si KH circulum tangat, erit impetus ille omnium minimus, quo datum punctum attingi potest. Eritque in eo casu BK seu AB = BE vel BG = 2 M - DB; adeoque BE + BD seu DE = 2 M: impetus igitur minimus, quo datum punctum attingi potest, æqualis erit dimidie DE = $\frac{AB + BD}{2}$;

& posito DA radio, erit DE tangens anguli EAD, hoc est, anguli elevationis; Quare si fiat ut AD ad DE, sive ad AB + BD, ita radius ad quartam proportionalem, dabitur tangens anguli directionis, secundum quam si fiat projectio, impetu omnium minimo attingitur punctum B.

Sed angulus ille directionis facilius multo habetur, biseccando angulum NAB perpendiculo AN & recta AB comprehensum. Recta enim AE; hunc angulum biseccans, erit projectionis directio. Nam quoniam impetus est minimus, erit AB æqualis EB, ac proinde angulus BAE æqualis erit angulo BEA = NAE (ob DE, AN parallelas); adeoque directio

pro-

projectionis impetu minimo factæ, angulum NAB bisecabit. Quare si tormento figatur speculum, cuius planum perpendicularare sit ipsius tormenti axi, seu lineæ directionis; radius incidens BA in perpendicularum AN reflectetur, atque ope huius speculi nullo negotio dirigitur tormentum, ut scopus impetu minimo attingatur. Elevanda enim, aut depressenda est machina, quoad imago puncti B, facta per speculum planum, in perpendiculo NA videatur: nam ob angulum BAE incidentiæ æqualem angulo reflexionis NAE, erit angulus NAB bisectus, ac AE erit directio machinæ, cum punctum B impetu minimo attingendum est.



CLARISSIMI
HUGENII
THEOREMATA
DE
VICENTRIFUGA
ET
MOTU CIRCULARI
DEMONSTRATA.



Equentium theorematum demonstrationes primus ego literato orbi impertivi; auctor enim absque demonstratione illa emiserat: postea vero à Gallis quibusdam eadem theoremata, sed mutato ordine, demonstrata sunt. Et nunc ipsius auctoris demonstrationes concinnæ admodum, nostris vero prolixiores, inter ejus opera posthuma prostant. Cum vero scientiæ de motu partem haud ignobilem constituent hæc theoremata, placuit ipsorum demonstrationes huic rursus operi annectere, ut videat respublica literaria, quantum Philosophia Mechanica per Geometriam promovenda sit.

Defin. 1. Vis centripeta est vis illa, qua mobile aliquod de motu rectilineo continuè retrahitur, & versus centrum aliquod perpetuè urgetur. Nam cum (juxta satis notam naturæ legem) corpus omne semel motum secundum eandem rectam semper uniformiter progredi nitatur, patet, nullo mobile posse orbitam aliquam motu suo describere, nisi vi quadam in orbita illa detineatur. Ex. gr. Rotetur mobile uniformi cum motu in peripheria circuli ACE; quod ubi ad A pervenit, sublata vi illa, qua in orbita detinetur, progrediretur secundum tangentem AB, & in infinitum ex-

cur-

TAB. II.
fig. 5.

curret: quo itaque in peripheria detineatur, opus est, ut vis aliqua continuo agat, quæque æquipolleat vi in A agentis corpus versus D per spatium æquale BC, interea dum mobile vi insita per spatium indefinite exiguum AB progredere-
tur: nam hic ratione, hisce viribus conjunctis, describet mobile lineam AC (per *theor.* 30). Vis hæc, sive sit actio fili detinentis, sive coherencia cum alio corpore gyrante, sive oriatur à gravitate, aut attractione quacunque, vis centripeta dici potest.

2. Vis centrifuga est reactio, seu resistentia, quam exercet mobile, ne à via sua deflectere cogatur, quaque motum suum in eadem directione continuare conatur; estque, uti reactio actioni, vi centripetæ semper æqualis, & contraria: ea ex vi inertię materiæ oritur, & cum corpus in peripheria circuli gyrans, ope fili ne excurrat detinetur; per vim illam centrifugam tenditur filum, quod filum eodem relaxandi se conatu æqualiter urgebit corpus versus centrum, & centrum versus corpus.

Cum vis centripeta proportionalis est spatio, quod corpus urgente illa vi in dato tempore describit, liquet, tam vim centripetam quam centrifugam posse per lineolas nascentes BC vel *bc* representari: nam dum corpus tangentem AB indefinite exiguum describit, spatium, quod urgente vi centripeta interea percurrer, erit æquale BC. Demonstravimus autem (*lect.* 4ta) in lineolis nascentibus, seu infinite parvis AB, AC, esse BC infinite minorem AB vel BC; unde vi centripeta, vel centrifuga erit infinite minor quam vis insita seu excursoria AB.

L E M M A.

In circulo subtensæ anguli contactus evanescentes sive infinite parvæ sunt in duplicata ratione arcuum conterminorum.

Sint arcus illi AC, Ac; subtensæ ad tangentem perpendiculares, BC, *bc*; ducatur diameter AD, & ad diametrum perpendiculares Cm, cn; & erit BC : *bc* :: Am : An :: Am × AD : An × AD. Et vero (per 8 c. 6) AD : AC :: AC : Am, & AD : Ac :: Ac : An; quare erit AD × Am = ACq, & AD ×

TAB. 11.
fig. 6.

$An = Acq$: quare est etiam $BC : bc :: ACq : Acq$. Q. E. D.

$$\text{Cor. Hinc est } BC = \frac{ACq}{AD}$$

Hoc lemma in omnibus curvis primi generis universaliter demonstravit egregius Nevvtonus.

THEOR. I.

Si duo mobilia æqualia æqualibus temporibus circumferentias inæquales percurrant, erit vis centrifuga in majori circumferentia ad eam, quæ in minore, sicut ipsæ inter se circumferentiæ, vel earum diametri.

TAB. II.
fig. 7.

Percurrat mobile A circumferentiam ACH, & eodem tempore mobile a circumferentiam acb, sintque AC, ac arcus minimi simul descripti. Quia utraque peripheria æquali tempore percurritur, arcus illi erunt similes, & proinde figura ABC similis erit figuræ abc; quare $BC : bc :: AC : ac ::$ periph. ACH : periph. acb. Sed constat, (ex superiore definitione) esse vim centrifugam mobilis A ad vim centrifugam mobilis a, ut BC ad bc. Quare erit vis centrifuga mobilis A ad vim centrifugam mobilis a, ut periph. ACH ad periph. acb, sive ut illius diameter ad diametrum hujus. Q. E. D.

Cor. Hinc vice versa, si vires centrifugæ sint ut diametri, tempora periodica erunt æqualia.






THEOR. II.

Si duo mobilia æqualia æquali celeritate ferantur in circumferentiis inæqualibus, erunt eorum vires centrifugæ in ratione contraria diametrorum.

TAB. II.
fig. 1.

Sint AC, ac arcus minimi simul descripti, qui, ob æqualem in utroque mobili velocitatem, æquales erunt. Fiat arcus Am similis arcui ac, & ducator lm ad BC parallela; & erit vis centrifuga in majori circumferentia ad eam, quæ est in minore, ut lineola nascens BC ad nascentem be; sed est BC ad be in ratione composita ex BC ad lm & lm ad be; & ex præcedenti lemmate est BC ad lm, ut ACq ad Amq, & est lm ad be ut Am ad ac vel AC; quare erit $BC : bc :: ACq : Amq + Am : ac :: ACq : Amq + Amq : Am \times ac :: ACq$,
vel

TAB. XI.



E

DE VI CENTRIF. ET MOTU CIRCUL. 199

vel $acq : Am \times ac :: ac : Am$, hoc est, ut tota periph. acb ad totam periph. ACH , five ut diameter ab ad diametrum AH . Q E. D.

THEOR. III.

Si duo mobilia æqualia in circumferentiis æqualibus ferantur, sed utraque motu æquali, (qualem in his omnibus intelligi volumus) erit vis centrifuga velocioris ad vim tardioris in ratione duplicata celeritatum.

Sunt enim vires centrifugæ ut subtensæ evanescentes anguli contactus, quæ (per hæcenus demonstrata) in eodem vel æqualibus circulis sunt in duplicata ratione arcuum conterminorum: sed arcus contermini, cum sint spatia simul descripta, sunt ut velocitates; quare vires centrifugæ sunt in duplicata ratione velocitatum. Q E. D.

THEOR. IV.

Si mobilia duo æqualia in circumferentiis inæqualibus circumlata vim centrifugam æqualem habuerint; erit tempus circuitus in majori circumferentia ad tempus circuitus in minori in subduplicata ratione diametrorum.

Sint AC , ac arcus minimi simul descripti. Quia vires centrifugæ æquales sunt, erit $BC = bc$. Dicatur tempus, quo describitur periph. ACH , T , & tempus, quo describitur periph. acb , t ; fiat arcus Am similis arcui ac , & ponamus mobile aliquod eodem tempore percurrere circumferentiam $ACHA$, quo percurritur circumferentia $acba$; & in eo casu arcus in utraque peripheria simul descripti erunt Am , ac ; sed est velocitas mobilis in dato aliquo tempore percurrentis arcum Am ad velocitatem mobilis eodem tempore percurrentis arcum AC , ut arcus Am ad arcum AC ; adeoque cum tempus, quo eadem peripheria percurritur, sit semper reciproce ut velocitas, erit $T : t :: Am : AC$ & $T' : t' :: Amq : ACq :: ml : BC :: ml : bc$; hoc est, ob arcum Am similem arcui ac , ut diameter AH ad diametrum ab , unde constat, esse $T : t :: \surd AH : \surd ab$. Q E. D.

Schol. Cum in omni casu vis centrifuga sit ad vim centripetam

gam, ut BC ad *bc*, est vero $BC = \frac{ACq}{AH}$ & $bc = \frac{acq}{ab}$; erit vis

centrifuga ad vim centrifugam, ut $\frac{ACq}{AH}$ ad $\frac{acq}{ab}$; hoc est, ut

quadrata arcuum simul descriptorum ad circulorum diametros applicata; & cum arcus illi sint ut velocitates, erunt vires centrifugæ etiam ut velocitatum quadrata ad circulorum diametros applicata.

LEMMA. 2.

Si mobile in circumferentia circuli revolvatur, spatium, quod mobile recta progrediens, & urgente solummodo vi centrifuga ex motu illo circulari orta, in dato tempore percurreret, erit tertium proportionale circuli diametro, & arcui, quem, si in circumferentia circuli latum esset, eodem tempore describeret.

TAB. 11.
fig. 1.

Sit A C arcus quilibet in minima aliqua temporis particula descriptus, & designet *n* tempus quodlibet, seu numerum quemlibet istiusmodi particularum; erit $n \times AC$ arcus, quem mobile in peripheria latum in dato tempore *n* describet, & BC spatium, quod in prima temporis istius particula, urgente vi centrifuga, percurreret. Cum autem mobile omne, vi eadem in eandem semper plagam continuata, describat spatia in duplicata ratione temporum (per cor. 3 theor. 17 lect. 11 quippe quæcunque de gravitate demonstrata sunt, ea cuilibet alii vi uniformiter agenti applicari possunt), erit spatium urgente vi centrifuga in tempore *n* descriptum $= n^2 \times BC$. Sed (ut constat ex lemmate primo) est $AH : AC :: AC : BC$, & ut AC ad BC , ita $n \times AC$ ad $n \times BC$; quare est AH ad AC , ut $n \times AC$ ad $n \times BC$; & ducendo consequentes in *n*, erit AH ad $n \times AC$, ut $n \times AC$ ad $n^2 \times BC$; hoc est, diameter circuli, arcus in dato tempore descriptus, & spatium, quod urgente vi centrifuga in eodem tempore percurreret, sunt continue proportionalia. Q. E. D.

Cor. Si diameter circuli dicatur *D*, & arcus in quolibet tempore à mobili descriptus vocetur *A*, spatium, quod mobile, urgente vi centrifuga, & recta progrediens, eodem tempore

pore describeret, erit $\frac{A^2}{D}$; sunt enim $D, A, \frac{A^2}{D}$ continue proportionales.

T H E O R. V.

Si mobile in circumferentia circuli feratur ea celeritate, quam acquirit cadendo ex altitudine, quæ sit quarta parti diametri æqualis, habebit vim centrifugam suæ gravitati æqualem; hoc est, eadem vi sunem, quo in centro detinetur, intendit, atque cum in eo suspensum est.

Vocetur diameter circuli D , & periphæria P ; & cum ex hypothesi velocitas mobilis in periphæria lati uniformis sit, & æqualis illi, quam acquirit cadendo per $\frac{1}{2}D$, liquet, quod mobile æquali tempore in periphæria latum describeret arcum illius duplo æqualem, (per theorema 17 lect. 11) hoc est $= D$; unde ex lem. 2 spatium ab impellente vi centrifuga interea percursum erit $= \frac{1}{2}D$; est enim D ad $\frac{1}{2}D$, ut $\frac{1}{2}D$ ad $\frac{1}{4}D$; sed ex hypothesi spatium, quod mobile urgente vi gravitatis eodem tempore describit, est etiam $\frac{1}{2}D$; quare cum spatia à duobus hisce viribus eodem tempore percurfa sint æqualia, erunt quoque vires illæ æquales.

Cor. 1. Hinc vice versa, si mobile in circumferentia latum habeat vim centrifugam suæ gravitati æqualem, ejus velocitas est ea, quæ acquiritur cadendo per $\frac{1}{2}D$.

Cor. 2. Hinc tempus circuitus est ad tempus descensus per $\frac{1}{2}D$, ut P ad $\frac{1}{2}D$, sive ut $2P$ ad D . Nam quo tempore mobile cum velocitate accelerata percurrit $\frac{1}{2}D$, cum velocitate ultimo acquisita uniformiter motum percurreret $\frac{1}{2}D$; ac proinde cum velocitates sint æquales, erunt tempora ut spatia percurfa; hoc est, tempus, quo mobile percurrit periphæriam, est ad tempus, quo describit $\frac{1}{2}D$, ut P ad $\frac{1}{2}D$, sive ut $2P$ ad D ; sed tempus, quo describitur $\frac{1}{2}D$, est $=$ tempori casus per $\frac{1}{2}D$; unde erit tempus circuitus ad tempus casus perpendicularis per $\frac{1}{2}D$, ut $2P$ ad D .

T H E O R. VI.

In cava superficie conoidis parabolici, quod axem ad perpendicularum

lum erectum habeat, circuitus omnes mobilis circumferentias horizonti parallelas percurrentis (sive parvæ, sive magnæ fuerint) æqualibus temporibus peraguntur: quæ tempora singula æquantur binis oscillationibus penduli, cujus longitudo sit dimidium lateris recti parabolæ genitricis.

TAB. 12.
fig. 2.

Sit HGADE conoides parabolicum, cujus axis AP ad perpendiculum erigitur; GD, HE diametricirculorum, quorum peripherias horizonti parallelas mobile percurrit: quod igitur urgebitur à tribus potentiis sibi mutuo æquipollentibus secundum tres diversas directiones, quarum prima est vis gravitatis impellens mobile secundum rectam HN ad horizontis planum perpendicularem; secunda est vis centrifuga orta ex motu circulari, urgens mobile ab H versus K; tertiæ vero potentie supplet vicem resistentia, seu contrarius nifus superficiei parabolice secundum lineam HP sibi perpendicularem agens, nam reactio actioni semper æqualis est, & fit in plagam contrariam: unde cum superficies perpendiculariter à mobili prematur, hæc æqualiter reaget in corpus secundum directionem HP, & contrarius ille nifus æquipollet potentie secundum directionem HP mobile urgenti: quare cum mobile à tribus hisce potentiis sustineatur, erunt necessario sibi mutuo in æquilibrio, i. e. binæ quævis alterius effectum destruent. Unde ductâ ON ad HK parallelâ cum HN occurrente in N, si OH repræsentet reactionem superficiei parabolice, recta ON exponet vim centrifugam, & HN vim gravitatis mobilis: sed ob æquiangula triangula HON, HMP, est ON ad HN, ut HM ad MP, hoc est, erit vis centrifuga mobilis peripheriam circuli HME describentis ad vim gravitatis ejusdem, ut HM radius circuli ad MP subperpendicularem. Similiter in quavis alia peripheria GLD in superficie conoidis, vis centrifuga mobilis ipsam describentis est ad vim gravitatis, ut GB radius ad BQ subperpendicularem. Porro quoniam est vis centrifuga mobilis peripheriam HME percurrentis, ad vim gravitatis, ut HM ad MP, & vis gravitatis ejusdem mobilis est ad ejus vim centrifugam cum peripheriam GLD percurrit, ut BQ ad BG, sive (ex natura parabolæ) ut MP ad BG, erit ex æquo vis centrifuga mobilis peripheriam HME percurrentis ad vim ejus centrifugam

gam, cum percurrit peripheriam GLD, ut HM ad BG; hoc est, vires centrifugæ sunt ut semidiametri vel diametri circulatorum: unde (per cor. theor. primi) tempora periodica æquantur. Quod primo erat demonstrandum.

Accipiat jam circulus GLD talis, ut ejus diameter GD sit æqualis lateri recto parabolæ HAE, unde ex natura parabolæ erit $GB = BQ$; adeoque vis centrifuga mobilis in peripheria GLD æqualis erit vi gravitatis; est igitur (per cor. præc.) velocitas mobilis in peripheria GLD ea, quæ acquiritur cadendo per spatium æquale $\frac{1}{2} GD$, vel (ex natura parabolæ) per BA. Fiat jam OST cyclois, cujus axis, vel diameter circuli generatoris SR sit æqualis AB, & erit tempus descensus per cycloidem OS ad tempus casus perpendicularis per axem RS, vel per BA, ut $\frac{1}{2} P$ ad D (per theor. 46 lect. 15). Sed (per cor. præc.) est tempus descensus per AB ad tempus circuitus in periph. GLD, ut D ad 2 P, quare ex æquo tempus descensus per cycloidem OS est ad tempus circuitus in periph. GLD, ut $\frac{1}{2} P$ ad 2 P, sive ut 1 ad 4; unde tempus quatuor descensuum per cycloidem, sive tempus binarum oscillationum in cycloide, æquatur tempori circuitus in peripheria GLD. Est vero tempus binarum oscillationum in cycloide æquale tempori binarum oscillationum minimarum in circulo, qui cum cycloide æquicurvus est ad verticem S; eo quod portio illiusmodi circuli, & portio cycloidis ad verticem S fere coincidunt, & proinde eundem in rebus physicis præstant effectum, ut jam satis notum est. Sed radius circuli æquicurvi cum cycloide ad verticem S, vel quod idem est, radius circuli osculantis cycloidem ad verticem æqualis est duplæ RS, vel duplæ AB, (ut facile ex corol. theor. 46 lect. 15 sequitur); adeoque longitudo penduli in circulo illo oscillantis æqualis est duplæ AB sive dimidio lateris recti parabolæ genitricis. Unde tempus binarum oscillationum minimarum penduli, cujus longitudo est dimidium lateris recti, æquale est tempori binarum oscillationum in cycloide OST, vel tempori circuitus in peripheria GLD, vel in periph. HME. Q. E. D.

Cor. Hinc si mobile in circumferentia circuli ea celeritate feratur, quæ acquiritur cadendo per $\frac{1}{2}$ diametri, tempus circuitus æqua-

æquale erit tempori binarum oscillationum minimarum penduli, cujus longitudo sit semidiameter circuli.

THEOR. VII.

Si mobilia duo ex filis inæqualibus suspensa gyrentur ita, ut circumferentias horizonti parallelas percurrant, capite altero fili immoto manente, fuerint autem conorum, quorum superficies fila hoc motu describunt, altitudines æquales, tempora quoque circulationum æqualia erunt.

TAB. 12.
fig. 1.

Sit ABE conus ille, cujus superficiem describit filum AB; item ADL conus, cujus superficiem describit filum AD; sitque C centrum basis utriusque coni, & AC communis eorum altitudo. Consideretur jam mobile B tanquam à tribus potentiis sibi mutuo æquipollentibus tractum, quarum una, quæ est vis gravitatis, trahit mobile per rectam BG ad horizontis planum perpendicularem; altera secundum directionem Bm agens est vis centrifuga, qua mobile à centro suæ orbitæ C recedere conatus; tertia vero, quæ hisce duabus æquipollet, & resistit, est nifus contrarius fili secundum directionem AB agens: est enim tensio fili loco potentiae contrariæ, ac eundem in hoc casu præstat effectum. Si ergo BF repræsentet actionem fili, vis mobilis centrifuga, & vis gravitatis exponetur per rectas FG & BG (per theor. 33 lect. 14); hoc est, vis centrifuga mobilis B erit ad vim gravitatis, ut FG ad BG, sive (propter triangula æquiangula FBG, ABC) ut BC ad CA. Eodem modo erit vis gravitatis ad vim centrifugam mobilis D, ut AC ad DC: quare ex æquo erit vis centrifuga mobilis B ad vim centrifugam mobilis D, ut BC ad DC; hoc est, vires centrifugæ sunt ut semidiametri circulorum, quorum circumferentias mobilia describunt, ac proinde (per cor. theor. 1) tempora circulationum sunt æqualia. Q. E. D.

Cor. Hinc vis centrifuga est ad vim gravitatis, ut semidiameter basis coni ad coni altitudinem.

Not. Per vim gravitatis, & vim centrifugam nos in hac demonstratione intelligere vires acceleratrices mobilium, nisi mobilia ponantur æqualia, in quo casu possunt etiam sumi vires absolutæ.

THE-

THEOR. VIII.

Si duo mobilia, uti prius, motu conico gyrentur, filis aequalibus, vel inaequalibus suspensa fuerintque conorum altitudines inaequales, erunt tempora circulationum in subduplicata ratione ipsarum altitudinum.

Sint duo mobilia B & G, sintque primo coni ABD, EGH, TAB. 12.
fig. 4. quorum superficies fila describant, similes; (per corol. theorema. 7) erit vis centrifuga mobilis B ad vim gravitatis, ut BC ad AC; & erit vis centrifuga mobilis G ad eandem vim gravitatis, ut GF ad FE; sed propter æquiangula triangula ABC, GEF, BC est ad AC, ut GF ad FE, quare erit vis centrifuga mobilis B ad vim gravitatis, ut vis centrifuga mobilis G ad eandem vim gravitatis, ac proinde vires illæ centrifugæ æquales erunt: erunt igitur (per theorema. 4) tempora circuitus mobilium in subduplicata ratione semidiametrorum, hoc est, propter æquiangula triangula ABC, EGF, in subduplicata ratione altitudinum AC & EF. Sed qualescunque sint coni, quos fila describunt, modo eorum altitudines invariatae maneant, tempora circulationum etiam invariata manebunt; quare in omni casu constat veritas hujus theoremat. Q. E. D.

THEOR. IX.

Si pendulum motu conico latum circuitus minimos faciat; eorum singulorum tempora ad tempus casus perpendicularis ex dupla penduli altitudine eam rationem habent, quam circumferentia circuli ad diametrum: ac proinde æqualia sunt tempori duarum oscillationum lateralium ejusdem penduli minimarum.

Sit ADB conus, cujus superficiem describit filum, ejus altitudo sit Ac fere = AB, quia circuitus sunt minimi. Semidiametro GH = Ac describatur circulus GLFO, atque in ejus peripheria ponatur mobile revolvi celeritate, quæ acquiritur cadendo per 1/2 suæ diametri sive 1/2 D. (Per theorema. 5.) erit ejus vis centrifuga vi gravitatis æqualis; sed est vis centrifuga mobilis B ad vim gravitatis, ac proinde ad vim centrifugam mobilis in periph. GLF lati, ut Bc ad Ac sive GH: quare mobilia B & G, cum vires centrifugæ sunt ut radii, tempora circu-
cu-

TAB. 12.
fig. 5.

culationum æqualia habebunt (per cor. theor. 1). Est vero tempus descensus per GF, sive D ad tempus descensus per I D, ut D ad I D (per cor. 3 theor. 17 lect. 11), & est tempus descensus per I D ad tempus circuitus in periph. GLG, ut I D ad P: quare ex æquo erit tempus descensus per D ad tempus circuitus in periph. GLF, sive ad tempus circuitus penduli ABcD, ut D ad P. Pars posterior theorematum liquet ex corollario theor. 6.

Cor. Hinc cum tempus casus perpendicularis est in subduplicata ratione spatii à gravi cadente percurri, erit tempus descensus ex altitudine penduli ad tempus circulationis minime, ut $\sqrt{I} \times D$ ad P.

THEOR. X.

Si mobile in circumferentia feratur, circuitusque singulos absolvat eo tempore, quo pendulum longitudinem semidiametri circumferentia ejus habens, motu conico circuitum minimum absolveret, vel duplicem oscillationem minimam lateralem; habebit vim centrifugam suæ gravitati æqualem.

TAB. 12.
fig. 5.

Quia mobilia B, G (ex hyp.) æquali tempore circuitus suos absolvunt, erit vis centrifuga mobilis B ad vim centrifugam mobilis G, ut Bc ad GH, sive Bc ad Ac, est vero ut Bc ad Ac, ita vis centrifuga mobilis B ad vim gravitatis (per cor. theor. 7); quare (per 9. 5 Euclidis) erit vis centrifuga mobilis G æqualis vi gravitatis. Q. E. D.

THEOR. XI.

Penduli cujuslibet motu conico lati tempora circuitus æqualia erunt tempori casu perpendicularis ex altitudine penduli filo æquali; cum angulus inclinationis fili ad planum horizontis fuerint partium 2, scrup. 54 proxime: exactè verò, si anguli dicti sinus fuerit ad radium, ut quadratum circulo inscripto ad quadratum à circumferentia.

TAB. 12.
fig. 6.

Sit pendulum, cujus filum describat superficiem conicam CAD talem, ut sit sinus anguli ACE ad radium (hoc est, AE ad AC), ut I D ad P. Sit etiam AFC superficies conici, quem penduli filum motu minimo lati describit, cujus proinde altitudo

tudo $AB = AF = AC$. Erit (per theor. 8.) tempus circuitus mobilis F ad tempus circuitus mobilis C in subduplicata ratione AB sive AC ad AE ; est vero ut AC ad AE , ita (ex hypoth.) P ad D ; quare erit tempus circuitus mobilis F ad tempus circuitus mobilis C in subduplicata ratione P ad D , hoc est, in ratione P ad $\sqrt{1} \times D$. Est vero ut ad $P \sqrt{1} \times D$, ita (per cor. theor. 9) tempus circulationis minimæ, hoc est, tempus circulationis mobilis F , ad tempus casus perpendicularis ex penduli altitudine; quare tempus circuitus mobilis F eandem habet proportionem ad tempus circuitus mobilis C , quam habet ad tempus casus perpendicularis ex altitudine æquali longitudini penduli; ac proinde (per 9 elem. 4) tempus circuitus mobilis C æquale erit tempori casus perpendicularis ex altitudine æquali longitudini penduli. Q. E. D.

Cum autem sit P ad D circiter, ut 314 ad 100, erit P ad D , ut 98596 ad 5000. Est autem AC ad AE ex prius demonstratis, ut P ad D ; quare est 98596 ad 5000, ut AC ad AE : & ut AC ad AE ita (per trigonometriam) est sinus anguli ACE seu radius 100000 ad sinum anguli ACE . Est autem ut 98596 ad 5000, ita 100000 ad 5070, qui igitur est sinus anguli ACE , cui quamproxime respondent gradus 2 scrupula 54.

THEOR. XII.

Si pendula duo pondere æqualia, sed inæquali filorum longitudine, motu conico gyrentur, fuerintque conorum altitudines æquales, erunt vires, quibus fila sua intendunt, in eadem ratione, quæ est filorum longitudinis.

Constat ex theor. 7. Nam vis gravitatis est in utroque cono ad tensionem fili, ut altitudo cono ad longitudinem fili; cumque eadem sit conorum altitudo, patet, tensiones filorum esse eorum longitudinibus proportionales. Q. E. D.

THEOR. XIII.





Si pendulum simplex oscillatione laterali maxîma agitetur, hoc est, si per totum circuli quadrantem descendat, ubi ad punctum inum circumferentiæ pervenerit, tripla majori vi filum suum trahet, quam si ex illo simpliciter suspensum foret.

Sit

TAB. 11.
fig. 7.

Sit pendulum AB per quadrantem FB motum bifecetur AB in C, per quod ducatur CE ad AB perpendicularis circumferentiæ occurrens in E. Si pendulum solummodo per arcum EB descenderet, acquireret in puncto B eandem velocitatem, ac si per CB $\frac{1}{2}$ diametri descendisset (per corollarium primum theor. 38 lectionis XV.); adeoque (per theor. 5) habebit in puncto B vim centrifugam suæ gravitati æqualem: & proinde gravitas, & vis centrifuga simul junctæ dupla majori vi filum trahent, quam si sola adesset gravitas. Si vero pendulum elevetur ad F, post descensum ad B eandem acquireret velocitatem, ac si per AB cecidisset. Est vero AB ad BC in duplicata ratione velocitatis acquisitæ in descensu per AB ad velocitatem acquisitam in descensu per BC; quare etiam erit AB ad BC (per theor. 3), ut vis centrifuga mobilis in puncto B post descensum per FB, ad vim centrifugam in puncto B post descensum tantum per EB; adeoque vis centrifuga mobilis post descensum per FB dupla erit vis centrifugæ post casum per EB; hoc est, vis centrifuga in puncto B post casum per FB dupla erit vis gravitatis: quare filum à vi centrifuga, & vi gravitatis simul, & secundum eandem directionem agentibus tripla majori vi trahitur, quam si à sola gravitate tenderetur. Q. E. D.







INTRODUCTIO
A. D
V E R A M
ASTRONOMIAM,
S E U
LECTIONES ASTRONOMICÆ

Habitæ in Schola Astronomica Academiæ
OXONIENSIS,

Authore

IOANNE KEILL, M. D.

Astronomiæ Professore Saviliano: R. S. S.

INTRODUCTION

BY

M. A. R. A. M.

MAIMONIDE

V. 2

LECTIONES ASTRONOMICAE

LIBER PRIMUS

OXONIAE

1711

JOHANNES KEPLER

1630

NOBILISSIMO ET HONORATISSIMO
D.^{NO} D.^{NO} JACOBO
D U C I
D E
C H A N D O S,
M A R C H I O N I E T C O M I T I
D E
C A R N A R V O N.



UM inter Mathematicæ Scientiæ studia primatum merito sibi vindicavit, & obtinuit Astronomia; Felicitati illius tribuam, an virtuti Hominum; quod in omni ætate & populo, primarios Principesque Viros, præ cæteris longe disciplinis, sortita fuerit Fautores? Digneris itaque, Vir Nobilissime, in hujusce libri patrocinium vocari, quem si parum tibi commendat, aut Operis, aut Auctoris meritum, id abunde compensabit Argumenti Dignitas. Cujus enim Tutelæ potius se committat Astro- rum descriptio, quam illius Viri, cujus si sapientiam spectemus, inter eos primus est, qui *Astris dominantur*? Ad quem potius confugient Nostra hæc de Cæli siderum- que motibus Tentamina, quam ad Virum Cælestis illius Regis observantissimum, qui *numerum solus no- vit, & Stellarum nomina*?

D E D I C A T I O

Tu nimirum inter paucissimos unus es, cui Sacroum Administratio ita imprimis est curæ, ut proprii tui ipsius domicilium non ante jaceres fundamenta, quam Templum pulchre instauratum Deo consecraveris. Neque interim de cultu minus, quam de Templo adornando sollicitus, Pietatis officium excitasti Musicæ adminiculo, & Harmonicum induxisti chorum, Sphærarum, pene dixerim, concentibus æmulum.

Te omnes, Vir Insignissime, cum admiratione intuentur, & dum virtutes imitari contendunt, assequi desperant. In Publicis negotiis obeundis quis acutior? In rebus domesticæ vitæ disponendis quis expertior? In Rationibus computandis, & exigendis providus, & frugalis. In pecuniis erogandis liberalis, in largiendis magnificus.

Ita de litteris simul, & Litteratis præclare meritus es, ut dum optimarum Artium studio animum penitissime excolis, earundem Artium studiosis, materiam pariter, & incitamentum subministres. Ita illius præcipue Scientiæ, cujus Elementa Tibi offero, utilitati prospicis, & incremento, ut in pulcherrimo, quod jam extruis, Ædificio, splendide curaveris, ne vel *Astronomicis Speculatoribus* locus peridoneus, vel aptissima Observatoribus desiderentur instrumenta.

Stupendum itaque illud, & per universum Orbem mirabile Telescopium, quod Societari apud Anglos Regiæ donavit illustrissimus *Hugenius*, unanimi omnium consensu, in vestras Ædes transferendum, ibique asservandum decernitur. Neque enim Clarissimi illi Viri dignius excogitare poterant *Hugenianæ Machinæ* Domicilium, aut digniorem Chandosano Domicilio Machinam.

Quod

D E D I C A T I O.

Quod si opusculum hoc inter pretiosa Musei tui ornamenta (inter Constellationes Stelliculam) collocare non dedigneris, utcunque proprii & nativi luminis nihil præ se ferat, mutuatitia satis luce splendebit, & reflexis illustrabitur radiis.

*Illustrissima Meritissimaque Dignitatis,
Nobilitatis, & Magnitudinis Tue*

Observantissimus Cultor

JOAN. KEILL.

PRÆFATIO.



INTER alia, quæ benignissimus Deus humano generi multiplicia impertivit dona, illustria imprimis illa sunt, quæ in artium & disciplinarum cognitione consistunt; & inter artes & disciplinas, ut antiquitate & voluptate, ita & utilitate non postremum locum tenet Astronomia, quæ mirabilem naturæ Harmoniam (qua rerum omnium creaturarum compages & machina constructa constitutaque cohaeret) perscrutatur & observat; Corporum caelestium motus, motuumque momenta, viresque, unde oriantur, trutinat & pensat. In hac scientia magni Heroes à primis statim mundi incunabulis sibi imprimis elaborandum duxerunt. Adeo ut Astronomia semper fuit Regum & Imperatorum doctrina; unde Chaldaei, Magi, & Philosophi plurimum auctoritate & gratia apud priscos Reges valuerunt, quos utpote in Divina siderum scientia instruebant: absurdum enim esse, turpeque censebant hi Reges, mundo imperare, & quid sit mundus nescire.

Astronomia Regum & Imperorum scientia.

Astronomia Religioni maxime inservit.

Astronomiæ præstantia exinde patet, quod nulla est lumine naturæ nota scientia, quæ ad cognitionem Summi & Omnipotentis, Dei Cæli Terræque conditoris magis nos ducit, nulla solidiora administrat argumenta, quibus ejus existentia demonstratur, quam ea: non aliunde magis evincitur Dei Potentia, summaque Sapientia, quam ex siderum motuumque caelestium contemplatione. Cæli enarrant Gloriam Dei, & Firmamentum annunciat opera manuum ejus, inquit sanctissimus Rex & Propheta David; & rursus; Annunciantur Cæli Justitiam ejus, & videntur omnes populi gloriam ejus.

Cicero de Natura Deorum. lib. 2.

Sed & Marcus Tullius Cicero rationis tantum lumine ductus in hanc sententiam devenit. Nihil, inquit, potest esse tam apertum, tam perspicuum, cum Cælum intueamur, cœlestiaque contemplati sumus, quam esse aliquid numen præstantissimæ mentis, quo hæc reguntur. Nihil certe magis rapit

pit animos hominum in Dei admirationem, reverentiam & amorem, quam tot tantaque corpora & lumina caelestia, quæ visui pulcherrima, & intellectui jucundissima sunt. Eorum obviations ad invicem, motus ordinatissimi, certissimæ & determinatæ Circulationes, divinitusque præscriptæ Reversionum leges in concinnitate admirabili, summam Dei Potentiam, Sapientiam, Bonitatem & Providentiam anifestant. Quibus præceptis, ad Universi hujus Auctorem & Conditozem, admirandum, venerandum, semperque celebrandum impellimur.

Præterea Astronomia mentes hominum tot sublimibus speculationibus, de tot tantisque, tamque longe diffitis corporibus, mirifice delectat, & summa jucunditate recreat. Hinc canit Ovidius *Fastor. lib. I. v. 297.*

Astronomiæ Jucunditas & Certitudo.

Felices Animæ, quibus hæc cognoscere primis,
Inque Domus superas scandere cura fuit.
Credibile est illos pariter viisq; jocisque
Altius humanis exseruisse caput.
Non Venus & vinum sublimia pectora fregit;
Officiumque fori, militiæque labor.
Nec levis ambitio, perfusave gloria fugo,
Magnarumve fames sollicitavit opum.
Admovere oculis distantia sidera nostris,
Ætheraque ingenio supposuere suo.
Sic etiam Virgilius. *Georg. lib. II. v. 490.*
Felix qui potuit rerum cognoscere causas,
Atque metus omnes, & inexorabile fatum
Subjecit pedibus.

Astronomia certitudine, & evidentia demonstrationum, ne quidem Geometriæ cedit. Usu latissime patet, & amplitu line subje- Astronomiæ Perfectione.
cti per omne mundanum spatium diffunditur. Nam inter scientias artesque omnes liberales. nulla est, quæ aut plura, aut majora, aut longius diffusa contemplatur objecta, quam Astronomia, sed nulla quoque est, in qua pauciores adhuc restant resolvendi nodi, nulla in qua minores supersunt exigendi scrupuli, nulla ad perfectionis culmen propius perducta est, quam Divina hæc scientia.

In reliquis plerisque disciplinis quidam inextricabiles occurrunt Labyrinthi; eas non parvæ premunt difficultates, multæ.

interjectæ reperiuntur nebulae mentis aciem obtundentes, & densa caligine involventes, quæ ulteriorem investigationem probibent. At corporum celestium motus nunc certo cognoscuntur, motuumque causa demonstrantur, Phænomenonque rationes percipiuntur.

Minimarum quarumcunque stellarum, quarum distantia est immensa, tam Longitudines quam Latitudines, seu in cælis loca nunc dierum accurate habentur, & in Catalogis inferuntur. At Geographia interim nobis paucarum urbium Longitudines & Latitudines certo ostendit; adhuc restant multæ Terræ incognitæ, plurimæ inexploratæ regiones, & plurimum earum, quæ majores appellantur Continentes, vix quicquam præter littora nobis innotescit, & quod mirum forte videbitur, locorum positiones, in exiguis, & maxime notis, utpote peragratissimas atque lustratis provinciis, incertæ admodum sunt, ut ex mappis, seu chartis Geographicis sibi invicem contradicentibus manifestum est.

Prædicunt Astronomi, in multa futura secula, Solis Lunaque defectus, Planetarum Conjunctiones, Oppositiones, atque Aspectus qualescunque mutuos, & quæ futuræ sunt stellarum omnium à Polo distantia, quamvis corpora hæc immenso à nobis & à se invicem locentur intervallo. In Meteorologicis interea peritissimus ne divinare quidem potest, qualis futurus sit crastino die nostræ Atmosphæræ status, quæ ad pauca tantum passuum millia extenditur; num scilicet facies cæli serena aut pluviosa sit futura, aut ex qua regione spiraturus sit ventus; nec adhuc notum est, à quibus causis ejusmodi oriuntur effectus.

Philosophorum nemo figuras minutissimam materiam particularum hætenus perspexit; aut vulgarissimæ cujusvis verborum texturam, formam internam, partiumve compositionem detexit; nec Medicus quisquis est, qui rationes virtutum, & operationum, quas in corpora humana exercent medicamenta indagavit. Immo in corporibus animatis & vegetabilibus, Fons & Principium motus inscrutabile esse videtur, & mysterii instar à nostro sensu & intellectu longissime disjunctum, nec fortasse ad ejus cognitionem plenam perfectamque sumus unquam perventuri. Sed longe alia est Astronomorum ratio, quibus id datur negotii, motus corporum celestium, non eorum naturas contemplari, & Phænomenon, quæ ex motu oriuntur rationem reddere. Hi non
tan-

tantum determinant quales quantique sunt illi motus ; Sed describunt semitas , per quas in immensis spatii regionibus , feruntur errantes Cometa . Proprietates orbitarum Geometricas , & legem immutabilem , cui in lineis peragrandis semper obsequuntur , declarant . Nec Astronomos latet , in qua spatii parte , & in quibus temporibus Planetæ singuli longissime à Sole decedunt , minimamque caloris atque luminis partem ab eo recipiunt . Unde rursus digredientes , Sol ipsorum motus continuo accelerat , eosque versus se trahit , donec ipsos ad ea spatii puncta perduxerit , ubi maxime propinquos , maximè etiam perfundit luce , & gravitate ciet .

Hæc pleraque præcedentis Sæculi magistris innotuere ; sed in nostra tandem ætate , & in nostra Britannia , exortus est vir plane Divinus Isaacus Nevvtonus , qui præter alia inventa innumera , originem & fontem motuum cælestium reclusit , & legem illam Catholicam deprehendit , quam Omnipotens & Sapientissimus Creator per totum universæ Naturæ Systema diffudit . Scil. quod corpora omnia se mutuo trahunt , in reciproca distantiarum à se invicem ratione duplicata .

Hæc Lex quasi ligamentum Naturæ , & principium illius , quæ universalem rerum fabricam conservat , unimis , tam Cometæ , quam Planetas in propriis orbitis & intra limites datos detinet , prohibetque ne ulterius à se invicem recedant , & in spatia infinita excurrant ; uti foret si corpora vi tantum insita moverentur .

Eodem viro monstrante nobis innotuit lex , quæ regit & temperat motus cælestes , orbitis limites ponit ; Planetarum longissimos excursus , & accessus ad Solem maxime propinquos , determinat . Huic incomparabili viro debetur , quod novimus , unde sit , ut tam constans & regularis proportio semper observetur inter Planetarum Periodos atque eorum à Sole distantias , & cur motus cælestes in tam pulchra , tamque mirabili Harmonia peraguntur & semper conservantur . Perpensis motuum legibus , & probe trutinatis , ex iis novam Lunæ Theoriam construxit Nevvtonus , quæ omnibus ejus inæqualitatibus accurate satis respondet , qualem quidem antea sperare nemini licuerit ; ex illa enim Theoria computatus Lunæ locus vix sen-

sibili quantitate, plerumque ab observato differt; ut inde navigantibus nova emergere possit spes, inveniendi in mari Longitudinem loci, u'ti navis versatur, quod est Problema maxime desideratum.

Nihil est quod humani intellectus vim atque penetrationem magis demonstrat, quam magna hæc & mirabilia inventa, non alio certius modo, mundanæ machinæ portentosam molem, animo comprehendere possumus, aut opificii Divini stupendam pulchritudinem rectius æstimare, & sapientiam admirari valeamus, quam per Divinas hæc leges nunc tandem repertas. Eæ nobis repræsentabunt magnificam & nobilem mundani Systematis imaginem. Hinc discimus, Terram hanc, quam nos colimus, exiguam admodum esse, & vix notabilem totius splendidissimæ fabricæ partem; cum fere infiniti sint mundi, Entis summi & omnipotentis opera producti, qui nostro habitaculo sunt longe majores, in quibus disponendis & regendis, Potentiam & Sapientiam infinitam Ens illud supremum exerceat. Psal. 148. Qui dixit, & facti sunt cœli, ipse mandavit & creati sunt. Statuit eos in æternum, iis legem dedit, quam transgredi nequeunt.

Astronomiæ usus in aliis artibus.

In Geographiâ & Chronologia

Sed nec Astronomiæ usus solummodo in excolendis animi viribus, & dulcissima rerum, quas speculatur cœlestium contemplatione perspicitur, sed latius patet, & artibus & disciplinis maximo est adiumento. Quibus enim in tenebris errarent Geographus, & Chronologus, Astronomiæ luce destituti? Astronomia duce, Telluris figuram, & magnitudinem, locorum situm & distantias investigamus; illius auxilio certam anni mensuram, & res gestas secundum temporum seriem dispositas signamus. Ex hisce satis intelligitur, quam utilis humanis rebus sit Astronomia, sine qua, nec Geographiæ nec Chronologiæ, & proinde nullus quoque esset Historiæ locus.

In Navigatione.

Sed inter omnes, quas promovet, Scientias Astronomia, non alia plus ex ea incrementi cepit quam Navigatio, cujus beneficio, per vastum Oceanum iter non devium tenentes, ultimas terrarum oras invisunt naves nostræ. Hinc mutui commercii exsurgunt commoda; & quicquid aliæ Terræ vel pretiosum vel delectabile ferunt, id omne sine ea, qua laborant illæ caloris aut frigoris in-

tem-

temperie, nos domi manentes excipimus. Navigationis peritiae debetur illud, quod sibi vendicat Britannia, Oceani Imperium, nec ulla gens à littoribus nostris tam remota est, quam non ab injuria nostris hominibus inferenda deterreat armata Britannica Classis.

Ut Ars navigandi magna ex parte pendet ab illa, quam de astrorum motibus habemus, Scientia; ita vehemens, quæ Reges & Principes incessit cupido, longinquas & ignotas explorandi regiones, eos impulit ad Astronomiam diligenter excolendam. Primus & Nautarum maximus fuit Neptunus, qui ob artem suam Oceani Deus celebratur; cujus filius Belus Astronomiæ peritus ejus ope incolas ex Lybia in Asiam traduxit, ubi Collegia Astronomorum instituit. Nam Diodorus Siculus in Historiarum libro primo, parte secunda, ita scribit. Tradunt, inquit, Ægyptii, Belum, Neptuni Lybiæque filium colonas traduxisse in Babyloniam, qui Sacerdotes (hos Babylonii Chaldæos vocant) instituit, qui more Ægyptiorum astra observarunt. Ante hunc vero vixit Atlas Mauritaniae Rex, Astronomiæ scientissimus, qui de Sphæra primus inter homines disputavit; Unde in Æneide, Virgilius introducit Iopam canentem ea, quæ tradidit Atlas.

Astronomiæ antiquitas, & primi Astronomi.

Docuit quæ maximus Atlas,

Hic canit errantem Lunam, Solisque labores.

Sic Uranus quoque Rex istius populi (qui incolunt terras juxta littus Oceani Atlantici sitas) ob peritiam in motibus celestibus à Diis originem traxisse perhibetur. Zoroaster apud Persas, Philosophus ut Astrorum scientissimus ab omni antiquitate celebratur. Talis enim apud antiquos fuit hujus Artis bonos, atque dignitas, ut cum ea maxime delectarentur Reges, Regia Scientia appellabatur. Reges enim in Africa & Syria primam invenere & excoluere; idque longe ante quam quidquam de ea Græciæ innotuit, ut agnoscit Plato in Epinomide. Primus, inquit, harum rerum spectator Barbarus fuit. Antiqua enim Regio illos alluit, qui propter æstivi temporis serenitatem primi hæc inspexerunt, talis Ægyptus & Syria fuit, ubi stellæ omnes clare cernuntur, quoniam cæli conspectum, nec pluviae interceptant, nec nubes: Quoniam

niam

niam vero magis quam Barbari ab æstiva distamus serenitate, horum siderum ordinem tardius intelleximus. Sic etiam Lucianus ^{τῶν ἀστρονομῶν}, narrat, Æthiopes primos ad coelestes motus attendisse, qui luminarium causas scrutati, Lunam propria luce carere, & à Sole mutuari cognoverunt. Hoc certum est, Astronomiam à primis fere mundi initiis, ab orientalibus terræ populis fuisse exortam. Nam si Porphyrio credendum sit; capta per Alexandrum magnum Babylone, Calysibenes, rogatu Aristotelis, transtulit ex ea urbe in Græciam observationes fere duo millia annorum; Plinius etiam in Historia naturali scribit, quod Epingenes docet, fuisse apud Babylonios observationes septingentorum & viginti annorum cœlestibus laterculis inscriptas; Et Achilles Tatius in principio Isagoges ad Arati Phænomenon, Ægyptios primos omnium tam cælum quam terram esse dimensos, ejusque rei Scientiam, columnis incisam, ad posteros propagasse; Chaldæi tamen hujus inventi decus ad se transferunt, idque Belo tribuunt. Ab Ægypto omnem doctrinam suam Astronomicam hauserunt Græci. Nam agnoscit Laertius, Thaletem, Pythagoram, Eudoxum & alios multos, illam adiisse regionem, ut in Mysteriis Scientiæ Sideralis initiarentur; Hi non tantum inter primos, sed & maximos Græciæ Philosophos extitere; & ab eodem discimus, quod qui in ea regione diutius morabantur, post reditum in Patriam celeberrimi fuere ob Geometriæ & Astronomiæ peritiam; sic Pythagoras, qui septem annos in Sacerdotum consortio apud Ægyptios vixit, & in ipsorum Sacris fuit initiatus, præter multa Geometrica, domum secum attulit verum mundi Systema, priusque in Græcia docuit, Tellurem atque Planetas circa Solem tanquam centrum revolui, motum autem Solis & Stellarum fixarum diurnum non realem esse, sed apparentem, ortum ex motu Terræ circa Axem. Tum temporis nemo pro Philosopho habebatur, qui Mathematicis Scientiis non fuit optime instructus.

Astronomia
potest
neglecta.

At cito neglecta jacuerunt hæ Scientiæ; Philosophi enim posteriores à prioribus multum degeneres, tempus in tricis & nugis tercebant: omisso quippe scientiarum sublimium studio, sophismata quærebant, quibus sibi & sensui hominum communi imponere vole-

colebant, verum etiamſi à Philoſophorum vulgo, in exilium acta eſt Aſtronomia, à quibusdam tamen (pauciſſimis licet) recepta, & excolta fuit, præcipue in Schola Pythagorica, quæ per multos annos in Italia floruit, in qua extit runt magni Viri Philolaus, & Ariſtarchus Samius. In Ægypto quoque Reges Ptolemæi, maximi Literarum Patroni, Scholam Aſtronomiam Alexandriæ fundaverunt, ex qua etiam prodierunt magni, & celebres Aſtronomi, quorum Princeps fuit Hipparchus, qui referente Plinio, aulus eſt etiam rem Deo improbam annuſumere, poſteris ſtellas, cœlo in hæreditatem cunctis relicto; Hic urriusque ſideris deſectus in ſexcentos annos præcunxit. Super Hipparchi obſervationibus ædificata eſt magna illa, & pretioſa Ptolemæi Syntaxis; nam ab iis deduxit Equinoctiorum præceſſionem, & Theorias motuum Planetarum.

Ægypto per Arabes detollata, & Alexandria capta, Viſtores Aſtronomiam, aliasque Artes liberales in ſuum receperunt patrocinium, & quamplurimos ſcientiarum libros ex Græcia, in proprium ſermonem verti curaverunt.

Ex Africa in Hiſpaniam tranſcuntes Arabes, ibique cum Occidentalibus Europæis commercia exercentes, Aſtronomiam quoque artis cognitionem iis tradiderunt; cum hæc ante in Europa fere obliterata latuiſſet. Jubente itaque Imperatore Friderico ſecundo circa annum Chriſti 1230., Ptolemæi Syntaxis magna ex Arabica in linguam Latinam translata eſt.

Poſt illud tempus à maximis Viris, atque ſummis Philoſophis excolta eſt Aſtronomia, inter quos eminent Alphoñſus Caſtellæ Rex, ob tabulas, ex ipſius nomine Alphoñſinas dictas, ſemper celebrandus; Nicholaus Copernicus non tantum diligens obſervator, ſed & Syſtematis Pythagorici antiqui Reſtaurator. Willielmus Princeps, Haſſiæ Landgravius, qui Quadrantes &, Sexantes prioribus longe majores ad altitudines, & diſtantias ſyderum dimetiendas adhibuit. Hujus Principis obſervationes editas à Snellio habemus. Dominus Henricus Saviilius tam in Aſtronomia, quam in Geometria peritiſſimus, Vir à nobis maxime bonorandus, qui profeſſionem noſtram Aſtronomiam, Sociamque Geometricam, in Academia Oxoniënſi ſux-

da-

davit, amplisque stipendiis donavit; cujus memoria ob hæc & alia plura in rem litterariam collata beneficia, gratissimo animi affectu semper est celebranda. Tycho Braheus nobilis Danus, seculi sui Atlas, qui observandi peritia, omnes, qui ante ipsum extiterunt, vicit; instrumentorum suppellectili Reges omnes, & Principes longe superavit; Is Catalogum fixarum 770. quam diligentissime observatarum edidit. Joannes Keplerus Astronomus optimus, laboribus Tyconis fretus, Systema mundi, legesque motuum veris adinvenit, & Astronomiam in immensum auxit. Ejus opera Orbi Litterato sunt notissima, & amplissimas Auctoris laudes prædicant. Gallilæus Gallilæi Lynceus, qui sub optici beneficio, nobis plurima nova cæli Phenomena patefecit; Comites Jovis eorumque motus; Saturni phases varias; luminis incrementa, & decrementa, quæ Venus subiit; Lunæ superficiem inaequalem, & montibus asperam; Solares maculas, & Solis circa Axem revolutionem, primus demonstravit. Non dies integra sufficeret, si debitis cum laudibus nominarem Hevelium, qui Catalogum fixarum Tychoniano longe amplius ex propriis observationibus edidit; Illustrissimos Viros Hugenum & Cassinum, qui primi Saturni Comites, & annulum conspexere; Gallendum, Horoxium, Bulialdum, Wardum, Ricciolum, aliosque plures magni nominis Astronomos. Quos tamen ob maxima in rem Astronomicam merita, antecellit Vir celeberrimus Edmundus Halley, hujus Accademiae Geometriæ Professor Savilianus, Collega meus amicissimus, cujus laboribus non parva debentur Astronomiæ incrementa. In hoc Viro, quod nescio an alii mortaliū ulli præterea contigerit, elucet summa in Astronomia Practica habilitas, cum præcellenti rei Geometricæ Scientia conjuncta. Quod per Tabulas Astronomicas, quas brevè nobis daturus est manifestum patebit, hæc enim alias omnes ante editas, vel posthac forsitan edendas, longe antecellunt.

Alios quam plurimos, nisi longum foret, possum commemorare nostrates, qui de Astronomia optime meriti sunt. Sed præterea non est Joannes Flamstedius Astronomus Regius, qui indefesso labore, per triginta & plures annos continuato, cæle invigilavit, innumeras observationes de Sole, Luna &

Pla.

Planetis, amplissimis instrumentis exquisita arte diuisis, & tubo optico instructis, factas consignavit. Unde hujus Astronomi accuratis observationibus magis fidendum erit, quam aliorum ante illum, qui oculo inermi sidera intueri aggressi sunt. Composuit præterea Flamsteedius, Catalogum Fixarum, Britannicum, in quo exhibentur ter mille Fixæ; hoc est, fere duplo plures, quam, quæ in Catalogo prostant Heveliano, quibus singulis adjunxit propriam Longitudinem, Latitudinem, Ascensionem Rectam, Distantiam à Polo, cum Variatione Ascensionis Rectæ, & Distantiæ à Polo, dum Longitudo uno gradu mutatur. Historiam Cælestem Britannicam, quæ utrumque Opus, observationes scilicet & Catalogum complectitur, breui, ut audio, editurus est ipse Flamsteedius.

Inter tot Astronomiæ adjumenta & lumina, desiderabatur adhuc Uniuersa quædam & consummata Cælestium Phænomenon Theoria, secundum rerum veritatem causasque Physicas explicata, & in unum corpus redacta; quam magno Eruditorum omnium plausu absolvit tandem, & in lucem edidit, Clarissimus Dominus Gregorius, insignis nostræ Professionis decus, & Præceptor meus mihi ad extremum vitæ Spiritum gratissima usque memoria recolendus, cui scilicet quid ego in hisce studiis profecerim, id illi omne acceptum refero.

Interim fatendum est, opus illud Gregorianum, minus videri ad discendum captum accommodatum; multa enim complectitur, quæ reconditoris Geometriæ cognitionem postulant, qualem in Tyronibus raro reperire licet, qui tamen in Astronomiæ elementis possunt instrui. Præterea ubique mixtim traduntur motus cælestes, cum ipsorum causis Physicis, quæ duæ res, simul à Tyronibus addiscendæ, eorum mentes nimium distrabunt, & doctrinam difficilem reddunt; unde ergo satius duxi, motus primum explicare, & Phænomenon, quæ ex iis oriuntur, rationem reddere, quibus perspectis, facilius ad Physicam fit transitus.

In hunc finem, sequentes composui Lectiones, quas in Schola Astronomica, prout officii mei ratio postulabat, habui, in quibus imprimis operam dabam, ut motus cælestes perspicue quantum offim, explicentur, & Phænomenon inde orientantur

rationes reddantur; eorum maxime, quæ paucarum in Geometria propositionum subsidio intelligi possunt. Ideoque considerem, ut Tyrones, qui Astronomiam addiscere cupiunt, Euclidem ante oculos ponant, eumque adiant, quoties Propositiones aliquas à nobis citatas inveniunt. Sunt autem Propositiones numero perpaucae, quales sunt Prop. 13, 15, 27, 28, 29, 32, 47 Elementi primi. Item 16, 18, 20, 31, 35, 36, 37 Elem. Tertii. Item 4, 5, & 6 Elem. sexti. Optamus quoque, ut Tyrones in Trigonometria Plana, & Sphærica probe instructi sint; Quod si sint aliqui, qui principia Astronomica addiscere volunt, & tamen Trigonometriam nesciunt; quales futuri sunt, ut credo, plures, ab illis hæc postulamus concedi. Nempe, quoniam in omni triangulo tam Sphærico, quam Plano sint tres anguli, & tria latera: horum sex, datis tribus quibusvis, quorum in triangulo rectilineo unum sit latus, reliqua inveniri possunt; quod docet Trigonometria, cujus usus in Astronomia latissime patet, ejusque auxilium ubique conspicitur.

Sunt præterea quædam in nostra Astronomia, quæ ampliorem in Geometria cognitionem desiderant; qualia sunt, quæ de Theoriis Planetarum Ellipticis, à Keplero inventis, tradidimus. Sed Tyrones, qui de particularibus hisce sunt minus solliciti, possunt ea præterire. Rogo etiam Tyrones, qui parum in Astronomia antea versati sunt, ut post explicatas in Lectionibus XI. & XII. generales Eclipsium causas, reliqua relinquunt, & postquam rite satis instructi fuerunt in Doctrina Sphærica in Lect. XIX. & XX. à nobis tradita, denuo eadem repetant. Qui nostra hæc prius intellexerint, possunt optimo cum fructu eximium illud Gregorianum opus legere, & causas motuum Physicas exinde addiscere.

In gratiam potissimum Juventutis Accademicae has Lectiones adendas curavi, qui per eas semel in Schola recitatas minus proficere valent. Unde mihi reservo potestatem, easdem iterum, quoties visum fuerit, in Schola habendi, ubi siquid in illis obscurius dictum sit, dabo operam, ut illud in clariore luce exponatur. Auditores autem nostri hoc pacto, ubi semel nostras Lectiones perlegerint, quotiescumque easdem denuo publice recitatas audiant, possint de locis difficilioribus, & minus intellectis nos consulere, & dubijs suis proponere, prout Statuta nostræ Accademiae requirunt.

LE.

LECTIONES ASTRONOMICÆ.

LECTIO I.

De Motu visibili seu Apparente.



Stronomiæ elementa traditurus, corporumque longissime distitorum motus, motuumque Phenomena explicaturus, ut ea omnia à Tyronibus melius intelligantur, necessarium duxi quædam in genere de motu visibili seu apparente præfari.

Et primo cum oculus ea corpora tanquam quiescentia spectat, quæ inter se eandem semper conservant distantiam visibilem, & quorum, oculi respectu, idem manet situs, eadem posido, atque invariata distantia; eorum tantum corporum motus nostro objiciuntur visui, quæ vel inter se, vel oculi respectu, situs, & positiones mutant.

Quæ corpora quiescere videntur.

Quæ moventur.

Vel ut paulo aliùs hanc rem ex propriis principiis deducamus, sciendum est apud Opticos demonstrari, Corpus omne, quod videtur, imaginem suam depictam habere in fundo oculi super tunica Retinæ, cujus superficies Sphærica est, idque fieri ope radiorum lucis à visibili prodeuntium. Porro cujuslibet puncti imaginem eum obtinere locum quem radii à puncto visibili prodeuntes, & refractione convergentes in retinâ offendunt. Portio peripheriæ A B anteriorem oculi superficiem repræsentet, cujus fundus seu Retina sit D G, illa scil. tunica quam extremitates nervi optici componunt, atque oculi centrum sit C. Imago puncti F erit in recta F C H atque ideo in puncto H, sicut imago puncti E erit in L; Radii enim lucis à pellucidis oculi tunicis atque humoribus ita refranguntur, ut qui ex F proveniunt ad H convergant, & qui à puncto E digrediantur

Quomodo fit visio.
TAB. 13.
fig. 1.

P

in

in L convenient, & in iis locis vellicatis nervis, sensationem visus excitabunt.

Hæc res experientiâ certa & explorata est. Nam si hominis recens defuncti, aut illius defectu bovis oculus è capite evellatur; ablata opacâ Choroidis membranâ, quæ cerebro obversa est, ut remaneat solum tenuis & pellucida satis Retinæ tunica, si hic oculus fenestræ vel objecto cuius fortiter illustrato obvertatur, non sine voluptate aut forsan admiratione picturam quandam in eo videbimus, objectum extra positum scite satis imitantem. Eadem conspiciuntur phænomena, si loco oculi capiatur lens vitrea convexa, ea enim fenestræ obversa objectorum lucidorum imagines, chartâ albâ ad debitam distantiam pone locatâ, exhibebit.

*Quomodo
motus oculi
percipi-
tur.*

Si itaque puncti F imago H in eadem retinæ parte maneat immota, oculo etiam immoto, punctum F ut quiescens habebitur. Quod si punctum illud F ad E deferatur, ejus imago in fundo oculi diversas retinæ partes successive percurrendo & spatium L H describendo sensationem motus excitabit. Et si punctum illud longinquum sit, motusque factus fuerit in plano trianguli F C E; Spectator magnitudinem apparentis motus per angulum F C E æstimabit.

Si in linea C F aliud sit visibile M etiam longinquum, quod motu suo ad N deferatur, motus ejus visibilis idem erit, qui fuit puncti F; cum imaginis utriusque eadem sit semita, idemque motus vestigium in oculi fundo cernitur. Si visibile M per rectam M F ad F feratur motus ille spectatoris aciem fugiet, quoniam puncti istius imago in H, in eadem retinæ parte immota manet. Et quotiescunque corpora longinqua moveantur in rectâ aliquâ per oculi centrum transiente, eorum motus non erunt visu observabiles; nec aliâ ratione de istiusmodi motibus constabit, quam ex aucto, vel diminuto visibilium splendore, & magnitudine apparente. De objectis longinquis hic loquor, nam si propinqua sint, etsi in rectâ lineâ per oculum transiente moveantur, possumus tamen de eorum motu judicare, per mutationem situs, & distantiae ad alia corpora, quorum positiones & distantiae sunt notæ. Quin etiam qualiscun-
que

que fuerit mobilis semita in plano $E C F$, sive motus sit in recta $F E$, sive in arcu circulari $F P E$, sive in alia quacunque curva $F Q E$ ad lineam $E C$ deferatur, idem semper conspicietur motus, eodem manente angulo $F C E$, aucto autem vel diminuto illo angulo augebitur, vel minuetur motus visibilis, qui proinde per angulum illum tantummodo mensurari potest.

Quo itaque motus corporum apparentes definiantur, Methodus tradenda est, qua Geometrae & Astronomi angulorum mensuras intelligant, quæ licet passim nota sit, nec Artifices vulgares latet, ne tamen quicquam omisisse videar, quo sequentia à Tyronibus facilius intelligantur, libet eam paucis exponere.

Demonstravit Euclides angulos ad circuli alicujus centrum constitutos proportionales esse peripheriis, quibus insunt, unde angulorum mensuræ ex peripheriis vel arcibus circulorum optime innotescunt. Quod ut fiat, totam Peripheriam circulem in partes 360 æquales dividunt Astronomi, has partes gradus appellant, singulosque gradus in 60 partes æquales secant, quas scrupulos seu minuta prima nominant. Rursusque unumquemque scrupulum Primum in 60 scrupulos Secundos, & Secundorum unumquemque in suos Tertios, & Tertios in Quartos, & ita deinceps subdividi mente intelligunt. Atque hæc ratione non plures numerant gradus seu partes in maximo quovis circulo, quam in minimo, adeoque si idem angulus ad centrum à diversis arcibus subtendatur, partium sive scrupulorum numerus in omnibus arcibus subtendentibus erit æqualis; eandem quippe arcus illi ad peripherias suas totas rationem habent, v. gr. sit Angulus $A C B$ & centro C describantur arcus duo $A B$, $D E$, tot erunt gradus & scrupuli in arcu $A B$, quot sunt in arcu $D E$, etiam si Radius arcus $A B$ sit tantum unius pedis in longum, & Radius alterius arcus stellas fixas attingat, gradus tamen in peripheria $A B$ in ea ratione minor est gradu in Peripheria $D E$, qua radius $C B$ minor est radio $B E$. Angulus C tot graduum, seu scrupulorum esse dicitur, quot arcus $A B$ vel $D E$ ejusmodi partes continent.

Angulorum mensura.

Gradus quid. Scrupuli.

TAB. 13. fig. 2.

P 2

In-

Instrumentum, quo anguli vulgo observantur, est circularis peripheriæ data portio, in gradus, & minuta, divisa. Quadrans scilicet, Sextans, aut Octans, si Instrumentum sit circuli quadrans, Arcum in 90 partes æquales, si Sextans in 60., si Octans in 45. dividunt Artifices; quæ singulæ erunt æquales uni totius peripheriæ gradui: unumquemque rursus gradum in suos scrupulos, primos vel etiam secundos, si instrumenti amplitudo hoc permittat, partiuntur. Deinde instrumenti lateri Pinnacidia vel dioptras figunt; & Regulam suis quoque Dioptris instructam circa centrum peripheriæ volubilem applicant. Observantur autem anguli hunc, in modum.

Modus observandi angulos.
TAB. 13.
fig. 3.

Sint duo objecta longe à nobis distita A & B sitque oculus in C, & mensurandus sit angulus A C B. Convertatur instrumentum donec per dioptras lateris C D videatur punctum A; deinde circa latus C D instrumenti planum & Regula circa centrum ita vertantur ut per regulæ dioptras conspici possit punctum B. Manifestum est ex dictis Arcum D E ostendere mensuram anguli A C B & etiam mensuram arcus A B, hoc est angulus A C B, & arcus A B tot erunt graduum & minorum quot arcus D E per Regulam abscissus constat ejusmodi partibus.

Horizon.

Quin etiam Astronomi alias metas sibi proposuerunt à quibus eodem vel simili instrumento distantias stellarum arcuales numerarent. Eæ sunt cujuslibet loci *Horizon*, quem extensa quasi infinita Terræ planities efformat, totam Sphæram mundi in duo ad sensum hemisphæria æqualia dividens. Et Arcum verticalem inter stellam quamlibet & horizontis limbum interceptum, istius stellæ *Altitudinem* dicunt. Alia meta est *Horizontis Polus*, seu punctum quod vertici cujusque loci quocunque momento temporis imminet, quodque linea perpendiculi denotat, secundum quam & omnia Gravia deorsum rapiuntur, & nos recti consistimus. Hoc pacto Naucleri Solis Altitudinem inveniunt respectu arcus, seu anguli, quem efficiunt in oculo Radii à Sole, & ab Horizonte venientes. Ita Astronomi angulum quoque notant, quem Solis vel stellæ Radius format cum

*Altitudo
stellæ.
Horizontis
Polus.*

li-

linea in superficiem horizontis perpendiculari, Regulis & Quadrantibus in hunc usum constructis.

Dioptrarum loco nunc Telescopia vulgo adhibentur; quorum ope, objecta longinqua certius & exactius, quam per dioptras exactissimas visu attinguntur. Sed modum Telescopia adaptandi, omnemque illius Instrumenti apparatus hic describere, nos ad alia properantes nimis retardaret, hæc igitur nunc sufficient.

Ex angulorum quoque mensuris corporum longinquorum *Diametri apparentes* innotescunt; sit enim quævis linea A B ab oculo C directe visa, & ab ejus terminis A & B ad oculum C duci supponantur rectæ A C, B C, linea illa A B dicitur sub angulo A C B videri, qui apparens ejus diameter appellatur, & tot esse graduum, & minutorum, quot angulus ille instrumento observatus indicabit. Eodem modo objectum quodvis D E ab oculo ad F Spectatum dicitur apparere sub angulo D F E, & objectorum A B, D E apparentes magnitudines erunt, ut anguli A C B, D F E.

*Corporum
diametri
apparentes.*
TAB. 13.
fig. 4.

TAB. 13.
fig. 4 & 5

Quod si oculus objecto A B jam propinquior sit, illud ex dimidia distantia scilicet ex G aspiciat, objectum illud sub duplo fere majori angulo videbitur. Si triplo propius accedat oculus, triplo fere major fit angulus sub quo apparet objectum, ejusque apparens diameter triplicabitur, modo anguli illi sint latius parvi, nimirum si gradum unum aut alterum non superant, eruntque ejusdem objecti magnitudines apparentes oculi appropinquationibus proportionales.

Atque hæc methode si duorum corporum habeantur diametri apparentes, una cum distantiarum ab oculo ratione, exinde innotescet proportio, quam obtinent eorum diametri veræ. Nam si objectorum distantiae sint æquales, diametri veræ erunt apparentibus proportionales; si anguli sub quibus videntur objecta, sint æquales; magnitudines veræ diametrorum erunt ut ipsarum distantiarum ab oculo; ex gr. si angulus A C B sit æqualis angulo D F E, at distantia C B sit tripla distantiae F E; erit recta A B triplo major rectâ D E. Quin. etiam si non tantum sit C B distantia tripla distantiae f e, sed & angulus A C B duplus anguli d f e; erit

TAB. 13.
fig. 4 & 6.

P 3

A B

A B sextuplo major quam d e. Nam capiatur C M æqualis f e , & sit M N objectum sub angulo M C N, aut A C B apparens, ob angulum illum duplo majorem angulo d f e erit linea M N duplo major quam d e , sed ob B C triplo majorem quam C M erit A B triplo major quam M N, unde erit sextuplo major quam d e. Hinc si Solis & Lunæ diametri apparentes sint æquales , & Solis distantia à Terra sit centies major quam Lunæ distantia ab eadem , erit vera Solis diameter centies major Lunari diametro . At Solis à nobis distantiam plusquam centies superare distantiam Lunæ, in sequentibus demonstrabitur, unde diameter Solis plusquam centies superabit diametrum Lunæ .

*Diametri
apparentes
ad objecta
accedendo
majores fi-
unt.*

Cum , uti dictum est , ad objecta longinqua accedendo eorum diametri apparentes majores fiunt , inque ea fere ratione augentur, qua iis propius admovetur oculus. v. gr. si quis decies propius quam nos Lunam spectaret , is Lunam clariorem & secundum diametrum decies majorem cerneret. Si adhibeatur Telescopium quod decies tantum ampliat objectorum diametros ; Luna per illud visa eandem phasim nobis ostendet , quam spectatori decies propius admoto ostenderet . Si Telescopia adhibeantur , quæ objectorum diametros centies vel etiam ducenties augeant , ea apparentias exhibebunt plane similes iis quæ ex distantia centies vel ducenties minore conspicerentur . Atque hinc novimus qualem quantamque oculis nostris se præberet Luna , ex distantia trium Telluris diametrorum spectata , qualisque etiam ejus foret facies , si multo propius accedamus , & ad distantiam 8 tantum stadiorum mille ipsam contemplaremur . Ex eo enim intervallo , ingentes montium Lunarium Tractus , profundas valles , & latos campos intueri liceret . Quin etiam his Telescopiis altius in cælum invehimur , & Jovi & Saturno reliquisque errantibus , quin cometis quoque & fixis tam prope admovemur , ita ut tam longi itineris pars tantum centesima vel etiam ducentesima nobis restet . Præterea his Telescopiis Planetarum circa Axes proprios conversiones , Jovis atque Saturni Lunas , & Eclipses hujusque posterioris Annulum , variasque phases conspiciamus ,

*Telescopii
beneficia.*

mus. Hæc Telescopii beneficia silentio præterire in hoc loco haud æquum foret; cum illud potissimum sit instrumentum, quo non modo corporum magnitudines, sed apparentes motus observantur. Sed intermissum de motu visibili sermonem repetamus.

Cum corporum longinquorum motus non aliunde quam ex mutatione anguli, qui ad oculum videntis est, innote-
 scat, facile hinc constabit, utcumque corpora æqualiter moveantur & æqualia spatia æqualibus temporibus describant, fieri tamen posse, ut eorum motus inæquales admodum & irregulares ab oculo conspiciantur, quod per exemplum patebit.

*Corporum
longinquo-
rum motus
æquales
inæquales
videntur.*

Ponamus corpus aliquod in peripheria circuli ABDEGQ
 uniformiter revolvī, æquales arcus AB, BD, DE, &c.
 æqualibus temporibus percurrento, ejusque motum oculus
 alicubi in plano ejusdem circuli, in O v. gr. positus ex
 longinquo aspiciat. Cum igitur mobile ab A ad B perve-
 nerit, ejus motus apparens per angulum AOB seu per ar-
 cum HL, quem descripsisse videtur, definietur; dein in
 æquali tempore, dum arcum BD percurrit, motus apparens
 ex angulo BOD dignoscetur; & videbitur mobile transiisse
 per arcum LM, qui arcu HL multo minor est, & mobile
 in D in peripheriæ NHM puncto M conspicietur; Post-
 quam vero descripserit arcum DE prioribus AB vel BD
 æqualem, & ad punctum E pervenerit, ab oculo in eodem
 puncto M spectabitur, ita ut eo tempore quo per arcum
 DE defertur corpus oculo fere ut immotum & quasi stationa-
 rium videbitur; At dum in peripheria proprii circuli per
 arcum EF progreditur, oculo ad O posito, per peripheriam
 ML regredi videbitur. Sic ubi ab E per F ad G pervenerit,
 oculus illud conspiciet in puncto H, in eo scil. situ quem
 prius in A habuit. Dum autem à G per I ad Q defertur,
 spectator ipsum videbit per arcum HKN moveri; at dum
 in orbita propria progrediens corpus arcum QP describit,
 oculus ipsum ad idem punctum N continuo referet, quo
 tempore rursus stationarium apparebit corpus, deinde post
 digressum ejus à puncto P cursum suum invertet, & per ar-

TAB. 13.
fig. 7.

cum NHLM motibus admodum inæqualibus ferri videbitur.

Inæqualitas Optica.

Hæc motuum Inæqualitas ab Astronomis *Optica* dicitur, eo quod non corporibus reverà competit, sed apparet tantum est, ex oculi positione orta, corpus enim eâdem semper velocitate in propria orbita progredi supponitur, & si oculus in centro istius orbitæ constitutus fuerit, motum ejus æquabilem semper conspiceret.

Motus æquabilis in peripheria circuli à spectatore intra arcum locato inæqualis videtur. TAB. 14. fig. 1. Sed nunquam retrogradus.

Si in quovis intra circulum puncto O, quod centrum non est, immobilis locetur spectator, is motus corporis peripheriam A B C D percurrentis, in se quidem æquales, inæquales admodum videbit; & cum longissime distat corpus à spectatore ut in A, tardissime incedere videbitur, propinquius accedens corpus ut in C, velocius progredi apparebit, ob angulum C O D majorem angulo A O B, licet arcus A B, C D sint æquales. At nunquam stare aut regredi conspicietur corpus. Adeoque si spectator intra circulum in quo deferretur corpus locetur, illudque nunc progredi, nunc stare, nunc regredi videat concludendum erit spectatoris locum etiam mobilem esse.

LECTIO II.


De Motu apparenti qui ex Observatoris Motu oritur.

Hucusque supposuimus spectatorem loco immotum toto observationis tempore constituisse. At si Spectatoris locus etiam moveatur, diversæ tum nascentur rerum apparentiæ, & oculus ea corpora quiescere cernet, quæ celerissime progrediuntur, quiescentia autem corpora veloci impetu deferri conspiciet. Quin etiam fieri quoque potest ut motus corporum apparentes fiant veris & absolutis directe, contrarii, & quæ corpora reverà ad orientem feruntur, ad occidentem tendere spectatori videantur. Quæ omnia ex motuum apparentiis, quæ se offerunt iis qui in nave vehuntur, satis apte illustrari possunt.

Qui in nave vehuntur motum navis non percipiunt.

Si navis aliqua motu utcumque veloci, sed uniformi, à ventis deferatur, nec motus navis nec corporum quorumlibet

cun-



eundem intra navem situm servantium & relative quiescentium motus *vectorum* oculis percipitur; cum enim omnes navigii partes eundem semper inter se, & etiam vectoris respectu, situm, & positionem conservant, ipsorum imagines in oculi fundo depictæ, iisdem semper retinæ partibus quasi immotæ adhærebunt. Ex quo fiet ut quamvis omnia quæ intra navem locantur corpora unâ cum ipsa celerissime progrediantur, eorum tamen motus spectator simul cum iis in nave vectus non visurus sit. Idem tamen ad littora oculos vertens, ea cum aliis objectis extra positis, moveri conspiciet, nam dum ipsa navis movetur & oculum spectatoris secum vehit, necesse est objecta externa situs suos oculi respectu mutare, & ipsorum imagines nunc has, nunc alias Retinæ partes successive occupare, unde fit ut quiescentia objecta externa moveri, & quæ intra navem simul cum ea progrediuntur quiescere videant in nave collocati vectores.

*At objecta
externa
quiescentia
moveri vi-
dentur.
Motus Glo-
bi in nave
cadentis.*

Si dum navis celerissime progrediatur, globus plumbeus de summo malo demittatur, cum quasi in perpendiculo cadentem aspicient vectores. Qui quidem globus (quod idem faceret si navis omnino quiesceret) tabulatum navis juxta pedem mali percutiet, verus tamen ejus motus non fit in perpendiculari ad superficiem globi terrestris, sed deflexo per aerem itinere fertur Globus, quam ejus semitam incurvatam facile deprehensurus est quisquis qui ex alia quiescente nave motum spectaret. Hujus phænomeni causa facile ostenditur. Nam juxta primariam Naturæ legem, corpus omne in incepto semel motu secundum eandem directionem semper perseverare conatur, jam Globus dum in summo malo hærebat, unâ cum malo progrediebatur, adeoque postquam dimittitur eandem progrediendi vim retinebit, & urgente gravitatis vi progredietur, simulque descendet; neutra enim harum virium alteram destruet aut imminuet, (neque enim sunt contrariæ) adeoque nec minus prorsum nec minus deorsum tendet globus, quam si viribus separatis impelleretur; sed hisce conjunctis viribus solum impeditur rectitudo semitæ, quam scorsim haberent

per-

perpendicularis & horizontalis impetus, motusque peragetur in linea curva iis simili, quas describunt Gravia horizontaliter projecta, quæque simul prorsum & deorsum feruntur; & spectator in quiescente nave Globum ejusmodi percurrere curvam videbit. Porro cum Globus & malus eadem velocitate progrediuntur, eadem inter utrumque semper manebit distantia, & proinde Globus juxta pedem mali tabularum feriet; Præterea motus Globi, quo prorsum tendit, tam navi ejusque partibus, quam *vectoribus* communis est. At motus ille communis, uti ostensum est, ante casum Globi videri non potuit, quare nec postea in descensu erit observabilis. Sed solus ille motus, quo Globus vi gravitatis propriæ deorsum tendit, quique Globo peculiaris est, visu percipitur; hoc est Globum quasi in perpendiculo cadentem aspicient *ectores*. Hæc omnia reverà sic accidere experimenta sæpius facta adeo confirmant, ut dubitationi nullus relinquatur locus.

*Motus
Globi pro-
jecti intra
navem.*

Si quis in prorâ sedens, Globum versus puppim eâ celeritate qua navis fertur, projiciat, Globus ille nec prorsum, nec retrorsum movebitur, sed sublatâ gravitatis vi in aere immotus maneret, gravitate autem urgente, rectâ ad navem descendet, talemque esse ejus motum in ripa vel in quiescente nave sedentes agnoscent spectatores; vis enim à projiciente impressâ contrariam & æqualem destruet vim, quam Globus à nave acceperat. At illi, qui in nave veliuntur, Globum non quiescentem nec rectâ cadentem, sed versus puppim eâ velocitate latum conspicient, quam reverà haberet, si quiescente nave, eadem vi projectus fuisset.

Si velocitas qua projicitur Globus versus puppim sit minor velocitate navis, Globus in eo casu in eandem cum nave plagam sed tardius deferetur, nondum destructâ vi totâ quam à navis motu accipiebat. At in nave sedentes Globum non simul cum nave progredientem conspicient, sed in contrariam prorsus plagam tendentem eâ celeritate, quam haberet, si quiescente nave eadem vi projectus fuisset. Hinc

liquet

liquet motum apparentem vero & absoluto posse fieri directe contrarium.

At obijciat aliquis Globum è manu projicientis emissum, in ipsam puppim impingere, eique ictum imprimere; quod fieri non potest, nisi reverà Globus versus puppim moveretur. Qui nodus solutu non difficilis est, Globum enim ii, qui intra navem versantur, in puppim irruere eamque percutere cernent. At si ponatur aliquis in ripa quiescens, ille non Globum in puppim, sed puppim in Globum impingentem videbit, & ictus magnitudo in utrovis corpore recepti eadem omnino erit ac si navis quiesceret, & Globus reverà in puppim impelleretur eà celeritate, qua puppis ad Globum accedebat. Si enim duo sint corpora A & B utcumque æqualia vel inæqualia, eadem erit percussionis vis, sive B cum datâ celeritate in corpus A quiescens impingeret, sive quiescat B, & A cum eadem celeritate in ipsum B irrueret, vel si utrumque corpus versus eandem plagam moveretur, & subsequens A celerius motum in ipsum B impingat, eadem erit quantitas ictus, ac si B omnino quiesceret, & A latum esset solummodo differentiâ celeritatum, qua scil. ipsius celeritas superat celeritatem corporis B. Vel denique si A & B in contrarias ferantur plagas, atque in se invicem impingant, ictus magnitudo eadem erit ac si ipsorum unum quiesceret, alterum motum esset cum eà celeritate, quæ sit utriusque celeritatum summæ æqualis. Verbo dicam, eadem semper manente velocitate corporum relativâ, qua ad se invicem accedant, eadem quoque manebit percussionis quantitas quomodocunque velocitates illæ partitæ fuerint. Atque hinc fit, ut in nave quantumvis velociter latâ motus omnes nostri rerumque à nobis mobilium eadem ratione peraguntur, iidemque apparent, ac si navis reverà quiesceret. Et universaliter verum esse deprehendimus, quod corporum in dato loco inclusorum iidem erunt motus inter se, iidem congressus, eadem percussionis vis, sive locus ille quiescat, sive moveatur uniformiter indirectum.

Hæc adduxi exempla, ut vobis constaret quantum discriminis inter motus corporum reales, & apparentes possit

Obiectio

TAB 14.
fig. 2.

sit intercedere ; & quam difficile sit de illis, ex his, judicium facere .

Ex iisdem constabit , quod si in Jove vel Saturno vel alio quovis Planetarum locetur spectator , is loci sui motus proprios non magis visu percipiet , quam navigantes motum navis in qua vehuntur oculis discernere possunt . Et hi quidem ex subitaneis navis jactationibus, quas sibi frequenter molestas experiuntur , motum ejus aliqualem dignoscunt . At Planetæ nullis fluctibus, nullis procellis sunt obnoxii, sed placidissi navigatione in tranquillo quasi æquore natantes fruuntur , & in motibus suis absque omni impedimento perseverant .

LECTIO III.

De Systemate Mundi .

CUM ut ostensum est , pro vario oculi situ atque motu tot & tam varix fiant rerum apparentiæ , quo melius mundi fabrica innotescat , & Universi admiranda pulchritudo , motuumque Harmonia , animo concipiatur ; convenit ut Divinum hoc & immensum opus non ex uno aliquo spectetur puncto seu angulo , sed ex pluribus locis debitis intervallis à se invicem distantibus lustrandum erit , ut diversos hos aspectus contemplando , eosque comparando vera tandem , & iusta , summoque Conditore digna universi opificii eliciatur cognitio .

Cœlestia itaque corpora motuumque phænomena ut per noscantur , fingamus nos non Terricolas esse , & uni sedi quasi puncto affixos , sed potestatem nobis dari libere quocunque libuerit per spatia indefinita vagandi . Et ut diversitas aspectuum ex diversis locis habeatur , aliquando nosmet in spatio quodam immoto sistamus , aliquando in Sole , sæpius in planetarum aliquo , & nonnunquam etiam in Stellis fixis vel in Cometa locari nos supponamus .

Juvat ire per alta

*Astra . Juvat Ferris Et inertis sede relictis
Nube velis , validique humeris insistere Atlantis .*

Et

Et quamvis corpora nostra utpote in Terram sua gravitate depressa ad altissimas illas domos avolare non possunt; nihil tamen prohibet quo minus animo & imaginatione cœlestes illas peragremus regiones. Nec deneganda est hæc quam nosmet nobis vindicamus licentiam, quippe quæ omnibus omnis ævi Astronomis semper concessa fuit; hi enim oculum à superficie ad ipsum telluris centrum detulerunt, ut motuum æqualitas exinde spectaretur, quin & circulos & lineas rectas per Solem & Sidera traducunt, quæ licentia, ni peteretur semper, & concederetur, brevis admodum & imperfecta esset Astronomiæ Scientia, & irritus omnis Astronomorum labor.

Ut igitur Astronomis solenne fuit, oculum ad Terræ centrum detrudere, quò is motum apparentem diurnum conspiceret æquabilem, nobis è contra, quò motus corporum reales & absoluti, quantum fieri potest æquabiles videantur, liceat spectatorem in cœlum invehere & in loco quodam immoto constituere. Nam omnes cujusque sectæ Astronomi facile agnoscunt Planetarum motus esse in se simplices uniformes & regulares. At ex Terræ superficie, aut ab ejus centro spectati Planetæ in motibus propriis inæquali admodum & minime regulari cursu deferri videntur, adeoque certum est Tellurem hanc non in illorum motuum centro locari. Motus itaque corporibus mundanis proprios qui contemplari velit spectator, primo vel in Solis centro vel etiam extra solaris corporis Globum, non tamen in loco ab illo nimis remoto se siliat, & quales is sit visurus rerum apparentias hic perpendamus.

*Planeta à
Terræ spe-
ctati irre-
gulari cur-
su moveri
videntur.*

Et hic in primis notandum est; quod in quocunque loco ponatur spectator, semper in centro prospectus proprii se constitutum cerner. Nam corpora longinqua, etiamli magnis intervallis à se invicem distent, si tamen in eadem fuerint linea per oculum transeunte, in eodem spatii puncto, & quasi æque remota videntur; Unde fiet, ut spectator ea corpora, quorum distantias vitæ æstimare nequit, ad superficiem Sphæræ referat, cujus centrum ab oculo teneat, motusque omnes in ea superficie peragi apparebunt. Hinc sit ut So-

*Spectator
est semper
in centro
prospectus
proprii.*

lem,

lem, & Lunam, & reliqua omnia sidera, quæ diversissimis intervallis à nobis distant, unà cum nubibus quæ non ultra milliare unum aut alterum ascendant, tanquam in eadem superficie Sphæricâ concavâ locata intuemur; Qualiscunque igitur sit spectatoris habitatio sive in Sole, sive in Saturno Planetarum Extimo, vel etiam in stella quavis fixa, locus ille pro medio mundani spatii, seu pro centro Universi ab istius loci incola habebitur.

*Prospicitur
è centro
Solis.*

Spectator itaque Solis, centrum tenens, & cœlum intuens, superficiem ejus Sphæricam concavam oculo concentricam, innumerisque Stellis, quas fixas dicimus, undique refertam videbit; cumque Stellæ illæ è tellure spectatæ eundem inter se immutabilem situm atque ordinem servare deprehenduntur, sic etiam è Sole visæ, eandem quoad sensum, quæ è Terra observatur, à se invicem invariata distantiam & positionem obtinebunt; tanta enim est ipsarum vel à Terra vel à Sole distantia, ut postea ostendetur, ut exigua illa loci mutatio, quæ sit spectatorem à tellure ad Solem deducendo, vix sensibilem mutationem in Stellarum situ visibili efficiat. Verum quamvis Stellæ fixæ è tellure visæ easdem semper à se invicem distantias & eosdem inter se situs conservare videantur, at oculi respectu positiones mutare, & nunc supra attolli, nunc infra deprimi, perpetuoque motu circa telluris Axem gyrate observantur, cum tamen interea qui è cœlo Solari illos intuetur, omnino immobiles, seu in eodem semper loco permanentes conspiciet. Nec profecto refert sive omnino quiescerent Stellæ, sive circa Tellurem cœlum omne sidereum una cum Sole esset volubile, semper enim è Sole eadem esset quietis apparentia, nam motus ille si quis fuerit gyrationis circa Terram, sit spectatori, Stellisque omnibus communis, adeoque non magis sensibus percipietur, quam navigantium oculis cursus navis, in qua vehuntur, sit observabilis.

*Stella fixa
positionem
respectu
oculi mu-
tant.*

*Planete
seu Erro-
nes sex.*

Præter Stellas innumeras quiescentes, sex alii in cœlo nitent circa Solem volubiles Globi, qui diversis omnino periodis gyros complent, adeoque varias, & continuo mutabiles positiones tam à se invicem, quam ab immotis Stellis

cas

eas fortiri necesse est. Stellas has errantes sive Planetas dicimus, quarum una est ipsissima Tellus nostra habitatio. Quin si Tellurem quiescere, Solemque circa ipsam motu annuo deferri supponamus certum tamen est spectatorem in Sole Tellurem eundem in cœlo circulum & eodem tempore describentem videre, quem nos in Terra habitantes à Sole percurri observamus, uti in sequentibus demonstrabitur.

Planetarum nomina & Characteres sunt, Saturnus ♄, Jupiter ♃, Mars ♂, Tellus ♁, Venus ♀, Mercurius ☿ qui est Soli proximus.

Planetæ omnes secundum eandem plagam, scil. ab Occidente in Orientem, circa Solem in orbitis in uno fere plano jacentibus seu non multum à se invicem dehiscantibus, feruntur; & orbitarum plana se mutuo secant in lineis quæ per Solis centrum transeunt; adeoque spectator in Solis centro locatus, in orbitarum omnium planis consistet, & Planetas in concava cœli superficie motus suos peragentes, circulosque circa se maximos describentes videbit, unde fit ut singulorum planetarum diversas à Sole distantias oculorum acies æstimare non possit. Quo itaque tam distantiam quam motus Planetarum videantur, convenit ut è Sole migremus, oculusque supra orbitarum plana ascendat, in recta, quæ per Solem transeat, & ad orbitam Telluris perpendicularis sit, & quanta Terræ à Sole distantia est, tanta etiam sit spectatoris distantia, in hac rectâ positi. Ex hoc loco cernere licetbit Planetas diversis admodum intervallis à Sole removeri, & qui gyros citius conficiunt, ipsi propiores esse; qui tardius absolvunt circuitus, longius abesse. Eritque Planetarum talis ordo, qualis in annexâ figurâ representatur. Ubi in orbitarum centro præstat Sol loco immobilis, circa quem volvuntur planetæ sex, Mercurius, Venus, Tellus, Mars, Jupiter, & Saturnus, ab Occidente in Orientem. Secundum ordinem literarum ABCD; Mercurius Soli proximus circulum suum peragrat spatio temporis trimestri; deinde Venus paulo majori ambitu periodum absolvit mensibus fere octo. Ultra hanc Tellus circuitum conficit

*Planeta
moventur
circa So-
lem ab Oc-
cidente in
Orientem.*

TAB. 14.
fig. 3.

*Planeta-
rum Ordo.*

ficit spatio unius Anni . Deinde Mars biennio circulum proprium complet . At longius multo protenditur orbita Jovis , tardiusque ille , scilicet duodecim annorum spatio circulationem perficit . Extimus denique atque omnium lentissimus Saturnus reliquas omnes orbitas gyro suo continet , & triginta annos ad periodum propriam complendam postulat . Hoc est antiquissimum Mundi systema à Pythagora ejusque sequacibus in Græcia ab Orientis populis introductum , quamvis alterum illud apparens Systema , quod Terram immobilem , cælumque volubile ponit à vulgo fuit receptum . Quod etiam Aristoteles , reliquique , qui post illum in sequentibus seculis vixerunt Philosophi , à prioribus magnis viris multum degeneres amplexi sunt , usque ad Nicolaum Copernicum , qui verum veterum systema ab oblivione vindicavit , & resuscitavit , solidisque argumentis confirmavit . Unde ab Astronomis systema hoc Copernicanum dicitur . Post inventum Telescopium nova spectacula non ante observata cælum intuentibus manifestè se ostentabant , quæ systema antiquum mirifice auxerunt , invictisque argumentis stabiliverunt .

*Planeta
sunt corpora
Sphærica
opaca .*

Planetas Telescopio adjutus , diligentius lustrans spectator , apprehendet eos , Telluris instar , esse corpora Sphærica , & opaca , nam facies eorum quæ Soli obvertuntur illuminari , Solisque luce reflexâ splendere , facies autem aversas tenebris obvolvi , eosque umbras in plagam Soli oppositam projicere , conspiciamus . Lineaque illa , quæ splendentem partem à tenebrosa determinat , aliquando recta apparet , aliquando curva , & nunc convexitate , nunc concavitate sua lucentem partem respiciet , pro vario planetæ & oculi situ , respectu Solis illuminantis superficiem planetæ Sphæricam . Quin etiam pro diverso spectatoris situ nunc major nunc minor illuminatæ faciei cernitur portio ; Ut in corporibus opacis Sphæricis lucenti Soli expolitis fieri oportet .

*Planeta
secundarii*

Planetarum tres , nimirum Tellus , Jupiter , & Saturnus aliis minoribus Planetis continuo stipari observantur ; qui Planetæ secundarii Lunæ , seu Satellites appellantur . Hi pri-

primarios in suis circa Solem circulationibus perpetuo comitantur, & interea etiam unusquisque circa Primum proprium gyros perficit. Tellus quidem unicâ tantum comitatur Lunâ, quam illa secum annuo circa Solem cursu vehit, & præterea circa se, tanquam centrum, menstruo itinere gyrare facit.

*Tellus Luna
comitatur.*

Quod autem Luna præ omnibus stellis tanta luce fulgeat, & magnitudine Solem ipsum adæquare videatur, in causa est ejus Telluri proximitas, nam è Sole vix sine Telescopio erit observabilis, ac proinde si tantum à Terris distaret, quam Sol, opus esset Terricolis Telescopio, quo videatur.

Jovem quatuor Lunæ tanquam Satellites perpetuo stipant, quæ diversis periodis atque distantis circulationes circa ipsum perficiunt. Harum intima ad distantiam 2ⁱ diametrorum Jovis periodum absolvit die una cum tribus partibus quartis. Secunda 4ⁱ diametris Jovis à Jove distat, & orbitam propriam describit spatio dierum trium, horis tredecim. Tertia diebus circiter septem, horis tribus, septemque Jovis diametris cum parte sexta à Jove remota circulum peragrat. Extima denique diebus sexdecim, cum octodecim horis, ad distantiam duodecim circiter diametrorum Jovis revolutionem in orbita sua perficit.

*Jupiter
quatuor
Lunis.*

Planetas hos Joviales primus mortalium conspexit magnus ille Galilæus tubi optici seu Telescopii beneficio, hisque cælum sidereum adauxit, Stellas Mediceas eos appellans, quorum motibus observatis, non pauca debentur Astronomiæ, atque Geographiæ incrementa.

Saturnum in suo circa Solem itinere, non pauciores quam quinque comitantur Planetæ minores, horum plerique ob magnam vel à Terra, vel à Sole distantiam; & exiguam corporum, molem, nonnisi longissimis perquieti Telescopiis se produnt, quorum tempora periodica, & distantia à Saturno ita se habent. Intimus revolutionem conficit diebus 1; & distat à Saturni centro ejus semidiametris 4ⁱ. 2^{us} diebus 2, horis 17, ad distantiam 5ⁱ semidiametris, Saturni periodum absolvit. Tertius 4 diebus, horis 13, ad distantiam

*Saturnum
comitantur
quinque
planete
secundariæ.*

Q

tiam

tiam octo semidiametrorum, integrum circulum describit. Quarius diebus fere sexdecim periodum absolvit, distans à Saturno octodecim semidiametris. Quintus & visorum extremus spatio dierum 79,3 orbitam percurrit, distans à Saturno 54. semidiametros Saturni.

Saturni
annulus.

Exornat, præterea, Saturnum Annulus, qui eum medio cingens, nusquam contingit, sed undique ab ejus corpore, distans, fornicis instar, pondere libratus suo, seipsum sustinet. Annuli hujus diameter plusquam dupla est diametri Saturni, & quamvis tenuis admodum sit superficiei convexæ crassities, tanta tamen est annuli latitudo, sive profunditas, ut pars circiter media istius spatii, quod ab extrema ejus superficie ad Saturnum porrigitur, ab ejus corpore occupetur, reliquo tantum spatio vacuo manente. Quibus usibus inservit admirabilis hic annulus, Terricolæ & latet, & perpetuo forsitan latebit, cum nihil ei simile in rerum natura deprehendimus. Suscipienda tamen est infinita Majestas atque potentia Dei, qui nostra hac ætate, nova operum suorum specimina, nobis conspicienda deprompsit.

LECTIO IV.

*In qua probatur Systema superius expositum esse
verum Mundi Systema.*

CONTRA Mundi Systema in superiore lectione expositum, nobis fortasse objiciat aliquis, nos finxisse nosmet in cælum evectos, & ordinem atque motum planetarum supra traditum propriis lustrasse oculis, sed finximus tantum, & qui proinde ponitur corporum mundanorum ordo sive situs, erit figmentum. An non eadem fingendi licentiâ, alius quivis Planetarum ordo supponi potest? possumus, accedente sensuum testimonio, Terram ponere immobilem, Solemque atque planetas circa illam motus suos describentes, atque ex illis positionibus possumus omnes apparentias & phænomena explicare. Respondeo quamvis finximus, non in altum sublato, è cælo in Solem, atque Planetas despexisse, qui tamen ex hac hypothese è cælo conspiciendus erit Planetarum situs
at que

atque ordo, figmentum non esse; sed ordo ille non minus verus, certus, & indubitatus erit, ac si reverà è cœlo illum oculis contueri liceret. Nam in nostra Astronomia nihil omnino fingitur, quod non habet naturam ducem, & comitem observationem, quicquid in eâ asseritur, ex rationibus physicis, & demonstrationibus Geometricis certissime pendet. Veterum Astronomia sicut & Tychonica recte Hypotheses & figmenta dicuntur, cum ultra suppositionem nudam nihil habeant, quo nitantur, sed deformem Mundi fabricam exhibeant. At Nostra Astronomia, quæ & antiquissima Pythagoreorum fuit, undique sibi consentiente compagine cohærens, mirandum in modum Mundi faciem ornat, & splendidissima Symmetria decorat. Nihil est in rerum natura, quod magis monitrat aerem humani ingenii vim, summamque intellectus perspicaciam, quam quod mens nostra ultra sensuum testimonia, imo repugnantibus sensibus, ausa sit se in sublimæ attollere, & subtilissimis suffulta rationibus, verum Mundi Systema, partiumque dispositionem eruere. Quibus vero artibus hæc arces attingit igneas, paucis hic declarabo.

Primo qualiscunque locus Soli concedatur, certissimum est Veneris orbitam illum cingere, nam aliquando supra Solem attolitur Venus, aliquando insertus descendit, & inter Solem, & Terram conspicitur. Quod supra Solem ascendit Venus, exinde patet quod in conjunctione cum Sole, hoc est cum juxta Solem è Terra videtur; plena & rotunda facie *fulgentem* se Terricolis ostendit. Nam cum Venus, sicuti reliqui omnes Planetæ, lucem omnem à Sole accipiant, necesse est ut eâ solâ eorum facies splendescat, quæ Soli obvertitur, quæ vero averfa est, tenebris obvolvatur; adeoque cum Terricolis pleno fulget orbe facies Soli obversa, & ab illo illuminata, Terræ quoque obvertitur; & proinde tunc temporis ultra Solem est. In Figura sit S Sol, T Terra, Venus in F, vel V locata, facie plena à Terricolis conspicietur, adeoque in illo casu Venus loca ultra Solem protensa peragat. Quod autem Venus infra Solem descendit, exinde constat, quod in conjunctione cum Sole, vel prorsus evanescit, vel corniculata Lunæ instar ap-

In vera Astronomia nullæ hypothesæ, aut figmenta.

Demonstratur Planetas Solem circumire.

TAB. 14.
fig. 4.

paret, adeoque ejus facies Solis luce illustrata, vel Terræ non obvertitur, ut in G, vel parva aliqua ejus pars à Terricolis conspicitur, ut in H. Unde necesse est ut inter Terram, & Solem tunc temporis locetur. Semel quidem Venus visa est nigræ instar Maculæ Solis discum pertransire, quod unicum spectaculum nemini mortalium præter Horoxium nostrum contingit videre Anno Christi 1639. nec iterum Stella Veneris subtercurret Solem usque ad annum 1761. Mensis Maji die 26 mane; quo tempore rursus in medio disci Solaris expectanda erit. Præterea Veneris Stella nunquam à Sole digreditur ultra certum, ac determinatum intervallum 43 circiter graduum, nec unquam Solis oppositionem attingit; sed neque ad quadratum ut sexilem aspectum pervenit, at tales aspectus necessario subiret, si circa terram periodum suam absolveret.

Similes quoque sunt & Mercurii motus.

Similiter Mercurius semper in viciniâ Solis commoratur, proprius semper abest à Sole, quam Venus, adeoque Veneris æmulus in orbita minore, intra Veneris orbitam conclusa, & Solem ambiente necessario locandus erit. Præcipue vero, cum cum Soli quam proximum esse ostendit egregius illius splendor, quo & Veneri, cæterisque Planetis longe antecellit.

Martis orbita Solem ambit.

Mars cum veniat ad oppositionem Solis, ejus orbita complectitur terram. Sed & hoc necessarium est, ut amplectatur etiam Solem. Nam cum venit ad conjunctionem cum Sole, si subter illum incederet, corniculatus appareret instar Veneris, & Lunæ: Atqui semper ille rotundam speciem exhibet, nisi quod in quadrato cum Sole Aspectu, aliquantulum gibbosus apparet.

TAB. 14.
*Fig. 5.
Et Terra non locatur in orbita centro.*

Referat S Solem, T Terram, circulus M N P R orbitam Martis. Patet Martem tam in M, quam in P Terricolis plena & rotunda facie splendere, quoniam in his positionibus facies Soli obversa Terræ quoque obvertitur, at in N & B paululum gibbosus apparebit. Præterea Mars Soli oppositus septies major videtur, quam conjunctioni propinquus, adeoque in illo situ septies propius ad Terram accedit, quam in conjunctione, ubi longissime à Terra distat. Hinc constat

stat

Rat non Terram, sed Solem in centro orbitæ Martis locari, apparentiæ enim demonstrant Terram longissime ab illo centro distare.

Præterea cum eadem observantur Phænomena in Jove, & Saturno, licet multo minore distantiarum diversitate in Jove, quam in Marte, & adhuc minorem in Saturno quam in Jove, hos quoque Planetas in diversis orbitis ultra Martis Sphæram circa Solem rotari necesse est. Præterea Planetæ omnes à Terra visi, motus admodum inæquales, & irregulares peragere observantur, nam nunc progredi, nunc stare, mox regredi cernuntur. At, qui è Sole illos conspiceret, semper uniformi quadam lege anuinquemque proprium circulum decurrere videbit.

Sol itaque, non Terra, in centro orbium Planetarum collocatur, hanc enim demonstravimus inter Veneris & Martis orbitas medium sortiri locum, sed & necesse erit, orbitis quiescentibus, ut Terra quoque circa Solem moveatur; nam si immobilis consisteret, cum intra ambitum orbium, quos superiores Planetæ Mars, Jupiter, & Saturnus percurrunt, claudatur, nunquam illos stare, aut regredi aspiceret Terricola. Verum horum Planetarum stationes & regressus non minus quam progressus è Terra observantur; itaque Terram in medio partium mobilium, inter Veneris & Martis orbitas constitutam, circulum quoque, reliquorum Planetarum ritu, circa Solem describere concludendum est. Utque locus Terræ medius est inter Venerem & Martem; ita quoque periodus qua cursum suum circa Solem perficit, media erit inter periodos Veneris & Martis. Venus enim octo mensibus, Terra spatio annuo, Mars biennio circuitus absolunt: His indubiis rationibus inducti, Tellurem in Cælum inveximus, & inter Planetas posuimus, Solemque ad centrum detulimus. Atque ita ex indubitatis principiis, & invictis ratiociniis, verum Mundi systema, ordinem, situm, & motum corporum mundanorum declaravimus.

Comparatione facta, miram quandam inter Planetarum Tempora, quibus circuitus suos circa Solem absolunt, & ipsorum à Sole distantias deprehendimus harmoniam, & Pro-

Eadem observantur Phænomena in Jove & Saturno.

Terra etiam in orbita circa Solem movetur.


Mira harmonia inter Planetarum à Sole distantias, & eorum tempora periodica.

portionem ; nam quo quilibet Planeta Soli propior est , eo citius periodum absolvit , & celerius fertur , secundum datam & immutabilem legem , quam omnia corpora mundana constanter observant . Nempe *Quadrata Temporum Periodicorum sunt cubis distantiarum à Sole proportionalia* . Quod omnium primus detexit sagacissimus Keplerus in Planetis primariis . Postea deprehensum est Planetas omnes secundarios tam Saturnios quàm Joviales eandem quoque in motibus suis legem observare , eorum enim periodi ita temperantur , ut quadrata temporum periodicorum sint cubis distantiarum à centro Jovis , vel Saturni , proportionalia . Ita intus Jovis Satelles distat à centro Jovis diametria Jovis $2\frac{1}{2}$ & periodum conficit horis 42 . Extimus autem circulum proprium percurrit horis 402 . Adeoque si fiat ut 1764 quadratum numeri 42 ad 161604 quadratum numeri 402 ita $\frac{1764}{161604}$ cubus numeri 2 ad alium is erit $\frac{1764}{161604}$ ex quo extracta Radice cubica dabitur $\frac{1764}{161604} = 12$; qui numerus exprimet distantiam extimi satellitis Jovis , in diametris Jovis , talemque reverà esse ejus distantiam observationibus deprehensum est .

Hujus Regula causa-
sam Phy-
sicam Pri-
mus inven-
nit
Newtonus

Hujus Regulæ causa Physica Keplerum latuit , qui solummodo eam invenit , comparando distantias Planetarum cum ipsorum Periodis ; at gloria illam à priore investigandi & illius causam ex necessitate Physica monstrandi magno Nevutono nostro reservata fuit , qui demonstravit , salvis naturæ legibus , aliam regulam in mundo locum obtinere non posse : Quod nos quoque ostendemus cum de causis Physicis agendum erit .

Cum itaque omnes agnoscunt Astronomi , Legem superioris traditam , constanter observari à quatuordecim corporibus mundanis , quorum plures circa commune centrum revolvuntur , nempe à quinque planetis primariis , & novem secundariis , & cum Luna circa Terram , tanquam centrum , gyros ducit ; si Sol etiam circa ipsam circulationem perficeret , congruum esset ut eadem Lex ipsorum motus regeret . Adeoque cum Luna diebus 27 , Sol 365 diebus , circulos absolvunt , & Luna 60 semidiametris Terræ à Terra removeatur , si fiat ut 729 quadratum numeri 27 ad 133225 qua-



quadratum numeri 365, ita 216000 cubus numeri 60 ad alium, is erit 39460356 cujus Radix cubica est 340, & ille numerus distantiam Solis exhiberet, si modo in ejus motu locum obtineret eadem Regula, qua reliqua omnia corpora mundana motus suos constanter temperant.

Verum omnes consentiunt Astronomi, & invictis rationibus demonstrari potest, Solem plusquam trigiesies magis à Terra distare quam sunt 340 semidiametri Terrestris.

Ex quo liquet, si adinstitatur Solis motus circa Terram annuus, violari universalem jam traditam Naturæ legem, & concidere motuum proportionem, quæ ut integræ maneant, Terra in suo loco inter Planetas reponi debeat, Solemque cum iis circumire, quibus positus restituetur pulcherrima circulationum Harmonia, & sine omni exceptione motuum ordo manebit immutabilis.

Sed non potest circa Terram moveri nisi tollatur motuum Harmonia.

Ut Planetarum omnium agnoscimus cognationem, similemque naturam, ex eo quod Telluris initar sint corpora opaca Spherica, Solisque luce illustrata, circa quem etiam motibus omnino similibus continuo cientur; sic etiam cum Sol & reliqua omnia sidera propria luce splendeant, & sedibus suis immota conquiescant, simili ratione pro corporibus ejusdem naturæ haberi possunt. Quodque Sol præ reliquis omnibus stellis tantus Terricollis appareat, quodque tanta luce resulgeat, ut ejus præsentia omnes stellarum flammæ splendore suo extinguat, in causa est quod Terra à reliquis omnibus sideribus immenso intervallo distans, in Solis vicina circa ipsum continuo gyrat. Nam qui fixam aliquam ex eodem intervallo, quo nos Solem, aspiceret, se Solem nostro Soli per omnia similem intueri crederet; spectator etiam à Sole nostro æque remotus, ac nos ab aliqua fixa, eum stellis annumeraret. Fixæ itaque omnes sunt Soles; estque Sol una ex fixis.

Sol & fixæ sunt corpora ejusdem naturæ.

Quamvis tanta sit Telluris à Sole distantia, ut ex hoc spectata Tellus quasi ut minutum aliquod punctum videatur, ea tamen distantia, ad stellarum fixarum distantiam comparata, tam exigua habenda est, ut etiam si orbita in qua diximus Terram circa solem deferri è stellis fixis con-

Immensa est Fixarum distantia præ Terræ distantia à Sole.

spiciatur, ea etiam ut punctum apparebit, angulusque sub quo orbitæ diameter ex fixâ videtur, tam exiguus est, ut ab Astronomis acutissimis vix observari hæctenus potuerit; certe qui in hoc angulo (quem paralaxim orbis annui dicunt) observando maxime invigilarunt, illum semper uno minuto primo minorem deprehenderunt, adeoque necesse est, ut stellæ decies millies aut longius à nobis distent, quam nos à Sole distamus.

Hinc sequitur, quod etiamsi Tellus ad aliquas stellas propius uno anni tempore accedat, quam in opposito, idque intervallo diametri orbitæ suæ, non tamen stellæ illæ majores apparebunt, neque ulla fiet apparentis intervalli inter duas quasvis stellas sensibilis mutatio, propter diversas spectatoris positiones.

Sint enim in Terra duæ turres sibi invicem propinquæ, à quibus tamen distet spectator spatio decem mille passuum, is si per unum tantum passum situm suum mutat, ad ipsas accedendo, tantillo spatio propius admotus, nec turres magnitudine auctas, nec à se invicem longius distitas conspiciet, itaque cum Tellus unâ anni tempestate tantum per decies millesimam distantiam suam partem ad fixam aliquam accedit, quam aliâ; nulla tamen sensibilis orietur in stellâ situs, aut, magnitudinis respectu, mutatio.

*Angulus
sub quo Sol
ex distantia
fixarum
apparet.*

Hinc etiam sequitur quod si Sol tantum à nobis distaret, quantum proxima quævis fixa, angulus sub quo videbitur, erit decies millies minor quam nunc est; cumque angulus sub quo videtur Sol à Terricolis, sit dimidii circiter gradus, seu triginta scrupulorum primorum, ex stellâ fixâ spectatus Sol sub angulo qui est millesima pars trium scrupulorum, hoc est sub angulo decem circiter scrupulorum Tertiorum videbitur.

Objeçtio.

Contra hanc positionem objiciunt aliqui; si tanta sit fixarum distantia, oportet ut stellæ Solem nostrum magnitudine multum superent, nec minores possunt esse quam Sphæra, cujus diameter diametro orbitæ annuæ Telluris æqualis sit; volunt enim stellas, saltem ordinis primi, sub angulo non minore uno minuto videri: cumque orbitæ Telluris diame-

ter

ter è fixis sub majori angulo non cernitur, stellarum diametri diametro orbitæ in qua fertur Tellus, magnitudine non cedunt. Cumque Sphæra illa cujus semidiameter distantiam Terræ à Sole adæquat, Solem nostrum centies centenis mille vicibus superat, toties quoque superabunt stellæ Solem nostrum, adeoque, cum enorme inter sit magnitudinis discrimen, non erunt Sol noster & Fixæ corpora cognata, neque proinde Sol pro fixâ habendus est.

Stella fixa nullius magnitudinis, sed ut mera puncta apparent.

Sed qui de magnitudine fixarum talia prædicant, multum falluntur, dum tantas iis assignant diametros apparentes; eæ enim tam exiguæ apparent, si rite observentur, ut veluti puncta tantum lucentia sine visibili quavis latitudine resfulgeant; quo fit, ut observationibus nulla earum mensura deprehendi potest; cingit quidem flammea omnia corpora in tenebris visa irradiatio quædam, seu capillitium, unde fit ut centies & pluribus vicibus majores conspiciantur, quam si sublato capillitio viderentur; multum autem minuitur capillitium, si per exiguum foramen aciculâ in charta factum conspiciantur, facilius vero & melius huic incommodo medetur Telescopia adhibendo, quæ radios illos adventitios auferunt, & stellæ, ut mera puncta lucentia spectandas præbent. At Telescopia quamvis multum augeant objectorum diametros, non tamen certas & definitas stellarum mensuras nobis exhibent, cum sidera ut lucida puncta, seu nullius magnitudinis per ea etiam visa appareant; Unde mirum est quod Ricciolus Syrii sive Canis majoris stellam posuit sub angulo 18" videri. Nam si tantus Syrius nudo oculo appareret, per Telescopium visus, quod ducentes ampliatur objecta quoad diametros, debet ille sub angulo 3600 scrupulorum secundorum seu angulo unius gradus videri; unde & ejus Discus Solarem Discum quater superare videbitur; cum tamen certum est Telescopium illud exhibere Syrium ut punctum tantum lucens, & stellâ Martis non majorem: Mars autem, cum nobis proximus atque maximus adest, sub angulo 30 scrupulorum secundorum conspicitur. Unde diameter Syrii ducentes ampliata non major erit 30 scrupulis secundis, adeoque angulus, sub quo

Quod per Telescopium demonstratur.

nn-

nudo oculo apparere debet, non major erit, & unius scrupuli secundi, seu novem scrupulis tertiis: Hoc est Syrius Soli fere æqualis cernitur, si is tantum à nobis distaret quam Syrius. Mirum fortasse quibusdam videbitur, quod stellæ fixæ omnino conspiciantur, cum eorum diametri tantillos subtendunt ad oculum angulos. Sed flammea & ignita corpora ex maximis intervallis cerni possunt, iis scilicet, unde alia corpora æque exiguis angulis comprehensa profuse evanescunt. Quod comprobatur candelæ flamma, quæ noctu ad distantiam duorum millia passuum cernitur, cum tamen interdiu objectum, opacum Solis luce illustratum, etiamsi decies & amplius flammam latitudine superat, ex ea distantia videri nequit. Lux enim, quam ex se undique defundunt ignita corpora, vegetior multo est, fortiusque fibrillas Retinæ vellicat, quam ea quæ à corporibus opacis reflectitur, reflexionibus enim debilis redditur radiorum actio; & inde fit ut corpora lucida in species ampliores spargantur.

*Fixæ sunt
corpora
ignea.*

*Fixæ sunt
Soles.*

Immota itaque cæli astra sunt corpora suâ naturâ ignea, instar Solis nostri, quæ huic nec magnitudini cedunt, nec multum superant, adeoque, pro totidem Solibus haberi possunt. Concipiendum porro est, Soles hos non in una eademque superficie hære, sed per immensa mundi spatia undique disseminari & longissimis intervallis à se invicem distare; ita ut tantum inter duos quoslibet Soles proximos interjaceat spatium quantum ad minimum inter Solem nostrum, & Syrium porrigitur. Hinc spectator qui alicui Soli propius adest, illum tantum ut Solem conspiciet, & reliquos omnes Soles ut micantia astra in cælo seu firmamento proprio inhærentia videbit.

Porro non credibile est, Deum tot innumeros Soles in locis tam remotis solitarie locasse, & nulla juxta posuisse corpora quæ horum luce & calore foveantur; hoc certe sapientiæ divinæ minime congruum esse videtur; cum Deus nihil frustra creavit, sed confitendum potius est, Solem unumquemque suo quoque Planetarum comitatu cingi, qui circa Soles hos, diversis periodis, ad diversas distantias, Lunis quoque suis stipati rotantur.

Quam

Quam admirabilis & magnifica hinc nobis oritur amplitudinis mundanæ Idea. Concipiendum enim est Indefinitum spatium mundanum, in quo innumerabiles locantur Soles, Soleſque illi ſunt ſtellæ quas vel nudo oculo, vel Teſcopii ope detegimus; harum ſinguli propriis Planetis ſtipati totidem Mundos ſeu ſyſtemata conſtituunt. Et unuſquiſque Sol in proprio ſyſtemate idem munus obit, quod in hoc ſuo ſyſtemate Sol noſter.

*Idea am-
plitudinis
Mundanæ.*

Hinc Mundus exiſtet Divinæ Sapientiæ, Omnipotentæ, & Bonitatis Theatrum, Gloriæque Immenſæ, & Infini-
Palatium.

LECTIO V.

*De Maculis Solaribus; & Solis, & Planetarum circa
proprijs Axes, vertigine; & de Stellis fixis.*

OB maximam Telluris à Sole diſtantiã, Solis conve-
xitas noſtris oculis prorsus evaneſcit, nec mirum
cum & Lunæ, quæ nobis multo proprius adest, Sphæ-
rica ſuperficies à ſenſibus non percipitur, & tam Lunæ quam
Solis orbes tanquam diſci plani nobis appareant; quorum in
medio punctum, quod reverà eſt in ſuperficie centrum, ſeu
centrum apparens, dicitur. Et ſi Solis facies æqualiter ubi-
que luceret, ob uniformem ejus faciem, quæ nullam varie-
tatem oculo objiceret, poterit ille circa ſuum Axem rotari,
& ejuſmodi rotatio nobis non innotefceret; nunc vero cum
in lucidiſſimo Solari diſco, & puriſſimâ ejus flammâ, sæpe
nigræ conſpiciuntur maculæ ejus ſuperficie adhærentes, ex
eorum motu nobis conſtat de Solis rotatione; nam hæ ma-
culæ à margine Solis orientali, medium verſus progredi cer-
nuntur, deinde ulterius provectæ in oppoſita margine ſcil.
occidentali margine occidere videntur. Et earum aliquæ
poſtquam in oppoſita nobis Solis ſuperficie per quatuordecim
circiter dies delituerunt, in margine ruriſus oriri incipiunt.
Circulus A G H D repræſentent Solarem ſuperficiem nobis con-
ſpicuam, sæpe vidimus materias quaſdam denſas & obſcu-
ras nubibus circumterreſtribus perſimiles in margine A oriri,
quæ

*Solis &
Lunæ con-
vexitas no-
ſtris oculis
evaneſcit.*

*In Solis
ſuperficie
ſunt macu-
læ.*

*Sol circa
axem ſuum
vertitur.
TAB. 15.
fig. 1.*

quæ paulatim versus B repentēs, in medio tandem Disci conspiciuntur, deinde per BC ad circumferentiam progredientes, post aliquam moram in D evanescent.

Macula a puncto aliquo digresse aliquando ad idem redeunt post 27 dies.

- Aliquando macularum aliquæ, interjecto dierum viginti septem circiter spatio, post digressum ab A rursus in eodem puncto conspiciuntur, tantumque temporis per Solis superficiem nobis aversam transcurrendo impendunt, quantum in obversa Solis facie nostro conspectui subjiciuntur. Macularum motus in Disci peripheria A vel D tardissimus apparet, & versus medium velocior: præterea earum figuræ, circa margines Solis arcuissimæ, in medio latæ, & plena majestate se ostendunt; & hæ apparentiæ respondent materiis quibusdam densis & obscuris, Solis superficiæ contiguïs, & Solari vertigine abreptis. Quidam existimaverunt maculas has non corpori Solari adhærere, sed ab eodem aliquantulum distare, & circa Solem revolvî ad modum satellitum Jovis; sed ii facile refelluntur, nam si maculæ in superficie Solis non existerent, eadem macula non videretur per totum tempus semiperiodi in superficie Solaris. Sit enim Sol in A visus ex Tellure B sub angulo DBC 30 minutorum, si macula orbitam HEG extra Solis superficiem percurreret, non videbitur Solis Discum intrare, antequam ad E pervenerit, ubi recta BED ex terra ducta Discumque tangens maculæ orbitam secatur, & ducta BCG Solem quoque tangere per Solis superficiem tantummodo decurrere videtur, dum arcum EG describit, qui arcus semiperipheriæ minor erit, & tempore, quod semiperiodo minus est percurreretur. Sed ex observationibus constat maculas, quæ integram revolutionem absolvunt, (fuerunt enim nonnullæ, quæ duos aut tres periodos abolverunt, singulas nempe viginti septem dierum) illæ inquam 13. impendunt, ad hoc ut à limbo occidentali Solis ad limbum orientalem perveniant; adeoque cum dimidium periodi suæ tempus in transcurrendo Solis Discum impendunt, ipsarum orbitæ in ipsa superficie Solaris exarabunt.

Macula in superficie Solaris existunt.

TAB. 15.
fig. 2.

Macula sæpe dissolvuntur sæpe plures in unam confluant.

Macularum plures in medio Solis Disco primo videri incipiunt, alias in eodem dissolvi & evanescere cernimus; sæ-

DE MACULIS SOLARIBUS. 253

sæpe plures in unum confluent, sæpius in una plures diffiuit. Primus eas Telescopio suo detexit Gallilæus, postea accuratius observavit Scheinerus, qui magnum volumen de iis edidit, & tunc temporis plures quinquaginta in Sole visæ sunt. At ab anno 1653 usque ad annum 1670 vix una, aut altera visa est, exinde sæpe plures una conspectæ sunt, & nullæ constanti temporum lege apparent, aut evanescent.

Narrant Historici Solem per integrum annum aliquando pallidum apparuisse, & sine solito fulgore, calorem tenuem debilemque emisisse, quod credibile est ex eo provenisse, quod plures ingentes maculæ non minimam Solaris superficiei partem tunc temporis texerunt; & nunc aliquando videntur maculæ, quæ non tantum *Asiam*, aut *Africam*, sed totius Telluris superficiem latitudine superat.

Solem aliquando Pallidum per integrum annum apparuisse.

Macularum motus est ab Occidente in Orientem, & ex eo constat, Axem circa quem vertitur Sol, non esse ad planum orbitæ Telluris perpendiculariter erectum, sed ad illud inclinari, & facere cum Axe orbitæ, qui per Solis centrum transit, angulum septem circiter graduum & proinde Solis *Æquator*, seu circulus in medio inter duos polos orbitæ planum secabit in linea recta, quæ productæ orbitæ occurrerit in duobus punctis. Et cum Terra in hisce duobus punctis invenitur, semitæ macularum rectæ lineæ apparebunt, cum scil. oculus spectatoris est in earum plano. At in alio quovis Telluris situ, cum scil. *Æquator Solaris* supra oculum attollitur; aut infra illum deprimatur, vestigia macularum erunt curvilineæ, & Ellipses.

Axis Solis inclinatur ad planum Eccipticæ, sicuti Solis æquator.

Cum splendidissimum Solare corpus obscuris maculis scedatur, non cogitandum est corpora Planetarum opaca nævis carere; quibus eorum facies asperguntur. Et reverà Jupiter, Mars, & Venus, si Telescopio spectentur, nobis maculas suas produnt, ex quarum motu constat has Planetas circa Axes rotari. Simili scil. argumento quo Solarem vertiginem probavimus. Venus scil. spatio 23 horarum gyrationem circa proprium Axem ab Occidente in Orientem perficit, Mars similem rotationem horis 24 min. 40 absolvit, Terra una die ab Occidente in Orientem etiam circa Axem.

In Planetis macula videntur.

Planeta circa axes suos rotatur.

rota-

rotatur, quod ex apparenti motu omnium Astrorum ab Oriente in Occidentem nobis constat.

In Jove præter maculas, plures sunt *fasciæ* sibi invicem parallelæ, at hæ neque eandem constantem magnitudinem, nec distantias conservant easdem, nunc crescunt, nunc diminuantur, aliquando à se invicem longius discedunt, aliquando propius accedunt, & plures unâ cum maculis subeunt mutationes. Anno 1665 D^{nus} Cassini insignem detexit in Jove maculam, quam per duos annos observavit Jovis corpori per totum illud tempus firmiter adhærentem, & ejus figura & positio *respectu Fasciarum* probe determinatæ fuere; evanui tamen illa maculâ anno 1667, nec rursus usque ad annum 1672 visa fuit, post illud tempus per tres fere annos in conspectum assidue veniebat: sæpius deinde à nostris oculis se subduxit, & identidem se conspiciendam præbuit; & ut verbo dicam ab anno 1665 quo primo visa est, usque ad annum 1708 octies apparuit, & evanuit. Ejus revolutionibus sæpius observatis D^{nus} Cassini comperuit periodum Jovis circa proprium Axem esse horarum 9, minutorum 56.

Verisimile quidem est, quod Terra stabili magis & tranquillâ fruatur conditione, quam Jupiter, in cujus facie majores cernuntur mutationes, quam Telluri obtingerent: si Oceanus alveo suo relicto per Terras undique se diffunderet, novas continentes, nova maria exhiberet, permutato invicem Soli Salique vultu.

Mercurius prope Solem continuo commorans, tantâque luce cum videtur, perfunditur cælum, ut observationes non admittat, quibus ejus maculæ dignoscantur, & Saturni maxima à nobis præ reliquis Planetis distantia macularum visum oculis adimit. Credibile tamen est illos, prædictorum instar, circa Axem quendam revolvî, nempe ut sæpius quam semel in unâ revolutione circa Solem, cujusque Planetæ pars quælibet radiis Solaribus exposita, & iis rursus subducta, vicissitudines patiatur naturæ suæ congruas.

LECTIO VI.

De Magnitudine, & Ordine Fixarum, De Constellationibus, Stellarum Catalogis, & Mutationibus, quæ fixis accidere visæ sunt.

QUOD fixæ dispari inter se magnitudine appareant inde evenit, quod non omnes pari à nobis distant intervallo, sed quæ propius absunt reliquis tum magnitudine tum luce præcellere videntur; illæ interea, quæ longius distant, minore & mole & splendore conspiciuntur. Hinc oritur stellarum illa in classes distributio, quarum Classium Prima stellas primæ magnitudinis, 2^{da} secundæ, 3^{tia} tertiæ, & ita porro usque ad sextum stellarum ordinem, quæ minimæ sunt omnium, quæ nudis oculis videri queunt. Nam cæteræ stellæ, quas nonnisi Telescopii ope detegimus, his classibus non continentur. Licet vero antiquum & vulgo receptum sit sex tantum esse fixarum classes, & magnitudines, non tamen existimandum est unamquamque stellam ad harum aliquam præcise referri posse, quin potius tot constituendi sunt magnitudinum ordines, quot sere sunt stellæ, nam rarò admodum duæ fixæ cernuntur ejusdem splendoris; & istarum stellarum, quas inter primas numerant Astronomi, apparet magnitudinis diversitas; clarior enim est Syrius, aut Arcturus, quam Aldebaram, aut Spica, omnes tamen magnitudinis primæ habentur; sunt quoque nonnullæ magnitudinis intermediæ, adeo ut alii hujus, alii illius æstimant, v. gr. Canicula, quæ Tychoni est magnitudinis 2^{dæ}, Ptolemeo fuit primæ, quod indicio esse potest, nec esse primæ, nec secundæ, sed ordinis intermedii.

*Stellarum
ordo.*

Verum stellas non tantum magnitudine suâ designant Astronomi, sed quo melius in ordinem referant, eas per situm & positionem ad se invicem distinguunt, & in Asterismos, seu Constellationes distribuunt, plures stellas uni Constellationi assignando, estque Constellatio plurium stellarum sibi juxta jacentium systema. Præterea ut stellas omnes facilius in cœlo notent & observent, Constellationes ad formas animantium, & rerum quarundam imagines reducunt. Plerasque has imagines

*Constella-
tiones.*

gines ex fabulis, seu religione sua in cœlum transtulerunt Veteres, & recentioribus Astronomis easdem retinere placuit, ut perturbationis periculum evitetur, cum observationes antiquæ cum nostris conferantur.

Distinctio stellarum in imagines longe antiquissima fuit, ipsi scilicet Astronomiæ, seu Philosophiæ cœva. Nam in vetustissimo libro Job memorantur Orion, Arcturus, atque Pleiades, & multa Constellationum occurrunt nomina apud Homerum, atque Hesiodum Poetarum antiquissimos, necesse enim fuit sic ab initio stellas per partes distinguere, & ordine quodam designare.

Eadem cœli stellati facies ex omnibus Planetis spectatur.

Cum immensa admodum sit stellarum distantia, nihil refert in quo Solaris nostri systematis loco resideat spectator, sive is sit in ipso Sole, sive in Tellure, vel etiam in Saturno Planetarum extimo; ex omnibus enim nostri systematis partibus eadem videbitur cœli facies, eadem stellarum positio, atque invariata magnitudo. Planeticolis omnibus eadem spectantur Astra; commune Cœlum est, idem eos omnes involvit Mundus.

Cœli Regioner.

Cœlum stellatum in tres Regiones partiuntur Astronomi, quarum media eas continet stellas, quæ circa plana orbitarum, in quibus deferuntur Planetæ, jacent, & hoc cœli spatium Zodiaci nomine insignitur, ob Constellationes ibi positas, & animalia referentes, & extra quod nunquam videntur vagari Planetæ. Zonam hanc ex utroque latere claudunt duæ reliquæ cœli regiones; quarum una comprehendit Borealem cœli plagam, altera Australem.

Veterum imagines XLVIII.

Veteres cœlum ipsis visibile XLVIII. imaginibus distincterunt, quarum duodecim Zodiacum occupant, ejusque *Docecatemoriis* nomina imponunt sua, suntque Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces.

In Septentrionali regione numerantur Imagines XXI. nempe Ursa minor, Ursa major, Draco, Cepheus, Bootes, Corona Septentrionalis, Hercules, Lyra, Cygnus, Cassiopeia, Perseus, Andromeda, Triangulum, Auriga, Pegasus, Equuleus, Delphin, Sagitta, Aquila, Serpentarius, &

DE CONSTELLATIONIBUS. 257

& Serpens. Hisce postea adjectæ sunt constellationes Antinoid ex *informibus* prope Aquilam, & Comæ Berenices ex *informibus* prope Caudam Leonis.

Ad Australem Zodiaci partem sunt Asterismi xv veteribus cogniti, nempe Cetus, Eridanus, Lepus, Orion, Canis major, Canis minor, Argo navis, Hydra, Crater, Corvus, Centaurus, Lupus, Ara, Corona australis, & Piscis Austrinus. Hisce nuper adduntur constellationes xii circa polum Austrinum, quæ nobis Borealem Telluris partem habitantibus ob gibbositatem Terræ sunt incontpicuæ; scil. Phœnix, Grux, Pavo, Indus, Apus, Triangulum Australe, Musca, Chamæleon, Piscis volans, Tucam sive Anser Americanus, Hydrus, Xiphias sive Dorado.

Extra depictarum imaginum limites sunt stellæ quædam *Stella informes*. ad illas irreducibiles, quas ideo informes vocant; ex quibus insigniores Astronomi novos aliquando asterismos conficiunt.

Ad Asterismos etiam pertinet Galaxia, seu Via Lactea, *Galaxia*. quæ est circulus latus candore lactis perfusus, nonnunquam duplici tramite, plerumque simplici totum cœlum ambiens. Hunc cœli tractum innumeris minutissimis stellis refertum esse, Telescopio suo deprehendit Galilæus; & quamvis singulæ stellæ nudo oculo sint imperceptibiles, conjunctis tamen luminibus eam cœli regionem illustrant, & candore suo perfundunt.

Imaginum ope, uti diximus, stellas omnes distinguere, & in cœlo notare valuerunt vetustissimi Astronomi, & catalogos fixarum mirâ solertiâ & curâ exinde condiderunt. Hi catalogi recentiorum observationibus adaucti & correcti omnes continent stellas visu perceptibiles, imo plures in his nunc notantur stellæ, quæ non sine Telescopio videri possunt.

Hipparchus Rhodius annis circiter ante Christum natum 120 primus inter Græcos stellas fixas in Catalogum reduxit, *ausus ex sententia Plinii (rem etiam Deo improbam) annumerare posteris stellas, ac sidera ad normam expandere, organis excogitatis, per quæ singularum loca atque magnitudines* *Hipparchus primus fixarum catalogum composuit.*

R

signa-

signaret: Uti facile discerni posset ex eo, non modo an obirent nascerenturve stellæ, sed an omnino aliqua transirent, moverenturve, item an crescerent, minuerenturque, cælo in hereditate cunctis relicto, si quisquam, qui rationem eam caperet, inventus esset.

Hipparchus ex propriis & antiquorum observationibus 1022 stellas in Catalogum retulit, & unicuique propriam latitudinem, & longitudinem tunc temporis competentem adscripsit.

*Ptolomeus
Hipparchi
Catalogum
quatuor
stellis ad-
auxit.*

Ptolomeus Hipparchi Catalogum quatuor stellis adauxit 1026 numerando. Post Ptolomeum, Ulug Beighi magni Tamerlani Nepos sidera observavit, & 1017 stellas catalogo suo intulit. Sæculo decimo sexto & sequente, plures Urania nacta sunt cultores, inter quos eminebant Regiomontanus, & Copernicus. At omnium conatus superavit nobilissimus ille Astronomus Danicus Tycho Brahe, qui magna, & exquisita arte facta instrumenta comparavit, quibus cælum denuo lustraret. Is loca 777 fixarum propriis observationibus ex cælo deduxit, & in Catalogum retulit. Keplerus quidem in Tabulis suis Rodolphinis stellarum catalogum exhibet, quem Tychonicum vocat, in quo numerantur 1163 stellæ, at reliquas præter illas 777 à Tychone observatas, partim ex Ptolomeo, partim ex aliis diversis authoribus hausit; nihil enim Tycho in proprium catalogum retulit, quod non ipse suis instrumentis, calculoque investigaverat.

*Gulielmus
Hassia
Princeps
400 stellas
observavit.*

Tychoni cœvus Serenissimus Hassiæ Princeps Gulielmus sidera contemplari aggressus est, & cum Mathematicis suis Rothmanno, & Byrgio, indefesso per 30 annos labore, 400 stellas observavit, & catalogo inclusit, adjunctis stellarum locis secundum longitudinem ex propriis observationibus computatis.

*Ricciolus
Catalogum
edidit, sed
pauca ipse
observavit
stellas.*

Ricciolus Jesuita Kepleri catalogum 305 stellis locupletavit, & exinde earum numerus ad 1468 excrevit, sed hunc catalogum ex propriis observationibus haud construxit, sed tantum 101 stellas propriis instrumentis cum Socio Grimaldi observavit, & earum loca supputavit; reliquas ex Tychone, Keplero, & aliis auctoribus deprompsit. Mirum est, quod

quod Ricciolus plures stellas, quæ tempore Tychoonis in oculos omnium incurrebant, quæque ab ipso Tychone rite sunt observatæ, tempore verò Riccioli plane evanuerunt, elapsit adhuc, licet non amplius conspiciantur, in catalogo suo retineat, quasi ipse illas observasset.

Bartschius in Globo suo quadrupedali, anno 1635 Argentorati in 4^{to} edito, meminit Bayerum in sua Uranometria 1725 stellas delineasse; gloriatur etiam, quod ipse in suo Globo 1762 stellas designaverat, sed quis eas observavit, aut quo anno, non prodit.

Stellas ad polum Antarticum sitas, & nostræ Zonæ inconspicuas primus rectè observavit. Cl. meus Collega Edmundus Halley, qui magno Sideræ scientiæ amore percitus, longam & periculosam ad Insulam S.^æ Helenæ suscepit navigationem, ut sius stellarum sub polo Antartico nos latentium exquireret. Edidit is Catalogum 373 Fixarum australium, quarum loca supputavit ad annum 1677.

*Edmundus Halley
primas rite
observavit
stellas ad
polum An-
tarticum
sitas.*

Illustris Joannes Hevelius Dantiscanus vir maxime industrius & indefessus astrorum cultor, exquisitissimis instrumentis & omni apparatu Astronomico instructus, fixas majori quam antea curâ observavit, loca 1553 stellarum ex propriis observationibus supputavit, & novum omnino condidit stellarum catalogum, qui continet stellas 1888, nimirum 950 veteribus cognitæ, & supra Horizontem Gedanensem conspicuas; 603 alias, quas ante ipsum nemo rite debitis instrumentis determinavit, & 335 circa polum Antarticum, & infra Horizontem Gedanensem semper depreßas ex Catalogo Halleano transtulit.

*Hevelius
1553 stel-
las obser-
vavit, &
catalogus
eius conti-
net stellas
1888.*

At Catalogum longe amplissimum & correctissimum brevi, ut spero, nobis dabit Joannes Flamstedius Astronomus Regius Greenovicensis: in hoc catalogo numerus stellarum ad 3000 excurrit. Et sicut Hevelius duplo plures stellas observavit quam Tycho, sic Astronomus noster Britannicus numerum stellarum ab ipso observatarum duplo auctiorem reddidit quam est numerus earum, quæ ab Hevelio observatæ fuerunt. Tantum Urania hujus Astronomi debet laboribus, ut ne minima quævis conspiciatur stella, cujus

*Flamstedii
Catalogus
longe am-
plissimus.*

locus in cœlis non melius innotescit, quam plurimarum urbium & civitatum situs & positiones, per quas quotidie itinera faciunt viatores. Non mirum est, quod Astronomi tot pertinaces vigilias, tam Herculeos labores in stellis observandis sustinuerunt, cum non alio poterunt modo investigare Planetarum vias, & orbitas in cœlo notare, nisi per cognita prius fixarum loca, quibus, tanquam columnis firmissimis, omnis innititur Astronomia.

*Stellæ
inermi
oculo vis-
biles nu-
mero non
multæ sunt.*

Ex tribus millibus stellis à Flamstedio in catalogum relatis plures sunt, quæ non sine Telescopio videri possunt, adeoque non plures in hemisphærio visibili oculo inermi simul conspici possunt, quam mille. Mirum hoc plerisque videbitur, cum hyeme, illuni & serena nocte, primo intuitu innumerabiles videntur conspici stellæ. Sed apparentia illa est visus hallucinatio ex vehemente stellarum micatione profecta, dum oculus confuse & sine ordine omnes simul intuetur; at qui distinctè ad singulas attendit spectator, nullas inveniet stellas, quæ ab Astronomis non notentur. Quod si quis Globum cœlestem majoris formæ, qualis est Blavianus, adhibeat, eumque cum cœlo comparet, quantumvis acri oculo cœlum rimetur, non facile tamen stellam inveniet vel minimam, cujus imago in superficie istius Globi non depingitur.

*Est tamen
stellarum
numerus
immensus.*

Interim fateor stellarum numerum esse immensum & tantum non infinitum, nam qui Telescopio cœlum vult intueri, ingentem ubique fixarum multitudinem inveniet, quæ nudis oculis se minime produnt, præsertim in via Lactea tam confertim reperiuntur fixæ, ut illum cœli tractum singulæ licet imperceptibiles luce sua, seu candore quodam perfundant.

Cl. Hookius Telescopium duodecim pedum versus Pleiades dirigens, (quæ olim septem sunt visæ, at nunc tantum sex inermi oculo visuntur) septuaginta & octo stellas notavit, & longiora adhibens Telescopia longe plures diversæ admodum magnitudinis detexit: vide Microgr. pag. 241 Et Antonius Maria de Rêvita in Radio suo sidæneomystico pag. 197 affirmat à se per tubum opticum numera-

meratas fuisse in sola constellatione Orionis stellas quasi bis mille.

Ex dictis in præcedenti Lectione constat, quam falsa & *Materia cæli non est incorruptibilis.* vana fuit veterum Philosophorum opinio, qui cælis nimum faventes quædam iis privilegia sine ratione indulserunt; eos quippe ab omni mutatione immunes statuebant, materiamque cæli à Terrestri specie diversam esse pronuntiabant, hanc corruptibilem esse, & in varias formas mutabilem; illam non item, sed sub eadem forma & facie semper permanentem nullique mutationi obnoxiam prædicabant. Vidimus

in Sole atque Planetis quotidie nova corpora generari, rursusque corrumpi, & Planetarum facies varias mutationes subire. Nec solum in Terra nostra, aut in nostri systematis corporibus locum obtinent mutationes, verum longe ulterius porrigitur generationis & corruptionis Principium; inter stellas enim immotas longissime à nobis distitas dominatur & nullum corpus est, quod ejus imperium non patiatur. Perierunt enim stellæ plures à veteribus conspectæ, novæ renascuntur, ipsæ etiam aliquando perituræ. Quin etiam quorundam siderum extinguuntur flammæ, quæ post statam periodum rursus resplendent. Inter stellas has maxime celebris est illa, quæ in collo Cæti videtur, quæ octo vel novem anni mensibus inconspicua, reliquis quatuor vel tribus mensibus varia magnitudine se videndam præbet; hujus stellæ superficies corporibus opacis seu maculis maxima parte tegi videtur, aliqua tamen ejus portione lucida manente, quæ dum circa suum axem convolvitur, modo hanc, modo illam partem nobis obvertit, sed & hujus stellæ maculæ quasdam mutationes subire videntur, non enim singulis annis eandem obtinet stella magnitudinem, quandoque secundi ordinis Fixas superat magnitudine, aliquando inter tertium ordinem vix consistere videtur; nec eodem semper temporis spatio sui copiam facit, nam sæpe non ultra tres menses continuos, sæpe etiam per quatuor integros & amplius conspicitur, neque æquis temporum intervallis incrementa sumit.

Principium Generationis, & corruptionis ad stellas fixas pertinet.

Stella quæ periodice apparent & evanescunt.

Præterea ex Astronomorum observationibus constat, sæpe *Stella nova.*

R 3.

p1us

prius novas aliquas prius latentes emicuisse stellas, quæ per aliquod tempus insignes & maxime conspicuæ apparuerunt; sed deinde paulatim decrecentes, tandem evanescere quasi extinctæ fuissent. Harum stellarum una ab Hipparcho Astronomorum principe notata & observata fuit, eumque impulit ut Fixarum catalogum adornaret, posterisque traderet, ut ex eo facile discerni possit an obirent, inciperentve stellæ.

Stella nova in Cassiopeja.

Post plura deinde sæcula, alia etiam nova Tychoni Braheo, ejusque temporis Astronomis in constellatione Cassiopejæ apparuit; quæ non secus ab Hipparchea illa Tychonem admonuit, opus esse ut novum conderet stellarum Catalogum: visa est hæc stella circa Novembris medium Anno 1572; permansit eodem inter fixas loco toto apparitionis tempore, quod per menses circiter sexdecim duravit, tandemque paulatim extincta fuit; magnitudo ejus apparens Lyram, aut Syrium inerrantium splendidissimas superabat, Veneris *Perigææ* fere æmula, in meridie à non paucis visa est. Sed tandem sensim imminuta evanuit, nec ex eo tempore in coelis est conspicienda. Leovicius ex historiis istius temporis tradit anno 945 regnante Othone imperatore stellam novam in Cassiopeja apparuisse similem ei, quæ suo tempore visa est anno 1572. Aliud quoque adducit testimonium perantiquum, quod anno 1264 visa est in septentrionali cœli parte, circa constellationem Cassiopejam nova & maxima stella, quæ nullum habebat motum proprium; credibile est hanc & supra memoratam, quæ anno 945 apparuit, eandem fuisse stellam cum ea, quæ à Tychone visa fuit.

Stella nova in Cygni.

Anno 1600, & sequenti deprehendit Keplerus aliam novam stellam in pectore Cygni, quæ multos annos ibidem persistit, & Hevelio apparuit tertiæ magnitudinis, evanuit tamen anno 1660, indeque ad annum 1666 latuit, donec in mense Septembri eam denno conspexit Hevelius nudo oculo, ut stellam sextæ magnitudinis, & quidem in eodem loco, quo fuerat ab anno 1601 ad usque 1662.

Ex catalogis Fixarum liquet plures stellas fuisse à veteribus & etiam à Tychone observatas, quæ nunc non amplius conspiciuntur. Et speciatim Pleiades vulgo habentur numero septem,

septem, at nunc in serena nocte non plures quam sex cerni possunt. Unde Ovidius lib. 8^{to} Fastorum

Quæ septem dici, sex tamen esse solent.

Clarissimus Montanerus professor Mathematicum Bononiæ litteris ad Societatem Regiam datis, Apr. 30. 1670 sic scribit. *Desunt in cælo duæ stellæ 2dæ magnitudinis in puppi navis, ejusque transtris, Bayero^s & > prope eanem majorem à me & aliis, occasione præsertim Comete Anni 1664 observatæ & recognitæ; earum disparitionem cui anno debeam non novi, hoc indubium est, quod à die 10. Apr. 1668 ne vestigium quidem illarum adesse amplius observo, cæteris circa eas etiam tertiæ & quartæ magnitudinis immotis, plura de aliarum stellarum mutationibus plusquam centenis at non tanti ponderis notavi.*

Credibile est stellas has maculis, & corporibus opacis penitus obsitas & obrutas fuisse, & lucem exinde omnem amisisse; quorum proinde Planetarum cohortes tenui admodum reliquarum Fixarum luce tantum illustrantur.

LECTIO VII.

De Motu Telluris annuo circa Solem, & circa proprium Axem; & de Motu Apparente Solis, & cæli inde orto.

Perlustratâ cursorie Universalis Mundi materialis Fabricâ, traditisque quæ de stellis Fixis comperta habuimus, ad nostrum Solare accedamus Systema, cujus partes omnes accuratiore intuitu sunt contemplandæ, nam circa corporum in eo contentorum motus, motuumque phenomena præcipue versatur nostra Astronomia.

Et primo à Motu Terræ domicilii nostri, scil. à nobis ipsis convenit ut incipiamus, nam ex nostro motu oritur motus Soli apparens, sine quo reliquorum Planetarum phenomena, nec explicari, nec computari possunt.

Ostensum est in præcedentibus, Solem nostri systematis corpus maximum & nobilissimum, sui que generis unicum

Exordium à motu Terra.

Sol nostri Systematis centrum actusq.

Tellus circa Solem movetur & interea circa suum Axem.

Idem stellarum aspectus è Sole qui est è Terra.

Motus Terræ è Sole spectatus. TAB. 15. fig. 3.

Ecliptica.

Ecliptica partes duodecim.

Motus Solis apparentis è Terra.

centrum occupare, à quo ille undique diffundens radios, Planetarum corpora opaca luce sua illustrat, & calore foveret, atque vivificat, circa hunc aguntur in orbem diversis periodis, & distantis Planetæ omnes, inter quos Tellus numeratur, quæ periodum absolvit spatio unius anni, & interea circa suum Axem vertitur spatio viginti quatuor horarum. Cumque distantia Fixarum à Terra, vel Sole sit admodum immensa respectu distantiae Terræ à Sole, eadem apparebit cœli stellati facies, idem manebit situs, atque ordo Fixarum ad se invicem, sive è Sole, sive è Terra aspiciantur astra. Sed cum corpora omnia longinqua ad cœlum referantur, Spectator in Sole locatus videbit Tellurem circum in cœli stellati superficie maximum inter Fixas describere.

Repræsentet Solem, ABCD Telluris orbitam in qua movetur Tellus ab Occidente in Orientem, scil. ab A per BCD. Spectator in S Terram in A positam ad stellam V referet; cum Terra pervenerit in B, illam juxta stellam in V aspiciet & cum ad C progressa fuerit in V videbit, in D vero delata Tellure, è Sole in B eam spectabit. Et in A periodum perficiens rursus in V videbit eam.

Hinc si planum orbitæ Telluris ad fixas usque protendatur, efficiet in superficie cœli sphaerica concava circulum, quem inter Fixas peragrarè videbitur Tellus quolibet anno. Circulus hic *Ecliptica* dicitur, & ab Astronomi in duodecim æquales partes; quæ signa appellantur dividitur; quarum unaquæque nomen sortitur à constellatione, quæ tunc temporis, quando nomina imposita fuere, juxta illam partem visa fuit. Partes illæ sunt *Aries* ♈, *Taurus* ♉, *Gemini* ♊, *Cancer* ♋, *Leo* ♌, *Virgo* ♍, *Libra* ♎, *Scorpio* ♏, *Sagittarius* ♐, *Capricornus* ♑, *Aquarius* ♒, *Pisces* ♓.

E Sole ad Terram trasferatur spectator, & ponamus Terram in C locatam, è qua Terricola Solem observet, is quoque Solem ad cœlum refert, & cum Tellus est in orbitæ puncto C Sol in cœlis videbitur in V, spectatorque ille motus annui particeps, Terræ partes omnes in eodem ad se invicem situ, & ipæ eadem ab oculo distantia manere videbit; & proinde motum illum sensibus percipere non potest;

at

at Solem aspiciens, cum ad D pervenerit Terra, Solem juxta stellam in α videbit, & eum inter fixas locum mutasse deprehendet, & ab γ per ν & μ ad α pertransisse; ex D vero ad A progrediens Terra, Sol ex ea conspicietur signa α & ν & μ percurrisse; & rursus dum semicirculum ABC describit Terra, Sol per sex signa α ν μ ρ σ τ in superficie cœli sphaerica deferri videbitur. Terricola igitur Solem loco reverà immotum eundem in cœlo circulum describere videbit, quem spectator in Sole Terram deprehendet percurrere.

Hinc oritur motus ille apprensus Solis versus stellas orientales. Ut si stella observetur prope Eclipticam unam cum Sole oriri; aliquot interjectis diebus, Sol magis versus orientem promotus videbitur, & stella ante Solem oritur, citiusque occidet; sic etiam quæ nunc post Solis occasum videtur stella, in Ecliptica notabili satis intervallo à Sole distans, post aliquod interjectum tempus, unà cum Sole occidet, nec amplius noctu conspicietur. Hunc motum motui diurno contrarium realem esse & Soli revera competentem statuiebant Ptolomei sectatores; at illum apparentem tantum esse, & ex motu Terræ ortum hic ostensum est.

Similes quoque motus reliquorum Planetarum Incolæ in Sole observabunt, & unusquisque Planeticola Solem circa se eundem circulum inter Fixas, & eodem tempore, describentem aspiciet, quem idem Planeta, è Sole Spectatus, in cœlo describere videtur, v. gr. Jovis Incola observabit Solem circa Jovem in orbem agi, & circulum diversum quidem à nostra Ecliptica, & per diversas stellas transeuntem percurrere, spatio duodecim annorum.

Similes Solis motus & reliquis Planetis spectantur.

Eadem ratione & ob similes causas, Sol videbitur ex Saturno alium diversum circulum circa ipsum abolvere spatio triginta annorum, qui tempus periodicum Saturni complent. Cumque impossibile sit, ut omnes hi motus simul sint in Sole, nec ratio excogitari potest, cur unus eorum potius quam reliqui Soli tribuatur; dicendum est, omnes esse tantum apparentes & ex veris motibus Planetarum ortos.

Præ-

Oyris
Terra cir-
ca suum
Axem.
Te lluris
Poli.

Præter motum hunc Circulationis annum Terra etiam circa suum Axem rotatur ab occidente in orientem, & puncta illa duo, in quibus Telluris Axis ejus superficiei occurrit, Telluris Poli dicuntur; & si Axis utrinque ad cælum producaturn signabit quoque in cælo duo puncta, quæ poli cœlestes nominantur: unumquodque autem punctum in Telluris superficie, polis exceptis, ex hujus rotationis natura describet circumferentiam circuli majorem vel minorem, prout punctum signatum plus minusve fuerit à polis remotum, & poli erunt soli loci in superficie Telluris omnis rotationis expertes. Locus autem ille, qui designatur à puncto æqualiter ab utroque polo remoto, maximum circumlum describit, & is Telluris *Æquator* seu *circulus Æquinoctialis* dicitur; reliqui circuli minores paralleli appellantur.

Telluris
Æquator
¶ Parale-
li.
Horizon
circulus.

Porro si per punctum, in quo insitit spectator, duci intelligatur planum Tellurem tangens, ad cælum usque protensum, hoc planum in duas partes cælum divider, & circumlum in illo efficiet, qui *Horizon* dicitur cœli partem conspicuam & visu patentem ab illa infra depressam, & propter Telluris opacitatem latentem, distinguens. Hic *Horizon* est proprie *Horizon sensibilis*, à quo differt *rationalis*, qui transit per centrum Terræ sensibili parallelus. Hi duo circuli in cælo coincidere censendi sunt, evanescente in tanta distantia ipsorum intervallo, seu Telluris semidiametro.

Sensibilis.

Rationalis.
TAB. 15.
Fig. 4.

Rotatio
Terræ effe-
ctus motum
diurnum
apparen-
tium cæli ab
oriente in
occidentem.

Cum Terra circa suum Axem rotetur, huic insistentem spectatorem unà cum horizonte suo simul in eandem plagam (scilicet Orientem) rotari necesse est, unde verius Ortum posita prius inconspicua reteguntur, propter Horizontem infra illa subsidentem, & alia versus occasum absconduntur, Horizonte supra illa elevato; & ideo spectator illa supra Horizontem ascendere sive oriri videbit, hæc infra eundem descendere; unde & Plagis istis talia nomina sunt imposita. Hinc provenit motus ille apparens omnium corporum mundanorum Terræ non adherentium, quo cælum omne fidereum & unumquodque in eo punctum, præter polos circa Axem Telluris ad cælum productum, ab oriente in occidentem rapi, & circulos describere videntur, majores aut mi-

minores, pro maiore aut minore ipsorum distantia à polis, qui poli ut puncta immota spectantur.

Licet superficiei Terrestris locus quilibet à qualibet stellâ *Quando sit dies.* supra Horizontem conspicuâ illuminetur, illustratio tamen à Sole facta tanta est, ut Sol presentia suâ reliquas omnes stellarum flammâs extinguat, & diem efficiat; absentia autem Solis, ubi is infra Horizontem deprimitur, vel quod verius est, ubi Horizon supra illum attollitur, noctem efficit. Cumque Terra figuram Sphæricam & substantiam opacam obtineat, & à Sole secundum medietatem superficiei suæ illuminetur, alterâ medietate tenebris operatâ manente; circulus ille in terra Maximus illuminatam Terræ faciem à tenebrosa distinguens *Lucis & Umbra Terminator* dici potest, ejusque planum erit ad rectam jungentem centra Solis & Telluris normale. *Quando non.*

Si Telluris Axis ad planum Eclipticæ esset normalis, coincideret Æquatoris planum cum plano Eclipticæ, & circulus lucis Terminator in eo casu semper polos transiret, & Æquatorem omnesque ejus parallelos in partes æquales secaret; adeoque in eo casu astra omnia unâ cum Sole tantundem temporis supra Horizontem fierent conspicua, quantum infra eum depressa laterent, diesque noctibus per totum Terrarum orbem perpetuo forent æquales. Verum Axis Terræ non est ad Eclipticæ planum perpendiculariter erectus, sed ad illud inclinatur angulo 66; graduum; nec proinde coincidet planum Æquatoris cum plano Eclipticæ. *Circulus Lucis & Umbra Terminator Telluris Axis non est ad planum Eclipticæ normalis.*

Et si planum Æquatoris ad cælum usque protendatur, efficiet in cælo circulum, qui Æquator seu Æquinoctialis celestis nominatur, & hi duo circuli, Æquinoctialis nimirum & Ecliptica angulum constituunt 23; graduum.

Ira verò in sua orbita progreditur Tellus, ut Axem suum retineat sibi semper parallelum; hoc est, si ducatur linea quavis Axi in quovis ejus situ parallela, Axis ille in omnibus aliis orbitæ suæ punctis eidem lineæ parallelus manebit: nec unquam directionem variabit, sed versus eandem mundi plagam continuò dirigetur. Atque hoc necessario fiet, si

TAB. 13
fig. 5.

si Terra nullo alio motu præter progressivum in orbita propria, & rotatione circa Axem ciat. Sit enim corpus cuius centrum in linea A B feratur, & in A notetur quælibet diameter C D utcumque ad lineam A B inclinata, si corpus nullum alium præter progressivum motum habeat, cum ad B pervenerit Diameter C D in situ *c d* priori C D parallelo invenietur, quod si eidem corpori circa Axem C D rotatio imprimatur, omnes ejusdem corporis, diametri præter Axem situs suo constanter mutabunt. At Axis per rotationem illam è statu suo non turbabitur, adeoque parallelus, ut prius, sibi semper manebit.


Hinc constat non opus esse, ut tertius quidam motus Terram exerceat, quo parallelismus Axis qui conservaret, ut quidam somniarunt: ad hoc enim nihil aliud requiritur, quam ut soli prædicti duo motus Terræ imprimantur, nam si tertius nullus eidem insit, Axis necessario erit perpetuo eidem rectæ parallelus, cui semel parallelus erat.

Cum planum Æquatoris non coincidat cum plano Eclipticæ, hæc duò plana se mutuo in rectâ lineâ secabunt, & communis eorum sectio sibi semper parallela manebit; ob eandem scilicet causam, qua Axis Terræ parallelismum conservare ostensus est. Sectio itaque illa ad duo opposita Eclipticæ puncta semper dirigitur, easdemque semper, Universi partes respicit.

Et circulus in cœlo maximus per Polum Æquatoris & communem illam intersectionem transiens dicitur *Colurus Æquinoctiorum*; sicut alter, hunc ad rectos angulos in polo secans, dicitur *Colurus Solstitiorum*; qui transit per puncta, ubi Ecliptica ab Æquatore maxime distat, & tam Æquatorem quam Eclipticam ad rectos angulos secat, adeoque per utriusque circuli polum transit. Quatuor puncta, in quibus hi duo coluri Eclipticæ occurrunt, *Puncta Cardinalia* appellantur, quod Sole in iis existente, quatuor anni Cardines seu tempestates determinant. Et duæ intersectiones coluri Æquinoctiorum cum Ecliptica dicuntur puncta Æquinoctialia, aliæ duæ, in quibus colurus Solstitiorum occurrit Eclipticæ, dicuntur puncta Solstitialia.

Aspi-

*Colurus
Æquinoctiorum.
Colurus
Solstitiorum.*





Aspiciat jam ex obliquo oculus orbitam Terræ, cujus re-
 præsentatio secundum leges Artis perspectivæ erit figura Ova-
 lis seu Ellipsis, in qua medium tenet Sol S, per Solis centrum
 ducatur recta V S \simeq comuni Sectioni Æquatoris & Eclipticæ
 parallela, Eclipticæ in duobus punctis V & \simeq occurrens; &
 cum Tellus in utrovis horum punctorum invenitur, recta illa
 V \simeq , quæ Solis & Terræ centra conjungit cum communi
 planorum sectione coincidit, eritque perpendicularis ad Axem
 Terræ, utpote est in plano Æquatoris, sed & eadem recta est
 perpendicularis ad Planum circuli terminatoris lucis & umbræ;
 adeoque Terræ Axis erit in plano ejusdem circuli, & circulus
 terminator per polos Terræ transibit, & Æquatoris parallelos
 omnes in partes æquales secabit. Terra igitur *Initium* \simeq te-
 nente, Sol videbitur in V communi sectione plani Æquatoris
 cum plano Eclipticæ, adeoque videbitur in circulo Æquino-
 ctiali cœlesti, neque declinabit ad polum Boreum aut Au-
 strium, sed inter utrumque medius Æquinoctialem circulum
 motu diurno apparente describet, & in hoc situ illustratio
 Terræ à Sole facta ad utrumque polum A & B pertinget,
 & parallelos omnes, uti dictum est, æqualiter dividet, lo-
 culque Terræ quilibet, qui motu diurno æqualiter circumve-
 latus parallelum describit, tam diu in tenebris, quam in luce
 manebit, hoc est, per totum Terrarum orbem dies noctibus
 æquantur. Unde circulus, quem illo die Sol describere vi-
 detur, Æquinoctialis nomen est adeptus.

TAB. 16.
fig. 1.

Apparen-
tia cum
Terra est
in \simeq &
Sol viden-
tur in V.

Terræ motu annuo paulatim versus π \rightarrow ad λ delatâ, se-
 ctio planorum Æquatoris & Eclipticæ sibi semper parallela
 manens non amplius versus Solem dirigitur, sed in λ facit,
 cum linea SP jungente Solis & Terræ centra, angulum rectum.
 Cumque linea illa SP non sit in Æquatoris, sed in Eclipticæ pla-
 no, angulus BPS, quem cum eo facit Axis Terræ, non erit re-
 ctus sed acutus 66; graduum, æqualis scilicet inclinationi Axis Ter-
 ræ ad Planum Eclipticæ. Fiat angulus SPL rectus, & circulus
 lucis Terminator per punctum L transibit, & arcus BL, seu an-
 gulus BPL erit 23; graduum, æqualis scilicet complemento an-
 guli BPS ad rectum. Fiat angulus BPF rectus, & recta PE erit
 in Æquatoris plano, unde ob arcum BE æqualem arcui L T
 æquali quadrant, erit ablato communi BT, arcus TE æqualis
 LB;

Apparen-
tia cum
Terra est
in λ &
Sol viden-
tur in π
scilicet pun-
cto Solsti-
tiali astra-
vo.

*Tropici
duo.*

LB, æqualis 23; gradibus. Fiat EM æqualis ET, & describantur per T & M paralleli Æquatoris duo MN, TC. Hic dicitur *Tropicus Canceri* ζ , ille *Tropicus Capricorni* γ ; & Terrâ in hoc situ existente, Sol super punctum Terræ T perpendiculariter eminet; ubi maxime ad Boream ab Æquatore declinat, & circulus, quem tunc temporis motu diurno describere videbitur, super circulum TC directe eminet & proinde *Tropicus* ζ cœlestis dicitur. Et propter revolutionem diurnam circa Axem stabilem omnia paralleli TC puncta per idem punctum T transibunt; & Soli directe obvertentur, tunc Sol in meridie fiet verticalis omnibus habitatoribus paralleli TC. Dumque Tellus hanc positionem obtinet, manifestum est, Circulum Lucis Terminatorem ultra Polum Borealem B pertingere in L, & citra Austrinum A desinere in F; Per L & F describantur circuli Æquatori paralleli, circuli illi *Polares* dicuntur; ille *Arcticus*, hic *Antarcticus*: & Telluris Tractus polari Arctico KL inclusus, non obstanti revolutione diurna, continua in luce versabitur perpetuoque die fruetur; è contrario, quæ circulo Antarcticæ concluditur Terræ portio, continuis tenebris & nocte involvetur. Patet porro, cujuslibet circuli Æquatori paralleli, inter hunc & polarem Arcticum interjecti, partem majorem in luce versari, cujusvis autem qui Æquatorem, & polarem Antarcticum interjacet, partem majorem tenebris obvolvi, & quidem partes illæ majores erunt aut minores, prout circuli ab Æquatore magis minusve distant. Itaque in illo Telluris situ, cum Sol in ζ apparet, Borealis hemisphærii incolis longissimi sunt dies, noctes brevissimæ, adeoque illis erit Ætæ. Australis autem Hemisphærii incolæ noctes habebunt longissimas, dies brevissimos, & Hyemalis frigora sentient.

*Quibus
dies sunt
longissimi.
Quibus
brevissimi.*

Et quidem cujusque loci longiores erunt dies longissimi; & breviores noctes brevissimæ, prout locus ille ab Æquatore remotior est. Vidimus etiam ex omnibus parallelis solum Æquatorem circulum utpote maximum secari in partes æquales a Terminatore lucis, adeoque incolæ, qui in Æquatore degunt, soli habebunt per totum annum dies noctibus æquales.

Pro-

Prócedente Terra à γ per α ad ν , quo tempore Sol signa α & ν peragrat videtur, Sol paulatim versus Equatorem revertitur, & cum ad ν pervenerit Terra, Sol videtur in α , ubi communis intersectio Equatoris, & Ecclipticæ sibi parallela manens per Solem transibit, & Sol in Equatore cœlesti conspicitur, ubi rursus dies noctibus æquales efficiet, pari modo, quo factum est, dum Terra erat in α , & in eo denuo sitū circulus lucis Terminator per polos transibit, adeo ut polo B, quo Tellus α reliquit, nimirum per semestrem spatium perpetua sit dies, quippe qui in luce versabatur, sicut A polus semestri premebatur noctu.

*Appar-
etia cum
Sol vide-
tur in α
puncto
æquinotia-
li Autum-
nali.*

Terrâ porro per signa ν & α motâ, Sol interim per α & ν apparenter incedens paulatim ab Equatore versus austrum declinare videbitur, & Terra reverâ in α existente Sol inter fixas in α videbitur. Et cum Axis B A non mutaverit inclinationem, sed sibi parallelus manserit, aspectum & positionem respectu Solis Terra habebit omnino similem ei, quem obtinebat dum γ occupabat. Sed cum hac differentia, quod cum circulus K L, dum Terra γ tenebat, una cum tractu Terræ intus contento totus fuit in luce, jam Terra in α exillente totus tenebris tegitur. Et oppositus F G jam totus est in luce, qui prius tenebris fuit involutus.

*Apparen-
tia quando
Sol videtur
in γ puncto
Solstitiali
Hyberno.*

Ex parallelis inter Equatorem & polum B arcus illuminati seu diurni minores sunt tenebrosi, seu nocturni, cujus contrarium prius acciderat; ex alteris versus polum A jacentibus parallelis, arcus diurni jam sunt majores nocturnis, cujus oppositum accidebat in priori Terræ positione. Sol quoque verticalis factus est Tropici MN habitatoribus, & descendet versus austrum à parallelo TC ad parallelum MN per arcum CQN 47 graduum. Hinc Sol in quolibet ultra Tropicos versus alterutrum Polum loco alius observabitur in meridiano, seu proprius ad verticem accedet per 47 integros gradus unâ anni tempestate, quam in oppositâ, atque hæc omnis mutatio non proficiscitur ex eo, quod Terra depri-
mitur, aut elevatur, sed contra ex eo, quod nusquam depri-
mitur, nusquam elevatur; sed eundem semper retinet situm.

*Sol propius
accedit ad
verticem
habitatori-
bus ultra
Tropicos
per 47 in-
tegras gra-
dus unâ an-
ni tempe-
state, quam
aliâ.*

&

& statum respectu Universi, Solem tantummodo circumiens; qui positus est in medio fere istius orbitæ, quem describit Terræ centrum motu annuo.

*Quomodo
hæc omnia
oculis re-
presenten-
tur.*

Hæc omnia oculis fient manifesta, si in loco obscuro accendatur candela, quæ Solem repræsentet, & Globus comparetur, cujus diameter sit duorum aut trium digitorum, in quo signentur Poli, Æquator, ejusque Paralleli aliquot, & Meridiani; deinde ita teneatur Globus, ut ejus Axis non fiat ad Horizontem (qui hîc loci Eclipticæ planum refert) perpendicularis, sed ad illum aliquantulum inclinatus; deinde primò in eo litu ponatur Globus, ut Polorum unus plagam cœli Boream respiciat, & lumen candelæ ad utrumque Polum exacte pertingat, hoc est circulus Lucis & Ubræ Terminator per Polos transeat; & probe notetur Axis positio, seu plaga mundi ad quam dirigitur; tandem circa candelam in circulo Horizonti parallelo ita feratur Globus, ut Axis ejus eandem plagam scil. Boream semper respiciat; & tunc videre licebit flammam candelæ eodem prorsus modo illuminare Globum, Polos, Æquatorem ejusque Parallelos, quo Terra à Sole reverà illustratur, & eadem prorsus conspiciuntur Phænomena, quæ prius de Sole & Terra declaravimus.

Phænomenis ex vertigine Terræ ortis, similia observari possunt ex alio quovis Planeta circa Axem rotato; v. gr. cum Jupiter circa Axem suum vertitur spatio decem horarum, Jovis incola videbit cœlum omne sidereum & Terram nostram una cum Sole circa ipsum eodem tempore motu rapidissimo revolvi. At cum Jovis Axis ad planum suæ orbitæ sit normalis, Circulus Lucis Terminator semper & ubique per Polos transibit, unde in Jove dies noctibus sunt perpetuò æquales, & Jovis incola uniformem per totam periodum sentiet temperiem, nec æstatis calores aut Hyemis frigora pertimescet.

Si per Telluris, Solisve centrum (perinde enim est, cum hæc duo puncta è cœlo stellato spectata coincidere videntur) erigatur recta ad planum Eclipticæ perpendicularis, & ad cœlum usque producat; dicitur hæc linea *Axis Eclipticæ*, punctumque quod in cœlo ostendit erit *Eclipticæ Polus*.

Quod

*Axis Ecli-
ptica.
Polus Ec-
lipica.*

Quod si per hunc Polum, & quaslibet stellas traducantur circuli maximi, erunt ex natura sphaerae omnes ad Eclipticam perpendiculares, & secundarii Eclipticae seu Latitudinum circuli nominantur. Et Arcus ejusmodi circuli inter stellam quamvis & Eclipticam interceptus dicitur illius stellae Latitudo, seu distantia ab Ecliptica. Sicut Arcus Eclipticae inter initium γ & ejus intersectionem cum Secundario per stellam transeunte dicitur Longitudo stellae.

*Secundarii
Eclipticae.*

*Stella La-
titudo.*

*Longitudo
stellae.*

Similiter si per Polum Telluris seu Aequatoris & quaelibet loca in superficie Telluris traducantur circuli, erunt omnes ad Aequatorem perpendiculares, & secundarii Aequatoris nominantur; Locorum vero respectu Meridiani dicuntur, quia cum Sol in Plano alicujus Meridiani videtur, incolis sub illo Meridiano degentibus fit Meridies. Arcus secundarii inter Locum quemlibet & Aequatorem interceptus dicitur *loci Latitudo*, quae est distantia ejus ab Aequatore. Et arcus Aequatoris interceptus inter sectionem ejus cum Aequatore, & punctum aliquod in Aequatore fixum dicitur *Loci Longitudo*.

*Loci lati-
tudo.
Loci longi-
tudo.*

LECTIO VIII.

*De Variis alijs Phenomenis ex motu Terrae
Pendentibus.*

CUM Terra circa Solem ita feratur, ut ejus Axis sibi semper parallelus maneat, necesse erit ut Axis ille diversis anni temporibus ad diversas Fixas dirigatur; & stella seu punctum caeli, quod directe supra Polum terrestrem imminet in aestate, in hyeme non directe eidem Polo incumbet; sed punctum, cui hyeme dirigitur Axis, à priorè distabit intervallo diametri orbitae Terrae.

*Terrae
Axis debet
ad diversas
Fixas di-
versis anni
temporibus
dirigi.*

Sit enim A C B D orbita Terrae, in cujus centro sit Sol S, cum Terra est in A, Axis ejus dirigatur ad stellam E, quae directe supra Polum imminet, at cum ad oppositum orbitae punctum B pervenerit Terra, Axis in positione priori parallela non ad E dirigatur sed aliam stellam F, quae duæ Fixae distabunt à se invicem intervallo aequali A B diametro orbitae Telluris, Angularis autem seu observabilis stel-

*TAB. 15.
fig. 6.*

S

la-

*Parallaxis
orbis ma-
gni quid?*

larum distantia erit angulus $E B F$, cui æqualis est angulus $A E B$ per 29 Et L , qui est angulus, sub quo videtur diameter orbitæ, quam Orbem Magnum appellant Astronomi, è Fixa E conspecta. Angulus ille $E B F$ vel $A E B$ *Parallaxis orbis magni* dicitur; & si is observari poterit, daretur Fixæ E distantia à Terra respectu Solis distantia ab eadem. Nam in triangulo $E A B$ datur angulus E æqualis $E B F$, observatione scil. noto; datur etiam angulus $E A B$, qui in Æquinoctiis est rectus, in Solstitiis autem est æqualis inclinationi Axis Terræ ad planum Eclipticæ, & universaliter est ubique æqualis complemento declinationis Solis. Unde dabuntur omnes anguli & latus $A B$, & proinde per Trigonometriam innotescet latus $A E$ distantia Fixæ.

*Parallaxis
orbis ma-
gni vix ob-
servabilis.
Incerta est
fixarum
distantia.*

Verum tanta est Fixarum distantia, ut angulus ille $E B F$ exquisitissimis instrumentis vix deprehendi possit; & qui ei investigando quam maxime insudarunt, semper uno minuto primo minorem invenerunt; Et cum in tam parvis angulis capiendis error facile admitti possit, qui error in computo maximas distantiarum differentias producet, istiusmodi observationibus vix tutò fidendum erit. Nam si cum Flamstedio Parallaxis observata 42 secundorum statuatur, & error in observando admissus sit 25 secundorum in excessu peccans, qualis error haud facile vitari potest, distantia Fixarum plusquam dupla erit ejus, quæ ex observatione prodit. Et si minus accurate factæ fuerint observationes, ita ut intra minutum primum non consistant (quales pleræque sunt), in immenlum à se invicem, & à veritate discedent distantia ex talibus observationibus computatæ.

*Axis Ter-
ræ non con-
servat ex-
actum pa-
rallelis-
mum.*

Huc usque posuimus, Axem Telluris positiones stabilem & perfectum parallelismum semper tenuisse, neque alium habuisse motum quam illum, quo circa Solem in orbem motu annuo defertur. At ex plurium annorum observationibus deprehenderunt Astronomi, Axem illum à parallelismo paululum deflectere, motu quidem lentissimo, ita, ut aberratio à parallelismo intra duos tresve annos facta vix sensibilis evadat; plurium tamen annorum decursu satis notabilis invenitur. Adeoque dum Phænomena unius anni

Expli-

explicanda erant, de tantilla aberratione omnino tacendum fuit, utpote quæ Phænomena tradita minima turbaret, quæ tamen temporis progressu sensibilis invenitur, & directionem Axis mutari vidimus, quamvis ejus inclinatio ad planum Eclipticæ immutabilis maneat. Unde Telluris Axis necessarium competit alius quidam motus, cujus modus hic exponendus est.

Sit linea DCH portio orbitæ Telluris, sitque centrum Terræ in C, & ex C erigatur recta CE ad planum Eclipticæ normalis superficiæ cœli occurrentis in E; recta CE est Eclipticæ Axis, & punctum E Polus Eclipticæ. Sit C *p* Eclipticæ Axis. Axis Terræ, qui ad cœlum productus signabit in superficie cœli punctum P Polum cœlestem seu Polum mundi, circa quem sidera omnia motu diurno revolvi videntur. Per E & P traducatur circulus maximus EPA Eclipticæ occurrens in A; hic circulus, cum transit tam per Polum Æquatoris quam Eclipticæ Polum, erit ad utrumque circulum rectus & arcus PA metitur angulum PCH inclinationem Axis Terræ ad planum Eclipticæ, quæ est 66° grad., unde erit arcus EP ejus complementum ad quadrantem 23½ graduum, & arcus ille metitur angulum ECP, quem Axis Terræ facit cum axe Eclipticæ. Polo E per P describatur circulus minor PFG, qui erit Eclipticæ parallelus, & cum Axis Terræ eundem semper faciat cum Axe Eclipticæ immutabilem angulum, scil. 23½ graduum; Polum mundi P in peripheria circuli PFG semper locari necesse est. Quinetiam si eandem quoque directionem immutabilem retineret Axis, quoties Terra in orbitæ suæ puncto C invenitur, Polus Mundi in puncto immoto P semper conspiceretur; verum observatum est, Polum in peripheria PFG locum continuo mutare; & Axis Terræ, qui prius ad P dirigebatur, post septuaginta & duos annos ad punctum Q dirigetur uno gradu à P versus anteriora remotus, ita ut Axis Telluris sive mundi motu conico feratur seu describat superficiem Coni, cujus vertex est Terræ centrum C, & basis circulus PFG; at Polus P semper fertur in peripheria PFG motu lentissimo, & retrogrado, sive ab oriente in occidentem, & pe-

Polus mundi regreditur in circulo minore parallelo Eclipticæ.

riodum absolvit in peripheria P F G non nisi post 25920 annos, post quod tempus Polus à stella in P digressus ad eundem rursus dirigitur. Atque hinc sequitur stellam in P, quæ hodie cum Polo coincidit, post 12960 annos (semiperiodum nempe motus Poli) per integros gradus 47 ab eodem Polo dimotam ire, scil. cum Polus est in G.

*Circulus
E P A est
colorus
Solstitio-
rum.*

Circulus maximus E P A, cum transit per Polos tam Eclipticæ quam Æquatoris, erit ad utrumque circulum perpendicularis. Ac proinde est colorus Solstitiorum, & Eclipticæ punctum A erit Solstitium seu punctum Eclipticæ omnium maxime ab Æquatore declinans; cum Axis Terræ productus pervenerit ad situm C Q, si per Polos Eclipticæ E & Æquatoris Q ducatur circulus maximus E Q B, hic circulus erit ad utrumque circulorum, Eclipticæ nimirum & Æquinoctialis, perpendicularis; adeoque Axe Terræ hunc situm tenente, erit circulus ille E Q B colorus Solstitiorum, & B erit Solstitii punctum, adeoque semper una cum Polo regredientur Solstitia, & quidem æqualiter. Nam cum motus Poli in peripheria P F G fuerit P Q unius v. gr. gradus, erit A B regressus Solstitii unius quoque gradus, sunt enim arcus Q P, B A (cum sint paralleli) similes.

*Puncta
Solstitialia
regrediuntur.*

*Puncta
Æquinoctialia si-
mili & æ-
quali motu
retroce-
dunt.*

Hinc Solstitii puncta à stellis Fixis continuo recedunt, adeo ut si punctum Eclipticæ Solstitiale sit hodie juxta stellam A, post septuaginta & duos annos Solstitium erit in B, uno gradu à stella versus occidentem dimotum. Cum itaque puncta Solstitiorum continuo regrediantur, necesse erit ut puncta Æquinoctialia omniaque reliqua Eclipticæ puncta simili & æquali motu retrocedant, quippe quæ à Solstitiis dato intervallo distant. Nempe cum inter puncta Æquinoctialia & Solstitia 90 gradus semper interjaceant, quando Solstitia per unum gradum regressa fuerint, necesse erit ut tantundem retrorsum ferantur Æquinoctialia puncta; alioquin non maneret eadem semper distantia eorundem à se invicem. Puncta itaque Æquinoctialia cum omnibus reliquis Eclipticæ punctis continuo regrediuntur, qui motus dicitur fieri in *Antecedentia*, seu ad occidentem & contra seriem.

*Motus in
Ante-
cedentia
quid?*

signo-

gnorum, sicut alter motus, quo Terra & Planetz omnes feruntur circa Solem ab occidente in orientem, dicitur fieri in *Consequentia*; sive juxta ordinem signorum ab γ ad β , &c. Motus ille *Equinoctiorum* retrosum dicitur eorum *Præcessio*; quæ in præcedentiæ seu antecedentiæ signorum feruntur.

¶ Cum stellæ Fixæ immobiles mancant, & retrocedat communis Sectio Equatoris & Eclipticæ, necesse est ut Fixarum distantia à punctis equinoctialibus continuo mutetur, & stellæ ab iisdem punctis vertus orientem magis quotidie promoveri videantur; unde ipsarum longitudines, quæ in Ecliptica ab initio Arietis sive intersectione Eclipticæ & Equatoris vernali computantur, continuo crescant; & Fixæ omnes videntur ferri in consequentia signorum, non quod revera in orientem moventur, sed quod contrario motu regreditur punctum Equinoctii vernalis, a quod stellarum longitudines initium ducunt.

Hinc fit, quod constellationes omnes mutaverunt loca, quæ tenebant dum à primis Astronomis observatz fuerunt; & constellatio Arietis, quæ tempore Hipparchi prope intersectionem Eclipticæ & Equatoris vernaletn visa fuit, eidemque Eclipticæ portioni nomen suum communicavit; nunc ab eadem digressa in signo Tauri commoratur; sicut & Tauri constellatio Geminorum sedem occupat, Geminique in Cancrum promoti sunt, & Cancer Leonem ex sede expulit, & hic Virginem è loco detruisit. Ita ut unaquæque constellatio ex illi tempore è suo in proximæ transivit locum. Quamvis autem Constellationes è locis migrarunt, Eclipticæ tamen portiones seu *Dodecatamoria*, quas tempore Hipparchi tenebant sidera, nomina ab iisdem sideribus designata adhuc retinent; at ut distinguantur, Portiones Eclipticæ vocantur signa *Anastra*, Constellationes vocantur signa *stellata*.

Veteres quidam Astronomi sectiones Eclipticæ & Equatoris Fixas & immobiles statuebant; at quoniam stellas ab hisce punctis distantias continuo mutare observarunt, Fixarum sphaeram supra Polos Eclipticæ lentissimo motu volubi-

Motus in
Consequen-
tia

Præcessio
equinoctio-
rum.

Punctorum
equinoctia-
lium motus
in anteceden-
tia, effici-
ens motum
Fixarum
apparen-
tis in con-
sequentia.

Constella-
tiones Ecli-
ptica mu-
taverunt
Loca.

*Annus
Magnus
Quid?*

lem posuerunt. Ita ut stellæ omnes circuitus in Ecliptica aut ejus parallelis absoluant spatio 25920 annorum, post quod tempus Fixæ ad pristinas sedes restituentur. Quod Temporis spatium, quod ætatem Mundi quinquies superat, Annum magnum vocabant, quo demum finito res omnes eodem ordine renasci voluerunt.

Præcessionum Æquinoctiorum Causam Physicam ante Neuvvtonum Astronomorum nemo vel conjecturâ assequi potuit; at ille perpenſis motus & Gravitatis legibus, è figura Telluris sphæroidicâ motum illum oriri demonstravit. Et figura sphæroidica ex vertigine Terræ ortum ducit.

*Motus Ter-
re equabi-
lis non est.*

Quamvis Terra ita circa Solem motu annuo feratur, ut æqualibus semper temporibus periodos absolvat, motus tamen ejus in sua orbita per totam periodum æqualis non est, sed nunc gradum accelerat, nunc remittit; in aliquibus orbitæ suæ locis velocius incitatur, in aliis remissius; adeoque motus apparens Solis in Ecliptica uniformis non erit; neque ille quidem conspicitur æquam Eclipticæ portionem singulis diebus describere; æstate nostra segnius incedit, hyeme incitatus ferri videtur: & tanta quidem est motuum differentia, ut locus ejus in Ecliptica aliquando antecedeat duos fere gradus locum, quem teneret, si æquabili motu latus esset, aliquando per tantidem spatium ab eo deficiat. Præterea Sol observatur in sex signis Borealibus diutius commorari per octo integros dies, quam in sex Australibus, adeo ut ab Æquinoctio vernali ad autumnale sint dies 186, quo tempore unam Eclipticæ semissem motu apparente describere videtur; at ab Æquinoctio autumnali sunt tantum dies 178, quo tempore alteram Eclipticæ semissem & signa Australia Sol videtur percurrere. Observationes quoque ostendunt diametrum Solis apparentem tempore hyberno, ubi motus ejus est velocissimus, majorem esse, quam in æstate, ubi Sol tardissimus incedit. Et differentia quidem tanta est, ut hyeme, ubi Sol maximus apparet, videatur sub angulo 32' & 47", at æstate ubi minimus, ejus diameter est 31'.

*Æstas octo
diebus lon-
gior Hyeme.*

*Apparens
Solis dia-
meter
major
Hyeme
quam æsta-
te.*

31' : 40", quæ differentia minato major est, adeoque longius debet abesse æstate quam hyeme.

His Phænomenis ut satisfacerent quidam Astronomi, orbitis circularibus pertinaciter nimium adhærentes; statuebant quidem Tellurem in peripheria circuli æqualiter moveri, & æquales angulos circa centrum æqualibus temporibus describere; at Solem non in filius circuli centro locari supponebant, sed extra in determinatâ à centro distantia statuebant.

Sit Circulus ABC Orbita Terræ, cujus centrum E, atque Sol sit in S. Cum Terra est in A, Sol videtur in puncto γ , & cum ad B pervenerit Terra, Sol in δ conspicietur; ad C autem delata Tellure, Sol signum α tenere aspicietur; & dum Tellus ab A ad C pervenerit, Sol unam tantum Eclipticæ medietatem motu apparente peragrassè videbitur; alterum autem Eclipticæ dimidium motu apparente percurrerit Sol, dum Terra orbitæ suæ portionem CDA describet. Et cum arcus ABC arcu CDA major sit, liquet Solem plus temporis impendere debere in percurrendo Eclipticæ semissem $\gamma \delta \alpha$ quam alteram illam $\alpha \beta \gamma$. Præterea cum Terra in B longius à Sole distet quam in D, etsi motus ejus foret æquabilis, è Sole tamen illius motus conspectus inæquabilis apparebit, in B tardissimus, in D velocissimus, sed huic motui æqualis est Solis motus apparens è Tellure visus. Unde causam reddere facile est, cur Sol æstate nostra lentius incedere, in hyeme autem gradum accelerare videatur. Atque ita motum Solis vel Terræ inæquabilem observatum non realem esse & Physicum, sed opticum tantum & apparentem statuebant, & exinde oriri quod Sol non in centro orbitæ in E, sed extra in S locatur, & contendebant spectatorem in E Terram uniformi motu semper deferri visurum.

Hæc quidem Hypothesis simplex satis, primo insultu Phænomenis bene respondere, & apparentias explicare visa fuit; & Astronomi plerique ante Keplerum ut veram amplectebantur. Apud eos enim tanquam indubitatum invaluit Axioma, motus omnes cœlestes in se æquabiles esse, & orbitas perfecte circulares. At cum accuratori examini cœ-

*Motus
Terra in
circulo
excentrico.
TAB. 16.
fig. 3.*

*Motus Planeta-
rum
veri non æ-
quabiles nec
eorum orbi-
ta perfecte
circulares
sunt.*

lestes motus subiecit Magnus Keplerus observationibus Ty-
chonis Brahei innixus, Axioma hoc motibus Planetarum
veris, non congruere deprehendit. Et certissimis rationibus
ab eo ostensum fuit, motus Planetarum veros nec esse in se
æquabiles, nec eorum orbitas esse perfecte circulares. Obser-
vationes enim testantur, idque ultra omnem disputationem,
figuram orbitæ Planetariæ esse Ellipsin, sive ovalem, & a
circulo deficientem, motumque Planetæ in hac Ellipsi in-
æqualem esse, & pro distantia sua à Sole intendi, & re-
mitti.

Planeta-
rum orbitæ
sunt Elli-
pses.

Ellipsis de-
scriptio.

TAB. 16.
fig. 4.

Foci seu
Umbilici
Ellipseos

Fig. 5.

Ellipsis autem est linea curva, quam Geometræ transver-
se Conum vel Cylindrum secando representare solent. At
ejus natura sequenti descriptione tyronibus melius innotes-
cet, quam ex cylindri aut coni sectione. Concipiantur duo
pali seu paxilli plano defigi, alterum in puncto H, alterum
in puncto G; & filum capiatur, quod duplicatum nexis
extremitatibus longitudinem quamvis distantia paxillorum
H G majorem adæquet; illudque filum paxillis circumpona-
tur, & in fili duplicatura immisso stylo, palosque circum-
eundo, & filum semper eadem vi adducendo, ut scilicet illud
æqualiter intendatur, linea curva OKB in plano designabi-
tur, quæ erit Ellipsis. Et si non mutata longitudine fili, pali
tantum H G aliquanto propius ad se invicem adducantur,
alia denuo Ellipsis describetur, sed alterius speciei quam
prior, & ad circuli formam magis accedens, & si adhuc
propius admoveantur Pali, alia tandem habebitur Ellipsis;
postremo si conjungantur paxilli, Ellipsis in circulum mi-
grabit. Puncta H & G, ubi Pali figuntur, dicuntur Elli-
pseos Foci seu umbilici; & bisecta H G in C, punctum C erit
centrum Ellipseos; recta O K per focos & centrum transiens &
utrinque in Ellipsi terminata dicitur Axis Ellipseos. Hinc
apparet si ex aliquo puncto in Ellipsi pro arbitrio electo ver-
bi gr. B agantur ad focos duæ lineæ B H, B G, has duas li-
neas simul junctas Ellipseos Axi æquales fore, seu longitudi-
ni fili, demptâ H G distantia focorum.

Sol non in Ellipseos centro seu puncto Axis medio, sed
in focorum alterutro locatur, & Axis Ellipseos A P dicitur
li.

linea *Apsidum*, A *summa Apsis* seu *Apbelium*, P *ima Apsis* seu *Peribelum*; & S C distantia inter Solem & centrum Ellipseos *Excentricitas* dicitur. Si ex centro ad Axem erigatur C E Ellipsi occurrens in E, & ducatur S E, hæc linea dicitur *Distantia Planetæ media* à Sole; æqualis scil. semiaxi majori C A vel C P, quæ est media Arithmetica inter maximam & minimam Planetæ à Sole distantiam; verum in orbitis planetariis Ellipsium formæ à circularibus parum recedunt, ita ut in orbita Terræ forma Ellipseos talis est, ut *Excentricitas* S C sit tantum partium fere 17 qualium distantia media S E est 1000, estque *excentricitas* dimidia tantum pars istius quam posuere Astronomi, qui Terram in circulari orbita deferri contendebant.

Planeta in Ellipseos perimetro fertur, non quidem motu æquabili, sed ea ratione, ut radius à centro Solis immobili ad planetarum ductus, & motu angulari latus verrat, seu describat *Aream* Ellipticam tempori proportionalem: v. gr. sit Planeta in A, ex quo in quavis temporis particula ad B perveniat, & *Area* quam verrat radius è Sole ad Planetam ductus sit A S B; deinde Planeta sit in P, & ducatur recta S D talis, ut *Area* P S D sit æqualis *Areæ* A S B, æqualibus temporibus percurrat Planeta arcus Ellipticos A B, P D, qui quidem erunt inæquales; & in initio motus quam proximè in ratione distantiarum à Sole reciproca; nam ob æquales areas, tanto minor erit arcus A B arcu P D, quanto A S altitudo *Areæ* A S B est major P S altitudine *Areæ* P S D. Hæc omnia à Sagacissimo Keplero in Commentariis de motibus stellæ Martis abunde demonstrata sunt, atque huic ejus sententiæ omnes jam subscribunt Astronomi, cum alia nulla sit quæ phænomenis satisfacit. Circuli arcus, vel angulus, vel *Area* A S G tempori proportionalis dicitur *Anamolia* Planetæ media. Sicuti Angulus A S G, cum Planeta est in G, dicitur ejus *Anamolia vera*: at si Planetæ motus ab æquinoctio vernali computetur, seu ab initio Arietis; *Motus ejus in Longitudinem* dicitur, estque vel medius, qualis esset si Planeta motu æquabili orbitam circularem percurreret, vel verus, qui est motus Planetæ reverà competens, & nunc acceleratur,

Linea
Apsidum.
Apbelium
Peribelum
Excentricitas
Distantia
media.

Excentricitas
orbitæ
Terræ qualis
Motus
Planeta in
Ellipsi qualis.

Area
Elliptica
æqualiter
descripta.

Anamolia
Media.

Anamolia
vera.

Motus in
Longitudinem.

tur, nunc retardatur, pro varia distantia Planetæ à Sole.

*Determinatio loci
Planete in
sua orbita.*

Hac ratione determinare licet locum Planetæ in sua orbita pro quolibet tempore, ex quo Aphelium reliquit. Nempe ita dividatur Area Ellipseos rectâ S G, ut fiat tempus Periodicum Planetæ ad tempus datum, ita Area totius Ellipseos ad Aream A S G, & erit G locus Planetæ quæsitus. Methodos autem varias tradiderunt Geometræ, quibus Ellipsis Area in data ratione secanda est, de quibus in proprio loco erit dicendum.

*Quare recedente
Terra à Sole calor major sit.*

Cum in æstate Terra longius à Sole distet, hyeme propius ipsi accedat, mirum fortasse videtur, recedente Sole Terram magis incalescere, hyeme autem, cum propius Soli aditamur, ingravescere frigora. At sciendum est, quod caloris & frigoris incrementa non tota pendent ex distantia Solis, sed aliæ potentiores concurrunt causæ ad harum qualitaturn mutationes producendas. Nam primo directi radiorum impetus fortiores sunt quam obliqui; hyemæ autem oblique admodum Solis lucem recipimus, ejusque potentia non tantum ideo debilitatur, sed etiam quia pauciores in datam superficiem agunt Radii, quo magis oblique ipsis obijcitur superficies. Præterea hyeme radii Solares obliquius incidentes magis crassum aeris corpus pervadunt, & longiore itinere per aera feruntur quam æstate, quando directius incidunt; unde radiorum vires plures aeris particulas offendendo, magis franguntur quam in æstate. Atque hinc ratio patet cur Solem in Horizonte possumus sine oculorum damno contueri; quem cum altius ascendit oculi ferre non possunt.

Dies nobilibus longiores augent calorem.

Est & alia potentior causa, quæ tempestatum varietates inducit: nempe notum est quo diutius corpus aliquod durum & solidum igni obijcitur, eo magis id incalescere; at in æstate per sexdecim continuas horas Solis ardori obijcitur, & per octo tantum horas ejus absentiam persentimus; cujus contrarium hyeme experimur, unde non mirum erit tantas his tempestatibus oriri caloris & frigoris differentias.

Cum Solis potentia maxima sit quando ejus radii sunt directissimi, atque dies longissimi, videtur nos debere maximos calores

EX TELLURIS MOTU ORTIS. 283

calores sentire, cum Sol Tropicum & occupat, quo tempore proprius ad verticem accedit, ejusque radii directius, atque diutius nos feriunt; quotannis tamen experimur calorem æstivum post digressum Solis à Tropico crescere, & annum maxime fervere circa finem mensis Julii, cum integro fere signo à Tropico distat Sol.

Quare calor non maximus est, quando Sol tropicum tenet.

Ut hujus rei causa reddatur, observandum est actionem Solis, qua corpora calefacit, non esse transcentem, qualis est ejus illuminatio, sed permanentem, ita ut corpus semel à Sole calefactum post ejus absentiam per aliquod tempus calidum maneat; scil. particulæ calorificæ à Sole in corpus calefactum continuo recipiuntur, quæ per aliquod tempus eidem inhærent, & in ipsum agendo calorem excitant, aufugientibus autem istiusmodi particulis frigescit corpus, unde si plures recipiantur in corpore particulæ calorificæ quam aufugiunt, istius corporis calorem continuo crescere necesse erit. Verum in præsentia casu, post adventum Solis ad Tropicum, numerus particularum ærem & Terram nostram calefacientium continuo crescit, adeoque augebitur simul calor. Ponamus v. gr. die, lucente Sole, centum tantum particulas calorificas intra corpus aliquod admitti, & nocte, cum ea sit die brevior, istarum tantum quinquaginta avolare, aliis quinquaginta manentibus; proxima die eadem fere vi agens Sol alias centum particulas eidem corpori immittet, quarum non plures fere quam dimidia pars nocte evadunt, adeoque initio tertii diei numerus particularum calefacientium centenario augebitur; dum itaque plures die recipiuntur particulæ, quam nocte aufugiunt, calor necessario crescet; at decrefcentibus diebus, & noctibus crescentibus, fiet tandem, ut plures absente Sole effugiant particulæ quam die recipiuntur, quo fit ut calor continuo minuarur, frigescatque Terra.

LECTIO IX.


De Luna, ejusque Phasibus & Motu.

L Una corporum coelestium omnium, si Solem excipias, splendidissime lucens, ad Terram nostram proprie pertinet,

tinet, cuius est affecla & indivulsa Comes. Adeo quidem in vicinia Terræ semper commoratur, ut è Sole spectata, nunquam arcu decem Minutis primis majore à Tellure discedere videretur. Sed terræ perpetuo juncta, ipsique quasi satelles data, una cum ea revolutionem annuam circa Solem perficit, & interea etiam in orbita circa Tellurem spatium mensuro periodum absolvit. Planetæ primarii Solem ut Centrum Motus atque Rectorem respiciunt, & nunc longissime à Terra digrediuntur, nunc ad eam propius accedunt: Luna tanquam terrestre corpus in nostra vicinia propria propensione seu gravitate detinetur; ejusque vi à motu rectilineo continuo retrahitur, & circa terram revolutionem perficere cogitur spatio viginti septem dierum, horarum circiter septem. Varias continuo Luna subit Phases, varias induit formas, adeo ut multifor mi ambage semper torquat contemplantium ingenia, crescens semper, aut senescens, modo curvata in cornua, modo æqua portione divisa, modo sinuata in orbem, mox fulgens orbe pleno, ac deinde repente nulla; alias pernox, alias sera, deficiens, & in defectu tamen aliquando conspicua, uti Plinius notavit, jam vero fit humilis, jam excelsa, nunc in Aquilonem elata; nunc in Austros dejecta, quæ singula deprehendit primus *Endymion*, ob quod eum amore Lunæ captum fuisse famâ traditur.

Est autem Luna corpus sphericum, Terræ instar, scabrum, opacum, & densum; Solis luce non sua resplendens; Sol quippe Fons luminis perpetuo dimidiam corporis Lunaris partem, quæ ipsi obvertitur, illuminat, dum altera averfa à Sole medietas tenebris obvolvitur; Lunæ autem superficies à Terricolis spectabilis est ea, quæ Terræ obvertitur, adeoque pro vario Lunæ respectu, Solis Terræque situ variæ videntur Lunæ illuminationes, & Luminis vicissitudines, & nunc major, nunc minor, aliquando nulla illustratæ faciei pars ex Terra videtur, & aliquando etiam tota Terræ obvertitur, quæ ut melius intelligantur, libet Diagrammate declarare. Sit S Sol, T Terra, R T S portio orbitæ Telluris, quam motu annuo circa Solem describit;

ABC



A B C D E F G H orbita Lunæ, in qua scilicet circa Tellu-
 rem fertur spatio mēstruo ab Occidente in Orientem; qui
 motus manifeste oculis observari potest, si enim Luna una-
 cum Stella aliqua ad Meridianum appellat, postero die se-
 rius quam Stella Meridianum attinget minutis temporis circi-
 ter 47, & à Stella Orientem versus 13 gradibus recessit; con-
 nectantur Solis & Lunæ centra rectis S L, & per Lunæ cen-
 trum transeat planum M L N, cui recta S L sit normalis;
 planum illud efficiet in superficie Lunari circulum, qui erit
Lucis & Umbra Finitor, illuminatam scilicet faciem à Tene-
 brosa distinguens; eodem modo jungantur centra Terræ &
 Lunæ rectis T L, quæ sint normales ad aliud planum P L O,
 etiam per Lunæ centrum transiens. Planum illud efficiet in
 Lunæ superficie circulum, qui Lunæ Superficiem à Terra
 spectabilem ab averfa & inconspicua dividet, qui itaque cir-
 culus *visionis* dici potest.

*Motus Lu-
na ab ori-
ente in oc-
cidentem.*

*In Luna
circulus
lucis fini-
tor.*

*Circulus
visionis.
TAB. 17.
fig. 2.*

*Lunæ Pha-
ses decla-
rantur.*

*Luna gib-
bosa.*

*Luna Bi-
secta.*

*Luna cor-
nuta.*

Hinc patet primò, cum Luna est in situ A, puncto suæ
 orbitæ Soli opposito, quod coincidat circulus Lucis Finitor
 cum circulo visionis, & tota Lunæ illustratæ facies Terræ
 obvertitur, & à Terricolis videtur, in quo casu *Luna ple-
na*, *pernox*; *Plenelunium* nominatur, & respectu situs ad So-
lem dicitur esse in oppositione; cum scilicet à Terra, Sol
 & Luna in oppositis cœli punctis videntur. Cum ad B per-
 venerit Luna, illuminatus semicirculus M P N totus Terræ
 non obvertitur, sed pars M P è conspectu nostro subducitur,
 adeoque illuminatio spectabilis à circulo deficiet, & Luna
 gibbosa apparebit, Phasisque erit ea, quæ in figura 2 Tab.
 XVII. per B notatur; Luna ad C perventa, angulus C T S
 est rectus, & illuminati disci M P N pars media à Terra
 videtur, & Luna dimidiata apparet, ut in C, fig. 2 &
Bisecta seu *Dichotoma* nominatur: in hoc situ Sol & Luna
 quadrante circuli à se invicem distant, diciturque Luna
 esse in Aspectu Quadrato seu in Quadratura: Procedente Lu-
 na ad D faciei illuminatæ M P N, pars parva P N Terræ ob-
 vertitur; & Disci O N P, qui Terræ obvertitur, pars maxi-
 ma O N tenebrosa manet, & proinde ob Lunæ figuram sphae-
 ricam & apparenter planam, illustrata pars veluti in cornu-
 cur-

Novilunium.

curvata videbitur, ubi circulus lucis Finitor, & circulus visionis in angulos coeunt, ejusque Phasis è Terra spectata apparebit ut in D. Tandem Lunà ad litum F progressà, nulla illustrata faciei pars è Terra videbitur, sed obscura & tenebrosa tota Terræ obvertitur; tunc Lunà dicitur esse in *conjunctione* cum Sole; cum scilicet Sol & Luna in eodem Eclipticæ puncto videntur, in quo fit *Novilunium*, *Neomenia* seu *Interlunium*. Ubi Luna ulterius ad F promovetur, corniculatam seu falcatam figuram rursus induit, & ante quidem novilunium cornua in occasum spectabant, & nunc post novilunium in ortum tendunt. Cum Luna ad G provehitur, & in aspectu cum Sole quadrato venit, bisecta & dimidiata apparet, & in H Gibbosa, & ubi ad A denuo pervenerit, rursus pleno fulget orbe.

*Elongatio
Lunæ à
Sole.*

Arcus E L, seu angulus S T L contentus rectis ductis è centrâ Solis & Lunæ ad Terræ centrum dicitur *Elongatio* Lunæ à Sole, & arcus M O illuminati semicirculi M O N pars illa, quæ Terræ obvertitur, quique est mensura anguli, quem circulus Lucis Finitor & circulus visionis efficiunt, est ubique quam proxime similis arcui E L Elongationi Lunæ à Sole, seu quod idem est angulus S T L est quam proxime æqualis angulo M L O, quod sic demonstro; producat S L utcumque in X, & erunt anguli T L P, M L S æquales, utpote uterque rectus est; sed anguli O L S & P L X sunt æquales, ad verticem enim sunt, quare demptis æqualibus, erit angulus M L O æqualis angulo T L X, sed angulus T L X externus est & æqualis duobus internis & oppositis trianguli S T L, scilicet angulis S T L & T S L; erunt igitur hi duo anguli æquales angulo M L O sed angulus T S L exiguus admodum est, & cum maximus, hoc est in quadraturis non decem minuis primis major; nam tantilla est distantia Lunæ à Terra præ Solis ab eadem distantia, ut angulus ille ad Solem evanescat, & pro nullo haberi possit; est itaque angulus M L O æqualis angulo S T L, & arcus M O similis est arcui E L.

*Vide sitam
Lunæ F.*

Semicirculus O M P, cum ejus planum per oculum transiit, in rectam O P projicitur, seu in Lunæ disco, ut recta O P apparet; at circulus Lucis Finitor, cum oblique è Terra vi-

de-

detur, in Ellipsim projicitur; atque hinc data Elongatione Lunæ à Sole, facile exhibetur Phasis, sub qua Luna tunc temporis apparet. Repræsentet circulus $C O B P$ Lunæ discum è Terra spectabilem, $O P$ rectam in quam projicitur semicirculus $O M P$, hanc ad rectos angulos secet alia diameter $B C$, & posito $L P$ radio, capiatur $L F$ æqualis consinui elongationis Lunæ à Sole, & axe Majore $B C$, & semiaxe minore æquali $L F$, describatur semiellipsis $B F C$, abscindet illa ex Lunari Disco partem illuminatam $B F C P B$ è Terrâ spectabilem.

Delineatio Phasis Lunæ pro data Elongatione à Sole.
TAB. 17.
fig. 1.

Cum posito $L P$ radio, $L F$ sit consinus Elongationis Lunæ à Sole, erit $P F$ sinus versus ejusdem Elongationis; estque $B F C$ linea (quæ tenebrosam Lunaris Disci partem ab illuminata dividit) semiellipsis, cujus axis major æqualis est Lunæ diametro, semiaxis autem minor æqualis est Lunæ semidiametro diminutæ sinu versò Elongationis Lunæ à Sole. Sit jam $O B P C$ Lunæ Discus Terræ obversus, $B F C$ semiellipsis illuminatam Disci partem à tenebrosâ dividens; ducatur quævis recta $G H N$ Axi minori Parallela, & axi majori occurrens in M ; Ex natura Ellipsis & circuli, erit $L P$, ad $L F$, ut $M G$, ad $M H$; adeoque per divisionem rationis $L P$ ad $P F$ ut $G M$ ad $G H$; & duplicando antecedentes $P O$ ad $P F$, ut $G N$ ad $G H$; idem de alia quavis recta $G N$ Axi minori parallela demonstrabitur, adeoque per 12 Element 5^{ti}, ut $P O$ ad $P F$, ita omnes $G N$ ad omnes $G H$. Sed omnes $G N$ faciunt Lunæ Discum Terræ obversum, & omnes $G H$ faciunt partem Disci illuminatam, adeoque erit $P O$ ad $P F$ seu diameter circuli ad sinum versum elongationis Lunæ à Sole, ut totus Lunæ Discus ad partem ejus illuminatam. Hinc illustratio quolibet tempore à Luna facta est ad ejus illustrationem maximam tempore Plénilunii, ut sinus versus elongationis Lunæ ad circuli diametrum.

Quantitas illustrationis determinatur.
TAB. 17.
fig. 4.

Sicut Luna luce Solis reflexa Terram illuminat, & sic & Terra plus quam par pari referens, vicissim solarem lucem reflectendo, Lunæ superficiem multò majore luce perfundit; siquidem cum Terræ superficies sit quindecies circiter major lunari, si Luna & Terra æque in reflectendo polleant, hæc quin-

Terra luce reflexa Lunam illuminat.

quindecies plus lucis ad Lunam remitter, quam ab illa accipit. Et Lunicolis quindecies major apparet Terra, quam nobis Luna videtur. In noviluniis illustrata Terræ facies tota Lunæ obvertitur, & tenebrosam Lunæ superficiem luce illustrans Lunicolis *Pleniterreum* efficit. Hinc oritur luculla illa; quæ in Luna nova veterique præter argentea cornua apparet, reliquum Lunæ discum, tenebrosum licet, conspicuum exhibens. Cum autem Luna ad oppositum Solis pervenerit, Terra è Luna in conjunctione cum Sole videtur, ejusque tenebrosa facies Lunæ obvertitur, in quo fitu è Luna videri nequit, sicuti in noviluniis nos non videmus Lunam, & ut verbo dicam, Phases Terræ è Luna conspicuæ per omnia sunt similes illis, quæ à nobis in Luna observantur.

Mensis Periodicus.

Mensis synodicus.

Quamvis Luna Terram circumeundo, orbitam suam describat spatio dierum 27, horis circiter septem, quod tempus *Mensis periodicus* appellatur, tempus tamen quod impendit Luna, dum ab una conjunctione cum Sole ad proximam pervenit, quod *Mensis synodicus*, seu Lunatio dicitur, mense Periodico majus est. Nam dum Luna in propria orbita periodum absolvit, interea Tellus ejusque comes Luna, cum sua orbita circa Solem eundo, integro fere signo versus Orientem promotæ sunt, & punctum Orbitæ, quod in priore situ in recta centra Terræ & Solis jungente jacebat, nunc Sole paulo Occidentior est, adeoque cum Luna ad illud punctum pervenerit, nondum in conjunctione cum Sole invenitur.

TAB. 20.
fig. 1.

Sit enim AB portio orbitæ Telluris, Terra T, S Sol, AC L orbita Lunæ, & cum Terra est in T sit Luna in L in conjunctione cum Sole, & dum Luna ab L digreditur, orbitamque propriam LACD describit, Tellus interea per arcum Tr deservitur, & cum ad r venit, orbita Lunæ situm laca obinet, punctumque orbitæ L erit in recta rl, priori TL parallela, unde patet, ad l diventi Lunâ, eam totam orbitam percurrisse, sed nondum ad conjunctionem cum Sole pervenisse, sed opus esse, ut ulterius progrediatur Luna, & arcum lm describat, priusquam Solem assequatur; & cum Luna orbitam absolvat diebus viginti septem, horis circiter se-

septem , Terra hoc tempore describet arcum T : viginti septem circiter graduum , cui similis est arcus I M ob angulum I : M æqualem angulo M S L ; at verò opus est ut majorem arcum quam I M Luna describat (ob motum Terræ interea factum) , priusquam ad conjunctionem cum Sole perveniat , inde fit ut Lunatio tota Seu Tempus ab uno novilunio ad proximum , non nisi diebus 29 , horis circiter duodecim compleatur , & separetur Luna à Sole diem angulo graduum 12 & aliquot minorum , qui *motus à Sole diurnus* nuncupatur.

Motus Luna à Sole diurnus .

Si planum orbitæ Lunaræ coincideret cum plano Eclipticæ , hoc est , si orbita Lunæ circa Terram , & orbita Terræ circa Solem in eodem jacerent plano , semita motus Lunæ in cœlis è terra visa eadem esset , quæ est motus Solis apparens , seu eundem omnino circulum , Eclipticam nempe , quam Sol spatio unius anni conficere apparet , Luna inense quolibet percurrere videretur ; verùm orbitæ Lunaræ planum non coincidit cum plano Eclipticæ , sed se mutuo intersecant hæc duo plana in linea per centrum Terræ transeunte , eorumque inclinatio angulum quinque circiter graduum constituit .

Luna in Ecliptica non movetur .

Sit A B portio orbitæ Telluris , T Terra , circulus C D E F TAB. 17. Lunaræ orbita , cujus centrum est centrum Terræ T , eodem centro T describatur in plano orbitæ Telluris circulus C G H , cujus diameter æqualis sit diametro orbitæ Lunæ : Hi duo circuli , cum idem habeant centrum , in recta per Terram transeunte se interfecabunt , & Lunaræ orbitæ medietas una C E D supra planum circuli C G H attolletur in Boream , altera medietas D F C deprimetur in Austrum ; recta C D communis circulorum intersectio *Linea Nodorum* dicitur ; & anguli C & D *Nodi* adicuntur ; & quidem Nodus C , ubi Luna ascendit supra planum Eclipticæ versus Boream , *motus ascendens* , & capus Draconis nuncupatur , & brevitatis causa sic & notatur ; alter Nodus D , ubi Luna in Austrum descendit , *Nodus descendens* & cauda Draconis nominatur , cujus signum est ♄ , & si Linea Nodorum immobilis esset , hoc est non alium haberet motum præter illum , quo circa Solem fertur , ad idem Eclipticæ punctum semper dirigeretur , utpote sibi semper parallela manens , sed linea Nodorum continuo

Linea nodorum . Nodus ascendens .

T

fitum

*Nodi mo-
ventur mo-
tu retro-
grado.*

situm mutare deprehenditur, & ab Oriente in Occidentem contra seriem signorum motu retrogrado fertur, circum-que absolvit spatium annorum fere novemdecim, post quod tempus Nodus utervis ab aliquo Eclipticæ puncto digressus ad idem redit, seu in eodem, quo prius, Eclipticæ gradu è Terra videtur.

*Latitudo
Lunæ.*

*Circuli
Latitudi-
num qui?*

Ex dictis constat Lunam non nisi bis in qualibet periodo in Ecliptica videri, scilicet cum in Nodis versatur, in aliis orbitæ suæ locis nunc magis nunc minus ab Ecliptica distare, prout nodorum alicui remotiorem aut propiorem esse contigerit; maxime autem ab Ecliptica distat Luna, cum est in E vel F, quæ media sunt à Nodis puncta, & *Limites* vocantur. Distantia Lunæ ab Ecliptica ejus Latitudo vocatur, hanc metitur arcus circuli per locum Lunæ in cœlo transeuntis, & ad Eclipticam perpendicularis, arcus inquam ille inter Lunam & Eclipticam interceptus metitur Lunæ ab Ecliptica distantiam seu Latitudinem; & idcirco tales Circuli ad Eclipticam perpendiculares *Circuli Latitudinum* dicuntur, & Latitudo Lunæ, cum maxima est ut in E vel F, æqualis est quinque gradibus cum octodecim minutis primis, eilque illa Latitudo mensura angulorum ad Nodos.

LECTIO X.

*De Inæqualitate motuum Lunarum; de Lunæ facie,
ejusque Montibus, & Vallibus.*


*Luna in
orbita El-
liptica mo-
vetur.*

TAB. 17.
fig. 6.

*Apogeon
Lunæ.
Perigeon.*

Astronomorum observationes testantur, Lunæ distantiam à Terra multum variari, & nunc propius nobis accedere Lunam, nunc longius recedere; hoc ideo fit, quod Luna non in Orbita circulari circa Terram fertur, sed in Elliptica, qualem repræsentat figura ABPD, cujus focorum alterum tenet Terra, & Axis Ellipseos major AP est linea Apseudum, TC Excentricitas. Punctum A summa Apfis vocatur *Apogeon* Lunæ; ubi scilicet maximè à Terra distat; Punctum P ima Apfis, ubi maximè ad Terram accedit, *Perigeon* nominatur. Et si Orbita Lunæ non alium haberet motum

tum



DE INÆQUAL. MOTUUM LUNAR. 291

tum præter illum, quo circa Solem fertur, Axis Ellipseos sibi semper Parallelus maneret, & ad idem cœli punctum semper dirigeretur, ad quod cum perveniret Luna eandem semper à Terra distantiam obtineret; sed Linea Apſidum est etiam mobilis sicut Linea Nodorum; & motu Angulari circa Terram fertur secundum seriem signorum seu ab Occidente in Orientem Circulū absolvit hæc linea, & ad eundem situm redit annis ferre novem.

Motus Lunæ ejusque orbitæ multiplici afficiuntur inæqualitate; nam *Primò* cum Tellus Aphelion tenet, ubi unà cum Luna longissimè à Sole distat, motus Lunæ aliquantulum acceleratur; Tellure autem ad Perihelion delatâ, ubi proxime ad Solem accedit Luna, aliquantulum retardatur ejus motus; unde fit ut minore tempore Luna suam orbitam percurrat, breviusque sit tempus Periodicum Terrâ Aphelion tenente, quàm cum eadem in Perihelio versatur, & menses Periodici neutiquam sint inter se æquales: 2.^{do} Luna in Syzigiis id est, cum est in linea quæ jungit centra Solis & Terræ, cæteris paribus ælerrimè movetur; in Quadraturis tardissimè. 3.^{tio} pro varia distantia Lunæ à Syzigiis, hoc est ab conjunctione seu oppositione ejus motus inæqualis redditur, motus enim in primo mensis quadrante, sive pergente Luna à conjunctione ad quadraturam proximam retardatur; in secundo acceleratur dum tendit à Quadratura ad oppositionem; in tertio retardatur rursus; & in quarto iterum acceleratur; hanc inæqualitatem in motu Lunæ primus deprehendit Tycho, & *Variationem* Lunæ appellavit.

4.^{to} Cum Luna in Ellipsi moveatur, ejus umbilicum tenet Terra, circa quam Areas describit temporibus proportionales, oportet Planetarum primariorum more, ut in Apogeo suo tardius incedat, in Perigeo velocius feratur.

5.^{to} Orbita etiam Lunæ est continuo mutabilis, & ejusdem non eadem manet species, aut figura, sed excentricitas nunc augetur, nunc minuitur; & maxima quidem est cum linea Apſidum est in Syzigiis, hoc est cum coincidit cum recta quæ centra Solis & Terræ conjungit; minima autem cum hanc rectam normaliter secat; differentia inter maximam & minimam

Inæqualitates in motu Luna.

Variatio Quæ?

Orbita Luna ejusque excentricitas semper mutabilis.

nimiam excentricitatem tanta est, ut illa semissem Excentricitatis minimæ superet.

*Apogæum
inæquali
motu fer-
tur.*

6.^{to} Ipsum Apogæum Lunare inæquali fertur motu; quando enim est in Syzigiis cum Sole progreditur, in quadraturis regreditur, & progressus & regressus illi non sunt æquabiles, sed Lunâ in quadris versante tardius progreditur, vel forsân etiam regreditur, in Syzigiis versante Luna Apogæum celerius progreditur. 7.^{mo} Nodorum motus retrorsum est minime æquabilis, nam Nodi in Syzigiis positi penitus quiescunt, dum vero quadratum ad Solem obtinent aspectum, velocissime in Antecedentia feruntur.

Harum omnium inæqualitatum causas primus & Solus detexit sagacissimus Neuvvtonus, easque secundum leges Mechanicas ex Theoria Gravitas oriri demonstravit. Mirum videtur, quod etsi Luna sit corporum cœlestium omnium nobis maxime propinqua, ad eam tamen accessus patet maxime difficilis, cum non sine multo labore & longis annorum observationibus illius irregulares excursus investigari possint.

*Luna
æqualiter
circa axem
suum nota-
tur.*

Solus in Luna motus æquabilis est ille, quo circa Axem suum rotatur, in eodem præcise tempore, quo circa tellurem periodum absolvit, unde fit ut eandem fere sui faciem Terræ ostendat, sed ea ipsa æquabilitas causa est apparentis inæqualitatis, quod Luna videtur è Terra super Axem suum nunc ab ortu in occasum, nunc ab occasu ad ortum paululum liberari, & partes quædam in limbo occidentali Lunæ per quodam spatium modo recedunt, modo accedunt, quædam antea visæ occultantur, ac deinde rursus in conspectum veniunt, talisque motus *Libratio* dicitur; oriurque ex motu Lunæ inæquali in perimetro Ellipseos; nam si Luna in circulo moveretur, cujus centrum teneret Terra, & circa axem spatio temporis Periodici rotaretur, ejusdem meridiani Lunaris planum semper per Terram transiret, & eadem ubique Lunæ facies Terræ obverteretur; at cum Luna in Elliptici feratur, in cujus umbilico seu foco locatur Terra, & conversio Lunæ circa Axem æquabilis est, seu quod idem est, datum quolibet Lunare meridianum angulos temporibus proportionales describit, illud planum non ubique per Terram transibit.

Libratio.

Sit

Sit enim ALP orbita Lunæ, cujus focum tenet Terra in T, & cum Luna est in A, ejus meridianus MN productus per Terram transeat. Si Luna in orbita absque conversione lata esset, idem meridianus MN sibi semper Parallelus maneret, & cum Luna ad L pervenerit, meridianus MN esset in situ PQ ad MN Parallelo; verum per rotationem æquabilem Meridianus MN situm mutat, angulosque describit temporibus proportionales, & tempore Periodico quatuor rectos absolvit, unde erit in situ mLn tali, ut angulus QLn sit ad rectum, ut tempus, quo Luna confecit arcum AL, ad quartam partem temporis periodici; sed tempus, quo Luna confecit arcum AL, est ad quartam partem temporis periodici, ut area ATL ad aream ACL, scil. quartam partem Areæ Ellipseos, unde erit angulus QLn ad rectum angulum in eadem ratione; est autem area ATL major a reâ ACL, unde angulus QLn recto major erit; sed est angulus QLT acutus, major itaque est angulus QLn angulo QLT; adeoque Meridianus MN, cujus planum, cum Luna fuit in A, per Terram transibat, nunc Lunâ ad L delatâ versus Terram non dirigitur, unde constat Lunæ Hemisphærium in L è Tellure visum aliquanto esse diversum ad hemisphærio, quod è Terra videtur cum Luna fuit in A, partesque ultra Quunc retegì, quæ prius Luna in A exiistente fuerunt inconspiciuæ. At cum Luna ad Perigeum P pervenerit, in eo tempore Meridianus $m n$ semicirculum absolvit, rursusque ejus planum per Terram transibit ut eadem Lunæ facies è Tellure conspiciatur, quæ prius in A visa fuit; hinc patet hanc Lunæ liberationem bis in quovis mense periodico restitui, scilicet cum Luna est in Apogeo & Perigeo.

Luna superficies aspera.

Si Lunæ superficies terrea & polita esset, ut in speculis, illa non lucem undequaque reflecteret, sed Solis imaginem exiguum admodum instar puncti splendidissimè micantis, tantum ostenderet, verum sicut in corporibus terrestribus, sic in Luna Aspera & scabra est ejus superficies, qua fit ut lucem solarem undequaque diffundat & corpora Terrestria illuminet.

At non tantum inæqualis & aspera est Lunæ superficies, sed altissimis montibus profundissimisque vallibus tota obfita: nam si nullæ in Luna extiterint eminentiæ, sive partes re-

Et montibus obfita.

liquis altiores, linea recta in Dichotomia, aut Elliptica in reliquis Phasibus semper determinaret confinia lucis & umbræ. Verum si tubo optico aspiciatur Luna, confinium illud in nulla regulari linea, sed dentatum, serratum, multisque anfractibus intercisum apparet. Quin etiam in tenebrosa Lunæ facie partes aliquæ à confinio non multum distantes cernuntur Solis Luce illustratæ: Et die circiter quarto post Novilunium in tenebrosa Lunæ facie quædam cuspides luminosæ, tanquam scopuli aut parvæ insulæ, apparent, quæ non multum à confinio illustratæ & tenebrosæ partis distant; aliæ item dantur illuminatæ parti adhærentes areolæ, paulatim formam figuramque cum lumine crescente mutantes, donec parti illustratæ omni ex parte annectantur, & cum locis vicinioribus lumine prorsus imbuantur. Mox quam plurimas iterum novas in illa tenebrosa parte orientes cernimus, & in locum antecedentium succedentes. Contrarium autem accidit in phasibus Lunæ decreascentibus, ubi lucidæ areolæ, quæ nunc confinio & parti illustratæ adhærent, paulatim avelluntur, & confinio relicto diutius tamen conspiciuntur, quod impossibile foret, nisi areolæ illæ essent partibus reliquis altiores, ut Solis lux illas stringeret. Puncta itaque illa, extra lucis confinium micantia, sunt cuspides & vertices præaltorum montium, quæ cum altiora sunt quam reliqua loca vicina, citius à Sole illustrantur, seriusque ab ejus lumine subducuntur. Præterea multæ nigricantes maculæ in parte illuminata conspiciuntur, quæ sunt ingentes cavitates seu cavernæ, in quibus cum Sol illas oblique irradiat, ejusque lux limbum externum tantum attingit, profundiores partes obscuræ manebunt; at Sole ascendente plus lucis hauriunt, & quo altius super illas attollitur Sol, eò vallium umbræ magis se comprimunt, brevioresque evadunt, usque dum Sol punctum attingit verticale, quo tempore totam illustrat cavernam, umbrâ penitus evanescente; & prædictæ valles æquæclare ac montium vertices conspiciuntur, immo multo illis lucidiores. Lunæ itaque superficies præruptis montibus profundissimisque vallibus ubique scatet.

Montes Lunares nostris Terrestribus longe excelsiores depre-

Demonstratur dari in Luna montes.

In Luna ingentes cavernæ.

Geometra possunt montes Lunares metiri.

prehenduntur; possunt enim Geometrae horum altitudinem hac ratione metiri. Sit Hemispherium Lunæ illustratum EGD, TAB. 10. E C D Diameter circuli lucis & Umbræ Finitoris, A vertex fig. 3. montis, ubi primo illuminari inceperit. Observetur Telescopio, vel Micrometro proportio rectæ A E ad Lunæ diametrum E D; & quia E S tangit Lunæ Globum, junctâ A C, erit A E C triangulum rectangulum per 16 El. tertii. Adeoque datis A E, E C, dabitur C A, ex qua subductâ C B æquali C E, restabit B A altitudo montis quæsitâ, v. gr. Dicit Ricciolus, quarto die post Novilunium se observasse montem *S.æ Catharinæ* illuminatum, ejusque distantiam A E à limite consueto illuminationis fuisse diametri Lunaris partem decimam sextam, seu semidiametri partem octavam: Unde si E C sit partium 8, erit E A harum partium una, adeoque quadratum lateris E C erit 64, ad quod addatur quadratum lateris A E quod est 1, & per 47. El. primi, habebitur quadratum hypotenusæ A C æquale 65, cujus Radix Quadrata, est 8, 062 æqualis A C; unde dempta B C = 8 erit A B altitudo montis æqualis 0, 062, & est C B, vel C E ad A B, ut 8000 ad 62, adeoque cum semidiameter Lunæ sit milliarium circiter 1182, si fiat ut 8000, ad 62, ita 1182 ad quartum, qui erit 9. Altitudo igitur hujus montis novem milliaria adæquat, estque altissimis nostris montibus triplo celsior.

Qui Lunæ vultum Telescopio contemplari velit, cerneret illam mirabili varietate distinctam; Quædam enim partes splendidissime lucent, quas quidem Philosophi Rupes Adamantum esse prædicant, alii Unionibus vel Margaritis eas assimilant, quæ partes videntur, montes partesque solidas Lunæ repræsentare; at aliæ interim partes, æque non paucæ, nec parvæ, tanquam maculæ obscuriores, & nigri coloris apparent, quæ Maria, Paludes, & lacus, esse suspicati sunt philosophi. Verum partes has obscuriores, quas maria appellant, revera non esse liquidas exinde constat, quod si melioris notæ Telescopio inspiciantur, innumeris cavernis, seu cavitatibus vacuis (umbris intus cadentibus) constare deprehenduntur, quod maris superficiei convenire nequit: quocirca maria esse non possunt, sed materiâ constant minus candican-

Facies Lunæ mira varietate distincta.

In Luna non sunt maria.

*Nulla nu-
bes.*

*Nulla At-
mosphæra.*

*Astronomi
selenogra-
phi.
TAB. 18.
19.*

te quam est ea, quæ in partibus asperioribus conspicitur; intra has tamen partes quædam vividiore lumine fulgent, cæteris-
que antecellunt. Sed neque nubes ullæ, unde pluviz gene-
rantur; si enim essent, viderentur nunc has, nunc illas Lunæ
regiones obtegere, atque visui nostro occultare, quod nunquam
contingit, sed in Luna perpetua apparet serenitas. Præterea
nec videtur Luna Atmosphæra donari; nam Planetæ & stellæ
prope ejus marginem siti, nullam patiuntur refractionem.

Lunæ faciem (qualem eam exhibent melioris notæ Tele-
scopia) accurate depinxerunt Astronomi Selenographi Flo-
rentius Langrenus, Joannes Hevelius, Maria Grimaldus, &
Ricciolus; & splendentes quoque partes annotaverunt, &
quo melius distinguantur, iis nomina imposuerunt. Langre-
nus & Ricciolus regiones Lunares inter Philosophos aliosque
insignes viros distribuerunt, quælibetque pars nomen celebris
cujusdam Philosophi, vel Mathematici accepit. At Hevelius
veritus, ne de divisione agrorum lites inter philosophos ori-
rentur; ditiones Lunares ab omnibus eripuit, & Geogra-
phica nostræ Telluris nomina in Lunam transtulit, nullo ha-
bito ad figuram aut situm respectu.

LECTIO XI.

De Solis & Lunæ Deliquiis; seu de Eclipsibus.


Nihil est in Astronomia, quod miram humani intellectus
solertiam, acremque ejus perspicaciam magis ostendat,
quam defectuum Solis & Lunæ clara explicatio; & ac-
curata prædictio, qualis apud Astronomos habetur. Subtilis
quidem est hæc nostræ scientiæ pars, sed tamen certa & in-
dubitata, qua nihil sublimius, aut contemplatione dignius.

*Eclipsis
Lunæ est.*

Est autem *Eclipsis* vox Græca, ab *ἐκλείπειν* deficio, quæ
deliquium, aut defectionem significat, unde ægri & mori-
bundi cum deliquium animi, & languor lethalis eos corri-
pit, in Eclipsin incidisse dicuntur. Sic etiam Luna, cum
orbe pleno sulget, si in umbram Terræ incidat, vivificæ
Solis luce spoliata expallescit; & Sol vicissim interjecta Lu-
na,

na,





na, non sibi, sed nobis deficiens obscurari videtur; tunc dicuntur Sol & Luna Eclipsin seu deliquium pati. Ut autem à primis principiis exordiamur

Sciendum est, corpus omne lucenti Soli expositum *Umbram* ^{Umbra Corporis.} projicere in plagam Soli oppositam; estque hæc *Umbra* nihil aliud quam privatio Lucis in spatio quodam ob Solis radios ab opaco corpore interceptos. Adeoque Terra, opaca cum sit, umbram projiciet in plagam Soli oppositam, in quam si incurrat Luna, eam obtenebescere necesse est. Et quia figura Telluris est spherica, Umbra figura cylindrica foret, si Terra Solem magnitudine æquaret: aut si Solem superaret, figura Umbra esset coni vertice truncati & crassitie crescens; & in utroque casu umbra in infinitum porrigeretur; aliosque Planetas, Martem scil., Jovem, & Saturnum, tenebris suis involveret. Quod cum nunquam facit, necessario erit Terra Sole minor; in quo casu, figura Umbrae est conica in apicem desinens. ^{Figura Umbrae TAB. 20. fig. 4. 5.}

At Luna, cum ejus diameter in diametro Umbrae Terrestris ter contineatur, estque diameter Umbrae minor diametro Terræ, erit Terræ multo minor.

Sit itaque S Sol, T Terra, Conus ABC Umbra Telluris; patet nullam duci posse rectam lineam à Sole ad punctum quodvis intra spatium ABC, quæ non in Terram incidat, adeoque cum opaca sit Terra, transitum Solis radii negabit, & illustrationem spatii ABC impedit. Et si Luna Soli opposita per hoc spatium transeat, illam tenebris involvi necesse erit, fietque Eclipsis Lunæ tempore Plenilunii.

TAB. 11. fig. 1.

Quando fit Eclipsis Lunæ.

Quando fit Eclipsis Solis.

TAB. 21. fig. 2.

Aliquibus Terra Locis est Eclipsis Solis totalis, aliquibus partialis, aliquibus nulla.

Quin etiam Luna suam quoque Umbram Conicam in plagam Soli oppositam projiciet; si hæc Umbra in Terram incidat, quod fieri non potest, nisi cum Luna in conjunctione cum Sole à Terra videtur, incolæ istius partis, in quam incidit Umbra, in tenebris includentur, illique Sol videbitur deficere, quamdiu intra Umbram morantur. At cum Luna multo minor sit quam Terra, ejus Umbra non potest nisi partem aliquam superficiæ Terrestris nempe BC tegere, & totalibus tenebris involvere; reliquas interim circum-

jacen-

298 DE ECLIPSIBUS SOLIS ET LUNÆ:

jacentes partes quidam Solis radii illustrabunt, & incolæ partem tantum Solaris Disci obscuratam videbunt, majorem aut minorem, prout Umbræ propiores, aut ab ea remotiores fuerint. Et speciatim qui circa P degunt, dimidium Solis eclipsari videbunt. Qui vero regiones ultra M ad N usque colunt, ii nullam Solaris disci partem obscuratam percipient.

Hinc patet, nullam unquam fieri posse Eclipsin Lunæ nisi in Plenilunio, cum Luna scilicet ad oppositionem Solis pervenerit; nec unquam contingere Eclipsin Solis, nisi in Novilunio, cum Luna in conjunctione cum Sole videtur; Cum itaque in singulis mensibus semel sit Novilunium, semelque Plenilunium, quæretis fortasse Academici, cur non singulis mensibus Sol & Luna Eclipses patiantur? Et quidem si Luna in Eclipticæ plano semper incederet, cum Axis Umbræ Terrestris in eodem quoque sit plano, Luna Umbram Terræ semper in Plenilunio pervaderet, fieretque Lunæ Eclipsis totalis, & centralis. Quin etiam in singulis Noviluniis, ubi non nimium à Terra distat Luna, illa Umbram in Terram projiceret, & Solem in aliquibus Terræ locis obscuraret. At ostensum est, planum orbitæ Lunaris non coincidere cum plano Eclipticæ, sed illud secare in recta, quæ per Terræ centrum transit; adeoque Luna nunquam erit in plano Eclipticæ, nisi cum in hac recta, hoc est in nodis versatur; adeoque si contingat, ut Luna in Plenilunio sit etiam in nodorum alterutro, Axis Umbræ per Lunæ centrum transibit; fietque Eclipsis totalis & centralis. Exponat circulus M N Umbræ Terrestris sectionem transversam per orbitam Lunæ transeuntem; Linea C D portionem orbitæ Lunaris, quam percurrit Luna tempore Plenilunii, quæ cum sit exigua, per rectam repræsentari potest. Recta BGA sit in plano Eclipticæ. Sitque F Luna cum primo Umbram ingreditur. E Luna ultimo egrediens. G Luna in ipso Umbræ axe, patet hujusmodi Eclipsim totalem, & centralem esse. Et quandocunque Lunæ & Umbræ centra in nodo coincidunt, sient Eclipses totales & centrales. Hinc duratio maxima Eclipsis Lunaris tanta esse potest, quanta æqualis sit tempori, quo Lunæ motus supra motum umbræ Terrestris inter-

*Quare Sol
& Luna
Eclipses
singulis
mensibus
non patien-
tur.*

*Eclipses
Lunæ tota-
les & cen-
trales.
TAB. 21
fig. 3.*








Fig. 3.



K

interea factum sit per arcum F E, quæ quatuor diametris Lunaribus est æqualis, hoc est duobus circiter gradibus, quæ arcum Luna quatuor horis plerumque absolvit.

Fieri etiam possunt Eclipses totales, quæ non sunt centrales, ubi Nodus non in Axe, sed ne quidem intra Umbra[m] ponitur, uti figura ostendit. Potest etiam Nodus tantum ab Umbra distare, ut non nisi pars Lunæ illam subeat, fientque Eclipses partiales, uti figura monstrat, quæ erunt majores, aut minores, prout distantia Nodi ab Umbra minor majorve fuerit. Quod si contingat, Nodum tempore Plenilunii magis tredecim gradibus ab Axe Umbrae distare, tanta tunc erit Lunæ à plano Eclipticæ distantia, ut ab Umbra intemerata maneat.

TAB. 21.
fig. 4.
*Eclipses
partiales.*
TAB. 22.
fig. 5. 6.

Ut Umbra Terræ in Lunam projecta efficit Eclipsin Lunæ; sic vicissim Umbra Lunæ, si in terram incidat, efficiet Eclipsin Terræ. At cum Luna multo minor sit Terrâ, non potest ejus Umbra totum Terræ Discum Tenebris involvere, sed exigua tantum ejus pars obscurabitur; & Eclipses hæ erunt omnes partiales; æque solum partes tenebrascent, in quas incidit Umbra Lunæ, & earum incolæ Solem obscurari videbunt. Ideoque Eclipses Solis eas appellant, sed improprie, cum Sol lucem omnem illibatam retineat; & tantum eæ Terræ partes, quæ sub Umbra versantur, lumine orbantur.

*Eclipsin
Terræ.*

Sed ut Eclipsium Phænomena melius vobis Academici innotescant; Coni umbrosi, tam Terrestris, quam Lunaris, dimensiones exhibere convenit. Quod ut facilius fiat, libet sequens præsternere postulatam:

Si à centro Solis ducantur lineæ rectæ ad quævis Telluris puncta, eæ omnes erunt quam proxime parallelæ, nam parallelæ sunt, quæ non concurrent nisi ad infinitam distantiam; adeoque quæ non concurrant nisi ad distantiam respectu distantia linearum immensam, sunt Physice parallelæ; at tanta est distantia Terræ à Sole, ut ejus Diameter, si ad distantiam illam comparetur, puncti instar habeatur; quod omnes agnoscunt Mathematici, nam Telluris semidiameter è Sole visa sub angulo prorsus imperceptibili, seu qui oculis distingui nequit, apparet; & tanquam punctum indivisibile

*Linea à
centro So-
lis ad Ter-
ram ducta
sunt quam
proximo
parallela.*

sibile videtur; adeoque præ Solis distantia evanescet, & proinde lineæ omnes à centro ad Terram ductæ erunt Physice parallelæ. Præterea; si recta lineæ in alias duas incidens faciat duos internos angulos æquales duobus rectis, erunt lineæ in quas incidit, inter se parallelæ, per *prop. 29 El. primi*. Sit jam AB semidiameter Terræ, O Solis centrum; ductis AC, BC, per 32 *El. primi* erunt anguli A, B, & C æquales duobus rectis, sed angulus C evanescit, & est nihilo fere æqualis, cum Tellus è Sole visa, ut punctum appareat, ergo anguli A & B sunt duobus rectis æquales, & proinde rectæ AC, BC sunt quam proximè parallelæ. Sic etiam duo fila ponderibus appensis pendula pro parallelis habentur, attamen filorum directiones, si producantur, concurrent ad centrum Terræ, ad quod Gravia omnia tendunt.

Quæ de Terra hic ostensa sunt, de Luna quoque magis vera erunt; nam ejus semidiameter ad distantiam Solis minorem habet rationem, quam Terræ semidiameter ad eandem. At non tantum lineæ à centro Solis ad quævis in Terra Lunave puncta ductæ pro parallelis habendæ sunt, sed etiam duæ lineæ à centro Solis ad Terræ Lunæque centra ductæ à parallelismo sensibilibiter non aberrabunt. Nam angulus, quem continent præsertim in *Syzigii* tam parvus est, ut tuto negligi possit, ejusque neglectus calculum, & Eclipsium Phases, minime turbabit.

Hoc etiam Lemma demonstratu facile præmittimus.


TAB. 12.
fig. 2.

Si circulum ABC tangant rectæ AE, BF, & a punctis contactuum ad centrum ducantur rectæ AD, BD; Angulus ad centrum ductis lineis contentus æqualis erit ei, quem continent rectæ tangentes.

Nam in quadrilatero GADB omnes anguli efficiunt quatuor rectos, sed anguli A, & B sunt recti per 18 *Elem. tertii*, quare anguli AGB & D sunt æquales duobus rectis. Sed per 13 *El. primi* AGB & AGF sunt æquales duobus rectis, quare angulus D erit æqualis angulo AGF.

Dimensio
anguli coni
Umbræ.
TAB. 22.
fig. 1.

Circulus ABK repræsentet Telluris globum, AM rectam, quæ Terræ & Solis centra conjungit, ad quam sit perpendicularis semidiameter Terræ CB. Si à B ad centrum Solis du-



ducatur recta BF , erit illa ad CM parallela, uti ostensum fuit, saltem recta illa à parallela minime positione differret. Fiat angulus BCD æqualis semidiametro apparenti Solis, hoc est æqualis angulo sub quo semidiameter Solis è Terra videtur, & per D ducatur tangens DG , eritque per Lemma superius traditum angulus GEF æqualis angulo BCD , seu semidiametro apparenti Solis, adeoque cum BF ad centrum Solis tendit, recta GED Solis limbum tanget, & Terram quoque in D stringet, & producta cum HC concurret in H , eritque angulus DHC semiangulus Coni umbrosi. Sed quia FE est ad MH parallela, DHC angulus æqualis erit GEF angulo, per 29. *El. primi*, hoc est semidiametro apparenti Solis. Adeoque totus angulus conii æqualis est diametro apparenti Solis.

Similiter in Luna hoc idem demonstrari potest, & eadem manente Solis diametro, in omnibus sphaeris, quæ Tellure non sunt majores, æquales erunt anguli Conorum, quæ umbras includunt, & Coni umbrosi erunt semper figuræ similes. Quod hac etiam ratione demonstrari potest.

In omnibus sphaeris anguli conorum, quæ umbras includunt, sunt æquales.
TAB. 22.
fig. 2.

Sit AGF Sol; DEH Terra, vel aliud quodvis corpus Sphaericum Terrâ non majus; SC linea jungens centra Solis & Terræ; AD recta, quæ utramque sphaeram tangit cum SC productâ concurrens in M . Erit angulus AMS semiangulus Coni umbrosi. Et in triangulo SDM angulus externus ADS æqualis est duobus internis & oppositis DMS , & DSM , sed angulus DSM , sub quo scil. è Sole videtur semidiameter Terræ, scire nullus est. Nam Terra, uti sæpius dictum est, è Sole visa ut punctum apparet. Quare erit angulus DMS semiangulus Coni æqualis angulo ADS semidiametro apparenti Solis. Q. E. D.

LECTIO XII.

De Penumbra ejusque Cono, de Coni umbrosi altitudine, & Umbrarum diametris apparentibus.

PRæter Umbram omni luce privatam est & spatium quoddam Penumbrosum, quod ab aliquibus Solis radiis illu-

Penumbra quid?

Illustratur, reliquis per opacam Sphæram interceptis; cujus partes diversos obtinent illuminationis gradus, scil. minores aut majores, prout Umbræ propiores sunt, aut ab ea remotiores: hoc spatium *Penumbra* dicitur; eamque sic determinamus.

TAB. 22.
fig. 3.

Exponat circulus A E F G Solem, H E D sphæram quamlibet opacam, v. gr. Lunam, S C sit linea centra conjungens; ducatur recta F D O inferiorem Solis limbum, superioremque Lunæ contingens. Item A H P superiorem Solis, & inferiorem Lunæ limbum lambens, quæ rectam S C secant in I. Si manente puncto I immobili, recta I D O, vel I H P, indefinite protensa, & Lunæ Globum semper contingentes, motu conico circa Axem I M vertantur, generabitur superficies conica indefinita P H D O Umbram perfectam includens, & etiam spatium circumambiens O D M, P H M, à quo radii ab aliquibus Solaris Disci partibus prodeuntes arcentur per interpolitam sphæram opacam; hoc spatium *Penumbra* dicitur, quæ obscurior est in X & Y versus coni umbrosi oras quam in Y & N, quæ loca à superficie *Penumbrae* conicæ minus distant. Nam loca X & Y à minore Solaris Disci parte illustrantur, quam reliqua ab axe Coni magis remota. Si itaque Tellus intra hoc spatium versetur, quædam superficiei Terrestris pars ad S potest totalibus tenebris includi. Et spectatores in ea degentes totalem Solis Eclipsim videbunt. At qui extra Umbram degunt, in cono tamen Penumbroso locat, sicut ad Q, aliquam saltem Solaris Disci portionem videbunt, reliquæ per Lunam testâ. Nam ducatur Q D Lunam tangens & ad Solem producta, manente puncto Q, si motu conico circumagatur Q D indefinite protensa; superficies, quam describit Conicam, abscindet Solaris Disci portionem à Luna testam.

Coni penumbrosi dimensio.

TAB. 22.
fig. 4.

Coni penumbrosi dimensio hac ratione habetur. Circulus H D L sphæram opacam v. gr. Lunam repræsentet; cujus & Solis centrum jungat linea S C, ad quam perpendicularis sit semidiameter Lunæ C B, & eidem parallela B F Lunam tangens. Fiat angulus B C D æqualis apparenti Solis semidiametro, per D ducatur tangens D G, eritque per Lem-

ma,

ma angulus FEG æqualis angulo BCD , seu semidiametro Solis; adeoque cum EF ad centrum Solis tendat, EG Solem ad superiorem marginem continget. Sed & Lunam quoque tangit; adeoque puncto ejus I manente immobili, si motu conico feratur, conum penumbrosus efficiet. Ob parallelas autem EF , CS , erunt anguli FBI , EIC alterni æquales. Sed angulus EIC est semiangulus Coni Penumbrosi, & est FBI semidiameter apparens Solis; erit itaque semiangulus Coni semper æqualis semidiametro apparenti Solis. Conus itaque umbrosus, & Penumbrosus pars ea, quæ Solem & sphaeram opacam interjacet, sunt figuræ similes & æquales, habent enim angulos & bases æquales.

*Altitudo
Coni um-
brosi Terræ.
TAB. 22.
fig. 5.*

Coni umbrosi terrestris altitudo sic invenitur. Sit CT semidiameter Terræ, TM altitudo Coni. Posito TM radio, erit CT sinus anguli TMC semianguli conicæ, qui æqualis est semidiametro apparenti Solis in mediocri ejus distantia circiter $16'$. Fiat igitur ut sinus $16'$ ad radium, ita semidiameter Terræ ad quartum; & invenietur TM æqualis 2148 semidiametris Terrenis. Ar quando Terra maxime à Sole distat, semidiameter Solis seu semiangulus Coni est $15'$: $50''$, & tunc altitudo Umbra evadit æqualis 217 semidiametris Terræ. Cum Terræ diameter sit ad diametrum Lunæ, ut 100 ad 28 , erit Altitudo Coni terrestris ad altitudinem conicæ umbrosæ Lunæ in eadem ratione; sunt enim Figuræ similes, adeoque erit æqualis 59.36 semidiametris Terræ. Hinc si distantia Lunæ à Terra ejus mediocrem distantiam (quæ 60 circiter semidiametris Terræ æqualis est) superet, umbrosus Lunæ Conus ad Terram non pertingent; in quo casu Eclipsis potest esse centralis, at non Totalis; sed circa Lunam luminosus Solis circulus, quasi annulus aureus eam cingens, apparebit. Sequitur etiam quod si tempore Eclipsæ Anomalia Lunæ minor sit tribus signis, aut major novem, fieri non potest Eclipsis Solis totalis; in his enim omnibus Anomaliæ gradibus Lunæ distantia est major mediâ.

*Altitudo
Coni um-
brosæ Lunæ.*

Ut inveniat quanta Terrenæ superficiei pars Lunari Umbra involvi potest. Ponamus distantiam Solis esse maximam, in quo casu Altitudo Coni umbrosi est maxima, scil. circiter

*Quanta su-
perficie
Terrestre
pars Umbra
includi po-
test.*

ter 60 semidiametrorum Terræ. Ponamus etiam distantiam Lunæ à Terra esse minimam, ut crassior pars Umræ in Terram incidat, estque hæc distantia minima æqualis circiter 56 semidiametris Terræ.

TAB. 23.
fig. 1.

Sit L Luna, ABD Terra cujus centrum T, LM altitudo coni umbrosi æqualis 60 semidiametris Terræ LT distantia Lunæ à Terra æqualis 56 semidiametris. Erat itaque TM æqualis quatuor semidiametris Terræ, undæ TB ad TM, ut 1 ad 4, sed ut TB ad TM, ita sinus anguli TMB ad sinum anguli TBM, est vero angulus TMB 15' : 50", adeoque innotescet angulus TBM 63 min. primis cum 13 secundis, cui si addatur angulus TMB 15' : 50"; habebitur angulus ATB, qui his duobus est æqualis nempe 79 min. prim. quibus æqualis est arcus AB, cujus duplum BAC est 158 min. seu 2 grad. 38 minur. seu miliaribus Anglicanis 180 circiter. Supponimus hic Axem Umræ transire per centrum Terræ; At si Axis hic sit ad Terræ superficiem obliquus, Conus oblique secabit superficiem Terræ & figura Umræ evadet Ovalis.





Quantam
superfici
partem pe-
numbra
continet.
TAB. 23
fig. 2.

Si quæretur quanta superficiei Terrestris pars potest in Penumbra Lunari contineri; illam hac ratione exquirere licet. Ponamus apparentem Solis diametrum esse maximam, cum scil. Terra est in Perihelio, estque illa 16' : 23". Sit jam ABD Terra, L Luna, AMB semiangulus coni Penumbrosi 16' 23", unde invenietur altitudo LM æqualis 58" semidiametris terrestribus. Sit Luna in Apogeo, adeoque in distantia à Terra maxima, quæ est 64 semidiametrorum Terræ; hinc est TM æqualis TL + LM æqualis 122 semidiametris Terræ, adeoque TB ad TM, ut 1 ad 122; sed per Theorema Trigonometricum est TB ad TM, ut sinus anguli TMB, scil. sinus 16' : 23" ad sinum anguli MBN, qui itaque erit 35' : 42, à quo si subtrahatur angulus TMB, 16' : 23", restabit angulus MTB, seu arcus AB 35 : 25', cujus duplus est arcus CAB qualis 70 grad. min. 50, qui constat circiter 4900 miliaribus Anglicanis.

Apparent
diameter
Umræ
terrestris.

Si conus Terræ umbrosus ad Lunæ cælum plano transverse secetur, sectio sit circulus, quæ Umbra dicitur, cu-
jus

TAB. XXII.



jus apparens diameter è centro Telluris visa sic determinatur: sit T centrum Terræ; CMT semiangulus Coni umbrosi; FLH TAB. 22. sectio Umræ ad Lunæ cœlum, & ejusque diameter FH . Ex fig. 5. noto semiangulo coni innotescet ejus altitudo TM ; datur etiam TL distantia Lunæ à Terra; unde innotescet quoque ML : sed datur angulus FML , æqualis scil. semidiametro Solis apparenti; anguli autem, sub quibus idem objectum videtur, sunt reciproce ut distantia unde videtur objectum; quare si fiat ut TG ad MG , ita angulus FMG notus ad angulum FTG , qui propterea innotescet.

Quin etiam hac ratione obtineri potest angulus FTG ; scil. datâ FT distantia Lunæ à Terra, & CT semidiametro Terræ, dabitur angulus CFT semidiameter apparens Terræ è Luna visa, quæ *Parallaxis Lunæ horizontalis* dicitur, utpote quæ eidem est æqualis; quare in triangulo TFM est angulus externus CFT æqualis duobus internis & oppositis; adeoque si ab angulo CFT noto auferatur angulus FMT notus, restabit angulus FTM vel FTG apparens Umræ semidiameter. Apparentes autem Terræ semidiametri seu Lunæ Parallaxes horizontales, pro variis ejus à Terra distantis, habentur in Tabulis Astronomicis.

Alia methodus idem exquirendi Parallaxis Lunæ horizontalis.

Sit vel $\odot L$ portio orbitæ Lunaræ, quam Luna prope plenilunium percurrit, quæ cum parva sit pro recta haberi potest, per quam transeat planum ad Eclipticæ planum normale illudque secet in recta $\odot M$, in quam ex L cadat perpendicularis LG ; circulus FMO repræsentet Umræ Terræ, cujus centrum G , erit GL latitudo seu distantia Lunæ ab Ecliptica momento plenilunii, quæ parum differt à Lunæ distantia minima. Patet, si GL Latitudo Lunæ major sit quam summa semidiametrorum Umræ & Lunæ, tunc Lunam in Umræ non incurrere. Neque fiet Eclipsis. At si Latitudo Lunæ sit huic summæ æqualis, Lunæ limbus tanget Umræ, sed non ingreditur. Si Latitudo Lunæ sit minor summâ semidiametrorum Umræ & Lunæ, at major earum differentiâ, fiet Eclipsis partialis. At si Latitudo sit minor eadem differentiâ semidiametrorum Umræ & Lunæ, Eclipsis erit totalis. Hinc innotescunt termini Ecliptici, quibus si distantia Lunæ à nodo sit minor, tempore Plenilunii fieri potest

Quando fient Eclipses Lunæ. TAB. 23. fig. 1. 4. 5.

fig. 1.

fig. 4.

fig. 5.

Termini Ecliptici.

TAB. 23.
fig. 6.

test Eclipsis: si major, non potest. Referat Δ S portionem Eclipticæ, & L portionem orbitæ Lunæ, S L latitudinem Lunæ tempore plenilunii; quæ latitudo sit talis, ut Lunæ limbus attingat circulum umbrosus, sitque Nodus ad Δ Angulus L Δ S est inclinatio orbis Lunaris ad Eclipticam; circiter graduum, & L S Latitudo Lunæ, ubi ejus limbus contingit Umbram 66' min. Itaque datis L S & angulo L Δ S invenitur Δ S seu distantia puncti Eclipticæ Soli oppositi, & Nodo scil. 754 min. seu 12 gr. 34'; unde si longius distet punctum Eclipticæ Soli oppositum, vel Luna à Δ nulla erit Eclipsis.

TAB. 23.
fig. 7.

Sit L Lunæ centrum, ejus Conus umbrosus DME. Hic conus ad distantiam Terræ plano transverse secetur; sectio fiet circulus, cujus semidiameter dicitur semidiameter Umbre Lunæ; angulus autem, sub quo semidiameter Umbre ex Luna visa apparet, æqualis est differentiæ semidiametrorum apparentium Solis & Lunæ à Terra visarum. Est enim angulus LPD semidiameter apparens Lunæ æqualis duobus internis angulis PLM, & PML; unde angulus PML vel PLT semidiameter apparens Umbre æqualis est angulo LPD dempto angulo LMP, hoc est semidiametro Lunæ apparenti dempta semidiametro apparente Solis.

Apparens
umbra Lunæ
semidiameter
TAB. 20.
fig. 7.

Sit L Luna, AMB conus penumbrosus ad terram usque protensus, ejusque Axis MT; si conus per T transverse plano secetur, fiet circulus, cujus semidiameter AT dicitur Penumbre semidiameter; & angulus sub quo illa ex Luna apparet est TLA, qui cum trianguli LMA externus sit angulus, erit æqualis internis & oppositis LAM & LMA; sed angulus LMA est semiangulus coni, & æqualis semidiametro apparenti Solis & MAL seu CAL æqualis est semidiametro apparenti Lunæ ex Terra conspectæ, unde semidiameter apparens Penumbre ex Luna visa æqualis erit summæ semidiametrorum apparentium Solis & Lunæ.

Via Luna
à Sole.

Si nullus effet motus Solis apparens ex motu reali Terræ ortus, via Lunæ à Sole eadem effet ac via in propria orbita. At quia dum Luna in orbita progreditur, Sol etiam in Ecliptica incedere videtur, via Lunæ à Sole diversa erit

ab

ab orbita Lunæ, ejusque inclinatio ad Eclipticam major erit inclinatione orbitæ Lunaræ ad eandem. Sit \odot A Luna- TAB. 21.
 ris orbitæ portio, & Sol & Luna conjungantur in \odot ; deinde fig. 8.
 dum Luna in orbita describit spatium \odot L, Sol in Ecliptica
 per spatium \odot S motu apparenti feratur; erit SL via Lunæ à
 Sole. At si duo corpora secundum eandem plagam ferantur,
 motus ipsorum relativus, quo unum ab altero recedit,
 idem erit ac si corpus tardius motum quiesceret, & alterum
 cum velocitatum differentia latum esset, ut in Lectionibus
 Physicis demonstratur. Per Lunæ locum L ducatur BL Ec-
 clipticæ parallela, cui sit perpendicularis \odot B. Et dum Lu-
 na in orbita lineam \odot L describit, motus ejus secundum Ec-
 clipticam erit per spatium æquale BL; sit LI æqualis S \odot , & du-
 ctâ \odot I, erit ea ad SL parallela, motusque Lunæ à Sole idem
 erit ac si Sol in \odot quiesceret, & Luna secundum Eclipticam
 lata esset, velocitate BI, velocitatum scil. differentiâ. Cum
 autem anguli BL \odot , & BI \odot parvi sint, erit angulus BL \odot ad
 angulum BI \odot , ut BI ad BL; hoc est ut differentia motuum
 Solis & Lunæ secundum Eclipticam ad motum Lunæ in Ec-
 cliptica, ita erit angulus, quem facit orbita Lunæ cum Ecliptica
 ad angulum BI \odot ; qui æqualis est angulo I \odot E, seu L S E
 angulo inclinationis viæ Lunæ à Sole cum Ecliptica.

Hinc quoque innotescet angulus, quem circulus Latitudinis
 per quodvis Eclipticæ punctum ductus facit cum via Lunæ à
 Sole. Nam in Triangulo Sphærico rectangulo, quem Ec-
 cliptica, via Lunæ, & circulus Latitudinis faciunt, datur unus
 angulus, inclinatio viæ Lunæ ad Eclipticam, & basis, distan-
 tia scil. circuli Latitudinis à Nodo, unde & alter angulus
 acutus dabitur.

LECTIO XLII.

De Projectione Umbrae Lunaræ in Telluris Discum.

Si linea recta in planum sibi parallelum projiciatur, demissis
 à singulis ejus punctis perpendicularibus in planum, Proje-
 ctio, seu locus ubi perpendiculares planum offendunt,
 erit linea recta priori parallela, & æqualis, nam perpendi-
 cula-

culares, quæ ab extremis Rectæ punctis in planum ducuntur, sunt parallelæ & æquales, unde quæ ipsas conjungunt rectæ lineæ, æquales & parallelæ erunt. Hinc si duæ rectæ lineæ sese contingentes, plano alicui sint parallelæ, ipsarum in planum illud projectiones, & ipsæ rectæ lineæ æquales angulos continebunt, uti liquet per 10 El. XI. Adeoque si Figura quælibet plana in planum sibi parallelum projiciatur, projectio erit figura ei similis & æqualis.

TAB. 23.
fig. 9.





At si linea ad planum inclinetur, ejus projectio, demissis perpendicularibus in planum, erit ad ipsam lineam, ut cosinus anguli inclinationis ad radium. Sit AB linea ad planum inclinata, & DE repræsentet planum, ad quod inclinatur. Demissis à punctis A & B perpendicularibus rectis Aa, Bb, erit ab projectio lineæ AB, cui si ducatur per B parallela BC perpendiculari Aa occurrens in C, erit BC æqualis ab; sed est BC ad AB, ut cosinus anguli ABC ad radium; unde erit ab ad AB, ut cosinus anguli inclinationis ad radium. Hinc sequitur, figuram omnem, cujus planum ad planum projectionis est perpendiculare projici in lineam rectam. Nam perpendiculares à quibusvis plani punctis in planum projectionis demissæ, semper cadent in communem planorum sectionem. Hujusmodi linearum & Figurarum projectio Dicitur *Projectio Orthographica*.

Projectio
Orthogra-
phica.

Si per Telluris centrum transire concipiatur Planum, ad quod recta Solis & Terræ centra conjungens sit perpendicularis, planum hoc in Terrâ efficiet circulum, qui Hemisphærium illustratum à tenebroso distinguet; quemque circulum lucis & umbræ Finitorem in superioribus lectionibus nominavimus; hinc *Telluris Discum* appellari illum liceat, qui discus spectatori in Lunæ cœlo, & in recta quæ centra Solis & Terræ conjungit constituto, directè obvertitur, & in illum Æquator Terrestris, ejusque Paralleli, Poli & circuli omnes in superficie Terræ projici videntur. Nam rectæ à centro Solis ad quælibet Disci puncta censendæ sunt parallelæ, adeoque cum ea linea, quæ ad centrum Disci ducitur, sit ejus plano perpendicularis, erunt reliquæ omnes, à centro Solis ductæ, & per quælibet Telluris puncta transcutes

Telluris
Discus.

Projectio in
Discum
Orthogra-
phica.



euntes lineæ, ad Disci planum normales. Præterea per conversionem Telluris circa proprium Axem, Regiones omnes Terrestres, Civitates & oppida, semitas in hoc Disco describere à spectatore in Lunæ cælo conspiciuntur. Nam vertigine diurna Æquatorem, vel ei parallelos describunt, & si Sol sit in Æquinoctiali plano, hi circuli, cum in hoc casu sint ad planum Disci recti, in rectas lineas projiciuntur: at in aliis casibus projiciuntur in Ellipses, quæ erunt semitæ, quas spectator loca Telluris in Disco percurrere videbit. Et si per Polum Telluris circulus immobilis traducatur, cujus Planum productum per Solem transeat, fiet Meridianus Universalis; ad cujus Planum cum locus quilibet pervenerit, sit illius loci incolis meridies: cum vero locus quilibet marginem Disci occidentalem primo attigerit, istius loci incolæ Solem orientem videbunt. At spectator in Lunæ cælo, locum in disco oriri aspiciet, & versus orientem progredi; cumque meridianum transiverit locus Sole orientior factus, Sol è Terra versus occidentem vergere apparebit; ad marginem denique Disci orientalem pervento loco, mox is occidere & in tenebrosa Telluris parte se abscondere, è Luna videbitur, cum Loci incola Solem occidentem & è conspectu ejus sese subducentem videbit.

Meridianus Universalis.

Disci magnitudo per angulum, sub quo Terræ semidiameter è Luna videtur, æstimatur; Estque idem angulus qui Parallaxis Lunæ Horizontalis dicitur. Et si à Luna in planum Eclipticæ perpendicularis demittatur, quæ Lunæ distantiam ab Ecliptica metitur, erit hæc linea plano Disci parallela, adeoque in rectam sibi æqualem & parallelam projicietur in planum Disci; eritque angulus, sub quo projectio è Luna apparet, æqualis angulo, sub quo ipsa perpendicularis è Terra videtur; nam æquales rectæ ex æqualibus distantiiis directe visæ sub æqualibus angulis videntur.

Distimantudo.

Via Lunæ à Sole, si ejus capiatur pars illa exigua, quæ tempore Eclipsis Disco obvertitur, pro recta linea haberi potest, & in Disco in rectam sibi æqualem projicietur, ejusque projectio cum circulo Latitudinis projecto eundem angulum continebit, quem via Lunaris facit cum eodem in

Via Luna à Sole in Discum projecta.

Eclipticâ . Hanc lineam centrum Penumbrae in plano disci exceptae percurrere videbitur .

TAB. 24.

fig. 1.
Latitudo
Lunae in
discum
projecta .

Circulus DKG Telluris Discum representet cujus semidiameter tot contineat partes, quot parallaxis Lunae horizontalis, seu semidiameter apparetis Terrae à Luna visa constat scrupulis . Linea N T sit distantia Lunae à plano Eclipticae tempore novilunii in planum Disci projecta, tot etiam constans partibus, quot Latitudo Lunae habet scrupula . & K Eclipticae portio, & l vlt Lunaris à Sole portio in Disci planum projecta . Ex centro disci T in Penumbrae semitam demittatur perpendicularis TV; hæc recta metitur minimam distantiam centrorum Disci & Umbrae Lunaris . Centro V describatur circellus parvus, cujus semidiameter sit æqualis excessui semidiametri Lunae apparentis supra Solis apparentem diametrum : circellus ille Umbram Lunarem exponet, nam ostensum est Umbram illam à Luna visam æqualem esse differentiae apparentium diametrorum Solis & Lunae . Rursus si describatur circulus HM priori concentricus, cujus semidiameter VM sit ad semidiametrum disci, ut summa semidiametrorum Solis & Lunae ad diametrum apparentem Terrae, seu ad parallaxem Lunae horizontalem ; circulus hic penumbra Lunarem exponet in ejus distantia à centro Disci minima . Ostensum enim est, semidiametrum apparentem Penumbrae huic summæ fuisse æqualem . Adeoque si hic circulus Discum non attingat, nulla omnino futura est Solis Eclipsis ; hoc est si distantia illa VT major sit summâ semidiametrorum Disci & Penumbrae, vel quod idem est, major summâ semidiametrorum Solis & Lunae & Parallaxis Lunae horizontalis, nulla habebitur Eclipsis : si distantia VT huic summæ sit æqualis, Penumbra Terram stringet, in illam tamen non incurret . At si VT sit hac summa minor, hoc est si VT, sit minor quam VM, & TR, aliquam disci Telluris partem Penumbra teger . Et qui segmento RZ MY includuntur, Eclipsim Solis partialem saltem videbunt .

Quando
Terra ab
Eclipsi im-
munita est .

TAB. 24.

fig. 2
Quando
Eclipses
Partiales.

Quando
Eclipses
Solis tota-
les.

Si vero distantia minima TV sit minor differentiâ semidiametri Disci, & circelli penumbrosi, hoc est si minor sit differentiâ semidiametrorum Solis & Lunae & Parallaxi Lunae ho-

horizontali simul sumptis, circellus umbrosus aliquam
 Disci partem percurreret, inque iis locis, per quæ transit, Ec-
 lipsim Totalem Solis efficiet. Eclipsis illa Totalis semper
 fit sine notabili mora, quia circellus admodum parvus est,
 cum Lunæ apparens diameter Solis apparentem diametrum
 parum superet: & raro excessus hic seu diameter Umbrae
 duobus minutis primis adæquatur, quod spatium in plano
 Disci ab Umbra percurreretur quatuor circiter horæ minutis
 primis; ejus tamen mora in aliquo loco longior esse po-
 test, ob motum loci interea factum secundum eandem pla-
 gam.

Hinc innotescunt termini Ecliptici, seu distantia Lunæ
 à Nodo tempore conjunctionis ut possibilis sit Eclipsis Solis;
 Sit enim circulus R O G Discus Terrestris, & T K linea sit
 intersectio plani Eclipticæ cum plano Disci, etque proje-
 ctio portionis Eclipticæ in idem planum & N portio viæ Lu-
 naris in planum Disci projectæ. T V minima distantia cen-
 trorum Umbrae & disci similiter projectæ, æqualis semidia-
 metro Disci & semidiametro penumbrae simul sumptis: in
 Triangulo & T V, datur latus T V, quod cum maximum
 est, 94 $\frac{1}{2}$ minutis primis constat, datur quoque angulus ad
 &, qui cum minimus est, constat gradibus 5 min. 30; un-
 de invenietur & T æquale 986 minutis primis seu grad. 16.
 min. 26, cumque in hoc casu penumbra Telluris Discum tan-
 tum stringit, necesse est ut tempore novilunii Ecliptici Luna
 à Nodo minus distet quam 16 gr. 26

Referat ut prius R K G Discum Terrestrum, & T K por-
 tionem Eclipticæ in disci planum projectam, & I semitam
 centri penumbrae per Discum transcurrentis, erit TN Lati-
 tudo Lunæ, & T V minima distantia centrorum Umbrae &
 Disci. Sit circulus O P Q penumbra, à D. per V N ad I per-
 gens, in cujus medio est circellus Umbrae representans,
 fitque notum tempus conjunctionis, seu cum penumbrae cen-
 trum est in N, quod per Tabulas Astronomicas datur; da-
 bitur inde tempus cum centrum Umbrae est in V, hoc est tem-
 pus Eclipsationis mediæ. Nam in triangulo rectangulo T V N,
 datur TN latitudo Lunæ, & angulus T N V, quem circulus La-

Termini
 Ecliptici.
 TAB. 24.
 fig. 4.

TAB. 24.
 fig. 5.

Tempus
 Eclipsatio-
 nis mediæ.

*Semidura-
tio Eclip-
seos.*

titudinis facit cum via Lunæ unde innotescet VN , & TV ; sed ex motu Lunæ à Sole dabitur tempus, quo Umbrae centrum percurrit spatium VN , hoc tempus à tempore conjunctionis subductum, vel additum, dabit tempus Eclipsationis mediæ. Præterea in triangulo rectangulo DTV dantur DT summa semidiametrorum Disci & Penumbrae, & TV distantia minima jam inventa; ex his innotescet DV , & inde tempus quo Umbra percurrat arcum DV , hoc est semiduratio Eclipsæ in Disco, & hinc quoque datur punctum temporis quando Penumbra Discum primo attingit, & similiter invenietur tempus quando ipsum relinquit.

*Locus cui
Sol dato
temporis
momento
est verti-
calis.*

Dato Loco Solis in Ecliptica pro quovis temporis momento, exinde innotescet locus in superficie terrestri; cui Sol eo momento est verticalis, seu in cœli puncto altissimo. Nam Loci Latitudo est æqualis declinationi Solis, seu distantia ejus ab Æquatore, & Longitudo à loco, quo tempus computatur, habetur vertendo tempus à meridie in gradus & minuta Æquatoris, singulis horis quindecim gradus, singulisque minutis quindecim gradus minuta assignando, v. gr. Longitudo loci, in cujus vertice est Sol, cum Oxonii hora nona & dimidia matutina numeratur, habetur subtrahendo 9 h. 30' à 12 & restabunt horæ 2. 30', quæ in 15 ductæ efficiunt gradus 37 minut. 30. Locus itaque ille erit gr. 37 min. 30 Oxonio orientior.

*Elevatio
Poli supra
discum.
TAB. 2.
fig. 6.4*

Circulus FRK ut prius repræsentet Telluris Discum, FTK portionem Eclipticæ in Discum projectam, cui sit normalis TR . Erit illa axeos Eclipticæ projecto, & punctum R ejusdem Polus, sitque P Polus Terræ projectus. Per T & Polum P concipiamus transire circulum TPS , qui meridianum universalem repræsentet, & Elevatio Poli supra Disci planum æqualis erit declinationi Solis. Nam arcus meridiani inter Solem & Disci peripheriam interceptus est circuli quadrans; & arcus ejusdem meridiani inter Æquatorem & Polum est quoque circuli quadrans. Quare ab æqualibus ablato communi TP , erit PS elevatio Poli supra Discum æqualis distantia Solis ab Æquatore.

Notandum est, quando Sol tenet signa ♌ ♍ ♎ ♏ seu po-

potius quando Terra tenet signa opposita, Punctum S, ubi meridianus Disci peripheriæ occurrit, cadere ad dextram Poli Eclipticæ, at quando in reliquis sex signis sit, punctum illud erit ad sinistram respectu Poli Eclipticæ, secus ac fit ubi projecto concipitur fieri in plano ad Lunæ cælum, quod est ad planum disci parallelum; quodque per rectam jungentem Solis & Terræ centra transit.

Ut habeatur angulus R T S, seu Disci arcus R S inter Polum Eclipticæ & meridianum interceptus; in triangulo Sphærico rectangulo R S P datur arcus R P distantia Poli Eclipticæ ab Æquatoris Polo, scil. 23; grad. Item latus PS æquale declinationi Solis. Quare per Trigonometriam innotescet latus RS, seu mensura anguli R T S. In T S capiatur T P æqualis continui declinationis Solis posito T S radio, & erit P punctum, in quod projicitur Polus.

Postio meridiani per Solem transtuntis determinatur:

Ut habeatur locus Terræ Q, ubi penumbra Discum primum attingit, seu ubi Sol oriens in supremo sui puncto deficere videtur, ducatur per Polum meridianus P Q ad punctum Q, ubi penumbra primo tangit discum. Et primo in triangulo rectangulo rectilineo D T V ex datis D T, T V innotescet angulus D T V, cui si addatur, vel subtrahatur angulus datus V T P, qui est summa, vel differentia notorum angulorum V T N, N T P, dabitur angulus Q T P. Hinc in Triangulo in superficie terræ Sphærico rectangulo S P Q datur S P æqualis declinationi Solis, & arcus S Q, qui est mensura anguli S T Q; dabitur inde arcus P Q complementum Latitudinis loci Q. Item dabitur S P Q angulus, ejusque complementum ad duos rectos, scil. angulus Q P T, qui est mensura distantiae meridianorum loci Q, & loci istius, cui Sol est verticalis, cumque locus hic notus sit, innotescet quoque locus Q, nam nota est tam Longitudo ejus, quam Latitudo.

Determinatur locus Terra in quem penumbra primo incidit.

Eâdem methodo innotescet locus Terræ, qui umbra totali primo involvitur. Et simili fere ratione habebitur locus terræ M, qui umbrâ involvitur pro quolibet temporis momento, ante vel post Eclipsationis medium. Nam ex dato temporis momento per motum horarium Lunæ à Sole invenitur recta M V, & punctum M in Disco, ubi incumbit centrum umbræ,

Determinatio Loci Terra qui dato quolibet momento umbra involvitur.

314 ECLIPSEOS QUANTITAS VISA:

bræ; & in triangulo itaque rectangulo MVT ex datis MV, VT , dabitur MT , & angulus MTV , cui si addatur, vel subtrahatur angulus notus VTP , dabitur angulus MTP ; est vero MT finis arcus circuli verticalis, qui per verticem loci M & punctum sub Sole transit, posita semidiametro Disci pro radio; si itaque fiat ut semidiameter Disci ad MT , ita Radius ad sinum arcus, qui erit distantia Solis à vertice M . In triangulo itaque Sphærico in superficie Terræ MPT , dantur PT distantia Solis à Polo, & MT distantia Solis à vertice, & angulus MTP , unde dabitur MP complementum Latitudinis Loci, & angulus MPT , qui ostendet differentiam meridianorum loci M , & loci illius, cui Sol verticalis est; sed datur differentia meridianorum illius loci, cui Sol verticalis est, & loci à quo tempus computatur; quare dabitur differentia meridianorum loci M , & loci à quo tempus computatur. Ex qua innotescet locus M . Atque hac methodo si plura inveniantur loca, per quæ centrum Umbrae transit, lineisque jungantur, habebitur semita Umbrae in Telluris superficie.

Pars Solaris diametri obscurata.

TAB. 25.
fig. 1.




Pars diametri Solaris obscurata innotescet ex loco spectatoris intra penumbram, seu ex ejus distantia à centro Umbrae. Sit enim ASB diameter Solis diametro Penumbrae EF parallela; ducatur recta MCB Lunam attingens ad dextrum Solaris diametri terminum, GCA vero ad sinistrum Solaris diametri terminum tendat: erit angulus ACB æqualis diametro apparenti Solis, & Triangula ACB, MCF erunt similia: sit jam spectator intra penumbram in G locatus, ducatur recta GCP tangens Lunæ globum, & erit AP pars diametri Solaris à Luna obscurata spectatori in G ; sed recta GA cum per triangulorum vertices ad C quam proxime transit, bases AB, MF similiter fere dividet; unde AP ad AB , ut GF ad MF . Est itaque pars obscurata diametri Solaris ad ipsam diametrum, ut distantia Loci à margine Penumbrae ad Penumbrae semidiametrum diminutam semidiametro Umbrae.

Quantitas Eclipsæ per digitos mensuratur.

Dividunt Astronomi Solarem Diametrum, sicuti etiam Lunarem in duodecim partes æquales, quas digitos appellant, quibus quantitatem obscurationis dimetiuntur. Et Eclipsim dicunt, tot esse digitorum, quot diametri pars obscurata constet digitis.

Si

TABLE XXIV.



M

Si detur situs loci in Disco pro quolibet temporis momento, & quærat^{ur} quæ futura sit Phasis Eclipsæ eo momento in loco illo; hæc sic invenitur. Sit S situs loci in Disco; quærat^{ur} pro illo temporis momento locus centri penumbrae in propria semita, qui sit M; quo centro & semidiametro æquali semidiametro Lunæ describatur circulus A F L Item centro S, semidiametro S B æquali semidiametro Solis circulus E G B describatur, quem circulus E F L interfecat in E & F; erit E B F A pars Solis à Luna tecta spectatori in S. Nam producat^{ur} M A semidiamet^r Lunæ ut fiat A D per S transiens æqualis semidiametro Solis, scil. æqualis B S, unde erit M D æqualis summæ semidiametrorum Solis, & Lunæ; adeoque semidiametro Penumbrae æqualis, & distantia Loci à margine Penumbrae erit S D. At quia est B S æqualis A D, erit A B æqualis S D. Fiat A N æqualis semidiametro Solis, eritque M N æqualis differentia semidiametrorum Solis & Lunæ; seu æqualis semidiametro Umbrae. Sed ostensum lest esse D S ad D N, ut pars diametri Solis obscurata ad Solis diametrum; & ita quoque erit A B, quæ est ipsi D S æqualis ad D N; sed est D N æqualis Solis diametro; quare erit A B æqualis parti diametri Solis obscuratæ.

Hinc Cuspidum quoque positio determinatur, nam ducto verticali circulo T S G, arcus G E, G F ostendunt distantiam cuspidum à supremo Solis puncto.

Si quærat^{is}, Academici, velocitatem, qua Umbra Terræ Discum percurrit, observandum est, viam Lunæ à Sole in Discum projici in lineam sibi æqualem, & parallelam; adeoque velocitas centri Umbrae in propria semita in Discum excepta æqualis est velocitati, qua Luna viam suam à Sole percurrit. At motus Lunæ à Sole est circiter 30' in una hora, adeoque spatium, quod centrum Penumbrae in una hora intra Discum percurrit, æquale est arcui 30' in orbita Lunari; verum orbitæ Lunaris semidiameter mediocris æqualis est 60 semidiametris Terræ, adeoque 1' orbitæ Lunaris æquale erit 60 minutis primis in Terræ superficie, seu uni gradui circuli in Telluris superficie maximi; hoc est 69 milliaribus Anglicanis; & proinde 30' minuta æquipollent 2104 milliaribus

*Data siti
in disco pro
quolibet
temporis
momento
invenitur
phasis Ecli-
pseos pro
eo momen-
to.*
TAB. 25.
fig. 2.

An-

Anglicanis ; quod spatium Umbra conficit in una hora : At quamvis hæc sit velocitas Umbræ in Disco Terreſtri , velocitas tamen , qua à dato Loco in ſuperficie Telluris recedit , eâ minor eſt : Nam dum Umbra ab occidente in orientem movetur , loca omnia Telluris interea per vertiginem Terræ diurnam abrepta etiam ab occidente in orientem , ſed Lunâ tardius , feruntur : adeoque motum Umbræ lentius ſequentes , velocitatem , qua Umbra ab iis recedit , diminuunt .

LECTIO XIV.

Nova Methodus computandi Eclipſes Solis e dato loco viſibiles .

Initium & finis Generalis Eclipſeos à paucis videri poſſunt .

Tempora & initia Eclipſeos pro diverſitate locorum ſunt diverſa .

HUc uſque Generalis Eclipſeos Solaris Phænomena expoſuimus , qualia ſcil. à Spectatore in Luna conſtituto videntur , modumque oſtendimus , quo univerſalis Eclipſeos Initium , Medium , atque Finis determinentur . Verum initium illud atque finis à paucis tamen videri poſſunt , ab iis ſcilicet , qui marginem Diſci tunc occupant , & prope ſemitam Umbræ locantur , cum interim ex aliis locis verſus interiora Diſci ſitis nulla videbitur Eclipſis , neque iis Eclipſari Sol videbitur , niſi poſt ſatis notabile Tempus , quando ſcil. Penumbra margo eadem reliquerit : finisque erit Eclipſeos , quando margo eadem reliquerit ; unde pro vario locorum ſitu , varia quoque erunt durationis Tempora , ſicuti & Eclipſeos quantitas , pro diverſa diſtantiâ locorum à ſemita Umbræ .

Ut igitur Eclipſeos particularis Phaſes , quales è dato loco conſpiciendæ ſunt , habeantur ; liceat novam vobis , Academicis , exponere methodum , qua abſque moleſto illo , multiplici , & laborioſo Parallaxium calculo , quo ante nos utebantur Aſtronomi omnes , Phaſes illæ determinari poſſint . Sit itaque ſemicirculus AEB ſemidiſcus Telluris à Sole illuminatus , Polus Eclipticæ E , Terræ P . Cum locus quilibet in Terræ ſuperficie , motu diurno raptus , deſcribit circulum Æquatori parallelum , & omnes paralleli præterquam in Æquinoctiis ſint ad planum Diſci inclinati , projicitur parallelus loci cujuſlibet in Ellipſim , quæ erit ſemita , in qua
fer-

TAB. 26.
fig. 1.

Paralleli omnes in Ellipſes proſiciuntur .

COMPUTANDI ECLIPSES SOLARES. 317

ferri videbitur locus in plano Disci à spectatore in Luna constituto. Sit itaque F XII D Ellipsis, in quam projicitur parallelus loci cujuslibet. Et projiciantur quoque circuli horarii, saltem projiciantur puncta, in quibus circuli horarii parallelum secant, sintque puncta VI. VII. VIII. IX. X. XI. XII. I. II. III. IV. V. VI. Et horâ sextâ matutinâ, quem intra Discum tenet locus erit VI; hora septima in VII invenietur; hora octava ad punctum VIII deveniet; nona punctum IX occupabit, atque ita deinceps.

Sit C T portio semitræ centri Penumbræ in planum Disci exceptæ, atque hora 2^{da} supponatur centrum illud in 2, hora tertia in 3, quarta in puncto 4 locari, atque ita deinceps. Hora secunda locus in Disco punctum II occupat, itaque distantia centri Umbræ à loco erit 2 II. At si distantia illa secundum semitam Umbræ æstimatur, demittatur à loco in semitam perpendicularis II L, eritque distantia hac ratione æstimata æqualis 2 L, & L punctum erit positio loci ad semitam Umbræ reducta. Hora Tertia centrum Umbræ sit in 3, locus autem in III, eorum distantia sit 3 III. minor prior: hora quarta Umbra sit in 4 & locus in IV, in quo situ Umbra prior ad locum facta erit, ita ut Penumbræ margo locum attingat, & Eclipsis incipiat. Hora autem quinta cum centrum Umbræ sit in 5 & locus in V, magis in Penumbra involvitur, & magis ad locum accedit centrum Umbræ. At hora sexta centrum Umbræ est in 6, jam magis in orientem promotum quam locus, qui punctum in Disco VI occupat, adeoque centrum Umbræ locum præteribit; & contingeret tempus minimæ centri Umbræ, loci distantie inter horam quintam & sextam, post quod tempus semper augetur Umbræ à loco distantia: & margo Penumbræ tandem locum relinquet, fietque finis Eclipsæ. Sequenti autem methodo Initium, Medium, Finis, sicuti Phases Eclipsæ è dato loco visibiles accuratius definiuntur. Utque hoc fiat duo præmittimus Problemata.

*Positio loci
ad semitam
Umbræ re-
ducta.*

PRO-

318 NOVA METHODUS
PROBLEMA I.

*Invenire in Disco Telluris situm dati loci pro quolibet
Temporis momento dato ..*

*Investiga-
tio situs lo-
ci in disco
pro dato
tempore
TAB. 25.
fig. 1.*

Sit semicirculus AEB: semidiscus Terræ à Sole illuminatus, AB portio Eclipticæ in Discum exceptæ, ejus Axis SE, Polus E, sitque linea S.P. illa in quam Axis Terræ projicitur, atque P. projectio Poli. Fiat ut Radius ad sinum Latitudinis loci, ita S.P. ad S.H. Punctum H. erit projectio centri paralleli. Per H ducatur I.G. æqualis semidiametro paralleli, seu sinui distantie loci à Polo, quæ sit ad S.P. perpendicularis, & erit illa semiaxis major Ellipseos, in quam projicitur parallelus loci. Fiat, ut Radius ad sinum elevationis Poli supra planum Disci, ita G.H. ad H.L; erit H.L. semiaxis Ellipseos minor. In G.H. capiatur H.Q. quæ ad G.H. eam habeat rationem, quam sinus anguli circuli Horarii & meridiani habet ad radium; sitque Q.R. ad G.H. perpendicularis. Fiat item, ut Radius ad cosinum anguli, quem circulus horarius facit cum Meridiano, ita G.H. ad D. Denique, fiat ut Radius ad sinum Elevationis Poli supra planum Disci, ita D. ad Q.R; erit R. situs loci quæsitus in Disco pro temporis momento dato.

Item aliter ope circuli horarii perficitur.

*TAB. 26.
fig. 4.*

Sit AQB. semidiscus illuminatus, Polus P, meridianus universalis S.P. cum peripheria Disci conveniens in G, sitque circulus horarius pro temporis momento dato F.P.O. In triangulo Sphærico rectangulo P.G.O. datur P.G. Elevatio Poli supra planum Disci, & angulus C.P.O., quem circulus horarius facit cum meridiano, unde innotescet angulus G.O.P. inclinatio circuli horarii ad planum Disci, item arcus P.O. & G.O., adeoque dabitur punctum O, ubi circulus horarius convenit cum peripheria Disci: ducatur S.O., erit illa communis sectio circuli horarii cum plano Disci, & sit arcus F.P. distantia loci à Polo, seu complementum Latitudinis. Posito S.O. radio, sit S.Q. sinus arcus, cujus complementum est F.O., æquale scilicet summæ duorum arcuum datorum F.P. & P.O. sitque D. cosinus ejusdem arcus, cujus sinus est S.Q. Ad Q. super O.S. erigatur perpendicularis Q.R., ad quam Deandem habet rationem, quam

COMPUTANDI ECLIPSES SOLARES. 319

quam habet radius ad cosinum anguli inclinationis circuli horarii ad planum Disci, & erit R punctum quæsitum, quod ostendet positionem loci in Disco pro tempore dato, Atque eadem ratione pro aliis diversis temporum momentis aliæ inveniuntur loci positiones in Disco, quæ omnes locantur ad Ellipsim, in quam projicitur parallelus loci. Hæc omnia patent ex legibus projectionis Orthographicæ.

PROBLEMA II.

Invenire tempore Eclipsæ situm centri Penumbrae in Disco Telluris pro dato quolibet temporis Momento.

Sit ut prius AEB semidiscus Telluris à Sole illustratus, SE TAB. 16.
fig. 1. Axis Eclipticæ, CL semita centri penumbrae per planum Disci transcurrens, Axemque Eclipticæ secans in N: cum autem centrum penumbrae invenitur in N, celebratur conjunctio Solis & Lunæ vera, cujus proinde tempus per tabulas Astronomicas datur; datur etiam per easdem tabulas motus horarius Lunæ à Sole. Fiat, ut parallaxis horizontalis Lunæ ad ejus motum horarium à Sole, ita semidiameter Disci ad quartam, quæ sit M; erit illa linea æqualis spatio, quod intra horam à centro Umbrae percurritur in Disco. Deinde fiat, ut hora una ad tempus interjectum intra conjunctionem veram & temporis momentum, pro quo quæritur positio centri Umbrae, ita recta M ad aliam: hæc recta ostendet distantiam centri penumbrae in propria semita à puncto conjunctionis veræ N pro momento temporis dato. Dabitur itaque positio Umbrae pro tempore dato. Quæ erat invenienda.

Sit hora, quæ immediate precedit tempus conjunctionis, v. gr. quarta. Fiat, ut hora una ad tempus inter conjunctionem & horam quartam interjectum, ita recta M ad N 4. Erit punctum 4 situs centri Umbrae ad horam quartam. Capiantur deinde 4. 3, 3. 2, 4. 3, 5. 6 singulæ æquales M, & puncta 2, 3, 4, 5, 6 ostendent situs centri penumbrae pro respectivis horis.

Hisce præmissis, sit ut prius AEB semidiscus; CT semita TAB. 16.
fig. 2. centri Umbrae supra planum Disci, quam secet Axis Eclipticæ in N, & cum Umbra ad N pervenerit celebratur conjunctio vera.

*Calculus
initii Eclipsos.*





vera. Sit hora, quæ conjunctionis tempus immediate præcedit, v. gr. secunda, & notentur in semita Umbrae ejus loci horis 1, 2, 3, 4, 5. Item iisdem horis notentur situs loci in Disco, fiantque I. II. III. IV. V. Hora primâ distantia centri Umbrae à loco est 1 I, hæc ad scalam partium æqualium applicata sit, ejusque magnitudo numeris exhibeatur; ab illa auferatur semidiameter Penumbrae, eadem scalâ dimensa, restabit distantia marginis Penumbrae à loco. Hora secundâ capiatur rursus distantia marginis Penumbrae à loco in II posito; harum distantiarum differentia, cum margo Penumbrae sit in utrôque situ loco occidentalior, erit accessus seu motus relativus horarius Penumbrae ad locum. Fiat itaque, ut accessus horarius marginis Penumbrae ad locum ad distantiam marginis Penumbrae à loco hora secunda; ita hora una seu 60 minuta ad tempus quartum, quod tempus additum ad horam secundam dat tempus, quando margo Penumbrae locum attingit; seu tempus initii Eclipsos ostendet.

*Calculus
momenti
maximæ
obscurationis.
TAB. 25.
fig. 2.*

A positione loci II ad horam secundam demittatur ad semitam Umbrae perpendicularis II *a*, & cum centrum Umbrae sit in 2, erit distantia loci ad semitam reducti ab Umbra 2 *a*. Item hora Tertia positio loci est III, demittatur perpendicularis in semitam Umbrae III *b*, erit distantia centri Umbrae à loco ad semitam reducto 3 *b*; harum distantiarum differentia est accessus Umbrae ad locum reductum intra spatium unius horæ: differentia hæc, ope scalæ, numeris exhibeatur; fiatque per regulam proportionis, ut accessus horarius Umbrae (ad locum reductum) ad distantiam Umbrae hora tertia, ita hora seu 60 minuta ad tempus quartum. Quod tempus horæ tertiæ additum dat tempus medii Eclipsos seu maximæ obscurationis quam proxime.

*Calculus
Temporis
finis Eclipsos.*

Hora quarta centrum Umbrae sit in 4, & locus in puncto IV; horum distantia scalâ mensuretur, & quoniam illa minor est semidiametro Penumbrae subducatur hæc distantia, & restabit distantia loci ab occidentali margine Penumbrae, qua scil. margo illa loco occidentalior est; deinde hora quinta Umbra est in 5, & locus in V, earumque distantia 5 V major est semidiametro Penumbrae; unde margo occidentalis





lis Penumbrae magis erit in Orientem provecta quam locus ; & ante hoc tempus , Penumbra locum relicta finem fecerit Eclipses . A distantia $\frac{1}{2}$ V subducatur semidiameter Penumbrae , relinquetur distantia occidentalis marginis Penumbrae à loco ; cumque in priore casu margo fuerit loco occidentaliior , & nunc sit loco orientaliior , harum distantiarum summa erit motus relativus Umbrae respectu loci factus , in spatio unius horae ; fiat itaque , ut hæc summa ad distantiam marginis occidentalis Penumbrae à loco horâ quartâ , ita una hora ad tempus quartum ; hoc dabit tempus cum occidentalis margo locum attinget , cumque relinquet , seu finem Eclipses ostendet .

Accuratius omnia definientur , si loco duarum horarum ante conjunctionem capiantur duæ semihoræ , quæ conjunctionem immediate præcedunt , & quærat motus Umbrae ad locum semihorarius , & error qui ex inæquabili motu oritur minor erit , utpote in minore tempore productus .

Motus Umbrae in semita sua æquabilis est , saltem in tempore Eclipses pro æquabili haberi potest . At motus loci in Disco non est æquabilis , sed versus marginem Disci contractior videtur , in medio per latiora spatia progreditur ; præterea calculus supponit motum relativum Umbrae ad locum æquabilem quoque esse , & Eclipses medium seu maximam approximationem centri Umbrae & loci , esse ubi linea jungens locum & centrum Umbrae est perpendicularis ad viam Umbrae , quorum neutrum præcise verum est , & exinde errorem aliquem oriri necesse est ; is tamen hac ratione corrigi potest . Ad tempus Initii Eclipses , priore methodo computatum , inveniatur locus centri Umbrae ; item situs loci in Disco pro eodem temporis momento , & in plano Disci centro Umbrae describatur circulus penumbrosus , & si margo Penumbrae per locum transeat , tempus computatum verum erit . Sin minus , notetur loci & marginis Penumbrae distantia , & deinde ex dato Umbrae & loci motu relativo pro semihora , operando rursus per regulam proportionum , dabitur verum tempus initii Eclipses . Et simili-

Accuratior determinatio .

Erroris, qui oriri potest, correctio.

ter corrigetur temporis error, qui in fine Eclipses accidit; atque hac ratione non minus accuratè habentur tempora Eclipsium, quam vulgari methodo, quæ sit per parallaxium computum: ubi etiam supponitur, motum Lunæ visibilem esse per aliquod tempus æquabilem, qui reverà non minus inæqualis est, quam motus loci in Disco; nam ille per Parallaxes continuo mutatur.

*Quantitas
obscuratio-
nis maxi-
ma.*

Si tempore mediæ Eclipses centro Umbrae describatur circulus, cujus diameter sit æqualis diametro Lunæ; item describatur alius circulus, cujus centrum sit locus spectatoris, & diameter æqualis diametro Solari, horum circulo-
rum intersectiones ostendent quantitatem obscurationis maxi-
mæ.

Si quibusdam minus ardeat Mechanica hæc methodus lineas seu distantias per scalam partium æqualium dimeriendi possunt Trigonometriam adhibere, & linearum longitudines per calculum exquirere methodo sequenti.

*Methodus
Trigono-
metricæ di-
stantias
umbrae &
loci compu-
tandi.*
TAB. 27.
fig. 1.

Sit ut prius AEB semidiscus, P Polus Telluris, CNT via seu semita Umbrae supra Discum, punctum 2 situs Umbrae pro tempore dato, & pro eodem momento situs loci sit II. Sit S E Axis Eclipticæ semitam secans in N, & erit S N latitudo Lunæ tempore conjunctionis veræ; ducantur ab Umbra & loco ad centrum Disci rectæ 2 S, II S, & jungatur 2 II. In triangulo rectilineo 2 N S datur N S latitudo Lunæ, & 2 N distantia Umbrae in propria semita à puncto conjunctionis, item datur angulus 2 N S inclinatio Semitæ ad latitudinis circulum, quare dabitur 2 S, & angulus 2 S N. Deinde in triangulo Sphærico PS II. Datur Arcus PS complementum declinationis Solis, & P II complementum Latitudinis loci, item angulus S P II, quem circulus horarius efficit cum Meridiano, unde dabitur S II arcus, qui est distantia Solis à vertice, ejusque sinus æqualis est distantia S II, posito S E radio; item dabitur angulus PS II, cui si addatur vel dematur angulus notus P S E dabitur angulus NS II: sed datus fuit angulus 2 S N, unde dabitur totus angulus 2 S II. In triangulo denique rectilineo 2 S II dantur 2 S & II S & angulus iis comprehensus 2 S II quare per Trigonometriam

triam planam dabitur. distantia 2 II, quæ erat inveniendâ. Hac methodo procedendo non opus est, ut situs loci & Umbrae in Disco inveniatur, sed erunt illi calculo solum acquirendi.

Hinc obiter patet alia methodus inveniendi situm loci in Disco, pro temporis momento dato, scil. per calculum trianguli PS II investigando angulum PS II & distantiam S II.

Per Eclipses Solares, non minus quam per Lunares, inveniiri possunt Locorum in superficie Terræ longitudes; si observetur in loco, cujus longitudo queritur, momentum temporis initii vel finis Eclipsæ. Sit illud, v. gr. ad horam quintam, & centro V nempe situ loci in Disco pro momento initii vel finis Eclipsæ, & distantia æquali semidiametro Penumbræ describatur arcus circuli, qui semitam Penumbræ secet. Sitque punctum sectionis *d*, erit illud positio centri Umbrae momento initii vel finis Eclipsæ observatæ: scalâ deinde mensuretur distantia Nd, ex qua data, & ex dato motu Lunæ à Sole dabitur tempus conjunctionis veræ à Meridiano loci computatum. Deinde, si in alio quovis loco observetur initium vel finis Eclipsæ, similiter habebitur momentum conjunctionis veræ secundum tempus à meridiano istius loci computatum; & temporum istorum differentia in gradus Æquatoris conversa ostendet differentiam Longitudinum locorum, quæ erat inveniendâ.

*Locorum
Longitudi-
nes Geo-
graphica
per Ecli-
psæ solares
determi-
nantur.*

TAB. 26.
fig. 2.

In praxi convenit semidiametrum Disci æqualem decem digitis ponere, ut illa in mille partes ope scalæ diagonalis divisa habeatur: Est enim hic numerus, qui radium Tabularum exprimit; & latitudo Lunæ SN omnetque lineæ, quarum dimensiones queruntur, iisdem partibus exprimantur. Nam si fiat, ut Parallaxis horizontalis Lunæ scrupulis exhibita ad Lunæ latitudinem, ita 1000 ad quartum; & capiatur SN ex scala huic quarto æqualis, erit linea hæc latitudini Lunæ æqualis, & similiter in cæteris lineis operando habentur earum quantitates.

Novam itaque methodum vobis, Academici, exposui, qua Eclipsium Solarium momenta atque Phases, quatenus è



dato loco spectantur, definiri possunt, per quam non opus est, ut ad longum illum & molestum Parallaxium calculum recurratis, ut habeatur locus Lunæ in cœlo visus, tam quoad longitudinem quam latitudinem, quo utuntur Astronomi plerique: methodus enim nostra illâ facilior multo est, & ut opinor, non minus accurata. Nam in vulgari methodo diversæ Eclipticæ positiones, quoad Horizontem nunquam non variantes, in Lunæ locis, sive secundum longitudinem sive latitudinem spectatis, inæqualitatem in ejus motu non exiguam ubique inducunt, & Parallaxes pro Luminarium minore aut majore supra Horizontem Elevatione admodum mutantur, adeoque nisi earum habeatur frequens respectus, in errores incidere primum erit.

At quia methodus Phænomena Eclipsium per Parallaxes computandi à plerisque Astronomis adhibetur, visum est, illam etiam Vobis exponere: Vos autem in Parallaxium scientia vel per vulgares libros Astronomicos, vel per doctrinam Parallaxium à nobis posthac tradendam, satis instructos esse supponere liceat. Quibus positis, principia, quibus fundatur hic Eclipsium calculus, facillime explicari possunt.

*Conjunctio
vera & vi-
sa differ-
runt.*

TAB. 27.
fig. 2.

Primo conjunctio visa, semitaque Lunæ in cœlo visa sunt investigandæ: differunt enim conjunctio vera & visa, & non in eodem temporis momento accidunt; nam locus Lunæ visus non coincidit cum vero, qui è Telluris centro conspiciendus est, quod figuræ inspectione manifestum fiet. Semicirculus CAB repræsentet hemisphærium Terræ, cujus centrum T, è quo ducatur recta TLS, in qua sit Luna in L, & Sol longius distans in S; adeoque cum Solis & Lunæ centra in eadem recta linea spectantur è centro Telluris, ad idem cœli punctum referri debent; eruntque in conjunctio vera. At spectator in superficie Telluris in A locatus, Solis & Lunæ centra ad diversa puncta referet; eorumque distantia erit arcus SE ad cœlum productus, punctumque, quod recta TL per Telluris & Lunæ centra transiens, in cœlo offendit, dicitur locus Lunæ verus. At punctum, cui recta per spectatoris oculum & Lunæ centrum ducta in cœlo occurrit, dici-



vicitur locus Lunæ visus. Sint puncta illa S, E Arcus S E, distantia inter locum verum & visum Parallaxis Lunæ vocatur, & cum puncta L & T respectu distantiae cœli coincidunt, idem erit arcus S E, sive ejus centrum concipiatur esse in L sive in T, adeoque arcus S E erit mensura anguli S L E, vel huicæqualis A T L; sed angulus A L T est ille, sub quo semidiameter Terræ A T per spectatoris locum ducta è Luna videtur; adeoque Parallaxis Lunæ est semper æqualis angulo, sub quo semidiameter Terræ per spectatorem ducta è Luna videtur. At angulus ille fit maximus, cum semidiameter Terræ directè videtur, hoc est cum angulus L A T est rectus, & Luna Horizonte spectatur; unde Parallaxis horizontalis est Parallaxium maxima. At si Luna in vertice in F existeret, evanesceret angulus A L T, & Lunæ locus in Cœlo visus idem esset ac verus, qui è Terræ centro conspicitur, in quo situ nulla erit Lunæ Parallaxis.

Cum Phænomeni cujusvis Parallaxis sit semper æqualis angulo, sub quo Telluris semidiameter per spectatoris locum ducta, è Phænomeno videtur, Solis nulla erit Parallaxis sensibilis. Nam uti sæpiùs dictum est, Terra ut punctum & sub nullo sensibili angulo è Sole videtur. Lunæ autem Parallaxis cum illa in Horizonte & nobis proxima videtur, gradum unum aliquot minutis superat.

*Solis nulla
erit Parallaxis sensibi-*

Hinc sequitur Parallaxes semper reddere locum Lunæ depressiorem, & magis à vertice distantem, quàm revera esset, si è centro Terræ spectaretur hic Planeta; & hæc depressio mutationem loci Lunæ secundùm Eclipticam quoque inducet, facietque ut ejus Longitudo & Latitudo visæ à veris differant.

Sit enim in Figura circulus H C Z meridianus, seu circulus TAB. 27. per Spectatoris verticem & Polum traductus, Z vertex, H E D Horizon loci, C E Ecliptica, in qua sit verus locus Lunæ sine latitudine L; sit Z T circulus verticalis per Lunam transiens, cumque Parallaxis semper deprimat Lunam in verticali, locus Lunæ visus magis à vertice distabit, quam verus; sit locus visus o, erit L o Parallaxis altitudinis. Per locum visum o traduci concipiatur circulus ad Eclipticam Perpendicularis o m Eclipticæ occurrens in m,

*Parallaxis
Longitudi-*

*Parallaxis
Latitudi-
nis.*

erit punctum illud locis Lunæ visus ad Eclipticam reductus, & Lm erit Parallaxis longitudinis, seu distantia inter locum Lunæ verum & locum visum ad Eclipticam reductum, arcusque om ; seu distantia Lunæ ab Ecliptica in hoc casu erit Parallaxis Latitudinis.

Ut Phases itaque Eclipsium è dato loco spectabiles per Parallaxes definiantur, necesse erit, ut cognoscantur Lunæ Solisque loci veri, qui per tabulas Astronomicas pro dato quolibet temporis momento habentur, præterea cognoscendus est locus Lunæ in cælo visus, qui ex loco vero per Parallaxium calculum institutum, tam quoad Longitudinem quam Latitudinem definiendus est, quibus cognitis, sic invenientur Tempora & Phases.

TAB. 27.
fig. 4.

Sit pk portio Eclipticæ, s locus Solis tempore conjunctionis veræ, l locus Lunæ visus ad Eclipticam reductus pro eodem temporis momento, lo Latitudo Lunæ visa, ls Longitudo Lunæ à Sole visa. Exiguo satis temporis intervallo ante conjunctionem veram inveniatur rursus locus Lunæ visus in Ecliptica, qui sit p , ejusque Latitudo visa sit pq . Ducatur qo , quæ producta cum Ecliptica conveniat in k ; erit qk via visa Lunæ à Sole tempore conjunctionis. In triangulo qon rectangulo datur on differentia Longitudinum à Sole, & qn differentia Latitudinum, unde dabitur angulus qon , seu qkp inclinatio viæ visæ ad Eclipticam, & latus qo , ex quo etiam inveniuntur or , rk & sk . Nam pl est ad qo , ut ls ad or , & in triangulo olk ex datis ol , & angulo k dabuntur ok , lk , unde dabuntur lk , sk & sr . At cum Lunæ centrum in r videtur, sit tempus conjunctionis visæ, adeoque si fiat, ut qo ad or , seu ut pl ad ls , ita tempus, quo Luna percurrit lineam qo ad aliud, dabitur tempus inter conjunctionem veram & visam. Ex s in viam Lunæ visam demittatur perpendicularis sm . In triangulo rectangulo skm datur sk , & angulus k , unde dabitur sm , quæ est minima visibilis centrorum Solis & Lunæ distantia. Si hæc distantia sit major summâ semidiametrorum Solis & Lunæ, nulla videbitur Eclipsis; sin minor, differentia ad digitos reducta ostendet Eclipses quantitatem. Ex datis sm & angulo ex inde-

inde $t s m$ æquali angulo k , dabitur $t m$, & inde invenitur tempus, quo Luna semitæ visæ portionem $t m$ percurreret hoc est tempus inter conjunctionem visam & maximam obscurationem.

Initium Eclipsæ visibilis sic definitur; sit $p k$ ut prius TAB. 28. fig. 1.
portio Eclipticæ, centrum Solis s , via Lunæ $q k$, $s m$ distantia minima centrorum Solis & Lunæ; ducatur à Sole ad viam Lunæ recta $s q$, quæ sit æqualis summæ semidiametrorum Solis & Lunæ. Et cum centrum Lunæ in q cernitur, incipiet marginem Solis attingere, fietque Eclipsæ initium. In triangulo rectangulo $q s m$ ex datis $q s$, $s m$, dabitur angulus $q s m$, scil. angulus incidentiæ; item $q m$; adeoque dabitur tempus, quo Luna in via visâ percurrit spatium $q m$, quod à tempore obscurationis maximæ subductum dat tempus initii Eclipsæ.

Similiter invenitur tempus finis Eclipsæ, sed ut illud habeatur, inveniendâ est rursus via Lunæ à Sole visâ post conjunctionem, quæ à priori differet: nam reverâ inclinatio viæ visæ ad Eclipticam continuò mutatur, ob continuas Parallaxium mutationes. Quæratûr itaque intra horam vel exiguum satis temporis intervallum post conjunctionem Longitudo Lunæ à Sole visâ, ejusque Latitudo visâ, & exinde inveniatur inclinatio viæ visæ ad Eclipticam, motusque Lunæ à Sole visus, quibus datis, eadem methodo, qua initium Eclipsæ investigatur, finis quoque & temporis momentum innotescet.

Si quæratûr Phasis Eclipsæ pro dato quolibet temporis momento, quæratûr pro illo momento Locus Lunæ in via visâ, quo centro, & intervallo æquali semidiametro Lunæ describatur circulus; item centro, quod sit locus Solis, describatur alius circulus, cujus semidiameter sit æqualis semidiametro Solis; horum circulorum intersectiones ostendent phasim Eclipsæ, quantitatem obscurationum, & cuspidum positionem pro tempore dato.

Præquam huic Eclipsium doctrinæ finem imponamus, liceat Phænomenon satis notabile vobis exponere, ejusque causam reddere.

Scil. in Eclipsibus Lunæ totalibus, etiam dum Luna prope centrum Umbrae versabatur, sæpius ea visa est tenui pallidâque luce perfusa: mirum fortasse plerique videbitur, unde oritur hæc lux: quidam enim eam Lunæ nativam esse suspicabantur, alii à Stellis Planetisque eam deducebant, nam interpositio Telluris omnem Solis lucem à Luna arcere, & densissimis tenebris Conum Umbrosam involvere videretur. At vero cum Terram amplectatur Sphæra Aeris satis crassa, & vi refractiva pollens, illa Solis radios è medio rariore obliquissime in se incidentes è propria directione detorquet, itaque illos refranget, ut Umbrosam spatium pervadant lucis Solaris radii, Lunæque corpus interpositum illustrent, illudque nobis conspicuum reddant. Uti figuræ inspectione manifestum fiet.

TAB. 37.
fig. 5.





LECTIO XV.

De Phenomenis ex motibus Telluris & duorum Planetarum Inferiorum Veneris & Mercurii ortis.

Hucusque Telluris Lunæque motus contemplantur, & varia inde orta Phænomena recensuimus; Luna autem est Planeta non primarius, sed secundarius, quæ non aliter circa Solem, systematis nostri centrum, defertur, quam quod Tellurem, ad quam proprie pertinet, in annuo suo cursu perpetuo comitatur.

*Planeta
Primarii
sex.*

At Primarii nostri Systematis Planetæ, qui circa Solem & nullum aliud corpus circuitus perficiunt, sunt numero tantum sex, scil. Mercurius ♀, Venus ♀, Tellus ♀, Mars ♂, Jupiter ♀, & Saturnus ♀, quorum motus, indeque orta Phænomena vobis, Academici, sunt nunc exponenda. Et primo Veneris atque Mercurii orbitas Solem ambire, easque intra Telluris orbitam includi, superius demonstravimus, cumque brevioribus Periodis quam Terra circitius absolvunt, manifestum est hos Planetas è Sole conspectos, nunc magis nunc minus in cœlo à Tellure distare videri, & nunc in oppositis sitis cœli punctis spectari, nunc in eodem cum Tellure puncto conjungi, & cum circa Solem celerius ferantur, eos post conjunctionem à Tellure decedere, eamque



que segnius incedentem post se relinquere aspiciet Spectator in Sole constitutus .

Hinc etiam patet , hos Planetas è Tellure visos nunc magis , nunc minus à Sole elongari , & aliquando quoque cum Sole conjungi videri : verum conjunctiones illæ non tantum fiunt , cum Tellus è Sole cum Planeta conjungitur , sed etiam cum eidem opponi videtur . Sit enim S Sol , A B C orbita TAB. 22.
Telluris , F H V orbita Veneris , sique Terra in T , & Ve- fig. 2.
nus in V , in recta scil. quæ Solis & Telluris centra conjun-
git , in quo situ Venus è Sole visa in conjunctione cum
Terra videtur , sicut Sol è Tellure visus Veneri conjungitur .

At si Terra foret in T , cum Venus sit in F , illa è Sole Duo con-
junctio-
num casus.
videretur Veneri opponi ; & in contrariis Cœli plagis con-
spicerentur hi Planetæ . Verum Spectatore ad Terram trans-
lato , Venus Soli non opponi , sed eidem conjungi specta-
bitur . In primo conjunctionum casu , Venus inter Solem
& Terram interponitur ; in posteriore , Sol inter Terram &
Venerem medius locatur , Prior dicitur conjunctio Inferior ,
Posterior conjunctio Superior .

Post utraq; has conjunctiones , Venus à Sole recedere ,
& in dies magis elongari videtur , nunquam tamen Soli op-
posita cernitur ; sed & nunquam aspectum quadratum , aut
sextilem attinget , & omnium maxime à Sole elongatur
circa locum illum , ubi linea , Telluris & Veneris centra
connectens , Veneris orbitam tanget , ut circa D . Nam Elongatio
Planeta à
Sole .
cum Venus ulterius ad H promouetur , ejus locus in Cœlo
à Solis loco minus distare videbitur quam prius , & ante-
quam ad locum illum pervenerit , semper à Sole magis re-
cede ; at loco illo relicto , ad Solem continuo magis ac-
cedet : necesse est , ut inter recessum & accessum quasi Sta-
tionaria respectu Solis videatur , & proinde ejus motus ap-
parens erit motui apparenti Solis æqualis . Arcus circuli
maximi inter centra Solis & Veneris interceptus dicitur *Elun-*
gatio bujus Planetæ à Sole .

Observandum tamen est ; Elungatio Planetæ à Sole , ubi
recta à Planeta ad Terram ducta Planetæ orbitam tangit ;
fit tantum maxima in orbe circulari , in cujus centro est Sol . Elongatio
non semper
est maxima
quando
Planeta in
tangente
videtur .

Nam

Nam in orbita Elliptica fieri potest, ut post decessum Planetæ à puncto contactus, ejus distantia à Sole crescat; at non pariter crescant distantie Solis & Planetæ à Terra, sed potius decreascent, adeoque in duobus triangulis major basis majorem angulum subtendet. Sed cum Planetarum orbitæ ad circularem formam quam proxime accedant, hæc minutie negligi possunt.

Maxima Veneris Elongatio, seu angulus STD observatione deprehenditur esse 48 circiter graduum. Et exinde in orbita circulari datur distantia Veneris à Sole respectu Telluris distantie ab eodem. Est enim ST ad SD , ut Radius ad finem anguli STD , seu Elongationis maximæ.

Hinc etiam manifestum est, Venerem, dum illa à conjunctione cum Sole in superiore orbitæ suæ parte, seu à Terrâ remotissimâ ad conjunctionem cum Sole in inferiore orbitæ parte, seu Terræ proximâ tendit, semper videri Sole orientaliorem, adeoque toto illo tempore Sole posterior occidit Venus, seu post Solis occasum, Vesperusque dicitur, noctis & tenebrarum prænuncia; at dum ab inferiore conjunctione ad superiorem tendit, Sole occidentalis spectatur, & ante Solis occasum occidit, ante ejus ortum oritur, adeoque mane tantum conspicitur, & tunc Phosphorus dicitur, lucis exortum secum afferens.

Ponamus, Venerem atque Tellurem à Sole spectatas in V & T conjungi, hoc est in eodem Eclipticæ puncto videri, in quo casu Venus & Sol à Terra in conjunctione spectantur. Venus deinde celerius mota, postquam ad V rursus pervenerit, & integrum circulum seu quatuor rectos motu angulari ad Solem perfecit, Terram interea ulterius progressam nondum assequetur; ideoque opus erit, ut ulterius in orbita sua deferatur Venus, quo à Sole rursus in eadem recta cum Terra videatur. Sic recta illa SLM , scilicet cum Venus sit in L , Tellus sit in M , & necesse erit, ut Venus priusquam Terram assequatur, integrum circuitum, seu quatuor rectos circa Solem absolvat, & insuper motum angularem æqualem motui angulari Telluris interea facto. Motus autem angulares Telluris & Veneris circa Solem

eodem tempore facti sunt reciproce ut eorum tempora periodica; erit itaque, ut tempus Periodicum Telluris ad tempus periodicum Veneris, ita motus angularis Veneris, qui æqualis est quatuor rectis, una cum motu angulari Telluris facto inter tempus unius conjunctionis & proximæ, ad motum illum Telluris angularem: adeoque per divisionem

Determinatur tempus inter duas ejusdem generis conjunctiones.

Rationis, ut differentia temporum periodicorum Telluris & Veneris ad tempus Periodicum Veneris, ita quatuor recti ad quartum, qui dabit motum angularem Telluris inter duas proximas conjunctiones inferiores factum. Tempus autem Periodicum Telluris est dierum 365, horarum 6, seu horarum 8766. Et Veneris tempus Periodicum est dierum 224 horarum 16, seu horarum 5392, quarum differentia æqualis est 3374 horis. Fiat itaque, ut 3374 ad 5392, ita quatuor recti seu 360 gradus ad gradus 575, qui motus æqualis est integræ circulationi & dimidio, & insuper 35 gradibus, & perficitur hic motus in uno anno & diebus 218. Adeoque si Venus hodie in interiori orbitæ parte cum Sole conjungatur, non nisi post Annum, septem menses & duodecim dies iterum Soli juncta conspicietur, & si una conjunctio in initio Arietis accadat, sequens circa septimum Scorpionis gradum celebrabitur. Idem quoque intercedit tempus inter duos quoslibet Veneris situs respectu Solis similes, verbi gratiâ inter duas conjunctiones superiores, vel inter duas proximas Veneris positiones, ubi illa datam ad eandem plagam à Sole obtinet Elongationem.

Hoc problema, simileque de Lunæ conjunctionibus cum Sole medius, aliter solvunt plerique Astronomi. Quærunt enim motum diurnum Telluris à Sole visum; item Veneris quoque motum diurnum, horumque motuum differentia erit motus Veneris à Terra diurnus; v. gr. cum motus Telluris medius sit quolibet die 59' & 8", Veneris autem motus diurnus sit, 1 gr. 36'. 8" quorum, differentia est 37'; per illud spatium Venus quotidie à Tellure recedere, vel ad illud accedere videtur. Fiat igitur ut 37' ad gradus 360, seu ad 21600 minuta prima, ita dies unus ad spatium temporis, quo Venus à Tellure per 360 gradus rec-

Alia methodus solvendi Problema.

ces-

cefferit, hoc est ad spatium temporis, quo ad idem reverterit, seu ad tempus inter duas conjunctiones proximas elapsum, quod invenitur esse dierum 583.

TAB. 28.
fig. 3.

Verum hæ conjunctiones secundum motus medios seu æquales tantum computatæ sunt, ideoque conjunctiones Mediæ dicuntur. At quoniam Venus & Tellus in orbitis Ellipticis circa Solem ferantur, motusque earum inæquabiles sunt; fieri potest, ut conjunctiones veræ serius aut citius per aliquot dies accendant, quam per præcedentem computum fieri debent. Data autem conjunctione mediæ, conjunctio vera sic exquiretur. Sit A B C Ecliptica, in qua punctum A sit locus conjunctionis mediæ, ad cuius tempus computetur per methodos Astronomis notissimas verus locus Veneris ad Eclipticam reductus, qui sit D. Item verus locus Telluris sit T, & inde dabitur locorum Telluris & Veneris distantia DT, datur quoque utriusque Planetæ motus angularis pro dato quolibet tempore, v. gr. pro sex horis; quorum motuum differentia dabit accessum vel recessum Veneris à Tellure, spatio sex horarum. Fiat itaque, ut differentia illa motuum ad arcum D T, ita sex horæ ad tempus inter conjunctionem mediæ & veram, quod tempus demptum aut additum (prout Venus est Orientalior aut Occidentalior Tellure) tempori conjunctionis mediæ, dat tempus conjunctionis Veræ.

*Distantia
Veneris à
Terra semper muta-
bilis.*

Ex figura manifestum est, Veneris à Tellure distantiam esse continuo mutabilem, maximam autem esse, cum Venus est in conjunctione cum Sole superiore, & minimam esse cum est in conjunctione inferiore; & differentia quidem tanta est, ut illa æqualis sit integræ diametro orbitæ Veneris. Estque distantia Veneris à Tellure in conjunctione cum Sole superiore, ad ejusdem distantiam in conjunctione inferiore, ut 1 ad 6; sexiesque proinde magis Venus ad Tellurem accedit in una positione, quam in altera, & tantum quoque mutatur Veneris apparens diameter à Tellure visa. Sed & distantia maximæ & minimæ per excentricitates orbium mutantur; nam omnium maxima fit distantia, quando conjunctio superior celebratur Venere & Tellure existentibus in

Aphe-

Apheliis. Et omnium minima est distantia Veneris à Tellure, quando conjunctio inferior accidit, Venere in Aphelio & Tellure in Perihelio existentibus.

Cum Venus sit corpus Sphæricum & opacum Solis luce, non suâ resplendens, oportet ut ea solum facies lucida videatur, quæ Soli obvertitur, alterum autem oppositum Veneris hemisphærium luce orbetur, & invisibile maneat; quapropter si talis sit Telluris situs, ut tenebrosum illud hemisphærium ei obvertatur, Venus Terricolis inconspicua fiet, nisi forte in Solis Disco nigræ instar maculæ videatur. Si vero tota illustrata facies Terræ obvertatur, Venus pleno orbe fulgens videbitur. Et pro vario Telluris respectu Veneris, & Solis situ, varia erit forma atque figura, sub qua Venus conspicietur, Phasesque subibit Lunæ Phasibus per omnia similes.

Sit ABCDEFG orbita Veneris; TL Telluris orbitæ portio, sitque Terra in T, & Venus in A, in conjunctiōne scil. superiore cum Sole. Patet in hoc Planetarum situ, faciem Veneris illuminatam totam Terræ obverti, atque proinde Venus instar Lunæ plenæ, ut circulus lucidus apparebit. Cum Venus ad situm respectu Solis & Telluris, qualis est B, pervenerit; pars aliqua obscuri hemisphærii eidem obvertitur, & proinde Veneris facies à Tellure visibilis, à circulo deficiet, & gibbosa apparebit; ad C perventa Venere, hemisphærii illustrati dimidium è Tellure videtur, Venusque dimidiata apparet ad instar Lunæ in prima vel ultima Quadratura. Venere in D existente, parva tantum illuminatæ superficiei pars Terræ obvertitur, cumque figura Veneris sit sphærica, quæ ob magnam à Terra distantiam, ut plana videtur, pars illuminata in cornua à Sole averfa, protendi videtur. Venus cum è Terra in E videtur, in conjunctiōne scil. inferiore cum Sole, totum ejus tenebrosum hemisphærium Telluri obvertitur, Venusque sit invisibilis, nisi forte ut nigra macula, per Solis Discum transcurrere videatur, quod jucundum spectaculum semel Horoxcio nostro contigit. Easdem Phases subibit Venus dum per FG ad H transit, scil. circa F corniculata, in G dimidiata, & in H Gibbosa apparebit.

Phases Veneris.
TAB. 13.
fig 4.

Hæ

Copernici
vaticinium

Hæ Veneris apparentiæ, etsi nudo oculo se non prædant, Telescopio tamen distincte conspiciuntur. Ante inventum Telescopium, quando Copernicus Systema Antiquum Pythagoricum renovavit, & Orbi literato proposuit, asseruitque Planetas omnes, inter quos Terram locavit, circa Solem in centro immobilem moveri, ei objectum fuit, si talis esset Planetarum motus, debere Veneris Phases Lunæ Phasibus esse similes. Respondet Copernicus, eas reverà ita esse fortasse venientibus sæculis dignoscant Astronomi. Hanc Copernici Prædictionem primus implevit magnus Galilæus Philosophus lynceus, qui Telescopium ad Venerem dirigens, eam Phasibus suis Lunam æmulari deprehendit; quod Systema Pythagoricum mitissime confirmavit.

TAB. 12.
fig. 5.

Phasium
accurata
determina-
tio.

Si centra Solis, Terræ, & Planetæ rectis jungantur, quæ faciunt triangulum $T S O$; & per centrum Planetæ erigantur plana ad rectas TO , SO normalia, quorum illud abscindet Planetæ Hemisphærium Terræ obversum, hoc Hemisphærium à Sole illustratum; erit Trianguli $T S O$ exterior angulus ad Planetam $S O P$ æqualis angulo moq , quem metitur illuminati semicirculi pars mq , quæ Terræ obvertitur. Est enim angulus Sor æqualis angulo $po m$, nam uterque rectus est, & angulus rop æqualis angulo poq sunt enim ad verticem; quare ablatis æqualibus erit angulus SOP æqualis angulo moq , quem arcus mq metitur. Semicirculi itaque illustrati pars mq , quæ Terræ obvertitur, metitur angulum SOP , & arcus ille è Terra visus in suum sinum verum projicitur, uti de Luna superius ostentum fuit. Hinc illuminatio Veneris è Terra spectata, cæteris paribus, est ad illuminationem totam, ut sinus versus anguli exterioris ad Venerem ad circuli diametrum.

Venus non
est lucidissi-
mum
pleo ful-
goris orbe.

Quamvis Venus in situ A Terricolis pleno orbe splendeat, non tamen in ea positione maxime & lucidissime folget; diminuitur enim ejus splendor ob majorem à Tellure distantiam idque in majore ratione, quam crescit faciei illuminatæ pars è Terra conspicua, Nam Veneris fulgor decrescit in duplicata ratione distantiae auctæ. At pars illustrata crescit in ratione sinus versus anguli exterioris ad Planetam.

Ita-

Itaque ejus fulgor maximus non est, cum circa A versatur Planeta, sed major erit circa O. Sit enim Venus in O quatuor vicibus Telluri propior quam in A, in O lucidæ faciei partes datæ sexdecies plus luminis ad Tellurem diffundent, quam cum Planeta est in A. Sed in O fieri potest, ut pars circiter quarta Disci illuminati Terræ obvertatur. Adeoque magis augetur Veneris splendor ob diminutam distantiam, quam minuitur idem ob decreascentem Phasim.

Si quæretur in quo situ Veneris splendor sit maximus; hujus Problematis solutionem dedit concinnam summus Geometra & Astronomus Edmundus Halley Collega meus in Actis Philosophicis Londinensibus Num. 349, ubi ostendit Venerem omnium maxime fulgere, cum elongatur à Sole 40 circiter gradibus, ubi tantum pars quarta Disci luminosi è Terra conspicienda sit; in quo situ Venus die & lucente Sole conspecta fuit, Admirabilis est illa Veneris pulcritudo, qua proprio lumine carens, & tantum Solis mutuatio lumine gaudens, in tantum splendorem erumpit, quantum non habet Jupiter, non Luna, cum æque à Sole elongatur: illius quidem lumen, si ad Veneris lumen compareretur, majus quidem erit ob apparentem corporis magnitudinem, at iners, mortuum, ac veluti plumbeum videtur; tantum præ illa Venus revibrat vegetum splendorem.

In quo situ Venus maxime lucida est.

Si planum orbitæ Veneris coincideret cum plano Eclipticæ, videretur Venus semper in Ecliptica incidere. At motus Veneris non fit in plano Eclipticæ, sed in plano, quod ad illud inclinatur angulo trium graduum & 24 min; secaturque planum Eclipticæ in linea per Solem transeunte, quæ *Linea Nodorum* vocatur, punctaque, ubi orbita Planetæ producta Eclipticam secat, *Nodi* dicuntur. Adeoque Venus nunquam è Sole, vel è Tellure in plano Eclipticæ videbitur, nisi cum in Nodis versatur; in aliis orbitæ suæ punctis nunc minus, nunc magis ab Ecliptica distabit: & è Sole visa maxima ejus ab Ecliptica distantia erit, cum nonaginta gradus ab utroque Nodorum removetur.

Orbita Veneris cum coincidit plano Eclipticæ.

Sit T A B circulus in Eclipticæ plano, L N V N orbita Ve-

TAB. 26.
fig. 1.


ne-

neris, quæ planum Eclipticæ secet in linea Nn ; concipiendum est orbitæ dimidium NL supra planum Eclipticæ at-
 tolli, altera autem medietas NV infra Eclipticam deprimi;
 cum Venus est in orbitæ suæ puncto N , erit in plano Ecli-
 pticæ, ad P autem progressa ab Ecliptica deflectere vide-
 tur, longius autem ad L provectus planeta, ita ut NL sit cir-
 culi quadrans, maxime ab Ecliptica recedere videbitur:
 punctumque L vocatur *Limes*; Nam post digressum ab L ,
 rursus ad Eclipticam accedit Planeta. Si à Venere in P ad
 planum Eclipticæ demittatur normalis linea PE ; & ducatur
 SE , angulus PSE metietur distantiam Veneris ab Ecliptica,
 & vocatur *Latitudo Veneris Heliocentrica*, qualis è Sole vi-
 detur. Hæc autem latitudo ex dato Planetæ loco in suâ
 orbita hac ratione exquiritur. Sit arcus NE portio Eclipti-
 cæ, NP portio orbitæ Planetæ ad cælum productæ, P locus
 ejus, N Nodus; per locum Planetæ transeat circulus ad Ecli-
 pticam perpendicularis, hujus circuli arcus PE inter Plane-
 tam & Eclipticam interceptus erit distantia Planetæ ab Ecli-
 ptica, seu mensura anguli PSE . In triangulo sphærico PNE ,
 rectangulo ad E , datur latus NP distantia Planetæ à Nodo,
 item angulus N inclinatio planorum orbitæ & Eclipticæ, quare
 per Trigonometriam innotescet latus PE , latitudo Planetæ
 Heliocentrica, quæ erat invenienda. Latitudo hæc Heliocen-
 trica, quoties Planeta in eodem orbitæ suæ puncto inveni-
 tur, constans & immutabilis est. At *Latitudo Geocentrica*,
 seu distantia Planetæ ab Ecliptica è Tellure visa, etiamsi in
 eodem orbitæ suæ puncto conspiciatur, continuo mutatur
 pro vario situ Telluris, respectu Planetæ. Sit enim BT Ar-
 citas orbita Telluris, NP orbita Planetæ, qui sit in P , à quo
 ad planum Eclipticæ demitti concipiatur perpendicularis PE .
 Hæc linea, in quocunque orbitæ suæ puncto locetur Tel-
 lus, subtendet angulum, qui Planetæ latitudinem Geocen-
 tricam metitur. Sit itaque Tellus in T , & Venus in P Tel-
 luri proxima, in quo situ Venus videtur in conjunctione
 cum Sole inferiore, ejus latitudo Geocentrica per angulum
 PTE mensurabitur. At Venere in eodem loco P existente
 si Tellus punctum s occuparet, & Venerem videat in con-
 jun-

*Latitudo
Heliocen-
trica.*

*Latitudo
Geocentri-
ca.*

TAB. 29.
fig. 2.



DE VENERIS ET MERCURII LATITUDINE. 337

junctione superiore, ubi longissime ab illa distat, Latitudo Geocentrica erit secundum angulum $P \pm E$ mensuranda, qui angulo PTE multo minor est, ob distantiam Pt distantia PT multo majorem. Hæc eadem de Mercurii Latitudine sunt intelligenda. Unde patet, quod Planetarum inferiorum, cæteris paribus, Latitudo visa major est, cum hi Telluri sunt proximi, minor cum sunt remotissimi. Et quidem fieri potest, ut Veneris Latitudo Geocentrica major sit Heliocentrica, cum scil. intra Solem & Terram locatur, ubi Telluri quam Soli propior est. At Mercurius, cum semper longius à Tellure quam à Sole distet, semper minor erit ejus Latitudo Geocentrica quam est Heliocentrica, quæ cum maxima est, septem fere gradibus æquatur; tanta enim est inclinatio ejus orbitæ ad planum Eclipticæ.

Cum nullius Planetæ orbita jaceat in Ecliptica, sed quælibet eam secatur in recta, quæ per Solem transit, necesse est, ut Planetæ omnes bis tantum in qualibet periodo in Ecliptica videantur, scil. cum in propriis Nodis versantur; aliis omnibus temporibus nunc magis, nunc minus ab Ecliptica migrare conspicientur; sunt tamen certi & determinati limites, extra quos nunquam divagantur Planetæ. Adeoque si concipiatur in cælo Zona, seu spatium latum viginti circiter graduum, per cujus medium incedit Ecliptica, hoc spatium Planetas omnes ambitu suo semper continebit, & *Zodiacus* nominatur ab imaginibus animalium seu Asterismis, qui hanc cæli partem occupant, nomen ducens. Tellus regiâ semper incedens viâ nusquam ab ejus medio seu ab Ecliptica deflectit, ideoque neque Sol ab illa declinare videbitur. Luna & errones quinque ad decem quandoque gradus interdum versus Meridiem, interdum versus Septentrionem exspatiantes, intra Zodiaci tamen limites motus suos exercent.

Hucusque contemplati sumus motus atque Phases Veneris ex ejus situ respectu Soli & Telluris pendentes; nunc motum ejus Tellure visibilem in cælis secundum Zodiacum perpendamus. Sit ABC orbita Veneris, TGF orbita Telluris, TAB. 29. LMO circulus referat Zodiacum ad Stellæ fixas productum; fig. 3.

*Zodiacus
quid?*

*Motus Veneris
in
Zodiaco.*

Y

fit



fit primo Tellus in T & Venus in A prope superiorem cum Sole conjunctionem. Paret, spectatorem è Tellure Venerem in cœlo referre ad punctum Zodiaci L; & si Tellus quiesceret, dum Venus arcum AB in orbita propria percurreret, illa portionem Zodiaci LM describere videretur. At quia Tellus interea movetur, cum Venus est in B, appellit Tellus puncto orbitæ suæ H, ex quo Venus conspicietur in N, & per arcum Zodiaci LMN deferri videbitur; eritque Venus magis in Orientem progressa quam in priore casu. Cum vero Venus ad C pervenerit, Tellus ad G defertur, ita ut Venus in recta ejus orbitam tangente, & in Zodiaci puncto O conspicietur. In quo situ motus ejus apparetur crit fere æqualis motui apparenti Solis. Moveatur deinde Venus ex C ad A rursus, & interea Tellus arcum GK percurrat, & Venus circa conjunctionem inferiorem cum Sole videbitur, & in illo situ ad Zodiaci punctum P è Tellure referetur; cumque prius in O conspiciebatur Venus, per arcum OP regressam esse, seu ab ortu in occasum contra seriem signorum tendere spectabitur: cumque in C una cum Sole progredi visa fuit, in A autem celerrime regredi; oportet ut sit locus aliquis medius inter C & A, ubi nec regredi, nec progredi, sed ut stationaria videatur, & eundem in cœlis locum per aliquod tempus conservare. Perveniat jam Venus ad E, & Tellus ad F, & Venus è Tellure videbitur in Eclipticæ puncto Q magis regressa; ubi autem Venus videtur è Tellure in recta, quæ ejus orbitam tangit, rursus motum progressivum cum Sole habebit. Adeoque inter mutationes cursus, seu inter motum progressivum & regressivum Venus morabitur nonnihil, & eodem in loco per aliquot dies consistere videbitur; ubi autem Tellus ad D pervenerit, & Venus sit in C, videbitur per arcum Zodiaci Q R motu celeri versus Orientem progrediisse. Hinc Venus, cum in superiore cum Sole conjunctione versetur, semper directe incedere, ten secundum signorum seriem moveri conspicitur: At cum est in inferiore conjunctione, seu cum inter Solem & Terram existit, tunc regredi & contra seriem signorum ferri apparet. Quæcunque de Veneris motibus ostendimus, ea quoque de


Motus Veneris progressivus.

Motus Regressivus.

Venus stationaria.

*Quando Venus directæ
Quando regredi
debetur.
Similes
sunt Phœbes
Martis.*





de Mercurio ejusque motibus vera erunt. At Mercurii conjunctiones cum Sole, directiones, stationes, & regressus frequentiores sunt, quam Veneris, hic enim celerior & in minore orbita latus, sæpius Tellurem assequitur quam Venus. Maxima Mercurii à Sole digressio adæquat circiter gradus 33. Ex his patet, quod horum Planetarum motus apparentes è Tellure visi sunt admodum inæquales, qui nunc progredi, nunc stare, mox regredi, & rursus stare cernuntur: at spectator in Sole locatus hos Planetas semper eodem tenore progredientes conspiciet. Nam talis est in his Planetis è Terra apparens motuum inæqualitas, ut æquabili circa Solem latibni accurate respondeat, unde liquet non Tellurem, sed Solem esse centrum motus Planetarum inferiorum.

Sicuti superius ostensum fuit, orbitam Telluris non esse circulum, sed Ellipsim, hoc idem verum erit de orbitis Veneris atque Mercurii, & cæterorum Planetarum, quorum omnium orbitæ sunt Ellipses, quæ non communem focum habent, in quo Sol residet, circa quem motibus licet inæqualibus Planetæ ferantur, certa tamen & immutabili lege motus ipsorum reguntur; nam ita Ellipseos perimetrum percurrunt, ut ab ipsorum centris, radiis ad Solem ductis, describant seu verrant Areas Ellipticas temporibus proportionales; adeoque in Apheliis tardius incedunt Planetæ, in Periheliis velocius feruntur. Aphelia autem aliter quam Lunæ Apogæon vel quiescunt, vel lento amodum motu progrediuntur, adeoque saltem per unius hominis ætatem tanquam quiescentia haberi possunt. Observandum autem est, Mercurii orbitam esse omnium maxime excentricam; nam ejus Excentricitas est ad distantiam mediam, ut 2051. ad 10000.

*Orbitæ
Planeta-
rum sunt
Ellipses..*

LECTIO XVII.

De Motibus Planetarum superiorum Martis, Jovis, & Saturni, & Phænomenis inde ortis..

IN Phænomenis inferiorum Planetarum explicandis satis TAB. 307.
diu immoratum est. Ad superiores Planetas, eorumque fig. 11.
motus contemplandos accedimus. Sit itaque ABCT orbita:

Y. 2:

Tel-

Telluris. Rotentur circa Solem Saturnus, Jupiter & Mars in diversis ab illo distantis, diversisque temporum periodis circuitus perficiens; sitque PQV portio Zodiaci, in qua motus suos peragere videntur. Primo patet, hos Planetas è Sole visos posse cum Terra conjungi, vel etiam eidem opponi. Scil. si Saturnus sit in φ , potest Tellus in M locari in recta, quæ Solem & Saturnum conjungit, in quo situ è Sole videntur Planetæ in conjunctione. Vel potest Tellus in eadem recta in contrarias partes producta, in B scil. existere, ubi è Sole Saturno opponi videbitur: at in hoc situ Sol è Tellure visus cum Saturno conjungi apparebit. 2^{do} Patet, Planetas hos è Terra visos posse aspectum quemlibet ad Solem obtinere; seu in dato quovis angulo à Sole elongari, quod in inferioribus fieri non potuit, qui semper in Solis vicinia commorantur. Nam à Terra T duci potest recta TP, quæ orbitas omnes secet, & cum TS rectâ Solis & Terræ centra conjungente datum faciat angulum STP, adeoque cum Terra est in T, Saturnus fieri potest in F, cujus Elongatio à Sole est angulus STF. Præterea quando Terra & quilibet Planeta superior è Sole in conjunctione videntur, Planeta ille è Terra spectatus Soli opponi conspicietur; eoque opposita cœli puncta occupare videbit Terricola.

Tempus determinatur, in quo Planeta superior ad conjunctionem aut oppositionem revertitur.

Conjungatur quilibet Planeta superior v. gr. Saturnus cum Tellure è Sole spectatus. Post conjunctionem, cum Terra velociore motu angulari feratur quam Saturnus, illam à Saturno magis indies recedere aspiciet Solicola; cumque Tellus arcum 39 min. & 8 secund. motu medio quotidie describit, Saturnus autem tantum duo minuta prima, erit motus Telluris à Saturno, è Sole visus quolibet die 57 min. & 8 secund.; si itaque fiat ut 57 min. & 8 secunda ad gradus 360, ita dies ad quartum, dabitur numerus dierum, in quibus Tellus rursus Saturno conjungi videbitur, æqualis scil. diebus 378. Sed cum Tellus & Saturnus, è Sole spectati, conjunguntur, Sol & Saturnus è Tellure visi opponuntur; ergo tempus inter duas proximas oppositiones Solis & Saturni ex motibus eorum mediis computatas æquatur diebus 378, seu Anno cum diebus tredecim. Idem in-

ter-

tercedit tempus inter duas conjunctiones Saturni cum Sole proximas è Tellure visas, vel inter duas quaslibet similes Saturni Elungationes à Sole: tempusque inter conjunctionem, & proximam oppositionem est hujus spatii dimidium, nempe dies 189.

Similiter invenitur, tempus inter duas proximas Jovis cum Sole conjunctiones, aut eidem oppositiones esse æquale Anno una cum triginta tribus diebus. At Mars post unam oppositionem, sequentem non attinget, nisi post binos Annos, & insuper quinquaginta dies.

Planetæ omnes Soli oppositi oriuntur occidente Sole, & occidunt illo oriente; post autem digressum Planetarum à Solis opposito, manent Sole orientiores, postque Solis occasum vesperi sunt conspicui, donec Soli conjuncti simul cum illo occidunt, & oriuntur, deinde post eorum à Sole recessum fiunt Sole occidentiores, & mane ante Solis ortum tantum conspici possunt; nam vespere citius Sole occidunt, donec ad oppositum Solis perveniunt, ubi rursus oriuntur occidente Sole.

Uti de Inferioribus ostensum fuit, ita quoque superiorum Planetarum orbitæ non jacent in plano Eclipticæ, sed eorum omnium plana Eclipticam secant in rectis, quæ per Solem transeunt, & Nodorum Lineæ dicuntur. Punctaque, ubi hæ lineæ Eclipticæ occurrunt, Nodi vocantur. Quare nec superiores Planetæ unquam in Ecliptica videntur, nisi cum in Nodis versantur; in aliis omnibus locis nunc magis, nunc minus, ab Ecliptica deflectunt, & maxime ab illa distant cum circa limites seu puncta ab utroque Nodo æquidistantia versantur, ubi Latitudines maximæ Heliocentricæ sunt, quæ sequuntur, scil. Saturni Latitudo maxima Heliocentrica est 2 grad. 30 min., Jovis 1 grad. min. 20. & Martis 1 grad. 52 min.

*Orbitarum
Plana in-
clinantur
ad Eclipti-
cam.*

Dato Loco Planetæ in sua orbita, seu distantia ejus à Nodo, eadem ratione exquiretur ejus Latitudo Heliocentrica, qua vos Veneris & Mercurii Latitudines invenire docuimus. Latitudines autem Planetarum Geocentricæ, seu distantia à Plano Eclipticæ è Tellure visæ ex situ & distantia Tellu-

TAB. 31.
fig. 1.

ris plurimum pendent, nam eadem manente Latitudine Planetæ Heliocentrica, pro varia positione Telluris varia erit ejus Latitudo è Terra visa. Sit enim Telluris orbita $T \delta$, superioris vero cujusvis, Martis verbi gratiâ orbita sit σ M, cujus planum ad Eclipticæ planum inclinatur; illudque intersecat in linea Nodorum $N n$. Sit Mars in σ , & Tellus in T, ut videatur Mars in aspectu ad Solem opposito. Ex σ ad planum Eclipticæ demittatur normalis recta σ E; hæc recta subtendit angulum, qui latitudinem Planetæ Geocentricam metitur. Cum itaque Tellus est in T inter Solem & Martem, Latitudinem Martis visam angulus σ T E metietur. At si Tellus in τ locetur, ut Sol fiat Marti conjunctus, ejus Latitudo è Terra spectata erit æqualis mensuræ anguli σ τ E, qui angulo σ T E multo minor est, & in eadem fere ratione minor qua distantia T σ minor est distantia τ σ . Si Tellus sit in T, erit Martis Latitudo Geocentrica major Heliocentricâ, & quando Tellus in τ exiit, erit illa hac minor. Eodem modo pro vario situ Martis & Telluris, respectu Solis, Latitudo ejus Geocentrica mutatur, ita ut, cæteris paribus, illa sit minor, quo Mars propior sit conjunctioni cum Sole, & major quo is Solis opposito sit vicinior.

Patet etiam, superiorum nullum è Terra visum posse in Solis Disco aspici, ut Veneri & Mercurio contingit. Potest tamen illorum quivis à Sole tegi, quando Planeta cum illo conjunctus sit Nodo satis vicinior, ut post Solem lateat.

Planeta superiores
pleno orbe
fulgent.

Cum Planetarum omnium facies, quæ Soli obvertuntur, Solis luce reflexa splendeant, eumque Tellus in vicinia Solis semper appareat è Jove aut Saturno conspecta, horum Planetarum facies, quæ Soli obvertuntur, etiam Terræ obversæ erunt; unde semper Terricolis pleno orbe fulgentes apparebunt hi Planetæ. At cum Mars in orbita feratur, quæ propius ad Telluris orbitam accedit, patet ejus faciem Soli obversam non semper totam Telluri obverti, sed circa quadratum Martis cum Sole aspectum, cum scil. Tellus sit in M vel B, & Mars in N aut R, pars aliqua faciei illuminatæ è Terra non videbitur, & proinde Phasis Martis erit gibbo-

Mars in
quadrato
aspectu ali
quantulum
gibbosus.
TAB 30.
fig. 1.

gibbosa , at in conjunctione , aut oppositione Martis & Solis , totus illuminatus Discus è Terra erit conspiciendus ; & præsertim in oppositione Solis , ubi Terræ proximus rotundam & maxime fulgidam speciem exhibet .

Planetæ superiores multo majores videntur in oppositionibus Solis , quam in conjunctionibus , nam multo minus à Tellure distant in uno situ , quam in altero ; & distantiarum differentia æqualis est diametro orbis magni , in quo circa Solem movetur Terra , quæ differentia cum ad semidiametrum orbitæ Martis majorem habeat proportionem , quam ad reliquarum orbitarum semidiametros , maximum ejus magnitudinis apparentis faciet discrimen . Nam Mars quinquies citius nobis est propior in oppositione Solis , quam cum in ejus conjunctione videtur ; adeoque cum visibilis cujusvis Discus & splendor augeatur in duplicata ratione distantiae diminutæ , Mars vigesies quinquies major & simul lucidior in oppositione Solis , quam in ejus conjunctione apparebit .

Planetae superiores in oppositione Solis quam in conjunctione majores .

Cum Jupiter quinquies longius à Sole distet , quam Terra ab eodem distat ; diameter Solis apparens è Jove sub angulo tantum sex scrupulorum videbitur , qui nobis est triginta , Solque Jovis Incolis vigesies quinquies minor apparebit quam nobis . Et luminis & caloris vigesimam quintam tantum partem à Sole recipient Jovicolæ , illius quo fruuntur & foveantur Terricolæ . At Saturnus cum decies longius à Sole distet quam nos , apparens Solis diameter ex illo visus sub angulo trium tantum scrupulorum conspicietur , & paulo duplo major quam Venus Perigæa nobis apparebit . Adeoque Solis Discus ex Saturno vix centies minor apparebit , & tam Lux quam calor in eadem ratione in Saturno minuuntur ; unde oportet ut Saturni Regiones etiam Æquatoriae sint nostris intra Polares circulos inclusis Terris frigidiores .

Diversitas caloris in Planetis .

Planetæ omnes superiores è Sole conspecti uniformiter secundum eandem plagam , & eadem lege , æquabili scilicet Arearum descriptione semper progredi cernuntur , unde fit , ut eorum motus angularis circa Solem sit inæqualis ; in Apheliis enim morantes tardius incedunt , circa Periphelia

Planeta- rum motus è Tellure conspecti irregulares .

versantes velocius feruntur; at è Tellure visi hi Planetæ motus admodum irregulares in Zodiaco peragere videntur, aliquando enim progrediuntur ab Occidente in Orientem, secundum veros ipsorum motus, deinde paulatim tardescunt; donec tandem immobiles & quasi stationarii conspiciuntur; mox motu retrogrado ferri, & in plagam moribus veris contrariam tendere eos aspicimus; rursusque deinde quasi immobiles stare apparent; donec post aliquod tempus progredi, & ab Occidente in Orientem ferri videntur. Hæ motuum & cursuum mutationes, ex motu & situ Telluris omnes oriuntur.

TAB. 10.
fig. 2.

*Quando
Planeta
directus &
velox.*

Sit PQO portio Zodiaci; ABCD orbita Telluris, EMGHZ superioris cujusvis Planetæ orbita v. gr. Saturni. Sitque Tellus in A, & Saturnus in E, in quo situ è Tellure videbitur Zodiaci punctum O occupare. Si Saturnus quiesceret, Tellure ad B deventa, videretur Saturnus in Zodiaci puncto L, & per arcum OL secundum seriem signorum seu ab Occidente in Orientem progressus; verum interea dum Tellus transit ab A ad B, Saturnus fertur motu proprio ab E ad M, ubi in conjunctione cum Sole venit, & ex Terra arcum OQ in Zodiaco confecisse videbitur, & hic arcus est arcu OL major; unde Planetæ superiores, cum sunt in conjunctione cum Sole, celerrime progrediuntur ob duplicem causam, nempe quod revera circa Solem ferantur, tum quod Terra in adverso semicirculo in eandem plagam feratur circa idem centrum; adeoque Planeta quando à Terra est remotissimus, & Soli conjunctus, citius solito in consequentia signorum ferri apparet; quo in situ dicitur fieri directus. Ad C deventa Tellure, dum Saturnus arcum MG describit, is in Zodiaco in R conspicietur: quando autem Tellus est in K, & Saturnus in H, Tellus fere in recta movetur, quæ per Saturnum transit, vel quod idem est, recta Saturnum & Terram connectens orbitam Terræ tanget, & Terricola Saturnum ad idem Zodiaci punctum tunc referet, & eundem locum inter fixas conservare videbit; unde in eo situ Saturnus stationarius apparebit.

*Quando
stationa-
rius vide-
tur.*

At Tellure in D translata, & Saturno oppositum Solis
Pun-

punctum X tenente, videbitur is locum in Zodiaco V occupare, & per arcum P Y regressus. Unde liquet, Planetas, cum Soli opponuntur, semper retrogrados conspici, & in Antecedentia, seu contra signorum seriem, motu apparenti ferri. Ad A autem rursus delata Tellure, & Saturno circa Z hærente, denuo in statione sua in puncto scil. N permanere apparebit Planeta; & tandem cum Tellus hunc situm reliquerit, Saturnus rursus progredi & in directum moveri conspicietur.

Quæ de Saturno hic ostensa sunt, eadem de Jove & Marte intelligenda sunt; qui nunc progredi, nunc stare, mox regredi deinde stare, & denuo progredi conspiciuntur. Saturni autem regressiones frequentiores sunt quam Jovis, exinde quod Tellus Saturnum Planetarum lentissimum sæpius assequatur, quam Jovem non paulo velociorem. Quin ob eandem causam Jovis quoque regressiones frequentiores sunt quam Martis, quia scil. Mars velocior Jove latus, majus spatium percurrit & opus erit, ut longiore tempore ad oppositum Solis perveniat, quam in Jove requiritur.

Sit A C portio orbitæ Terræ, quam tangit recta A N, in qua è Tellure ponamus conspici Planetas superiores, scil. Mars in σ videatur, Jupiter in π , & Saturnus in η , sitque K L M N portio Zodiaci. Erit Martis locus è Sole visus K, qui est locus verus & Heliocentricus; at cum Tellus sit in A, ex illo loco Mars ad Zodiaci punctum N referetur, quod dicitur ejus apparens locus. Similiter Jupiter è Sole visus in L conspicitur, qui est ejus locus verus, at è Tellure ad punctum N refertur. Eadem ratione Saturni verus locus, qualis ex Sole orbitæ suæ centro conspiciendus est, erit in M, at locus apparens è Terra visus est in Zodiaci puncto N. Arcus K N L N M N, differentia scil. inter locos apparentes & veros dicuntur Parallaxes orbis annui in his Planetis. Per Solem S ducatur S O \perp A N parallela, eruntque per 29. El. primi anguli A σ S, A π S, A η S singuli respectivé æquales angulis K S O L S O & M S O, quorum mensuræ sunt arcus K O, L O & M O. Est vero angulus A N S æqualis angulo N S O, cujus men-

Parallaxes
orbis An-
nui Plane-
tarum.
TAB. 11.
fig. 2.



mensura est arcus NO, qui itaque erit mensura anguli ANS, sub quo semidiameter orbitæ Terræ à Cælo videtur, sed AS semidiameter orbitæ Terræ respectu distantiae Cæli, seu Fixarum evanescit; nam illa è Fixis conspecta sub nullo fere angulo videtur: evanescit igitur in cælo angulus NSO, huicque proportionalis arcus NO, & proinde coincidere videntur puncta N & O, & arcus KO, LO & MO minime different ab arcubus KN, LN & MN, qui itaque erunt mensuræ angulorum AOS AAS AAS. At illi anguli sunt ut apparentes semidiametri orbitæ Telluris ex Planetis singulis visæ. In singulis itaque Planetis superioribus Parallaxis orbis annui est ubique ut angulus, sub quo semidiameter orbis magni per Terram transiens, è Planeta videtur; & quo propior Planeta ad Tellurem vel Solem accedit, eo major fit ille angulus. Hinc Parallaxis in Marte major erit illa Jovis; sicuti in Jove Parallaxis annua major erit quam in Saturno. At in stellis Fixis nulla deprehenditur Parallaxis orbis annui.

Anguli AOS AAS AAS sunt quam proxime maximæ Elungationes Telluris à Sole è respectivis Planetis visæ; in Marte adæquat hic angulus 42 gr., adeoque Tellus è Marte conspecta minus digreditur à Sole quam Venus à nobis visa. In Jove maxima Elongatio Telluris à Sole videtur gr. II, quæ est circiter semissis Elungationis Mercurii maximæ à nobis conspiciendæ. In Saturno Angulus hic, seu Elungatio Telluris à Sole maxima minor est sex gradibus, & quarta circiter pars Elungationis Mercurii à nobis visæ, cumque Mercurius raro admodum se nobis conspiciendum præbet, rarissimus è Saturno erit Telluris nostræ conspectus, & fortasse Saturniis Astronomis nondum innotescit, Globum Telluris nostræ in rerum natura existere.

Retrogradationes, in Marte majores, quam in Jove, majores, quam in Saturno.

Hinc manifestum quoque est, Retrogradationes in Marte, majores esse quam in Jove, necnon majores in Jove, quam in Saturno, idque ob duplicem causam, tum quod Mars Telluri propior sit quam Jupiter, & is quam Saturnus, tum quod velociore motu ferantur.

Ex data in quovis Planeta Parallaxi orbis annui, facile in-



innotescet ejus distantia à Sole respectu distantiae Telluris ab eodem . Nam quoniam in Marte datur angulus $A \text{ et } S$, quem metitur arcus Parallaxis annuæ , & angulus $\text{et } A S$; Elungatio Planetæ à Sole , observatione aut calculo cognita , si fiat ut sinus Parallaxis annuæ ad sinum Elungationis Martis à Sole , ita $S A$ distantia Telluris à Sole ad $S \text{ et } S$ distantiam Martis ab eodem , illa dabitur . Hæc Parallaxis orbis , quæ Planetæ nunc citius , nunc tardius in Cœlo videntur ferri , & nunc in Orientem promoveri , nunc in Occidentem retrahi conspiciuntur , producit in motibus eorum inæqualitatem , quæ ab Astronomis inæqualitas secunda & Optica dicitur , ut distinguatur à prima , quæ Planetis revera inest , quæ inæquali motu in orbitis suis feruntur : in oppositionibus aut conjunctionibus Planetarum cum Sole inæqualitas illa seu Parallaxis evanescit , & idem est locus Planetæ Geocentricus qui Heliocentricus , seu qui ex Sole videtur .

Dantur Planetarum distantia à Sole ex data Parallaxi orbis annui .

Inæqualitas secunda & Optica quid ?

Planetarum duo extremi amplo satis donantur Satellitio , nam Jupiter non paucioribus quam quatuor comitibus stipatus incedit , Saturnus quinque ; mirum & jucundum spectaculum ; hi instar Lunæ nostræ , primarios suos in Circulationibus circa Solem perpetuo comitantur , & interea circa primarios gyros describunt , unde ex Primariis conspecti easdem subeunt Phases , quas nobis Luna exhibet . In Oppositionibus cum Sole fulgidi & pleni apparent ; exinde discedentes gibbosi , cumque veniunt ad quadratum cum Sole , aspectum dimidiati ; ante conjunctionem corniculati , & in ipso cum Sole coitu prorsus evanescent .

Jovis & Saturni Satellites .

E Terra visi hi Satellites , quamvis nunquam è Primario suo longe recedant , nunc tamen ei propius admoveri , nunc ab illo digredi conspiciuntur . Sit $A B T$ orbita Terræ in cujus medio est Sol , $S F$ sit portio orbitæ Jovis , in qua sit Jupiter in π , qui residet in centro quatuor circulorum , quos quatuor Comites , seu Lunæ circa ipsum describunt . Lunæ hæ quando inferiores orbitarum partes $L N M$ describunt , è Sole vel Terra conspiciuntur , versus Occidentem tendere videntur , at dum orbitarum partes superiores $G H K$ percurrunt , in Orientem secundum veros ipsorum motus pro-

TAB 31.
fig 3.

progredi conspiciuntur. Et cum ad Orientem tendunt Lunæ bis occultantur, semel quidem in O ab interpositis Jovis corpore, quod in recta est inter Terræ & Jovis centra, iterumque in Umbra Jovis evanescere videntur comites, quæ occultationes propriè Lunarum Eclipses sunt, quæ nunquam contingunt, nisi quando inter eas & Solem Jupiter directe interponitur, hoc est momento Plenilunii, Solis lumine privantur, sicuti Luna ex Terræ interpositione ob eandem causam deficit.

Quando Jupiter est Sole orientior, & vespertinus apparet, hoc est cum Tellus in A, prius latent pone Jovem, ob conjunctionem visam cum corpore Jovis, priusquam in Umbra incurrant, deinde ab Umbra Jovis deliquia patiuntur. At quando Jupiter est Sole occidentior, hoc est post ejus conjunctionem cum Sole, ubi is mane apparet, hoc est, quando Tellus circa B versatur, prius in Jovis Umbra incurrunt Lunæ ad V, quam ab ejus corpore occultantur in P, cum autem retrogradæ sunt Lunæ, id est quando tendunt ad Occidentem seu Inferiores orbitarum partes percurrunt, tunc semel tantum absconduntur, ut in Q, cum ab ipsius Jovis corpore distinguere non possunt, at quando è Sole conspectæ in conjunctione cum Jove inferiore videntur, seu quando Jovis Incola eas Soli jungi conspiciunt, earum Umbræ in Jovem incidunt, & aliqua pars Disci Jovis Eclipsim exinde patitur, & qui sub Umbra degunt, Solem eclipsari videbunt. Harum Lunarum tam Jovialium quam Saturniarum Periodi & distantie à primariis eæ sunt, quæ ad finem Lectionis Tertiæ à nobis traditæ sunt.

Per Eclipses Jovialis Parallaxis orbis annui, & distantia Jovis à Sole determinatur.

Ex harum Lunarum motibus & Eclipsibus, Parallaxis orbis annui, & distantia Jovis à Sole optime innotescit. Sit P O R orbita cujusvis satellitis v. gr. extimi, sitque Tellus in orbitæ suæ puncto A: oportet observare tempus, quando post Jovem latet satelles in O; quod ut fiat, observetur momentum, quando primo videri desinit, atque iterum momentum, quo conspici incipit, momentum inter hæc medium erit momentum temporis, quando in recta per Jovis

vis

vis & Terræ centra transeunte locatur; similiter observetur Tempus, quando Satelles est in medio Eclipsis, quam ab Umbra Jovis patitur, scil. quando est in V, ex quibus dabitur tempus, quo arcum O V describit; & cum motus ejus circa Jovem æquabilis sit, exinde habebitur arcus O V, nam circa Jovem revolutionem absolvit hic satelles horis 402. Supponamus tempus, quo Satelles ex O ad V movetur esse duodecim horarum. Fiat ut 402 horæ ad horas 12, ita 360 gr. ad quartum, qui invenietur 10 gr., min. 44; est itaque arcus O V æqualis grad. 10, min. 44. At est arcus O V mensura anguli O \angle V, seu huic æqualis A \angle S, cujus mensura est Parallaxis orbis annui, quæ proinde innotescet. In Triangulo igitur A \angle S datur angulus ad \angle ; & præterea angulus ad A Elongatio Jovis à Sole ex Terra visa, quem Astronomos tum ex calculo, tum ex observatione cognoscere posse certum est; datur præterea latus A S distantia Terræ à Sole, quæ ponatur 100000, cum igitur in hoc triangulo dantur omnes anguli, & unum latus; dabuntur per Trigonometriam reliqua latera, hoc est latus S \angle distantia Jovis à Sole, & latus A \angle distantia Jovis à Terra. Verum, ut hæc exacte habeantur, opus est pluribus accuratisque observationibus, iisque optimo telescopio peractis.

Per Stellarum Jovialium Eclipses solvitur Problema totius Physicæ nobilissimum, quod dignitatis & admirationis plurimum in se habet; Num scil. *Lucis motus sit instantaneus, aut successivus?* Ex his enim Eclipsis demonstratur, Lucem non in instanti propagari, motu tamen admodum pernici, & celeritate incredibili ab astris ad nos pervenire.

Lucis motus non est instantaneus.

Nam si Lucis motus instantaneus esset, cum Tellus est in T à Jove maxime remota, eodem momento videretur Eclipsis satellitis ac si esset in X Jovi proxima; nam secundum hanc hypothesin Lux eodem momento, per spatia indefinita propagatur, sin Lucis propagatio sensibilem aliquam temporis moram requirat, observator ad X distantia X T, quæ diametro orbis magni æqualis est, erit Jovi propior quam observator in T locatus, citiusque Eclipsim videbit, quam qui ex T illam aspicit, uade ex intervallo temporis, di-

distantiæ $X T$ proportionato radorum velocitatem æstimare licebit. Atque ita se res habet, nam quotiescunque Terra Jovi propior accedit, Satellitum Eclipses citius incipiunt, quotiescunque Terra ad T à Jove recedit, Eclipses serius conspiciuntur, quam per computationes factas fieri debent. Hæ quidem anticipationes, & prolongationes Eclipsium Satellitum, per plurimos annos observatæ, à *Domino Romero* primùm adhibitæ fuere ad successivam Lucis propagationem statuendam, Lucemque eadem ratione, qua reliqua omnia corpora mota determinato quodam velocitatis gradu propagari evincunt; cui sententiæ plerique Astronomi & Philosophi assensum præbuere.

Lucis itaque particula, etsi indefinite exigua, motu progressivo rectilineariter feruntur, & non per undas medii alicujus defunduntur, Lucis velocitatem talem esse statuit *Romero*, ut à Sole ad nos spatio undecim minutorum perveniat, at distantia illa inter Solem & nos quinquaginta millies millenis passibus non minor est, quod spatium tantillo tempore percurrit Lux, ut ejus velocitatem satis admirari non possumus, quæ corporum velocissimorum celeritates in immensum superat, & quamvis Tellus celeri admodum motu circa Solem feratur, ejus tamen velocitas ad velocitatem Lucis comparata non majorem habet rationem, quam motus testudinis ad illam Terræ velocitatem.

Per easdem Eclipses determinantur Locorum Longitudines.

Ex Eclipsibus Jovialibus hoc etiam commodi nobis derivatur, quod ex iis in diversis Terræ locis observatis, locorum Longitudines determinantur, sed ut hæc methodus determinandi locorum Longitudines clarius vobis elucescat, quædam hic præmittenda sunt.

Si per Terræ polos & locum quemlibet in ejus superficie, traduci supponatur circulus maximus, hic circulus, ob revolutionem Telluris diurnam, circa Axem Telluris, etiam vertitur, cumque ejus planum per Solem transierit, ab omnibus incolis, qui sub illo degunt, Sol in illo existere videbitur, iisque Meridiem efficit; ob quam causam circulus hic Meridianus dicitur, si autem sit alter Meridianus versus Occidentem positus, qui cum priore angulum quindecim graduum

duum constituat, hic una hora serius ad Solem appellet, quam prior; adeoque cum Incolæ, qui sub posteriore Meridiano degunt, numerant mediam diem, seu horam duodecimam; prioris Meridiani incolæ horam primam post meridiem numerabunt. Similiter si Meridianorum angulus sit triginta graduum, hoc est cum arcus Æquatoris inter Meridianos interceptus sit 30. grad., quando sub occidentaliore Meridiano est Meridies, sub orientaliore numerabitur hora secunda post meridiem. Atque ita pro singulis quindecim gradibus, quibus Arcus Æquatoris inter Meridianos interceptus constat, tot numerantur horæ, quibus incolæ sub Meridiano orientaliore anticipant horas, quæ sub occidentaliore Meridiano numerantur. Et similiter pro singulis gradibus Æquatoris numerabuntur quatuor minuta Temporis, proque singulis quindecim minutis unum temporis minutum numerabitur, v. gr. si arcus Æquatoris inter Meridianos interceptus sit 85. grad.; dividendo 85 per 15, quotiens 5; monstrat, sub meridiano orientaliore numerari horam quintam cum quadraginta minutis, quando incolis sub occidentaliore sit Meridies; & quando sit Meridies incolis sub Meridiano orientaliore degentibus, occidentales numerabunt horam sextam matutinam cum viginti minutis, & differentia inter horas in diversis his locis numeratas semper manet 5 & 1, si arcus inter meridianos interceptus sit 85 graduum.

E contra datâ differentiâ horarum, quæ in locis pro eodem temporis momento numerantur, dabitur exinde Arcus Æquatoris inter Meridianos locorum interceptus; qui Arcus differentia Longitudinum locorum dicitur, quando scil. Longitudines ab aliquo primo Meridiano computantur, habetur autem arcus ille multiplicando horarum differentiam per 15, & productus dabit gradus, & si minuta quoque temporis multiplicentur per 15, & productus si superet 60 dividatur per 60; quotiens & residuum dabunt gradus & minuta, qui prioribus additi conficiunt differentiam Longitudinum locorum. Exempli gratiâ, horarum differentia sit 7 & 22 minuta prima; 7 per 15 multiplicatus facit 105, & 22 in 15 ductus efficit minuta 330, seu quinque gradus &

30 min. ; unde Longitudinum differentia tota erit 110 grad. m. 30. Hisce præmissis

Si in duobus diversis locis observetur initium Eclipses ejusvis è Jovialibus , & notentur horæ , quibus in diversis locis accidit Eclipsis , Horarum differentia , si in gradus & minuta Æquatoris vertatur , dabit differentiam Longitudinum locorum .

Si habeantur Ephemerides motuum & Eclipsium Jovialium pro Meridiano alicujus loci accuratè supputatæ ; vice observatoris in uno locorum , Ephemerides sunt consulendæ , hora & horæ scrupula , quibus initium vel finis Eclipses accidit , ex iis sunt eximenda , & tempus in loco dato comparatum cum hora loci , in quo observatur Eclipsis , dabit horarum differentiam , & exinde Longitudo loci innoscescit .

Longitudo quoque habetur per observationem Eclipses Lunaræ , aut appulsus Lunæ ad aliquam Fixam , sed hæ Phases rariùs conspiciuntur , quàm Eclipses Satellitum Jovis .

In Terra & Solo stabili facile observantur Eclipses ; & si idem in mari præstare licuerit , Ars Nautica esset fere perfecta ; & nulli ferè errori obnoxia : verùm in mari , Motus & Jactationes navis omnem observationem Eclipsium impediunt . Adeoque si aliquis methodum traderet , qua Longitudo navis in medio maris quovis tempore inveniri possit , is solveret Problema Nautis exoptatissimum , & Reipublicæ adeo utile , ut sanctione Senatus nuper facta , Præmia larga inventori tribuenda sint : exinde plurimi ingenia sua in illo excolendo exercuere & torlere . At nemini hætenus palmam in medio positam rapere licuit , etsi varias vias methodosque tentaverunt & proposuerunt , & plurimi suarum inventionum amore capti , rem à se confectam existimantes , præmia postulaverunt , quorum tamen plerique nesciebant demum quid sit Longitudinem invenire .

LECTIO XVII.

De Cometis.

PRÆTER Planetas ordinarios, qui semper in vicinia nostra discurrunt, est & aliud quoddam Planetarum genus, *Cometa Planetarum genus.* qui temporanei appellari merentur, utpote aliquando in nostro cœlo sunt conspicui, & post aliquod apparitionis tempus rursus à nostro visu se subducunt. Eos in cœlesti regione collocabant veteres philosophi & longè supra Lunam evehebant: Nam testibus Aristotele, Senecâ, Plutarcho aliisque, Pythagorici & Italica secta asserebant, Cometam esse unam ex stellis errantibus, sed longis post temporum intervallis apparere. Idem sensit Hippocrates Chius, ut ex eodem Aristotele constat. Idem quoque sensit Democritus, ut auctor est Seneca in Naturalium questionum lib. VII. cap. 3, sic enim inquit; Democritus subtilissimus antiquorum omnium, *susplicari ait se, plures stellas esse, quæ currunt*, intelligens Cometæ. Sed nec numerum illorum posuit, nec nomina, nondum comprehensis quinque siderum cursibus. Et rursus Seneca dicit, Apollonium Myndium peritissimum inspicendorum naturalium asserere, Cometæ in numero Stellarum errantium poni à Chaldæis, tenerique cursus eorum. Apollonius ipse aiebat, quod proprium Sidus est Cometæ, sicut Solis & Lunæ. Cæterum non est illi palam cursus. Altiora mundi secat, & tum demum apparet, cum in imum cursus sui venit. Huic sententiæ accedit ipse Seneca. Non existimo, inquit ille, Cometem subitaneum esse ignem, sed inter æterna opera Naturæ. Cometæ habet suam sedem, & ideo non citò expellitur, sed emetitur spatium suum, nec extinguitur, sed excedit. Si erraticæ, inquit, Stella esset, in Signifero esset, sed quis unum Stellis limitem ponit? Quis in angustum divina compellit? Nempe hæc ipsa, quæ sola moveri credis, alios & alios circulos habent; quare ergo non aliqua sunt, quæ in proprium iter & ab istis remotum secesserint? Ut verò cognoscantur, necessarium *Seneca opinio de Cometis.* esse dicit, veteres ortus Cometarum habere collectos, deprehendi enim propter raritatem eorum cursus adhuc non.

potest, nec explorari an vices servent, & illos ad suum diem certus ordo producat. Tandem sic vaticinatur; Veniet Tempus, quo ipsa, quæ nunc latent, dies extrahet & longioris ævi diligentia. Ad inquisitionem tantorum ætas non una sufficit. Veniet tempus, quo posterit nostri tam aperta nos nescisse mirabuntur; erit qui demonstret aliquando, in quibus Cometæ partibus errant, cur tam seducti à cæteris cant, quanti qualesque sint.

Peripatetici Cometæ inter meteora numerant.

Sed his non obstantibus tota Peripateticorum secta metuens, ne generationes & corruptiones in cœlis admitterentur, Cometæ inter sublunaria corpora posuit, illosque esse Meteoron genus contendit. Sed ne hic locus iis concedatur, repugnant eorum Phænomena, nam non in aere nostro illos generari exinde patet, quodd longè supra aerem evehuntur; in locis enim Telluris maximè diffitis eodem temporis momento videntur; quod ob humilem aeris locum nulli corpori aërio contingere potest.

Cometæ non sunt aërii.

Cometæ sunt supra Lunam.

At non tantum supra aerem, sed etiam supra Lunam ascendere Cometæ, exinde constat, quodd ex diversis locis visæ eandem ferè observantur sortiri distantiam à Stella aliqua vicina. Exemplum sit Cometæ ille, quem Tycho Brahe Uranoburgi, & Hagecius Pragæ in Bohemia eodem tempore observarunt, quæ duo loca latitudine differunt sex gradibus, & præterea sunt ferè sub eodem Meridiano. Uterque observabat, quantum Cometa distabat à Stella, quæ Vultur appellatur, id est quot Gradibus esset infra eam, erat enim in eodem verticali cum illa, & uterque reperit, eandem esse distantiam, & consequenter uterque inspexit illum in eodem cœli puncto, quod fieri non potuit, nisi Cometa esset supra Lunam.

*Demonstratur Cometæ esse supra Lunam
TAB. 32.
fig. 1.*

Circulus A B G exponat orbem Terræ, in quo sit A Uranoburgum, B oppidum Pragæ, D locus Cometæ. Sit F C E Fixarum cœlum, & F Stella Vulturis. Ex Uranoburgo locus Cometæ ad punctum E in cœlo refertur, ejusque distantia à Vulture erit F E; ex Praga autem spectatus Cometa in C videbitur, distabitque à Vulture arcu F C, qui arcu F E erit minor; verùm deprehensum est, Cometam ex duobus

bus

bus hisce locis visum eandem obtinuisse distantiam visibilem à Stella Vulturis, arcus proinde FE, FC fuisse æquales. Tanta itaque est distantia Cometæ à Tellure, ut arcus CE evanescat. Ad hoc non quidem Lunæ contingit, adeoque longior abest à nobis Cometa, quàm Luna.

Ex centro Telluris viso Cometa, locus ejus in cœlis est G, at ex Terræ superficie in A spectatus locum E occupare videtur. Prior dicitur locus ejus *verus*, posterior *visus*, & distantia GE, quæ humilior apparet dicitur Parallaxis, eâ semper deprimitur Phænomenon versus Horizontem. Est autem Parallaxis Phænomeni, ut superius dictum fuit de Luna, semper æqualis angulo sub quo semidiameter Terræ per locum transiens è Phænomeno videtur.

*Cometa
locus veri-
tus, vi-
sus, Pa-
rallaxis.*

Quod si nulla fuerit Parallaxis sensibilis, neque angulus, sub quo semidiameter Telluris è Cometa apparet, erit sensibilis. Adeoque oportet, ut Cometa longissime à Tellure distet; nempe ut diameter Terræ, ut punctum ex Cometa videatur.

Unico filo in tantæ subtilitatis negotium advocato, Parallaxis, si modo sit sensibilis, deprehendi potest. Nam cum Cometa in fine apparitionis adeo lentescat proprio motu, ut vix incedere videatur, bis observandus est per filum hoc modò; primò, cum valde ab Horizonte sublimis fuerit, notentur binæ stellæ ei viciniores, inter quas ipse sit collocatus in recta linea, quæ sit Horizonti parallela, quod per filum indirectum stellis assumptis expositum, atque oculis prætensum experiri oportet. Postea cum occisurus prope Horizontem fuerit, iterum prætenso filo, expendendum est, an in eadem recta linea cum iisdem stellis videatur; nam si Parallaxis adsit sensibilis, quæ deprimit sidus, non in eadem recta, quæ Stellas conjungit, apparebit; sin secus, & in eadem positione quoad Stellas maneat, indicium est, Cometam nullam subire Parallaxim, & longissimè à nobis distare. Nec quicquam hic à refractione timendum est, quæ prope Horizontem solet sidera supra verum eorum locum elevare, quia hæc ipsius halucinatio, tam Stellas quàm Cometas æqualiter elevabit, ac proinde eorundem mutuam distantiam ac-

Deprehensio Parallaxis Cometarum.

positionem non mutabit refractio.

Alia methodus invenienda Parallaxe:

Observari etiam potest Cometa juxta Horizontem ortivum intra binas Stellas, in circulo Horizonti perpendiculari, & postea cum sublimior evaserit, & non in eodem verticali cum dictis stellis, si apparuerit in eadem rectitudine, nullam patietur Parallaxim, & proinde in alto cœlo spatia-
tur; si verò assumptis stellis fuerit depressior quàm in recta linea fieri debet, habet Cometa Parallaxim. Quod si in his observationibus adsit Cometæ motus proprius, is detrahendus erit pro ratione ejus, & temporis à prima observatione usque ad secundum elapsi.

Cometa Parallaxi orbis annui sunt obnoxii.

** Vide Newtoni Principia lib. 3.*

* Ut Defectus Parallaxis diurnæ extulit Cometæ supra regiones Lunares, sic ex Parallaxi orbis annui evincitur eorum descensus in regiones Planetarum. Nam Cometæ, qui progrediuntur secundum ordinem signorum, sunt omnes sub exitu apparitionis aut solito tardiores, aut retrogradi, si modo Terra sit inter ipsos & Solem, aut iusto celeriores, si Terra vergat ad oppositionem, hoc est, si in conjunctione cum Sole videantur, uti fieri in Planetarum motibus observamus. E contra qui pergunt Cometæ contra ordinem signorum, sunt iusto celeriores in fine apparitionis, si Terra versatur inter ipsos & Solem, aut iusto tardiores aut retrogradi, si Terra sita sit ad contrarias partes. Contingit hoc maximè ex motu Terræ in vario ipsius situ; perinde ut sit in Planetis, qui pro motu Terræ vel conspirante, vel contrario, nunc retrogradi sunt, nunc tardius progredi videntur, nunc verò celerius.

Quando Cometa retrogradus videtur. Quando directus, & iusto tardior. Quando iusto celerior.

Si Terra pergat ad eandem partem cum Cometa, & motu angulari tantò celerius feratur circa Solem, ut recta per Terram & Cometam perpetuò ducta convergat ad partes ultra Cometam, Cometa is è Terra spectatus ob motum suum tardior, apparet esse retrogradus. Sin Terra tardius Cometâ feratur, ille (detrahto motu Terræ) tardius incedere videbitur. At si Terra pergat ad contrarias partes, Cometa exinde velocior apparebit.

Idem colligitur ex curvatura viæ Cometarum. Pergunt hæc corpora propemodum in circulis maximis, quamdiu
mo.

moventur celerius, at in fine cursus, ubi motus apparentis pars illa, quæ à Parallaxi oritur, majorem habet proportionem ad motum totum apparentem, deflectere solent ab his circulis, & quoties Terra movetur in unam partem, abeunt in contrariam: oritur hæc deflexio maxime ex Parallaxi orbis annui, propterea quod respondet motui Terræ, & insignis ejus quantitas observata ostendit, Cometæ esse satis longè infra Jovem collocandos, ubi consequens est, quòd in Perigeis & Periheliis; ubi propius adsunt, descendunt sæpe infra orbem Martis & inferiorum Planetarum.

A Terra recedentibus & ad Solem accedentibus Cometis, augetur eorum splendor & lux, quamvis ob auctam eorum distantiam minuitur apparens diameter.

Cometarum figuræ variæ sunt; alii enim crines undique in orbem vibrant, qui Criniti & Cincinati appellantur; alii autem ad partem cœli Soli oppositam barbam aut caudam radiosam emittunt, hique Barbatî, Caudatique dicuntur. Varia observata fuit Cometarum quoque magnitudo. Plerique, seclusâ comâ, quando maximî videntur, stellas tantum primæ aut secundæ magnitudinis adæquant. At multò majores apparuisse testantur auctores, qualis fuit ille, qui Neronis tempore affulsit, & auctore Seneca Soli magnitudine non cedebat. Sic ille, quem Hevelius observavit Anno 1652, Lunâ non minor apparuit, luce tamen & splendore multum Lunæ cedebat, nam lumine suo pallido & obtuso tenebricosum & tristem aspectum præbuit. Cinguntur Cometæ plerique densâ & caliginosâ Atmosphærâ, quæ Solis lucem retundet, intus tamen conspicitur Nucleus, qui dissipatis nubibus, quasi corpus Cometæ solidum aliquando lucidè splendet.

Cometæ, cum tam longè à Terra distent, motum illum apparentem ab Oriente in Occidentem ex vertigine Telluris ortum, & omnibus sideribus communem habebunt. Præter hunc motum est & alius illis proprius, quo non in eodem Cœli loco hærent, sed ab eo, in quo primum affulserunt, quotidie recedunt, & per spatia cœlestia vagantur. Qui motus veteribus etiam cognitus fuit, nequaquam enim eos

Cometarum Figuræ variæ, & variæ magnitudines.

Cometæ motu communi in Occidentem ferri videntur. Cometarum motus proprius.

inter errantia Sidera numerassent, nisi eos Planetarum instar, peculiari cursu errabundos cognovissent. Seneca motum hunc agnovit, & observavit, per lineam in cœlo rectam fieri, seu, ut loquuntur Astronomi, per circuli maximi portionem; lib. enim septimo naturalium Quæst. cap. 8, Cometarum dicit cursum lenem & compositum esse, qui destinatum iter carpit; non confuse aut tumultuose eunt Cometæ, ut aliquis credat, causis turbulentis & inconstantibus pelli. In capite 29. meminit duorum Cometarum; quorum unus intra sextum mensem dimidiam Cœli partem transcurrit. Alter Claudianus, à Septentrione primum visus, non desit in rectum assidue celsior fieri, donec excessit.

*Modus explorandi
cursum co-
metæ in cœ-
lis.*

TAB. 32.
fig. 2.

Si habeatur globus cœlestis, in ejus superficie Stellæ recte sint collocatæ & depictæ, hac arte Mechanica, via Cometæ in cœlis explorari potest. Assumantur quotidie Stellæ quatuor Cometam circumstantes, ita ut is sit in concursu duarum linearum, quæ oppositas stellas jungant, quod per filum oculis præsentum, atque assumptis stellis & Cometæ objectum examinari potest, quod in tanto Fixarum numero observare facile erit. Sit v. gr. Cometa in A in medio quatuor stellarum B C D E, ita ut filum per duas B D & Cometam transeat, similiterque filum transeat per Cometam duasque Stellas C E. In globo igitur, quo hæ quatuor stellæ sunt locis suis depictæ, extendantur duo fila per binas & binas stellas, & in communi filorum concursu invenietur Cometæ locus. Sic quotidie fiat, & pro singulis diebus loca notentur; atque hinc manifestè Cometæ via, seu cursus apparebit in cœlis, qui deprehendetur esse circulum maximum; omnia enim puncta notata in eadem peripheriâ circuli maximi invenientur. Datis autem duobus hujus circuli punctis, datur ejus inclinatio ad Eclipticam, & Nodorum loci, scilicet ubi extensum filum Eclipticam fecat.

*Alia me-
thodus ob-
servandi
cursum
Cometæ.*

Aliter etiam via Cometæ propria invenitur observando ejus distantiam quotidie à duabus Stellis, quarum distantia, longitudines, & latitudines notæ sunt, ex quibus dabitur locus Cometæ in cœlo, quæ loca postea in globo cœlesti notata manifestè ostendent cursum Cometæ è Tellure visum esse in por-
tio

ione Circuli maximi, nisi per motum Terræ ille aliquantum exinde deflectere videretur. Distantiæ Cometæ à vicinis stellis, accipi possunt per Quadrantem, aut Sextantem, ita situm, ut ejus planum simul per Cometam & Stellam transeat, & Dioptra una Stellam, altera Cometam aspiciens, gradus in circumferentia inter utramque interceptos manifestabunt.

Hinc manifestum est, Cometæ moveri in plano, quod per oculum Spectatoris, seu potius per Solem transit, nam *Mouentur Cometa in plano per Solem transseunt.* motus omnis visibilis, qui in illo plano peragitur, semper in Peripheria circuli maximi fieri conspicitur. Regularis præterea & maxime proportionatus est Cometarum motus, qui quamvis inæqualis sit, summa tamen regularitas in ipsa inæqualitate continuè observatur.

Proprius hic Cometarum motus non est idem in omnibus, sed varius; nam alii ab Occidente in Orientem tendunt, aliorum è contra motus fit in Antecedentia, & cursui Planetarum contrarius; omnes diligenter observati deflectunt ad Boream vel ad Austrum; idque varie, neque Planetarum more comprehenduntur in Zodiaco, sed inde migrant, & motibus variis, in omnes cœlorum regiones feruntur alii celerius, alii tardius. Summa celeritas à Regiomontano observata fuit, qua Cometa uno die peregit gradus quadraginta. Nonnulli sunt in initio velociore, quàm in fine, alii in principio, & fine apparitionis tarde moventur, in medio velocissime feruntur.

Deprehensum est, quòd in nonnullis Cometis, antequam penitus disparuerint, in ultimis scil. apparitionibus, non adeo præcisè in circulo maximo inceserunt, sed aliquantulum ab isto tramite deviarunt; angulus enim orbitæ Cometæ & Eclipticæ in provectione ætate diversus fuit observatus, quàm cum ab ortu adhuc recens fuit; sed deviatio hæc apparens, non ex motu Cometæ, sed ex Telluris motu ortum trahit; ut in superioribus & inferioribus Planetis evenire solet, quorum distantia ab Ecliptica varia videtur, pro diversâ positione Telluris, cum interim ex Sole spectatus Cometa circulum maximum exactissimè describere videbitur.

*Deviatio
visæ Comete à Circulo maximo.*

*Vera Co-
metarum
semita.*

Quamvis Cometæ motus videatur plerumque in circulo maximo, semita tamen ejus à circulo diversa & varia esse potest, scil. vel linea recta, Elliptica, Parabolica, aut Hyperbolica, vel alia quævis in eodem plano descripta. Nam omnis motus in quacunque semita, qui in plano per oculum transeunte peragitur, in circulo maximo fieri conspicitur. Philosophi plurimi & Astronomi motum rectiligneum illis tribuerunt. Quæ tamen eorum phænomenis optime convenit semita, Parabolica aut Elliptica videtur, & quidem si in Ellipticis ferantur orbitis, eæ maximè excentricæ sunt, & majores Axes ad minores magnam obtinent proportionem; qua ratione multum à Planetis differunt, qui orbitas Ellipticas quidem, at non multum excentricas, sed ad circuli formam accedentes describunt. Sol autem in communi omnium orbitalium tam Planetarum, quam Cometarum foco existit; & eadem lege circa illum moventur Cometæ, qua Planetæ, describendo scil. Areas temporibus proportionales; unde necesse est, ut similiter ac Planetæ in Solem sint graves.

*Cometæ
quando vi-
sibiles, &
quando in-
visibiles.*

Cum Cometæ in inferioribus orbitalium partibus versantur, seu cum versùs Solem descendant, vel ab illo ascendant, tunc solùm fiunt conspicui, & deinde à Sole recedentes, in longinquas regiones abeunt, & ex nostro conspectu sese subducunt; nam ob eorum à Sole recessum, minuitur lux, quam ab illo recipiunt, & ob auctam à nobis distantiam, minuuntur quoque apparentes diametri, donec tandem insensibiles evadunt. In Apheliis, ubi in longinquas admodum excurrunt regiones, ob tantam orbitæ excentricitatem tardissime incedunt; in Periheliis ubi Soli vicini sunt incitatissimo feruntur motu.

TAB. 32.
fig. 3.

Sit S Sol, APDG orbita Cometæ Elliptica, T C E orbita Terræ. Si ponamus semiaxem Ellipseos orbitæ Cometæ centies majorem distantia media Telluris à Sole, Cometæ ille periodum circa Solem non nisi mille annis absolvet, nam quadrata Temporum periodicorum Telluris & Cometæ, debent esse cubis distantiarum à Sole mediarum proportionalia. Et Cometæ in conspectum nostrum non veniet, nisi com-

ver-

versus Solem descendendo, propius ad Tellurem accesserit, ut in F, deinde post decessum à Perihelio à Sole continuo ascendens Cometa, circa G tandem evanescere incipit; & si Aphelii distantia sit ad distantiam Perihelii à Sole, ut 1000 ad 1, erit velocitas Cometæ in Perihelio ad velocitatem in Aphelio in eadem ratione, nam debet Area A S B æqualis esse Areae DSP, si modo arcus AB, DP sint temporibus æqualibus descripti; Velocitas vero circa Solem angularis erit in ea ratione duplicata; adeoque cum Cometa in Perihelio, gradum unum motu angulari absolverit, in æquali tempore, ubi in Aphelio versatur, non nisi gradus partem ¹⁰⁰⁰ percurreret, & ibi lentissimè circulando plures requiruntur anni, ut unum gradum absolvat.

Cum Ellipses, quas describunt Cometæ, sint admodum excentricæ, illarum portiones, in quibus è Tellure videntur moveri, pro Parabolis haberi possunt; nam si Ellipseos focus, in infinitum alteruter ab altero secedat, vertetur Ellipsis in Parabolam, sicut coeuntibus focus Ellipticis in circumulum mutatur; unde illorum calculus fit facilior. Ex illa enim hypothese tabulam construxit peritissimus Geometra & Astronomus *Hallejus*, qua Cometarum motus facillimè computentur, & ex illa Theoria ipse plurimum Cometarum motus calculo subjecit, & cum observatis tam accuratè congruere,prehendit, ut eorum differentia rarè ad tria minuta prima excurrat. Quibus Exemplis abundè satis manifestum est, quod motus Cometarum ex hac Theoria non minus accuratè exhibetur; quam solent motus Planetarum per eorum Theorias; quorum loca computata, ab observatis non minore quantitate distare invenimus. Et licet Cometæ longe majorem motuum inæqualitatem obnoxii sint quam Planetæ; hæc tamen Theoria ipsorum motibus visis optimè respondet; unde cum iisdem innititur legibus, quibus Planetarum Theoriæ fundantur, eademque causæ Physicæ in utrosque agent, & cum accuratis Astronomorum observationibus exactè congruat; non potest esse non vera.

Quamvis Planetæ omnes ab Occidente in Orientem motibus propriis ferantur; Cometæ tamen non pauci contrarios

CUR-

Ellipsium portiones, quæ à nobis videntur describi per Cometæ, pro Parabolis haberi possunt.

Cometæ plures ab Oriente in Occidentem feruntur.

*Adcoque
nulli sunt
Vortices.*

curfus tenere observantur, eosque ab Oriente in Occidentem, maxima velocitate discurrere cernimus; qualis fuit ille à Regiomontano visus anno 1472, qui quadraginta gradus uno die confecit. Hinc manifeste constat, nullos in coelo existere vortices, qui Planetas in iis natantes rapidissimo motu circa Solem vehant; nam cum Cometæ in regiones Planetarias descendant, necesse erit, ut perniciosissimo vorticum torrente rapiantur; tanta enim foret vorticis juxta Tellurem velocitas, si revera darentur vortices, ut illam secum veheret; & plulquam 20000 miliaria in una hora conficere faceret; unde & rapidissimum hoc flumen Cometæ etiam secum deferret; eorumque motus, si contrarii essent, citò destrueret. Quis enim non videt nullum corpus contra tam rapidum torrentem posse diu moveri. At Cometæ observantur plures, qui contrario motu liberrime eunt, & eadem lege motus conservant, quasi nullum esset medium, quod iis obfaret. At hoc naturæ vorticum plane repugnat, nam quod Planetas secum rapit fluidum, alia etiam corpora omnia inibi locata secum rapere necesse erit. Quod itaque cum non sit, dicendum est, in cœlis nullam esse resistentiam, adeoque nullum medium, quod cum nostro aere comparatum, sensibilem aliquam obtineat densitatem; nam aer noster Projectorum motum non parum obstruit.

Desinant itaque *Cartesiani*, & *Leibnitiani*, de vorticibus suis plura in posterum dicere; cœlestia enim Phœnomena iis plane repugnant; quinque cœlestium corporum motus per illos explicare satagunt, rugas & fragmenta impossibilia nobis obtrudunt, nec ulterius sunt audiendi.

*In vacuo
nullum est
medium
fluidum,
quod sensibilem
obstruat den-
sitatem.*

Cum resistentia medii ex ejus densitate oriatur, necesse est, ut ubi nulla est resistentia medii sensibilis, ibi quoque nulla sit sensibilis medii densitas; adeoque cum in cœlis Cometæ ne minimam quidem sensibilem resistentiam patiantur, sed liberrime tanquam in vacuo motus suos peragant, minima quoque erit medii densitas, & fortasse tanta erit medii istius raritas, ut si Cometæ, Planetæ, eorumque Atmosphæræ excipias, materia illa omnis, quæ totum spatium Planetarium implet, non adæquat illam, quæ in uno digito cubico

noſtri aeris continetur . Hoc enim poſſibile eſſe , à nobis in *Lectionibus noſtris Phyſicis* demonſtratum eſt .

Deſinant etiam Philoſophi Metaphyſicas ſuas tricas contra vacuum nobis obtrudere ; illæ enim perſimiles videntur veterum Sophiſtarum contra motum diſputantium argutiis , quæ non aliam reſponſionem merentur , quam illam *Diogenis* , qui ambulando illas confutavit . Sic *Philophos Carteſianos* cælum intueri jubeamus , & inde non obſtantibus ſubtiliſſimis illorum tricis , ex phænomenis in illo viſis , Vacui neceſſitatem manifeſta demonſtratione colligent .

*Cometa
motibus
ſuis vacu-
um dari
demon-
ſtrant.*

Pauci Cometæ viſi ſunt ; priuſquam ad Solem deſcendant , & ex Perihelio , ab illo recedere incipiunt . Nam antequam per Solis viciniam incaluerint , vix caudas emittunt ; adeoque minus notabiles evadunt ; poſt autem ipſorum à Perihelio diſceſſum ingentes vibrant caudas , quæ conſtant materiâ lucidâ , rarâ , & ſubtiliſſimâ , maximo puta calore Solis attenuatâ , & maximâ vi è corpore Cometicò projectâ . Cujus cauſſa fortaiſſe non diſſimilis eſt illi , qua nuper ex noſtra Tellure vapores lucidi ad inſignem altitudinem ejaculati fuere , qui per magnam Europæ partem conſpecti fuere , & æmulabatur vapor ille lucidus , tam figurâ quàm ſplendore Cometarum caudas , ſed deſiciente materia citò evanuit .

*Cometarum
Caudæ .*

Illud in Cometis omnibus maximè notandum , quod illorum caudæ ſemper in partes à Sole averſas extenduntur , id eſt ſi Sol ſit in Occidente , Cometa directè caudam in Orientem projicit . E contra , ſi Sol fuerit in Oriente , cauda in Occidentem rectâ dirigitur , media nocte in Aquilonem tendunt . Creſcunt caudæ , dum ad Solem deſcendunt , in Periheliis maximæ ſunt , deinde longiùs à Sole recedendo decreſcunt , donec in Atmosphæram Cometicam ſe contrahunt .

*Caudæ
ſemper in
partes pro-
tendantur
à Sole
averſas .*

Caudæ Cometarum , quæ breves ſunt , non aſcendunt motu celeri & perpetuo à capitibus , & mox evaneſcunt , ſed ſunt permanentes vaporum & exhalationum columnæ , à capitibus motu ſatis lento propagatæ , quæ participando motum illum capitum , quem habuere ſub initio , per cœlos unâ

*Cometa-
rum Caudæ
participant
de motu
capitum .*

cum

cum capitibus moveri pergunt. Et hinc rursus colligitur, spatia cœlestia vi resistendi destitui, in quibus non solum solida Planetarum & Cometarum corpora, sed etiam rarissimi caudarum vapores motus suos liberrimè peragunt, ac diutissimè conservant.

Cometa ille insignis, qui Anno 1680. apparuit, statim post recessum à Perihelio caudam emittebat plusquam quadraginta gradus in longum expositam; nec mirum, nam tam prope fuit Soli, ut non magis quam sextâ diametri solaris partē ab ejus corpore distaret: & inde Sol maximam cœli Cometici partem è Cometa spectatus occupare, & sub angulo ferè 120 graduum apparere videbatur. Calor autem è Sole conceptus ardentissimus fuit, nam ferri candentis calorem ter millies superabat. Hinc necesse est, ut corpora Cometarum sint solida, compacta, fixa, & durabilia ad instar corporum Planetarum. Nam si nihil aliud essent quàm vapores, aut exhalationes Terræ, Solis, aut Planetarum, Cometa ille in transitu suo per viciniam Solis statim dissipari debuisset.

LECTIO XVIII.

Doctrina Sphærica, seu De Circulis Sphæræ.

*Oculus
spectatoris
est ubique
in cœli cen-
tro.*

*Nihil re-
fert si ve
centrum
cœli in tel-
lure seu in
sole ponat-
ur.*

CUM quilibet spectator, quemcunque in Universo obtineat locum, sit in centro Prospectus proprii; si cœlum intueatur, illud tanquam superficiem concavam oculo concentricam, innumerisque stellis refertam conspiciet, Motusque omnes cœlestes in illa peragi videbit. Verùm cum Telluris à Sole distantia exigua admodum sit respectu illius, qua cœlum stellatum à nobis distat; ubicunque Terra in sua orbita locetur, eadem semper cœli facies, eadem astrorum positio, seu configurationes stellarum ex ea aspiciuntur, quæ oculo in ipso Sole constituto apparent; adeoque nihil referet si ve centrum Universi seu cœli in Sole, si ve in Tellure ponatur. Et si concipiantur circuli quotlibet per Tellurem transire, & ad cœlum produci, alique his Paralleli per Solem traduci; hi circuli in cœlo coincidere videntur,

cya-

evanescente ipsorum distantia respectu distantiae Fixarum, quæ ad illos refertur, circuli que hi per Solem & Tellurem in planis parallelis ducti in eadem stellas incidere videbuntur.

Quò melius loca stellarum definiantur, motusque in ordinem redigantur, convenit in cœlo plures concipere descriptos esse circulos, quorum alii sunt maximi, alii minores. Circulus in Sphæra maximus est, qui dividit Sphæram in duas partes æquales, & idem habet centrum cum centro Sphære, adeoque omnes circuli maximi, cum idem habent centrum, sese bifariam secabunt. *Circuli Maximi.*

Circuli minores dividunt Sphæram in partes inæquales, eorumque centra à centro Sphære diversa sunt; denominantur autem hi circuli ab aliquo circulo maximo, cui paralleli sunt. *Circuli minores.*

Quilibet circulus duos habet polos, qui sunt puncta in superficie Sphære ubique à circulo æquidistantia, ubi scilicet linea ad planum circuli recta per centrum ducta utrinque superficiei Sphæricæ occurrit. *Circulorum Poli.*

Circuli alii per respectum ad Observatorem definiuntur, ut sunt Horizon & Meridianus, alii à motu originem ducunt; hi dicuntur mobiles, quòd unà cum spectatore locum mutant, illi immobiles, quòd in iisdem cœli punctis infixi hærent. *Circuli alii immobiles alii mobiles.*

Qui à motu oriuntur circuli, præcipui sunt Ecliptica & Æquinoctialis, eorumque paralleli; nam cum Tellus circa Solem motu annuo in orbita feratur, spectator in Sole constitutus Terram in cœlo illum describere circulum inter Fixas, quem Eclipticam dicimus, conspiciet. Estque ille circulus idem, quem nos in Terra locati Solem percurrere motu apparenti spatio unius anni videmus, uti superius à nobis ostensum fuit. Dividitur Ecliptica in duodecim partes æquales, quæ signa seu Dodecatamorie appellantur, nomenque habent à Constellatione vicina. Incipiunt ab Æquinoctiali vernali, tenduntque ab Occidente in Orientem. Tria priora signa ♈ ♉ ♊ scandunt ab Æquinoctiali in boream usque ad Solstitium æstivum. Sequentia tria ♋ ♌ ♍ inci- *Ecliptica.*

incipiunt à Cancro, descenduntque ad *Æquinoctialem* interfectionem autumnalem. Tertia signorum Trias ♈ ♎ ♊, incipit à Libra, descenditque versus austrum usque ad Solstitium hybernium. Quarta ♐ ♑ ♒ à Capricorno incipit, tendensque ad *Æquatore*m, finitur in *Æquinoctio* verno. Unumquodque signum dividitur in triginta gradus, & hinc tota *Ecliptica* in 360. In hoc circulo semper videtur Sol, qui nusquam ab illo defleat. At Planetæ ultro citroque eunt per spatium octo circiter graduum, adeoque si concipiatur circulus latus seu zona sedecim graduum lata, cujus medium tenet *Ecliptica*, designabit in cœlo spatium in quo Planetæ motus peragunt, & *Zodiacus* à Græcis, à Latinis Signifer dicitur ob signa ibi locata.

Zodiacus.

*Ecliptica
Secundarii.*

Si per Polos *Eclipticæ* traduci concipiantur innumeri circuli *Eclipticæ* occurrentes, illi dicuntur *Eclipticæ* *Secundarii*, quorum ope quælibet stella, vel quodvis in cœlo punctum ad *Eclipticam* refertur. Nam stellæ cujuscvis locus ad *Eclipticam* reductus is erit, ubi ejusmodi circulus per stellam transiens eidem occurrit. Arcus inter hunc locum & initium Arietis interceptus & in consequentia numeratus dicitur *Longitudo* stellæ. Sicuti arcus circuli secundarii inter stellam & *Eclipticam* est ejusdem stellæ *Latitudo*. Hinc hi *Eclipticæ* secundarii circuli latitudinum dicuntur. *Latitudo* est Borealis vel Australis. Nam *Ecliptica* cœlum siderium in Hemisphærium Boreale & Australe dividit.

*Longitudo
Stellæ.
Latitudo
Stellæ.*

Cum Tellus circa suam Axem vertatur, exinde fit, ut omnes stellæ cœlamque omne Sidereum circa Tellurem volvi conspiciantur spatio viginti quatuor horarum, qui motus apparens *Diurnus* dicitur, & raptu *Primi Mobilis* fieri concipitur; quasi revera Tellus quiesceret, & cœlum circa ipsam volubile esset. Circulus medius inter utrumque Telluris Polum, qui *Æquator* dicitur, ad cœlum usque productus efficit *Æquinoctialem* cœlestem, & omnia sidera, omniaque cœli puncta præter Polos hunc *Æquinoctialem*, vel circulum aliquem huic parallelum, majorem aut minorem, prout à Polis remotiora aut viciniora fuerint, describere videntur.

*Æquinoctialis
Stellæ.*

Æqui-

Æquinoctialis & Ecliptica, cum uterque sit circulus maximus, se mutuò bifariam secabunt, communisque planorum sectio, sibi ubique parallela manens, ad idem cœli punctum semper dirigitur (nam hic abstrahimus à motu illo lentissimo, quo *Axis Terræ*, vel intersectio *Eclipticæ & Æquatoris* regreditur). Adeoque cum Sol in *Eclipticæ* puncto videtur, ubi est illa intersectio, hoc est, cum revera Tellus oppositum tenet, Sol motu diurno *Æquinoctialem* in cœlo circulum describere conspicietur. Bis itaque in quolibet anno Sol motu diurno in *Æquinoctiali* revolvitur. Scil. cum est in duobus *Eclipticæ & Æquatoris* intersectionibus *Vernali & Autumnali*. Quibus temporibus omnes Telluris incolæ dies noctibus æquales habebunt: unde nomen circulus hic adeptus est. Angulus, quem *Ecliptica* cum *Æquatore* ad intersectionum puncta facit, est 23½ graduum; exinde discedens Sol, continuò ab *Æquatore* motu apparente declinat versùs *Boream* vel *Austrum*, circulosque *Æquatori* parallelos motu apparente describit, donec ad nonagesimum ab intersectione gradum pervenerit, ubi 23½ gradibus ab *Æquatore* distare videtur, quæ est ejus declinatio maxima, & inde rursus ad *Æquatorem* revertere conspicietur, unde duo minores circuli, quos Sol motu diurno in duabus ejus declinationibus maximis describere apparet, *Tropici* nominantur, à *τρίωνν* *verto*. Hic in *Boreali* cœli parte *Tropicus Canceri*, ille in *Australi* *Tropicus Capricorni* dicitur. Qua ratione hic motus Solis apparens, & declinationis mutatio, quiescente Sole ex motu *Terræ* revera accidunt, superiùs in *Lectiōe VII^{ma}* ostensum fuit.

Sunt & alii duo circuli minores in *Sphæra* notabiles, quos *Eclipticæ* Poli motu diurno rapti describere videntur, qui 23½ gradibus à *Polis Æquatoris* seu *Mundi* distant, & circuli *Polares* dicuntur. Hic in *Boreali* *Hemisphærio* *Arcticus* à vicinis *Ursis*, alter *Australis* illi oppositus *Antarcticus* dicitur.

Si per *Polos mundi* seu *Æquatoris* traduci concipiantur circuli innumeri maximi, erunt illi secundarii *Æquatoris*, quorum ope quævis cœli puncta ad *Æquinoctialem* referuntur,

Circuli
Tropici.

Circuli
Polares.

*Ascensio
Recta.*

Declinatio.

*Duo Colo-
ri.*

*Loci Meri-
dianus.*

*Longitudo
loci.*

tur, uti prius per Secundarios Eclipticæ ad Eclipticam ea-
retulimus, & *Ascensio Recta* stellæ, vel puncti cujusvis
est arcus Æquinoctialis inter initium Arietis & punctum
intersectionis circuli secundarii per stellam transeuntis. *De-
clinatio* autem est arcus ejusdem secundarii inter stellam &
Æquinoctialem interceptus. Estque Borealis aut Australis,
prout versus hunc vel illum Polum stella declinat, & exinde
circuli hi Declinationum circuli nominantur. Horum præ-
cipui sunt duo *Coluri*, quorum alter per puncta Æquinoctio-
rum transiens vocatur Colurus Æquinoctiorum; alter prio-
rem ad angulos rectos secans & per Polos Eclipticæ & Æ-
quinoctialis incedens dicitur Colurus Solstitiorum; quoniam
Eclipticæ occurrit in punctis ab Æquatore remotissimis, ubi
Sol per aliquod tempus distantiam ab Æquinoctiali vix sen-
sibiliter mutare deprehenditur; & proinde Solstitia hæc pun-
cta dicuntur.

Circulus in Telluris superficie inter Polos exactè medius
est Telluris Æquator, cujus productione ad Fixas Æqui-
noctialem coelestem generari diximus; & sicuti stellarum
loca in cœlis, quoad longitudinem & latitudinem definiun-
tur per Eclipticam & ejus secundarios; sic per Æquatorem
Terrestrem, ejusque secundarios per Polos Terræ ductos,
Terrarum loca & urbes quoad longitudinem & latitudi-
nem determinari debent. Circulus Æquatoris secundarius
per locum quemvis transiens dicitur istius *loci Meridianus*,
quoniam quando per vertiginem Terræ circa Axem suum
planum istius circuli per Solem transiverit, erit omnibus in-
colis sub illo degentibus Meridies. *Longitudo loci* est arcus
Æquatoris interceptus inter aliquem Meridianum, quem
primum vocant, per determinatum locum transeuntem, &
Meridianum loci. Veteres Geographi Primum Meridianum
per locum Terræ notum & maximè occidentalem traduci
fingebant, atque exinde Terrarum loca omnia, quaquà in
longum patent, versùs ortum determinabant. Ex quo ve-
rò navigando deprehensum est, nullum dari locum maximè
occidentalem, paulatim neglectus est modus à primo ali-
quo meridiano computandi. Et quique locorum Longitui-
dines

dines respectu Meridiani urbis propriæ determinant. *Latitudo loci* est arcus Meridiani istius loci inter locum & *Æquatorem* interceptus, estque Borealis aut Australis, prout locus ab *Æquatore*, versùs hunc vel illum *Polum*, distat.

Ratione Meridianorum & Parallelorum comparati incolæ Telluris, alii dicuntur *Periæci*, qui sub eodem parallelo, at oppositis ejusdem Meridiani semicirculis degunt; hi Tempestates anni easdem experiuntur, accedente Sole eodem tempore ad utriusque loci verticem, & exinde recedente; at meridiei & mediæ noctis vices subeunt alternas. Alii denique dicuntur *Antæci* sub eodem Meridiani semicirculo, at oppositis parallelis habitantes, ita ut meridies & media nox utrisque simul contingat; at tempestates anni permutantur. Alii denique dicuntur *Antipodes*, quod sub oppositis Meridianis æquè ac Parallelis versantes, adversis è diametro pedibus incedunt; Ideoque vicissitudines æstatis atque hyemis, nec non meridiei & mediæ noctis, ortus & occasus siderum omnino planè adversos sentiunt.

Quatuor circuli in superficie Telluris minores, qui coelestibus ejusdem nominis respondent, nempe duo Tropici & totidem Polares dividunt Terram in quinque portiones, quæ Zonæ appellantur. Quarum una vocatur Torrida, utroque Tropico comprehensa, inhabitabilis à veteribus credita est, propter nimium æstus: Regionem tamen, quas illa continet, nunc longè feracissimas esse, vitæ commodis, incolisque abundare compertum est; duæ sunt Frigidæ Zonæ, sub utroque mundi Polo circulis Arctico & Antarktico inclusæ, & ob gelu perpetuum vix habitabiles; totidem Temperatæ sunt inter Frigidam & Torridam comprehensæ, quarum alteram nos incolimus, alteram nostri Antipodes. Has quinque Zonas sic describit Virgilius. 1. Georgic. v. 233.

*Quinque tenent cælum una corusco
Semper Sole rubens, & Torrida semper ab igne:
Quam circum extrema dextrâ laevâque trabuntur,
Caruleâ glacie concreta, atque imbris atris.
Has inter, mediamque, duæ mortalibus ægris
Munere concessæ divum.*

A a

Qui

*Amphiscii.**Ascii.**Heteroscii.**Periscii.**Horizon sensibilis.**Horizon Rationalis.**Horizontis Poli Zenith & Nadir.**Circuli verticales & Azimutales. Almucantarab. Verticalis Primarius.*

Qui in Zona Torrida degunt, dicuntur *Amphiscii*, eò quòd eorum umbra meridiana versùs utrumque Polam diversis anni temporibus projicitur. At cum Sol ipsum verticibus incumbit, fiunt *Ascii*, quia nullam projiciunt umbram meridianam; qui Zonas Temperatas incolunt, dicuntur *Heteroscii*, quorum umbra Meridiana versùs alterutrum tantùm mundi Polum porrigitur; qui in Zonis frigidis sunt incolæ, *Periscii* vocantur, quia Sole non occidente umbra illis in orbem circumagatur.

Circuli, qui concipiuntur mobiles, & per respectum ab observatorem definiuntur, sunt *Horizon* & *Meridianus*. *Horizon* est magnus ille circulus, quem quisque in planitie aut medio maris positus visu circumactò definit, quo cœli pars spectabilis ab inconspicua dividitur. Dicitur *Horizon sensibilis*, à quo differt *Rationalis* illi parallelus, transiens per centrum Terræ. Nam *Phænomena* cœlestia referimus ad superficiem Sphæricam, Telluri, non oculo concentricam.

Hi duo Horizontes ad Fixas producti coincidere videntur, cum Tellus ad Sphæram Fixarum comparata puncti tantùm rationem habeat, adeoque qui non nisi puncto distant à se invicem circuli, tanquam congruentes haberi debent. Horizontis Poli sunt duo puncta, quorum unum vertici observatoris incumbit & *Zenith* dicitur, alterum huic sub pedibus oppositum *Nadir* vocatur. Ab his innumeri circuli ad Horizontem ducti sunt ejus secundarii, & circuli *Verticales* & *Azimutales* appellantur. Horizontis autem paralleli circuli minores *Almucantarab* dicuntur: voces hæ ab Arabicis in Astronomiam sunt introductæ.

Inter circulos verticales, eminent præcipuè *Meridianus*, & *Verticalis Primarius*; ille per Polos & Zenith ductus Horizontem interfecat in cardinibus Septentrionis & Austri, illosque signat. Hic alter est Meridiano ad angulos rectos, & in Horizonte Orientem & Occidentem ostendit. Hi circuli Horizontem in Quadrantes dividunt, quorum unusquisque rursus in octo partes æquales, adeoque *Horizon* totus in triginta duas partes dividi supponitur, quæ venti sive *plagæ* nominantur.

Alti-

Altitudo aut *Depressio* Stellæ cujuscvis est arcus verticalis circuli inter Stellam & Horizontem interceptus. Stellæ *Azimutibus* est arcus Horizontis inter cardinem Meridiei vel Septentrionis & verticalem per Stellam transeuntem interceptus, estque vel orientalis vel occidentalis. *Amplitudo* *artiva* vel *occidua* sideris est Arcus Horizontis inter punctum, ubi sidus oritur aut occidit, & cardinem Orientis aut Occidentis, estque illa *Borealis* vel *Australis*.

Altitudo
aut *De-*
pressio *Stellæ*.
Azimutibus *Stellæ*

Amplitudo
artiva
vel *occidua*.

Ut in Horizonte omnes Stellæ videri incipiunt, & apparere desinunt, sic in Meridiano Stellæ omnes ad maximam altitudinem perveniunt, ubi culminari dicuntur, & infra Horizontem in eodem Meridiano maximam depressionem obtinent. Cum Meridianus tam Æquatori quàm Horizonti perpendiculariter insistat, omnium parallelorum segmenta ab Horizonte facta, tam supra quàm infra in æquales partes dividet; unde Tempus inter ortum Stellæ ejusque Culminationem, æquale erit tempori inter Culminationem & occasum. Cumque Sol quotidie parallelorum aliquem motu apparenti describit, quando is ad circulum Meridianum appulerit, Meridies fiet, Mediaque nox, cum infra Horizontem ad eundem pertigerit, unde huic circulo nomen. *Nonagesimus gradus* est punctum Eclipticæ, quod nonaginta gradibus ab ejus intersectione cum Horizonte distat, ejusque altitudo metitur angulum, quem Ecliptica cum Horizonte facit. *Medium cæli* dicitur punctum Eclipticæ culminans. In signis ascendentibus, à ♉ ad ♎ nonagesimus est ad orientem Meridiani; in descendentibus à ♎ ad ♉ ad occidentem positus.

In Meridiano
culminans
Stellæ.

Quamvis Horizontem & Meridianum tanquam circulos immobiles supposuimus, motum apparentem cœli tanquam realem considerando; revera tamen illi soli sunt circuli mobiles, & Stella vel Sol oritur, quando planum Horizontis infra descendit, ut Sol vel Stellæ conspiciantur, occiduntque, quando planum Horizontis supra attollitur, Stellis & Sole quiescentibus, Horizonte interea vertigine Terræ raptō. Sic etiam Sol & Stellæ ad Meridianum loci alicujus appellant, cum Meridiani planum, quod motu circa Axem

Horizon
& *Meridianus*
sunt
circuli
re-
vera
mobiles.

*Meridia-
nus Uni-
versalis.*

Telluris angulari fertur, per Solem aut Stellas quiescentes transiverit. Si verò per Solem & Polum traduci concipiatur circulus immobilis, fiet hic Meridianus non alicujus loci determinati, sed Universalis; fietque Meridies in loco aliquo, cum Meridianus istius loci, qui circa Axem Telluris vertitur, cum plano hujus circuli coinciderit.

*Circuli
Horarii.*

Cum Meridianus quilibet circuitum seu gradus 360 spatium viginti quatuor horarum motu angulari absolvat, necesse est, ut qualibet hora quindecim gradus, hoc est graduum 360 partem vigesimam quartam motu angulari conficiat, adeoque si concipiatur circulus per Polos transiens, qui cum Meridiano per Solem ducto angulum quindecim graduum constituat, ad hujus planum cum pervenerit Meridianus alicujus loci, post decessum à Meridiano Universali numerabitur in illo loco hora prima post Meridiem; diciturque circulus horæ primæ. Similiter si alius ducatur per Polos circulus, æquatorem secans in trigésimo ab Meridiano Universali gradu, hic erit circulus horæ secundæ, ad quem cum Meridianus loci alicujus pervenerit, numeratur ibi hora Secunda à Meridie. Similiter si per singulos quindecim Æquinoctialis gradus, & Polos duci concipiantur circuli, dicuntur illi *Horarii*, & Æquinoctialem in viginti quatuor partes dividunt. Et unusquisque ordine suo horam determinat in loco aliquo numeratam, quando Meridiani istius loci planum cum plano circuli Horarii coinciderit. Verbi gratia, cum Meridianus loci coincidit cum circulo, qui angulum cum Meridiano Universali facit 75 graduum, numerabitur in illo loco hora quinta post Meridiem. Quando verò 90 gradus à Meridiano per Solem transeunte distat, fit hora Sexta post Meridiem. Verùm si Meridianus loci ut immotus spectetur, circumumque per Polos & Solem transeuntem concipiamus unà cum Sole motu angulari circa Axem Telluris ferri, ut apparenter fir; quando circulus ille coincidet cum circulo, qui angulum quindecim graduum cum Meridiano loci facit, erit hora prima, & circulus cum quo coincidit, dicitur Horarius primus: huic proximus cum Meridiano loci angulum triginta graduum constituens, erit circulus

culus horæ secundæ; qui angulum 45 graduum cum Meridiano facit est circulus horæ Tertiæ, atque ita deinceps.

In quolibet Terræ loco Altitudo Poli seu ejus Elevatio supra Horizontem æqualis est Latitudini loci. Sit circulus HZQ Meridianus, HCO Horizon, ÆCQ Æquator, Z Zenith, & P Polus, Altitudo Poli seu ejus distantia ab Horizonte est arcus P O, & Latitudo loci est Z Æ arcus. Et quoniam arcus P Æ inter Polum & Æquatorem est circuli quadrans, & arcus Z O inter Zenith & Horizontem interceptus est quoque circuli quadrans, erunt arcus P Æ Z O inter se æquales. Communis auferatur arcus Z P, & restabunt arcus Z Æ P O inter se æquales; hoc est, Latitudo loci æqualis erit Elevationi seu Altitudini Poli supra Horizontem.

*Altitudo
seu Eleva-
tio Poli æ-
qualis lati-
tudini
loci.*
TAB. 32.
fig. 4.

Hinc habemus methodum Telluris Perimetrum, dimetien-
di. Nam si pergamus rectâ versus Boream, donec Eleva-
tio Poli uno gradu crescat, & deinde itineris percursum mensura
quærat in milliariis, dabitur numerus milliarium, quæ
sunt in uno gradu Peripheriæ maximi in Tellure circuli: hic
numerus per 360 multiplicatus dabit numerum milliarium in
toto Perimetro Telluris, & accuratissimis mensuris invenitur
Longitudo unius gradus 69 milliaria Anglicana continere,
quæ vulgò habetur æqualis tantum 60 milliariis.

LECTIO XIX.

De Doctrina Sphærica.

Angulum, quem Æquator & Horizon cum se invicem faciunt, metitur arcus ÆH, qui est complementum Latitudinis ad quadrantem. Adeoque si angulus ille rectus sit, Latitudo erit nulla, & Æquinoctialis per verticem incedet: omnesque Æquatoris Paralleli erunt ad Horizontem recti, ideoque hæc Sphæræ positio *Recta* dicitur, in qua paralleli omnes ab Horizonte in partes æquales secantur; unde mora cujusvis stellæ supra Horizontem æqualis est tempori, quo infra eundem deprimitur; Poli hic in Horizontem procumbunt, uti figurâ manifestum est, ubi punctum æquinoctialis Æ cum vertice seu Zenith coincidit, &

TAB. 32.
fig. 5.

*Sphæra
Recta.*

Poli P P cum punctis Horizontis H O congruunt.

TAB. 12.
fig. 6.

Sphæra obliqua.

Si ab *Æquatore* versùs alterutrum Polum recedamus, *Æquator* quoque à vertice recedet, & ad Horizontem accedet, cum illa faciens angulum obliquum, unde illa Sphæra positio dicitur *Obliqua*, Polusque, ad quem acceditur, semper supra Horizontem tantùm elevabitur, quantum est *Latitudo loci*; alter tantundem infra deprimetur. Figura annexa hanc Sphæra positionem exhibet, quam nos, & omnes in *Zonis temperatis* habitantes, obtinemus, ubi *Æquator* *Æ Q* bifecatur ab Horizonte, ut in Sphæra Recta; quapropter ubi Sol illum circulum motu apparenti diurno decurrit, diem facit nocti æqualem; at *Æquatoris* *Paralleli* non bifariam ab Horizonte secantur, sed qui sunt versùs Polum elevatum; singuli majorem partem habebunt supra Horizontem extantem, minorem infra depressam, & quò Polo propior quilibet circulus, eò major ejus pars supra Horizontem extabit, & qui minus à Polo distant quàm est *Latitudo loci*, toti supra Horizontem attolluntur. Contrarium accidit parallelis versùs Polum depressum sitis, quorum portiones majores infra Horizontem jacent, minores supra elevantur; & qui Polo illi propiores sunt quàm est *Latitudo loci*, perpetuò unà cum Stellis, quæ in iis includuntur, sub Horizonte latent, & nunquam fiunt conspicui. Hinc necesse est, cum Sol quotidie parallelum aliquem decurrat, ut ab *Æquinoctio* verno ad *Solstitium* æstivum dies continuo incremento noctes exsuperent; post *Solstitium* decrescant ad *Æquinoctium* autumnale; deinde ad *Solstitium* Hyemale dies noctibus continuò breviores reddantur; denique à *Solstitio* Hyberno ad *Æquinoctium* vernum, dies adhuc sunt noctibus breviores, sed rursus continuò augentur, donec in ipso *Æquinoctio* sunt tandem noctibus æquales.

In Sphæra obliqua Stellæ omnes obliquè oriuntur & occidunt, utque *Ascensio* recta Stellæ est arcus *Æquatoris* interceptus inter initium *Arietis* & punctum, quod unà cum Stella ad Meridianum pervenit, seu in Sphæra recta, quod simul cum Stella ascendit vel oritur: sic *Ascensio obli-*

qua

quæ est arcus *Æquatoris* interceptus inter initium *Arietis* & punctum *Æquatoris*, quod cum *Stella* oritur in *Sphæra* obliqua, eodem ordine numeratus, quæ pro variâ *Sphære* obliquitate varia erit. *Ascensionis Rectæ* & obliquæ differentia dicitur *Differentia Ascensionalis*.

Differentia Ascensionalis.

In *Sphæra* obliqua est parallelus tantum à *Polo* elevato distans, quantum est *latitudo loci*, qui *Circulus perpetuæ Apparitionis* nominatur, seu *circulus semper apparentium maximus*, intra quem comprehensæ *Stellæ* nunquam oriuntur, aut occidunt, sed tamen nunc altius ascendunt, nunc humiliter factæ ad *Horizontem* propius accedunt. Huic ad alterum *Polum* est oppositus *circulus Perpetuæ Occultationis*, in quo inclusæ *Stellæ* nunquam oriuntur, sed semper manent inconspicuæ.

Circulus perpetuæ Apparitionis.

Si *Æquator* nullum angulum cum *Horizonte* faciat, sed cum illo coincidat, in tali positione *Polus* quoque cum *Zenithi* congruet, & *Æquatoris* paralleli omnes erunt *Horizonti* paralleli, ideo talis *sphære* *Positio Parallela* dicitur, in qua nullæ fixæ oriuntur aut occidunt, sed in *circulis Horizonti* parallelis perpetuos gyros ducunt. Sol præterea cum ad *Æquinoctialem* pervenerit, *Horizontem* lambit, exinde versus *Polum* elevatum digrediens nusquam occidit, sed diem facit longissimum sex mensium. At ubi ab *Æquatore* recesserit Sol versus oppositum *Polum*, è contrario nunquam oritur, noxque illis durat per alteros sex menses. Hunc *Sphære* situm obtinent, qui sub *Polis* degunt, si qui forte sint, qui has colant regiones.

TAB. 12.
fig. 7.

Sphæra Parallela.

Veteres *Geographi* *Regiones Telluris* per *Parallelos* & *Climata* distinguebant; cum enim in *Sphæra Recta*, seu sub *Æquinoctiali* dies noctibus perpetuè æquantur, si inde pergamus versus alterutrum *Polum*, dies ætate fiunt noctibus longiores, & quod magis ad *Polum* accedamus, eò longiores sunt dies longissimi, donec sub ipsis *circulis polaribus* nulla est nox. Hinc per *parallellos Æquatoris*, qui augmenta dierum horæ quadrantibus notabant, *Tellurem* diviserunt *Geographi*. Hoc est, *Paralleli* illi tantum à se invicem distabant, quantum opus sit, ut maxima dies augeatur horæ quadr-

Divisio Telluris per Parallelos & Climata.





drante de parallelo in parallelum. Posito ergo *Æquatore* primo parallelo, secundus per ea Terræ loca tranſibit, ubi dies longiſſima eſt horarum 12½. Tertius ubi dies eſt horarum 12½. Quartus ubi ille 12 horis cum tribus partibus quartis *æquat*; atque ita denuo. Duo autem ejuſmodi paralleli *Clima* conſtituebant; quæ proinde climata ſemihoræ augmento diſtinguuntur. Poſſeſt vero exceſſus diei Solſtitialis ſupra 12 horas continuò augeri, magis magisque ad elevatum Polum accedendo, donec ad polarem circulum perventum fuerit, & ibi Tropicus unico puncto Horizontem tangens totus eminet, & Sol illum decurrendo non occidit; quare dies erit horarum viginti quatuor, qui excedit æquinoctialem diem horis duodecim, ſeu viginti quatuor ſemihoris, vel quadraginta & octo horæ quadrantibus, unde conſicitur tandem numerus climatum inter æquinoctialem & polarem eſſe viginti quatuor, & Parallelorum eſſe quadraginta & octo.


Cum Veterum Annus parum cum motu Solis apparenti congruebat, ex dato die menſis, quo factum aliquod notabant, non ſtatim exinde patebat, qua anni tempeſtate illud evenit. Igitur quando Agricolaë in re Ruſtica aliquod faciendum in ſtato tempore præcipiebant, tempus illud non per diem Kalendarii Civilis indicabant, quippe eadem dies menſis civilis non ſemper quolibet anno in eadem Anni tempeſtate incidebat. Sed certioribus opus fuit Characteribus ad tempora diſtinguenda. Itaque Agricolaë, rei ruſticæ ſcriptores, Hiſtorici, & Poetæ tempora per ortus & occaſus Stellarum designabant. Ortus & occaſus Stellarum vulgò numerantur ſpecies tres; *Cosmicus*, *Achronicus* & *Heliacus*. Oriri dicitur aut occidere Stella coſmicè, quæ oritur aut occidit oriente Sole; ita Stella, quæ oritur aut occidit mane, coſmicè oritur aut occidit. Achronicè autem oritur Stella, quæ oritur occidente Sole, hoc eſt quæ vesperti oritur, quando Soli opponitur & tota nocte fit conſpicua.

Stella oritur Heliacè, quando è Solis radiis emergens, tantùm ab illo diſtat, ut videatur maue ante Solis orium, Sole nimirum in motu apparente à Stella verſus orium recedente.

*Stellarum
ortus & oc-
caſus eo-
rumque
ſpecies.*

TAB. XXXII.





dente . Occasus autem Heliacus est , quando Sol ad Stellam accedere incipit , illamque radiis suis condens inconspiciam reddit , inde Ortus & Occasus Heliacus potius Apparitio , aut Occultatio dici debent .

Stellæ omnes Fixæ in Zodiaco sitæ , item Planetæ superiores , Mars , Jupiter & Saturnus oriuntur Heliacè mane , paulo ante Solis ortum , & paucis diebus postquam cosmice oriuntur ; quos nempe Sol motu annuo versus orientem facto antevertit . Occidunt vero Heliacè vespere paulo antequàm Achronicè occidunt . Luna autem , quæ Solem perpetuò antevertit , oritur Heliacè vespere , cum nempe nova ex radiis Solaribus emergit , occidit vero Heliacè mane , cum jam vetus ad conjunctionem cum Sole properat . Inferiores Planetæ Venus & Mercurius , qui aliquando Solem antevertunt , aliquando Solem versus occidentem post se relinquunt , aliquando Heliacè oriuntur mane , cum nempe retrogadi sunt , aliquando vespere cum sunt directi .

Ad Altitudinem Solis vel Stellæ cujusvis exquirendam utimur Quadrante mobili EAD cum dioptris fixis A , B , vel Telescopio in alterutro latere collocato , & filo A C pondere instructo ex centro perpendiculariter pendente ; & Quadrans in situ verticali compositus sursum deorsumque vertatur , donec lux Solis per foramen anterioris dioptræ in foramen posterioris radiat , in quo situ si sistatur Quadrans , filum ostendit arcum EC altitudini Solis similem . Nam producat A Z ad Zenith , sique AH linea Horizontalis , Anguli EAB , ZAS sunt æquales , uterque rectus enim est . Sed anguli BAC , ZAS sunt quoque æquales , nam ad verticem sunt , quare demptis æqualibus erit angulus EAG æqualis angulo SAH ; angulum autem EAC metitur arcus Quadrantis EC , & angulum SAH metitur arcus verticalis circuli inter Solem & Horizontem interceptus , unde arcus ille erit similis arcui EC . Si Altitudo Stellæ capienda sit , loco irradiationis Solis , oculari intuitu Stellam per foramina Dioptrarum comprehendimus , & filum ut ante indicabit quælitam altitudinem . Inventio Altitudinis Meridianæ Solis vel Stellæ habetur sæpius observando & notando , quando illa maxima est ;

Nam

Quæritur
Altitudo
Solis vel
Stellæ ob-
servatur
TAB. 33.
fig. 1.

Nam maxima altitudo Solis vel Stellæ est in Meridiano.

*Inventio
Latitudi-
nis loci.*

Latitudinis loci cognitio est fundamentum omnium observationum Astronomicarum, adeoque in primis necesse est, ut illa accuratè habeatur; Cunque ostensum sit, Altitudinem Poli eidem æqualem esse, illa optimè obtinetur per observationem Altitudinis Poli; verùm cum Polus sit tantum punctum Mathematicum inobservabile, ejus Altitudo non eodem modo ac Solis aut Stellæ, simplici viâ per Quadrantem exquiri potest; alia itaque adhibenda est methodus ut illa cognoscatur. Et primò inveniendâ est sectio Plani Meridiani cum Horizonte, quæ Lineâ Meridiana dicitur; quæ sit erigendo Gnomonem, cujus radici seu puncto, apici directè subjecto ut centro, describatur circuli circumferentia, in quam Apicis umbra ante Meridiem incidat, & notetur punctum circumferentiæ in quod umbra cadit: Rursus post Meridiem notetur punctum in eadem circumferentia, ubi Apicis umbra ad illam pertingat, & Recta ducta ex centro circuli ad punctum, quod bisecat arcum inter notata puncta interjectum, erit lineâ Meridiana; nam Sol ante & post Meridiem æque altus æqualiter à Meridiano distat. Collocetur igitur Quadrans super lineâ Meridianâ hoc est in plano Meridiani, & Stellæ alicujus, quæ nunquam occidit, observetur altitudo maxima SO , item minima SO , Altitudinum differentia erit arcus Ss , cujus semissis PS adita altitudini minimæ, vel ab Altitudine maxima subducta dabit PO altitudinem Poli supra Horizontem, quæ æqualis est Latitudini loci. Si habeatur Solis Theoria, ex cognita declinatione Solis inveniri potest Latitudo loci, observando distantiam Solis à vertice Meridianæ; est enim illa complementum altitudinis ejus, ad quam si addatur declinatio Solis, cum Sol & locus versus eundem Polum ab Æquatore distant, aut si declinatio Solis subducatur ab ejus distantia à vertice, cum Sol & locus siti sunt ad partes Æquatoris contrarias, & habebitur Latitudo loci. Verum si Solis declinatio major sit Latitudine loci, quod cognoscitur quando Sol à Polo elevato minùs distat quàm vertex loci, ut in locis in Zonâ Torridâ sitis sæpe fit, differentia inter declinationem Solis

&

*Lineæ Me-
ridiane In-
ventio.*

TAB. 33.
fig. 2.

& ejus à vertice distantiam est Latitudo loci.

Obtenitā semel Latitudine loci, Obliquitas Eclipticæ seu ejus Inclinatione ad Æquatorem facile habetur; observetur enim circa Solstitium æstivum minima Solis à vertice distantia. Hæc si à Latitudine loci auferatur, modò locus sit Polo propior quàm Sol est, dabit maximam Solis declinationem; quæ obliquitati Eclipticæ est æqualis. Plèrique Astronomi inclinationem Eclipticæ ad Æquatorem, seu maximam declinationem Solis æqualem faciunt viginti tribus gradibus cum dimidio, sed accuratissimæ observationes hodiernæ illam uno minuto minorem esse evincunt.

Eadem prorsus methodo observari potest Solis pro quolibet Meridie, vel etiam sideris cujusvis declinatio: nempe quando Sol vel Sidus Æquatori propior est quàm locus, capiatur differentia inter Latitudinem loci & distantiam sideris à vertice, quæ restat quantitas, erit declinatio sideris; at si vertex loci inter sidus & Æquatorem situs sit, declinatio sideris erit haturum quantitatum summa.

*Declinatio
Solis obser-
vatione co-
gnoscitur.*

Datā declinatione Solis, facillimè habetur ejus Ascensio recta & locus in Ecliptica per resolutionem trianguli rectanguli Sphærici: sit enim ÆQ æquinoctialis circulus, ÆC Ecliptica, S Sol, à quo ad æquinoctialem demisso circulo perpendiculari SD , erit arcus SD Solis declinatio, & proinde in triangulo rectangulo SDÆ , ex datis SD & angulo Æ , inclinatione Eclipticæ ad Æquatorem dabitur per Trigonometriam Sphæricam, arcus ÆD Solis Ascensio recta, & ÆS locus Solis in Eclipticâ: quin etiam angulus ÆSD inclinatio circuli declinationis seu Meridiani ad Eclipticam.

*Solis ascen-
sio recta
Longitudo,
declinatio,
& angulus
Eclipticæ
& Meri-
diani, ex
quibus da-
tis & quo
p. 40. in-
veniantur
TAB. 11
fig. 3.*

Quinetiam in eodem triangulo ÆSD rectangulo, cum angulus Æ constans sit & immutabilis; si detur vel latus ÆD Ascensio recta, invenire possumus declinationem DS & Longitudinem puncti S , quod unâ cum D ad Meridianum appellit, mediumque cœli dicitur, & angulum DSC , qui est inclinatio Meridiani ad Eclipticam. Vel si detur ÆS Longitudo puncti S , exinde quoque reliqua invenire possumus scil. ÆD Ascensionem rectam, DS declinationem puncti S , & DSC angulum Eclipticæ & Meridiani.

Si

Si quotidie methodo ostenſa obſervetur Solis declinatio, dabitur motus Solis apparens in Ecliptica, cui æqualis eſt motus Terræ realis interea factus, & obſervationibus deprehensum eſt, Solem non æquabili motu in Ecliptica incedere; adeoque Telluris motus realis circa Solem inæquabilis erit, & in ſoliſitiis noſtris æſtivis tardiùs progreditur Terra, in Hybernis velociùs, ea verò lege perpetuo incedit, ut in Elliptico perimetro feratur, radiùsque ad Solem in ejus umbilico locatum per illam ductis ſemper deſcribat areas temporibus proportionales.

*Quomodo
Aſcenſio-
nes rectæ
&c. Declina-
tiones fixarum in-
veniuntur.*

Ex dato loco Solis in Ecliptica, Horologii automati ope, inveniuntur Aſcenſiones rectæ Fixarum; quòd ut fiat, motus Horologii ſic temperandus eſt, ut index viginti quatuor horas numeret, labente tempore, quo Fixa aliqua à Meridiano digreſſa ad eundem revertitur, quod tempus die naturali paulo brevius eſt, ob motum Solis verſus orientem interea factum; Horologio ſic ordinato, index ad initium numerationis conſtituatur, quando Sol Meridianum occupat. Notetur deinde tempus Horologio indicatum, quando ſtella aliqua eundem Meridianum attingit; horæ earumque partes ab indice percuſſæ in partes Æquatoris converſæ dabunt intervallum Aſcenſionem Solis & Fixæ, quod additum aſcenſioni rectæ Solis exhibet Fixæ Aſcenſionem rectam quæſitam. Data autem unius cujuſvis ſtellæ Aſcenſione recta, dantur reliquarum omnium Aſcenſiones. Nempe obſervandum eſt tempus, Horologio prædicto notatum, inter appulſum ſtellæ, cujus Aſcenſio recta data eſt, & appulſum alterius cujuſvis ſtellæ ad eundem Meridianum; & hoc tempus in gradus & minuta Æquatoris converſum dabit Aſcenſionum differentiam, & proinde ipſa Aſcenſio ſtellæ dabitur.

Sed ex data unius cujuſvis ſtellæ Aſcenſione recta, aliarum Aſcenſiones optimè habentur methodo ſequenti, ubi non opus eſt, ut expectetur appulſus ſtellæ ad Meridianum, ſed ſolummodò Teleſcopium eſt adhibendum, in cujus foco aptantur fila quatuor, quorum duo AB, CD ſeſe perpendiculariter ſecent, reliqua duo EF, GH his ad angulos ſemi-

directos insistant in communi sectione O . Quibus constructis dirigatur Telescopium ad stellam aliquam, cujus ascensio recta & declinatio notæ sint. Atque continuo vertatur Telescopium, donec in filo AB videatur stella, ejusque motus apparens fiat secundum rectam AB , in quo situ recta AB exponet portionem paralleli, quem stella motu diurno apparenti percurrere videtur, cumque CD hanc ad rectos angulos secat, illa circulum aliquem horarium exponet. In hoc situ figatur Telescopium, & notetur ope Horologii tempus, quo stella, cujus ascensio nota est, lineam CD attingit. Deinde observetur in Telescopio alia quælibet stella, illa in recta aliqua LK ad AB parallela ferri videbitur, & notetur tempus, quando ad circulum Horarium CD in Q pervenerit. Differentia temporis inter appulsus prioris stellæ & hujus ad eundem circulum Horarium CD , si in gradus & minuta Æquatoris convertatur, dabit differentiam Ascensionum rectarum; adeoque si detur alterutrius stellæ Ascensio recta, dabitur quoque Ascensio alterius.

Cum anguli QHO & QOH sint æquales, utpote semi-recti, erit QH æqualis QO ; quod si notetur tempus inter appulsus stellæ ad filum OG , & ejus appulsus ad filum OC , dabitur tempus, quo stella arcum QH paralleli percurrit; hoc tempus in gradus & minuta convertatur, & dabuntur gradus & minuta in arcu paralleli QH ; sed huic arcui æqualis est arcus circuli maximi QO ; sed in inæqualibus circulis gradus, quos æquales arcus continent, sunt reciprocè, ut circulorum radii, ut inferiùs demonstrabitur. Fiat itaque, ut radius circuli maximi ad radium paralleli IK , qui à radio paralleli noti OB non sensibilibiter differt; hoc est, ut radius ad sinum distantie stellæ à Polo, ita numerus graduum & minutorum in arcu QH ad numerum graduum & minutorum in arcu QO , qui proinde dabuntur; sed est arcus QO differentia declinationum stellæ parallelum QK describentis, & illius, quæ describit parallelum OB ; unde data unius stellæ declinatione, dabitur declinatio alterius. Hac methodo plurimarum

rum stellarum ascensiones rectæ & declinationes inveniri possunt.

TAB. 11.
fig. 4.

Quòd in inæqualibus circulis numeri partium similium in arcibus æqualibus sunt reciprocè ut radii, sic demonstratur. Sint inæqualium circularum, quorum centrum C, arcus A F, B E æquales; ducatur C E, & erunt arcus A D, E B similes, partesque similes numero æquales continebunt; partes voco similes, quæ ad circumferentias totas eandem habent proportionem, & ob æquales A F, B E, erit A D ad A F, ut A D ad B E, sed ut A D ad B E, ita est radius C A ad radium C B; adeoque A D est ad A F, ut C A ad C B; sed est A D ad A F, ut numerus partium in A D, hoc est numerus partium in B E, ad numerum partium similium in A F; quare erit numerus partium in B E ad numerum similium partium in A F, ut C A ad C B.

Quomodo
invenitur
fixarum
Longitudines
& Latitudines.
TAB. 11.
fig. 5.

Data stellæ ascensione recta, & declinatione, ejus Longitudo & Latitudo inveniuntur per resolutionem Trianguli Sphærici. Nam per Polos Æquinoctialis & Eclipticæ B, P transeat circulus P B Æ Q, is erit Colurus Solitiorum. Sic Æ Q Æquinoctialis circulus, E C Ecliptica, quorum communis sectio sit, V sitque stella S, per quam & Polum ducatur circulus declinationis P S F cum Æquatore conveniens in F, erit V F ascensio recta stellæ, & S F ejusdem declinatio; ducatur per Polum Eclipticæ B, & stellam circulus Latitudinis B S O cum Ecliptica conveniens in O; erit V O Longitudo stellæ, & S O ejus Latitudo. In triangulo Sphærico B P S datur P S arcus, qui est complementum declinationis datæ, item arcus B P, qui metitur inclinationem Eclipticæ ad Æquatorem, datur præterea angulus F P Q, quem metitur arcus F Q, complementum Ascensionis rectæ, adeoque datur angulus B P S; in triangulo B P S ex tribus datis invenitur primò angulus P B S, cujus mensura est O C, & ejus complementum ad quadrantem est arcus V O Longitudo stellæ, & invenietur præterea B S, cujus complementum ad quadrantem est S O Latitudo stellæ quæsitæ. Similiter ex notis Longitudine & Latitudine stellæ possumus ascensionem rectam & declinationem exquirere.

Com-

Comparando Fixarum loca à veteribus observata, cum locis, quæ nunc in Ecliptica obtinent Fixæ, invenimus Latitudines non mutari, at Longitudines à vernali Eclipticæ cum Æquatore intersectione continuè crescere deprehendimus; non quodd stellæ revera progrediuntur, sed quodd retrocedant puncta æquinoctialia, à quibus Longitudines computantur. Pristina Longitudo alicujus Fixæ collata cum ea, quæ hodie observatur, ostendet quantitatem præcessionis Æquinoctiorum, quæ in 70 annis scè: unum gradum adæquat.

*Fixarum
Longitudines
continuo
crescunt,
Latitudines
non item.*

Atque hac ratione stellarum Longitudines & Latitudines inventiuntur, & in catalogum rediguntur Fixæ. Quibus semel stabilitis, Planetarum & Cometarum quoque loca per observationes & calculum innotescunt. Nam si observentur Planetæ aut Cometæ alicujus distantie à duobus stellis Fixis notis, hoc est, quarum Longitudines & Latitudines notæ sunt, hoc pacto exquiritur Planetæ aut Cometæ Longitudo & Latitudo ad tempus observationis.

Sit EF Eclipticæ portio, cujus Polus B, A & C duæ stellæ, quarum Longitudines & Latitudines sunt datæ, sitque P Planeta, cujus distantie à duobus stellis A & C observatione notæ sint. In triangulo ABC, ex datis AB, CB complementis Latitudinum stellarum, & angulo ABC, cujus mensura est arcus EF differentia longitudinum, dabitur AC distantia stellarum, & angulus BCA. In triangulo APC, dantur omnia Latera, unde invenietur angulus PCA, quo ex angulo BCA subtracto, relinquetur angulus BCP. Denique in triangulo BCP dantur BC, CP latera, & angulus BCP, quare dabitur angulus CBP, cujus mensura est arcus OF differentia longitudinum stellæ C & Planetæ P; item dabitur arcus BP, qui est Complementum Latitudinis Planetæ.

TAB. 11.
fig. 6.

Eadem ratione, si observentur distantie alicujus Phænomeni à duobus Fixis, quarum ascensiones rectæ, & declinationes notæ sunt, dabitur exinde ascensio recta & declinatio Phænomeni.

LE-

LECTIO XX.

*De Crepusculis, & Siderum Refractione.**Aer cœlum
lucidum
reddis.*

PRæter alia innumera Atmosphæræ beneficia, hoc etiam comodi ex illa nobis derivatur, quod lucente Sole, cœli nostri faciem undique lucidam & splendentem reddat. Nam si Tellurem nulla ambiret aut involveret Atmosphæra, ea sola cœli pars luceret, quam Sol occupat; averſa à Sole ſpectatoris facie, is nocturnas tenebras ſtatim ſentiret, & interdiu lucente Sole, minimæ etiam ſtellæ micarent; cum nullum foret corpus Solis radios ad noſtros oculos reflectens; & radii illi omnes, qui non in ipſam Telluris ſuperficiem impingant, oculos præterlabentes, aut Planetas & alias ſtellas illuminarent, aut in ſpatium ſeſe ſpargentes infinitum, ad nos nunquam detorquerentur.

*Sublata
Atmos-
phæra, ex
clariffima
luce denſi-
ſſimis tene-
bris in mo-
mento in-
volvere-
mur.*

Verum circumfuſa Telluri Atmosphæra, à Sole validè illuſtrata, lucis radios ad nos repercuiens, cœlum omne clarificare facit; & inde fit, ut Atmosphæræ ſplendore ſtellarum lumen obſcuretur & offundantur.

Præterea, ſublata Atmosphæra, immediatè ante Solis occaſum ſplendidiffimè luceret Sol, at in momento, cum occidit, ſtatim denſiſſimæ ingruerent tenebræ: tamque ſubitaneus noctis adventus, & à luce ad tenebras tranſitus, parum Terriſolis commodus eſſet. Sed per Atmosphæram fit, ut poſt Solis occaſum, eſſi nulli directi ad nos pervenire poſſunt Solares radii, reflexa tamen luce per aliquod tempus fruamur, & non niſi paulatim obrepunt noctis tenebræ. Nam poſtquam Tellus vertigine ſua nos è Solis conſpectu ſubduxerit, nobis ſublimior aer ab illo illuſtratus manet, cœlumque omne ejus luce perfunditur. Verum magis magisque deſcendente Sole, minus continuò illuſtratur aer; adeo ut poſtquam decimum octavum infra Horizontem attigerit Sol gradum, Atmosphæram ulterius illuſtrare deſinat, & aer totus tenebreſcit.

*Crepuſcu-
lorum cau-
ſa.*

Similiter mane, cum Sol ad decimum octavum ab Horizonte gradum pervenerit, incipit Atmosphæram illuminare, cœlumque luce perfundere, quæ uſque ad Solis ortum con-
ti-

tinuò crescit. Crepera illa & dubia lux mane ante Solis ortum & vespere post ejus occasum conspicua *Crepusculum* dicitur, & ab Atmosphæræ illuminatione oritur.

Quod ut clariùs eluceſcat, ſit ADL circulus in Telluris ſuperficie concentricus verticali, in quo Sol infra Horizontem exiſtit, circa quem ſit alius circulus CBM includens in eodem plano aeris portionem, quæ radios Solis poteſt reflectere, & oculus ſit in ſuperficie Telluris in A, cujus Horizon ſenſibilis ſit AN. Cum nulla recta duci poteſt ad A inter tangentem AN & circulum AD *per 16 El. tertii*, Sole infra Horizontem depreſſo, nulli radii poſſunt ad oculum in A directè perſtingere. Verum Sole in recta GC exiſtente, ab illo duci poteſt recta, quæ in Atmosphæræ particulam C incidat, ibique poteſt radius in CA reflecti, & oculum in A ingredi; atque hac ratione Solis radii infinitas Atmosphæræ particulas illuſtrantes ab iſdem in oculum detorquentur. tangens AB occurrat ſuperficie aeris lucem reflectentis in B puncto, à quo ducatur BD circulum Telluris tangens in D, ſitque Sol in hac linea, tunc radius SB in BA reflectetur, & oculum ingreditur, ob angulum DBE incidentiæ æqualem angulo reflexionis ABE; eritque ille radius, qui primus mane ad oculum pervenire poſſit, & tunc *Crepusculum Matutinum*, ſeu Aurora incipit, vel ultimus *Vespere*, qui ibidem perſtinget, in quo caſu erit *Crepusculi finis*. Nam Sole inferius ſcendente, particulæ aeris ad B vel ultra exiſtentes ab ejus luce illuminari non poſſunt.

Reflexio Atmosphæræ non videtur eſſe ſola *Crepusculorum* cauſa, ſed circumfuſa Soli aura *Ætherea*, illiuſque quaſi Atmosphæra etiam ſplendet poſt Solis occaſum, cumque hæc oriendo & occidendo longius impendat tempus quàm Sol, ante Solis ortum Aurora circulari figura enitetur; quæ ſcil. eſt ſegmentum circuli Atmosphæræ Solaris ab Horizonte ſecti, cujus lux diverſa prorſus eſt ab illa, quæ ex illuſtratione Atmosphæræ Terreſtris oritur. Verum *Crepusculi* ex aura *Ætherea* Soli vicina provenientis brevior eſt duratio, quàm illius quæ à noſtra Atmosphæra

TAB. 13.
fig. 7.

Alia Crepusculorum cauſa Atmosphæræ Solaris.

*Hyeme
Crepuscu-
la breviora
quam
Æstate.*

oritur, quæ Vespere non finitur, nisi cum Sol octodecim circiter gradus infra Horizontem deprimitur. At verò nulli certi statui possunt limites, qui initia aut fines Crepusculorum definiant. Eorum enim duratio pendet ex quantitate materiæ in aere suspensa ad lucis reflexionem idonea, & ex altitudine aeris. Hyeme frigore condensatus aer humilis est, & exinde citò finiuntur Crepuscula. Æstate rarefactus aer altior est, & diutius à Sole illustratur, unde protrahuntur Crepuscula. Quin etiam duratio Crepusculi Matutini brevior est Vespertina duratione, ob aerem mane densiorem & humiliorem quàm Vespere. Censentur autem Crepuscula incipere aut desinere, quando stellæ sexti ordinis primum mane desinunt conspici, vel vespere fiunt conspicuæ, quæ priùs ob claritatem aeris latebant.

Ricciolus ex observatis à se Bononiæ reperit Crepusculum matutinum circa Æquinoctia perdurare mane quidem hora una min. 47; vespertinum autem horis duabus, & non priùs desinere, quàm Sol vicissimum primum gradum infra Horizontem attigerit. Æstivum autem matutinum Crepusculum circa Solstitium horis tribus min. 40 Vespertinum totam ferè seminoctem tenere.

*Ex duratione
Crepusculi
potest in-
veniri
Altitudo
Aeris.*

Hinc si detur initium Crepusculi matutini, aut finis vespertini, inveniri potest altitudo aeris lucem reflectentis. Nam tunc desinit Crepusculum, quando lucis radius à Sole prodiens, Terramque stringens seu tangens à supremo aere ad Observatoris oculum reflectitur. Et ex noto tempore dabitur depressio Solis infra Horizontem; ex qua elicetur altitudo aeris. Sit enim SB radius lucis Tellurem tangens, quæ à particula aeris B in suprema ejus regione locata reflectatur in lineam AB Horizonti parallelam; erit angulus SBN mensura depressionis Solis infra Horizontem. Et quia AB Tellurem quoque tangit, erit angulus AED ad centrum, æqualis angulo SBN , seu depressioni Solis, ejusque dimidium AEB hujus dimidio æquale. Sit Solis (exunte Crepusculo) depressio octodecim graduum, angulus AEB , fiet novem gr. quod verum esset, si radius SB , irretractus Atmosphæram transisset, verum quoniam

TAB. 33.
fig. 7.

radius in aere per refractionem versus H incurvatur, minuendus est angulus A E B quantitate æquali refractioni Horizontali Solis, hoc est, dimidio circiter gradus, unde erit anguli A E B quantitas octo cum dimidio graduum; porro est A E ad B H, ut radius ad excessum secantis anguli A E B, supra radium, id est, ut 100000, ad 1110. Posito igitur semidiametro Telluris in numeris rotundis 4000, milliarium, quibus quàm proximè est æqualis, erit B H altitudo Atmosphæræ radios Solares reflectentis 44 circiter milliarium: nam ut 100000, ad 1110, ita 4000, ad 44, per regulam proportionis.

In Sphæra recta Crepuscula citò finiuntur ob rectum Solis descensum; in obliquo longius durant, quia obliquè descendit Sol; & quò obliquior est Sphæra, hoc est, quò major est loci Latitudo, eò longior est Crepusculi duratio, adeo ut, qui ultra 48 gradibus ab Æquatore distant, in Solstitiis æstivis aerem per totam noctem clarescentem habeant, nullusque fiat Crepusculorum finis, in quo meræ sunt tenebræ.

In Sphæra parallela Crepuscula per plures menses durant, unde per totum ferè annum Solis lumine vel directo vel reflexo fruuntur incolæ.

Si infra Horizontem concipiatur duci circulus Horizonti parallelus, tantùm ab illo distans, quantùm est depressio Solis, cum finiuntur Crepuscula; hic circulus dicitur Crepusculorum Finitor. Nam quotiescunque Sol, motu diurno apparente, hunc parallelum tempore matutino attigerit, initium sumet Crepusculum matutinum, in quocunque Æquatoris parallelo versetur Sol. Vespertinum autem cessabit Crepusculum, cum Sol post occasum, ad eundem Horizontis parallelum pervenerit.

Sit in figura H Q O Horizon; circulus V a X ei parallelus Crepusculorum Finitor; H Z O Meridianus, Æ Q R Æquator. Pater, quò obliquior est Æquator ad Horizontem, eò arcus Æquatoris, ejusque parallelorum interceptos inter Horizontem, ejusque parallelum R a X longiores esse. Hi arcus Q R, d a, c e, g b, k l portiones Æquatoris & parallelorum.

In Sphæra recta Crepuscula brevissima.







Circulus Crepusculorum finitor. TAB. 33. fig. 8.

parallelorum intercepti inter Horizontem & Finitorem, dicuntur Crepusculorum arcus; eorum enim durationem determinant, & prout quilibet arcus ad suum circulum, majorem aut minorem obtinet proportionem, eò longior aut brevior erit Crepusculi duratio, quando Sol illum parallelum decurrit. In Finitore Crepusculorum capiat quodlibet punctum a per quod parallelus *Æquatoris* da transeat; & per a concipiatur duci circulus maximus MaN , qui tangat circulum perpetuæ Apparitionis. Cumque Horizontem eundem circulum tangat, hi duo circuli cum *Æquatore* ejusque parallelis æquales facient angulos: nam utriusque anguli mensura est distantia paralleli à suo circulo maximo; eruntque arcus omnes parallelorum *Æquatoris* inter Horizontem & circulum MaN intercepti similes, per 13 lib. 2di *Theodosii Sphærici*; adeoque Sol æqualibus temporibus hos parallelorum interceptos arcus describet. Circulus MaN Finitorem VaX , vel in duobus punctis secabit, vel in unico puncto tanget. Primò cum in duobus punctis secet, quæ sint a & b ; unde erunt arcus parallelorum da , gb similes, adeoque, quando Sol hos duos parallelos motu diurno describit, Crepuscula erunt æqualia, at quando aliquem parallelum intermedium percurrit, Verbi gr. ce , Crepusculi duratio brevior erit, nam in hoc casu cm crepusculi arcus minor est ce , qui similis est arcui da vel gb , & ce & da æqualibus temporibus à Sole describuntur. At in Parallelis longiùs ab *Æquatore* distantibus quàm gb commorans Sol longiora efficit crepuscula; nam est arcus crepusculi lk major quàm qk , qui à Sole describitur in tempore, quod est æquale durationi Crepusculi, Sole in parallelo gb existente.

*Diversa
Crepuscu-
lorum du-
rationes.*

In Parallelis, qui versùs elevarum Polum jacent, versante Sole continuò crescunt crepuscula, prout Paralleli illi Polo viciniore fuerint; longior enim est Crepusculi arcus op quàm QR , & YV longiori tempore describitur quàm op . At si Sol parallelum ST describat, qui cum Finitore non conveniat, Crepusculum per totam noctem durabit.

Hinc valde dissimilem servant rationem Crepuscula, ac dies noctisque in incrementis & decrementis. Nam Sole per-





pergente ab initio Cancrī, ubi dies sunt longissimi, ad initium Capricorni, ubi sunt brevissimi, dies continuū nobis decrescunt, ē contrario noctes sine intermissione augentur. At vero in Crepusculis aliter se res habet; nam licet in principio Cancrī, seu in Solstitiis, Crepusculum sit longissimum, indeque simul cum diebus decrescant, sed non continuū usque ad Capricornum sit hæc diminutio: nam in quodam Eclipticæ puncto inter Libram & Capricornum sit Crepusculum omnium brevissimum; ac deinceps ab hoc iterum augentur Crepuscula, efficiturque unum Crepusculum æquale illi, quod in Æquatore sit, antequam ad Capricornum Sol perveniat. Et si Sol ultra Tropicum Hyemalem excurreret, Crepuscula adhuc semper fierent longiora, etiamsi dies decrescerent. Et licet dies à Capricorno ad Arietem semper fiant longiores, Crepuscula tamen minuuntur usque ad quoddam punctum inter Capricornum & Arietem, in quo brevissimum sit Crepusculum: hoc ex sequentibus patebit, in quibus illud punctum determinatur.

Secundo circulus MaN Finitorem in unico puncto tangat, quod sit a , per quod ducatur parallelus Æquatoris da ; in hoc parallelo si Sol versetur, erit Crepusculum omnium brevissimum. Nam quia arcus parallelorum in Qn , da , gi inter Horizontem & circulum MaN intercepti sunt omnes similes, æqualibus temporibus à Sole descendente describuntur, sed ob arcus Crepusculorum ce , gb , majores quàm em vel gi , major erit mora Solis in arcu ce , quàm in em , & in arcu gb quàm in gi , hoc est, quàm in arcu da . Adeoque Crepuscula in parallelis ce , gb longiora erunt, quàm in parallelo da , in quo igitur Crepusculum sit omnium brevissimum.

Distantia paralleli ab Æquatore, in quo sit brevissimum Crepusculum, sic invenitur. Quoniam Circulus MaN & Horizon HO eundem parallelum tangunt, scil. circulum perpetuæ Apparitionis, æqualiter ad Æquatorem inclinantur, uti ostensum fuit. Est igitur angulus anT , quem Æquator & circulus MaN compræhendunt, æqualis angulo FQd Æquatoris & Horizontis: per Zenith Z & punctum a

B b 3

du-

Crepuscu-
lum Bre-
vissimum.
TAB. 34.
fig. 1.

ducatur circulus verticalis $ZY a$ Aequatorem secans in T . In triangulis itaque Sphæricis $a n T$, $T Q Y$. anguli ad a & Y sunt recti, & anguli ad Q & n æquales ostendi sunt; item anguli ad T sunt quoque æquales, ad verticem enim sunt. Quare triangula $a n T$, $T Q Y$ sibi mutuo æquiangula existentia, sunt quoque sibi mutuo æquilatera; ac proinde $T a$ æqualis erit $T Y$, seu dimidio arcus $a Y$ distantiae Finitoris ab Horizonte, & præterea erit $a n$ æqualis $Q Y$, sed est $a n$ æqualis $Q d$, per 13 lib. 2di Theodos. propterea quod $Q R$ & $d a$ sunt paralleli, adeoque erit $d Q$ æqualis $Q Y$.

In Triangulo Sphærico $T Q Y$ rectangulo ad Y datur latus $T Y$ semidistantia Finitoris ab Horizonte, item angulus $Y Q T$ æqualis $F Q d$, qui metitur complementum Latitudinis loci, quare innotescet $Q Y$, & huic æqualis $Q d$. A puncto d in Aequatorem ducatur circulus declinationis $d F$; & in triangulo rectangulo Sphærico $d Q F$, datur $d Q$ & angulus ad Q , inde innotescet arcus $d F$ distantia paralleli minimi Crepusculi ab Aequatore, seu ejus declinatio, quæ erat inveniendâ.

Unica tantum Analogia solvi potest Problema: nam in Triangulo $T Q Y$, Radius: Tang. $T Y$:: co Tang. Q : sin. $Q Y$, vel ad sin. $d Q$. Sed est sin. Q : cosin Q : Radius: co Tang. Q , quare ex æquo erit Radius ductus in sin. Q : Tang. $T Y$ X cosin. Q : Radius: sin. $Q d$ (hoc est in triangulo rectangulo $Q d F$) :: sin. Q : sin. $d F$:: Radius X sin. Q : Radius X sin. $d F$. Adeoque in Analogia, cum Antecedentes sint æquales, æquales quoque erunt Consequentes. Et erit Radius X sin. $d F$ æqualis Tang. $T Y$ X cosin. Q . Et resolvendo æquationem in Analogiam, erit Radius ad Tangentem $T Y$, ut cosin. Q seu sinus Latitudinis loci ad sinum $d F$ distantiae paralleli ab Aequatore $Q F I$.

Initium &
Finitis cre-
pusculi de-
terminan-
tur.

Data declinatione Solis, tempus initii Crepusculi Matutini, aut finis vespertini sic invenitur; sit $o p$ parallelus Solis cum Finitore Crepusculorum conveniens in p . Ducatur è Polo circulus declinationis $P p$, & in Triangulo Sphærico $P Z p$ dantur omnia latera, scil. $P Z$ complementum Latitudinis loci, $P p$ complementum declinationis Solis, & $Z p$ æqua-

æqualis quadranti plus distantiae Finitoris ab Horizonte,
 $= ZI + Ip$: unde dabitur angulus ZPp , huiusque comple-
 mentum ad duos rectos, scil. angulus pPV , unde arcus
 Aequatoris, qui hunc angulum metitur in tempus conver-
 sus ostendet tempus initii vel finis Crepusculi $QE I$.

ATMOSPHERA Terrestris non tantum Radios *Atmo-
 sphaera vis
 in refran-
 gendo.*
 Solares reflectendo claritatem producit matutinam & vesper-
 tinam, sed & reliquorum omnium siderum radios in se in-
 cidentes refrangendo, hoc est, eorum directiones mutando,
 eosque per alias rectas propagando, facit, ut Stellarum loci
 apparentes sint à veris diverſi.

Multipli experimento deprehensum est, radios corpo-
 ris luminosi, vel etiam cuiusvis objecti visibilis incidentes
 in medium diaphanum diversae densitatis ab eo, per quod
 prius propagati fuerunt, non tendere directe per easdem
 rectas lineas, sed veluti frangi & flecti, hoc est per aliam
 viam propagari; & si medium, in quod incidunt radii, sit
 densius priore, flectuntur versus rectam perpendicularem in
 superficiem ad punctum incidentiae. Si verò rarius sit me-
 dium diaphanum, franguntur radii à perpendiculari diver-
 gendo. Multos refractionum effectus in natura cernimus. *Parti Re-
 fractionis
 effectus.*
 Baculus, cujus una pars in aere extat, altera in aqua,
 fractus videtur, & altior apparet quam reverà est; & Astra
 omnia altiora, seu vertici propiora cernuntur, quam forent,
 si irrefracti ad oculum pervenissent.

Sit in Figura ZV quadrans circuli verticalis ex centro *Siderum
 Refraſtio.
 TAB. 14.
 fig. 2.*
 Terrae T descriptus, sub quo sit quadrans circuli Telluris
 maximi AB , & correspondens Atmosphaerae quadrans GH .
 Sitque S sidus quodlibet, à quo exeat radius lucis SE in
 superficiem Atmosphaerae in E incidens, cumque hic radius
 ex aura Aetherea & rara, seu potius ex vacuo in aerem
 nostrum densiorem incadat, in E refrangetur versus perpen-
 dicularem; cumque aer superior sit rarior inferiore, adeo-
 que densitas medii continuò augeatur, radius lucis ulterius
 in aere pergendo continuò curvabitur; & in curva EA ad
 oculum deferetur; hanc curvam tangat in A recta AF , &
 secundum ejus directionem radius EA in oculum recipietur;
 B b 4 cum-

cumque objectum omne videtur in recta, secundum quam sit directio radorum, qui sensorium vellicant; objectum *S* apparebit in recta *AF*, hoc est, in cœli puncto *Q* vertici propiore, quàm reverà sidus existit. Et fieri quidem potest, ut sidus appareat supra Horizontem, quod infra eundem adhuc latet.

Per refractionem Eclipsis Luna videtur, Luna infra Horizontem commorante. Ubi nulla est Refractio. Ubi maxima.

Hinc fit, ut refractione luminaria Solem & Lunam ex diametro opposita, & quorum unum infra Horizontem locatur, supra Horizontem representet, adeo ut Lunæ Eclipsis videatur, Luna infra Horizontem commorante, Sole autem supra, ut sæpius observatum fuit.

Ubi non sensibilis.

Omnium siderum in pari Altitudine æquales Refractiones.

Sidus in vertice constitutum nullam patitur refractionem; nam radius perpendicularis rectà progreditur; at quod obliquior est radius in aerem incidens, eò major est refractione, adeoque in Horizonte refractione est maxima. Et Stella magis quàm 50 gradibus supra Horizontem elevata nulli sensibili obnoxia est Refractioni. In æqualibus à vertice distantis apparentibus, refractiones sunt æquales, adeoque Solis, Lunæ, & Fixarum omnium in pari altitudine refractiones sunt æquales, contra quàm censuit Astronomiæ instaurator, refractionumque primus investigator Nobilis Braheus. Hinc si inveniantur Fixarum refractiones, dabuntur etiam Solis Lunæque & Planetarum omnium refractiones; & per observationes, facilius investigatur Fixæ alicujus refractione, quàm Solis & Lunæ, quippe horum siderum non satis accuratè notæ Parallaxes investigationem refractionum dubiam reddunt, dum incerta sit quanta loci mutatio Parallaxi, quanta refractioni debetur. At Stellæ Fixæ nulli Parallaxi obnoxie sunt, & tota loci variatio à refractione pendet.

Fixarum, quæ ad altitudinem majorem 50 gradibus perveniunt, dantur declinationes, ascensiones rectæ, longitudes, & latitudes, satis accuratè; nam in tanta altitudine, earum refractiones sunt quàm proximè nullæ. Quibus cognitæ refractiones prope Horizontem sequenti methodo inquiruntur. Sit *OPZH* Meridianus, *HO* Horizon, *EQ* Æquator, Polus *P*, Vertex *Z*, *A* Stella cujus refractione est investiganda, Verticalis per Stellam transiens *ZD*, Stellæ locus visus

TAB. 34.
fig. 3.

C;

C; arcus AC erit Stellæ refraction. Observetur Distantia Stellæ à vertice visa, scil. arcus ZC, & habeatur, vel per Alitudinem observatam alterius Stellæ extra Refractionis aleam positæ, vel per Horologium automaton Temporis momentum, quo observatio facta fuit. Ex hoc tempore & ascensione recta Solis dabitur punctum Æquatoris eodem momento culminans, scil. punctum Æ. Sed datur quoque Stellæ ascensio recta; adeoque punctum Æquatoris B, ubi circulus declinationis PAB per Stellam ductus Æquatori occurrit. Itaque dabitur Æquatoris arcus EB, qui est mensura anguli ZPA: In Triangulo igitur Sphærico ZPA, ex datis lateribus ZP distantia verticis à Polo, & PA complemento declinationis Stellæ, & angulo ZPA, invenietur per Trigonometriam Sphæricam latus ZA, vera distantia Stellæ à vertice, à qua si subtrahatur ZC distantia visa observatione cognita, habebitur arcus AC Stellæ refraction, quæ erat inveniendâ.

Refractionis Investigatio.

Potest enim Fixæ refraction inveniri, si observetur ejus Azimuthus, seu arcus Horizontis inter Meridianum & verticalem per Stellam ductum interceptus, scil. DO; nam arcus ille metitur angulum PZA, ex quo dato, & lateribus PZ, PA, invenietur ZA vera distantia Stellæ à vertice, & si ab hac auferatur distantia observata, restabit CA refractionis quæsitâ.

Azimuthus sideris cujusvis observatione optimè innotescet, si ducatur in plano Horizontis linea Meridiana AE, super quam erigatur filum perpendiculare CA; quod pondere appenso facile fit: deinde aliud filum BD, pondere similiter instructum, ita suspendatur, ut Stella ab illis duobus filis tegatur; adeoque erit Stella in plano verticalis circuli per duo fila CA, DB ducti; notetur deinde punctum B, ubi filum BD plano Horizontis occurrit, & in linea Meridiana punctum A, cui filum CA incumbit; sumptoque in Meridiano quolibet puncto E, ducantur AB, BE, & regula in partes æquales satis minutâ divisa, capiantur mensuræ trium laterum Trianguli BAE; ex quibus per Trigonometriam investigetur angulus BAE; & innotescit Azimuthus sideris quæsitus.

Sideris Azimuthus quomodo observetur.
TAB. 34.
fig. 4.


Ex

Ex Refractione ratio redditur, cur Sol & Luna prope Horizontem visi ovalem induunt figuram; nam eorum margines inferiores per refractionem multum elevantur, non item superiores margines; adeoque hæ margines sibi appropinquare videntur, & contractiores justo apparent; interim utrique termini Horizontalis diametri æqualiter per refractionem elevati cum sint, invariata manebit eorum distantia.

TAB. 14.
Fig. 5.

Radii Solares prope Horizontem profundius in Atmosphaera immerguntur.

Radii Solares, cum Sol est in Horizonte, longiore multo itinere per aerem feruntur, quam cum is prope verticem versatur. Sit enim $A B D$ Tellus, & $E C F$ circumfusa Atmosphaera, cujus altitudo vulgò æstimatur 50 milliarium. Sit $C A$ radius Horizontalis, $E A$ verticalis, patet esse $C A$ longiorem quam $E A$; eorum autem rationem sic investigare licet. Ponatur semidiameter Telluris $A T$ in numeris rotundis, esse milliarium 4000, & $E A$ 50. Erit $E T = C T$ milliarium 4050, cujus quadratum æquale est quadratis $T A$ & $C A$. Adeoque si à quadrato $C T$ auferatur quadratum $A T$, restabit quadratum $C A$, hoc est si ab 16402500 auferatur 16000000, restabit 402500 pro quadrato lineæ $C A$; cujus radix est 634. Est igitur $C A$ ad $E A$, ut 634 ad 50, hoc est in majore ratione quam 12 ad 1. Hinc patet ratio, cur illævis oculis possumus Solem Orientem aut Occidentem intueri; at in Meridiano non sine oculorum damno aspiciendus est Sol; nam radii Solares in Horizonte per tam crassum Atmosphaeræ corpus progrediendo, in particulas innumeras in aere volitantes impingunt, à quibus reflectuntur, eorumque vires multum exinde debilitantur. Patet etiam, cum per tam exiguum spatium progrediendo tantum debilitantur Radiorum vires, si Atmosphaera nostra ad Lunam eadem densitate se extenderet, non Solem, nedum Lunam aut Stellas, videri posse.





LECTIO XXII.

De Parallaxi Siderum.

CUM motus omnes apparentes diurni circa Axem Telluris, non circa locum spectatoris ejus superficiem inco-
 lentis, peragi videantur, necesse est, ut qui motus siderum ex Telluris superficie observat, ea inæqualiter moveri
 aspiat; nam si mobile aliquod æqualiter in circuli periphe-
 ria deferatur, motus æqualitas ex nullo alio puncto, præter
 ea, quæ in Axe Circuli locantur, spectari potest; unde Phæno-
 meni in cælo locus visus diversus erit, cum è superficie Terræ
 observatur, quàm si ex ejusdem centro spectaretur. Et hæc
 locorum differentia, cum sidus è superficie Telluris videtur,
 & ab ejus centro spectatur, Parallaxis dicitur.

*Motus cir-
 cularis æ-
 qualis ex nullo
 alio loco
 quàm axe
 æqualis
 videtur.*

Sit AB quadrans circuli in Telluris superficie maximi,
 cujus centrum T, A locus in superficie, ejusque vertex in
 cælis V, circulusque VNH referat cælum Stellatum, linea
 AD Horizontem sensibilem, in quo sit sidus in C, cujus
 distantia à Telluris centro sit TC. Hoc sidus è Telluris cen-
 tro spectatum in cælo Stellato in E conspicietur supra Ho-
 rizontem arcu DE elevatum; punctum E dicitur locus Phæ-
 nomeni verus. At si è Telluris superficie in A observator
 illud intueatur, in Horizontis puncto D ipsum conspiciet,
 quod locus ejus apparens nominatur. Et arcus DE diffe-
 rentia inter locum verum & visum dicitur *Parallaxis Astri*.

*Parallaxis
 Quid?
 TAB. 15.
 fig. 1.*

Si sidus altiùs elevetur supra Horizontem in M, ejus lo-
 cus verus è Telluris centro visus est P, at visus è superfi-
 cie puncto A est N, & Parallaxis est arcus PN, qui arcu
 DE minor est: unde Parallaxis sideris in Horizonte exi-
 stentis est omnium maxima; quò altiùs attollitur sidus, eò
 minorem patitur Parallaxim; si autem ad verticem pervene-
 rit, nulli Parallaxi est obnoxia; nam cum in Q exiit, tam
 ex T quàm in A, in eadem recta TV videtur, nullaque est
 differentia inter locum verum & visum. Quò longiùs sidus
 aliquod à Terra distat, eò ejus Parallaxis est minor; ita si-
 deris

*In majori à
 Tellure di-
 stantia mi-
 nor est Pa-
 rallaxis.*

deris F à Tellure longius remoti Parallaxis est GD , sideris propioris C Parallaxi minor. Hinc patet, Parallaxim esse differentiam inter veram sideris à vertice distantiam è Terræ centro visam & eam, quæ ex ejus superficie conspicitur. Nam sideris M vera distantia à vertice est arcus VP , at ex A conspecto sidere, distantia ejus à vertice est VN .

Has distantias metiuntur anguli VTM , VAM comprehensim recta TV ad verticem ducta, & rectis TM , AM ex centro & superficie Telluris ad sidus ductis; horum autem angulorum differentia est angulus TMA . Nam est angulus VAM externus æqualis duobus internis ATM & TMA ; adeoque est TMA differentia angulorum VAM & VTM , qui itaque Parallaxim metitur; & ideo ipse Parallaxis dicitur. Est autem ubique hic angulus ille, sub quo semidiameter Terræ per locum observatoris ducta è sidere videtur, adeoque ubi semidiameter illa directè videtur, maximus est; hoc est sideris in Horizonte existentis maxima est Parallaxis; & ascendendo minuitur Parallaxis, in ea ratione, quæ in sequenti Theoremate demonstratur.

THEOREMA.

Sinus Parallaxeos est ad sinum distantie sideris à vertice visæ in data ratione, scil. in ratione semidiametri Telluris ad distantiam sideris.

*Parallaxes
minuuntur
in ratione
sinuum di-
stantiarum
à vertice.*

Nam per notissimum Trigonometriæ Theorema. In Triangulo ATM est sinus anguli AMT ad sinum anguli TAM vel VAM , ut AT ad TM ; scil. in constante ratione semidiametri Telluris ad sideris distantiam. Hinc sinus Parallaxis sideris in C est ad sinum Parallaxis in M , ut sinus anguli VAC ad sinum anguli VAM . Itaque si detur sideri Parallaxis in aliqua à vertice distantia, dabitur ejus Parallaxis in alia quavis à vertice distantia.

Si Phænomenon aliquod longius 15000 semidiametris Telluris ab ejus centro distet, ejus Parallaxis etiam Horizontalis insensibilis evadit. Nam si sit TF ad TA , ut 15000 ad 1. seu ut Radius ad sinum anguli TFA , invenietur ille angulus minor scrupulis secundis 13, qui angulus tam exiguus est, ut nullis instrumentis observari possit.

Si

Si detur sideris alicujus distantia à Telluris centro, dabitur ejus Parallaxis. Nam in triangulo TAC rectangulo ad A , ex datis TA semidiametro Telluris, & TC distantia sideris invenietur per Trigonometriam angulus ACT Parallaxis sideris Horizontalis: & vicissim si detur Parallaxis, dabitur distantia sideris à Terræ centro, in eodem scil. triangulo, ex datis AT & angulo ACT elicietur distantia TC .

Si sidus nullum habeat motum sibi proprium, ejus distantia vera à qualibet Fixa per arcum circuli mensuranda semper eadem & immutata manet in omni sideris supra Horizontem elevatione; at si Parallaxi sensibili sit obnoxium sidus, ejus distantia visa à Fixa aliqua continuò mutabitur; & si Fixa sit in eodem circulo verticali cum sidere, sed illo altior, minuitur distantia ascendendo, si humilior sidere sit Fixa, ascendendo sidus à Fixa remotius videbitur, quamvis è centro Telluris conspectum eandem ubique retinebit distantiam, ideoque distantia sideris propinqui à Fixis visa non sunt reales, sed apparentes.

Per Parallaxes, siderum à fixis distantia continuò mutantur.

Sit Phænomenon seu sidus in Horizonte in C visum, è Telluris centro T cum Fixa E conjungi videbitur; at à spectatore in A existente, in eadem recta cum Fixa D cernitur & distare videbitur à Fixa E arcu DE ; at ubi sidus ad M ascendit, semper videbitur è Telluris centro in conjunctione cum eadem stella E , quæ nunc in P existit. At è superficie Telluris, ex A scil. spectatum sidus videbitur in N , propiùs quidem Fixæ quàm fuit, dum Horizontem occupabat; quare non in eodem loco cum Fixa D videbitur, à qua distabit spatio Nd , posito arcu Pd æquali ED . Hinc sequitur, si sidus aliquod eandem semper inter Fixas conservet positionem, neque distantias arcuales ab iisdem mutare videatur, nulli Parallaxi sensibili erit obnoxium. Quinetiam si à Fixis distantia quidem varietur, sed mutatio sit ea solùm, quæ motui sideris proprio deberur, in illo casu nulla quoque est Parallaxis sensibilis; sin sidus magis vel minus à Fixa aliqua recesserit, vel ei accesserit, quàm postulat motus ejus proprius, differentia illa erit Parallaxeos effectus.

Pa-

358 DE PARALLAXI SIDERUM.

*Parallaxi-
um species.*

Parallaxis sideris in circulo verticali mutationem in ejus loco inducit quoad reliquos Sphæræ circulos, efficitque ut ejus Longitudo, Latitudo, Ascensio Recta, & Declinatio diversæ videantur à veris, quæ è centro Telluris conspiciendæ erant, unde quatuor præcipuè oriuntur Parallaxium species.

TAB. 35.
fig. 2.

Sit HO Horizon, cujus Polus V, E Q, Ecliptica, ejusque Polus P, VA verticalis circulus per sidus transiens, cujus verus locus sit C, at visus sit D in eodem verticalis magis à vertice distans, Parallaxis altitudinis est arcus DC. Per Polum Eclipticæ P, & sideris locum verum transeat secundarius Eclipticæ, seu circulus Latitudinis PCG, & G, erit verus locus sideris ad Eclipticam reductus, punctumque G ejus Longitudinem veram ostendet; at per locum visum D trahatur Latitudinis circulus PDH cum Ecliptica conveniet in H puncto, quod erit sideris locus in Ecliptica visus. Arcus Eclipticæ GH interceptus inter duos Latitudinis circulos per verum & visum locum transeuntes dicitur *Parallaxis Longitudinis*. Sideris in C existentis vera Latitudo est CG; at cum in D videtur, Latitudo visa est DH; haurum differentia CN *Parallaxis Latitudinis* vocatur.

*Parallaxis
Longitudi-
nis.
Parallaxis
Latitudi-
nis.*

Si sidus sit in circulo verticali, qui Eclipticam in nonagesimo gradu ab Oriente puncto interfecat, hoc est, qui Eclipticæ sit perpendicularis v. gr. in circuli VE puncto c, Parallaxis Longitudinis nulla erit; nam cum circulus verticalis VE in hoc casu Eclipticæ ad angulos rectos occurrat, per ejus Polos transibit, idemque erit circulus Latitudinis, in quo existit verus & visus sideris locus, adeoque loci hi ad Eclipticam reducti in idem punctum incident, & in hoc casu Parallaxis Latitudinis coincidit cum Parallaxi Altitudinis.

Quadrans Orientalis Eclipticæ est, qui inter nonagesimum gradum & punctum ejus Oriens intercedit. Occidentalis autem quadrans est, qui inter nonagesimum & Occidentem Eclipticæ gradum interjicitur. Sideris in Orientali quadranti existentis Longitudo visa major est quam vera: nam oriente sidere, Parallaxis illud magis in Orientem deprimit.

primit . Sic in figura , locum in Ecliptica visum signat punctum *H* magis in Orientem promotum , quàm est locus verus *G* . At si sidus sit in quadranti Occidentali , Longitudo visa minor est quàm vera , quoniam Parallaxis in hoc situ sidus versùs Occidentem detrudit .

Referat jam circulus *E Q* Æquatorem , *P* ejus Polum , *P V H* Meridianum , *V C A* circulum Verticalem per sidus transeuntem , in quo sit *C* locus sideris verus , *D* visus ; sintque *P C G* , *P D H* Secundarii Æquatoris , sive circuli Declinationum per locum sideris verum & visum traducti , Æquatori occurrentes in *G* & *H* . Punctum *G* ostendet ascensionem rectam sideris veram , *H* visam , quarum distantia *G A* est *Parallaxis Ascensionis rectæ* . Declinatio sideris vera est *G C* , visa *D H* , differentia Declinationum *N C* dicitur *Parallaxis Declinationis* . Si sidus sit ad Orientem Meridiani , ascensio recta visa major est vera , si ad Occidentem , fiet visa minor vera ; at cum sidus in Meridiano culminat , nulla est Parallaxis ascensionis rectæ , propterea quòd idem Declinationis circulus per visum & verum locum transit .

*Parallaxis
Ascensionis
rectæ .
Parallaxis
Declinationis .*

Varias excogitaverunt Astronomi methodos , ut siderum Parallaxes investigent , & ut exinde eorum distantia à Tellure innotescant . His enim cognitis , judicium aliquod de amplitudine mundana ferre licebit . Modos aliquos , quos ad rimandas Parallaxes adhibuerunt Astronomi , liceat nunc vobis exponere .

Primo observetur sidus , quando est in eodem verticali circulo cum duabus Stellis Fixis . Sit *V B* verticalis , in qua simul videntur Fixæ *C* & *D* , & sidus *S* , cujus locus visus erit quoque in eodem verticali , qui sit *E* , unde si sidus nullum habeat motum proprium , eundem semper ad Fixas *C* & *D* conservabit situm , eritque ejus locus verus in linea per Fixas *C D* transeunte . Post aliquod tempus rursus observetur sideris positio respectu Fixarum , quando scil. non in eodem verticali , sed potius in circulo Horizonte æquidistante videntur , scil. sunt Fixæ *c* & *d* , sitque locus sideris visus *e* , at verus erit in linea *d c* , quæ Fixas conjungit : observentur di-

*Modus pri-
mus explo-
randi Pa-
rallaxim .
TAB. 35.
fig. 3.*

distantiæ Fixarum & sideris à vertice, scilicet arcus dV , eV , & eV . Capiantur etiam loci visi e distantia de à Fixa d , & Fixarum distantia dc . Locus verus sideris est in verticali $V e$ per locum visum transeunte, est etiam in linea dc , erit ergo in intersectione S . Adeoque Parallaxis sideris est es . In triangulo dVc dantur omnia latera, quare innoteſcet angulus $V d c$: rursus in triangulo $V d e$ dantur omnia latera, innoteſcet igitur angulus $d V e$, vel $d V S$. Denique in triangulo $d V S$ datur latus $d V$ distantia Fixæ d à vertice observata cum angulis $d V S$ & $V d S$ mox inventis; quare invenietur latus $V S$, quod ab $V e$ ablatum relinquit arcum $S e$ Parallaxim quæſitam.

*Methodus
ſecunda.*

TAB. 35.
fig. 4.

Poteſt ſideris Parallaxis hac quoque ratione facillimè obtineri; nempe obſervetur, quando ſidus eſt in aliquo verticali cum quavis ſtella fixa vicina, ejuſque diſtantià à Fixa capiatur: deinde obſervetur rursus, quando ſidus & Fixa parem obtinent ab Horizonte altitudinem; harum diſtantiarum differentia erit quàm proximè ſideris Parallaxis. Sit Horizon HO , vertex loci V , circulus verticalis VB , in quo obſervetur ſidus in E , & Fixa in D , locus autem ſideris verus ſit S , & $S E$ Parallaxis. Altitudinum differentia $D E$ erit ſideris & Fixæ diſtantià viſa: obſervetur deinde Fixa in d , & ſidus in loco viſo e in eadem à vertice diſtantià, erit diſtantià ſideris & Fixæ de quàm proximè æqualis verè illorum diſtantiæ. Nam ſit s locus ſideris verus. Et quoniam Parallaxis se reſpectu arcus Ve parva admodum eſt; erunt ds & de fere æquales; quod adeo verum eſt, ut ſi Parallaxis se foret unius gradus, tamen de & ds vix uno minuto differrent. Si itaque inſtrumento obſervetur diſtantià de , notus erit arcus ds ipſi quàm proximè æqualis; & eſt ds æqualis DS in prima obſervatione; à DS itaque auferatur arcus notus DE , & reſtabit SE Parallaxis ſideris in E obſervati.

Modus tertius.

TAB. 35.
fig. 5.

Phænomeni alicujus Parallaxis inveniri quoque poteſt, obſervando ejus Azimuthum, diſtantiàm à vertice, & tempus inter obſervationem, & ejus ad Meridianum appulſum. Sit $HVPO$ Meridianus, in quo ſit vertex V , Polus P , & ſit HO

HO Horizon, VB circulus verticalis per sideris locum verum S & visum E transiens. Traducantur quoque per locum verum & visum circuli declinationum PSPE; observeturque sideris Azimuthus BO, vel angulus BVO eo modo, quo in Lectione de Refractione siderum Azimuthos capere docuimus. Observetur quoque sideris distantia à vertice visa VE, & notetur momentum temporis, quo observatio facta est. Expectetur deinde, dum sidus ad Meridianum appulerit, & momentum appulsus accuratè definiatur, quod fit vel per Horologium Automaton, vel per Altitudinem Fixæ alicujus notæ. Temporis intervallum inter observationem primam sideris in verticali, & ejus appulsus ad Meridianum in gradus & minuta Æquatoris conversum, dabit arcum Æquatoris EC, qui est mensura anguli VPS. Itaque in triangulo VPS datur latus VP distantia Poli à vertice, & anguli VPS & PVS, unde innotescet arcus VS vera distantia sideris à vertice, qua ex observata VE sublata, restabit arcus SE Parallaxis quæsitæ.

Notandum est, ut convertatur tempus in gradus & scrupula Æquatoris, reducendum est prius tempus in horas & minuta primi mobilis, quæ horis Solaribus sunt aliquantulum minores; vel si adhibeantur horæ Solares, pro earum singulis numerandi sunt in Æquatore gradus 15, minut. 2, secund. 27, tert. 51; & proportionaliter pro particulis adjunctis.

Sit HO arcus Horizontis, AM Meridianus, in quo sit P ^{Modus} Polus, V vertex loci, sideris locus visus E; ante appulsus ^{quartus} TAB. 15. sideris ad Meridianum observetur ejus à vertice distantia VE, ^{fig. 6.} sideris locus verus sit S, Parallaxis SE. Inveniatur Azimuthus EVM, & notetur tempus observationis; deinde post appulsus sideris ad Meridianum observetur illud iterum, quando eandem obtinet à vertice distantiam Ve, unde cum visæ distantie sunt æquales, erant quoque veræ distantie VS, V s æquales. Notetur intervallum temporis inter primam observationem & secundam; hoc tempus in gradus & minuta Æquatoris conversum dabit angulum SPs, cujus dimidium est angulus SPV. Itaque in triangulo SPV dantur an-

guli SPV & SVP, qui est complementum Azimuthi ad 180 gradus, item latus VP distantia verticis & Poli; exinde innotescet arcus VS distantia vera sideris à vertice, quæ si ab VE, observata distantia, auferatur, dabit SE Parallaxim quæsitam.

*Modus
quintus.*

Hæ praxes ex observatione Azimuthi pendent; at absque illius observatione Parallaxeos cognitio obtineri potest per Ascensiones sideris veras & visas, ex quibus Azimuthi calculo eliciuntur. Nam observentur distantia sideris à duobus quibuscvis Fixis, quarum distantia & Ascensiones rectæ notæ sunt; & exinde quærat^r sideris Ascensio recta, uti in Lectione XX docuimus; deinde cum sidus ad Meridianum pervenerit, rursus capiatur ejus distantia à duobus Fixis, ex quibus habebitur eadem methodo Ascensio recta sideris vera, seu punctum, ubi circulus Declinationis per verum sideris locum transiens *Æquatori* occurrit.

TAB. 36.
fig. 1.

Ex Ascensione recta visa sideris in Verticali VB observata, & puncto *Æquatoris* culminante, dabitur angulus VPE; quare in triangulo VPE, ex datis lateribus VP, VE, & angulo VPE inveniri potest angulus PVE, qui est Azimuthalis angulus; data autem sideris Ascensione vera, quæ in Meridiano observata fuit, & puncto *Æquatoris* culminante, dabitur angulus VPS, unde in triangulo VPS, ex datis angulis PVS & VPS, & latere VP dabitur latus VS, vera sideris à vertice distantia, quæ si ab observata VE auferatur, relinquetur SE Parallaxis sideris.

Ad Ascensiones siderum rectas determinandas non satis fida est in subtili hoc negotio Temporis observatio, quæ fit Penduli vibrantis ope; si enim unius scrupuli secundi error in numerando commissus fuerit, hic error producet in Ascensione recta errorem 15. scrup. secund.

Ut habeatur vera sideris Ascensio recta, non opus est, ejus appulsum ad Meridianum observare; sed melius perficitur per duas observationes, quarum una peragitur in Orientali Cœli quadrante, altera in Occidentali, at in utraque par sit altitudo sideris visa. Nam si capiatur distantia sideris à duobus Fixis notis in orientali Cœli plaga, elicietur
exin-

exinde ejus Ascensio recta visa, quæ vera major erit; quoniam Parallaxis deprimit sidus versus Orientem; rursus cum sidus ad eandem à vertice distantiam, in Occidentali plaga pervenerit, capiatur similiter ejus Ascensio recta visa, quæ tantundem minor erit vera, quantum prior veram superabat. Nam Parallaxis in æquali altitudine tantum sidus ad Occidentem deprimit, quantum prius versus Orientem illud protrudebat. Adeoque si Ascensionum visarum differentia bisecetur, & semidifferentia minori addatur, vel à majori auferatur, habebitur vera sideris Ascensio, adeoque punctum *Æquatoris*, ubi circulus declinationis per sidus transiens eidem occurri, hoc est punctum *C*; sed ex dato momento temporis observationis primæ datur Ascensio recta meridii cœli, seu punctum *Æquatoris* culminans *Æ*, unde dabitur Arcus *Æ C*, qui metitur angulum *Æ P C*, unde in triangulo *V P S*, ex datis *V P* latere, & angulis *PVS* & *V P S*, invenietur, ut prius, *V S* distantia sideris à vertice, quæ ex visa ablata relinquit arcum *S E* Parallaxim Alitudinis, quæ erat inveniendâ.

TAB. 35.
fig. 5.

Omniū optimè & facillimè exquiritur Parallaxis Ascensionis rectæ, si adhibeatur Telescopium, in cujus foco sunt quatuor fila ad angulos semirectos se interfecantia, ut in *Modus Sextus*. TAB. 36. *fig. 2.*
Lectiōe XX. exposuimus; & Telescopium dirigatur versus sidus, atque continuò vertatur, donec in filo transversō *A B* videatur, ejusque motus apparens diurnus fiat secundum hujus fili directionem; in quo situ filum *A B* exponet portionem paralleli, quem percurrit sidus, & filum *C D* illud ad angulos rectos interfecans circulum aliquem horarium repræsentabit. Notetur deinde temporis momentum, quando sidus in circulo horario *C D* videtur; dehinc Telescopio immoto manente, observetur tempus, quando alia aliqua stella, cujus nota est Ascensio recta, ad eundem circulum horarium appulerit. Intervallum temporis inter sideris & Fixæ appulsus ad circulum horarium in gradus & minuta *Æquatoris* conversum dabit differentiam inter Ascensionem rectam Fixæ, sideris Ascensionem visam. Cum verò sidus ad Meridianum appulerit, rursus Telescopio obser-





TAB 16
fig. 1.


Investigatio Parallaxeos quando stellas habet motum proprium.

servetur, & eadem methodo quæatur ejus ascensio recta visa, quæ in Meridiano coincidit cum vera. Unde dabitur punctum *Æquatoris*, ubi declinationis circulus per verum locum sideris *Æquatori* occurrit; datur itaque sideris Ascensio recta vera, & datur quoque visa, unde dabitur harum differentia, seu Parallaxis Ascensionis rectæ, quæ est angulus SPE . Et quoniam datur Ascensio visa sideris, & punctum *Æquatoris* tempore observationis culminans, datur arcus *Æquatoris* inter hæc duo puncta interceptus, qui est mensura anguli VPE ; itaque in triangulo VPE dantur latera VP , VE , & angulus VPE , quare innotescet angulus PVE : ab angulo VPE auferatur angulus SPE Parallaxis Ascensionis rectæ, & dabitur angulus VPS ; denique in triangulo VPS ex datis angulis PVS & VPS , & latere VP , innotescet latus VS vera sideris à vertice distantia, quæ ex visa ablata, relinquet SE sideris Parallaxim.

Si sidus motum habeat proprium, ejus Ascensio recta per illum motum continuò mutabitur, nisi in aliquo declinationum circulo feratur; adeoque habenda est ratio istius mutationis; quod fiet, si observetur sideris in Meridiano existentis Ascensio recta, & cum proximo die rursus ad Meridianum pervenerit, iterum observetur ejus Ascensio recta; differentia dabit mutationem Ascensionis rectæ, quæ tempori intermedio competit; nam in Meridiano existente sidere, nulla est Parallaxis Ascensionis rectæ. Ex his observationibus cognoscetur motus diurnus proprius sideris secundum *Æquatorem*, & ex motu diurno dabitur motus pro quolibet tempore intermedio: *v. gr.* si motus diurnus secundum *Æquatorem* sit 30 min., hoc est, si sideris locus in *Æquatore* quotidie promoveatur spatio 30 min., sitque tempus inter observationem primam in orientali quadrante, & secundam in Meridiano factam æquale sex horis, huic temporis spatio debetur motus septem $\frac{1}{2}$ minutorum. Supponamus jam, differentiam inter Ascensionem rectam in verticali & in Meridiano observatam esse 20 minutorum, horum septem cum dimidio motui proprio sideris debentur; unde Parallaxis Ascensionis rectæ erit duodecim cum dimidio minutorum.

Si-





Simili methodo per Longitudines sideris visas & veras investigari possunt Parallaxes. Visa Longitudo habetur observando sideris distantias à duabus Fixis, quarum loca nota sunt; vera autem Longitudo habetur capiendo distantias à Fixis notis, cum sidus est in nonagesimo Eclipticæ Gradu, ubi Longitudo visa coincidit cum vera.

His & similibus methodis, si sidus aliquod habeat Parallaxim scrupulo primo non minorem, illa inveniri potest. In Luna quidem satis notabilis deprehenditur Parallaxis, quæ in Horizonte sæpe gradui & amplius æquatur. Sed præterea non desunt aliæ methodi Lunæ peculiare, quibus ejus Parallaxis habetur, quarum unam huc indicare liceat.

In Eclipsi Lunæ observetur, quando cornua in eodem verticali circulo videntur, & in eo momento capiatur utriusque cornu Altitudo; Altitudinum semi-differentia ad Altitudinem humilioris cornu addita, vel ab Altitudine sublimioris ablata dabit Altitudinem visam medii inter cornua puncti, quæ quàm proximè est æqualis Altitudini centri Lunæ. Sed vera Altitudo centri Lunæ est quàm proximè æqualis Altitudini centri Umbræ supra Horizontem. At datur Altitudo centri Umbræ, quia datur pro illo temporis momento locus Solis in Ecliptica, & proinde punctum Eclipticæ huic loco oppositum, in quo est centrum Umbræ, cujus proinde Altitudo pro tempore dato computari potest; nam est illa æqualis depressioni Solis infra Horizontem in eodem momento; quare dabitur vera Lunæ Altitudo; sed datur per Observationem Altitudo visa, unde & earum differentia, quæ est Lunæ Parallaxis, datur.

Quoniam Lunæ distantia à centro Telluris, pro vario ejus ab Apogeo recessu, continuè minuitur, necesse est, ut Parallaxis ejus Horizontalis in eadem ratione continuè augeatur, sicuti per accessum ad Apogeeum minuatur; ideo Tabulam condunt Artifices; quæ Lunæ Parallaxim Horizontalem pro singulis ejus Anomalie gradibus ostendit.

Quamvis methodi superius traditæ, Lunæ Parallaxim satis notabilem esse, manifestant; illarum tamen nullæ sufficient

*Parallaxis
Lunæ inve-
stigatio per
methodum
peculia-
rem.*

*Solis Pa-
rallaxis
methodis
prædictis
non potest
obtineri.*

ad Solis Parallaxim explorandam; ea enim tam exigua est, ut observationes requiritæ tam accuratè capi non possint, quæ ipsam determinant; & error in observando vix evitari queat, qui non toti Solis Parallaxi æqualis evadat.

Hic observationum defectus Veteres impulit Astronomos, ad alias Soli peculiare inundas vias, quibus ejus Parallaxim cruerent; quæ quidem methodi, etsi maximum acumen & ingenium Veterum ostendunt, parum tamen sunt idoneæ in tam subtili indagine ad rem ipsam investigandam. Utiles tamen sunt ad demonstrandum, distantiam Solis à Tellure immensam esse respectu distantiae Lunæ ab eadem, ideoque à proposito nostro non alienum erit, eas vobis exponere.

*Hipparchi
methodus
pro inve-
nienda Pa-
rallaxi So-
lis.
TAB. 22.
fig. 2.*

Prima methodus est Hipparchi, eamque adhibuere Prolemæus, ejusque sequaces, & alii Astronomi non pauci. Ninitur autem in observatione Eclipsæ Lunaræ, & principia, ex quibus pendet, hæc sunt: Primò in Eclipsi Lunari Parallaxis Solis Horizontalis æqualis est differentiae inter Solis semidiametrum apparentem, & semiangulum coni Umbrosi. Quod hac ratione facile ostenditur. Circulus AFG repræsentet Solem, DHE Tellurem, sitque DMH conus Umbrosus, DMC semiangulus coni. Ducatur à centro Solis S recta SD Tellurem tangens. Erit angulus DSC semidiameter apparens Telluris è Sole spectata, quæ æqualis est Solis Parallaxi Horizontali. Et angulus ADS est apparens semidiameter Solis è Terra visa. Est autem, per 32 *Elem. Primi*, angulus ADS externus æqualis angulis DMS & DSM internis; adeoque angulus DSM æqualis est differentiae angulorum ADS & DMS. Secundo semiangulus coni æqualis est differentiae Parallaxis Horizontalis Lunæ, & semidiametri apparentis Umbrae ad Lunæ cælum; sit enim CDE Tellus, CME conus Umbrosus, qui plano transversæ ad distantiam Lunæ secetur; sectio erit circulus, cujus semidiameter est FG, quæ ex Telluris centro videtur sub angulo GTF; sed, per 32 *Elem. Primi*, est angulus CFT æqualis angulis FMT & GTF; adeoque angulus FMT æqualis est differentiae angulorum CFT & FTG; sed est angulus CFT ille, sub quo Terræ semidiameter è Lunæ cælo videtur, hoc est

*TAB. 23.
fig. 5.*

est æqualis Parallaxi Lunæ Horizontali. Et angulus FTG est semidiameter apparens Umbræ; unde patet, semiangulum coni esse differentiam inter Parallaxim Horizontalem Lunæ, & Umbræ semidiametrum apparentem. Quare si Solis semidiametro apparenti addatur semidiameter apparens Umbræ, & à summa auferatur Parallaxis Horizontalis Lunæ, restabit Parallaxis Horizontalis Solis, quæ proinde ex illis accurate datis habebitur. Verum horum datorum nullum tam accurate innotescit, ut sufficiant ad Parallaxim determinandam; nam ex parvis (in his angulis capiendis) erroribus, qui vix evitari possunt, ingentes prodibunt errores in Parallaxi Solis, & maximæ discrepantiæ in ejus distantia à Tellure, quæ ex illa pender. Exempli gratia, Parallaxim Lunæ Horizontalem ponamus esse min. prim. 60, sec. 15; Solis semidiam. min. 16, & semidiametrum Umbræ 44 min. prim. 30, secund. Ex his colligitur, Parallaxim Solis esse 15 secund., & distantiam ejus à Tellure æquari 13000 semidiametris Terræ. At si error commissus fuerit in determinando semidiametro Umbræ, sitque ille tantum 12 secund. in defectu: & sane semidiameter Umbræ vix tanta præcisione obtineri potest; hoc est, si loco $44' : 30''$ capiantur $44' : 18''$, reliquis manentibus, prodibit Parallaxis Solis 3 secund., & ejus distantia à Tellure æqualis fere 70000 semidiametris Terræ, plus quam quintuplo major quam prior. Si vero in excessu peccatum fuerit, atque semidiameter Umbræ ponatur $44' : 42''$, reliquis manentibus, elicietur Parallaxis 27 minorum secundorum, & distantia Solis 7700 semidiametrorum Terrestrium, fere decuplo minor quam per æqualem errorem in defectu elicitur. Si error in defectu admixtus fuerit 15 secund., prodibit Solis Parallaxis nihilo æqualis, ejusque distantia infinita. Quare cum ex tantillis erroribus Parallaxis, & distantia Solis tam diversæ procedunt, manifeste patet, hac methodo veram Solis Parallaxim, ejusque distantiam obtineri non posse.

Cum igitur angulus ad Solem, quem Terræ semidiameter subtendit, tam exiguus sit, ut observatione deprehendi non possit, excogitavit *Arifarchus Samius* methodum, qua angulum

*Hipparchi
methodus
non sufficit
ad Solis pa-
rallaxim
exploran-
dam.*

*Arifarchi
methodus ..*

Iam ad Solem, quem Lunaris orbitæ semidiameter subten-
dit, determinare conatus est; hic enim angulus sexaginta
circiter vicibus priore major est. Ad hujus anguli investiga-
tionem sequentia ponit principia.

Ostensum fuit in Lectione de Lunæ Phasibus, quod si
per Lunæ centrum transeat planum, ad quod recta, Solis &
Lunæ centra conjungens, sit normalis, hoc planum Hemi-
sphærium Lunæ illuminatum ab obscuro dividere; adeoque
si planum hoc transeat per spectatoris oculum in Tellure,
Luna tunc dimidiata seu bisecta apparebit, & recta à Ter-
ra ad Lunæ centrum ducta erit in plano illuminationis; ade-
oque ad rectam, quæ Solis & Lunæ centra conjungit, perpen-
dicularis erit. Sit S Sol, T Terra, A L q quadrans orbitæ
TAB. 16. Lunaris, recta S L à Sole ducta Lunæ orbitam tangat in L,
fig. 3. & erit angulus T L S rectus; adeoque cum Luna in L vide-
tur, dichotoma appareat. Si itaque observetur momentum
Temporis, cum Luna bisecta videretur, atque eodem momen-
to capiatur angulus L T S elongatio Lunæ à Sole, dabitur
hujus anguli complementum ad rectum angulus L S T, sed
datur latus T L, unde in triangulo S L T rectangulo dantur
anguli, & latus T L, ex quibus dabitur latus S T distantia
Solis à Tellure.

*Avistarchi
methodus
non in ido-
nea est ad
invenien-
dam Solis
distantiam.*

Verum maxima est difficultas in determinando temporis
momentum, quando Luna est in vera Dichotomia, nam per
spatium temporis ante, & post Dichotomiam notabile, im-
mo in ipsa Quadratura, ejus Phasis à Phasi Dichotomiæ di-
stingui nequit, uti observatio nos docet, & hac etiam ratio-
ne ostenditur. In Lectione de Lunæ Phasibus demonstra-
tum à nobis est, Diametrum Lunarem esse ad ejus partem
à Sole illustratam, & à nobis visam, ut Diameter circuli ad
sinum versum elongationis Lunæ à Sole quamproxime; ac-
curate autem, ut Diameter circuli ad sinum versum exterioris
anguli ad Lunam, in triangulo, quod lineæ jungentes
Solis, Terræ & Lunæ centra faciunt; uti in Lectione de
Veneris Phasibus ostensum fuit. Ponamus jam, tempore ve-
ræ Dichotomiæ angulum L S T esse min. prim. 15, & semi-
diametrum orbis Lunaris æquari 60 semidiametris Telluris;

in-

inde elicietur distantia Solis æqualis 13758 semidiametris Terræ. His positis; sit primo Luna in Quadratura in q ; hoc est, sit angulus q T S rectus, & erit exterior angulus trianguli ad Lunam æqualis 90 grad. min. 15, cujus sinus versus æqualis est radio una cum sinu recto min. 15. Itaque ut Diameter circuli ad radium una cum sinu recto minuorum 15, sic Lunæ Diameter ad partem ejusdem à Sole illustratam è Tellure visam; quare capiendo dimidia antecedentium, & dividendo erit, ut radius ad sinum rectum min. 15, ita semidiameter Lunæ ad excessum, quo pars illustrata è Terra visa semidiametrum superat; est autem sinus min. 15 partium 436, qualium radius est 100000, & apparens Lunæ semidiameter est circiter min. 15. Quare fiat ut radius 100000 ad 436, ita 15 min. ad quartum, qui prodit minor, quam quatuor scrupula secunda. At hæc quantitas adeo exigua est, ut omnem sensum effugiat; adeoque Luna in Quadratura (cum ejus Phasis tantilla quantitate Dichotomiam superat) adhuc ut Dichotoma apparebit. Quod si vera Dichotomia in ipsam Quadram incidisset, distantia Solis fuisset infinita, in illo enim casu, angulis SqT & STq existentibus rectis, lineæ ST , Sq essent parallelæ & non concurrerent nisi ad distantiam infinitam.

Sit secundò elongatio Lunæ à Sole, seu angulus STL 89 gr., min. 30; in illo casu erit angulus exterior ad Lunam grad. 89, min. 45, æqualis scilicet angulis STL & LST simul, cujus sinus versus æqualis est radio, dempto sinu recto min. 15: cumque sit ut radius circuli ad sinum versus anguli exterioris ad Lunam, hoc est, ad radium sinu recto min. 15 diminutum, ita semidiameter Lunæ ad partem ejus à Sole illustratam & à nobis visam, erit dividendo, ut radius ad sinum min. 15, ita semidiameter Lunæ, seu 15 min. ad excessum, quo eadem semidiameter partem illustratam & visam superat, quæ itaque, ut in priore casu, erit æqualis quatuor scrupulis secundis; atque Luna, tantilla parte à Phasi Dichotomiae deficiens, tanquam Dichotoma videbitur, seu ejus Phasis à Dichotomiae Phasi distingui nequit. Si itaque in illa apparenti Phasi ponatur momentum Dichotomiae

miæ veræ ; hoc est , cum 30 min. à Quadratura distat , elicietur inde distantia Solis æqualis 6876 semidiametris terrestribus .

Observationes testantur, Lunam, cum à Quadratura 30. min. distat, tanquam Dichotomiam apparere, & sub ipsa Quadratura, ejus Phasim à Phasi Dichotoma distingui non posse ; immo Dichotoma apparet Luna optimo Telescopio visa, postquam Quadraturam superavit, ut ipse Ricciolus agnoscit in Almagelli p. 734. Itaque Luna ad minimum per spatium unius horæ, tanquam bisecta videbitur, cujus temporis momentum quodlibet eodem jure, quo aliud quodvis tanquam momentum veræ Dichotomiæ assumi potest ; & pro infinitis diversis, quæ assumi possunt, temporum momentis, infinitæ diversæ elicientur Solis à Terra distantiae. Hinc manifeste patet, distantiam Solis accurate hac methodo obtineri non posse .

Cum incertum sit veræ Dichotomiæ momentum, certum tamen sit, Phasim illam ante Quadraturam accidere ; Ricciolus assumit articulum temporis medium inter tempus, quo Phasis Lunæ sit dubia, & momentum Quadraturæ. Sed rectius fecisset, si assumpsisset tempus medium inter Phasim dubiam, quando primo Luna cava videri desiit, & tempus antequam primo convexa apparere incipit, quod tempus contingit post Quadraturam, hac ratione Tellurem ad majorem à Sole semovisset distantiam, quam est illa, quæ ex ejus calculo elicitur .

Non opus est, hanc methodum ad Dichotomiæ Phasim alligari, nam in alia qualibet Phasi vel à Dichotomia deficiente, vel illam superante, possumus Solis distantiam investigare æque accurate ac in Dichotomia. Observetur enim optimo Telescopio Phasis Lunæ & eodem temporis momento ejus elongatio à Sole, dabiturque per observationem pars semidiametri Lunæ illustrata à nobis visa, si hæc à semidiametro deficiat, ab illa auferatur, sin. superet, semidiameter Lunæ ab illa subtrahatur, & notetur residuum, fiatque, ut semidiameter Lunæ ad hoc residuum, ita radius ad quartum, hic erit sinus anguli, qui ad rectum additus,

tus, vel ab eo ablatuſ, dat angulum exteriorem trianguli ad Lunam, ſed datur Anguluſ ad Tellurem, qui eſt elongatio obſervatione cognita, quare hic ab exteriore angulo ablatuſ dabit angulum ad Solem; quare in triangulo $S L T$ dantur omnes anguli, & latuſ $T L$, ex iis innotelcet $S T$, diſtantia Telluriſ à Sole. Sed difficile eſt obſervare accurate quantitatem Phaſiſ Lunaril, ita ut non in aliquibuſ ſecundiſ error admittatur; adeoque neque hac methodo ſatiſ præciſe obtineri poteſt Telluriſ à Sole diſtantia. Ex ſimilibuſ autem obſervationibuſ certum eſt, Solem longiuſ 7000 ſemidiametriſ ab illa diſtare.

Cum itaque tanta ſit Soliſ diſtantia, ut neque per Eclipſeſ, neque per Lunæ Phaſeſ ejuſ cognitio obtineri poſſit, ad Planetarum Parallaxeſ, Martiſ ſcil., aut Veneriſ inveſtigandas confugiunt Aſtronomi, quæ ſi darentur, Soliſ quoque Parallaxiſ & diſtantia per ſe inſcrutabileſ facile elicerentur. Nam ex theoria motuum Telluriſ & Planetarum datur pro quolibet temporis momento ratio diſtantiarum Soliſ & Planetæ à Terra, & Parallaxeſ Horizontaleſ ſunt in harum diſtantiarum ratione reciproca; quare ſi detur Parallaxiſ Planetæ cujuſvis, dabitur quoque Parallaxiſ Soliſ.

*Certius co-
gnoſcitur
Parallaxiſ
Soliſ per
Parallaxeſ
Martiſ &
Veneriſ.*

Mars autem in ſitu Achronichio, hoc eſt, Soli oppoſituſ, Telluriſ pluſquam duplo propior eſt quam Sol, unde ejuſ Parallaxiſ pluſquam duplo major erit: at Venus, cum eſt in conjunctione cum Sole inferiore, Terriſ fere quadruplo eſt viciniſ quam Sol, ejuſque proinde Parallaxiſ in eadem ratione major erit: quare etſi exigua Soliſ Parallaxiſ ſit ſenſibuſ inobſervabilis, Veneriſ autem & Martiſ duplo vel quadruplo majoreſ Parallaxeſ poſſunt oculiſ noſtriſ manifeſte ſe prodere. In perſcrutanda Martiſ Parallaxi in ſitu Achronichio non parvam impenderunt operam celeberrimi noſtri ævi Aſtronomi. Eandemque circiter 25 ſcrupulorum ſecundorum, ſaltem non majorem pro certo ſtatuerunt; unde ſacili negotio colligetur, Soliſ Parallaxim non majorem eſſe 12 ſecundorum ſcrupulorum; & inde prodiſtantiâ Soliſ à Terra, circiter 17200 Telluriſ ſemidiametriſ æqualiſ.

Ex

Ex observatione Veneris per Solis Discum transcurrentis, quod Anno 1761 continget, methodum exposuit Dominus Hallejus, (cui in primis Astronomia plurimum debet) qua Parallaxis Solis, ejusque distantia satis præcise, scil. intra quingentesimam sui partem obtineri possit; cujus itaque vera quantitas ad illud tempus dubia manebit.

*Quo pacto
Lunæ Pa-
rallaxis ad
datum tem-
pus calculo
innotescit.*

Quoniam methodus ab Astronomis tradita, qua Eclipses Solis prædicuntur, postulat, ut Lunæ Parallaxes tam in Longitudine quam Latitudine calculo innotescant; quin etiam quotiescunque locus Lunæ in cælo observatus cum eo, qui tabulis elicitur ad comprobandam Lunæ theoriæ, comparandus sit, necesse est ut locus verus reducat ad visum, quod fieri non potest, nisi per Parallaxeos calculum. Convenit, ut modum exponamus, quo Lunæ Parallaxis ad datum quodlibet temporis momentum calculo innotescat.

TAB. 36.
fig. 4.

Primo ex Tabulis Astronomicis computetur locus Lunæ in Ecliptica ad datum temporis momentum. Et in figura sit HO Horizon, HZO Meridianus, Z vertex, EC Ecliptica, in qua sit locus Lunæ ex tabulis Astronomicis notus L, sitque primo Lunæ Latitudo nulla. Ex vertice Z cadat in Eclipticam circulus Latitudinis ZN, erit punctum N nonagesimus Eclipticæ gradus. Quoniam datur recta Solis Ascensio, & ex hora data distantia Solis æquatoria à Meridiano, dabitur punctum Æquatoris culminans, quod est Ascensio recta medii cæli, seu puncti Eclipticæ, quod sub Meridiano jacet; unde & hoc Eclipticæ punctum dabitur, sicuti angulus ZEN Eclipticæ cum Meridiano, quod fiat vel per calculum à nobis in Lectione de doctrina Sphærica explicatum, vel per tabulas Astronomicas; unde dabitur arcus Eclipticæ EL. Sed datur arcus EÆ declinatio medii cæli seu puncti E, datur etiam ZÆ, quare dabitur arcus ZE; itaque in triangulo rectangulo ZNE, datur latus ZE, cum angulo ZEN; quare invenietur EN, & punctum N seu nonagesimus Eclipticæ gradus, & ZN ejus à vertice distantia, cujus complementum NA est mensura anguli Horizontis & Eclipticæ. Et quoniam datur locus Lunæ L, datur arcus NL, in triangulo

gulo itaque ZNL rectangulo dantur latera ZN & NL ; inde invenietur angulus ZLN , qui angulus Parallaxicus dicitur, & latus ZL distantia Lunæ à vertice. Fiat ut Radius ad sinum arcus ZL , ita Parallaxis Lunæ Horizontalis è tabulis eruenda ad Parallaxim ejus in L , quæ itaque invenietur; sit illa OL ; ab O in Eclipticam cadat perpendicularis Om . In triangulo exiguo LOm , quod pro rectilineo haberi potest, datur præter angulum rectum, latus LO , & angulus OLm æqualis angulo ZLN ; quare dabitur arcus Lm Parallaxis Longitudinis, & Om Parallaxis Latitudinis, quæ erant inveniendæ.

*Angulus
Parallaxi-
cus quæritur.*

Habeat jam Luna Latitudinem aliquam, ita ut ejus locus in Ecliptica sit punctum L , sed in circuli Latitudinis LP puncto P . Et quoniam angulus NLP rectus est, & datur angulus NLZ , dabitur ejus complementum ZLP . In triangulo ZLP dantur duo latera scil. ZL prius inventum & LP Latitudo Lunæ, & angulus ZLP , quare invenietur latus ZP , cum angulo ZPL : fiat ut Radius ad sinum arcus ZP , ita Parallaxis Lunæ Horizontalis ad quartum; sit is Pq , hic arcus erit Parallaxis Lunæ in circulo Altitudinis. Sit qd arcus Eclipticæ parallelus & in triangulo exiguo dPq , quod pro plano haberi potest, datur præter angulum rectum, latus Pq cum angulo dPq complemento anguli noti ZPL ad duos rectos; quare dabitur Pd Parallaxis Latitudinis & qd Parallaxis Longitudinis. Nam ob parvam Lunæ Latitudinem paralleli arcus dq inter duos circulos Latitudinis interceptus vix differt ab arcu Eclipticæ, qui iisdem interjicitur.

LECTIO XXII.

Theoria Motus Telluris Annui.

Hucusque generales Planetarum affectiones recensuimus, & Phænomena, quæ ex illorum motu, & motu Telluris conjunctim oriuntur, explicavimus. Transeamus nunc ad particulares motuum theorias contemplandas, quibus singulorum Periodi, à Sole distantie, Orbitalium species, &

*Planeta-
rum parti-
culares
Theoriae
sunt inve-
niendæ.*

& Positiones determinantur; ex quibus datis, eorum loca in Zodiaco ad datum tempus computari possunt. Et quoniam Planetarum Theoriæ in motu Telluris fundantur, & ejus ope investigantur; convenit ut à Theoria Terræ incipiamus.

Hæc Theoria Terra pendet.
Locus Terra per observationem loci apparentis Solis cognoscitur.

Ostensum fuit in Lectione septima, quod ex Telluris motu circa Solem oritur apparens Solis motus in Ecliptica annuus, & quod Sol ex Tellure conspectus videtur eundem in cælo circulum describere, Eclipticam scilicet, quem spectator in Sole constitutus Tellurem percurrere conspiceret. Locus autem Telluris è Sole spectatus semper è diametro opponitur ei, in quo Sol è Terra visus in Ecliptica apparet; adeoque quando Sol à nobis videtur in ♋, Tellus revera signum ♏ occupat; cum hic in ♊ cernitur, illa ♎ tenet. Adeoque ex loco Solis apparente, observatione cognito, semper habebitur Locus Telluris in propria orbita è Sole visus.

Puncta Equinoctialia & Solstitia.

Cum Ecliptica Equinoctialem secet in duobus punctis oppositis, Sol bis in quolibet anno, in Equinoctiali circulo videbitur, cum scilicet ad sectiones motu apparenti pervenerit; in reliquo omni anni Tempore, vel in Boream, vel in Austrum declinare videbitur; maxime autem ab Equatore distat in punctis Eclipticæ ab utraque sectione æque distantibus; hoc est, 90 gradibus ab utraque sectione remotis; in quibus dum Sol videtur, declinationem per aliquot dies vix mutare observatur, diesque iidem fere manent longitudine. Et proinde puncta illa, quæ sunt initium ♈ & initium ♎ Solstitia dicuntur. Sicuti puncta Intersectionum Equinoctialis & Eclipticæ, Equinoctia appellantur, quoniam Sol in iis visus dies noctibus æquales efficit.

Dies non sunt noctibus æquales nisi Sol in meridie puncta Equinoctialia ingreditur.

Cum Sol continuo in Ecliptica incedere, & singulis diebus gradum circiter unum versus Orientem promoveri videtur; in punctis Equinoctialibus nunquam morabitur, & eodem temporis momento, quo illa attinget, eadem relinquet. Adeoque licet dies, in quo Equinoctium celebratur, Equinoctialis dicitur; quod dies ille nocti æqualis censetur, hæc tamen præcise verum non est, nisi Equinoctium

in

in ipsa Meridie celebretur ; nam si Sol oriens *Æquinoctium* vernale ingressus fuerit , vespere occidens spatio 12 minorum ab *Æquinoctio* declinabit , adeoque dies ille erit duodecim horis longior , & nox sequens brevior . Sed differentia tantilla est , ut in rebus physicis negligi possit .

Temporis momentum , quo Sol *Æquinoctia* ingreditur , ex data Latitudine loci sic observatione innotescet . In ipso die *Æquinoctii* aut circiter , instrumento astabre facto , & in gradus , & minuta , minorumque partes divisio capiatur Solis altitudo Meridiana ; si hæc æqualis fuerit altitudini *Æquatoris* , seu complemento Latitudinis loci , *Æquinoctium* illo ipso momento celebratur , sin differant , notetur differentia , erit illa Solis declinatio . Die deinde sequente ; rursus observetur Solis Altitudo Meridiana , & exinde eliciatur ejus declinatio ; si declinationes sic inventæ fuerint diversi nominis , puta una Australis , altera Borealis , cadet *Æquinoctium* in aliquo temporis intermedii puncto inter observationes elapsi ; sin ejusdem sint nominis , nondum factum erit *Æquinoctium* , vel præteritum : ex his declinationibus observatis momentum *Æquinoctii* hac ratione exquiritur ; sit C A B portio *Eclipticæ* , *Æ A Q* *Æquatoris* arcus , eorumque intersectio punctum A , sit C *Æ* declinatio Solis in prima observatione , E D ejus declinatio in secunda , erit C E motus Solis in *Ecliptica* uni diei competens . In triangulo Sphærico rectangulo C *Æ* A datur angulus A , qui est inclinatio *Eclipticæ* ad *Æquatorem* . (quam *Lectio* XX. invenire docuimus) Item C *Æ* declinatio Solis observata ; invenietur itaque arcus C A . Et in triangulo A E D , rectangulo ad D , ex datis D E , & angulo A , invenietur A E , inde dabitur arcus C E , Arcuum scil. C A , A E summa vel differentia . Fiat igitur ut C E ad C A , ita 24 horæ ad spatium temporis inter observationem primam , & momentum *Æquinoctii* , quod proinde dabitur .

Tempus
Æquinoctii
observati
ut
ne deter-
minatur .

TAB. 36.
fig. 5.

Si proxime sequenti anno , rursus observetur ejusdem *Æquinoctii* momentum , tempus intermedium dabit spatium unius anni *Tropici* , seu tempus , in quo Sol , vel potius

Quantitas
Anni Tropici
determinatur .

Ter-

Terra Eclipticam percurrit, quod Annus Tropicus dicitur, quia, illo peracto, Anni Tempestates eadem redeunt. Verum per observationes spatio temporis tantum annuo distantes, non tuto determinatur quantitas Anni, nec exinde pendens motus Solis apparens, seu Terræ verus definiri potest; nam error parvus, puta unius minuti, observando admissus, continuo auctus, & Annorum decursu eorum numero multiplicatus, in enormem excresceret magnitudinem. Igitur Astronomi accuratius Annum definiunt capiendo duas Æquinoctii observationes, longissimo Annorum intervallo à se invicem distitas, & dividendo tempus inter observationes elapsum per numerum revolutionum Solis; quotiens exhibebit tempus uni revolutioni seu Anno congruens; nam sic error, si quis sit in observando commissus, is in plures Annos distributus, insensibilis evadit.

*Annus
Anomalisticus.*

Anni tempus sic definitum invenitur constare diebus 365, horis 5, min. 48, secundis 57; quod Tempus minus est Periode Telluris circa Solem in propria orbita, qui Annus Anomalisticus, vel Periodicus dicitur: nam ob Præcessionem Æquinoctiorum, à nobis in Lectione octava explicatam, qua puncta Æquinoctialia quorannis minutis secundis 50 regrediuntur, Solique obviam eunt, Sol prius Æquinoctio occurreret, quam totum circulum seu orbitam absolverit, est autem Periodus seu Annus Anomalisticus dierum 365, horarum 6, min. 9, secund. 14.

Motus Solis in Ecliptica inæqualis observatur.

Si motus Telluris circa Solem æquabilis esset; hoc est, si æquales angulos circa Solem temporibus æqualibus describeret Tellus, motus Solis in Ecliptica visus esset etiam æquabilis; ejusque motus diurnus esset 59 minut. prim., & 8 min. secund., unde motus Solis visus, ejusque locus in Ecliptica ad quodlibet tempus facili computatione innotesceret; verum ex observationibus constat, motum Solis apparentem minime æquabilem esse, & illum aliquot Eclipticæ portiones velociore gradu percurrere, in aliis lentius incedere; & speciatim in Boreali Eclipticæ semicirculo describendo Sol octo plures dies impendit, quam dum per Australem movetur, qui æquali præcise tempore hunc semicir-

micirculum apparenter percurreret, ac priorem si motu æquabili lata esset Tellus. Præterea si, quotidie observationibus factis, exploretur motus Solis apparens in Ecliptica, is aliquibus diebus deprehendetur minuta 61 adæquare, & in aliis minuta 57 non superare.

Solis motus in Ecliptica diurnus hac ratione exquiritur. Sit CB Ecliptica, ÆQ Æquator, eorum intersectio A. Capiatur instrumento altitudo Solis Meridiana, & nota quoque sit altitudo Æquatoris in loco observatoris, harum altitudinum differentia erit declinatio Solis, quæ proinde dabitur. Sit G locus Solis in Ecliptica, FG declinatio. In triangulo rectangulo GFA, ex dato latere FG & angulo A, invenietur arcus AG distantia Solis ab Æquinoctio, seu ejus Longitudo, & proinde ejus locus in Ecliptica in momento observationis; die deinde sequente similiter in Meridie exploretur Solis declinatio, quæ sit ML, ex qua & angulo A eodem modo innotescet arcus MA, ex illo sublato AG relinquetur arcus Eclipticæ GM à Sole uno die descriptus, cujus quantitas pro vario Telluris in orbita sua loco varia erit.

Qua ratione Solis motus diurnus exploretur.
TAB. 36.
fig. 5.

Veteres Astronomi, qui nullum in cœlis motum præter circularem & æquabilem admittebant, quo hanc inæquabilitatem apparentem solverent, statuebant Tellurem circa Solem, vel Solem circa Tellurem (perinde enim est) æquabiliter deferri in circulo Excentrico; hoc est, in circulo, cujus centrum à centro Eclipticæ (in quo vel Solem vel Terram ponebant) distabat. Hunc circulum æquabili, ut dixi, motu describi voluerunt, ideoque cum centrum Eclipticæ à centro motus æquabilis distet, Telluris vel Solis motus, ex centro Eclipticæ visus, inæquabilis videbitur.

Hypothese veterum circularis qua Phenomena explicabant.

Sit circulus $\text{V} \text{Æ} \text{Q} \text{B}$ Ecliptica, cujus centrum tenet Sol, TAB. 36. MPNA orbita Terræ, ejusque centrum C distans à centro Eclipticæ rectâ CS, quæ Excentricitas dicitur. Tellus in hoc circulo motu æquabili moveri supponitur; ideoque erunt anguli omnes circa centrum C descripti temporibus proportionales, & ex C visa Tellus, non tardius videbitur incedere in A, quam in P. At ex centro Eclipticæ spectata, quoniam

TAB. 36.
fig. 6.
Excentricitas quid sit

D d

in

418. THEORIA MOTUS TELLURIS.

in A longius distat, quam in P, minores Eclipticæ arcus temporibus æqualibus videbitur describere in illo, quam in hoc situ. Adeoque Tellure in A existente, ex illa spectator Solem aspiciens in β , illum lentiore motu in Ecliptica ferri videbit, quam cum Tellus in P, & Sol in α exinde spectatur.

Et quoniam Arcus excentrici N A M major est semicirculo, & N P M semicirculo minor, patet, longiore tempore describi arcum N A M quam N P M; sed tempore quo Tellus fertur per peripheriam N A M Sol videtur semicirculum Eclipticæ borealem γ \triangleq percurrere, & dum Tellus movetur per arcum M P N, Sol per alterum australem Eclipticæ semicirculum deferri conspicitur, unde patet ratio brevioris moræ in hoc quam in illo.

*Qua ratio-
ne Excen-
tricitas &
Apsidum
positio in
hac Hypo-
thesi deter-
minantur.*

His positis, Excentricitatem orbitæ, Apsidumque positiones hac ratione determinare licet. Observentur eodem anno momenta utriusque Æquinoctii, Vernalis scil. & Autumnalis; item locus Solis in Ecliptica, in alio quovis tempore intermedio, qui sit β Tellure in α existente. Cum Tellus est in orbitæ suæ puncto N, videtur Sol in Eclipticæ puncto γ , deinde ad L delata Terra, Sol in β apparet; ad M vero diverta Tellure, in α conspiciendus erit Sol. Ducantur ad Telluris locum in L rectæ S L, C L; item C M, M N, C N jungantur, & C M, S L se intersectent in O. Ex observatis Solis locis, dabitur angulus γ S β , & hujus ad duos rectos complementum α S γ . Porro ex intervallis temporum inter observationes datis dantur arcus L M, seu angulus L C M, item arcus N A M temporibus proportionales, unde & arcus N P M & angulus N C M quoque dabuntur. In triangulo Isoscele M C N, ex dato angulo M C N, dabuntur anguli M & N ad basim; uterque enim est dimidium complementi anguli M C N ad duos rectos. Sed in triangulo M O S datur ex observatione angulus M S O, hoc est, γ S α ; unde dabitur quoque angulus M O S datorum complementum ad duos rectos, & huic æqualis angulus L O C. Ponatur L C radius excentrici esse partium 100000. Et in triangulo L C O, ex datis angulis, & late-

re

re LC , dabitur latus OC , sed datur MC æqualis LC ; ergo innoteſcet MO . In triangulo MOS dantur omnes anguli, & latus MO , inde invenietur OS . Denique in triangulo SOC ex datis SO , OC , & angulo SOC , qui eſt anguli SOM complementum ad duos rectos, invenietur SC Excentricitas, & angulus OSC , ad quem addatur angulus MSO , & habebitur angulus MSA ; ſeu arcus ν^m diſtantiæ Aphelii ab Æquinoctio, ex quo datur poſitio lineæ Apſidum. Q. E. I.

Hac methodo inveniebant Aſtronomi, Excentricitatem SC eſſe partium 3450, qualium radius Excentrici eſt 100000. Unde motum locumque Solis ad datum tempus calculo facili ſequentē intelligabant: ſit in orbita Terræ AP linea Apſidum, A Aphelion, L Tellus orbitam circulearem uniformiter deſcribens, arcus AL vel angulus ACL temporis proportionalis erit Anomalia Terræ mediæ, ſicuti arcus Eclipticæ $\pi =$, ſeu angulus ASL Anomalia ejus vera, data jam Anomalia mediæ AL , datur ejus ſinus LQ , & coſinus QC , cui addatur nota Excentricitas, & dabitur tota SQ . Fiatque ut SQ ad LQ , ita radius ad tangentem anguli QSL , qui itaque erit notus, vel ſic. In triangulo SCL dantur latera SC , CL , & angulus SCL complementum Anomaliæ mediæ ad duos rectos, unde invenietur angulus LSC vel LSA Anomalia vera: nempe fiat, ut $CL + CS$ ad $CL - CS$, ita tangens ſemiſſis anguli LCA ad quartum, qui erit tangens ſemiſſis differentiæ angulorum CSL & CLS ; hinc cum SC & CL ſint datæ & conſtantes quantitates, differentia Logarithmorum $CL + CS$ & $CL - CS$, erit conſtans quantitas; adeoque ſi illa ſemper auferatur à tangente Logarithmica ſemiſſis anguli LCA , dabitur tangens Log. ſemidifferentiæ angulorum CLS & CSL , ſed datur eorum ſumma, unde innoteſcet angulus LSA , qui oſtendet locum Telluris in Ecliptica à Sole vitum; & punctum Eclipticæ huic oppoſitum erit locus Solis ex Tellure apparens. Q. E. I.

In primo Anomaliæ ſemicirculo ALP , Anomalia mediæ ACL major eſt vera ASL . Nam eſt angulus externus ACL

major interno & opposito ASL . Et si ab Anomalia media ACL auferatur angulus CLS , restabit angulus LSC Anomalia vera. In secundo Anomaliæ semicirculo PRA Anomalia media est minor vera; sit enim Terra in R , erit Anomalia media arcus APR , vel rejecto semicirculo arcus PR , vel huic proportionalis angulus PCR . At Anomalia vera, rejecto semicirculo, est angulus PSR , qui æqualis est PCR , & CRS , unde si ad Anomaliæ mediam addatur angulus CRS , habebitur Anomalia vera PSR , locusque Terræ in Ecliptica Angulus CLS vel CRS dicitur *Æquatio & Prosthaphæresis*, eo quod nunc addendus sit, nunc subtrahendus à motu æquabili, quo habeatur motus verus.

*Æquatio
& prosthaphæresis
Quid?*

Hæc veterum theoria cum motu Solis apparente ex crassis eorum observationibus elicto satis accurate congruebat; at aliorum Planetarum motus non secundum similem theoriæ petagi, observationes testantur, & agnoscit Problemæus. Est præterea in ipso Sole Phænomenon, cui non respondit veterum theoria, quodque illam falsam esse evincit, scil. observationes accuratissime factæ ostendunt, Solis diametrum apparentem in Aphelio esse minorum 31, secund. 29, in Perihelio min. 32, secund. 33; sed diametri Solis Apparentes sunt reciproce, ut Solis distantia à Tellure, unde prodit, veram Solis distantiam, cum Terra est in Aphelio, esse ad distantiam Solis in Perihelio, ut 1953 ad 1889. Sed si superius tradita theoria vera esset, distantia Aphelii esset ad distantiam Perihelii, ut 10345 ad 9655, quæ ratio major est priore; nam si Excentricitas esset partium 345, qualium radius Excentrici est 10000, & si diameter apparens Solis in Perihelio sit 32' 33", diameter in Aphelio erit tantum 30' 22"; contra observationes. Falsa est itaque illa theoria, quæ tantam ponit Excentricitatem; Nam bisecta Excentricitate, ejus semissis melius respondet diametris Solis apparentibus observatis. At talis excentricitas, posito quod centrum Excentrici sit centrum quoque motus medii, non æque Phænomenis motuum congruit. Nam observationes testantur *Æquationes* seu *Prosthaphæreses* duplo majores esse, quam quæ ex bisecta Ex-

cen-

centricitate eliciuntur ; adeoque necesse est , ut falsa sit illa veterum theoria .

Hæc perspicuus sagacissimus Keplerus docuit , excentricitatem bifecandam esse , ita ut centrum excentricæ orbitæ sit in D, medio loco inter Solem & punctum C, ex quo Telluris motus visus æquabilis apparet , punctumque illud C ab excentrici centro diversum , & dimidia veterum excentricitate ab eo distans , centrum medii motus dicebatur , quia ex illo motus Telluris semper videndus sit ad sentum medium inter celerem & tardum ejus in Ecliptica incessum .

Verum Copernicus , alique Astronomi absurdum esse censebant , Tellurem in circulo deferri , cujus centrum diversum sit à centro motus æquabilis , ex quo sequeretur , Tellurem inæquabili motu peripheriam orbitæ suæ percurrere contra Axioma ab iis stabilitum , quo motum omnem in cælis æquabilem statuebant . Ideoque Keplerus cum demonstrasset , Martem , & Planetas reliquos , non in orbitis circularibus , sed Ellipticis deferri circa Solem in Ellipseos focorum uno constitutum , eaque lege motus eorum temperari , ut radii à Planetis ad Solem ducti verrant areas Ellipticas temporibus proportionales , æquum esse censebat ut Tellus eadem lege , in simili orbita circa Solem quoque deferatur : hæc theoria omnibus Phænomenis adamussim respondet , sed ex illa sequitur , nulla dari centra motuum æquabilium , ex quibus angulos temporibus proportionales describentes videri possunt Planetæ . Hinc factum est , ut plurimi Astronomi centrum motus æquabilis dari statuentes , hanc Kepleri theoriā rejiciebant , sed Ellipticam tamen orbitæ formam retinebant ; & quoniam in Ellipseos Axe sunt duo puncta in æqualibus à centro distantis , quæ foci appellantur , in quorum altero Sol locatur , & alter à centro Ellipseos tantum distat , quantum Sol ; hunc focum dupla excentricitate à Sole distantem tanquam centrum motus æquabilis ponebant , & ex illo Planetas describere angulos temporibus proportionales dicebant . Quod quidem in Ellipsis parum excentricis quam proxime verum est , uti agnoscit Keplerus & in sequentibus demonstrabitur .

Huic Hypothesi eo magis favebant, quod nulla illis innotuit methodus directæ & Geometrica in Kepleri theoria, inveniendi Anomaliam veram ex media, quod per alteram theoriam facillime præstabant. Ob hunc itaque defectum Astronomi non pauci Keplero *ἀναγκαστικῶς* obijcientes ad alias Hypotheses veris naturæ legibus minus congruas confugiebant; fingendo punctum aliquod, quod esset centrum motus æquabilis, è quo Planetæ angulos temporibus proportionales describere videantur. Cum tamen theoria Kepleri locum revera in natura obtineat; & observationes testentur, Planetas omnes secundum ejus leges motus suos temperare, illa ob defectum Geometriæ rejicienda non est; nec video, cur culpa in theoriam transferenda sit, quæ Astronomorum in Geometria imperitiæ potius debetur. Quo autem *ἀναγκαστικῶς* labes in posterum deleatur, in sequenti Lectione methodum ostendemus directam eliciendi Planetæ Anomaliam veram ex media.

LECTIO XXIII.

*De Motu Planetæ in Ellipsi. Et Solutio Problematis
Kepleri de sectione area Ellipticæ.*

Keplerus primus demonstravit, Planetas non in orbitis circularibus, sed Ellipticis deferri, Solemque in Ellipseos focorum alterutro situm ea ratione circumire, ut radius à Planeta ad Solis centrum protensus semper verrat areas Ellipticas, quæ temporibus, quibus describuntur, sunt proportionales.

Divinum hoc sagacissimi Kepleri inventum exactissimis Tychonis Brahæ observationibus debetur, & tanto magis est suspiciendum, quod illius ope universales motuum leges, totumque systema Mundanum, hoc est, Philosophiam cœlestem felicissime à nemine antea perspectam patefecit Dominus *Newtonus*.

*In Planetis
quadrata
Temporum
Periodico-
rum sunt ut
Cubi di-
stantiarum
à Sole.*

Demonstravit etiam Keplerus ex observatis motibus, in universis Planetis Tempora Periodica esse in sesquuplicata ratione distantiarum à Sole mediarum, seu Axium majorum

El-

Ellipsium, quæ sunt distantiarum mediarum dupla; hoc est, Quadrata temporum Periodicorum sunt, ut cubi Axium majorum. Adeoque si in duabus diversis Ellipsibus Axes majores nominentur A, a , Tempora Periodica T, t , erit $T^3 : t^3 :: A^3 : a^3$ & $T : t :: A : a$.

Hinc sequitur in diversis Ellipsibus, areas simul, vel æqualibus temporibus descriptas, esse in subduplicata ratione laterum rectorum Ellipsium, quod sic ostendo. Notum est ex natura Ellipseos, quod ejus area tota sit, ut rectangulum sub Axibus. Hoc est, si Ellipseos majoris Axes dicantur A & M , minoris a & m ; erit area Ellipseos majoris ad aream minoris ut $A \times M$ ad $a \times m$; adeoque cum de arearum ratione agatur, hæc rectangula loco arearum poni possunt. In majore Ellipsi dicatur area in aliquo tempore descripta X , in minore area eodem tempore descripta vocetur x , & tempus, quo describuntur areae, vocetur y . Ellipsium latera recta sint L & l . Tempora Periodica T, t . Ex supra explicata theoria est

$$X : A \times M :: y : T, \text{ item} \\ a \times m : x :: t : y, \text{ unde ex æquo}$$

$X \times a \times m : x \times A \times M :: t : T :: a^3 : A^3$, sed quoniam est Axis minor media proportionalis inter Axem majorem & latus rectum, erit $M = A^2 \times L$ & $m = a^2 \times l$ unde $X \times a^3 \times L : x \times A^3 \times l :: a^3 : A^3$, quare $X \times L = x \times l$ & $X : x :: L : l$ sunt itaque in diversis figuris areae simul descriptae in subduplicata ratione laterum rectorum. Q. E. D.

Cum itaque lex, secundum quam Planetarum motus reguntur, sit æqualis arearum descriptio, necesse est, ut non uniformi, sed inæquali celeritate Planetæ in orbitis ferantur, & à Perihelio ad Aphelium tendentes, remissione gradu continuo incedant, ab Aphelio autem ad Perihelion descendentes, gradum accelerent, & in Apheliis tardissime, in Periheliis celerrime moveantur. Et velocitas erit ubique reciproce, ut perpendicularis à centro Solis demissa in rectam, quæ per Planetam transit & orbitam tangit. Sit DAF

TAB. 36.
fig. 7.

424 SOLUTIO PROBLEMATIS KEPLERI.

Ellipsis, cujus focus S; & sint arcus AB, *ab* æqualibus temporibus quam minimis descripti; erunt triangula SAB, S*ab* æqualia, sunt enim areæ, quas radius vector æqualibus temporibus describit. Ex foco S in tangentes AP, *ap* demittantur perpendiculares SP, S*p*; & erit triangulum SAB æquale SP × AB, sicut triangulum S*ab* æquale S*p* × *ab*. Adeoque erit SP : S*p* :: *ab* : AB; sed *ab*, AB cum sint lineæ æqualibus temporibus descriptæ, sunt ut velocitates. Quare erit velocitas in *a* ad velocitatem in A ut perpendiculum SP ad S*p* perpendiculum.

Sequentia duobus Planetarum motibus invenit Theorematum Cl. Geometra *Abrahamus De Moivre*.

THEOREMA I.

TAB. 17. Sit APB orbita Elliptica, in qua movetur Planeta circa
fig. 2. Solem in foco S locatum. Sit C centrum Ellipseos, CB semiaxis major, CD semiaxis minor, F alter focus, & sit Planeta in P; ductis rectis SP, FP, erit velocitas Planetæ in P ad velocitatem in distantia ejus media SD, in subduplicata ratione distantie ejus FP ab altero Ellipseos foco F ad ejusdem distantiam à Sole SP. Recta EPG tangat Ellipsim in P, & à focus in tangentem demittantur perpendiculares SE, FG; & DH tangat orbitam in D, in quam cadat perpendicularis ex S recta SH.

Per Corol. Prop. primæ Princip. Newtoni. Est velocitas in P ad velocitatem in D, ut SH seu CD ad SE. Adeoque quadratum velocitatis in P erit ad quadratum velocitatis in D, ut CD *q* ad SE *q* hoc est, ex Ellipseos natura, ob CD *q* = SE × FG, ut SE × FG ad SE *q*; seu ut FG ad SE; sed ob æquiangula triangula SPE, FPG, est ut FG ad SE, ita FP ad SP. Quare quadratum velocitatis in P est ad quadratum velocitatis in D, ut FP ad SP. Adeoque velocitas in P est ad velocitatem in D, ut √FP ad √SP. Q. E. D.

THEOREMA II.

Isdem positis radius est ad sinum anguli SPE, ut √SP × FP ad CD.

Nam est SP *q* : SP × FP :: SP : FP :: SE : FG :: SE *q* : SE × FG

$SE \times FG :: SEq : CDq$; unde permutando $SPq : SEq :: SP \times FP : CDq$; adeoque $SP : SE :: \sqrt{SP \times FP} : CD$; sed ut SP ad SE , ita radius ad sinum anguli SPE ; adeoque ut radius ad sinum anguli SPE , ita $\sqrt{SP \times FP}$ ad CD . Q. E. D.

Velocitas Planetæ angularis, seu angulus, quem ad Solem dato tempore minimo describit Planeta, est ubique reciproce in duplicata ratione ejus distantiae à Sole; seu reciproce ut Quadratum distantiae: sint AB , ab arcus Elliptici æqualibus temporibus percurſi. Centro S , intervallis SB , Sb describantur arcus minimi BE , be ; in Sb capiatur Sm æqualis Sb & describantur arcus mn ; & erit velocitas angularis in b ad velocitatem angularem in B , ut arcus be ad arcum mn . Sed ratio be ad mn componitur ex ratione be ad BE , & BE ad mn ; & quoniam triangula BSA , bSa sunt æqualia, erit be ad BE , ut SB ad Sb . Est vero BE ad mn , (quia sunt arcus similes) ut SB ad Sm , seu ut SB ad Sb . Quare erit velocitas angularis in b ad velocitatem angularem in B in ratione composita SB ad Sb , & SB ad Sb , hoc est, ut quadratum SB ad quadratum Sb . TAB. 16. fig. 7.

Sed ut inæquales Planetæ motus, varique velocitatis incrementa & decrementa manifestius vobis exponantur, convenit, Planetæ motum in diversis orbitæ suæ locis cum motu æquabili corporis in circulo lati comparare. Sit itaque Planetæ orbita $AEBF$, cujus focus in quo Sol S , Axis major AB , minor OQ . Centro S intervallo SE , quod sit medium proportionale inter AK , & OK , scil. inter semiaxem majorem & minorem, describatur circulus $CEGF$; hujus circuli area erit æqualis areæ Ellipseos, uti facile est ex Conicis demonstrare. Ponamus, punctum aliquod peripheriam $CEGF$ æquabiliter percurrere eodem tempore, quo Planeta in Ellipsi periodum suam absolvit, cumque Planeta in Aphelio A exiit, punctum æquabiliter incedens sit in lineæ Apsidum puncto C ; hoc punctum motu suo motum Planetæ medium seu æquabilem exponet; & describet circa S sectores circulares temporibus proportionales, & æquales arcis Ellipticis à Planeta eodem tempore descriptis. TAB. 17. fig. 2.
Sit

426 SOLUTIO PROBLEMATIS KEPLERI.

Sit jam motus æquabilis, seu angulus circa S descriptus tempori proportionalis CSM; capiatur area ASP æqualis sectori CSM, & locus Planetæ in propria orbita erit P, angulusque MSD differentia inter motum Planetæ verum & medium erit Æquatio seu Prosthaphæresis, & area ACDP erit æqualis sectori DSM; est itaque area ACDP Prosthaphæresi seu Æquationi proportionalis. Adeoque ubi hæc area est maxima, ibi æquatio erit maxima sed area illa est maxima in puncto E, ubi circulus & Ellipsis se mutuo secant, nam ulterius descendente Planeta ad R, æquatio fit proportionalis differentiarum arearum ACE & mER; seu areæ GBRm; sit enim V locus puncti peripheriam circularem æquabiliter describentis, & erit sector CSV æqualis areæ Ellipticæ ASR, unde ablatis spatiis communibus, erit area ACE dempta area REM æqualis sectori VSm, seu æquationi. In Perihelio B coincidit motus æquabilis cum motu vero, nam est semicirculus CEG æqualis semi-ellipsi AEB.

Post decessum Planetæ à Perihelio B, ejus motus motum medium semper antecedit; sit enim angulus GSZ tempori proportionalis. Capienda est area BSY æqualis sectori GSZ, & erit Y locus Planetæ in sua orbita; unde angulus BSY major erit angulo GSZ, & area GBYL æqualis erit sectori ZSL, qui Æquationem designat, & ubi area GBYL sit maxima, ibi æquatio erit maxima, scilicet in puncto F, ubi circulus & Ellipsis se mutuo secant. In A velocitas Planetæ est omnium minima, ob distantiam SA omnium maximam; deinde continuo crescit Planetæ velocitas, manet tamen velocitate mediâ minor, usque dum ad E intersectionem circuli & Ellipseos pervenit Planeta, ubi ejus velocitas angularis fit mediæ æqualis, quod sic ostendo. Cum Planeta est in E, sit punctum medio motu in circulo incedens in m, sintque areæ circa S eodem tempore quam minimo descriptæ nSE, & sector ISm; erunt illæ æquales; unde $bE \times ES$ æqualis $Im \times Sm$; quare ob Sm, ES æquales, erit arcus Eb = arcui Im, & angulus nSE æqualis angulo ISm; ad punctum itaque E est velocitas Planetæ angularis æqualis velocitati mediæ. Exinde descendente Plane-

Ubi Æquationes seu Prosthaphæreses sunt maximæ.

Ubi velocitas est omnium minima.

Ubi Planetæ velocitas fit velocitati mediæ æqualis.

Ubi velocitas sit maxima.




Fig. 6.




Fig. 5.




Fig. 4.




Fig. 3.

SOLUTIO PROBLEMATIS KEPLERI. 427

ta versus Perihelion, velocitas fit major media, & continuo crescit ob continuo diminutam distantiam, donec in Perihelio B fit omnium maxima, ob distantiam S B omnium minimam. Ex quo discedens Planeta, & ad Aphelion ascendens, punctum medio motu incendens post se relinquet, sed ejus velocitas semper minuitur, quo longius à Sole recedit semper tamen manet velocitate media major, usque dum ad intersectionem F pervenit, ubi rursus velocitas fit velocitati mediæ æqualis. Deinde ulterius pergendo, continuo decrescit velocitas, donec Aphelion attingit, ubi fit omnium minima.

Cum itaque Planeta quilibet in diversis orbitæ suæ punctis inæquali velocitate feratur, & sola æqualitas, quæ in ejus circulatione circa Solem observatur, in arcarum descriptione consistat; nam area una cum tempore uniformiter augetur. Quo Planetæ locus in propria orbita ad datum tempus determinetur, capienda est area, quæ sit Tempori proportionalis, quod ut fiat, necesse est, ut solvatur Problema, quod sequitur.

PROBLEMA KEPLERI.

Invenire positionem rectæ, quæ per datæ Ellipseos focum alterutrum transiens abscindat aream motu suo descriptam, quæ sit ad aream totius Ellipseos in ratione data.

Sit nempe Ellipsis A P B, cujus focus alteruter S; invenienda est positio rectæ S P, quæ abscindat aream trilineam

TAB. 17.

Fig. 1.
A S P, ad quam area totius Ellipseos eam habeat rationem, quam habet tempus Periodicum Planetæ Ellipsim describentis ad aliud tempus datum; qua positione inventa, dabitur punctum P, quod Planeta ad tempus illud datum occupat. Vel sit A Q B semicirculus super Ellipseos Axem majorem descriptus; ducenda est per S recta S Q abscindens aream A S Q, ad quam area totius circuli est in eadem ratione. Nam per hanc circuli sectionem sectio Ellipseos quæsitæ facile invenitur, demittendo à puncto Q in Ellipseos axem perpendicularem Q H Ellipsi occurrentem in P; & ductâ S P, erit illa recta quæsitæ, & P locus Planetæ. Est enim semisegmentum Ellipticum A P H ad semisegmentum

cir-

428 SOLUTIO PROBLEMATIS KEPLERI.

circulare AQH , ut HP ad HQ , hoc est, ut area totius Ellipseos ad aream totius circuli, uti constat ex natura Ellipseos: sed est triangulum SPH ad triangulum SQH in eadem ratione, *per 1 El. 6ti.*; adeoque, *per 12 El. 5ti.*, erit area Elliptica ASP ad aream circulem ASQ , ut area totius Ellipseos ad aream totius circuli; & alternando, area Elliptica ASP est ad ejus aream totam, ut area circularis ASQ ad totum circulum. Adeoque si habeatur methodus ducendi rectam per S , quæ fecerit aream circuli in data ratione, facile erit in hac ipsa ratione secare aream Ellipticam.

Ipsi Keplero, qui primus problema proposuit, nulla innotuit methodus directa computandi locum Planetæ ex dato tempore: ille enim expresse dicit, nullam esse viam directam, ex dato tempore inveniendi locum Planetæ, seu Anomaliam ejus veram. Ideo illi necesse fuit, per singulos semicirculi AQB gradus progrediendo, ex dato arcu AQ , quam Anomaliam excentri vocat, tam tempus per aream ASQ , quæ Anomalix mediæ est proportionalis, quam angulum ASP , hoc est locum Planetæ seu Anomaliam veram, & coæquatam tempori, respondentem calculo eruere; & quoniam Geometrice non potuit Keplerus problema solvere, illi *hypotheseos* objiciebant Astronomi, & cum, quasi causis Physicis nimium indulgentem, à Geometria in diversum abiisse censebant, ejusque Astronomiam ex hac theoria pendentem, tanquam minus Geometricam, labefactabant; & ut vitium hoc effugerent, ad alias transiverunt Hypotheses; fingendo punctum aliquod, circa quod motus foret æquabilis, seu anguli descripti temporibus essent proportionales, & exinde datâ Anomaliâ mediâ, coæquatam seu veram determinabant. Sed computus his Hypothesibus innixus, observationibus non congruere deprehensus est. Nullum enim est revera punctum fixum, quod est centrum motus æquabilis, circa quod scil. Planetæ, radiis ad illud ductis, describant angulos temporibus proportionales. Solaque theoria, quæ Planetarum motibus adamussim congruit, est supra explicata Kepleriana. Omnes itaque Astro-

nomi

nomi in æternum laudabunt hoc Kepleri inventum, ejusque cum cœlo consensum; præsertim cum elegantem motuum è causis suis demonstrationem nobis patefacit. Illud sane Keplerus tanti fecit, (non improbanibus æquioribus arbitris) ut methodum calculi indirectam sectari maluit, quam aliam Hypothelism à Natura minus probatam comminisci.

Quo itaque ~~iniquitatis~~ labem ex Astronomia deleamus, methodum Geometricam hic ostenderamus, qua Ellipseos seu (quod illi æquipollet) circuli area in data ratione secunda sit.

Sit A Q B Semicirculus super Ellipseos axem majorem TAB. 17. descriptus, cujus centrum C, Ellipseos focus, in quo Sol fig. 4. locatur, sit S; per locum Planetæ intelligatur duci ad Axem perpendicularis recta Q H circulo occurrens in Q; erit area A S Q ad aream totius circuli, ut tempus datum ad tempus Periodicum Planetæ. Ducatur C Q, in quam productam, si opus sit, cadat perpendicularis S F; est area A S Q æqualis sectori A C Q una cum triangulo C S Q = $\frac{1}{2} C Q \times A Q + \frac{1}{2} C Q \times S F$, adeoque ob datum $\frac{1}{2} C Q$, erit area A S Q semper proportionalis Arcui A Q + recta S F, cum scilicet motus sit ab Aphelio versus Perihelion; at cum à Perihelio ad Aphelion tendit Planeta, fit area B S q æqualis sectori B C q — triangulo C S q, adeoque erit illa proportionalis arcui B Q — recta S f. Hinc, si capiatur arcus A N vel B n tempori proportionalis, erit A Q + S F = A N vel B Q — S f = B n, quare erit S F = Q N vel S f = q n.

Hinc patet, si habeatur arcus A Q, & ei addatur arcus N Q, qui sit æqualis rectæ S F, erit arcus A N tempori proportionalis, seu Planetæ Anomalix mediæ æqualis. Adeoque ex data Planetæ Anomalia vera facile innotescit & congrua Anomalia media, seu tempus. Fiat enim, ut Q C ad S C, ita 5729578, qui arcus radio est æqualis, ad quartum, & dabitur arcus æqualis S C in gradibus, gradusque partibus decimalibus. Dicatur hic arcus B. Et quoniam est S C ad S F, ut radius ad sinum anguli S C F vel A C Q; fiat ut radius ad sinum arcus A Q, ita arcus B ad quar-

430 SOLUTIO PROBLEMATIS KEPLERI.

quantum ; & dabitur in gradibus & partibus decimalibus arcus in peripheria AQB, qui æqualis est rectæ SF ; cumque SE sit æqualis QN, dabitur arcus QN, & proinde AN tempori proportionalis .

Hoc exemplis in orbita Martis declarare liceat . Hujus Planetæ Excentricitas est ad distantiam mediam , seu semiaxim Ellipseos, ut 14100 ad 152369: adeoque Logarithmus arcus B, qui æqualis est SC, est o. 7244446. Si itaque quærat Anomalia media, cum Anomalia Excentri est unius gradus, addatur sinus Log. unius gradus, qui est 8. 2418553 ad Log. arcus B, fiet summa 8. 9662999, qui est Logarithmus numeri o. 092533, & exprimit valorem arcus QN in partibus gradus decimalibus. Est itaque arcus AN tempori proportionalis 1, 092533 seu 1. 5' 33". Similiter si Anomalia Excentri sit 30 gr. ad ejus sinum Log. addatur constans Log. arcus B, & summa erit o. 4234146 Log. numeri 2, 651, adeoque Anomalia media AN Anomaliz Excentri 30 grad. respondens erit 32, 651, seu 32 gr. 39'. 3". Hæc methodus expeditior multo, & facilior est illa, quam tradit Keplerus, ubi methodo indirecta, & per positionem *Regula Falsa* docet pervenire ex Anomalia media ad veram .

Deveniamus jam ad methodum promissam directe elicienti Anomaliâ coæquatam seu veram ex media . Sit in figura arcus AN Anomalia media, seu tempori proportionalis, sitque AQ Anomalia Excentri inveniendâ . Arcus NQ, dicatur y , & sinus arcus AN vocetur e , & cosinus f , Excentricitas SC sit g . Est sinus arcus A Q æqualis sinui arcus AN — NQ = sin. A N — y ; sed à nobis ostensum est in Elementis Trigonometricis, quod si sinus arcus AN sit e , sinus arcus AN — y , seu arcus AQ erit $e - \frac{fy - ey^2 + fy^3 - ey^4}{1. 1.2. 1.2.3. 1.2.3.4.}$ Sed

est radius, qui est 1, ad sinum arcus AQ, ut SC vel g ad SF vel NQ hoc est y . Adeoque erit SF æqualis $ge - \frac{gfy - gey^2 + gfy^3 - gey^4}{1. 1.2. 1.2.3. 1.2.3.4.}$

&c. At est SF æqualis arcui NQ seu y , ut ostensum est :
æqua-

SOLUTIO PROBLEMATIS KEPLERI. 431

quare ad hanc diventum est æquationem: $y = ge - \frac{gfy}{1} - \frac{gey^2}{1.2.} +$

$\frac{gfy^3}{1.2.3.} + \frac{gey^4}{1.2.3.4.} \&c.$ proinde $ge = y + \frac{gfy}{1} + \frac{gey^2}{1.2.} - \frac{gfy^3}{1.2.3.} - \frac{gey^4}{1.2.3.4.} \&c.$ ge

vocetur Z , & $1 + gf$ dicatur a , item ge sit b , $gf = c$ item $ge =$

d , & Æquatio induet hanc formam. $Z = ay + by^2 - cy^3 - dy^4$

&c. Unde per methodum reversionum serierum à Domino *New-*
tono traditam fiet $y = z - bz^2 + 2b^2z + ac \times z^3 - 5abc - 5b^3 + a^2d \times z^4 -$

Et quoniam est $b = \frac{a}{z} = \frac{a^2}{z^2}$ & $d = \frac{a^5}{z^5}$ fiet $y = z - z^3 + cz^3 - 5cz^5$

&c. Si arcus AN superet 90 grad. & minor sit 270, erit ge seu
 $z = y - \frac{gfy}{2} - \frac{gey^2}{2.3.} + \frac{gfy^3}{2.3.4.} - \frac{gey^4}{2.3.4.}$ unde fiet $a = 1 - gf$; & erit $y = \frac{z}{a}$

$$- \frac{z^3 - cz^3}{2a^3 \cdot a^4}$$

Series supra posita exprimit quantitatem arcus $Q N$ in
partibus, qualium radius est 1000000. At ut in gradibus,
gradusque partibus habeatur, fiat ut radius ad hancce se-
riem, ita 5729578, qui est arcus radio æqualis, ad quar-
tum, hoc est (cum radius sit unitas) multiplicetur series
prædicta per numerum 5729578, quem vocemus R , unde
prodit arcus quæsitus y in gradibus, gradusque partibus
 $= \frac{Rz}{a} - \frac{Rz^3}{2a^3} + \frac{Rcz^3}{a^4} \&c.$

Hujus seriei terminus primus $\frac{Rz}{a}$ sufficit ad determinan-
dam Anomaliæ Excentri in omnibus fere Planetis, nam in
Marte error plerumque non superat gradus partem ducente-
simam. In Tellure gradus parte decies millesima minor est,
sed exemplis rem declarare liceat.

In orbita Telluris Excentricitas est 0.01691, posita distantia
mediâ seu $CQ = 1$. Inveniendâ est Anomaliâ Excentri, &
coæquata cum mediâ est 30 gr.

Log.

432 SOLUTIO PROBLEMATIS KEPLERI :

Log. Excentricitatis	8. 2281436. = Log. g
Log. sin. gr. 30.	9. 6989700
Log. R	1. 7581226
Log. R z.	9. 6852362
Log. a Subtr	0. 0063137
Log. arcus γ five NQ	9. 6789225

cui respondet numerus 0. 47744 seu in sexagesimalibus numeris 28'. 38": reliqui termini minores sunt gradus parte decies millesima, adeoque negligi possunt. Si itaque à Gradibus 30 subtrahatur 28'. 38", relinquetur arcus A Q 29 : 31' : 22". Et in triangulo QCS dantur latera QC, CS cum angulo SCQ, unde dabitur angulus QSC. Analogia est, ut QC + CS seu AS ad CQ — CS seu PS, ita tangens semissis summæ angulorum CSQ & CQS ad tangentem semissis differentiæ eorundem; unde si à tangente Log. semissis anguli ACQ auferatur constans Logarithmus 0. 0146893, dabitur tangens semissis differentiæ angulorum CQS & CSQ, qui in præsentī exemplo erit 14 : 17' : 26" hæc ad semisumam addita dat angulum ASQ 29 : 3' : 7", sed ut inveniatur angulus ASP, diminuenda est tangens anguli ASQ in ratione Axis minoris Ellipseos ad majorem; ab hujus itaque tangente Log. auferatur Logarithmus constans 0. 0000622, qui est Logarithmus rationis Axis majoris ad minorem, & restabit tangens Log. anguli ASP 29 : 2' : 54", qui est Anomalia cœquata.

In orbita Martis Excentricitas est partium 14100, quarum distantia media est 152369. Adeoque Logarithmus rationis SC ad CQ erit 8. 9663226 = Log. g. Quæraturno in Marte Anomalia Excentri, cum Anomalia media est unius gradus.

Log. Excentricitatis	8. 9663226
Log. Sin. 1 gr.	8. 2418453
Log. R	1. 7581220
Log. R z	8. 9662899
Log. a subtr.	0. 0384299
Log. R z	8. 9278600

cui

SOLUTIO PROBLEMATIS KEPLERI. 433

cui Logarithmo respondens numerus 0,08497, exhibet magnitudinem arcus N Q, & error minor est gradus partecies millesimâ.

2do. Queratur Anomalia Excentri, cum media est grad.45.

Log. Excentricitatis	8.9663226
Log. sin. 45. gr.	9.8494850
Log. R	1.7581220
Log. R z.	0.5739296
Log. a subtr.	0.0275249
Log. R z	0.5464047

cui respondet numerus 3.5189; qui verum superat centesima & quinquagesima circiter gradus parte; & ut corrigatur error, capiatur terminus seriei secundus — $Ra + 2Rc \times z$, qui

invenitur 0.0065, & à primo auferatur & restabit 3.5124, qui exprimit arcum N Q verum ad partes gradus centies millesimas.

3tio. Queratur Anomalia Excentri, cum media est grad. 100, in hoc casu est $a = 1 - gf = 0.983930$.

Log. g.	8.9663226
Log. sin. gr. 100. seu gr. 80	9.9933515
Log. R	1.7581220
Log. R z	0.7177961
Log. a subtr.	9.9929598
Log. R z	0.7248363

Hic Logarithmo respondet numerus 5.3068, qui quinquagesima circiter gradus parte verum superat, quo itaque corrigatur error, duplicetur Log. z, & producto addatur

Log. R z & habebitur Logarithmus Rz^2 , cui respondens nu-

merus est 0.04552, ejusque semissis est 0.02276 æqualis Rz^2 . Hic numerus à numero 5.3068 auferendus est; &

24^o E c ha-

434 SOLUTIO PROBLEMATIS KEPLERI

habebitur 5. 2841 pro quantitate arcus N Q. Et proinde Arcus A Q Anomalia Excentri erit 94. 7159, qui non decies millesima gradus parte à vero A Q discrepat. Notandum, quamvis secundus seriei terminus sit $-\frac{R a + 2 R c \times z'}{24'}$

ejus tamen pars $-\frac{R c z'}{24'}$ sufficit, ut habeatur A Q arcus Anomalie Excentri verus ad gradus partes decies millesimas;

Obtento arcu A Q, seu angulo A C Q invenietur angulus A S Q resolutione trianguli Q C S, in quo dantur latera C Q, C S cum angulo interjecto Q C S, unde invenietur angulus Q S A. Hujus anguli tangens Logarithmica est capienda, & ab ea demenda est Logarithmica rationis Axis majoris ad minorem, & restabit tandem tangens Log. anguli A S P, qui est Anomalia æquata, seu vera.

TAB. 17.
fig. 1.

L E C T I O XXV.

De Problematis Kepleri Solutione Nevvtoniana, & Wardi Hypothesi Elliptica.

Methodus nostra in superiore Lectione explicata, & ea Domini *Newtoni* in Principiæ Philosophiæ Mathematicæ pag. 101 tradita eidem innituntur fundamento, quod scil. recta S F longitudine æqualis est arcui Q N. *Newtoni* autem methodus fere similis est ei, qua ex æquationibus affectis radicem extrahunt Analystæ, & quidem tanto magis est æstimanda, quod non solum exhibet Planetarum Loca, quorum orbitæ ad circuli formam proximè accedunt, sed eadem fere facilitate inservit etiam Cometis, qui in orbitis maxime excentricis moventur; quod etiam per nostram methodum obtineri potest, si modo loco arcus A N capiamur alius arcus ad arcum A Q propius accedens, qui dicatur A & posito sinu arcus A = e queratur sinus arcus A + y & fiat $z = g e + A - A N$.

TAB. 17.
fig. 1.

Methodum autem *Newtoni*, cum maxime expedita sit, hic explicare liceat in gratiam Artificum, qui tabulas Astronomicas secundum veras motuum cœlestium leges, & non

non ex fictis Hypothesibus condere volunt.

Hactenus ostensum fuit, quod si arcus A Q sit Anomalia *Demonstratio solutio- nis Newtoniana.* Excentri, hunc arcum, una cum recta S F ex Sole in radium *TAB. 37.* Q C normaliter incidente, esse tempori proportionalem, cum Planeta tendit ab Aphelio ad Perihelion; vel arcum B Q, demptâ rectâ S F, esse tempori proportionalem, cum à *fig. 5.* Perihelio ad Aphelion ascendit; adeoque si capiatur arcus

A N vel B N tempori proportionalis, erit arcus Q N æqualis S F rectæ. Ut igitur inveniatur in gradibus & partibus gradus decimalibus mensura arcus in Peripheria A Q B, qui æqualis sit rectæ S F. Fiat ut C Q ad C S, ita arcus grad. 57. 29578, qui æqualis est radio, ad quartum. Hic numerus exprimit magnitudinem arcus in peripheria A Q B, qui æqualis est S C. Arcus hujus Logarithmus dicatur B. Quoniam est C S ad S F, ut radius ad sinum anguli A C Q; fiat ut radius ad hunc sinum, ita arcus, cujus Logarithmus est B, ad alium D; erit arcus ille D æqualis rectæ S F. Adeoque si ad datum tempus area A S Q, & arcus A N essent tempori proportionales, & capiatur N P æqualis D, punctum P caderet in Q. Si vero area A S Q non accurate tempori respondeat, punctum P cadet supra vel infra Q, prout area A S Q major sit vel minor ea, quæ est tempori proportionalis. Sit ea A S q, & in C q cadat perpendicularis S E, erit per hactenus demonstrata S E = N q, unde S E - S F vel S F - S E, hoc est fere L E = q P = Q P - Q q vel = Q q - Q P. Quod si angulus Q C q sit parvus, erit C E : C q :: L E : Q q :: Q P - Q q : Q q; unde C E + C q : C q :: Q P : Q q. Et similiter, cum arcus B Q est quadrante minor, erit C Q - C E : C Q :: Q P : Q q. Cum Planeta prope Aphelion vel Perihelion versatur, sit C E fere = C S & C Q + C E = A S; unde Q P : Q q :: A S : C A, cum arcus A Q est quadrante minor; at cum Arcus B q est Quadrante minor, erit S B : C B :: Q P : Q q. Fiat ut C S ad C Q, ita radius R ad longitudinem quandam L, & erit C Q = $\frac{C S \times L}{R}$. Est autem radius ad cossi-

num anguli A C Q, ut S C ad C F vel C E, sunt enim C F C E fere æquales; quare erit C E = $\frac{S C \times c}{R}$ olin A Q, unde habe-

$$E c \frac{2}{R} \text{ bitus}$$

436 SOLUTIO PROBLEMATIS KEPLERI.

$$\text{bitur } QP : Qq :: \frac{SC \times L + SC \times \cos A Q}{R} : \frac{CS \times L}{R} :: L + \cos A Q : L.$$

AQ:L, cum arcus A Q est quadrante minor; at si is sit quadrante major, erit $QP : Qq :: L - \cos A Q : L$.

Atque hac ratione si capiatur arcus A Q, qui sit aliquantisper minor, aut major vero, invenietur exinde arcus Qq, huic addendus vel demendus, qui facit, ut area A S q sit quam proxime tempori proportionalis; & si loco A Q capiatur prius inventus arcus A q, & instituatur processus prioris similis, invenietur alius A q, & hic similiter, eundem repetendo processum, dabit novum A q, atque sic quantumvis proxime ad veritatem accedere licebit.

*Illustratur
Exemplis
in orbita
Martis.*

Tanta autem est hujus methodi facilitas, ut ea exemplis potius quam ulteriori explicatione indigeat; adeoque liceat eam in motibus Planetæ Martis experiri. In hac orbita, Logarithmus B est 0.7244446; & longitudo L est partium 1080631 qualium radius est 100000.

*Exemplum
I.*

Sit primo invenendus angulus A C Q, cum motus medius, seu arcus tempori proportionalis sit unius gradus. Quoniam CS est fere pars decima ipsius CA, pono A Q esse 0.9. grad. decima scil. parte minorem motu medio. Ad datur sinus Log. 0.9. ad Log. B, & fit summa 8.9205466 = Log. numeri 0.083281. Hic numerus exprimit arcum æqualem SF = NP, & si arcus A Q fuisset recte assumptus, foret AN - NP = A Q & QP = 0. At in præsentī casu, est QP = 0.01671. A quo si auferatur ejus pars decima, cum AS superet AC decima circiter sui parte, restabit Qq = 0.01504, qui additus ad A Q dat A q 0.91504, qui vix millesima gradus parte à vero A q differt.

*Exemplum
II.*

Sit 2^{do} arcus A N seu motus medius 2 gr. Pono A Q 1.83 prioris A Q fere duplum, & ad ejus sinum Log. addendo Log. B, fit summa 9.2286992 Log. numeri 0.16931; unde erit QP = 0.00069, à quo si subtrahatur ejus pars decima, fit Qq = 0.00062, & A q 1.83.062, qui non decies millesima gradus parte à vero A q discrepat.

*Exemplum
III.* 3^{tio} Sit arcus tempori proportionalis gr. 3. Ponatur A Q = 2.745 = 1.83 + 0.915, & ad ejus sinum Log. addendo

SOLUTIO PROBLEMATIS KEPLERI. 437

do Log. B, habebitur Log. numeri 0. 25392 = NP & AN — NP = 2. 74638. Adeoque Qq = 0, 001 fere, & Aq = 2. 746, Sic unica duorum Logarithmorum additione, invenietur arcus Aq, qui erit verus ad gradus partes millesimas.

4^{to} Sit jam, non gradatim, sed per saltum pergendo inveniendus angulus Acq, cum motus medius est grad. 45. Pono, arcum AQ esse gr. 40, & ad ejus sinum Log. addendo Log. B, fit summa 0. 5320121 = Log. numeri 3.4081, qui numerus à 45 ablatu relinquit AN — NP = 41.5919, cujus excessus supra arcum AQ est 1.5919, unde si fiat ut L + cos. AQ ad L, ita 1.5919 ad alium, invenietur arcus Qq gr. 1. 4865. Adeoque Aq, 41.4865, qui non multum supra millesimam gradus partem à vera differt. Sed absque hac proportionem invenire possumus Aq capiendū arcum, qui sit aliquantulum minor quam AN — NP, eidem tamen fere æqualis, scil. sit AQ 41. 50, & addendo ejus sinum Log. ad Log. B, habebitur alius NP = 3. 5132, qui ab AN subductus dat 41. 4868 pro novo Aq; & hic arcus minore labore eruitur, & aliquantulum propius ad verum accedit quam prior Aq.

Exemplum
IV.

5^{to}. Post inventum Aq correspondentem motui medio 45 gr.; rursus si gradatim pergere lubeat, unica duorum Logarithmorum additione habebitur Aq ad omnes motus medii gradus subsequentes: nempe cum Anomalia media sit gr. 46, pono AQ 42, 40, & addendo ejus sinum Log. ad Log. B, fiet AN — PN = 42.4249, cui si æqualis ponatur novus AQ, habebitur Aq, qui ne millesima gradus parte à vero Aq differt; sic cum Anomalia media sit gr. 47; pono AQ 43,36 = priori Aq + incremento istius arcus uni gradui motus medii competente, & addendo ejus sinum Log. ad Log. B; summa est Log. numeri 3.6402, qui ab AN ablatu relinquit AN — NP = 43.3598 = novo Aq, & hic arcus gradus parte circiter decies millesima à vero discrepat.

Exemplum
V.

6^{to}. Si omissis gradibus intermediis inveniendus est arcus Aq, cum Anomalia media est gr. 100, pono AQ gr. 96, & addendo ejus sinum Log. ad constantem B; summa fit Lo-

Exemplum
VI.

438 SOLUTIO PROBLEMATIS KEPLERI:

garithmus numeri 5. 273, unde $AN - NP = 94.727$, Itaque pono secundo $AQ = 94.72$, & per additionem constantis Log. B, ad ejus sinum Log. provenit Log. numeri 5. 285, qui ab AN subductus, dat $AN - NP = 94.715 = Aq$ quam proxime. Similiter si Anomalia media sit gr. 101. Pono $AQ = 95.71$, ex quo elicitur NP 5. 2756, quo numero ab 101 sublato, restabit $AN - NP = 95.7244$; atque hac ratione data Anomalia media, si gradatim fiat processus, habebitur angulus ACQ, per unicam tantum duorum Logarithmorum additionem, quorum, qui constans est in charta seorsim servandus, quo labori sæpius eundem exscribendi parcatur.

*Exemplum
in Cometa
orbis.*

Transcamus jam ad orbitam alterius generis, cujus Excentricitas ad distantiam mediam magnam obtinet proportionem; sit nempe distantia Aphelii ad distantiam Perihelii, ut 70 ad 1; qualis fere fuit illius Cometæ orbita, in qua Cometam periodum suam complere Annis 75½, primus apprehendit Halleus. In hac orbita erit AC vel CQ partium 35.5 & CS 34.5, qualium SB est una, & constans Log. B est 1.7457133. Inveniendus est arcus Bq, cum motus medius à Perihelio sit gradus pars centesima. Pono BQ 0.35, ad ejus sinum Log. addatur Log. B, & prodit summa-Log. numeri, 0.34013; qui ad arcum AN additus, fit 0.35013. Si hic arcus fuisset 0.35, BQ recte esset assumptus, sed differentia est 0.00013, unde quoniam CB est ad SB, ut 35.5 ad 1, multiplicetur differentia, 00013 per 35.5, & prodibit $Qq = 0.004615$, unde prodit arcus $Bq = 0.354615$ & error tribus partibus decies millesimis gradus minor est. Rursus sit motus medius 0.02. Ponatur BQ esse 0.71, per additionem constantis B ad ejus sinum Log. habebitur Logarith. numeri 0.68998, unde $BN - NP = 70998$, & est differentia 0.00002, quæ si per 35.5 multiplicetur & productus à BQ subtrahatur restabit $Bq = 7092$, & error gradus partem decies millesimam non superabit. Si motus medius sit 0.3 pono BQ 1.06; & addendo ejus sinum Log. ad constantem B; prodit Log. numeri 1.03008, cui si addatur BN fit summa

SOLUTIO PROBLEMATIS KEPLERI. 439

ma 1.060088, qui major est quam B Q: quare si differentia ,00008 multiplicetur per 35.5, & productus ad B Q addatur, fiet $Bq = 1.06284$. Similiter cum motus medius sit ,04, pono B Q 1.4, & inveno NP = 1.3604, ad quem addendo ,04 fit summa 1.4004, qui superat 1.4 per ,0004; multiplicetur hæc differentia per 35.5 & productus ,0142 erit æqualis Qq, unde $Bq = 1.4142$. In his omnibus errores sunt admodum exigui, & raro millesimam gradus partem transcurrentes.

Inveniendus sit jam arcus Bq, cum motus medius est unius gradus. Pono B Q = 20 gr., addendo ejus sin. Log. ad B, prodit Log. numeri 19.045, cui addendo 1, summa 20, 045 superat 20, & cum in hoc casu $L - Cos.$ B Q sit ad L, ut 1 ad 11.5. tere; multiplico differentiam ,045 per 11.5, & productus ,5175, ad B Q additus dat 20.5175. Pono itaque secundo B Q 20.51 & prodibit similiter, ut in præcedente, NP = 19.5092; cui addendo BN, summa est 20.5092, quæ minor est quam B Q; unde si differentia, 0008 multiplicetur per 11.5, & productus ,0092 subtrahatur à B Q, restabit $Bq = 205.008$.

Sit denique motus medius æqualis 2 gr. Pono B Q gr. 30 & inveniatur NP 27.84, cui addendo 2, summa 29.84 minor est quam 30, & si multiplicetur differentia, 16 per 6.3 (Nam est $L - Cos.$ B Q ad L, ut 1 ad 6.3) fiet 1.008 = Qq; adeoque hic arcus à B Q subductus dat Bq 28.982. Ut vero corrigatur Bq, assumo B Q 29; & simili processu prodit $Bq = 28.9672$.

Invento angulo ACQ, angulus ASQ, facile habetur, nam in triangulo QCS, dantur latera QC, CS, & angulus QCS, unde innotescunt angulus ASQ, & latus SQ; deinde fiat ut Axis Ellipseos major ad minorem, ita tangens anguli ASQ ad tangentem anguli ASP, quæ est Anomalia coæquara. Denique fiat ut secans anguli ASQ ad secantem anguli ASP, ita SQ ad SP distantiam Cometæ à Sole, quæ erat invenienda. Vel sic forte facilius invenitur angulus ASP, & recta SP; invento arcu AQ datur ejus sinus QH, & Cosinus HC; sed datur SC, in partibus quarum CQ est 100000, unde da-

TAB. 17.
fig. 1.

bitur HS . Fiat ut major Ellipseos Axis ad minorem, ita QH ad PH , qui itaque dabitur. In triangulo PHS rectangulo dantur latera PH , HS , ex iis innoscet angulus PSH Anomalia coëquata, & latus PS distantia Cometæ à Sole.

Quoniam in Apheliis & Periheliis coincidunt puncta Q & N , locusque Planetæ medius idem est cum vero. Et in primo Anomalie semicirculo locus medius præcedit verum, in secundo verum sequitur; ex determinata positione lineæ Apsidum in Telluris orbita determinatur tempus quando locus Telluris è Sole visus & locus medius coincidunt; quando enim Sol apparet in Eclipticæ puncto, ubi est Perigelion, tunc Tellus erit in Aphelio, dato autem hoc temporis momento, dabitur inde per tabulas Astronomicas motus Telluris medius, & arcus AN pro alio quovis temporis momento, arcus enim illi secundum temporum rationes computantur & in tabulis disponuntur. Sed dato, pro quolibet momento, arcu AN , ostensum est qua ratione elicietur angulus ASP Anomalia Telluris vera, & locus Solis in Ecliptica apparens.

Wardi
Theoria.

Præter theoriam supra explicatam Kepleri, secundum quam Planetæ revera motus suos temperant, est & alia Hypothesis Elliptica, quam maxime excoluerunt Astronomi duo celeberrimi *Ismael Bulialdus*, & *Serbus Wardus* olim in hac Cathedra Professor, & postea Episcopus Salisburienensis, ex quorum laboribus haud exigua accepit Astronomia incrementa, cumque illi non desit elegantia & concinitas Geometrica, maximoque calculi inde pendens facilitas, liceat illam paucis exponere. In hac Hypothesi cum Keplero supponitur, Planetarum orbitas esse Ellipses, in quorum foco communi locatur Sol; præterea supponitur, quod Planeta unusquisque ea lege in Ellipsis propriæ Peripheria deferatur, ut ex foco superiore spectatus æqualiter incedere videatur; radiisque ad focum hunc ductis describat angulos temporibus proportionales. His positis, & data specie Ellipseos, quam Planeta describit, Cl. Wardus elegantem ostendit methodum Geometricam, qua ex data Anomalia media, vera eliciatur, quæ est ejusmodi.

Sit

Sit ABP Ellipsis, quam describit Planeta, Linea Ap-
 dum AP , focus in quo Sol residet S , F superior focus, qui
 est centrum motus æquabilis. Sit angulus $AF L$ tempori
 proportionalis, seu Anomalia media, erit L locus Planetæ
 in propria orbita, & angulus ASL Anomalia cœquata seu
 vera. Producat FL ad E , ut sit FE æqualis Ellipseos
 Axi majori AP , unde cum FL & SL simul ex natura
 Ellipseos eidem AP sint æquales, erit LE æqualis LS , &
 erit triangulum LSE isosceles, unde æquantur anguli E &
 ESL , & exterior angulus FLS eorum summæ æqualis erit
 utriusvis duplus, seu duplus anguli LES . Quare in trian-
 gulo FES , ex datis EF , FS , & angulo EFS , qui est de-
 inceps angulo AFE , dabitur angulus E , cujus duplus
 æqualis est angulo FLS , qui proinde dabitur, sed angulus
 $AF L$ æqualis est duobus FSL , & FLS , unde FLS est
 Æquatio seu Prosthapheresis, quæ ex Anomalia media subla-
 ta, vel eidem addita dat Anomaliā verā. Q. E. I.

In resolutione trianguli EFS ex datis EF , FS , cum an-
 gulo EFS , Analogia est $EF + ; FS ; EF - ; FS ::$, hoc est,
 AS ad SP , ita tangens AFE ad tangentem semissis dif-
 ferentiæ angulorum E & FSE , sed ob angulum E æqua-
 lem LSE angulo, est FSL differentia angulorum E & FSE ;
 quare angulus, qui ex analogia prodit, duplicatus dabit an-
 gulum FSL , Planetæ Anomaliā verā. Praxis autem fa-
 cillima est, nam cum AS & SP sint constantes & datæ quan-
 titates, differentia Logarithmorum data erit; quare datus
 numerus ad tangentem semissis Anomalix mediæ addendus
 est, & habebitur tangens semissis Anomalix veræ. Porro
 in triangulo LFS , ex datis omnibus angulis una cum latere
 SF invenietur LS distantia Planetæ à Sole.

Est quidem hæc Wardi Hypothesis satis utilis approxi-
 matio, ad calculum enim abbreviandum inservit, est ta-
 men non nisi approximatio, & veritatem non accurate at-
 tingit; ejus ratio sic patebit. Sit APB orbita Planetæ, AQB
 circulus eidem circumscriptus. Arcus AQ Anomalia Ex-
 centrici, & AN Anomalia media tempori proportionalis.
 Ad centrum C ducatur NC , & à puncto Q recta QG illi

Wardi
 Methodus.
 TAB. 37.
 fig. 6.

TAB. 38.
 fig. 1.
 Hypothesis
 Wardi
 Approxima-
 tio est
 tantum.
 Approxima-
 tionis
 ratio.

parallela, erit angulus QGA æqualis NCA , & tempori proportionalis. Et erit CG fere æqualis CS , sed illa aliquantulum minor. A foco S in QC cadat perpendicularis SF , erit hæc, ut prius ostensum fuit, æqualis arcui QN , cujus sinus est æqualis GO ; sed arcus QN cum parvus sit, ejus sinus erit fere eidem æqualis, unde GO erit fere æqualis SF , sed illa aliquantulum minor. Sed triangula rectangula GOC & SFC sunt æquiangula quam proxime; nam NCQ angulus differentia angulorum NCG & SCF parvus est; adeoque ob OG fere æqualem SF sed illa aliquantulum minorem, erit CG fere æqualis CS , sed illa aliquantulum minor. Focus igitur alter Ellipseos supra punctum G existeret, sed parum ab illo distat. Quod si ducatur PL ad QG parallela, punctum L erit etiam supra C , sed parum ab illo distans, unde punctum L & alter Ellipseos focus coincidunt fere; sed est angulus PLA æqualis NCA Anomalie mediæ; adeoque si à loco Planetæ in sua orbita ducatur linea ad superiorem Ellipseos focum, illa cum Ellipseos Axe comprehendens angulum, qui erit quam proxime tempori proportionalis.

Ubi anguli NCA & QCA vel SCF parum differunt, hoc est, ubi angulus NCQ exiguus est, & Excentricitas orbitæ parva, puncta G & L cum superiore foco fere coincidunt. Adeoque hæc theoria Telluris motui satis accurate responderet; ejus enim orbita parum à circulo recedit, aliis tamen Planetis, & speciatim Marti, & Mercurio non æque congruit. Itaque Bulialdus ex quatuor locis Martis à Tychone observatis, ostendit, in primo, & tertio Anomalie Quadrante, locum Martis in cælis esse promotiorem, quam per hanc theoriam fieri debet. At in Quadrante secundo & quarto, Martis Anomaliam veram minorem esse, quam postulat hæc Hypothesis, ejus itaque correctionem sequentem adhibuit. Diametro AP , Axi majoris Ellipseos, describatur circulus ADP , sit AFL Anomalia Planetæ mediæ, per L ducatur recta QLG , ad Axem perpendicularis circulo occurrens in Q , juncta FQ occurret Ellipsi in Y , erit Y locus Planetæ Anomalie mediæ AFL respondens. Angulus autem Anomalia

Bulialdus
correctio
hujus Hypothesis.

TAB. 17.
æ. 6.

liæ mediæ correspondens, scil. angulus $A F Q$ expedite invenitur, capiendo angulum cujus tangens sit ad tangentem anguli $A F L$, ut semiaxis major Ellipsis ad semiaxem minorem. Ex dato autem angulo $A F Q$ vel $A F y$, similiter ut prius ex $A F L$ invenitur Anomalia vera $A S y$.

Calculi, quos supra exposuimus, supponunt, orbitarum species & Excentricitates, sicuti & positiones esse datas. In reliquis Planetis rationem, qua determinantur orbitæ, post hæc docebimus; in Tellure autem, ejus orbitæ speciem & positionem sequentibus methodis investigamus.

Primo observetur Solis diameter, & motus apparens; quando enim Terra est in Aphelio, Diameter Solis videtur omnium minima; cum Terra ibi maxime à Sole distet; in Perihelio, Soli maxime appropinquans Terricola, ejus diametrum maximam conspiciet. Terræque à Sole distantiae sunt diametris apparentibus reciproce proportionales; recta quælibet $S P$ exponat distantiam Telluris à Sole in Perihelio: fiat ut diameter Solis in Aphelio ad diametrum in Perihelio apparentem, ita $P S$ recta ad $S D$, quæ sit in $S P$ producta, hæc exponet distantiam Aphelii; bifecetur $P D$ in C , erit $C S$ Excentricitas orbitæ & C centrum Ellipseos. Foco S & Axe majore $P D$ describatur Ellipsis, erit illa ejusdem speciei cum ea, in qua movetur Tellus circa Solem. Eclipticæ autem punctum, ubi diameter Solis maxima apparet & oppositum, ubi minima, positione Apsidum ostendent. Sed quoniam diameter Solis tam in Aphelio, quam in Perihelio per aliquot dies vix mutari videtur, difficile admodum erit, positionem Apsidum per observationes Solaris diametri determinare. Ideo satius erit Aphelii & Perihelii distantias, & positiones, per observationes motus Solis elicere. Nam velocitas Telluris angularis, eique æqualis Solis apparens, est semper reciproca, ut Quadratum distantiae iuxta à Sole, uti superius à nobis demonstratum fuit.

Quo itaque species Ellipseos, in qua Tellus movetur, determinetur, observanda est velocitas Solis apparens maxima & minima in Ecliptica; minima dicatur A & maxima B ; & recta quælibet $S P$ exponat distantiam Perihelii. Fiat

ut

Orbitæ Telluris spectas determinatur.


TAB. 12.
fig. 2.

TAB. 12.
fig. 1.

ut A ad B, ita SP ad aliam C; & producatur SP ad D, ut SD sit media proportionalis inter SP & C. Exponet hæc linea distantiam Aphelii, adeoque si foco S & Axe majore S D describatur Ellipsis, erit illa ejusdem speciei cum orbita Telluris. Nam ob PS, SD & C continue proportionales, erit PS quad. : DS quad. :: SP : C :: A : B. Præterea si observentur Solis loca in Ecliptica, ubi ejus velocitas est maxima & minima, in iisdem punctis locantur Apsides. Vel denique si observentur duo Solis loca in Ecliptica, ubi ejus velocitates sunt æquales, & bisecetur arcus Eclipticæ interceptus, punctum bisectionis ejusque oppositum loca Apsidum monstrabunt. Verum hæc methodus postulat observationes admodum accuratas, quales non facile obtineri possunt.

*Per Wardi
Theoriam
optimè de-
terminatur
orbita Tel-
luris speciei
& positio.
TAB. 38.
fig. 4.*

Ex Cl. Wardi Theoria certior elicitur methodus, quæ per tres observationes Solis, temporumque intervalla notata, unâ operâ determinari potest & orbitæ species, & Apsidum positio. Sit A B P D C orbita Telluris, focus, in quo Sol est, sit S, alter F, Apsides A P, sintque B C D tria loca Telluris in Ecliptica, quæ dantur ex observatis Solis locis iisdem oppositis. Centro F, intervallo FM æquali Ellipseos Axi majori describatur circulus M H E L, cui occurrunt rectæ FB, FC, FD productæ in punctis G, H, E; ducantur quoque ex foco S rectæ SB, SC, SD, item SG, SH, SE; dantur anguli BSC, BSD, & CSD, eos enim metiuntur arcus Eclipticæ inter loca observata intercepti, sed cum in hac theoria Tellus in Perimetro orbitæ suæ ea lege feratur, ut angulos circa alterum focum F describat temporibus quamproxime proportionales, dabuntur anguli BFC, BFD & CFD, capiendi singulos ad quatuor rectos, ut tempus inter observationes elapsum ad integrum tempus Periodicum. Porro quoniam duplex anguli FGS, hoc est, angulus FBS est differentia angulorum BFA & BSA, hoc enim supra ostensum fuit; item duplex anguli FHS, hoc est, angulus FCS est differentia angulorum CFA & CSA; differentia angulorum BFC & BSC erit æqualis $2FGS + 2FHS$, sed quia dantur anguli BFC, BSC, dabitur eorum differentia, qua-



quare dabuntur angulorum FGS & FHS summae. Est autem angulus FGS differentia angulorum BFA & GSA ; & angulus FHS est differentia angulorum HFA & HSA ; quare anguli FGS & FHS æquales erunt differentia angulorum BFC & GSH : sed dantur anguli BFC & summa angulorum FGS & FHS , quare dabitur angulus GSH ; eodem modo, dabitur GSE angulus. Similiter est duplex FES differentia angulorum DFA & DSA ; item duplex FHS differentia angulorum CFA & CSA ; unde $2 \text{ ang. } FES = 2 \text{ FHS}$, erunt æquales differentia angulorum CFD , CSD ; sed dantur anguli CFD , CSD , unde dabitur semissis differentia eorundem, scil. angulus $FES - FHS$; sed angulus $FES - FHS$ est differentia angulorum CFD & HSE ; sed datur angulus CFD , & $FES - FHS$ quoque datur; quare dabitur angulus HSE ; dantur itaque omnes anguli ad focum F , scil. BFC , BFD , & CFD , dantur etiam omnes anguli ad focum S , scil. BSC , BSD , CSD , item GSH , GSE , & HSE ; hisce præmissis

Exponatur SH per numerum quemlibet, *v. gr.* 100000. Producat ES donec peripheria circuli occurrat in L , jungantur HL , LG , & HG ; in triangulo HSL , datur angulus HSL complementum anguli noti ESH ad duos rectos, item angulus SLH semissis anguli EFH , *per 20 El. 3* datur etiam latus HS 100000, quare dabitur SL ; unde in triangulo SLG datur angulus LSG , qui est deinceps angulo noto ESG & angulus SLG semissis anguli EFH , *per 20 El. 3* item latus SL , quare dabitur latus SG . In triangulo HSG dantur latera HS , SG , & angulus HSG ; quare dabitur latus HG , & angulus SHG . In triangulo isoscele HFG , datur angulus HFG , & basis HG , quare invenietur HF æqualis AXI majori Ellipseos, & angulus GHF , quo ab angulo SHG ablati, dabitur angulus FHS . Denique in triangulo FHS , ex datis FH , HS , & angulo FHS , invenietur SF Excentricitas orbitæ, & angulus HSF ; à quo si subtrahatur HSC angulus æqualis FHS , restabit CSF angulus, qui $Axis$ positionem, & loca $Apsidum$ ostendet.

Hæc methodus supponit angulos ad focum superiorem F
de-

descriptos esse temporibus proportionales, quod verum non est, at in Telluris orbita, parum Excentrica anguli ad focum superiorem revera descripti tam parum differunt ab iis, qui sunt temporibus proportionales, ut nullus exinde possit oriri sensibilis error in determinanda specie, & positione orbitæ.

Vir celeberrimus Edmundus Halley, quem, ob præclara in Astronomia inventa, omnis laudabit posteritas, methodum excogitavit nulli motus theoriæ, aut Hypothesi innixam, qua solummodo per observationes, orbite Telluris species atque positio determinetur.

TAB. 38.
fig. 5.

Sit S Sol, A B C D orbis Terræ, P Planeta mars (qui in hanc rem plurimis de causis longe est præferendus). Primo observetur verum tempus & locus, quo Mars opponitur Soli, tunc enim Sol & Terra coincidunt in linea recta cum Marte, vel (quod fere semper accidit) si habuerit Latitudinem, cum puncto, ubi perpendicularis à Marte in planum Eclipticæ incidit. Sic in figura S A & P puncta sunt in linea recta; cum autem Martis Periodus constat diebus 687, post illud tempus ad idem punctum P è Sole conspicietur, ubi in priore observatione Soli opponebatur. Terra vero, cum non revertatur ad A, nisi post 7301 dies, cum Mars est denuo in P, punctum B tenebit, Solemque in linea S B, Martem vero in linea P B respiciet, ex observatis locis Solis & Martis, omnes anguli trianguli B P S dantur, & supposito P S constare partibus 100000; in iisdem partibus invenietur distantia S B, ejusque positio: pari ratione post alteram Martis Periodum, Terra existente in C, invenitur Longitudo lineæ S C, ejusque positio, nec dissimiliter linea S D, & ejus positio invenietur. Sic ergo devenit ad hoc Problema Geometricum; datis tribus lineis in uno Ellipseos foco coeuntibus, tam Longitudine, quam positione, invenire Longitudinem transversæ diametri, ejus positionem & focorum distantiam. Quod Problema expedire docent Geometræ, & quo pacto construatur, nos quoque in sequentibus ostendemus.

LE.

LECTIO XXV.

De Temporis Æquatione.

Licet Tempus in sua natura absolute quantum sit, præcipuas quantitatis affectiones, æqualitatem scil. inæqualitatem & proportionem admittens, ut tamen ejus quantitas à nobis cognoscatur, advocandum est motus subsidium, tanquam mensura, qua temporum quantitates æstimemus, & inter se conferamus; adeoque tempus ut mensurabile motum connotat. Si enim res omnes immotæ persisterent, nullo pacto quantum effluxisset temporis, possemus percipere, sed rerum ætas indiscreta laberetur.

*Motus
Temporis
mensura.*

Cæterum quia tempus æquo semper fluit tenore, is motus ejus quantitati mensurandæ maxime accomodatus censetur, qui in se summe simplex & uniformis est, & æqualiter semper progreditur, adeo ut mobile ejus vi incitatum (saltem quoad ad motus sui Periodos) æqualem constanter impetum servet, & per æquale spatium æquali tempore decurrat.

*Propria
Temporis
mensura
est motus
Uniformis.*

Ad communem usum eligendus est motus aliquis maxime notabilis, cunctis obviis & in omnium oculos incurrens, qualis est siderum motus, imprimis Solis & Lunæ, qui proinde non tantum communi generis humani suffragio, ad hoc suffectus, sed Divino Creatoris nostri consilio, nobis datus est huic usui; à Deo enim pronunciatum legimus. *Fiant Luminaria in Firmamento, & dividant diem ac noctem, & sint in signa & tempora, & Dies & Annos.* Per motus itaque cælestes, & præcipue illum Solis aptè distinguuntur tempora. Quare

*Solis &
Lunæ mo-
tus tan-
quam ido-
nea tempo-
ris mensu-
ra nobis
dati.*

Solem quis dicere falsum

Audat.

Audent hoc Astronomi, qui subtili indagine deprehenderunt, Solis motum uniformem non esse, sed illum nunc gradum remittere, nunc accelerare observant; adeoque tempus verum, quod æquabiliter semper fluit, non potest accurate per ejus motum connotari.

Hinc

*Distinctio
inter Tem-
pus Appa-
rens & ve-
rum.*

Hinc Tempus, quod Sol motu suo communstrat, quodque apparens dicitur, diversum erit ab illo, quod æquabili semper labitur tenore, & ab Astronomis verum & æquale vocatur, ad cuius normam omnes motus cœlestes sunt ordinandi. Nam ex inæquali Solis motu, ejusque via ad Æquatorem obliqua, sequitur, quod neque dies, neque horæ erunt inter se æquales, uti hac ratione ostendemus.

Dies Solaris æqualis est illi temporis spatio, quod labitur, dum per rotationem Telluris circa suam Axem, planum alicujus Meridiani à centro Solis digrediens volvitur, usque dum ad idem recurrit. Seu est tempus inter unam Meridiem, & illam, quæ proxime sequitur. Si Telluri nullus alius competeret motus, præter illam circa Axem rotationem, dies omnes solares essent inter se, & revolutioni Telluris præcise æquales. Sed quia interea, dum Tellus circa Axem rotatur, in propria etiam orbita versus Orientem progreditur, cum Meridianus aliquis integram revolutionem compleverit, non tamen ejus planum per Solem transibit, uti sequenti figura manifestum fiet. Sit enim S Sol, A B portio

TAB. 38.
fig. 6.

orbitæ Telluris, linea M D designat Meridianum aliquem, cujus planum productum per Solem transibit, cum Terra est in A. Progrediatur deinde Tellus in sua orbita per arcum A B ad B, in tempore, quo completur una Revolutio Telluris circa Axem, unde ob absolutam revolutionem, Meridianus M D erit in situ *m d* ad priorem ejus situm parallelo, adeoque nondum per Solem transibit, neque ineolis, qui sub Meridiano illo degunt, fiet Meridies, sed opus est ut motu angulari *d B f* ulterius feratur, ut per Solem transeat. Exinde fit, ut dies omnes Solares sint una revolutione Telluris circa Axem longiores. Si Meridianorum plana seu Axis Telluris, ad planum orbitæ normaliter insisterent, & Tellus æquabili semper motu orbitam suam decurreret, post peractam à Meridiano aliquo revolutionem, ob *m d* ad M D parallelam, angulus *d B f* esset æqualis angulo B S A, & arcus *d f* similis arcui A B, & ob tempora semper æqualia, arcus A B & proinde angulus *d B f* esset sibi semper æqualis, & proinde dies omnes Solares æquales sibi invicem essent, tem-

*Responditur
dies Solar-
es esse in-
æquales.*

tempusque apparens cum æquabili congrueret. Verum horum casuum neuter obtinet in natura locum, nec enim terra æquabiliter orbitam suam decurrit, sed in Aphelio minorem arcum, in Perihelio majorem æquali tempore describit, præterea Meridianorum plana non sunt ad Eclipticam, sed ad Æquatorem normalia; adeoque motus angulares $d B f$, qui præter revolutionem integram spatio diei Solares accedunt, per arcum AB mensurari non debent, & utraque de causa, inter se inæquales hi anguli erunt; dieſque Solares inæquales efficiunt.

Sed hoc fortasse, Auditores, clarius vobis elucescet, si à reali Telluris motu ad apparentem Solis transeamus, is enim pro mensura temporis apparentis nobis datus est; sciendum itaque, diem Naturalem seu Solarem esse illud temporis spatium, quo per revolutionem primi mobilis apparentem tota Æquatoris circumferentia successive per Meridianum transit, & insuper arcus ejusdem respondens motui Solis apparenti in orientem interea facto.

At arcus $\text{\AE}quatoris$ transiens per Meridianum cum arcu
 Eclipticæ diurno non est illi semper æqualis, sed eo modò
 major, modò minor, etiamsi Solis motus in Ecliptica æqua-
 bilis esset, quod oritur ex obliqua Eclipticæ ad $\text{\AE}quatorem$
 positione, uti patet ex adjuncta figura. Sit $\text{\textit{V}}\text{\textit{S}}$ quadrans
 Eclipticæ; $\text{\textit{V}}\text{\textit{E}}$ quadrans $\text{\AE}quatoris$; arcus $\text{\textit{V}}\text{\textit{A}}$ sit unius gr.,
 qui est quamproxime æqualis motui Solis diurno in Ecli-
 ptica, nam motu medio arcum $59' : 8''$ describit quotidie
 Sol: sitque AB arcus circuli declinationis per Solem tran-
 siens inter Eclipticam & $\text{\AE}quatorem$ interceptus. In trian-
 gulo $\text{\textit{V}}\text{\textit{B}}\text{\textit{A}}$ rectangulo ex datis $\text{\textit{V}}\text{\textit{A}}$ 1. gr., & angulo $\text{\textit{A}}\text{\textit{V}}\text{\textit{B}}$
 inclinatione Eclipticæ cum $\text{\AE}quatore$ 23. 30 invenietur latus
 $\text{\textit{V}}\text{\textit{B}}$, $54'. 1''$. Sit deinde arcus Eclipticæ $\text{\textit{V}}\text{\textit{C}}$ 89, ex illo
 elicitor arcus $\text{\AE}quatoris$ $\text{\textit{V}}\text{\textit{D}}$, 88. 54 : 34. At quando arc-
 us $\text{\textit{V}}\text{\textit{S}}$ fit 90, arcus $\text{\AE}quatoris$ $\text{\textit{V}}\text{\textit{D}}$ illi respondens est
 etiam 90, unde erit arcuum $\text{\textit{V}}\text{\textit{E}}$, $\text{\textit{V}}\text{\textit{D}}$ differentia DE. 1 : 5 :
 26; arcuum itaque $\text{\textit{V}}\text{\textit{B}}$, DE differentia erit 10'. 25". licet arc-
 us Eclipticæ $\text{\textit{V}}\text{\textit{A}}$ & C $\text{\textit{S}}$, quibus respondet, sint æquales.
 Ex quo manifestum est, æqualibus Eclipticæ arcibus inæ-
 F f

Arcus $\text{\AE}quatoris$ diurni non sunt æqualibus arcibus Eclipticæ diurnis. TAB. 38. fig. 7.

Offenditur prima inæqualitatis diurnæ causa.

*Idem ex So-
lis motu
apparenti
ostenditur.*

Arcus E-
quatoris
diurni non
sunt equa-
les arcibus
Eclipticae
diurnis.
TAB. 38.
fig. 7.

*Offenditur
prima in-
qualitatis
dierum
causa.*

quales Æquatoris arcus respondere, & consequenter arcus Æquatoris diurnos, qui per Meridianum transeunt & diem Solarem metiuntur, esse inter se inæquales.

Secunda inæqualitas dierum causa.

Sed non nascitur ex hac unica causa diurnorum arcuum Æquatoris inæqualitas, nam ipse Solis motus in Ecliptica apprensus inæqualis est. Tardiusque incedit diurnusque commoratur Sol in signis Borealibus, quam in Australibus per octo integros dies, unde etiam si nulla esset viæ Solaris obliquitas, ex hac sola causa arcus Æquatoris diurni æquales esse non possunt; adeoque multo magis se prædit dierum inæqualitas, cum ad id concurrant duæ prædictæ causæ, Solis scilicet inæqualis motus, & Eclipticæ obliquitas, quæ licet interdum sibi mutuo officiant, & inæqualitatem minuunt, ut fit quando arcus diurni Æquatoris decrescunt propter obliquitatem Eclipticæ, sed crescunt propter accessum Solis ad Perigeum, aut contra, aliquando tamen concurrunt ad inæqualitatem augendam, & neutra illarum ab altera pendet, sed utraque suum sigillatim sortitur effectum.

Motus itaque apprensus Solis in orientem cum inæqualis sit, ad tempus æquabile (quod eodem tenore semper fuit) mensurandum idoneus non est; adeoque nec dies naturales & apparentes aptæ erunt motuum cœlestium mensuræ, de iis loquor, qui à motu Solis non pendent. Ideoque necesse fuit Astronomis pro his Solaribus diebus alios medios & æquales substituere, in quos motus cœlestes distribuerent, & hi motus, cum ad tempus æquale sint collecti, oportet tempus illud rursus in apprensus convertere, ut à nobis observentur, qui tempora Solis motu apparenti metimur & numeramus; & è contra si aliquid Phænomenon cœleste, Eclipsis puta, tempore apparente observetur, & secundum illam observationem tabulæ Astronomicæ sunt examinandæ, necesse erit, tempus apprensus in æquale convertere, aliter observata Phænomena à computatis differrent.

Determinatio dierum medianum seu æquale.

Quoniam nullum novimus in natura corpus naturale, quod motum perfecte æquabilem conservat, & talis tamen

mo-

motus solus idoneus est ad dies horasque æquales connotandas. Convenit ut fingamus aliquod sidus, quod in Æquatore versus orientem semper incedat, & motum suum nusquam intendat aut remittat, sed uniformiter Æquatorum percurrat eodem præcise tempore, quo Sol Eclipticam describere videtur. Talis sideris motus tempus æquale & verum rite repræsentabit, ejusque motus in Æquatore diurnus esset $59' : 8''$. Qualis scilicet est motus medius Solis in Ecliptica, & proinde dies æqualis & medius per appulsus hujus sideris ad Meridianum determinatus æqualis erit tempori, quo tota circumferentia Æquatoris seu gradus 360 per Meridianum transeunt, & insuper $59' : 8''$, cumque hoc additamentum semper ~~idem~~ maneat, dies omnes medii erunt inter se æquales.

Cum Sol inæqualiter secundum Æquatorum orientem versus promoteatur, aliquando citius hoc sidere Meridianum attinget, aliquando serius ad eundem appellet. Et differentia est illa, quæ inter tempus apparens & æquabile intercedit. Differentia autem hæc nota erit, ex datis in Æquatore loco sideris, & puncto, quod una cum Sole ad Meridianum pervenit. Arcus enim interceptus, si in tempus convertatur, ostendit differentiam, quæ est inter tempus apparens & æquale. Hæc differentia dicitur *Temporis Æquatio*, estque tempus illud, quod labitur, dum arcus Æquatoris inter punctum definiens Solis Ascensionem rectam & locum sideri ficti interceptus per Meridianum transiit.

Sit *ÆQ* Æquinoctialis circuli portio, *EC* Ecliptica, in qua sit *S* locus Solis verus in Ecliptica, *SA* declinationis circulus per Solem transiens Æquatori occurrens in *A*, erit *A* punctum Æquatoris, quod simul cum Sole ad Meridianum pervenit. Sit *m* locus sideris medio motu in Æquatore, progredientis, & cum Sol ad Meridianum pervenerit sidus fictum ab illo distabit arcu *mA*. Quod si punctum *m* sit puncto *A* orientius, serius Meridianum attinget quam *A*, tempusque apparens præcedet medium seu æquale. At si punctum *m* sit ad occidentem puncti *A*, citius illud ad Meridianum revertitur, eritque tempus apparens æquabili posteriorius.

*Æquatio
Temporis
quid?*

*Quando
tempus ap-
parens
præcedit
verum.
TAB. 38.
fig. 8. 9.*

*Quando
sequitur
verum.*

serius. Arcus autem Æquatoris $A m$ in tempus conversum est æquatio temporis, quæ addenda est temporis apparenti aut ab illo subtrahenda, prout punctum m orientalius est aut occidentalius puncto A , ut fiat tempus æquabile. Ut situs puncti A respectu ipsius m & arcus $A m$ quantitas dignoscatur, capiatur in Æquatore arcus $\vee s$ vel $\simeq s$ æqualis arcui $\vee S$ vel $\simeq S$ in Æcliptica, unde arcus $s m$ æqualis erit distantie inter Solis locum verum & medium, quæ proinde ex dato Anomalie gradu dabitur: Arcus vero $A s$ est differentia inter trianguli rectanguli $\vee S A$ Hypotenusam $\vee S$ & ejusdem basim $\vee A$ & ea per Trigonometriam etiam dabitur. Est præterea arcus $A m$ æqualis summæ vel differentie arcuum $A s$, $s m$, quæ proinde ex illis notis dabitur.

*Æquat'o
Temporis
ductus
constat
partibus.*

*Horum
factum ef-
fectus sig-
latim ex-
plicentur.*

Porro animadvertendum est, in primo & tertio Æclipticæ quadrante punctum s cadere ad orientem respectu puncti A ; adeoque arcum $A s$ in tempus conversum ablatitium esse, serius enim ad Meridianum appellit punctum s quam A . In secundo autem & quarto Æclipticæ quadrante punctum s cadit ad occidentem puncti A , ideoque citius per Meridianum transit quam A , & proinde arcus $A s$ in tempus conversus, adjectitius & temporis apparenti addendus est, ut habeatur tempus, quo punctum s Meridianum attingit. Sit v. gr. arcus $A s$ 2 gr., ut sit, quando Sol tenet vicissimum Arietis gradum, hic arcus in tempus conversus est scrup. 8, adeoque temporis apparenti adjiciendi sunt scrupuli 8, ut habeatur tempus, quo punctum s Meridianum tenet.

Porro in primo Anomalie Solis semicirculo, hoc est, dum Sol in præsentis sæculo tendit à septimo gradu ϖ ad septimum Capricorni, medius Solis motus major est ejus motu vero; adeoque locus Solis medius præcedit ejus locum verum, unde in toto hoc semicirculo punctum m erit ad orientem puncti s , & arcus $m s$ in tempus conversus detrahendus est à tempore, quo punctum s Meridianum tenet. At in altero Anomalie semicirculo, scil. postquam Sol Perigeum reliquerit, motus medius minor est vero, & locus

So-

Solis medius verum sequitur, unde punctum m cadet ad Occidentem puncti s , illudque citius hoc ad Meridianum apellet, & propterea arcus $m s$ in tempus conversus adji- ciendus est temporis, in quo s Meridianum occupat. Dato autem temporis intervallo inter appulsus punctorum m & s ad meridianum, item intervallo inter appulsus punctorum s & A ad eundem, dabitur intervallum temporis inter ap- pulsus puncti m & puncti A ad Meridianum; hoc est, da- bitur intervallum temporis apparentis & veri seu æqualis, Quod est temporis Æquatio.

Ad Tempus perpetuo æquandum artifices condunt du- plicem tabulam, unam pro arcu $s m$, quæ cum Anomalia So- lis est adeunda, & si punctum m sit ad Occidentem puncti S , notant Æquationem signo additionis, sin secus, appo- nunt signum subtractionis. Altera tabula construatur pro ar- cu $S A$, quæ est differentia inter locum Solis in Ecliptica & ejus Ascensionem rectam, cujus Æquationes similiter notan- tur signo Additionis vel Subductionis, prout punctum s est ad Occidentem vel Orientem puncti A . Harum Æquationum summa, si utraque fuerit ejusdem affectionis, hoc est, si si- mul adjectitiæ fuerint vel simul ablatitiæ; vel differentia, si fuerint diversæ affectionis, componit absolutam temporis Æquationem.

Construuntur etiam tabulam artifices ex harum utraque compositam, quæ temporanea tantum est & uni circiter sæ- culo sine sensibili errore inserviens, nam per unum fere sæ- culum idem Anomaliæ Solis gradus in eundem Eclipticæ gradum incidit; adeoque pro spatio quinquaginta annorum, Æquationes duæ in unam componi possunt. Sed ob mo- tum Præcessionis Æquinoctiorum, Apogeon Solis, seu po- tius Aphelion Terræ locum suum in Ecliptica mutat, & in Orientem una cum Fixis progreditur; adeoque diversis sæculis iidem Anomaliæ gradus ad diversa Eclipticæ pun- cta referentur, & proinde una tabula pro omnibus sæculis non sufficiet.

Sidus fictum, cujus motus tempus æquabile metitur, sem- per versus Orientem uniformiter progreditur. At punctum

*Dna Æ-
quationum
Tabula.*

*Tabula
Æquatio-
nis Tempo-
ris.*

*Quando
dies Sola-
res inci-
piunt fieri
mediis loca-
rior et.*

*Quando
mediis
æquales fi-
unt.*

*Quibus
Anni tem-
poribus fi-
unt maxi-
me Æqua-
tiones.*

A, quod Solis Ascensionem rectam definit, & tempus appa-
rens connotat, ultra citraque punctum *m* libratur, & nunc
ad Orientem, nunc ad Occidentem Sideris ficti aliquando
etiam cum illo coincidens invenitur; unde quando puncti *A*
motus relativus respectu istius Sideris sit versus Orientem,
punctum *A* magis in Orientem promovetur quam sidus, &
dies fiunt mediis longiores: nam quo celerius versus Orien-
tem tendit punctum *A*, eo dies Solares fiunt longiores, nam
præter revolutionem cœli integram, majus est additamen-
tum arcus, quod diei Solari accedit, ob majus spatium ver-
sus Orientem confectum. Hinc sequitur, quod quamprimum
motus relativus puncti *A* incipit fieri versus Orientem,
dies Solares incipient quoque fieri mediis longiores; de
motu relativo loquor, qui fit respectu Sideris *m*, nam ejus
motus absolutus semper fit versus Orientem. At quando
punctum *A* ultra *m* versus orientem delatum rursus ad Si-
dus *m* accedere incipit, ejusque respectu ad Occidentem ten-
dere, tunc fiunt dies Solares mediis breviores; ubi autem
maxime à Sidere *m* ad Orientem aut Occidentem recesserit *A*,
ibi dies Solares fiunt mediis æquales, & in illis punctis ma-
ximæ fiunt Temporis Æquationes. Ubi autem motus pun-
cti *A* versus orientem fit velocissimus, ibi dies fiunt omnium
longissimi. Quo autem in puncto motus hic fit tardissi-
mus, hoc est, ubi motus relativus versus Occidentem ma-
ximus est, ibi dies sunt brevissimi.

In hoc nostro sæculo, cum Sol 10 gr. Scorpionis tenet,
punctum *A* à Sidere *m* maxime distat versus occidentem,
ejusque distantia est 4 gr. scrup. 2 secund. 45, & proinde
æquatio maxima est minut. horar. 16 secund. 11. Inde in-
cipiunt dies Solares crescere, usque dum Sol ad gradum
Aquarii 22½ pervenit, ubi maxime in Orientem promotum
est punctum *A*, & à Sidere *m* distat gr. 3 scrupl. prim. 42½,
Et maxima temporis Æquatio est 14' : 50". Exinde motus
relativus puncti *A* est versus Occidentem, usque dum Sol
gradum Tauri 24^{um} attingit, ubi punctum *A* est 1 gr. min.
1½ Sidere *m* Occidentalius; & Æquatio temporis maxima
est 4' : 6", exinde rursus versus Orientem recedit punctum *A*,
us-

usque dum Sol occupat Leonis gradum $3\frac{1}{2}$, ubi ab m distat gr. 1 minutis 28; & Temporis Æquatio est 5 min. 53. sec.; inde demum motus ejus est versus Occidentem, usque dum Sol ad grad. Scorpionis 10 pervenerit, ex quo ad Orientem continuo tendet punctum A. Patet porro quotiescunque puncta A & m coincidunt, coincidere quoque tempus appa-rens & medium.

Hinc si habeatur horologium Automaton affabre elaboratum, & Pendulo instructum, cujus motus ad tempus æquale seu medium ordinatur, & index simul cum tempore æquali congruat, horologium hoc diversam semper à Sole monstrabit horam, præterquam quater in anno, scil. circa diem Aprilis quartum, Junii sextum, Augusti vicessimum, & Decembris decimum tertium. Aliis omnibus temporibus hora horologii Solarem vel anteceder, vel sequetur; circa autem Octobris diem vigesimum tertium, omnium maxime à Sole differt, ubi ejus motu Solari lentior erit minutis 16 secund. 11.

Si quæritis, in quibus punctis Æquationes Temporis sunt maximæ. Hujus Problematis solutionem nobis impertivit celeberrimus *Hallejus*, vir ob præclara inventa nunquam ab Astronomis sine honore nominandus, ad quam solutionem sequentia præmittimus.

L E M M A.







Si figura plana in planum aliquod Orthographice projiciatur, quod sit demittendo à singulis ejus punctis in planum subiectum perpendiculares; figuræ in plano projectio erit ad ipsam figuram, ut cosinus inclinationis planorum ad radium.


Nam figura quævis potest resolvi in parallelogramma vel triangula, quorum bases sunt parallelæ communi planorum sectioni, adeoque erunt parallelæ plano in quod projiciuntur, unde bases & earum projectiones erunt sibi ipsis æquales & parallelæ, uti à nobis in Lect. XIII. ostensum fuit. Sed perpendiculares à verticibus triangulorum in bases demissæ sunt etiam ad communem planorum sectionem perpendiculares, per 29 El. 1, & proinde perpendicularium ad planum inclinatio æqualis est inclinationi planorum ad se invicem.

cem. Harum itaque perpendicularium projectiones sunt ad ipsas perpendiculares, ut *cosinus* inclinationis planorum ad radium. Quodlibet igitur triangulum vel parallelogrammum projicitur in aliud, cujus basis est æqualis basi ipsius trianguli aut parallelogrammi, quod projicitur, & cujus altitudo est ad altitudinem trianguli, ut *cosinus* inclinationis planorum ad radium. Sed triangula & parallelogramma, quorum bases sunt æquales, sunt ut perpendiculares à verticibus in bases demissæ. Projectio igitur trianguli cujuslibet est ad ipsum triangulum in data ratione; adeoque omnium triangulorum projectiones (hoc est totius figuræ projectio) sunt ad omnia triangula, in quæ resolvitur figura, in eadem ratione, scil. ut *cosinus* inclinationis planorum ad radium.

Si orbita Telluris Orthographice, demissis perpendicularibus in planum Æquatoris, projiciatur, projectio fiet Ellipsis, in cujus peripheria semper movetur punctum, quod est extremitas lineæ à Tellure in planum Æquatoris perpendiculariter demissæ; & hoc punctum motu suo signabit Telluris Ascensionem rectam, seu motum ejus secundum Æquatorem è Sole visum, cui semper æqualis est Solis Ascensio recta è Tellure visa. Sit $\angle VAC$ Ellipsis, in quam projicitur orbita Telluris; S punctum, in quod Solis centrum projicitur; $\angle S$ æ communis sectio Æquatoris & Eclipticæ; A punctum, in quod perpendicularum à Tellure in Ellipsim offendit. Erit $\angle VSA$ angulus, quem metitur Solis Ascensio recta. Dico jam punctum illud A , quod signat motum Ascensionis rectæ, ita in Ellipsi $\angle VAC$ moveri, ut describat circa S areas temporibus proportionales. Dato enim tempore, moveatur A per arcum Ellipticum AB , ducantur AS , BS , & trilineum ASB erit projectio correspondentis arcæ, quam Terra in plano Eclipticæ circa Solem eodem tempore describit. Et proinde erit projectio ASB ad arcam correspondentem in orbita Telluris, ut *cosinus* inclinationis Æquatoris & Eclipticæ ad radium; sed in eadem ratione est tota area Elliptica $\angle VAC$ ad totam orbitam Telluris, unde permutando, erit trilineum ASB ad totam aream Ellipticam $\angle VAC$, ut area in orbita Telluris circa Solem descripta
ad

TAB. 39.
fig. 1.





ad totam orbitam Telluris; hoc est, ut tempus, quo describitur area illa in orbita Telluris, vel quo describitur trilineum ASB in projectione, ad tempus Telluris Periodicum, vel tempus, quo describitur tota Ellipsis $\vee A \triangle C$. Ea itaque ratione circa punctum S movetur punctum A, ut describat areas temporibus proportionales.

Isdem positis, centro S, intervallo SA, quod sit medium TAB. 39.
proportionale inter Ellipseos semiaxem majorem & minorem, fig. 2.
describatur circulus, ejus area æqualis erit area Ellipseos, uti ex Conicis demonstrare facile est. Circulus hic Ellipsim secabit in quatuor punctis E, F, G, H. Hæc puncta ostendent Ascensiones Solis rectas, ubi temporis Æquationes sunt maximæ. In Peripheria circuli moveri concipiatur punctum aliquod M uniformiter, ejus motus Sideris nostri ficti m (fig. 8. 9. Tab. 38.) motum repræsentabit, & describet circa punctum S sectores circulares temporibus proportionales. Cumque area totius circuli sit area totius Ellipseos æqualis, erunt areae sectorum circuli & areae Ellipticæ circa S temporibus æqualibus descriptæ semper æquales. Ponamus itaque, punctum M in Peripheria circuli, & punctum in Peripheria Ellipseos signans Solis Ascensionem rectam simul in recta SM incidere, quæ puncta postea sint in m & A, erit area LSA Elliptica æqualis areae circulari MS m ; cumque arcus M m sit extra Ellipsim, erit angulus MS m minor angulo MSA, quorum angulorum differentia metietur arcus m A, qui est Temporis Æquatio. Cum punctum signans Ascensionem rectam ad intersectionem circuli Ellipseos pervenerit, ibi ejus motus circa Solem angularis æqualis erit motui puncti m . Sint enim areae m Sn, ASF temporibus quam minimis simul descriptæ, erunt illæ æquales: adeoque arcus q F ductus in SF æqualis erit arcui mn ducto in S m , unde ob æquales SF, S m , æquales quoque erunt arcus FQ, m n; in puncto igitur F motus Ascensionis rectæ æqualis est motui Sideris ficti m . Idem similiter ostendetur in punctis G, H, E. Sed prius ostensum fuit, in iis punctis, ubi motus Ascensionis rectæ æqualis est motui Sideris ficti, seu Telluris medio, ibi Æquationes esse maximas; in punctis
ita-

itaque F, G, H, E Æquationes sunt maximæ.

TAB. 19.
3. 1.

Si quærantur puncta, ubi dies sunt longissimi, vel brevissimi; hujus Problematis solutionem nobis quoque suppeditavit idem nunquam satis laudandus *Halleius*, quæ talis est. Ellipsis $\vee \propto \propto$ sit projectio orbitæ Telluris ut prius, S punctum, in quo Solis centrum, K centrum Ellipteos, producat K S utrinque, ita ut K G & S H sint ad K S (quæ est projectio excentricitatis) ut quadratum radii ad quadratum sinus obliquitatis Eclipticæ; per K ducatur $\vee \propto$ parallela communi sectioni planorum Eclipticæ & Æquatoris, & huic ad angulos rectos ducatur \propto K b. Per G ducatur G F, & per H recta F H ad \propto b, & $\vee \propto$ parallela. Per S & K describatur Hyperbola, cujus Asymptoti sunt F G, F H; hæc Hyperbola ejusque opposita C D Ellipsim in punctis quæstis secabunt; hoc est, cum Sol est in punctis Eclipticæ respondentibus D & B, sunt dies longissimi, & in B longiores sunt dies, quam in D. Puncta autem, quæ punctis A & C respondent, ostendent dies brevissimos; & in A quidem breviores sunt quam in C.

Cujus demonstratio exinde patet, quod punctum Solis Ascensionem rectam signans ita in Peripheria Ellipteos fertur, ut describat areas temporibus proportionales, uti ostensum est; adeoque ejusdem puncti velocitas angularis est ubique reciproce, ut quadratum distantiae ab S; velocitates igitur sunt maximæ, ubi rectæ ex S minimæ in Ellipsim cadunt, & velocitates sunt minimæ ubi rectæ ex S in Ellipsim cadunt maximæ. At constat ex constructione; & *Prop. 62 lib. 5* Conicorum Apollonii, Hyperbolas descriptas Ellipsim secare in punctis A & D, ubi rectæ S A & S D sunt maximæ, & in punctis B & C, ubi S B, S C sunt minimæ; in iis enim punctis cadunt ex S rectæ S B, S C, S D, S A ad curvam perpendiculares. Hinc motus Solis secundum Ascensionem rectam erit velocissimus in B & D, ideoque dies fiet longissimus, & in C & A tardissimus, & in iis punctis dies fit brevissimus.

LECTIO XXVI.

De Reliquorum Planetarum Theoriis.

POST explicatam motus Anni Telluris theoriam, methodumque traditam, qua orbitæ forma, Apfidumque positio determinatur; ex quibus cognitis, per tabulas Astronomicas locus Telluris in Ecliptica è Sole visus, eique oppositus Solis locus nodis apparens, ad quodlibet tempus computari potest. Ad reliquorum Planetarum theorias exponendas accedimus, quæ non nisi per motum Telluris prius cognitum inveniri possunt.

Theoria Planetarum fundatur in Theoria Terræ.

Ante omnia oportet Planetarum periodos, seu tempora, in quibus singuli circulationes absolvunt determinare; ad quod faciendum, notandum est, quando Planetæ superiores sunt in situ Achronico; hoc est, quando in oppositione Solis videntur à nobis è Tellure eos spectantibus, apparent esse in eodem Eclipticæ puncto, quo ex Sole viderentur, si ibi constitutus fuisset oculus. Quinetiam cum inferiores in conjunctione cum Sole & in Solis Disco spectantur; ex Sole visi oppositum Eclipticæ locum occupare conspicerentur. Quoties igitur Planeta aliquis superior in oppositione Solis videtur, locus ejus Geocentricus cum Heliocentrico coincidit. At quando inferior in conjunctione cum Sole, & in ejus Disco cernitur, locus Heliocentricus oppositus erit loco Geocentrico, seu illi, qui ex Tellure spectatur. Præterea cum Planetæ inferiores sunt in maximis à Sole Elongationibus, Angulus ad Solis centrum inter rectas ad Terram & Planetam ductas comprehensus æqualis est complemento Elongationis Planetæ à Sole, (nam in orbitis propemodum circularibus, linea orbitam tangens est perpendicularis ad rectam à Sole ad punctum contactus ductam) ac proinde dabitur ille angulus, sed datur punctum Eclipticæ in quo Tellus in illo momento videbitur; unde dabitur quoque punctum, in quo Planeta inferior è Sole conspicitur. In his igitur positionibus dabuntur Planetarum loca Heliocentrica.

Locus Geocentricus & Heliocentricus, cum Planeta superior in oppositione Solis, coincidunt.

Si

*Temporum
Periodico-
rum prima
determi-
natio.*

Si itaque Planeta aliquis superior, v. gr. Jupiter obser-
vetur cum est in opposiitione Solis, iterumque rursus cum
ad oppositum Solis pervenit; dabitur arcus, quem Planeta
è Sole spectatus interea temporis percurrit; fiat itaque ut
arcus ille ad totam circumferentiam, ita tempus inter ob-
servationes elapsum ad quartum; dabitur exinde quam-
proxime tempus Planetæ periodicum, & similiter ex datis
inferiorum locis Heliocentricis, eorum periodos quamproxi-
me colligere licebit; quamproxime dico, nam calculus sup-
ponit, motum Planetæ esse in circulo & per omnem perio-
dum æquabilem, quod verum non est; unde non accurate
hac methodo dabuntur Planetarum periodi.

*Eorundem
accuratior
determi-
natio.*

Sequenti igitur methodo accuratius investigari possunt
Planetarum Tempora periodica. Observetur Planeta quili-
bet bis in eodem Nodo; id est, binæ fiant observationes,
quando Planeta ad eandem orbitæ partem nullam habuerit
latitudinem, quod tunc solum potest contingere, quando
Planeta est revera in Nodorum aliquo: Tempus inter binas
observationes elapsum æquale erit tempori Planetæ perio-
dico. Nam cum Planetæ omnes moveantur in orbitis, quo-
rum plana ab Eclipticæ plano diversa sunt, & Sol in com-
muni omnium orbitarum foco exillat, orbitæ omnes Ecli-
pticæ planum secabunt in lineis per Solem transeuntibus,
quæ ad Eclipticam productæ Nodos duos ostendent; &
Planeta non nisi semel in integra periodo in Nodorum aliquo
spectari potest. Nodi autem vel quiescunt, vel tarde admo-
dum moventur; adeo ut spatio unius periodi tanquam quie-
scentes haberi possint. Unde ex dato tempore inter duos
proximos Planetæ ad eundem Nodum appulsus innotescet
Planetæ periodus.

TAB. 39.
fig. 4.

His iisdem observationibus, cognitâ prius theoriâ motus
Telluris, obtineri potest lineæ Nodorum positio, seu pun-
cta Eclipticæ, in quibus linea Nodorum eidem occurrit.
Sit ATB orbita Telluris, CND Planetæ orbita, NSn No-
dorum linea: sitque in prima observatione Tellus in T, &
Planeta observetur in N. Cumque Planetæ locus è Terra
visus per observationem innotescat; Solis autem locus ad il-
lud.

lud tempus ex cognita Telluris theoria datur; exinde arcus Eclipticæ inter duo loca interceptus seu mensura anguli NTS dabitur. In secunda observatione sit Tellus in t , & Planeta in eodem Nodo N , unde similiter invenietur angulus NtS .

In triangulo rectilineo TSt , dantur TS , tS , & angulus TSt , ex nota theoria Telluris; unde per Trigonometriam inveniri possunt anguli STt & StT , item latus Tt , ab angulo itaque STt da o auferatur datus angulus NTS , & dabitur angulus NtT , ad angulum datum StT addatur angulus datus NtS , & dabitur angulus NtT ; unde in triangulo NtT dantur omnes anguli cum latere Tt prius invento, quare dabitur latus NT distantia Planetæ à Terra. Denique in triangulo NTS , dantur latera NT , TS , & angulus NTS observatione cognitus, exinde innotescet latus NS distantia Planetæ in Nodo existentis à Sole, & angulus TSN , qui positionem Nodorum ostendet. Nam notum est punctum Eclipticæ, quod Tellus è Sole visa tempore observationis occupat, & notus est angulus TSN ; quare quoque innotescet punctum Eclipticæ, in quo Nodus N è Sole videtur, & punctum n huic appositum erit alterius Nodi locus, unde notus erit Nodorum situs inveniendus.

Hac ratione investigatis Nodorum locis; possumus invenire inclinationem orbis Planetarii ad Eclipticam. Scil. ex dato loco Nodi innotescet tempus, quando Tellus è Sole visa idem punctum occupat, quod fit per ejus theoriam; eodem tempore observetur Planetæ Latitudo Geocentrica, ejusque distantia à Nodo opposito; erit tunc Latitudo Planetæ Heliocentrica Latitudini observatæ æqualis, cum Planeta à Sole visus tantundem distat à Nodo. Sit enim CPD orbita Planetæ, NSn Nodorum linea, BNT portio orbitæ Telluris, in qua sit Tellus in N , scil. in linea Nodorum, observetur Planeta in P , eruntque Sol, Planeta, & Tellus omnes in plano orbitæ Planetariæ. A puncto P ad Eclipticam demittatur normalis recta PE , & in plano Eclipticæ ducatur recta NE . Planum trianguli NPE ad Eclipticam rectum erit, & angulus PNE erit Latitudo Planetæ observa-

*Nodorum
positiones
determinantur.*

*Inclinationes
orbis
Planetarii
determinantur.*

TAB. 19.
fig. 5.

ta;

ta; per S ducatur Spf ad NP & pe ad PE parallelæ, & planum per Sp , pe erit ad planum NPE parallelum, & proinde ad Eclipticæ planum normale; adeoque Se communis sectio hujus plani cum Ecliptica erit ad NE parallela, quare ob Sp , Se parallelas ad NP , NE erit angulus pSe Latitudo Heliocentrica æqualis angulo PNE Latitudini Planetæ à Tellure observatæ, cum illa in Nodo invenitur.

TAB. 19. Sit nf portio orbitæ Planetæ ad cælum productæ, nb portio Eclipticæ, fb arcus circuli Latitudinis per Planetæ locum Heliocentricum ductus. In triangulo Sphærico rectangulo nfb , ex datis nb distantia Planetæ à Nodo, & bf ejus Latitudine observata, dabitur angulus hnf inclinatio orbis Planetarii ad Eclipticam.

Determinatur locus Heliocentricus Planetæ & distantia à Sole quando Planeta observatur in situ.
Inventa semel hac inclinatione, observatione innotesceat locus Planetæ Heliocentricus, ejusque à Sole distantia, quotiescunque ille in situ Achronico seu Soli opposito invenitur. Sit ATB orbita Telluris, DPE orbita Planetæ, sitque Planeta in P , Tellus in T , & NSn Nodorum linea, in qua sit Sol in S . Locus Planetæ ad Eclipticam reductus erit in linea ST , quæ per terram transit. Observetur angulus PTE Latitudo Planetæ Geocentrica; sed datur angulus PST ejus Latitudo Heliocentrica, quia datur distantia Planetæ à Nodo; præterea per theoriam motus Telluris datur ST distantia Telluris à Sole: adeoque in triangulo PST ex datis omnibus angulis una cum latere ST dabitur PS distantia Planetæ à Sole, sed datur angulus PSn , ex data latitudine Heliocentrica, ex quo innotesceat Planetæ locus Heliocentricus in propria orbita: similiter si aliæ duæ habeantur ejusdem Planetæ observationes in situ Achronico, dabuntur positione & magnitudine tres lineæ, quarum extremitates in Planetæ orbita locantur, & Sol est in orbitæ foco alterutro; unde ut determinetur Planetæ orbita, ejusque species & positio, describenda est Ellipsis, cujus focus datus est, & quæ per tria puncta transit. Quod problema expedire docent Geometræ, & nos etiam in sequentibus problematis solutionem dabimus.

Si Planeta sit extra situm Achronicum, nihilominus per uni-

unicam observationem, ejus à Sole distantia locusque Heliocentricus inveniri potest. Sit PAE orbita Planetæ, TGH Telluris orbita, Tellus in T, Planeta in P, sitque Sol in S, & NS Nodorum linea. Ex P demittatur ad planum Eclipticæ normalis PB, ducatur BT, & producat, ut cum linea Nodorum concurrat in N. Erit planum trianguli NPB ad planum Eclipticæ perpendicularare, cui etiam sit recta CT normalis, plano orbitæ Planetariæ occurrens in C. Ex T in lineam Nodorum demittatur perpendicularis recta TD, & juncta DC, erit angulus TDC inclinatio orbitæ ad Eclipticam, quæ itaque datur. Observetur angulus PTB Latitudo Planetæ Geocentrica, item angulus BTS elongatio Planetæ à Sole secundum Eclipticam. In triangulo NTS, datur, ex theoria Telluris, latus TS distantia Terræ à Sole in momento observationis. Item angulus TSN, ex cognitis locis Telluris & Nodi, datur etiam angulus STN distantia Planetæ à Sole è terra visa, vel ejus complementum ad duos rectos, unde dabitur NT. Et in triangulo rectangulo TSD, ex datis TS & angulo TSD, seu TSN, dabitur TD. Quare in triangulo rectangulo TDC, ex datis TD & angulo TDC inclinatione orbitæ ad Eclipticam, dabitur exinde TC. In triangulo rectangulo TCN, ex datis TC, TN, dabitur angulus TNC. Quare in triangulo NTP dantur omnes anguli, nam angulus PTN est Latitudo observata, vel ejus complementum ad duos rectos, & PNT modo inventus est, sicuti latus TN, unde innotescet latus TP. In triangulo PTB rectangulo ad B datur TP & angulus PTB Latitudo observata, unde dabuntur latera TB, PB. Et in triangulo TSB, ex datis TB, TS cum angulo interjecto BTS dabitur SB, (quæ distantia Planetæ à Sole curtata dicitur) cum angulo TSB: adeoque locus Heliocentricus Planetæ ad Eclipticam reductus. Denique in triangulo PBS dantur latera PB, BS, ex quibus dabitur SP distantia Planetæ à Sole, & angulus PSB Latitudo Planetæ Heliocentrica. Data autem inclinatione orbitæ, & Latitudine Planetæ Heliocentrica, dabitur ejus distantia à Nodo in propria orbita, adeoque ejus locus centricus è Sole visus.

Per unicam
observationem deter-
minatur lo-
cus Planetæ
Heliocen-
tricus ejus-
que à Sole
distantia
extra situm
Achroni-
cum.
TAB. 40.
fig. 2.

Si

Si hac ratione acquirantur alii duo Planetæ loci Helio-
centrici eorumque à Sole distantia, habebitur focus scil. cen-
trum Solis, & tria puncta data erunt, per quæ describenda
erit Ellipsis, quæ erit orbita Planetæ.

TAB. 19.
fig. 6.

Aliam excogitavit methodum Cl. *Halleus*, qua Planetæ
loca centrica, ejusque à Sole distantia inveniri possunt, quæ
supponit tantum, cognitum esse Planetæ tempus periodicum.
Nempe sit KLB orbita Telluris, S Sol, P Planeta, seu po-
tius punctum, ubi perpendicularis à Planeta in planum Ecli-
pticæ incidit. Et primo Tellure in K existente, observetur
ejus Longitudo Geocentrica, & ex data theoria Telluris da-
bitur Longitudo apparens Solis, quare dabitur angulus PKS.
Planeta post integram absolutam periodum, rursus ad P re-
dibit, quo tempore, Tellus sit in L, & exinde rursus obser-
vetur Planeta, & inveniatur angulus PLS Elongatio Pla-
netæ à Sole. Ex datis momentis observationum dantur
loca Telluris in Ecliptica à Sole visa, ejusque à Sole di-
stantia, quare in triangulo LSK, dantur LS, SK, & an-
gulus LSK, quare inveniuntur anguli SLK & SKL & latus
LK. Quare si ab angulis datis PKS & PLS auferantur an-
guli noti LKS & KLS, restabunt anguli PKL & PLK noti.
Quare in triangulo PLK ex datis angulis unà cum latere KL,
innotescet PK. Deinde in triangulo PKS, dantur latera PK,
KS cum angulo interjecto PKS, quare dabitur SP distantia
Planetæ à Sole curtata, & angulus KSP, ex quo innotescet
locus Planetæ Heliocentricus, ejusque à Nodo distantia se-
cundum Eclipticam. Est autem tangens Latitudinis Pla-
netæ Geocentricæ ad tangentem Latitudinis Heliocentri-
cæ, ut distantia Planetæ à Sole curtata, ad distantiam ejus-
dem à Tellure curtatam, sed per observationem datur La-
titudinis Planetæ Geocentricæ; quare dabitur Planetæ Heli-
ocentricæ Latitudo, ex qua & distantia à Sole curtata, elicie-
tur Planetæ à Sole vera distantia desiderata. Si hac ratione
acquirantur tria loca centrica Planetæ, tresque correspon-
dentes ejus à Sole distantia, forma orbitæ & Apfidum positio
habebitur; describendo Ellipsim, cujus focus est Sol, quæ
transit per tria puncta data. Ellipsis autem illa sequenti me-
thodo determinatur.

Sint

PLANETARUM THEORIIS. 465

Sint SD, SC, SB tres rectæ datæ in datis positionibus à *Descriptio*
foco S , ducantur DC, BC , & producantur, ut sit DF ad *Ellipseos*
 CF , ut DS ad CS . Item CE ad BE , ut CS ad BS ; ducatur FE , *cujus focus*
in quam ex S cadat perpendicularis SG ; hæc recta dabit *datus est &*
Axis positionem. Ducantur DK, CI, BH ad SG paralle- *que per da-*
læ, & secetur SG in A , & producat, ut sit GA ad SA , *ta tria pun-*
ut KD ad SD , & ita G ad Sa , fiatque $Sa = SA$. Erunt *cta transi-*
puncta Aa vertices Ellipseos, cujus foci sunt S & s , & *fig. 7.*
Axis major Aa . Et si his verticibus & focis describatur
Ellipsis, erit ea ejusdem formæ cum orbita quæsitæ. Nam
quoniam est DS ad CS , & DF ad CF , & ut DK ad CI ;
erit permuto do DS ad DK , ut CS ad CI ; & similiter erit
 SB ad BH , ut CS ad CI , & ut DS ad DK ; sed ut DS
ad DK , ita est per constructionem SA ad GA ; Et quo-
niam est $SA : AG :: Sa : aG$; erit $SA : AG :: Sa - SA$,
seu $Ss : aG - AG$ seu Aa . Adeoque erit $S D : DK :: S C :$
 $CI :: SB : BH :: S s : Aa$. Sed hæc est proprietas Ellipseos,
cujus focus est S , & Axis major Aa , uti à Scriptoribus Co-
nicis demonstratur, & speciatim à *Milnio* in Elementis Co-
nicis *Part. IV. Prop. 9*: unde liquet, Ellipsin focis S & s ,
& Axe Aa descriptam transire per puncta BCD .

Quoniam in Astronomia calculus constructione quavis
utuncque concinna utilior est; Ellipseos forma & positio
sic calculo invenitur. In triangulis DSC, BSC ex datis
lateribus DS, CS, BS , & angulis DSC, CSB innotescent
latera DC, BC , & anguli SDC, SCD, SCB & SBC ; &
quoniam datur ratio DF ad CF , & datur DC ; dabuntur
quoque CF , & DF ; similiter quoniam datur ratio CE ad
 BE , & datur CB , dabuntur CE & BE ; sed datur angulus
 BCD æqualis duobus notis DCS & BCS , quare dabitur hu-
jus complementum ad duos rectos, scilicet angulus FCE . In
triangulo igitur FCE dantur latera CF, CE , & angulus
interfectus FCE ; quare invenietur angulus CEF , ejusque
complementum ad rectum, qui est angulus ICE , cui ad-
datur notus angulus SCB , & dabitur totus angulus SCF . Et
quoniam Aa est ad IC parallela; erit angulus CSa æqualis
 SCI angulo, unde ex noto angulo CSa dabitur Axes positio.

G g

In

In triangulo rectangulo $E B H$ ex datis $B E$ & angulo E invenietur $B H$, & unde ratio $B S$ ad $B H$, quæ est ratio $S s$ ad $A a$, & $S A$ ad $A G$, & $S a$ ad $a G$; quare dabuntur puncta $A a$ vertices Ellipseos & foci S & s . Quæ erant inveniendæ.


Superius ostensum est, quæ ratione locus Planetæ centricus per observationem inveniri possit, locum autem situmque Aphelii nunc invenire docuimus, ex quo dabitur distantia Planetæ ab Aphelio tempore observationis; hæc distantia Anomalia Planetæ vera seu cœquata dicitur; determinatis autem orbitæ Excentricitate & tempore Periodico, locum Planetæ medium seu Anomaliæ ejus mediam investigare docuimus in *Lectiōe De Solutione Problematis Kepleri*; & exinde ad tempus observationis datum dabitur Planetæ motus medius, locusque, quem in propria orbita is teneret, si æquabili semper motu angulari incederet, quo semel dato, dabitur Planetæ locus medius pro alio quovis temporis momento. Fiat enim ut tempus Periodicum ad tempus inter observationem & momentum, pro quo queritur locus Planetæ medius, ita integer circulus seu grad. 360 ad quartum. Hic arcus, si tempus præcesserit observationem, ablatas à loco prius invento, vel eidem additus, si posterius fuerit, dabit locum Planetæ medium ad tempus propositum.

Ut facilius obtineatur locus Planetæ medius ad quodlibet temporis momentum, convenit ejus motum ex tabulis Astronomicis eruere, in quibus habetur locus Planetæ medius, seu Anomalia media in initio celeberrimi alicujus *Æræ*, qualis est *Æra Nativitatis Christi Domini*, *Nabonassori*, *Mundi Conditi*, *Urbis Condite*, aut *Periodi Julianæ*; qui locus pro his temporum momentis datur per methodum supra explicatam, & pro meridie temporis æquabilis non apparentis habendus est; locus talis *Epocha* seu *Radix* dicitur, à qua tanquam immobili principio motus omnes confluent.

Tabule motus m. d. i quomodo construuntur.

Si tempus per Annos à Nativitate Domini, aut ab initio Periodi Julianæ elapsos numeretur, præstat ut Annus initium capiat à Meridie, quæ primam diem Januarii præcedit,

ita



ita ut in Meridie primæ diei Januarii completa sit prima Anni dies. Fiat ut tempus Periodicum ad Annum communem 365 dierum, ita circulus ad quartum; dabitur Planetæ motus medius in uno Anno, & similiter fiat ut tempus Periodicum ad diem, ita circulus integer ad quartum, & dabitur motus medius diurnus; similiterque operando dabitur motus horarius, motusque pro singulis scrupulis primis, secundis, &c. Si motus Annuus continuo ad se ipsum addatur, dabitur motus duorum, trium, & quatuor Annorum, sed cum quartus quilibet Annus sit Bissextilis constans dierum 366, ad motum quarti Anni addendus est motus unius diei. Deinde continuo addendo motum unius Anni, habebimus motum 5, 6, & 7 Annorum; sed motus octavi Anni augendus est motu unius diei, vel potius motus quatuor Annorum duplicandus est, est enim Bissextilis. Ex hisce motibus sic collectis semper rejiciendi sunt integri circuli, nam post circulum peractum Planeta semper ad eundem locum redit.

Hac ratione habentur Planetæ cujuslibet motus medii pro Annis singulis usque ad 20. Deinde si motus Annorum 20 continuo ad se addantur, dabuntur motus in Annis 40, 60, 80, 100, quibus singulis addendo motum decem Annorum, dabuntur motus pro annis 30, 50, 70, 90, 100. Et continua additione motus 100 Annorum, rejectis semper integris circulis, dabuntur motus Annorum 200, 300, 400, 500, &c. usque ad 1000. Et similiter progrediendo obtinentur motus pro Annis 2000, 3000, 4000, 5000, &c. Atque ita quo usque libuerit progredi liceat.

Motus sic collecti in tabulis sunt reducendi, quæ tabulæ motus medii dicuntur, seu Anomalix mediæ, si ab Aphelio numerentur motus; & pro singulis Planetis in tabulis Astronomicis prostant. Verum notandum est, si motus medius sit ab Æquinoctio numerandus, loco temporis Periodici capiendum erit tempus, quo Planeta Zodiacum percurrit, quod tempore Periodico aliquanto minus est ob motum Æquinoctiorum interea in antecedentia factum.

Si Planetarum Aphelia moveri supponantur, hujus quoque

motus ratio habenda est. Et motus Præcessionis Æquinoctiorum, motusque Apheliorum (qui, quantum constat, præterquam in Luna sunt omnes æquabiles) pro singulis Annis, Annorum decadibus, centenariis, & millenariis sunt similiter computandi, & in tabulis disponendi, ut pro dato tempore habeantur distantie Fixarum & Apheliorum ab Æquinoctio.

His adjungunt Astronomi alias quoque pro singulis Anomalie medie gradibus tabulas, quibus Anomalie vere correspondentes habentur, & computari possunt per methodum à nobis traditam in Lectione de solutione Problematis Kepleri: si minuta & scrupula secunda adjiciantur mediis motibus, capienda est differentia inter Anomalias veras uno gradu à se invicem distantes, & elicienda est pars proportionalis addenda Anomalie tabulari proxime minori, aut ab ea subtrahenda.

Pro Solis Lunæque motibus vulgo computantur Prostaphereses seu Æquationes, quæ sunt differentie inter Anomaliam veram & mediam. Hæ ab Anomalia media vel sublata, vel eidem additæ, prout Planeta fuerit in primo vel secundo Anomalie semicirculo, dant Anomaliam veram.

Ex notis Aphelii, Nodique locis dabitur eorum distantia, adeoque ex data Planetæ Anomalia vera dabitur ejus distantia à Nodo, quæ *Argumentum Latitudinis* dicitur. Per quod & calculum Trigonometricum, facile innotescit Planetæ Latitudo centrica, ejusque distantia à Sole curtata, quæ est distantia inter Solem & rectam à Planeta ad planum Eclipticæ perpendiculariter demissam. Atque hac ratione locus Planetæ centricus, Latitudo, & à Sole distantia calculo inveniuntur. Quibus investigatis possumus locum Planetæ Geocentricum seu à Tellure visum hac ratione exquirere.

Inveniendus est primo, locus Telluris in Ecliptica à Sole visus, ejusque à Sole distantia; item locus Planetæ Heliocentricus, Latitudo, & distantia curtata. Sit T C F orbita Telluris, in qua sit Tellus in T, A P E orbita Planetæ, cujus locus sit P, & S Sol, S N Nodorum linea. Ex Pla-

Argumentum Latitudinis Calculus loci Geocentrici Planetæ.

TAB. 40.
fig. 3.

PLANETARUM THEORIIS. 469

Planetæ loco demittatur ad planum Eclipticæ normalis re-
cta PB, ducta SB & producta occurret Eclipticæ in loco
Planetæ ad Eclipticam reducto, qui locus ex dato arcu
PN, & inclinatione planorum orbitæ & Eclipticæ datur.
Sed datur locus Telluris è Sole visus, adeoque dabitur
differentia locorum Terræ & Planetæ, seu angulus TSB,
qui Commutatio dicitur. Deinde in triangulo TSB, datur
TS ex theoria motus Telluris, & SB distantia Planetæ à
Sole curtata, quare dabitur angulus S T B Elongatio Plane-
tæ à Sole, seu arcus Eclipticæ inter locum Solis & Plane-
tæ locum interceptus, & T B distantia Planetæ à Tellure
curtata. At datur Solis locus, oppositus est enim loco Ter-
ræ è Sole viso; quare dabitur locus Planetæ in Ecliptica è
Tellure visus. Præterea in duobus triangulis rectangulis
PSB, PTB est tangens anguli PSB ad tangentem angu-
li PTB, ut TB ad SB, sed ut TB ad SB, ita sinus TSB
anguli Commutationis ad sinum anguli Elongationis S T B.
Quare erit ut sinus anguli commutationis ad sinum anguli
Elongationis, ita tangens Latitudinis Heliocentricæ, ad
tangentem Latitudinis Geocentricæ. Q. E. I. Sic hac ratione
invenire possunt Astronomi ad quodlibet datum temporis
momentum Locum Planetæ Geocentricum, ejusque Lati-
tudinem è Tellure visam.

Comparando Planetarum Periodos cum ipforum à Sole
distantiis mirabilem videmus eos ubique observare Harmo-
niæ legem, scil.

*Quadrata Temporum Periodicorum sunt in omnibus propor-
tionalia Cubis distantiarum mediarum à Sole.*

Sunt enim Periodi & distantie mediæ illæ, quas exhibet
annexa tabula.

	Periodi			Distantiæ mediæ.	
	Dies	h.	"		
♂	10759:	6:	36: 26	953800	
♂	4332:	12:	20: 25	520110	
♂	686:	23:	27: 30	152369	
☉	365:	6:	9: 30	100000	
♀	224:	16:	49: 24	72333	
♂	87:	23:	15: 53	38710	Pla.

Planetarum Diametros veras, & magnitudines, eas cum Sole comparando, optime determinavit illustris Mathematicus *Hugenius* in *systemate suo Saturnino*; idque methodo sequenti.

Docuit nos novo suo & divinitus invento *systemate Copernicus*, quamnam inter se proportionem servant singulorum à Sole Planetarum distantia. Apparentes vero eorundem diametri, quanto alia aliis majores sunt, *Telescopii* ope innotescit, collatis ergo invicem rationibus utriusque, tum distantia, tum magnitudinis apparentis, vera inde Planetarum ad se mutuo nec non ad Solem magnitudo cognoscitur, per principia in *Lectioe prima* à nobis explicata.

Et ad Saturnum, quod attinet primum, *Annuli* ejus diameter, quum in minima à nobis distantia comprehendatur angulo 68 scrupulorum secundorum, talis enim ad summum reperitur, cumque minima hæc Saturni distantia sit ad mediocrem Solis distantiam fere octupla, sequitur, si tam propinquus nobis fieret Saturnus quam Sol in distantia mediocri, apparituram tunc *Annuli* diametrum octuplam ejus, quæ nunc apparet, hoc est 9' : 4". Solis autem diameter in media distantia est 30' : 30"; ergo revera ea erit proportio diametri *Annuli* Saturni ad diametrum Solis, quæ 9' : 40" ad 30' : 30"; hoc est, fere quæ 11 ad 37. Diameter vero Saturni ipsius ad *Annuli* diametrum se habet, ut 4 ad 9, hoc est, fere ut .5 ad 11; adeoque ad diametrum Solis, ut 5 ad 37.

Jovis diameter, cum proxime nobis adest, 64 scrupula secunda comprehendere videtur, cumque hæc ejus distantia sit ad mediam Solis distantiam, ut 26 ad 5. Si fiat ut 5 ad 26, ita 64" ad aliud, inveniantur 5' : 35" amplitudo anguli, quem obtineret Jovis diameter, si tam propinquus nobis fieri intelligatur, atque Sol in distantia mediocri. Sol autem hic apparet diametro 30' : 30". Ergo Jovialis diametri ad Solarem proportio ea erit, quæ 5' : 35" ad 30' : 30"; hoc est, paulo major quam 1 ad 5.

Venus, cum Terris proxima est, non majorem subtendit

an-

PLANETARUM THEORIIS. 471

angulum quam 85 scrupulorum secundorum. Est autem distantia hæc Veneris Perigæa ad mediam Solis à Tellure distantiam circiter ut 21 ad 82. Ergo si apud Solem Venus conspiceretur, appareret ejus diameter duntaxat $21'' : 46'''$; unde constat, ita esse diametrum Veneris ad Solarem, ut $21'' : 46'''$ ad $30'$, hoc est, ut 1 ad 84.

At Martis diameter Terris proximi non excedere $30''$ deprehenditur. Unde cum distantia Martis minima sit ad mediocrem Solis, ut 15 ad 41, colligitur ratio diametri Martis ad diametrum Solis ea, quæ est circiter 1 ad 166, unde Mars duplo minor Venere secundum diametrum hac ratione efficitur.

Præterea ex observationibus Hevelii constat, Mercurii diametrum ad Solis diametrum comparatam se habere, ut 1 ad 290.

Terræ magnitudinem ad Solem comparatam diversi auctores diversam ponunt; qui Parallaxim Solis Horizontalem quindecim secundorum fingunt, Solem à Terra 13750 semidiametris distare volunt, quo posito diameter Solis erit ad diametrum Terræ, ut $30' : 30''$ ad $30''$; hoc est, ut 61 ad 1. Sed est argumentum probabile, quod hanc proportionem paulo majorem facit; nempe quoniam Lunæ diameter paulo major est quam quarta pars diametri Terræ: si Parallaxis Solis ponatur quindecim secundorum, fieret Lunæ corpus corpore Mercurii majus; Planeta scil. secundarius primario major, quod concinnato Systemati Mundano contrariari videtur. Ponatur itaque Terræ semidiameter è Sole visæ, seu quod idem est, Solis Parallaxis Horizontalis 10 secundorum; unde Luna minor erit Mercurio, ac provenit Solis à Terra distantia plus quam 20000 semidiametris Terræ; & Solis diameter erit 91 vicibus major Telluris diametro; cui proportioni convenit in præsentiarum, assensum præbere, usquedum per observationem Veneris in Solis disco visæ, quod Anno 1761. contingeret, de eadem certiores simus facti. Est itaque diameter Solis ad Planetarum diametros in ratione, quæ sequenti tabella exprimitur.

	(Saturni)		137
	(Jovis)		181
Diameter Solis est ad	(Martis)	ut 1000 ad	6
diametrum ,	(Terræ)		9
	(Veneris)		12
	(Mercurii)		4

Adeoque cum Sphæræ sint, ut Cubi à diametris,

	(Saturnum)		(2571353
	(Jovem)		(5929741
erit	(Martem)	ut 1000000000	(216
Sol ad	(Tellurem)	ad	(343
	(Venerem)		(1728
	(Mercurium)		(64

Jupiter reliquos omnes Planetas simul sumptos magnitudine superat

Hinc sequitur, Solem omnes Planetas simul sumptos plusquam centies & sedecies magnitudine superare; Saturnus autem quadringentis vicibus est Sole minor. At quantitate materiæ bis mille & quadringenis vicibus ei cedit. Jupiter Planetarum maximus plus 160 vicibus Sole minor est, at quantitate materiæ ejus partem millesimam trigessimam tertiam non adæquat; at Terra nostra, si cum Sole comparetur, minima res est, & puncti fere instar; nam trecentis millenis vicibus est illo minor. Præterea comparando Planetas inter se; ex his rationibus constat, Jovem reliquis Planetis omnibus simul sumptis majorem existere. Terram autem nostram plusquam 2000 vicibus superare, sed & Stella Veneris quinques nostra Tellure major est. Sunt tamen duo ex sex Planetis, Mars scil. & Mercurius, quos Tellus magnitudine superat.

LECTIO XXVII.

De Planetarum Stationibus.

SI Tellus quiesceret, in eo orbitæ suæ puncto nobis stare appateret Planeta inferior seu Soli proprius, ubi, rectâ à Tellure ad Planetam ductâ, ejus orbitam tangit. Nam cum Planeta circa illud punctum versatur, si Terra quiesceret, rectâ ad illam accederet, ejusque motus visibilis esset nul-

nullus, vel certè omnium minimus. Similiter si Planeta superior, vel à Sole remotior quivis quiesceret, is è Tellure in orbita sua delata spectatus stare videretur, ubi recta è Planeta ad Terram ducta Telluris orbitam tangit; at quia tam Terra quam Planetæ continuo circa Solem moventur, quando Planeta inferior in recta tangente ejus orbitam videtur, tunc etiam motus Terræ interea factus locum ejus visibilem mutabit, adeoque nondum stare videbitur Planeta; sicuti ad similem causam, quando Terra in tangente orbitæ suæ per Planetam superiorem transeunte reperitur, secundum percurrit arcum exiguum, qui cum tangente illa ferè coincidit, motus tamen superioris Planetæ interea factus ejus locum visum mutabit. Adeoque neque Planeta inferior videtur stationarius, quando conspicitur in recta, quæ tangit ejus orbitam. Neque superior stare videtur, cum est in recta, quæ tangit orbitam Terræ, & per Terram quoque transit.

Planeta inferior non stationarius quando videtur in recta, quæ ejus orbitam tangit.

Neque superior Planeta stare apparet, cum in recta videtur quæ tangit orbitam Terræ.

At cum Planetæ omnes nunc directè incedere, nunc retrogredi videntur; necesse est ut inter motum progressus & regressus quilibet Planeta fiat stationarius, & eundem in cælo locum per aliquod tempus (licet illud sit exiguum) conservare videatur; eundem autem locum in cælo visibilem obtinet, quando linea Planetæ atque Terræ centra connectens ad idem cæli punctum continuo dirigitur; at recta illa ad idem cæli punctum dirigitur, quando sibi parallela manet. Nam recta è quibulvis orbitæ Telluris punctis sibi parallelæ ductæ, ad eandem in cælo stellam diriguntur: istarum enim linearum distantia respectu distantie stellarum evanescit.

Quando Planetæ stare videtur.

Ut itaque inveniantur Stationum puncta, inquirendum erit, ubi linea, in qua videtur Planeta è Terra, sibi parallela manet. Quod ut fiat, notandum est, si centra Solis, Planetæ, & Terræ rectis jungantur, formari triangulum, cujus duo crura sunt ubique æqualia distantis Planetæ & Terræ à Sole, basis autem est recta, quæ Planetæ atque Terræ centra connectit: cumque crura hujus trianguli in orbitis circularibus concentricis eadem semper magnitudine

dine maneant, erit ratio finuum angulorum ad basim semper eadem; sunt enim sinus, ut latera angulis opposita. Uti ex Trigonometria constat.

TAB. 41.
fig. 1.

Tempore
stationarium
mutationes
angulorum
ad Tellu-
rem & Pla-
netam sunt
reciproce ut
eorum Tem-
pora Peri-
odica.

Sit circulus BDG orbita Planetæ, cujus centrum S tenet Sol; atque huic concentrica AHK sit Terræ orbita. Sitque primo Tellus in A & Planeta in orbitæ suæ puncto B. In triangulo ASB finus angulorum A & B ad basim AB sunt, ut latera opposita SB, SA. Ponamus deinde, tempore quovis. exiguo. moveri Terram in orbita per arcum exiguum AC, & Planetam interea per arcum BD in sua orbita deferri: Planetæ & Telluris. motus angulares ad Solem eodem tempore facti erunt reciproci, ut tempora eorum Periodica; nam quò majus est tempus Periodicum, eò minor Peripheriæ portio in dato tempore percurritur. Est itaque angulus ASC motus angularis Telluris. ad angulum BSD motum angularem Planetæ, ut tempus periodicum Planetæ ad tempus Periodicum Telluris, hoc est in data semper ratione.

Telluris. centrum in C, atque Planetæ in D. rectâ conjungantur, quæ sit ad AB parallela; & in eo casu, uti ostensum est, Planeta stationarius apparet. Recta SA secet CD in M, SD. verò producta secet AB in E. Et ob parallelas AB, CD. erit per 29 *El. primi* angulus SMD æqualis angulo A. Sed per 32 *El. primi* est angulus SMD æqualis angulis C & MSC simul; quare erit angulus C æqualis angulo A dempto angulo MSC seu CSA. Similiter ob parallelas AB, CD. est angulus SDC æqualis angulo SEA, qui per 32 *El. primi* æqualis erit angulis SBA, BSE. Quare angulus SDC æqualis erit SBA & BSE simul sumptis; est itaque incrementum momentaneum anguli SBA æquale motui angulari Planetæ ad Solem interea facto. Sed prius ostensum fuit, decrementum anguli A æquale esse angulo ASC, seu motui angulari Terræ ad Solem. At hi motus. angulares sunt in data ratione, reciproci scil. ut tempora Periodica.

Planeta itaque stationarius è Terra videtur, cum mutatio momentanea anguli ad Tellurem est ad mutationem mo-
men-

mentaneam anguli ad Planetam, ut tempus Periodicum Planetæ ad tempus Periodicum Telluris.

Sint duo arcus vel anguli, quorum sinus in eadem semper maneant ratione. Dico, eorum cosinus seu sinus complementorum ad quadrantem esse in ratione composita ex directa ratione sinuum eorundem arcuum, reciproca ratione mutationum momentanearum arcuum vel angulorum. Sint v. gr. duo arcus AM, CM, quorum sinus AB, CD, & cosinus sunt SB, SD, & decrevant arcus AM, CM in arcus EM, GM tales, ut arcuum sinus EK, GL sint prioribus AB, CD proportionales. Eruntque decremmenta sinuum AF, CH iidem quoque sinibus proportionalia. Sunt AE, CG arcuum decremmenta momentanea, & arcus illi, cum sint indefinite exigui, pro rectis haberi possunt; ductis FE, HG ad SM parallelis, triangula AFE, ASB erunt æquiangula; nam angulus B & AFE sunt recti, & angulus EAF æqualis angulo ASB, nam est angulus SAB utriusque complementum ad rectum. Similiter ostendetur, triangula CHG, CSD esse æquiangula. Quare ob similia triangula.

Est CG : CH :: CS : SD

Item AF : AE :: SB : AS vel CS

Quare ductis antecedentibus in antecedentes, & consequentibus in consequentes, erit $AF \times CG : CH \times AE :: SB \times CS : SD \times CS :: SB : SD$; hoc est erit SB ad SD in ratione composita ex ratione AF ad CH, & ratione CG ad AE, sed ratio AF ad CH eadem est cum ratione sinuum AB, CD, & ratio CG ad AE est ratio decrementorum arcuum AM, CM in tempore minimo factorum. Est itaque SB cosinus arcus AM ad SD cosinum arcus CM in ratione composita ex ratione sinuum eorundem arcuum, scil. AB, CD, & ex reciproca ratione decrementorum arcuum, scil. ex ratione CG ad AE.

Hinc si Solis, Planetæ stationarii, atque Telluris centra rectis jungantur, erit cosinus anguli A existentis ad Tellurem ad cosinum anguli B ad Planetam in ratione composita sinuum angulorum A & B, & ratione reciproca decrementorum angulorum A & B. Sed ratio sinuum est ratio distantiarum Planetæ & Telluris à Sole, scil. SB, SA; & ra-

Angulorum quorum sinuum ratio eadem manet, cosinus sunt in ratione directa sinuum & reciproca mutationum momentaneorum eorundem.
TAB. 40.
fig. 4.

Hoc ad Planetas in stationum locis applicatur.
TAB. 41.
fig. 1.

tio decrementorum angularum A & B est ratio temporum Periodicorum Planetæ & Telluris, quæ dicantur t & T . Est itaque cosinus anguli A ad cosinum anguli B, cum Planeta stationarius è Tellure videtur, ut $T \times SB$ ad $t \times SA$. Hoc est, cosinus anguli ad Tellurem est ad cosinum anguli ad Planetam in ratione composita ex directa ratione temporum Periodicorum Telluris & Planetæ, reciproca ratione distantiarum à Sole.

*Constructio
ad determinandum
stationum.
TAB. 41.
fig. 2.*

Hinc stationum puncta sequentis constructionis ope facillimè habentur.

Sit AH Portio orbitæ Telluris, GBK portio orbitæ Planetæ, quarum centrum commune S. Secetur SA in E, ut SA sit ad SE, ut tempus Periodicum Telluris ad Tempus periodicum Planetæ. Super Diametro AE describatur semicirculus ABE secans orbitam Planetæ in B. Erit B stationis punctum. Et erit angulus SAB Elongatio Planetæ à Sole, quando is stationarius è Terra videtur. Ducantur ABF EB, & huic parallela SF; angulus ABE in semicirculo est rectus, quare huic æqualis AFS erit etiam rectus.

Est præterea AS : AF radius : cosinum ang. A. Item. BF : SB :: cosinus anguli SBP ad radium; unde ductis antecedentibus in antecedentes, & consequentibus in consequentes, erit $AS \times BF : AF \times SB :: \text{cosinus SBF} : \text{cosinum anguli A}$. Ratio itaque cosinus anguli A ad cosinum anguli SBF componitur ex ratione AF ad BF, & SB ad AS, sed ratio AF ad BF æqualis est rationi AS ad SE seu rationi T ad t . Est itaque ratio cosinus anguli A ad cosinum anguli SBF æqualis rationi $T \times SB$ ad $t \times SA$. Sed ostensum fuit, quando cosinus angularum A & B hanc rationem obtinent, Planetam stationarium videri: quare liquet, punctum B esse locum Planetæ, cum is stationarius apparet.

*Quando
Planeta è
Tellure stationarius
videtur,
Tellus è
Planeta
consp. Sta
tionaria
apparet.*

Hinc patet, quando Planeta inferior stationarius è Tellure videtur, Tellurem quoque ex inferiore Planeta spectatam etiam stationariam videri, locumque inter Fixas non mutare; nam Tellus stationaria videtur, cum linea ejus centrum & Planetæ centrum connectens parallela sibi manet, & quam diu illa parallela sibi manet; ad idem coeli punctum dirigitur.

Fa-

Eadem prorsus ratione inveniuntur positiones Planetarum superiorum respectu Terræ & Solis, quando illi à Tellure conspecti stationarii videntur. Scil. inquirendo, ubi Tellus tanquam Planeta inferior spectata ex ipsis stationaria videretur.

Si Tempora Periodica forent distantis à Sole proportionalia, coinciderent puncta E & A cum puncto G, & Planeta stationarius videretur, cum angulus A esset nullus; hoc est quando Planeta in conjunctione cum Sole videretur, si verò SE ad SA maiorem rationem obtineret, quàm SG ad SA, hoc est si SE major foret quàm SG, circulus ABE Planetæ orbitam nusquam secaret, adeoque Planeta nunquam fieret stationarius, seu semper directus videretur incedere.

At neuter horum casuum in Planetis locum obtinet: in illis enim est semper SE minor quam SG, quod sic ostendo.

Distantia Telluris à Sole SA dicatur p . Distantia Planetæ SG vel SB sit q . Tempora periodica vocentur T & t , & in Planetis per universalem regulam, superius in Lectione quarta explicatam, est $T : t :: p : q$ unde $T : t :: \sqrt{p} : \sqrt{q}$, seu ut $p : q :: p \times p : q \times q$. Sed ut T ad t , ita est SA ad

SE; hoc est $p \times p : q \times q :: SA$ vel $p : \frac{q \times q}{p}$, cui itaque

æqualis est SE. Et quoniam est p major quam q , erit $q \times \frac{q}{p}$ major quam $q \times q$, ac proinde q major quam $\frac{q \times q}{p}$ seu SB

vel SG major quam SE, adeoque circulus super diametro AE Planetæ orbitam secabit. Terricola igitur Planetas omnes, in datis quibusdam positionibus, stationarios videbit.

Si calculo uti placeat, angulus ad Tellurem, seu Elongatio Planetæ à Sole, quando is stationarius apparet, sic investigatur. Posito radio r , sit sinus anguli ad Tellurem qx , eritque sinus anguli ad Planetam px . Ponendo p ad q esse rationem sinuum seu distantiarum à Sole, cumque sinus anguli ad Tellurem sit qx , ejus cosinus erit $\sqrt{r^2 - q^2 x^2}$ &

*Casus ubi
stationaria
in opposi-
tione vel
conjunctio-
ne cum So-
le fieret.*

*Casus ubi
nulla forent
stationes.*

*Quod nun-
quam acci-
dit in Pla-
netis.*

*Investiga-
tio Ratio-
num per
calculus*

co-

cosinus anguli ad Planetam erit $\sqrt{r^2 - q^2 x^2}$, ac proinde erit
 $\sqrt{r^2 - q^2 x^2} : \sqrt{r^2 - p^2 x^2} :: T \times q : r \times p$. Et quadrando terminos,
 $r^2 - q^2 x^2 : r^2 - p^2 x^2 :: T^2 \times q^2 : r^2 \times p^2$. Sed est $T : r :: p' : q'$
 quare loco T^2 ponendo quantitates hisce proportionales,
 erit $r^2 - q^2 x^2 : r^2 - p^2 x^2 :: p' q' : q' p'$, hoc est, ut p ad q , un-
 de erit $qr^2 - q^2 x^2 = pr^2 - p^2 x^2$; & $p' x^2 - q' x^2 = pr^2 - qr^2$,

$$\& x = r \times \frac{\sqrt{p-q}}{\sqrt{p'-q'}} \& q x \text{ sinus anguli ad Tellurem} = qr \times \sqrt{\frac{p-q}{p'-q'}}$$

$$\frac{p-q}{p'-q'} = \frac{qr^2}{\sqrt{p'+pq+q^2}}$$

Quadratum cosinus arcus cujusvis est æquale quadrato
 radii, dempto quadrato sinus. Erit itaque quadratum co-
 sinus anguli Elongationis Planetæ à Sole tempore stationis
 æquale $r^2 - \frac{r^2 q^2}{p^2 + pq + q^2} = \frac{r^2 p^2 + r^2 pq}{p^2 + pq + q^2}$. Adeoque cosinus erit

$$r \times \sqrt{\frac{p^2 + pq}{p^2 + pq + q^2}}. \text{ Sed ut cosinus ad sinum, ita est radius}$$

$$\text{ad tangentem. Fiat itaque } r \times \sqrt{\frac{pp+pq}{pp+pq+qq}} \text{ ad } \frac{qr}{\sqrt{p^2+pq+q^2}}$$

hoc est $\sqrt{pp+pq}$ ad q , ita radius r ad quartum $\frac{rq}{\sqrt{pp+pq}}$.
 Hic terminus erit tangens anguli ad Tellurem. Ex hac
 Analogia calculus facillimè deducitur. Nam si semisumma
 Logarithmorum p & $p+q$ subtrahatur à Logarithmo ipsius
 q , habebitur Logarithmus tangentis anguli ad Tellurem. Ex
 eadem etiam elicitur facilis constructio, quæ sequitur.

*Alia Pro-
 blematis
 facilior
 Constructio.
 TAB. 43.
 fig. 3.*

Sit HAQ portio orbitæ Planetæ superioris, GBD orbita
 Planetæ inferioris, S centrum orbitarum; producat AS,
 ut occurrat orbitæ inferiori in D; super diametro AD de-
 scribatur semicirculus ACD. Ex centro S ad AD erigatur
 normalis SC semicirculo occurrens in C, & jungatur AC;
 in qua capiatur AF æqualis SD, & ex F in AS demittatur
 perpendicularis FE: in SC capiatur SL æqualis AE, jun-
 ctis AL, erit angulus SAL angulus quæsitus, & B punctum

Ha-

Stationis; nam est quadratum ex SC æquale rectangulo AS in SD, æquale pq , unde quadratum ex AC æquale quadratis ex AS, SC erit æquale $p + pq$, sed est AC ad AF, ut AS ad AE, ut AS ad SL, ut radius ad tangentem anguli SAL hoc est $\sqrt{p^2 + pq}$ ad q , ut radius ad tangentem anguli quæsitæ SAL, qui erat inveniendus.

Hæc sufficerent ad determinandum stationum puncta, si orbitæ Planetarum essent circuli concentrici; verum cum sint Excentricæ, & Ellipses, anguli tam ad Solem quam ad Planetas stationum tempore varii erunt, & mutabiles, pro variis locis, quos Planetæ in orbitis propriis stationum tempore tenent. Cum itaque in hoc casu pro infinitis Telluris & Planetarum diversis positionibus, infinitè diversi sunt anguli, stationum tempore, illi æquatione Algebraica definiri nequeunt; neque potest Problema universaliter construui per curvas Algebraicas, quamvis aliqui hoc opus susceperunt. At si detur positio Planetæ in propria orbita, inveniri potest positio Telluris in sua, quando Planeta in illo puncto existens è Tellure stationarius videtur: hoc enim est Problema determinatum, & duas continet responsiones, pro duabus radicibus æquationis, Problematis naturam includentis. Illius autem Problematis solutionem mihi pro summa sua amicitia impertivit Astronomorum Principes *Dominus Halleius*, ad quam intelligendam præmittimus Lemma, quod sequitur.

Superior calculus & constructio orbitæ excentricæ & Ellipticæ non convenit.

Qualescunque sint Planetarum vel Telluris orbitæ, si ex eorum locis tempore stationum ducantur rectæ, quæ orbitas tangant, & producantur tangentes, donec concurrant, erunt portiones tangentium, à mutuo concursu interceptæ, Telluris & Planetarum velocitatibus proportionales.

Sint FG, AH portiones duarum orbitalium, quas Tellus & Planeta describunt, AB, CD spatia exigua eodem tempore ab illidem percurta tempore stationum. Ducantur CE, AF orbitas tangentes in A & C, quæ concurrant in E, & quia Planeta est stationarius; erit BD ad AC parallela & proinde per 2dam El. 6. CD ad AB, ut CE ad AE. Sed CD, AB, cum sint spatia simul descripta, sunt ut Planetarum ve-

TAB. 40.
fig. 4.

lo-

locitates, quare tangentes CE, AE sunt, ut Planetarum velocitates. Hoc theorema est Joannis Bernoulli, in *Actis Berolinensibus* editum, & ex parallelismo linearum AC, BD immediatè sequitur; is tamen exinde nullam protulit Problematis solutionem. Sequitur solutio Halleiana.


P R O B L E M A.


Invenire locum Terræ, è quo Planeta in dato orbis sui puncto visus, stationarius apparet.

TAB. 41.
fig. 4.

Sit S Sol, π KLA orbis Terræ, quam circulearem pro hac vice supponamus, - P = orbita planetæ, P locus Planetæ datus. Ducatur recta VPQ contingens orbem Planetæ in P, occurrens vero orbi Terræ in V & Q, ac bisecetur VQ in R: in eandem autem erigatur normalis PB, quæ sit ad VR vel RQ, ut velocitas Planetæ ad velocitatem Terræ: ac centro R diametro VQ describatur semicirculus *ubd* Q, quem contingant rectæ, utrinque de B ductæ & productæ, ut Bb¹, BT; & ad quas è centro R demittantur normales Rb, Rd; ac fiant $\angle K$ ipsi $\angle b$, & TL ipsi Td æquales. Dico K, L puncta esse in orbe Terræ quæsitæ. Ob similia enim triangula Rb¹, BP¹, $\angle P$ est ad PB, ut $\angle b$ live $\angle K$ ad Rb live RV, ac permutando $\angle P$ est ad $\angle K$, ut PB ad RV, quas fecimus, ut velocitas Planetæ ad velocitatem Terræ. Verum $\angle b$ contingit semicirculum in puncto b, ac proinde quadratum ex $\angle b$ æquale est rectangulo V \angle Q. *per 36.3 El.* cumque $\angle K$ facta est ipsi $\angle b$ æqualis, $\angle K$ continget orbem Terræ in puncto K, *per 37.3 El.* Tangentes itaque utriusque orbis $\angle P$, $\angle K$ sunt in ratione velocitatum, ac proinde Planeta in P è Terra in K visus, stationarius erit. Eodem omnino modo demonstrabitur, rectas TP, TL esse in ratione velocitatum, & TL orbem Terræ contingere in L. Junctæ denique SK, SL designabunt loca Terræ è Sole visæ, ac anguli KSP, LSP angulos commutationis quæsitos. Et existente SA linea Apsidum Terræ, erunt KSA, LSA, anguli Anomalix veræ Terræ; unde si quid erratum fuerit in supposita velocitate Terræ, accuratissime corrigi poterit.

Al-





Alterius generis est Problema ; *Stationis alicujus tempus definire* ; cujus solutio per Geometriam vulgarem exhiberi haud potest ; illam tamen per approximationem , & methodum indirectam investigavit acutissimus *Halleius* , in cujus solutione utitur duobus theorematibus à *Cl. Moivre* inventis ; & horum theorematum demonstrationes , cum in rebus Astronomicis ulum habeant , nos dedimus in *Lectiōe XXIII. pag. 424.*

Sequitur Solutio *Halleiana* . Quoties Stationis alicujus tempus accuratè definire cupis ; obtenta prius constructione dicta , vel calculo rudiori , vel etiam ex Ephemeridibus stationis quæsitæ die , juxta tabulas Astronomicas perfectiores , ad Meridiem istius diei capiatur locus Solis , uti & Planetæ , tam Heliocentricus quàm Geocentricus , unà cum distantiarum utriusque à Sole Logarithmis ; & ut reducantur motus ad idem planum , curtetur illa Planetæ . Datur itaque triangulum *STP* ex principiis Astronomicis , ubi *S* Solem , *T* Terren , & *P* Planetam designant . Ducantur tangentes *fig 5.* orbis Terræ *TQ* , orbis verò Planetæ *PQ* , concurrentes in *Q* . Jam , si forte contingeret reales Planetarum velocitates esse inter se , ut *PQ* ad *TQ* , sive ut sinus anguli *TPQ* ad sinum anguli *TPQ* , constabit , Planetas esse in situ stationi congruo ; quia hoc in casu motus momentaneus Terræ , de *T* in *t* juxta tangentem *TQ* latæ est ad motum Planetæ de *P* in *p* juxta tangentem *PQ* , ut *TQ* ad *PQ* : proinde (per 2 *VI Elem*) rectæ *TP* , *tp* parallelæ fiunt , atque adeo Planetæ tali in situ invicem stationarii apparent .

Datis autem distantis *ST* , *SP* consequitur ratio , quam habent velocitates reales inter se , sive *Tt* , *Pp* . Sunt enim velocitates reales mediæ diversorum Planetarum , sive eæ , quibulum ad distantias semiaxibus transversis orbium æquales circa Solem circulos describerent in subduplicata ratione Axium reciproce . Media autem velocitas Planetæ est ad velocitatem ejusdem in quovis orbitæ suæ puncto *P* vel *T* in subduplicata ratione distantie à Sole ad distantiam ejus ab altero orbitæ Ellipticæ Foco , quam *PF* & *TF* nominabimus respectivè . Positio etiam *R* pro semiaxe transverso su-

H h

pe.

terioris planetæ, & r inferioris, compositis rationibus erit velocitas inferioris Planetæ ad eam superioris, sive T ad p P ut $\sqrt{R \times SP \times TF}$ ad $\sqrt{r \times ST \times PF}$. Hujus itaque rationis Logarithmus juxta obliquitatem tangentis PQ ad Eclipticæ planum reductus habeatur in promptu.

Ex iisdem etiam distantis habebuntur anguli STQ , SPQ , est enim radius ad sinum anguli STQ , ut $\sqrt{ST \times TF}$ ad semiaxem conjugatum orbitæ Terræ; pariterque rad. ad sinum SPQ , ut $\sqrt{SP \times PF}$ ad semiaxem conjugatum orbitæ Planetæ. Vel, quod paulo paratius est, fiat ut distantia Planetæ in Aphelio ad distantiam Perihelium, ita tangens semissis anguli, quo distat à perihelio suo, ad tangentem anguli, qui è dicto semisse sublatus relinquet complementum anguli SPQ ad quadrantem, vel excessum ejus supra quadrantem, prout contigerit vel acutum, vel obtusum esse; ac reducatur ille angulus, si opus sit, ad Eclipticæ planum. His itaque constitutis, ex angulo STP subducatur angulus STQ , & angulo SPQ adjiciatur angulus SPT , ut habeantur anguli QTP , QPT . Horum sinus, si eandem habeant rationem, quam habent velocitates reales in punctis T & P , bene se habet.

Sin minus, Logarithmorum utriusque servetur differentia, sive error positionis primæ, ac si ratio velocitatum minor fuerit ratione sinuum dictorum, minuendus est angulus TSP addendo vel subducendo motum medium utriusque Planetæ uni diei competentem: & è contra, si major fuerit velocitatum ratio. Calculoque priori omnino simili quærantur denuo Logarithmi dictarum rationum ad Meridiem præcedentis vel sequentis diei, prout casus postulat. Dein conferatur differentia horum Logarithmorum, sive error Positionis secundæ cum errore ad alterum diem invento, & errorum summa, si diversi signi fuerint, vel differentia, si signi ejusdem, erit ad 24 horas, ut errorum alter ad intervallum, quo tempus quæsitæ stationis distat à Meridie, cujus errorem adhibuimus: hoc autem *Regulam Falsi* callentibus manifestum est.

Ad hunc modum Planetarum stationes intra pauca minu-

STATIONIBUS.

483

ta obtinebuntur: ad tolendum autem errorculum à Logarithmorum dictorum augmento non omnimodè æquabili oriturum, si cui libeat, poterit, ad tempus jam inventum & vero proximum, redintegrato calculo rem penitus verificare: sed hac cautela non est opus nisi in Marte & Mercurio.

Ut autem res manifestior fiat, adjungam exemplum calculi stationis Jovis nuperæ in mense *Novemb. 9^o. 1717.*

Exemplum Calculi Stationum.

<i>Novembris 9^o in Merid.</i>		<i>Novemb. 10. Merid.</i>	
Anom. med. ♄.	9 ^o . 10 ^o 00". 00".	—	9. 10. 5. 00.
Mot. med. ☉.	7. 0. 7. 00.	—	7. 1. 6. 8.
♄ Locus Heli- oc. a 1 ^a * √	} 2. 25. 11. 00.	—	2. 25. 15. 53.
☉ a 1 ^a * √			
Log. dist. ♄ à ☉	6. 28. 53. 17.	—	6. 29. 54. 00.
Log. dist. ☉ à ☉	5. 720650.	—	5. 720680.
♄ Loc. Geoc.	4. 994267.	—	4. 924186.
Angulus STP.	3. 5. 4. 28.	—	3. 5. 4. 27.
Angulus SPT.	113. 48. 49.	—	114. 42. 33.
Angulus STQ.	9. 53. 28.	—	9. 48. 34.
Angulus SPQ.	89. 23. 54.	—	89. 23. 54.
Ang. PTQ.	92. 41. 20.	—	92. 41. 14.
& Ang. TPQ.	24. 25. 42.	—	25. 25. 39.
Log. rationis velocitatum. }	102. 34. 48.	—	102. 29. 48.
	0. 368210		0. 368321
Log. rar. Sinuum ang. TPQ. PTQ. }	0. 372912		0. 356757
Error Posit. I.	0. 004702 +.	Error posit. II.	0. 011564 —

Cumque alter errorum est in excessu, alter in defectu, fit ut 16266 errorum summa, ad 4702, ita 24 horæ ad 6^h 56^m. Unde concludere licet, stationem Jovis contigisse *Nov. 9^o 6^h 56^m P. M.*

LECTIO XXVIII.

*De Temporis Partibus.**Dies Naturalis.*

Partes temporis omnibus notæ sunt Dies, Horæ, Hebdomades Menses, & Anni. Dies naturalis, qui à motu apparenti Solis ab Oriente in Occidentem definitur, est illud temporis spatium, quod labitur, dum Sol à Meridiano. vel aliquo alio circulo horario digressus ad eundem revolvitur. Naturalis dicitur, ut distinguatur ab illa vocis significatione, qua dies nocti opponitur, & artificialis nominatur.

Diem diversæ Gentis diversè modo inchoant.

Non idem diei initium omnes gentes observant. Babylonii diem auspicabantur ab ortu Solis; Judæi & Athenienses ab occasu, quod Itali, Aultriaci, & Bohemi nunc faciunt, & Sole Horizontem occiduum subeunte, horam vicessimam quartam numerant, proximam post Solis occasum horam diei primam vocant.

Qui diem ab ortu Solis incipiunt, hoc habent commodi, quod ex horarum numero sciant quantum temporis elapsum sit ab ortu Solis; qui ab occasu diem inchoant, hoc inde utile capiunt, quod hora statim ostendit, quantum temporis ad Solis discessum restat, ut itinera aliosque labores illi proportionari possint. At his utrisque, hoc est incommodum, quod per numerationem horarum Meridiei mediæque noctis tempus non innotescit, quod non nisi subducto calculo illis notum fieri potest, nam diversis Anni tempestatibus tempus Meridiei diversa hora numerabant. Ægyptii olim diem à media nocte inchoabant, à quibus Hipparchus hunc computandi morem in Astronomiam recepit, eumque secuti sunt Copernicus alique Astronomi. Maxima tamen Astronomorum pars commodius duxerunt, diem à Meridie auspicari. Sed mos incipiendi diem à media nocte obtinet apud Britannos, Gallos, Hispanos & alias plerasque Europæ gentes.

Hora æquales & inæquales.

Hora alia est æqualis alia inæqualis. Hora æqualis est vicesima quarta pars diei naturalis. Præter crassam illam vulgi divisionem horæ in semihoras & quadrantes, hodie com-

mu

munitet recepta est ab Astronomia translata divisio horæ in sexaginta minuta prima, & uniuscujusque minuti primi in sexaginta secunda.

Hora inæqualis est duodecima pars diei artificialis, item pars duodecima noctis; dicitur etiam *Temporanea*, quod diversis Anni tempestatibus variæ sit quantitatis, nempe hora diurna *Æstiva* longior est *Hyberna*, & nocturna brevior. In die autem *Æquinoctiali* hora diurna nocturnæ est æqualis; unde horæ æquales *Æquinoctiales* dicuntur. His horis usi sunt olim Judæi, Romani, hodieque Turcæ, atque ita meridies semper in horam diei sextam incidebat. Dicuntur etiam hæ horæ planetariæ, quod singulis his horis Planetam quandam ex septem præficere usitatum fuit. Ita v. gr. die Solis hora temporaria ab ortu prima Soli tribuitur, proxima Veneri, tertia Mercurio, atque inde cæteræ ordine, Lunæ scil., Saturno, Jovi, Marti; inde fit, ut diei sequentis hora ab ortu prima Lunæ contingat, ac proinde illi Hebdomadis diei nomen de suo imponat, quod idem in sequentibus ad septimanæ finem usque continuatur.

Hebdomas est septem dierum systema; variis appellationibus Hebdomadis dies distinguuntur. Ecclesia Christiana primum diem Dominicum vocat, vulgus Diem Solis nominat, & soli nostri temporis Phanatici Sabbathum noncunt. Secundum Hebdomadis diem feriam secundam, tertium feriam tertiam, & ita deinceps, septimum autem diem Sabbathum nominat Ecclesia. Vulgus autem nomina dierum à Romanis usitata, & à Planetis denominata indita retinet.

Mensis proprie est spatium temporis, quod Luna motu suo metitur, in quo per Zodiacum integrum defertur, quem circulum duodecies in anno absolvit. Est alius mensis huic propemodum æqualis, quem Solis motus metitur, estque spatium temporis, quo Sol unum signum, seu partem Eclipticæ duodecimam, describit. Sed hi menses Astronomici sunt, à quibus differt civilis mensis, qui, pro Regni alicujus aut Reipublicæ instituto, pluribus aut paucioribus constat diebus.

Hebdomades.

Mensem propriæ Lunæ motus metitur.

Ægyptii olim mentem quemlibet diebus 30 constare volebant; diesque illi quinque, ex quibus annus constabat, ultra dierum in mensibus numerum, Epagomenæ dicebantur.

*Annus
Astronomicus & Civilis.*

Annus est vel Astronomicus vel Civilis. Anni Astronomici utramque speciem, scil. Tropicum & Periodicum, in Lectione XXII. definivimus. Annus civilis, idem, qui politicus in Republica aut Regno aliquo receptus, est quoque duplex, Lunaris, aut Solaris, prout Lunæ vel Solis motibus conformis redditur; ille Lunaris rursus duplex, est vagus vel fixus. Annus Lunaris vagus constat duodecim mensibus synodicis, vel duodecim Lunationibus, quæ diebus 354 absolvuntur, quibus exactis Annus Civilis denuo incipit. Deficit itaque hic Annus à Solari vertente, qui tempestates reducit, diebus undecim, inde fit, ut Annorum initia per omnes Anni tempestates vagentur, idque spatio 32 Annorum, ideoque Annus vagus dicitur. Hac Anni forma utuntur Turcæ & Mahumedani.

*Lunaris
& Solaris
Vagus & Fixus.*

Cum duodecim Lunationes deficiant ab Anno Solari diebus undecim, in tribus Annis Solaribus Lunationes 36 seu tres Anni Lunares deficerent à Solaribus 33 diebus; itaque ut retineantur menses in iisdem Anni Solaris cardinibus, Anno tertio mensis integer superadditur, quod fit, quoties opus fuerit, ut Anni initium in eadem Tempestate retineatur, & mensis hic superadditus *Embolimæus* seu Intercalarius dicebatur. In Annis novemdecimi hujusmodi menses intercalares sunt septem, Annusque hujus formæ Lunaris fixus nominatur. Tali anno usi sunt Græci, hosque imitati Romani usque ad Julium Cæsarem.

Annus Solaris vagus dicitur Ægyptiacus.

Annus Civilis, qui ad motum Solis ligatur, est quoque vel fixus vel vagus. Vagus dicitur Ægyptiacus, quo utebantur Ægyptii, & constabat diebus 365, & ab Anno Tropico fere sex horis deficit. Harum horarum neglectu fit, ut quarto quolibet Anno, uno die antevertit hic Annus Annum seu Periodum Solarem; adeoque quater 365 annis, hoc est annis 1460 initium ejus vagatur per singulas anni tempestates.

Cum

Cum itaque Annus Ægyptiacus dierum 365, horis fere sex deficiat à vero Anno Solari, ut Anni omnes pari pailu- cum Sole progrediantur, horarum excurrentium ratio neces- sario habenda est; sed convenit quoque, ut Anni Politici idem semper sit initium, atque ut ab initio diei is exordium capiat, non enim incipere debet Annus. modo ab una diei hora, modo ab alia, quod fieri necesse erit, si singulis An- nis addantur sex excurrentes horæ; sed horæ ille coacerva- tæ in tribus Annis, additæque sex horis quarti Anni diem in- tegrum efficiunt. Hic dies quarto Anno additus illum cum motu Solis rursus congruere faciet. Hæc perspicuens Julius Cæsar, quarto cuilibet Anno diem intercalarem adjecit, qui itaque constaret diebus 366, & dies additus est mensi. Februarii. Et cum in Anno vulgari dies Februarii 24 di- catur sextus Kalendas Martii, seu sextus ante Kalendas, sta- tuit Cæsar, ut quarto Anno id dicatur bis, ita ut in illo An- no sint bini dies, quorum quilibet erit sextus ante Kalendas Martii; itaque ille Annus Bissextilis dicebatur. Hæc for- ma Anni à Julio Cæsare, apud Romanos Pontifice Maximo, instituta fuit, & Juliana vocabatur, cujus hæc est proprie- tas, ut quartus quilibet Annus sit Bissextilis dierum 366, reliqui tres communes 365 dierum.

*Annus
Julianus:
Fixus.*

Interim fatendum est, tempus Anno Solari à Julio Cæ- sare tributum esse nimium; nam Sol suum cursum in Ecli- ptica absolvit diebus 365, horis 5, min. 49, undè 11 mi- nutis primis citius cursum redintegrat, quam incipit Annus Julianus. Si itaque Sol in quodam Anno, vicesimo Martii die Æquinoctium Meridie ingrediatur; proximo Anno undecim minutis ante Meridiem ad Æquinoctialem circumum perveniet, & Anno sequenti viginti duobus minutis ante Meridiem eundem circumum attinget, atque ita singulis an- nis Sol motu suo undecim minutis Annum civilem antever- tendo in Annis 131: integro die Annum Julianum anticipa- bit. Itæ Æquinoctium coeleste non in eodem semper An- ni civilis die hæret bin, sed sensim versus initium Anni fe- retur, regressu tam manifesto, ut in dubium vocari non pos- sit.

Et h. 4;

Hinc:

*Annus
Gregoria-
nus.*

Hinc cum tempore Concilii *Niceni*, quando termini celebrandi Paschatis instituti fuerunt, *Æquinoctium* Vernale hærebat in 21 die Martii; id continuo retro labendo, tandem Anno Domini 1572, quo *Kalendarium* correctum est, deprehensum est, ad undecimum Martii diem per integros dies decem abreplisse. Adeoque cum restituere cuperet *Gregorius XIII.* Episcopus Romanus *Æquinoctium* ad pristinam sedem, dies illos decem è *Kalendario* exemit, statuitque, ut dies undecimus Martii vicissim primus numeretur; & ne decinceps, simili modo, sublaberentur Anni cardines, cavuit ut centesimus quisque *Æræ Christianæ* Annus communis esset, qui secundum *Julium* debebat esse *Bissextilis*; at quartus quisque centesimus *Bissextilis* maneret. Nova hæc Anni forma ab Episcopo Romano *Gregorio XIII.*, cujus auctoritate stabilita fuerat, *Gregoriana* dicta est, eamque receperunt *Galliæ*, *Hispaniæ*, *Germania*, & *Italia*, regionesque omnes, quæ Pontificis Romani auctoritatem agnoscunt; sed etiam in *Hollandia*, & exeunte sæculo proxime elapso, à multis *Germaniæ* *Reformatæ* populis recepta est; *Britanniæ* tamen & aliæ *Septentrionales* gentes *Reformatæ* veterem Anni formam *Julianam* retinent.

*Annus
Canicularis
seu Perso-
dus Sothia-
ca.*

Persæ formam Anni *Ægypticam* etiamnum retinent, inde fit, ut *Æquinoctia* non in eodem Anni mense semper hæreant, sed per omnes menses vagentur, & non nisi post peractam Annorum 1460 *Periodum* initium Anni in idem *Solaris* Anni Tempus recidit. Quod tempus *Annus Magnus Canicularis* dicebatur, seu *Periodus Sothiaca*, proterea quod initium ejus sumitur, quando in primo die mensis *Thoth*, seu primo Anni die. Canis sidus oritur *Heliace*, *Sothis* enim in lingua *Ægyptiorum* Canem significat, qui Græce est *Ασ Sirius* idest *Astrocanis*, & ab *Astronomis* *Sirius* dicitur.

Non solum per Annos, sed per plurium Annorum collectiones tempora distinguebant veteres, quale fuit *Jubilæum* Annorum 49 vel 50, *Sæculum* Annorum 100: sed omnium celeberrima apud Græcos habebatur *Olympias* continens spatium quatuor annorum.

Si-

Sicut in cœlo sunt certa puncta, à quibus Astronomi in supputandis motibus initium capiunt; ita etiam sunt certa Temporis puncta, à quibus tanquam radicibus calculi incipiunt; & res gestæ secundum seriem Annorum, qui radicem illam sequuntur, in Historiis disponuntur. Hæ radices Epochæ seu Æræ dicuntur, à quibus Anni & tempora numerantur. Celeberrima & nobis maxime familiaris est ea, quæ à Nativitate Domini nostri Jesu Christi denominatur, quæ incipit à Kalendis Januarii, quæ Christi Nativitatem proxime sequuntur.

Verum quamvis Epochæ hæc sit ex usu vulgari stabilita, & ubique fere apud Christianos recepta, Angli tamen & Hiberni in negotiis Ecclesiæ & Reipublicæ Epochæ utuntur integro Anno posteriore. Hi enim Annum incipiunt, non à festo Nativitatis Domini, sed à festo Incarnationis seu Conceptionis, quæ octavo Kalendas Aprilis celebratur: inde fit, ut ab Incarnatione Domini usque ad festum Annunciationis Virginis Anni, verbi gratia, 1718 numerant Angli Annos elapsos completos 1717. A Nativitate autem Domini ad festum Nativitatis Anni 1717, numerant tantum Annos elapsos 1716, cum secundum reliquum Christianum Orbem tempus illud contineat Annos completos 1717.

In hac re consentientem habent Angli Dionysium Exiguum Æræ auctorem, secundum quem Christus conceptus est VIII. Kalendas Aprilis primi Anni hujus Æræ, & natus Bruma sequente exeunte Anno 46^{to} à Reformatione Kalendarii per Julium Cæsarem. Hic computus fuit primo universaliter receptus, at nunc tantum in Anglia locum obtinet. Nam in reliquo Orbe Christiano ab ista Epochæ tacite secessum est; & opinio communiter recepta est, Christum natum fuisse Bruma antecedente Incarnationem Dionysiam, nempe exeunte Anno Juliano 45^{to}, atque sic Christum uno Anno natu majorem faciunt quam Dionysius Æræ auctor.

Hoc non obstante Angli per maximam Anni partem Annum eundem numero delignant cum reliquo Christiano Orbe. At in tribus fere mensibus, tempore scil. inter Kalen-

Kendas Januarii, & VIII. Kalendas. Aprilis. Annum unum minorem ponunt, & diversum à reliquis Christianis. numerant.

Celebris quoque est Epochæ Mundi conditi, de qua tamen sunt insignes controversiæ, dum alii contendunt, mundum conditum esse ante Christum natum Annis 3910, alii Christo nascente Ætatem Mundi fuisse annorum 3983. affirmant. Ecclesia Græca, & Imperatores Orientis. Epocham utuntur, quæ mundum longe antiquiorem supponit, secundum enim illorum Æram mundus conditus est Annis ante Christum 5509.

Inter profanos auctores antiquissima & celeberrima est Olympiadum. Epoca, quæ refertur ad ætatem Anni ante Christum 777, & ipsis Kalendis. Julii in Anno Juliano retro producta.

Non multo posterior est Epochæ Romæ, seu Urbis. conditæ, quæ duplex est; Varoniana, & Capitolina. Prior Urbem conditam. ponit Anno ante Christum 753, altera Anno 752.

Æra Nabonassari Astronomis. semper celebris. incipit ad diem 26 Februarii Anni Juliani retro. producti; Annoque ante Christum 747. Cumque hic dies. fuit primus. Anni Ægyptiaci, Ptolemæus. & post illum Copernicus. motus. siderum per. Annos. Ægyptiacos calculo. subijciunt. Ægyptiorum enim. Annus. calculo. Astronomico. imprimis. commodus est, quia. nulla. intercalatione. perturbatus.

Sequitur Epochæ obitus. *Alexandri Magni* die 12^{mo} Novembris. Anno ante Christum 324, qui fuit Vagi Ægyptiaci Annus. primus. Annos. Ægyptiacos dehinc computarunt Theon, Albategnius & alii. Inter Æras. Nabonassari. & obitus. Alexandri Magni intercedunt Anni Ægyptiaci præcise 424. Eil & Æra Abyssinorum, quæ & Æra Martyrum, & Diocletiani nominatur. Est etiam Æra Arabum. seu. Turcarum, quæ Hégira dicitur; à tuga Mahumedis initium capiens. Alia quoque est Persarum Epochæ. Jelligird dicta, quas omnes. apud. Auctores. videre licet. Sed præ omnibus. maxime est commoda Juliana. Periodus,

reliquas fere omnes Epochas gremio suo complectens, & est Periodus Annorum 7880, qui numerus multiplicatione componitur ex numeris 15, 19, 28, quorum primus est Cyclus Indictionum, secundus est Metonicus, & tertius est Solis Cyclus. Primusque hujus Periodi Annus fuit ille, in quo hi tres Cycli simul incipiebant.

Subjungam tabulam, quæ primos Ærarum Annos ad Annos Julianæ Periodi, vel ad Annos ante vel post Christum natum reducit.

	Anni ante Christum.	Anni Jul. Periodi.
Epocha Mundi conditi juxta Græcos imperatores.	5508	
Vulgaris Epochæ Mundi conditi.	3950	765
Olympiadum initium.	776	3938
Urbis Conditiæ juxta Varronem.	753	3961
Urbis Conditiæ ex Capitolinis Festis.	752	3962
Æra Nabonassari.	747	3967
Alexandri Magni mors.	324	4390
	An. Christ.	
Annus Epochæ Christianæ vulgaris.	1	4714
Diocletianæ Æræ.	284	4997
Hegira Arabum.	622	5335
Jesdagirda Persarum.	632	5345

LECTIO XXIX.

De Calendario, & Cyclis seu Periodis.

Kalendarium est dierum in Anno civili dispositio secundum proprios menses, & eorundem in Hebdomades distributio cum Festis, diebusque Juridicis annexis.

Distributio in Hebdomades fit per literas Alphabeti septem priores A, B, C, D, E, F, G. Incipiendo à primo die Januarii, litera A ipsi apponitur, secundo B, tertio C, & ita deinceps usque ad G, quæ diei septimo assignitur; & inde rursus incipiendo, octavo iterum apponitur A, nono B, decimo C, atque sic continuo repetita literarum serie, singuli Anni dies aliquam obtinent literam in Calendario, & ultimo die Decembris inscribitur litera A.

Nam

Distributio dierum Anni in Hebdomades per literas Alphabeti priores septem.

Nam si 365 dies, dividantur per 7, proveniunt Hebdomades 52, & unus præterea superest dies. Quod si nullus superesset dies, Anni omnes ab eodem septimanæ die semper inciperent, & quilibet mensis dies in determinatum & statum Hebdomadis diem semper incideret; nunc vero, quoniam in Anno, præter Hebdomades completas, est unus dies, factum est ut in quocunque septimanæ die incipiat Annus, in eodem finiatur; proximusque Annus à proximo die incipiat; v. gr. in Anno communi 365 dierum, si is incipit die Dominica, ultimus Anni dies erit etiam dies Dominica. Et primus sequentis Anni dies est dies Lunæ.

Literæ Dominicales.

Literis hac ratione dispositis in Anno communi, illa, quæ primæ Januarii Dominicæ respondet, per totum illum Annum Dominicas indicabit, & quibuscunque diebus in aliis mensibus affigitur illa litera, dies illi omnes erunt Dominicæ; ideoque litera illa istius Anni Dominicalis vocatur; sic etiam quæcunque litera apponitur diei Lunæ in Januario primæ, eadem in Calendario repetita omnes Lunæ dies per totum Annum monstrabit, atque sic de cæteris.

Si prima Januarii dies sit Dominica, cui respondet litera A, ultima, uti ostendi, erit quoque Dominica. Adeoque Annus sequens die Lunæ incipiet, & Dominica cadet in diem septimum, cui respondit litera G, quæ itaque erit litera Dominicalis per totum illum Annum; cumque Annus die Lunæ incipit, die quoque Lunæ terminabitur, & in Anno sequente prima Januarii dies fiet Martis, primaque Dominica cadet in sextam mensis diem, cui in Calendario respondet litera F, atque eodem modo Anno sequente litera Dominicalis foret E; & hac ratione literæ Dominicales ordine semper retrogrado feruntur per G, F, E, D, C, B, A. In Calendariis annuis, quæ *Almanacks* voce Arabica vocantur, litera Anni Dominicalis, ut facilius dignoscatur, semper majuscula pingitur. Adeoque unico intuitu totius Anni Dominicas aspicere licet.

Si omnes Anni essent Ægyptiaci dierum 365, post exactum septem Annorum curriculum, iidem mensium dies ad eundem Hebdomadis dies redirent. Verum quoniam quartus

tus quilibet Annus est Bissextilis dierum 366, in quo ultra septimanas 52 supersunt dies duo, si Annus ille incipit die Dominica, in die Lunæ terminabitur, & proximus post hunc Bissextilem Annus à die Martis incipiet, primaque ejusdem Anni Dominica in sextam mensis diem cadet, cui respondet litera F pro sequentis Anni Dominicali. Atque ita per Annum Bissextilem, qui singulis quatuor Annis recurrit, interruptitur Literarum Dominicalium ordo, qui non redit, nisi post absolutos Annos quater septem seu Annos 28.

Hinc oritur Cyclos ille Annorum 28, qui *Solaris* dicitur, *Cyclos Solaris.* quo completo, redeunt Anni dies ad eandem septimanæ dies: in hoc Cyclo Anni omnes Bissextiles duas obtinent literas Dominicales, quarum prima usque ad diem Februarii 24, aut 25 Intercalarem interservit; altera per reliquum omne Anni tempus Dominicas indicabit. Nam in Anno Bissextili Februarii dies viceſimus quartus, & viceſimus quintus pro eodem habentur die, & uterque eadem litera F insignitur; & hinc interruptitur literarum ordo, quo dies Hebdomadis commonstrantur; v. gr. sit litera Dominicalis initio Anni E, viceſimus quartus Februarii in diem Lunæ cadet, & viceſimus quintus in diem Martis, quibus utrisque apponitur litera F; unde sequens litera G, quæ prius diem Martis indicabat, nunc ad diem Mercurii apponetur; & proxima Dominica in primam Martii diem incidet, cui in Calendario adhæret litera D, quæ hac ratione per reliquum Anni tempus Dominicalis evadit.

Cycli Solaris primus Annus est Bissextilis, cui respondent literæ Dominicales G, F. Secundi Anni litera Dominicalis est E, tertii D, quarti C; quintus Cycli Annus rursus Bissextilis est, cui congruunt literæ Dominicales B, A, & ita in cæteris. Laterculus sequens ostendit, quæ litera Dominicalis respondet cuivis Cycli Solaris Anno.

1	GF	5	BA	9	DC	13	FE	17	AG	21	CB	25	ED
2	E	6	G	10	B	14	D	18	F	22	A	26	C
3	D	7	F	11	A	15	C	19	E	23	G	27	B
4	C	8	E	12	G	16	B	20	D	24	F	28	A

Solaris inveniatur pro quolibet *Æræ Christianæ Anno* ; ad Annum Christi currentem addantur 9 , quia ab initio Cycli ad Annum Christi primum novem Anni elapsi sunt , & summam divido per 28 ; quotiens ostendet numerum Cyclorum , qui absoluti fuerunt à primo Cycli Solaris Anno ante Christum ad Annum illum currentem , qui restat vero numerus , est Cycli Solaris currens Annus , quod si nihil post divisionem restet 28 est Annos Cycli .

Præter festi stabilia certis quibusdam Anni diebus affixa , sunt & alii quoque dies festi mutabiles , qui in diversis Annis , diversis diebus contingunt , qui proinde non ex Solis , sed Lunæ motu pendent . Tale est à Deo ipso apud Judæos institutum *Paschatis Festum* , cui successit *Pascha Christianum* in memoriam Resurrectionis Domini receptum , & commemorandum . Instituit autem Deus , Pascha celebrandum esse mense primo , decima quarta die mensis , ad Vesperam *Levit. cap. 13*. Annus autem Judæorum Lunaris fuit , & Embolismicis ita temperatus , ut is mensis diceretur primus , cujus decima quarta , hoc est Plenilunium , vel in diem *Æquinoctii Vernalis* caderet , vel eum proxime sequeretur . Ecclesia Christiana eandem fere regulam observare voluit ; vetuit tamen , ne Pascha in ipsa decima-quarta celebraretur , sed die Dominica proxime insequenti ; eo quod Dominus die Dominica post Pascha Judæorum à mortuis resurrexit .

*Quæ ratio-
ne definitur
tempus ce-
lebrandi
Pascha.*

Primo itaque , ad determinandum Paschatis celebrandi tempus , constituendum est *Æquinoctium* , quod dici Martii 21 affixum esse crediderunt omnes antiqui , nec ab ea sede unquam dimovendum ; ideoque suum Kalendarium ad hanc suppositionem apiarunt . Deinde cum mensem primum , seu Paschalem esse voluerunt , cujus decima quarta aut in *Æquinoctium* caderet , hoc est in diem , qui 21 diem Martii , aut proxime illum sequeretur ; sed cum menses Judæorum Lunares fuerint , decima quarta mensis dies diem Plenilunii immediate præcedit ; unde in observatione Paschatis motus Lunaris ratio habenda est , & Novilunia & Plenilunia sunt invenienda . Judæis Novilunia per obser-

vationes solum innotuere, hi enim observabant, quando Luna primum è Solis radiis emergens Heliace vespere oriebatur, illamque diem Lunæ primam dicebant. At Ecclesia Christiana per Cyclum Metonicum novemdecim Annorum Lunationes computat, & ideo dictum Cyclum in Calendario recepit, ut per illam Lunationes determinentur.

Est autem *Cyclus Metonicus* ab inventore ejus Metone nomen deducens, qui & *Cyclus Lunar*is dicitur, Periodus Novemdecim Annorum, quibus absolutis, Novilunia & Plenilunia Media ad eisdem mensium dies redeunt, adeo ut quibuscunque diebus Novilunia & Plenilunia hoc Anno accidunt, novemdecim ab hinc annis in eisdem dies incident, & ut exstimarunt Meton & Primitivi Ecclesiæ patres in eisdem dierum partes scil. horas & minuta. Adeoque tempore Concilii Niceni, circa quod tempus Paschatis celebrandi ratio determinabatur: Cycli Lunar Numeri Calendario adjuncti fuere, quos propter excellentiam & commoditatem Aureis literis inscribebant Veteres, Annumque Cycli pro quolibet Anno proposito Aureum numerum vocababant.

Hac ratione Numeri Aurei diebus Calendarii appositui fuere, vel certe apponi potuissent. Assumpto quolibet Anno pro initio Cycli, cui numerus Aureus 1 tributus est; observatis, in singulis mensibus, diebus, in quibus Novilunia acciderent, eo Anno è regione horum dierum apposuerunt Characterem I, & quia eo Anno Novilunia accidebant Januarii 23, Februarii 21, Martii 23, Aprilis 21, Maji 21, Junii 19, & ita de cæteris, è regione horum dierum in columna Cycli Lunar unitas apposita est. Sequenti Anno observatis Noviluniis, è regione dierum, quibus acciderunt, inscripserunt veteres in columna Numerorum Aureorum characterem II, nempe ad 12 Januarii, 10 Februarii, 12 Martii, 10 Aprilis, & ita in aliis mensibus. Idem factum fuit tertio Anno appposito characterem III è regione dierum, quibus Novilunia observabantur, & idem in aliis Annis consequentibus, usque dum absolutus fuit Cyclus Annorum 19. Sed numerorum dispositio maxime accurata fit per tabulas

Ailro-

Astronomicas, computando pro singulis mensibus, singulisque Lunaribus Cyclis Annis novilunia media, iisque diebus, quibus ea accidere deprehensum fuerit, Cycli characteres apponendo. Quoniam mensis Lunaribus Astronomicus constat diebus 29 horis 12 min. 44 secund. 3; sed vulgus, qui minutias distinguere non potest, Menses Lunares ex diebus integris componit, ita ut alterius vicibus Lunationes consentiant 30 & 29 diebus, quarum hæc cavæ, illæ plenæ dicuntur, id exigente quantitate mensis Astronomici dierum 29, horarum 12, quia autem sunt præterea 44 min., seu fere tres horæ quadrantes in singulis Lunationibus, intra 32 Lunationes hæc minuta collecta diem efficiunt, qui cavo mense addendus est, & hac ratione Lunationes Calendarii cum cælestibus fere convenient.

Si detur Annus Cycli Lunaribus, dabuntur ope Calendarii Noviluniorum dies per totum Annum, nam in singulis mensibus numerus Cycli seu Aureus diem ostendunt, in quo contingit Novilunium medium, & huic addendo dies quatuordecim, habebitur dies Plenilunii.

Veteres existimabant, Cyclum novemdecim Annorum exacte exhaustire Lunationes 225, adeoque post revolutionem Annorum Cycli, Novilunia non tantum ad eisdem mensium dies, sed etiam ad easdem horas redire. Quod verum non est. Nam in Annis Julianis 19 sunt dies 6939, horæ 18. At si singulis Lunationibus tribuantur dies 29 horæ 12, min. 44, secund. 3, ut motus Lunæ postulat, Lunationes 253 efficiunt 6939 dies, horas 16, min. 31, secund. 45; non igitur Lunationes 253 adæquant Annos Julianos 19, sed deficiunt una hora cum dimidia, unde Novilunia post Annos 19 non redibunt ad eandem horam, sed una hora cum dimidia citius accidunt, & intra Annos 304 Novilunia antecedunt Annum Julianum una die: satis itaque præcise per tres Annorum Centurias numerus aureus Noviluniorum ostendit, sine errore 24 horarum seu unius diei. Adeoque tempore Concilii Niceni, quando Cycli Novemdecennalis Calendario adaptatus fuit, & per aliquot Annorum centurias post illud satis rite indicabat Cycli ille Novilunia;

sed

sed nunc Lunationes intra 304 Annos, uno die continuo antecedendo, quinque fere diebus citius accidunt, quam tempore Concilii Niceni, seu quod idem est, Novilunia cœlestia Lunationes per Cyclum Aureum computatas quinque diebus antecedunt. Sed hoc non obstante Ecclesia Anglicana retinet modum computandi Novilunia per numeros Aureos, sicuti tempore Niceni Concilii in Calendario dispositi fuere; adeoque Novilunia sic computata dicuntur *Ecclesiastica*, ut distinguantur à veris. Et generalis perpetuaque tabula, quæ in Liturgia Anglicana habetur, pro tempore Paschatis per hos numeros Aureos secundum diversas literas Dominicales computata est.

Primus Annus *Æræ* Christianæ numerum Aureum habuit 2, seu Cyclus incepit Anno ante Christum natum; adeoque si ad Annum Christi quemlibet currentem addatur 1, & summa per 19 dividatur, qui restat præter quotientem, erit Aureus istius Anni numerus.

Ex Cyclis Solis & Lunæ in se invicem multiplicatis constatur tertia Periodus Annorum 532, quæ Victoriana aut Dionysiana dicitur à Dionisio exiguo ejus inventore. Et est Cyclus Annorum, quibus absolutis non tantum Novilunia & Plenilunia ad eosdem circiter mensium dies redeunt, sed & dies omnes mensium in eosdem septimanæ dies recedunt, adeoque literæ Dominicales & Festa Mobilia eodem ordine recurrunt; unde dicitur hic Cyclus Magnus Cyclus Paschalis.

Dato Anno *Æræ* Christianæ, ut inveniatur Annus Periodi Dionysianæ, ad Annum currentem addatur numerus 457, & summa dividatur per 532, qui restat præter quotientem numerus, erit Annus Periodi quæsitus.

Alterius generis est Problema, datis Cyclorum Solis & Lunæ Annis, invenire Annum Periodi Dionysianæ, v. gr. si Cycli Lunaris Annus 17 Solaris 21; quæritur numerus, qui si per 19 dividatur, relinquentur 17, at si per 28 dividatur relinquentur 21, qui ut inveniatur, quærantur duo numeri, quorum unum metitur numerus 28, at si per 19 idem dividatur, relinquentur 17; alterum numerum meti-

tur 19, at si per 28 dividatur idem numerus, relinquentur 21; nam patet horum numerorum summam proposito satisfacere.

Ad investigationem horum numerorum analyticam ponamus, numerum primum esse $28x$; est enim multiplex numeri 28, & quoniam hic numerus divisus per 19 relinquit 17, auferatur à $28x$ numerus 17, & reliquus erit multiplex numeri 19, ideoque 19 dividet $28x - 17$, sed dividit quoque 19 numerum $19x$, quare dividet differentiam numerorum scil. $9x - 17$, qui itaque erit multiplex numeri 19.

Sit $9x - 17 = 19n$, & erit n numerus integer & $x = \frac{19n + 17}{9}$.

Itaque cum x sit numerus integer, 9 dividet $19n + 17$, sed 9 dividit $18n + 9$, quare patet, numerum 9 dividere $n + 8$, adeoque $\frac{n+8}{9}$ est numerus integer. Sit illé 1, & erit $n = 1$, &

$x = 4$, unde $28x = 112 =$ numero primo inveniendó.

Sit secundus numerus $19y$, est enim multiplex numeri 19, unde $\frac{19y - 21}{28}$, est numerus integer, sit $19y - 21 = 28n$, unde

$y = \frac{28n + 21}{19}$; quare cum 19 dividat $19n + 19$, dividet etiam

$9n + 2$, eritque $\frac{9n+2}{19}$ numerus integer, sit ille $= p$; unde

$9n + 2 = 19p$ & $n = \frac{19p - 2}{9}$, cumque 9 dividat $18p$, dividet etiam $p - 2$; ideoque $\frac{p-2}{9}$ est numerus integer vel nihil.

Sit $= 0$, eritque $p = 2$ & $n = \frac{19p - 2}{9} = 4$, & $19y = 28n + 21 = 133$,

est itaque numerorum unus 112, & alter 133, quorum summa 245 proposito satisfacit, & quodocunque Cyclus Solis est 21, & Lunæ 17, Annus Periodi Dionysianæ est 245.

Hoc idem Problema aliter solvi potest per duos determinatos, & constantes multiplicatores, tales, ut unus dividi possit per 28 sine residuo, at si per 19 dividatur, residuum sit 1, alterum dividat sine residuo numerus 19, at si numerus 28 eundem dividat, residuum sit 1. Tales numeri itidem

dem inveniuntur , ac præcedentes , hac scil. ratione ; sit primus numerus $28x$, alter $19y$; quare numerus 19 dividet sine residuo $28x$, -1 , adeoque dividet quoque $9x-1$; sit

$$\frac{9x-1}{19}=n, \text{ erit } x=\frac{19n+1}{9}, \text{ unde } \frac{n+1}{9} \text{ erit numerus integer, \& minimus numerus, qui pro } n \text{ poni potest, erit 8; sit}$$

$$\text{itaque } n=8, \text{ fit } x=\frac{19n+1}{9}=17, \text{ unde primus numerus}$$

$$=28x \text{ erit } 476. \text{ Sit iterum } \frac{19y+1}{28}=n, \text{ unde } y=\frac{28n+1}{19}; \text{ sit}$$

$$\frac{9n+1}{19}=p, \text{ erit } n=\frac{19p-1}{9}, \text{ \& } \frac{p-1}{9} \text{ numerus integer, vel}$$

$$\text{nihil. Sit } p-1=0, \text{ erit } p=1, \text{ \& } n=\frac{19p-1}{9}=2, \text{ \&}$$

$19y=28n+1=57$. Numeri itaque quæsitæ sunt $=476$ & 57 . Et quoniam numero 476 diviso per 19, restat 1, si 476 per numerum quemlibet minorem, quam 19 multiplicetur, & productus per 19 dividatur, restabit præter quotientem numerus, qui 476 multiplicat. Similiter quoniam 57 diviso per 28, residuum fit 1; si hic numerus 57 per numerum quemlibet minorem, quam 28, multiplicetur, & productus per 28 dividatur, relinquetur numerus multiplicans.

Hinc elicitor Canon pro inveniendi Anno Periodi Dionysianæ, qui sequitur.

Multiplicetur numerus Cycli Solaris per 57, & numerus Cycli Lunaris per 476; productorum summa dividatur per 532, Qui restat præter quotientem numerus, erit Annus Periodi quæsitus.

Præter Cyclos Solis, & Lunæ est & alius Cyclos, qui *Indictionum* dicitur, apud Romanos receptus, qui nullam habet connexionem cum motibus cælestibus, & est Annorum quindecim revolutio, quibus expletis, rursus incipit. Frequens ejus occurrit mentio in Diplomatribus Cæsareis, & Pontificiis. Anno ante Christum natum Indictionis numerus, fuit 3. Adeoque si ad Annum Christi addantur 3, & summa dividatur per 15, residuum ostendet Indictionis Annum.

Ex trium Cyclorum Solis, Lunæ, & Indictionis multiplicatione conflatur Periodus Juliana Annorum 7980. Hæc Periodus, incepit 764 Annos ante Mundum conditum, & nondum est absoluta, adeoque in se complectitur res omnes gestas, omnemque historiam, & unus tantum est in tota Periodo Annus, qui eosdem habet numeros pro tribus Cyclis, ex quibus conflatur. Adeoque si Historici notassent in suis Annalibus cujusque Anni Cyclos, exinde tolleretur omnis temporum ambiguitas.

Annus ante Christum fuit Periodi Julianæ 4713. Adeoque ex dato Anno Æræ Christianæ, Annus Periodi Julianæ respondens invenitur ei addendo 4713, & summa est Annus Julianæ Periodi. E contra ab Anno Periodi Julianæ auferendo 4713, residuum ostendit Annum Æræ Christianæ.

Datis Annis Cycli Solaris, Lunaris, & Indictionis, invenire Annum Periodi Julianæ. Problema hoc eodem modo solvitur, quo similis Problematis de Periodo Dionysiana solutionem dedimus: scil. inveniantur tres numeri tales, ut primus sit multiplex numerorum 19 & 15, seu eorum producti 285, at per 28 divisus relinquat numerum Cycli Solaris, secundus sit multiplex numerorum 28 & 15, seu eorum producti 420, at per 19 divisus relinquat numerum Cycli Lunaris. Tertius denique sit multiplex numerorum 28 & 19, at per 15 divisus relinquat numerum Cycli Indictionis. Horum numerorum summâ si minor sit 7980, erit Annus Periodi Julianæ quæsitus. Quod si major fuerit, dividatur per 7980, & residuus numerus erit Annus Periodi Julianæ.

Potest etiam Problema solvi per determinatos, & constantes tres multiplicatores, quorum primus sit multiplex numeri 285, at per 28 divisus relinquat 1. Secundus sit multiplex numeri 420, at per 19 divisus relinquat 1. Tertius sit multiplex numeri 532, at per 15 divisus relinquat 1. Hi numeri inveniuntur methodo in præcedente Problemate, de Periodo Dionysiana, ostensa, & sunt 4845, 4200, 6916. Quibus inventis Canon pro inveniendi Anno Julianæ Periodi ex datis Cyclorum Annis est, qui sequitur.

An-

Annus Cycli Solis multiplicet numerum 4845, Cycli Lunariorum Annus numerum 4200, & Indictionis Annus numerum 6916. Productorum summa dividatur per 7980, omisso quotiente, residuum erit Annus Periodi Julianæ. Exemplum hoc Anno 1718 Cyclus Solis est 19, Lunæ 9, Indictionis 11. Multiplicetur 4845 per 19, productus est 92055, & 4200 per 9, productus est 37800. Denique 6916 in 11 ductus, productus est 76076. Productorum summa est 205931, qui per 7980 divinus, residuum præter quotientem erit 6431 Annus Periodi Julianæ.

LECTIO XXX.

Appendix continens descriptionem, & usum utriusque Globi; & Problemata quædam Sphærica, calculo Trigonometrico absolvenda. Ex Nicolai Mercatoris Astronomia.

Eorum, quæ ad globos pertinent; quædam sunt utriusque communia, quædam vero alterutri peculiariora. Et communium quidem alia sunt extra superficiem globi, alia vero in ipsa superficie.

Extra superficiem utriusque globi conspiciuntur

1. *Duo Poli*, circa quos globi volvuntur, quorum alter *Arcticus*, duobus Arctis sive Ursis vicinus, idemque *Septentrionalis* à Septentrionibus, id est, septem stellis plaustris majoris; alter huic oppositus *Antarcticus* appellatur.

2. *Meridianus Aeneus*, cujus altera tantum facies, quæ gradibus distincta visitur, & per ipsos Polos incedit, est verus Meridianus, atque hæc facies semper obvertenda est Orienti, quemadmodum Polus Arcticus Aquiloni. Dividitur autem in quater 90 gradus, quorum bis 90 incipiunt numerari ab ea parte *Æquinoctialis*, quæ est supra Horizontem, versus utrumque Polum; at reliqui bis 90 gradus incipiunt ab utroque Polo, & desinunt in *Æquinoctiali* sub Horizonte.

3. *Horizon ligneus*, cujus facies superior refert verum

Horizontem, & dividitur in varios circulos, quorum intus continet duodecim signa Cœlestia, nominibus & characteribus suis distincta, in gradus tricenos distributa. Huic proxime jungitur Kalendarium Julianum pariter ac Gregorianum, utriusque in menses & dies distributum. In extrema ora extat circulus ventorum, sive plagarum mundi, quemadmodum hodie à naucleis appellitantur.

4. *Quadrans altitudinis*, cujus margo, is qui gradibus distinguitur, applicandus est Meridiani gradui nonagesimo utrinque ab Horizonte computando. Numerantur autem in eo gradus ab Horizonte sursum ad ipsum usque verticem sive Zenith.

5. *Circulus Horarius* divisus in bis 12 horas, quarum 12 Meridiana sursum versus Zenith, at 12 nocturna deorsum versus Horizontem spectat; utraque vero faciei Meridiani Orientali, & gradibus distinctæ congruere debet, ita ut Polus *indicem horarium* gestans ipsum centrum occupet, atque ipse index motu diurno circumactus ostendat horas in Orientali semicirculo antemeridianas, in Occidentali pomeridianas.


6. *Pyxis nautica* pedamento imposita, cujus ope globus ad mundi plagas dirigitur.

7. *Semicirculus positionis*, cujus extremitates cardinibus Meridiei & Septentrionis affigendæ, ita ut ipse semicirculus inde ab Horizonte ad Meridianum usque libere ad quemvis situm elevati possit. Atque hæc quidem extra superficiem utriusque globi visuntur.


At in ipsa superficie delineantur præterea hi circuli.

1. *Æquinoctialis* in gradus 360 divisus, quorum numerationis initium est à sectione verna, seu principio Arietis, indeque continuantur circumcirca, donec ad idem principium revertantur.

2. *Ecliptica* divisa in signa 12, & horam quodlibet in gradus 30. Nomina & series signorum memoria tenenda



 Sunt Aries, Taurus, Gemini, Cancer, Leo, Virgo,



 Libraque, Scorpius, Arcitenens, Capri, Amphora, Piscis.

Ecl.

Eclipticam Sol motu annuo peragrat; & si spatium illi addamus in latum utrinque octo circiter graduum, efficitur *Zodiacus*, à duodecim alteris, quorum plerique animalium similitudinem quandam habent, ita dictus; atque sub hoc circulo lato Luna & cæteri Planetæ motus suos periodicos exercent.

Discernitur Ecliptica ab *Æquinoctiali*, quod hic quidem, dum volvitur globus, eundem perpetuo situm obtinet, atque eidem puncto Meridiani & Horizontis adjunctus manet; illa vero quolibet momento situm mutat, nunc elevata, nunc humilis, nunc huic, nunc illi gradui *Æquatoris* vel Horizontis applicata.

3. *Tropici duo*, *Cancer* nimirum & *Capricorni*, qui sunt limites excursuum Solis ab *Æquinoctiali* in Boream atque Austrum, includentes utrinque obliquam Solis viam, id est, Eclipticam. Nec inepte dici poterant *parallelum Solis extremum*. Cum enim Soli quotidie alium atque alium Eclipticæ gradum occupet, motu suo annuo fit, ut gradus ille una cum Sole abreptus motu diurno circumum quandam describat *Æquatori* parallelum adeoque tot evadat paralleli, quot sunt dies à brevissimo ad longissimum. Quamquam Sol non moratus in eodem gradu, sed revolutionis diurnæ spatio promotus ad vicinum, non perfectum describit parallelum, sed lineam potius spiralem; attamen harum spiraliū distantia cum sit exigua adeo, præsertim prope Tropicos, nihil impedit, quo minus singulæ revolutiones, maxime extremæ, hoc est, ipsi Tropici parallelorum loco haberi possint, id quod uti quotidiano satis est, & commoditate præstat.

4. *Polaræ duo*: *Arcticus* & *Antarcticus*, de quibus actum est in Lect. VII. & XIX. Atque hæc quidem hætenus enarrata utriusque globulo sunt communia, quanquam Ecliptica & semicirculus positionis propriæ pertinent ad globum cœlestem tantum; adduntur tamen etiam globo terrestri, ut *Phænomena*, quæ motum Solis annum sequuntur, & cuspides dierum etiam per hunc, quando opus est, explicari possint.

Quæ vero alterutri globo peculiaria sunt, partim sunt circuli, vel lineæ quædam curvæ, ut in globo cœlesti duo Coluri, & circuli latitudinis; in Terrestri Meridiani, Paralleli, & Loxodromiæ; partim vero sunt deformationes, in globo quidem Terrestri Terrarum & Marium, quas Geographiæ contemplandas permittimus; at in globo cœlesti Fixarum, & qui ex his constituuntur, Asterismorum, sive Constellationum, numero 48, quorum 12 occupant Zodiacum, & nominibus distinguuntur iisdem, quibus signa Ecclesiasticæ anastæ, sive Dodecatemoria. Qui vero ab his vergunt ad Boream Asterismi numero 21, sic appellantur:

Ursa minor, Ursa major, Draco, Cepheus, Arctophylæ (Bootes) Corona Gnoſſia, Hercules in genibus, Lyra, Cygnus, Cassiopeja, Perseus, Andromeda, Triangulum, Auriga, Pegasus, Equiculus, Delphin, Sagitta, Aquila, Serpentarius, Serpens.

At ab eodem Zodiaco in austrum recedunt imagines numero 15:

Cetus, Eridanus, Lepus, Orion, Canis major, Canis minor, Argo navis, Hydra, Crater, Corvus, Centaurus, Lupus, Ara, Corona australis, Piscis austrinus.

Præter has imagines 48 nobis conspicuas observatæ sunt aliæ circa Polum australem numero 12.

Phoenix, Grus, Indus, Xiphias, Pavo, Anser, & Hydrus, Passer, Apus, Triquetrum, Musca, Chamæque leon;

Ne quid addam de *Via Lactea*, quæ est circulus latus, candens, totum cœlum ambiens, nonnunquam duplici tramite, at plerumque simplici incedens. Hunc veterum nonnulli exhalationem quandam crediderunt in aere suspensam; at nostrum seculum innumeram minutarum Fixarum congeriem esse deprehendit. Illæ vero stellolæ, quamquam situ & magnitudine differentes, in globo exhiberi non solent, sed Telescopio solo discernuntur; ideoque de iis non est, quod hoc loco ingeramus plura.

Descriptionem globorum modo expositam sequitur usus eorundem, qui licet multiplex sit, præcipue tamen, ad rem præsentem quod attinet, his fere Problematis explicari potest.

Probl.

Probl. 1. *Dati in globo terrestri loci longitudinem, & latitudinem invenire.* Datum locum adolve Meridiano æneo, (intellige semper faciei ejus orientali numeris distinctæ) & gradus Æquatoris, qui tum sub Meridiano reperietur, quocunque numero insignitur, est ipsa longitudo quæsitæ. Tum ab Æquatore computabis in Meridiano æneo ad locum usque datum gradus latitudinis, quæ erit Septentrionalis, si datus locus ab Æquatore recedat ad Septentrionem; australis autem, si ad Austrum.

Probl. 2. *Data longitudine & latitudine; locum, cui illa congruat in globo terrestri assignare.* Quære in Æquatore gradum longitudinis datæ, atque illum Meridiano æneo adolve. Tum ab Æquatore numera in Meridiano gradus latitudinis datæ versus Polum Arcticum, vel Antarcticum, prout ipsa latitudo Borea fuerit, vel Australis; & punctum, in quod desinit numeratio, est ipse locus quæsitus.

Probl. 3. *Globum utrunque ad datam latitudinem, vel elevationem Poli aptare, nec non quadrantem altitudinis puncto verticali applicare; denique globos ope pyxidis nauticæ ad quatuor mundi cardines disponere.* Si latitudo loci data sit Borea, elevetur Polus Arcticus supra Horizontem; sin Australis, Antarcticus. Tum à Polo elevato versus Horizontem computa in Meridiano gradus elevationis Poli datæ, & punctum, in quod desinit numeratio, adjungit Horizonti, ita globus ad datam elevationem Poli aptatus erit. Deinde ab Æquatore computa in Meridiano sursum gradus latitudinis datæ (quæ semper æqualis est elevationi Poli) & punctum, in quod desinit numeratio, erit vertex dati loci, quod vulgo dicitur Zenith. Huic igitur puncto Meridiani quadrans altitudinis affigatur cochleola sua, ita ut margo gradibus distinctus cum dicto puncto consuet. Denique pyxis nautica pedamento globi imposita diriget acu magnetica oculum operantis versus Austri & Septentrionis cardines, & manus circumducet Horizontem ligneum, donec Meridianus æneus ad parallelismum cum acu perveniat, & Meridies Horizontis lignei respiciat verum Meridiem loci; ita fiet, ut & reliqui cardines globi cardinibus mundi congruant. Curandum est præterea, ut planum,

num, cui insiluit globus, Horizonti parallelum sit, adeoque Horizon ligneus cum vero Horizonte loci consentiat.

Probl. 4. *Gradum Solis, quem tenet in Ecliptica, ope Kalendarii, & adjuncti circuli signorum indagare; indeque locum ejus in ipsa Ecliptica assignare.* Quære in Horizonte ligneo mensem & diem datum; (observato Kalendariorum Juliani & Gregoriani discrimine, ne alterum pro altero sequaris perperam) tum è regione diei inventi in intimo circulo, qui est signorum, invenies gradum, & signum, in quo Sol illo die versatur. Deinde in Ecliptica, quæ superficiæ globi inscribitur, quære primum signum modo exploratum, & in isto signo gradum ipsum Solis.

Accuratius innotescere potest locus Solis per Ephemerides pro dato anno constructas; aut per tabulas Astronomicas calculo is eruitur.

Probl. 5. *Ascensionem rectam & declinationem Solis, vel stellæ cujuscvis datæ invenire, indeque indicem horarium horæ duodecimæ aptare.* Inventum per Problema præcedens gradum Solis applica Meridiano, & nota gradum Æquinoctialis, qui Meridiano subjacet, is enim est Ascensio recta Solis quæsitæ. Tum ab Æquinoctiali computa in Meridiano usque ad locum Solis in Ecliptica, & numerus graduum sic inventus est ipsa declinatio Solis, Borea vel Australis, prout Sol ab Æquinoctiali recesserit versus Polum Arcticum vel Antarcticum. Dum vero locus Solis Meridiano adhæret, adjunge indicem horarium horæ duodecimæ Meridianæ. Eodem modo Fixæ cujuscvis locum applicabis Meridiano, & gradus Æquinoctialis culminans erit ipsius Fixæ Ascensio recta; at distantia inter eandem Fixam & Æquinoctialem intercepta est declinatio stellæ Borea vel Australis.

Ex dato loco Solis, ejus Ascensionem rectam & declinationem per calculum Trigonometricum invenire docuimus in Lectione XIX. pag. 379.

Probl. 6. *Altitudinem Solis vel datæ Fixæ Meridianam quadrante, vel alio instrumento idoneo rimari.*

Methodum docuimus observandi Solis vel Stellæ altitudinem, in Lect. XIX. pag. 377.

Probl.

Probl. 7. *Data declinatione, & altitudine Meridiana Solis, vel Fixæ cujusvis; Latitudinem loci, sive elevationem Poli invenire.*

Methodus inveniendi Latitudinem loci ostensa fuit, in Lect. XIX. pag. 378.

Probl. 8. *Data Ascensione recta Solis & Fixæ cujusvis; tempus culminationis ejusdem Fixæ invenire.* Ascensionem rectam Solis aufer ab Ascensione recta Fixæ (suffectis, si opus sit, 360 gradibus); ita restat arcus *Æquatoris* à meridie ad momentum usque culminationis stellæ elapsus. Hunc arcum convertes in tempus, dividendo gradus datos per 15, nam quotus exhibebit *horas*; tum gradus à divisione reliquos multiplicando per 4 efficies *minuta horaria*. Similiter minuta gradibus adhærentia divides per 15, & quotus exhibebit etiamnum *minuta horaria*. Denique minuta à divisione reliqua si multiplices per 4, habebis *secunda horaria*. Constatum ex horis, minutis, & secundis tempus à meridie computatum ostendit ipsam momentum culminationis.

Probl. 9. *Dato loco Solis, vel Fixæ cujusvis; Ascensionem ejus, & Descensionem obliquam necnon amplitudinem ortivam & occiduam invenire.* Datum locum Solis, vel Fixæ ad junge Horizonti ortivo, & nota gradum *Æquatoris*, qui una ascendit; hic enim vocatur Ascensio obliqua Solis, vel stellæ. Tum à cardine Orientis, hoc est, ab intersectione *Æquatoris* & Horizontis ad locum usque Solis, vel Fixæ arcus in Horizonte interceptus est amplitudo sideris ortiva. Sin eundem locum Solis, vel stellæ adjungas Horizonti occiduo; erit gradus *Æquatoris* una descendens Descensio obliqua Solis, vel stellæ. Et à cardine Occidentis, hoc est, ab intersectione altera *Æquatoris* & Horizontis ad sidus usque occidens, arcus in Horizonte numeratus est amplitudo Solis, vel stellæ occidua.

TAB. 41.
fig. 6.

Problema hoc Trigonometrice sic expeditur. Sit HPOP Meridianus, *ÆQ* *Æquator*, HO *Horizon*, P *Polus*, S *Sidus* vel Sol in Horizonte, cujus declinatio est arcus SR, or punctum orientis vel occidentis. In triangulo rectangulo or RS dantur RS declinatio Solis vel sideris, & angulus

lus R or S, quem *Æquator* facit cum *Horizonte*, & est æqualis complemento *Latitudinis* loci, ex quibus dabitur arcus or R, qui est differentia Solis, vel Sideris *Ascensionalis*, quæ est *Ascensioni* rectæ addita, vel ab eadem ablata, prout Sol, vel stella versus Polum depressum, aut elevatum declinat, dabit *Ascensionem* obliquam: & dabitur præterea arcus or S amplitudo Solis, vel Sideris. Differentia *Ascensionalis* quadranti addita, vel ab eodem subducta, prout stella versus Polum elevatum, aut depressum declinat, dat arcum semidiurnum, qui in tempus conversus, dimidiatam moram stellæ supra *Horizontem* ostendet.

Probl. 10. *Data Ascensione Solis, vel Fixæ, recta pariter, atque obliqua; dimidiatam eorum moram supra, vel infra Horizontem, nec non longitudinem diei & noctis, horam item ortus & occasus Solis invenire.* Dati sideris *Ascensionem* rectam aufer ab obliqua, vel obliquam à recta, prout hæc, vel illa major, minorve extiterit; quod restat, est *Differentia Ascensionalis*. Hanc convertes in tempus (quemadmodum supra *Problemate* 8 docuimus) quod, declinante sidere versus Polum elevatum, additum sex horis, declinante autem sidere versus Polum depressum, detractum sex horis, exhibet dimidiatam sideris moram supra *Horizontem*; at hujus complementum ad 12 horas, est dimidiata sideris mora infra *Horizontem*. Dimidiatâ morâ Solis supra *Horizontem*, si computetur à meridie, extabit hora *Occasus* Solis; at dimidiata mora Solis infra *Horizontem*, computata à media nocte exhibet horam *Ortus* Solis. Porro dimidiatâ Solis morâ supra *Horizontem*, si duplicetur, extat *Longitudo* diei; & dimidiata mora infra *Horizontem* duplicata est *longitudo* noctis.

Quod si indicem horarium aptaveris horæ duodecimæ, cum locus Solis est sub *Meridiano*, tum adduxeris locum Solis ad *Horizontem* ortivum, ostendet index horam ortus Solis; eundem vero locum Solis, si adduxeris ad *Horizontem* occiduum, ostendet index horam occasus Solis. Unde porro facile est computare *longitudinem* diei, & noctis.

Probl.

Probl. 11. *Dato tempore culminationis stellæ, & dimidiata ejus mora supra Horizontem; horam ortus & occasus ejusdem stellæ invenire.* Si momento culminationis per Problema 8 invento detrahas dimidiatam stellæ moram supra Horizontem, habebis horam ortus stellæ: at eidem momento culminationis addas dimidiatam stellæ moram supra Horizontem, conflabis horam occasus stellæ, computandam utrobique à meridie. Quod si indicem horarium applices 12 meridianæ, cum locus Solis culminat, tum adducas stellam ad Horizontem ortivum, vel occiduum; ostendet index horam ortus vel occasus stellæ.

Probl. 12. *Invenire gradum Eclipticæ, qui cum data stella oritur, vel occidit, indeque ortum, & occasum stellæ Cosmici, & Achronici patefacere.* Datam stellam adjuuge Horizonti ortivo, vel occiduo, & nota gradum Eclipticæ, qui una oritur, vel occidit. Tum in Horizonte ligneo quære signum, & gradum, quem cum stella oriri, vel occidere deprehenderas, & è regione gradus coorientis reperiens in Calendario (Juliano, vel Gregoriano) mensem & diem ortus stellæ Cosmici. Et si quæras in eodem Horizonte ligneo gradum coorienti gradui oppositum, invenies in Calendario mensem, & diem ortus stellæ Achronici. At è regione gradus cooccidentis reperiens diem occasus Achronici. Denique gradui cooccidenti gradus oppositus patefaciet diem occasus Cosmici.

Problematis solutio Trigonometrica hæc est, sit HO Horizon HZO Meridianus, $\mathcal{A}Q$ \mathcal{A} quator, EC Ecliptica. Punctum \mathcal{V} intersectio \mathcal{A} equatoris & Eclipticæ, A Punctum Eclipticæ, quod cum data stella oritur, punctumque \mathcal{A} equatoris simul oriens sit *or*. In triangulo \mathcal{V} or A datur \mathcal{V} or Ascensio obliqua stellæ, & angulus \mathcal{V} , qui est \mathcal{A} equatoris & Eclipticæ, item angulus \mathcal{V} or A altitudo \mathcal{A} equatoris supra Horizontem, vel ejus complementum ad duos rectos, unde dabitur arcus Eclipticæ \mathcal{V} A, & proinde punctum A, quod simul cum stella oritur; sed per Calendarium aut Ephemerides datur tempus, quando Sol hoc punctum occupat; unde datur tempus, quando stella oritur Cosmice: dabitur

TAB. 41.
fig. 7.

bitur præterea angulus $\angle Aor$, angulus orientis Eclipticæ: Quando Sol tenet punctum Eclipticæ puncto A oppositum, stella oritur Achronice. Simili calculo invenitur tempus occasus Cosmici, aut Achronici.

Probl. 13. *Data latitudine loci, & gradu Eclipticæ, qui cum stella oritur, vel occidit: ortum ejus, & occasum Heliacum definire.* Datam stellam adjuuge Horizonti ortivo, tum quadrantem altitudinis circumduc in plaga occidentali, donec in eo gradus duodecimus (si stella sit magnitudinis primæ) occurrat Eclipticæ; tum nota gradum Eclipticæ, ubi fit occurfus, is enim est, qui 12 gradibus elevatur supra Horizontem occiduum, quando stella oritur; ergo eodem momento gradus Eclipticæ oppositus deprimitur 12 gradibus infra Horizontem ortivum; si quæras hunc gradum in Horizonte ligneo, invenies è regione diem ortus stellæ Heliaci, quo nimirum ex radiis Solis mane emergere incipit. Si stella fuisset magnitudinis secundæ, oportuisset observare gradum Eclipticæ depressum 13 gradibus; pro stella tertiæ magnitudinis 14 grad. depressio requiritur, & sic deinceps. Quod si quæras occasum stellæ Heliacum, adjunges ipsam stellam Horizonti occiduo, & quadrantem altitudinis circumduces in plaga orientali, donec gradus in eo 12 vel 13 (prout stella fuerit magnitudinis primæ, vel secundæ) occurrat Eclipticæ, tum gradum Eclipticæ, in quo fit occurfus, notabis; nam, qui huic opponitur, gradus Eclipticæ totidem gradibus demersus est intra Horizontem occiduum, qui proinde quæsitus in Horizonte ligneo exhibet è regione diem occasus Heliaci.

TAB 41.
fig. 7.

Trigonometricè sic solvitur Problema. In figura præcedentis problematis. Sit A punctum Eclipticæ, quod simul cum stella oritur. Sit \odot punctum Eclipticæ, quod tantum ab Horizonte distat, quantum est arcus visionis pro ortu stellæ Heliaco. In triangulo rectangulo A R \odot datur angulus R A \odot æqualis angulo orientis Eclipticæ, & arcus R \odot , ex quibus invenietur arcus A \odot , qui additus arcui $\angle A$ dat arcum $\angle \odot$, & punctum Eclipticæ \odot , quod Sol tenet, quando

do stella oritur Heliace. Similiter occasus ejus Heliacus reperietur.

Probl. 14. *Data latitudine loci, & loco Solis; initium & finem crepusculi matutini, & vespertini invenire.* Composito globo ad latitudinem loci datam, per Probl. 3, & aptato indice horatio horæ duodecimæ, quando locus Solis est in Meridiano; tum adducto gradu Eclipticæ, qui loco Solis opponitur, ad plagam occidentalem; una manu volves globum, & altera circum duces quadrantem altitudinis, donec oppositus Soli gradus occurrat gradui quadrantis 18: & ostendet index horam initii crepusculi matutini. Sin gradum Soli oppositum adducas ad plagam orientalem, cumque ibi facias occurrere gradui quadrantis 18; ostendet index horam, qua crepusculum vespertinum definit.

Trigonometrica Problematis solutio extat in Lectione XX. pag. 390. 391.

Probl. 15. *Data latitudine loci, & loco Solis, si præterea ex his tribus, nimirum hora diei, vel noctis, nec non Altitudine, & Azimutho Solis, vel stellæ, unicum detur; reliqua duo invenire.* Compose globum ad latitudinem loci datam; locum Solis adijunge Meridiano, & indicem horæ duodecimæ. Tum, si hora detur, adduc indicem voluto globo ad horam datam, firmatoque in isto situ globo, adduc quadrantem ad locum Solis, vel stellæ; & in margine quadrantis habebis altitudinem quæsitam, ad pedem vero quadrantis in horizonte apparebit Azimuthus Solis, vel stellæ, numerandus ab intersectione Meridiani & Horizontis (australi vel septentrionali) ad ipsum utque quadrantis pedem. Sin *altitudo* detur, una manu volves globum, altera circumduces quadrantem; donec locus Solis vel stellæ occurrat dato gradui altitudinis in quadrante: tum index ostendet horam; & pes quadrantis Azimuthum. Dato vero *Azimutho*, adijunge pedem quadrantis ipsi Azimutho dato: & volve globum, donec locus Solis vel stellæ appellat ad marginem quadrantis gradibus distinctum; ostendet Sol ipse, vel stella altitudinem suam in quadrante, & index horam.

Pro-

TAB. 41.
Fig. 8.

Problema per Trigonometriam sic conficitur. Sit ut prius HO Horizon, HPO Meridianus, $ÆQ$ Æquator, Z vertex loci, P Polus, S Stella, cujus distantia à vertice est SZ , & declinatio SP ; quoniam dantur Solis & stellæ Ascensiones rectæ, dabitur eorum differentia, quæ in tempus conversâ dabit tempus culminationis Stellæ. Et arcus, qui metitur angulum $ÆPS$ in tempus conversus, ostendet horam noctis; jam in triangulo ZPS , ex datis ZP distantia verticis à Polo, & PS stellæ declinatione, si præterea detur angulus P , qui ex data hora innotescit, invenietur angulus Z Azimuthus stellæ, & arcus ZS ejus distantia à vertice. Vel si detur arcus ZS complementum altitudinis, dabitur angulus P , ac proinde hora noctis, & angulus PZS stellæ Azimuthus; vel si detur stellæ Azimuthus PZS , invenietur angulus ZPS , qui horam noctis dabit, & arcus ZS , cujus complementum est altitudo Fixæ.

Eadem ratione, ex datis altitudine Solis, ex observatione capta, & ejus declinatione, quæ ex tempore per tabulas innotescet, invenietur angulus $ÆPS$, qui in tempus conversus horam diei ostendet.

Probl. 16. *Datorum in globo terrestri duorum locorum distantiam, & angulum positionis invenire.* Vocemus, docendi gratia, unum datorum locorum *primum*, & alterum *secundum*. Explorata per Probl. 1 loci primi latitudine, compone globum terrestrem ad eam latitudinem, & ipsum locum primum adolve Meridiano, firmatoque globo in isto situ, & aptato quadrante altitudinis ipsi vertici (ubi tunc erit locus primus) adijunge quadrantem loco secundo. Quo facto numerabis gradus *distantiæ* à vertice ad locum usque secundum, & *angulum positionis* in Horizonte inter Meridianum, & pedem quadrantis.

TAB. 41.
Fig. 9.

Trigonometrice sic expeditur Problema. Sit $ÆQ$ Æquator, P Polus, S & s duo loca in Telluris superficie, quorum complementa Latitudinum sint PS , $P s$ data; & quoniam locorum Longitudines dantur, dabitur Longitudinum differentia, scilicet angulus SPs , unde in triangulo SsP quia dantur latera SP , sP cum angulo SPs , invenietur Ss distantia

stantia locorum, quæ in milliaria convertitur, computando pro singulis gradibus milliaria 60. Invenientur quoque anguli $P S s$ & $P s S$, qui sunt positionum anguli.

Similiter in cælo si dantur declinationes, & Ascensiones rectæ duarum Fixarum, dabitur earundem distantia, vel si earum Longitudines & Latitudines sint notæ, innotescet quoque earundem distantia.

Probl. 17. *Dato tempore & loco, Thema cæli erigere.* Composito globo cælesti (vel, si hic absit, terrestri) ad dati loci Latitudinem, investigatum locum Solis dato tempore congruentem adijunge Meridiano, & indicem horæ duodecimæ; tum volve globum, donec index ostendat horam datam: vel si accuratius operari libeat, inventæ per Probl. 5 Ascensioni rectæ Solis adjice gradus, quot compètunt horis & minutis à meridie elapsis, computando pro qualibet hora gradus 15, & pro quaternis minutis horariis gradus singulos, abjectis, si sit opus, gradibus 360; ita constabis Ascensionem rectam mediæ cæli, sive gradum Æquinoctialis dato temporis momento culminantem, idèoque sub Meridiano collocandum. Tum semicirculi positionis extremitates cardinibus Meridiei & Septentrionis affige. Mox à gradu Æquatoris culminante computa in ipso Æquinoctiali versus orientem gradus 30, & per ipsum 30 gradum traduc semicirculum positionis, & observa gradum, quo is secat Eclipticam, is enim est cuspis domus undecimæ, quam adnotabis in charta. Rursus admove semicirculum positionis gradui Æquinoctialis, inde à culminante gradu sexagesimo, & nota gradum, quo secatur Ecliptica, ita acquies cuspide domus duodecimæ, notandam similiter in charta. Deinde transfer semicirculum positionis ad plagam occidentalem, & à gradu Æquatoris culminante computa versus occidentem gradus 30, & per punctum Æquatoris, ubi desinit numeratio, trajice semicirculum positionis, qui, quo loco secat Eclipticam, ostendit cuspide domus nonæ. Denique per gradum Æquatoris inde à Meridiano 60 trajectory semicirculus positionis ostendit in Ecliptica cuspide domus octavæ. Ipse vero Meridianus secat Eclipticam

K k

cam


cam in cuspide decimæ, at Horizon ortivus, quo loco secat Eclipticam, exhibet cuspidem *primæ*, quæ *ascendens* vocatur, & *Horoscopus*; occiduus vero Horizon prodit in eadem Ecliptica cuspidem *septimæ*, quæ quemadmodum è diametro opponitur *primæ*, ita & octavæ opponitur *secunda*, & nonæ *tertia*, & undecimæ *quinta*, & duodecimæ *sexta*.

Probl. 18. *Erecli thematis punctum quodvis ad punctum quodvis dirigere*. Si Planetæ & aspectui cuius locum suum assignes in Zodiaco secundum Longitudinem & Latitudinem, & eligas Planetam quemvis vel gradum Eclipticæ, quem dirigere velis, vocabis hunc, docendi gratia, *locum primum*; & locum, ad quem istum primum dirigere est animus, vocabis *secundum*. Tum per locum primum (qui & *Significator* dici solet) trajice semicirculum positionis, & quo loco is secat Æquinoctialem, eum gradum diligenter notato. Recto autem semicirculo positionis in isto situ, volve globum versus occidentem, donec locus secundus appellat ad semicirculum positionis, & tum vicissim observa gradum Æquinoctialis, qui illi subjacet. Aufer gradum prius notatum à posteriori (suffectis, si opus sit, 360); quod restat, est *arcus directionis* quæsitus.

F I N I S:



TRI-



TRIGONOMETRIÆ
PLANÆ ET SPHÆRICÆ
ELEMENTA:
ITEM
DE NATURA
ET
ARITHMETICA
LOGARITHMORUM
TRACTATUS BREVIS:

TRIANGULUM
 PLANUM SPHAERICUM
 ELEMENTA
 METHEORICORUM
 AD THEOREMA
 COSMOPHYSICUM
 TRACTATUS BREVIS

TRIGONOMETRIÆ

PLANÆ ET SPHÆRICÆ

E L E M E N T A.

DEFINITIONES:

EX datis trianguli lateribus angulos, & ex angulis latera, laterumve rationes, & mixtim assequi, Trigonometriæ munus est. Ad quod præstandum, necesse est, ut non tantum peripheriæ circulares, sed & rectæ lineæ circulis adscriptæ in potas aliquot, & certas partes secari supponantur.

Placuit itaque veteribus Mathematicis, peripheriam circuli in 360 partes (quos gradus appellant) dividere, & unumquemque gradum in 60 minuta prima, & hæc singula in 60 secunda, & rursus horum unumquodque in 60 minuta tertia, & ita continuo partiri. Et angulus quilibet dicitur esse tot graduum & minutorum, quot sunt in arcu, qui angulum illum metitur.

Quidam gradum in partes centesimas, potius quam sexagesimas partiri volunt: & utilius fortasse esset, non gradus, sed & ipsum circulum in decupla ratione scire; quæ divisio forsitan aliquando obtinebit. Verum si circulus constet 360 gradibus, ejus quadrans, quæ est mensura anguli recti, erit harum partium 90. Si circulus in 100 partes secetur, quadrans erit 25 partium.

Complementum arcus est differentia ejus à quadrante.

Chorda, sive *subtensa* est recta linea ab uno arcus termino ad alterum ducta.

Sinus rectus alicujus arcus, qui & simpliciter sinus dici solet,

K k 3

TAB. 42.
fig. 1.

let, est perpendicularis cadens ab uno arcus termino ad radium per alterum terminum ejusdem arcus ductum. Est igitur semisubtensa dupli arcus; scilicet $DE = DO$, & est arcus DO duplus ipsius DB . Hinc sinus arcus 30 gr. æqualis est dimidio radii; nam (per 15 El. 4) latus hexagoni circulo inscripti, hoc est, subtensa 60 gr. æqualis est radio. Sinus dividit radium in duo segmenta CE , EB , quorum unum CE , quod centro & sinu recto intercipitur, est sinus complementi arcus DB ad quadrantem (nam est $CE = FD$, qui est sinus arcus DH), & vocatur *cosinus*. Alterum segmentum BE , quod sinu recto & peripheria intercipitur, vocatur *sinus versus*. Aliquando dicitur arcus *sagitta*.

Quod si per unum arcus terminum D producat a centro recta CG , donec occurrat rectæ BG super diametro ad ejus terminum B perpendiculari vocabitur in Trigonometria, CG *secans*, & BG *tangens* arcus DB .

Cosecans & cotangens arcus est secans vel tangens arcus, qui est complementum alterius ad quadrantem. *Nota*. Sicut eadem est chorda arcus & ejusdem complementi ad circumulum, sic idem est sinus, eadem tangens, eademque secans arcus, & ejusdem complementi ad semicirculum.

Sinus totus est sinus maximus, seu sinus 90 graduum, qui circuli radio æqualis est.

Canon Trigonometricus est tabula, quæ à minuto incipiens, seriatim exhibet, quas habent longitudines singuli sinus tangentes & secantes respectu radii, qui unitatis loco ponitur, & in partes 10 000 000 vel plures decimales dividi intelligitur; adeo ut ope hujus tabulæ, cujuslibet arcus, vel anguli sinus tangens vel secans haberi possit, & vicissim ex dato sinu tangente vel secante dabitur, qui respondet, arcus vel angulus. Observandum est in sequentibus R , esse notam radii, S notam sinus, cos , cosinus, T , notam tangentis, & coT , cotangentis.

CONSTRUCTIO CANONIS.

PROP. I. THEOREMA.

*Datis duobus quibuscumque trianguli rectanguli lateribus,
reliquum quoque dabitur.*

Est enim per 47 Element: primi $AC^2 = AB^2 + BC^2$ TAB. 42.
fig. 2.
& $AC^2 - BC^2 = AB^2$, & vicissim $AC^2 - AB^2 = BC^2$;
unde, per extractionem radicis quadratæ, dabitur $AC =$
 $\sqrt{AB^2 + BC^2}$, & $AB = \sqrt{AC^2 - BC^2}$, & $BC =$
 $\sqrt{AC^2 - AB^2}$.

PROP. II. PROBL.

Dato DE sinu arcus DB, invenire cosinum DF.

TAB. 42.
fig. 2.

Ex datis CD radio, & DE sinu, in triangulo rectangulo
CDE dabitur per præcedentem $CE = \sqrt{CD^2 - DE^2} = DF$.

PROP. III. PROBL.

*Dato DE sinu arcus cuiusvis DB, invenire DM,
vel BM sinum arcus dimidii.*

TAB. 42.
fig. 2.

Dato DE dabitur per præcedentem CE, ac proinde EB,
quæ est differentia inter cosinum & radium. In triangulo
igitur rectangulo DBE, datis DE & EB, dabitur DB, cuius
semis DM est sinus arcus DL =, arcus DB.

PROP. IV. PROBL.

Dato BM sinu arcus BL, invenire sinum dupli arcus.

TAB. 42.
fig. 2.

Dato BM sinu, dabitur per Prop. 2 cosinus CM. Sunt autem
triangula CBM, DBE æquiangula, ob angulos ad E & M
rectos, & angulum ad B communem; quare (per 4. 6) erit
 $CB:CM::BD$, vel $2 BM:DE$. Unde cum dantur tres priores.
hujus analogiæ termini, quartus quoque, qui est sinus arcus
DB, innotescet.

Corol. Est $CB:2 CM::BD:2 DE$; hoc est, radius ad
K k 4 du-

duplum cosinus arcus δ DB, ut subtensa arcus DB ad subtensam dupli arcus. Item est $CB : 2 CM :: (2 BM : 2 DE) :: BM : DE :: \delta CB : CM$; unde dato sinu arcus alicujus, & sinu arcus dupli, dabitur cosinus arcus simpli.

PROP. V.

TAB. 42.
fig. 3.

Datis sinibus duorum arcuum BD, FD, invenire FI sinum summæ arcuum, item EL sinum differentię eorundem.

Ducatur radius CD, & sit CO cosinus arcus FD, qui proinde dabitur. Per O agatur OP parallela ad DK; item ducantur OM, GE parallela ad CB; & ob æquiangulari triangula CDK, COP, CHI, FOH, FOM, est primò $CD : DK :: CO : OP$, quæ itaque innotescet; Item est $CD : CK :: FO : FM$, adeoque & illa nota erit. Sed ob $FO = EO$ erit $FM = MG = ON$. Est itaque $OP \times FM = FI =$ sinui summæ arcuum; & $OP - FM$ hoc est, $OP - ON = EL$ sinui differentię arcuum. Q.E.I.

Coroll. Quia arcuum BE, BD, BF differentię sunt æquales, erit BD arcus medius arithmeticus inter arcus BE, BF.

PROP. VI.

Isdem propositis, radius est ad duplum cosinus arcus medii, ut sinus differentię ad differentiam sinuum extremorum

TAB. 42.
fig. 2

Nam est $CD : CK :: FO : FM$, unde duplicando consequentes $CD : 2 CK :: FO : 2 FM$, vel ad FG, quæ est differentia sinum EL, IF. Q.E.D.

Cor. 1. Si arcus BD sit 60 grad., erit differentia sinuum FI, EL æqualis FO sinui distantię. Nam in eo casu sit CK sinus 30 grad., cujus duplum æquale est radio, adeoque ob $CD = 2CK$ erit $FO = FG$. Adeoque, si duo arcus BE, BF ab arcu 60 gr. æquidistant, erit differentia sinuum æqualis sinui distantię FD.

Cor

Cor. 2. Hinc si dentur sinus omnium arcuum dato intervallo à se invicem distantium ab initio quadrantis usque ad 60 gradus, facile inveniuntur reliqui per unicam additionem. Est enim sinus 61 gr. = sinui 59 gr. + sin. 1 gr., & sinus 62 gr. = sinui 58 gr. + sin. 2 gr. Item sinus 63 gr. = sinui 57 gr. + sin. 3 gr., & ita deinceps.

Cor. 3. Si habeantur sinus omnium arcuum ab initio quadrantis dato intervallo à se invicem distantium usque ad datam quamvis quadrantis partem, dabuntur exinde sinus omnes usque ad hujus partis duplum. *ex. g.* Dentur omnes sinus usque ad 15 gr., per præcedentem analogiam inveniri possunt sinus omnes usque ad 30 gr. Nam est radius ad duplum cosinus 15 gr., ut sinus unius gradus ad differentiam sinuum 14 gr., & 16 gr., ita etiam est sinus 2 gr. ad differentiam sinuum 13 & 17 gr., & ita sinus 3 gr. ad differentiam sinuum 12 & 18 gr.; atque sic continuo usque dum pervenietur ad sinum 30 gr.

Similiter ut radius ad duplum cosinus 30 gr. seu ad duplum sinus 60 gr., ita sinus 1 gr. ad differentiam sinuum 29 & gr.: sin. 2 gr. ad differentiam sinuum 28 & 32 gr.: 3 gr. ad differentiam sinuum 27 & 33 gr. Sed in hoc casu est radius ad duplum cosinus 30 gr., ut 1 ad $\sqrt{3}$, ac proinde, si multiplicentur sinus distantiarum ab arcu 30 gr. per $\sqrt{3}$, dabuntur differentię sinuum.

Similiter in ipso initio quadrantis minutim exquirere possumus sinus; datis sinibus & cosinibus unius & duorum minorum. Nam ut radius ad duplum cosinus 2' : sin 1' : differentiam sinuum 1' & 3' : sin. 2' : differentiam sinuum 0' & 4', hoc est, ad ipsum sinum 4'. Et similiter ex datis sinibus priorum 4' inveniuntur sinus reliqui usque ad 8, & exinde ad 16', & ita deinceps.

PROP. VII. THEOREMA.

In arcubus exiguis sinus & tangens ejusdem arcus sunt quam proxime ad se invicem in ratione æqualitatis.

Nam ob æquiangula triangula CED, CBG erit CE: CB:: TAB. 42.
ED: BG. 4.

ED : BG . Sed accedente puncto D ad B evanescit E B, respectu arcus BD ; unde fit CE fere æqualis CB , adeoque & ED fere æqualis BG . Si EB sit minor radii parte $\frac{1}{1000}$, erit differentia inter sinum & tangentem minor quoque tangentis parte $\frac{1}{1000}$.

Cor. Cum arcus sit tangente minor, sinu autem suo maior, & exigui arcus sinus & tangens sint fere æquales, erit etiam arcus suo sinui, vel tangenti fere æqualis ; adeoque in exiguis arcubus erit, ut arcus ad arcum, ita sinus ad sinum .

PROP. VIII.

Invenire sinum arcus unius minuti .

Latus hexagoni circulo inscripti, hoc est, subtensa 60 graduum æqualis est radio ; (per 15^{am} 4^{ta}) radii itaque femissis erit sinus arcus 30 gr. Dato itaque sinu arcus 30 grad. invenitur sinus arcus 15 gr. (per 3^{iam} hujus) . Item ex dato sinu 15 gr. per eandem invenitur sinus 7 gr. 30 min. , & sinus hujus dimidii 3 gr. 45' similiter invenitur ; & ita deinceps, donec duodecima peracta bisectione, perveniatur ad arcum 52". 44' . 3' . 45' , cujus cosinus fere æqualis est radio, in quo casu (uti constat ex prop. 7) sunt sinus artubus suis proportionales ; adeoque ut arcus 52". 44' . 3' . 45' ad arcum unius minuti, ita erit sinus prius inventus ad sinum arcus unius minuti, qui igitur dabitur .

Dato sinu unius minuti ; invenietur per prop. 2 & 4 sinus duorum minorum ejusque cosinus .

PROP. IX. THEOREMA :

Si angulus BAC in peripheria circuli existens bisecetur rectâ AD, & producat AC, quoad DE = AD ipsi occurrat in E; erit CE = AB .

TAB. 42.
fig. 5.

In quadrilatero ABDC (per 22. 3) sunt anguli B & ACD æquales duobus rectis = DCE + DCA (per 13. 1), unde erit angulus B = DCF. Quin etiam est angulus E = DAC (per 5. 1) = DAB, & est DC = DB ; quare triangula BAD & CED sunt congrua, & CE est æqualis AB. Q. E. D.

PROP.

PROP. X. THEOREMA.

Sint arcus AB, BC, CD, DE, EF &c. æquales, arcusque AB, AC, AD, AE &c. subtense ducantur; erit $AB:AC::AC:AB+AD$;
 $AD:AC+AE::AE:AD+AF$;
 $AF:AE::AE:AG$.

TAB. 42.
 fs 2.

Producantur AD in H , AE in I , AF in K , & AG in L , ut triangula ACH, ADI, AEK, AFL sint isoscelia. Et quoniam angulus BAD bisectus est, fiet $DH=AB$ per præcedentem. Similiter erit $EI=AC, FK=AD$, item $GL=AE$.

Sed triangula isoscelia ABC, CAH, DAI, EAK, FAL , ob angulos ad bases æquales, sunt æquiangula. Quare erit, ut $AB:AC::AC:AH=AB+AD::AD:AI=AC+AE::AE:AK=AD+AF::AF:AL=AE+AG$. Q. E. D.

Corol. Quoniam est AB ad AC , ut radius ad duplum cosinus arcus AB , (per corol. prop. 5) erit quoque, ut radius ad duplum cosinus arcus AB , ita $AB:AC::AC:AB+AD::AD:AC+AE::AE:AD+AF$ &c. Sint jam arcus AB, BC, CD &c. singula $2'$, erit AB sinus unius minuti, AC sinus $2'$, AD sinus $3'$, AF sinus $4'$ &c. Unde, datis sinibus unius & duorum minutorum, sinus omnes reliqui sic facillime habentur.

Dicatur cosinus arcus unius minuti, hoc est, sinus arcus $89, gr. 59' Q$, & fiant sequentes analogiæ. $R:2Q::\sin, 2':\sin, 1'=\sin, 3'$; quare dabitur sinus $3'$. Item $R:2Q::S, 3':S, 2'+S, 4'$; quare dabitur $S, 4'$.

Item $R:2Q::S, 4':S, 3'+S, 5'$; quare habetur sinus $5'$.

$R:2Q::S, 5':S, 4'+S, 6'$; proinde dabitur $S, 6'$. Atque ita deinceps ad singula quadecim minuta dabuntur sinus. Et quoniam radius seu primus analogiæ terminus est unitas; operationes per multiplicationem contractam & subductionem facillime expediuntur.

Inventis sinibus usque ad gradum sexagesimum, reliqui sinus per solam additionem habentur (per cor. 1 pr. 5).

Datis sinibus, tangentes & secantes ex analogiis sequentibus

TAB 42.
Fig. 1.

tibus inveniri possunt. Ob æquiangula triangula CED, CBG, CHI.

CE : ED :: CB : BG; hoc est, $\cos S : S :: R : T$.

GB : BC :: CH : HI; h. e, $T : R :: R : \cos T$.

CE : CD :: CB : CG; h. e, $\cos S : R :: R : \secant$.

DE : CD :: CH : CI; h. e, $S : R :: R : \cos \secant$.

SCHOLIUM.

Magnus ille Geometra, summusque Philosophus Dominus Nevvtonus primus series in infinitum convergentes exhibuit, quibus, ex datis arcubus, eorum sinus computari possint. Nam si arcus dicatur A, & radius sit unitas, invenit, ejus sinum fore

$$A - \frac{A^3}{6} + \frac{A^5}{120} - \frac{A^7}{5040} + \frac{A^9}{362880} - \dots$$

1.2.3 1.2.3.4.5 1.2.3.4.5.6.7 1.2.3.4.5.6.7.8.9.

&c., cosinum autem esse

$$1 - \frac{A^2}{2} + \frac{A^4}{24} - \frac{A^6}{720} + \frac{A^8}{40320} - \dots$$

1 1.2 1.2.3.4. 1.2.3.4.5.6 1.2.3.4.5.6.7.8

Hæ series initio quadrantis, cum arcus A parvus est, celerissime convergunt. Nam in serie pro sinu, si A non superet decem minuta, duo primi ejus termini, scil. A — $\frac{A^3}{6}$ dant sinum ad 15 figurarum loca, si arcus A non major sit gradu, tres primi exhibent sinum ad totidem loca, adeoque pro primis & ultimis quadrantis sinibus hæ series sunt admodum utiles. Sed quo major sit arcus A, eo pluribus opus est terminis, ut inveniatur sinus in numeris, qui sunt veri ad datum figurarum locum. Tandem autem lentissime convergunt series, cum arcus fere æqualis est radio. Cui rei ut remedium adferatur, ego alios excogitavi series Nevvtonianis similes, in quibus suppono, arcum, cujus sinus quæritur, esse summam vel differentiam duorum arcuum, scil. esse A + z vel A — z, notosque esse sinum & cosinum arcus A. Scil. sit a sinus arcus A, & b ejus cosinus. Sinus arcus A + z per hanc seriem exprimitur

1. a

$$1. a + \frac{bz}{1} + \frac{az^1}{1.2} + \frac{bz^1}{1.2.3} + \frac{az^1}{1.2.3.4} + \frac{bz^1}{1.2.3.4.5} + \text{\&c.}$$

$$2. \text{Ejus cosinus } b - \frac{az^1}{1} + \frac{bz^1}{1.2} - \frac{az^1}{1.2.3} + \frac{bz^1}{1.2.3.4} - \text{\&c.}$$

$$\text{Similiter sinus arcus } A - z \text{ est}$$

$$\frac{bz}{1} - \frac{az^1}{1.2} + \frac{bz^1}{1.2.3} - \frac{az^1}{1.2.3.4} + \frac{bz^1}{1.2.3.4.5} - \text{\&c.}$$

$$3. a - \frac{az^1}{1} + \frac{bz^1}{1.2} - \frac{az^1}{1.2.3} + \frac{bz^1}{1.2.3.4} - \frac{az^1}{1.2.3.4.5} + \text{\&c.}$$

$$\text{Et cosinus est}$$

$$\frac{az^1}{1} - \frac{bz^1}{1.2} + \frac{az^1}{1.2.3} - \frac{bz^1}{1.2.3.4} + \frac{az^1}{1.2.3.4.5} - \text{\&c.}$$

$$4. b + \frac{az^1}{1} - \frac{bz^1}{1.2} + \frac{az^1}{1.2.3} - \frac{bz^1}{1.2.3.4} + \frac{az^1}{1.2.3.4.5} - \text{\&c.}$$

Arcus A est medius Arithmeticus inter arcus A - z & A + z. Differentia sinuum sunt

$$5. \frac{bz}{1} - \frac{az^1}{1.2} + \frac{bz^1}{1.2.3} - \frac{az^1}{1.2.3.4} + \frac{bz^1}{1.2.3.4.5} - \frac{az^1}{1.2.3.4.5.6} + \text{\&c.}$$

$$6. \frac{2az^1}{1.2} - \frac{2az^1}{1.2.3} + \frac{2az^1}{1.2.3.4} - \frac{2az^1}{1.2.3.4.5} + \frac{2az^1}{1.2.3.4.5.6} - \text{\&c.}$$

Unde differentiarum differentia, seu differentia secunda

$$7. \text{prodit}$$

$$\frac{2az^1}{1.2} \times Z^1 - \frac{2az^1}{1.2.3} Z^1 + \frac{2az^1}{1.2.3.4} Z^1 - \frac{2az^1}{1.2.3.4.5} Z^1 + \text{\&c.}$$

Quae series equalis est duplo sinus arcus medij ducto in sinum versum arcus Z, & celerrime convergit. Adeo ut si

In his itaque proportionalibus si dantur tres quælibet , per
Regulam Trium inveniatur quarta .

P R O P. XII.

*Trianguli plani latera sunt , ut sinus angulorum
oppositorum .*

Trianguli circulo inscripti latera perpendicularibus radiis bisecentur , & erunt semilatera sinus angulorum ad periphe- TAB. 42.
riam . Est enim angulus BDC ad centrū duplex anguli BAC fig. 9.
ad peripheriam (per 20 El. 3) ; cuiusque itaque dimidium , sc.
BDE æquale est BAC , atque ejus sinus est BE . Eadem
ratione erit BF sinus anguli BCA , & AG erit sinus an-
guli ABC .

In triangulo rectangulo est BD = BC = radio (per 31 fig. 10.
El. 3) ; sed radius est sinus anguli recti unde BC est sinus
anguli A .

In triangulo amblygonio , ductis BL, CL, erit angulus fig. 11.
L complementum anguli A ad duos rectos (per 22 El. 3) , ac
proinde idem erit utriusque anguli sinus . Est autem BDE (cu-
jus sinus est BE) = angulo L ; quare erit & BE sinus anguli
BAC . Sunt itaque in omni triangulo semisses laterum sinus
angulorum oppositorum ; manifestum autem est , latera esse in-
ter se , ut ipsorum semisses . Q. E. D.

P R O P. XIII.

*In triangulo plano summa crurum , differentia crurum , tan-
gens semisummæ angulorum ad basim , & tangens semi-
differentiæ eorundem sunt proportionales .*

Sit triangulum ABC, cujus crura AB, BC, & basis AC; pro- TAB. 42.
ducatur AB ad H, ut sit BH = BC; erit AH summa crurum ; fig. 12.
fiat BI = BA , & erit IH differentia crurum . Item est HBC
angulus = angulis A + ACB (per 32 El. 1) , cujus itaque di-
midium EBC = semisummæ angulorum A & ACB, ejusque
tangens (posito radio = EB) est EC . Ducatur BD ad AC
parallela, fiatque HF = CD, & ob HB = CB erit (per 4 El. 1)
angu-

angulus $HBF = CBD = BCA$ (per 29 El. 1). Est etiam angulus $HBD =$ angulo A : unde erit FBD differentia angulorum A , & ACB , & EBD eorum semidifferentia, cujus tangens est ED . Per I ducatur IG parallela ad AC , vel BD , & fiet (per 2 El. 6) $AB : BI :: CD : DG$. At est $AB = BI$, unde erit & $CD = DG$. At est $CD = HF$, unde $HF = DG$, & proinde $HG = DF$, & $!HG = !DF = DE$. Et quia triacula AHC IHG sunt æquiaugula, erit $AH : IH :: HC : HG :: !HC : !HG :: EC : ED$; hoc est, erit AH summa crurum ad IH differentiam crurum, ut EC , tangens semissis summæ angulorum ad basim, ad ED tangentem semissis differentiæ eorundem. $Q.E.D.$

P R O P. XIV.

In triangulo plano basis, summa laterum, differentia laterum, differentia segmentorum basis sunt proportionales.






TAB. 43. fig. 1. Trianguli BCD basis esto DC . Centro B , radio BC describatur circulus, & producat DB in G ex puncto B in basin cadat perpendicularis BE , erit $DG = DB \times BC =$ summæ laterum, & $DH =$ differentiæ laterum, & segmenta basis sunt DE, CE , quorum differentia est DF . Quoniam (per cor. prop. 38 El. 3) rectangulum sub DC, DF æquale est rectangulo sub DG, DH , erit (per 16 El. 6) $DC : DG :: DH : DF$.

P R O B L E M A:

Datis duarum quarumvis quantitatum summa & differentia, ipsas quantitates invenire.

TAB. 43. fig. 2. Si ad semisummam addatur semidifferentia, aggregatum erit æquale majori; si autem à semisumma subducatur semidifferentia, residuum erit æquale minori. Sint enim AB, BC duæ quantitates, & capiatur $AD = BC$. Fiet DB differentia, quarum summa est AC , quæ bisecta in E dat AE , vel EC .

Y



X

EC semisummam, & DE vel EB semidifferentiam. Porro est $AB = AE + EB = \text{semisummæ} + \text{semidifferentiâ}$, & $BC = CE - EB = \text{semisummæ} - \text{semidifferentiâ}$.

IN quovis triangulo plano datis duobus angulis, datur tertius, qui est summæ duorum reliquorum complementum ad duos rectos.

In triangulo autem rectangulo, dato alterutro angulo acuto, datur reliquus, qui est dati complementum ad rectum.

Datis autem duobus trianguli rectanguli lateribus, ut inveniat reliquum, non opus est canone, sed perficitur, ope prop. primæ hujus.

Trianguli rectanguli solutiones Trigonometricæ sunt, quæ sequuntur.

	Datis	Quer.	Fiat
1	AB, BC cruribus,	Anguli.	$AB : BC :: R : T$, anguli A, cujus complementum est angulus C.
2	AB, AC crure, & Hypoten.,	Anguli.	$AC : AB :: R : S$, C, cujus complementum est angulus A. TAB. 43. fig. 1.
3	AB, & A crure, & angulo,	BC crus alterum.	$R : T, A :: AB : BC$.
4	AB, & C crure, & angulo,	AC Hypotenu- sa.	$S, C : R :: AB : AC$.

*In triangulis obliquangulis.*TAB. 43.
fig. 4.

	Datis	Quer.	Fiat
1	A, B, C, & AB, angulis, & latere,	AC, & BC latera.	S, C: S, A:: AB: BC. Item S, C: S, B:: AB: AC. Datis duobus angulis, datur tertius; unde caesus, cum dantur duo anguli & latus, reliqua quærentur, recidit in hunc casum.
2	A, B, C, omnibus angulis,	AB, AC, BC omnia latera.	S, C: S, A:: AB: BC. Et S, C: S, B:: AB: AC. Unde datis angulis, invenire licet proportionales laterum, at non ipsa latera, nisi ipsorum unum prius innotescat.
3	AB, BC, & C, duobus lateribus, & angulo uni opposito,	A, & B anguli.	AB: BC: S, C: S, A, qui proinde inveniat. Sed quia idem est sinus anguli, & ejus complementi ad duos rectos, præposcenda est anguli A species.
4	AB, BC, & B, lateribus duobus, & angulo interjecto,	Anguli A, & C	$AC + AB: BC - AB::$ $T, A + C: T, A - C$ unde datur $\frac{2}{2}$ differentia angulorum A & C, quorum summa quoque est nota; & proinde per <i>Problema post prop. 14</i> dabuntur ipsi anguli.
5	AB, BC, AC omnibus lateribus,	Anguli.	Demisso à vertice, in basim perpendiculo, quærantur segmenta basis per prop. 14. Fiat scil. BC: AC + AB:: AC - AB: DC - DB, & ex hac analogia dabuntur BD, DC; & proinde per resolutionem triangulorum rectangulorum ABD, ADC dabuntur anguli.

fig. 5.

TRI-

TRIGONOMETRIÆ

SPHÆRICÆ

ELEMENTA.

DEFINITIONES.

1. **S**phæræ poli sunt duo puncta in superficie sphæricæ, quæ sunt axis extrema.
2. Polus circuli in sphæra est punctum in superficie sphæricæ, à quo omnes rectæ lineæ ad circuli circumferentiam tendentes sunt inter se æquales.
3. Circulus in sphæra maximus est, cujus planum transit per sphæræ centrum, & cujus centrum idem est cum centro sphæræ.
4. Triangulum sphæricum est figura compræhensa sub arcibus trium maximorum in sphæra circularum.
5. Angulus sphæricus est is, qui in superficie sphæricæ continetur sub duobus arcibus maximorum circularum; qui æqualis est inclinationi planorum illorum circularum.

PROP. I.

Circuli maximi ACB, AFB se bifariam secant.

TAB. 43.
fig. 6.

Cum enim circuli habeant idem centrum, communis eorum sectio erit utriusque circuli diameter, quæ eos bifariam secabit.

Cor. Hinc in superficie sphæræ, duo maximorum circularum arcus semicirculis minores spatium non compræhendunt; non enim possunt, nisi in duobus punctis semicirculo oppositis, sibi invicem occurrere.

PROP. II.

TAB. 43. Si à polo C circuli cujusvis AFB ducatur ad ejus centrum recta CD , ea ad planum istius circuli perpendicularis erit.

fig. 6.

In circulo AFB ducantur diametri quævis EF , GH ; & quoniam in triangulis CDF , CDE sunt CD , DF æquales CD , DE , & basi CF æqualis basi CE (per def. 2); erit (per 4 El. 1) angulus CDF = angulo CDE ; ac proinde, uterque rectus erit. Similiter demonstrabitur, angulos CDG , CDH esse rectos; unde (per 4 El. 11) erit CD perpendicularis ad planum circuli AFE . Q.E.D.

Cor. 1. Circulus maximus distat à polo suo intervallo quadrantis; nam ob angulos CDG , CDE rectos, erunt ipsorum mensuræ, sc. arcus CG , CE quadrantes.

Cor. 2. Circuli maximi per polum alterius circuli transeunt, cum ipso faciunt angulos rectos; & vicissim, si cum altero circulo faciunt angulos rectos, transibunt per polum alterius istius circuli; nam per rectam DC eos transire, necesse est.

PROP. III.

TAB. 43. Si polo A describatur maximus circulus ECF , arcus CF interceptus inter AC , AF est mensura anguli CAF vel CBF .

fig. 6.

Per corol. 1 præcedentis, sunt arcus AC , AF quadrantes, ac proinde anguli ADC , ADF sunt recti; quare (per defin. 6 El. 11) angulus CDF (cujus mensura est arcus CF) æqualis est inclinationi planorum ACB , AFB , æqualis quoque angulo sphærico CAF , vel CBF . Q.E.D.

Cor. 1. Si arcus AC , AF sunt quadrantes, erit A polum circuli per puncta C , & F transeuntis; est enim AD ad planum FDC normalis, (per 4 El. 11)

Cor. 2. Anguli ad verticem sunt æquales, uterque enim est æqualis inclinationi circulorum. Item anguli, qui sunt deinceps, sunt æquales duobus rectis.

PROP.

PROP. IV.

Triangula erunt æqualia & congrua, si duo latera habeant duobus lateribus æqualia, & angulos æqualibus lateribus comprehensos etiam æquales.

PROP. V.

Item triangula erunt æqualia & congrua, si latus cum angulis adjacentibus in uno triangulo sit æquale lateri cum angulis adjacentibus in altero triangulo.

PROP. VI.

Triangula æquilatæ sunt etiam æquiangula.

PROP. VII.

In triangulis isoscelibus anguli ad basim sunt æquales.

PROP. VIII.

Si anguli ad basim fuerint æquales, erit triangulum isosceles.

Eodem modo demonstrantur quatuor propositiones præcedentes, ut in triangulis planis.

PROP. IX.

Quælibet duo trianguli latera reliquo sunt majora;

Nam arcus circuli maximi, inter duo quælibet in superficie sphaeræ puncta, est via brevissima.

PROP. X.

Quodlibet trianguli latus minus est semicirculo.

Producantur trianguli ABC latera AC, AB, donec conveniant TAB. 43. in D; erit arcus ACD semicirculus, qui major est quam AC. *fig. 7.*

PROP. XI.

Trianguli latera sunt circulo minora.

Est enim DB + DC major quam BC, (per prop. 9), & TAB. 43.

L 1 3

utrin- *fig. 7.*

534 TRIGONOMETRIÆ SPHÆRICÆ
 trique addendo $BA + AC$, erit $DBA + DCA$, hoc est, circulus major quam $AB + BC + AC$, quæ sunt tria latera trianguli ABC .

TAB. 43.
 fig. 8.

P R O P. XII.

In triangulo ABC major angulus A majori lateri subtenditur.

Fiat angulus $BAD =$ angulo B , & erit $AD = BD$ (per 8 hujus); unde $BDC = DA + DC$, & hi arcus majores sunt quam AC . Est itaque latus BC , quod subtendit angulum BAC , majus quam AC , quod subtendit angulum B .

TAB. 43.
 fig. 7.

P R O P. XIII.

In quolibet triangulo ABC , si summa crurum AB, BC sit major, æqualis, vel minor semicirculo, internus angulus ad basim AC erit major, æqualis, aut minor externo, & opposito BCD ; ideoque summa angularum A , & ACB major erit, aut æqualis, aut minor duobus rectis.

Sit primò $AB + BC =$ semicirculo AD ; erit $BC = BD$, & anguli BCD , & D æquales (per 8 hujus): unde & angulus BCD erit $=$ angulo A .

Sit secundò $AB + BC$ major quam ABD ; erit BC major quam BD ; unde & angulus D (hoc est angulus A) major erit angulo BCD (per 12 hujus). Similiter ostendetur, si $AB + BC$ sint simul minores semicirculo, fore angulum A minorem angulo BCD : & quoniam anguli BCD , & BCA sunt $=$ duobus rectis, si angulus A sit major BCD , erunt A , & BCA majores duobus rectis. Si A sit $= BCD$, erunt A , & BCA æquales duobus rectis. Si vero A sit minor quam BCD , erunt A , & BCA minores duobus rectis. Q. E. D.

P R O P. XIV.

TAB. 43.
 fig. 9. *In quolibet triangulo GHD laterum poli, ductis circulis maximis, constituunt aliud triangulum XMN , quod supplementum est trianguli GHD ; nempe latera NX, XM , & NM erunt supplementa*

menta ad semicirculos arcuum, qui sunt mensura angularum D, G, H. Quin etiam mensura angularum M, X, N erunt supplementa ad semicirculos laterum GH, GD, & HD.

Polis G, H, D describantur maximè circuli XCAM, TMNO, XKBN. Et quia G est polus circuli XCAM, erit GM = quadranti (per cor. 1 prop. 2), & ob H polum circuli TMO, erit HM quoque quadrans; quare (per corol. 1 prop. 3) erit M polus circuli GH. Similiter quia D est polus circuli XBN, & H polus circuli TMN, erunt arcus DN, HN quadrantes; ac proinde (per cor. 1 prop. 3) N erit polus circuli HD. Et eadem ratione, ob GX, DX quadrantes, erit X polus circuli GD. Hiæ præmissis;

Quoniam est NK = quadranti (cor. 1 prop. 2), & XB = quadranti, erunt NK + XB, hoc est NX + KB = duobus quadrantibus, seu semicirculo; adeoque est NX supplementum arcus KB, seu mensuræ anguli HDG, ad semicirculum. Similiter quia est MC = quadranti, & XA = quadranti; erunt MC = XA, hoc est XM + AC = duobus quadrantibus, seu semicirculo; & proinde XM est supplementum arcus AC, qui est mensura anguli HGD. Quinetiam, ob MO, NT quadrantes, erunt MO + NT = OT + NM = semicirculo. Itaque est NM supplementum ad semicirculum arcus OT, seu mensuræ anguli GHD. Q. E. D.

Præterea quia DK, HT sunt quadrantes, erunt DK + HT, seu KT + HD æquales duobus quadrantibus, seu semicirculo. Est ergo KT, seu mensura anguli XNM, supplementum lateris HD ad semicirculum. Nec dissimili methodo ostendetur, OG mensuram anguli XMN esse supplementum lateris GH, & BA mensuram anguli X esse supplementum lateris GD. Q. E. D.

P R O P. XV.

Triangula æquiangula sunt etiam æquilatera.

Nam eorum supplementa sunt æquilatera (per 14 hujus);

L I 4

ergo

ergo & æquiangula, quare & ipsa sunt æquilatera (per prop. 14 partem secundam).

P R O P. XVI.

*Trianguli tres anguli sunt majores duobus rectis,
& minores sex rectis.*

TAB. 43. Nam tres mensuræ angulorum G, H, D una cum tribus lateribus trianguli XNM faciunt tres semicirculos (per 14 hujus): sed tria latera trianguli XNM minora sunt duobus semicirculis (per 11 hujus); quare tres mensuræ angulorum GHD majores sunt semicirculo, & proinde anguli G, H, D majores erunt duobus rectis.

Propositionis secunda pars patet, nam in quolibet triangulo externi & interni anguli simul tantum faciunt sex rectos; unde interni sunt minores quam sex recti.

P R O P. XVII.

TAB. 43. Si à puncto R, quod circuli AFBE polus non est, in circumferentiam cadant arcus maximorum circulorum RA, RB, RG, RV, maximus est RA, qui per ejus polum C incedit; reliquis vero minimus; ceteri, prout a maximo recedunt, minores sunt, faciuntque cum priore circulo AFB angulum obtusum ex parte maximi arcus.

Quia C est polus circuli AFB, erunt CD, & huic parallela RS perpendiculares ad planum AFB. Ductis autem SA, SG, SV, erit (per 7 El. 3) SA major quam SG, & SG major quam SV. Unde in triangulis rectangulis planis RSA, RSG, RSV erunt $RS' + SA'$, seu RA' majora quam $RS' + SG'$, seu RG' ; & proinde RA major erit RG; & arcus RA major arcu RG. Similiter erunt $RS' + SG'$ seu RG' majora quam $RS' + SV'$, seu RV' , & proinde RG major RV, & arcus RG major arcu RV.

2do.

2do. Est angulus RGA major angulo CGA , qui rectus est (per corol. prop. 3), & angulus RVA major angulo CVA , qui quoque rectus est; quare anguli RGA , RVA sunt obtusi.

P R O P. XVIII.

In triangulo rectangulo ad A crura angulum rectum continentia sunt ejusdem affectionis cum angulis oppositis, hoc est, si crura sint majora, aut minora quadrantibus, anguli illis oppositi erunt majores, aut minores rectis angulis. TAB. 53. fig. 6.

Nam si AC sit quadrans, C erit polus circuli AFB , & anguli AGC , vel AVC erunt recti. Si crus AR sit majus quadrante, erit angulus AGR major recto (per 17 hujus). Si crus sit minus quadrante, ut AX , angulus AGX erit minor recto.

P R O P. XIX.

Si duo crura trianguli rectanguli (& consequenter anguli) sint ejusdem affectionis, id est, utrumque vel majus, vel minus quadrante, hypotenusa erit minor quadrante.

In triangulo ARV , vel BRV sit F polus cruris AR , & erit RF quadrans, qui major est quam RV (per 17 hujus.) TAB. 43. fig. 6.

P R O P. XX.

Si sint diversæ affectionis, hypotenusa erit major quadrante.

Nam in triangulo ARG , est RG major quam RF , qui est quadrans.

P R O P. XXI.

Si hypotenusa sit major, vel minor quadrante, crura anguli recti, ideoque & anguli oppositi sunt ejusdem, aut diversæ affectionis.

Hæc

Hæc propositio est priorum conversa, & facile ex iisdem sequitur.

P R O P. XXII.

TAB. 41.
fig. 10. 11.

In quovis triangulo ABC, si anguli B & C ad basim sunt ejusdem affectionis, perpendicularis AP cadet intra triangulum; si sint diversæ affectionis, perpendicularis cadet extra triangulum.

In primo casu, si perpendicularis non cadat intra, cadet extra triangulum (ut in fig. 11). Tum in triangulo ABP est AP ejusdem affectionis cum angulo B; & similiter in triangulo ACP est AP ejusdem affectionis cum angulo ACP; ergo cum ABC, & ACP sunt ejusdem affectionis, erunt anguli ABC, & ACB diversæ affectionis; quod est contra hypothesein.

In 2do casu si perpendicularis non cadat extra, cadet intra (ut in fig. 10), & in triangulo ABP est angulus B ejusdem affectionis cum crure AP, & similiter in triangulo ACP est angulus C ejusdem affectionis cum AP, unde anguli B & C sunt ejusdem affectionis, quod est contra hypothesein.

P R O P. XXIII.

TAB. 42.
fig. 12.

In triangulis BAC, BHE rectangulis ad A, & H, si idem fuerit angulus acutus B ad basim BA, vel BH, sinus hypotenusarum erunt sinibus arcuum perpendicularium proportionales.

Nam rectæ CD, EF perpendiculariter insistentes eidem plano sunt parallelæ. Item FR, DP radio OB perpendiculares, sunt quoque parallelæ; unde & plana triangulorum EFR, CDP sunt parallelæ (per 15 El. 11); quare & CP, ER horum planorum communes sectiones cum plano per BE, CO transeunte parallelæ erunt (per 16 El. 11). Triangula igitur CDP, EFR æquiangulara erunt. Quare CP sinus Hypotenuse BC est ad CD sinum arcus perpendicularis CA, ut ER sinus Hypotenuse BE est ad EF sinum arcus perpendicularis EH. Q.E.D.

PROP.

P R O P. XXIV.

Iisdem positis, AQ, HK sinus basium tangentibus LA, GH arcuum perpendicularium sunt proportionales. TAB. 43.
fig. 12.

Nam similiter, ut in præcedente propositione, ostendetur, triangula QAI, KHG esse æquiangula; unde $QA : AI :: KH : HG$.

P R O P. XXV.

In triangulo ABC rectangulo ad A, ut cosinus anguli Bextensis ad basim BA ad sinum anguli verticalis ACB, ita cosinus arcus perpendicularis ad radium.

Præparatio. Producantur latera BA, BC, CA ita, ut BE, TAB. 43. BF, CI, CH sint quadrantes. Polis B & C ducantur circuli fig. 13. maximi EFDG, IHG, & erunt anguli ad EFI, & H recti. Quare D est polus BAE (per cor. 2 pr. 2 hujus), & G polus IFCB, erit etiam AE = complemento arcus BA; item FE mensura anguli B = GD, & DF eorum complementum; erit quoque BC = FI = mensuræ anguli G, & CF eorum complementum. Item est CA = HD, & DC utriusque complementum. Hisce præmissis, in triangulis HIC, DCF rectangulis ad I, & F, & habentibus eundem angulum C acutum, ob BA minorem quadrante, erit S, DF : S, HI :: S, DC : S, HC, id est, cosinus anguli B est ad sinum anguli verticalis BCA, ut cosinus CA ad radium. Q. E. D.

P R O P. XXVI.

Cosinus basis : cosinus, hypotenusæ :: R : cosinus, perpendicularis.

Nam in triangulis AED, CFD rectangulis ad E, & F, TAB. 43. habentibus eundem angulum D acutum, ob AE quadrante minorem, est S, EA : S, CF :: S, DA : S, DC. Q. E. D.

PROP.

P R O P. XXVII.

S, baseos : R :: T, perpendicularis : T, anguli ad basim.

TAB. 43. fig. 13. Nam in triangulis BAC, BEF rectangulis ad A, & E, & habentibus eundem angulum B acutum, ob BC minorem quadrante, S, BA : S, BE :: T, AC : T, EF. Q. E. D.

P R O P. XXVIII.

CoS, anguli verticalis : R :: T, perpendicularis : T, hypotenuse.

TAB. 43. fig. 13. In triangulis GIF, GHD rectangulis ad I, & H, & habentibus eundem angulum G acutum, ob HD minorem HC, seu quadrante, est S, GH : S, GI :: T, HD : T, IF.

P R O P. XXIX.

S, hypotenuse : R :: S, perpendicularis : S, anguli ad basim.

TAB. 43. fig. 13. In triangulis præcedentibus est S, IF : S, GF :: S, HD : S, GD.

P R O P. XXX.

Radius : coS, hypotenuse :: T, anguli verticalis : coT, anguli ad basim.

TAB. 43. fig. 13. In triangulis HIC, DFC rectangulis ad I, & F, & habentibus eundem angulum C acutum, ob DF minorem quadrante, est S, CI : S, CF :: T, HI : T, DF; hoc est, R : coS, BC :: T, C : coT, anguli B.

Propositiones sex præcedentes ad omnes casus triangulorum rectangulorum resolvendos sufficiunt; sequuntur illi numero sexdecim cum suis analogiis ex hisce deductis.
Datis

	Datis præter ang. rectum.	Quær.		
1	AC, & C,	B.	R:coS, CA::S, C:coS, Bejusdem speciei cum CA.	per 25. TAB. 41. in verfe. fig. 11.
2	AC, & B,	C.	coS, CA:R::coS, B:S, Cambigui.	per 25.
3	B, & C,	AC.	S, C:coS, B::R:coS, CA ejusdem speciei cum ang. B.	per 25, & 18.
4	BA, CA,	BC.	R:coS, BA::coS, AC:coS, BC. Si BA, AC fuerint ejusdem affectionis, nec quadrantes, erit BC minor quadrante; si diverfæ, erit BC quadrante major.	per 26, & 19, 20.
5	BA, BC,	AC.	coS, BA:R::coS, BC:coS, CA. Si BC fit major, aut minor quadrante, BA & CA erunt ejusdem, aut diverfæ affectionis; fed datur BA, ejusque species; ergo.	per 26, & 21.
6	BA, CA,	B.	S, BA:R::T, CA:T, B ejusdem affectionis cum latere oppofito CA.	per 27, & 18.
7	BA, B,	AC.	R:S, BA::T, B:T, AC ejusdem speciei cum B.	per 27, & 18.
8	AC, B,	BA.	T, B:R::T, CA:S, BA ambigui.	per 27.
9	BC, C,	AC.	R:coS, C::T, BC:T, CA. Si BC fit major, aut minor quadrante, anguli C, & B funt ejusdem, aut diverfæ affectionis. Quare data specie ang. B, dabitur AC.	per 28, & 21.
10	AC, C,	BC.	coS, C:R::T, AC:T, BC. Prout ang. C & AC fuerint ejusdem, aut diverfæ affectionis, BC erit minor, aut major quadrante.	per 28, 20, 21.

Da

	Datis præter ang. rectum	Quær.	
11	BC, AC,	C.	T, BC : R :: T, CA : coS, C. Si BC fuerit major, aut minor quadrante, CA, & BA, & proinde anguli erunt ejusdem, aut diversæ affectionis; sed datur species CA, ergo dabitur species anguli C.
12	BC, B,	AC.	R : S, BC :: S, B : S, AC ejusdem speciei cum B.
13	AC, B,	BC.	S, B : S, AC :: R : S, BC ambigui.
14	BC, AC,	B.	S, BC : R :: S, AC : S, B ejusdem speciei cum CA.
15	B, C,	BC.	T, C : R :: coT, B : coS, BC. Prout anguli B, & C ejusdem, aut diversæ affectionis fuerint, erit BC minor, aut major quadrante.
16	BC, C,	B.	R : coS, BC :: T, C : coT, B, Prout BC fuerit minor, aut major quadrante, anguli C, & B erunt ejusdem, aut diversæ affectionis. Sed datur species anguli C, quare dabitur species anguli B.

De resolutione triangulorum reſtangularum ſphæricorum, per quinque partes circulares.

Perpenſis Analogiis, quibus trianguſa ſphærica reſtanguſa ſolvuntur, Dominus *Neperus*, nobilis ille Logarithmorum inventor duas excogitavit regulas memoriâ facile retinendas, quarum ope omnes ſexdecim caſus reſolvi poſſunt; nam cum in hiſce trianguſis, præter angulum reſtutum, ſint tria latera & duo anguli, latera angulum reſtutum com-

comprehendentia, hypotenusæ autem, & reliquorum angulorum complementa, vocavit *Neperus partes circulares*. Et cum datæ sunt duæ quælibet partes, & quæritur tertia, harum trium una, quæ dicitur *pars media*, vel adjacet duabus reliquis partibus, quæ itaque vocantur *extremæ adjacentes*, vel neutri adjacet, in quo casu, dicuntur *extremæ oppositæ*. Sic si complementum anguli B ponatur pars media, crus AB & complementum hypotenusæ BC sunt partes extremæ adjacentes; at complementum anguli C, & latus AC sunt extremæ oppositæ. Item posito complemento hypotenusæ BC parte media, complementa angulorum B, & C sunt extremæ adjacentes; & AB, AC crura sunt extremæ oppositæ. Sic etiam posito crute AB parte media, complementum anguli B, & AC sunt extremæ adjacentes; nam angulus rectus A non intercipit adjacentiam, quia non est pars circularis. At eidem parti mediæ complementum anguli C, & complementum hypotenusæ BC sunt extremæ oppositæ. Hisce præmissis

TAB. 41.
fig. 14.

R E G U L A P R I M A.

*In triangulo rectangulo spherico rectangulum sub radio
& sinu partis mediæ æquale est rectangulo sub
tangentibus partium adjacentium.*

R E G U L A S E C U N D A.

*Rectangulum sub radio & sinu partis mediæ æquale est
rectangulo sub cosinibus partium oppositarum.*

Utriusque regulæ tres sunt casus. Nam pars media, vel potest esse complementum anguli B vel C, vel complementum hypotenusæ BC, vel denique unum ex cruribus, scil. AB vel AC.

Casus 1. Sit complementum anguli C pars media. Et erunt AC, & complementum hypotenusæ BC extremæ adjacentes. Per pr. 28 est ut cosinus anguli verticalis C ad radium, ita tangens CA ad tangentem hypotenusæ BC; per;

TAB. 41.
fig. 11.

permutando erit $\cos S, C : T, CA :: R : T, BC$. Sed, ut notum est, $R : T, BC :: \cot T, BC : R$. Quare $\cos S, C : T, AC :: \cot T, BC : R$; unde $R \times \cos S, C = T, AC \times \cot T, BC$.

Eidem complemento anguli C parti mediæ extremæ oppositæ sunt complementum anguli B & AB , (& per prop. 25) cosinus anguli C est ad sinum anguli CDF , ut cosinus DF ad radium; est vero sinus $CDF = S, AE = \cos S, BA$, & $\cos S, DF = S, EF = S, \text{ang. } B$, unde erit $\cos S, C : \cos S, BA :: S, B : R$; & $R \times \cos S, C = \cos S, BA \times S, B$, hoc est, radius ductus in sinum partis mediæ æquatur rectangulo sub cosinibus extremarum oppositarum.

Casus 2. Sit complementum hypotenusæ BC pars media, & complementa angulorum B & C erunt extremæ adjacentes. In triangulo DCF (per prop. 27) est $S, CF : R :: T, DF : T, C$; unde permutando $S, CF : T, DF :: (R : T, C) :: \cot T, C : R$. Est autem $S, CF = \cos S, BC$, & $T, DF = \cot T, B$; quare est $R \times \cos S, BC = \cot T, C \times \cot T, B$, hoc est, radius ductus in sinum partis mediæ æquatur producto ex tangentibus partium adjacentium extremarum.

Eidem parti mediæ, scil. complemento BC , adsunt extremæ oppositæ AB, AC , & (per prop. 26) est $\cos S, BA : \cos S, BC :: R : \cos S, AC$; quare erit $R \times \cos S, BC = \cos S, BA \times \cos S, AC$.

Cas. 3. Sit denique AB pars media, & erunt complementum anguli B , & AC extremæ adjacentes, & (per pr. 27) $S, AB : R :: T, CA : T, B$, unde erit $S, AB : T, CA :: (R : T, B) :: \cot T, B : R$. Adeoque erit $R \times S, AB = T, CA \times \cot T, B$.

Præterea parti mediæ AB complementum BC , & complementum anguli C sunt extremæ oppositæ; & in triangulo GHD (per prop. 25) est $\cos S, D : S, DGH :: \cos S, GH : R$. Est vero $\cos S, D = \cos S, AE = S, AB$, & $S, G = S, IF = S, BC$. Item est $\cos S, GH = S, HI = S, C$. Quare erit $S, AB : S, BC :: S, C : R$, & hinc $R \times S, AB = S, BC \times S, C$.

Itaque in omni casu rectangulum sub radio & sinu partis mediæ æquale erit tam rectangulo sub cosinibus extremarum oppo-

oppositarum, quam rectangulo sub tangentibus extremarum adjacentium. Et proinde, si æquationes illæ resolvantur in Analogias (per 16 Elem. 6) ope regulæ proportionis, partes ignotæ innotescunt. Et si pars quæsita sit media, primus Analogiæ terminus erit radius, secundum, & tertium occupant locum tangentes, vel cosinus partium extremarum. Si vero quæretur extremarum una, Analogia incipi debet cum altera, atque. radius, sinusque partis mediæ in mediis ponantur locis, ut quartum teneat pars quæsita.

IN triangulis sphericis obliquangulis BCD, demisso arcu TAB. 44.
perpendiculari AC ab angulo C in basim BD (pro- fig. 1. 2.
ductam si opus fuerit), ut duo fiant triangula BAC, DAC
rectangula; eorum ope resolvi possunt plerique casus trian-
gulorum obliquangulorum.

PROP. XXXI.

Cosinus angulorum B & D ad basim BD sinibus angulorum TAB. 44.
verticalium BCA, DCA sunt proportionales. fig. 1. 2.

Nam $\cos B : S, BCA :: (\cos, CA : R) :: \cos D : S, DCA$ (per 25 hujus.)

PROP. XXXII.

Cosinus laterum BC, DC sunt proportionales TAB. 44.
cosinibus basium BA, DA. fig. 1. 2.

Est enim $\cos S, BC : \cos S, BA :: (\cos, CA : R) :: \cos S, DC : \cos S, DA$. (per 26 hujus.)

PROP. XXXIII.

Sinus basium BA, DA sunt in reciproca proportionem TAB. 44.
tangentium angulorum B & D ad basim BD. fig. 1. 2.

Quia (per 27 hujus) est $S, BA : R :: T, AC : T, \text{ang. B}$, item per eandem inverte $R : S, DA :: T, \text{ang. D} : T, AC$; erit ex æquo in perturbata ratione (per 23 El. 5) $S, BA : S, DA :: T, \text{ang. D} : T, \text{ang. B}$.

M m

PROP.

P R O P. XXXIV.

TAB. 44.
fig. 1. 2.

*Tangentes laterum BC, DC sunt in reciproca proportione
cosinum angularum verticalium BCA, DCA*

Quia (per 28 hujus) permutando, est

$$T, BC : R :: T, CA : \cos, BCA,$$

& per eandem $R : \cos, DCA :: T, DC : T, CA;$
quare ex æquo in perturbata ratione est

$$T, BC : \cos, DCA :: T, DC : \cos, BCA.$$

P R O P. XXXV.

TAB. 44.
fig. 1. 2.

*Sinus laterum BC, DC sinubus angularum oppo-
sitorum B & D sunt proportionales.*

Quia (per 29 hujus) $S, BC : R :: S, CA : S, \text{ang. } B,$
& per eandem inverſe $R : S, DC :: S, \text{ang. } D : S, CA;$
erit ex æquo in perturbata ratione $S, BC : S, DC :: S, D : S, B.$

P R O P. XXXVI.

TAB. 44.
fig. 1.

*In triangulo quovis ſphærico ABC, CFX AE, vel FMX AE
reſtāngulum ſub ſinubus crurum BC, BA eſt ad radii
quadratum, ut IL, ſeu IA — LA differentia ſinu-
um verſorum baſis AC, & differentia crurum
AM, ad GN ſinum verſum anguli B.*

Polo B deſcribatur circulus maximus PN, ſintque BP, BN
quadrantes, & PN eſt meſura anguli B. Eodem polo B
per C deſcribatur circulus minor CFM; horum circulorum
plana reſta erunt plano BON (per 20 h.), & PG, CH
perpendicularares in idem planum cadent in communes ſectio-
nes ON, FM, puta in G & H. Ducatur HI perpendiculara-
ris ad AO, & planum per CH, HI perpendicularare erit pla-
no AOB; unde AI perpendiculararis ad HI erit perpendi-
cularis ad reſtam CI (per def. 4 El. 11); eſt itaque AI
ſinus verſus arcus AC, & AL ſinus verſus arcus AM = BM
— BA = BC — BA. Triangula ſolcelia CFM, PON ſunt
æquian-

æquiangula, ob MF, NO, item CF, PO parallelas (per 16 El. 11); quare, demissis perpendicularis CH, PG in latera FM, ON, similiter divisa erunt triangula; & erit FM:ON::MH:GN. Itemque, ob triangula AOE, DIH, DLM æquiangula, erit AE:AO::IL:MH

at ostensum est, esse FM:ON::MH:GN; quare erit AE x FM ad AO x ON, ut IL x MH ad MH x GN, seu ut IL ad GN, hoc est, rectangulum sub sinibus crurum est ad quadratum radii, ut differentia sinuum verforum basis, & differentia crurum BC, BA ad sinum verum anguli B. Q.E.D.

P R O P. XXXVII.

Differentia sinuum verforum duorum arcuum ducta in dimidium radii æqualis est rectangulo sub sinu semisumme, & sinu semidifferentia eorundem arcuum.

Sint duo arcus BE, BF, quorum differentia EF sit bise- TAB. 44.
cta in D, & erit BD semisumma arcuum, & FD semidif- fig. 4.
ferentia. Est GE = IL differentia sinuum verforum arcuum BE, BF; item est FO sinus semidifferentia arcuum. Ob æquiangula triangula CDK, FEG; erit DK:GE:: (CD:FE)::1:CD::1:FE. Unde est DK x FE seu DK x FO = GE x 1:CD = IL x 1:CD. Q.E.D.

P R O P. XXXVIII.

Sinus versus cujuscvis arcus ductus in dimidium radii æqualis est quadrato sinus dimidis ejusdem arcus.

Triangula CBM, DEB sunt æquiangula ob angulos ad M TAB. 44.
& E rectos, & angulum ad B communem. Quare est EB:BD fig. 5.
:: BM:BC; erit itaque EB x BC = BM x BD, & FB x 1:BC = BM x 1:BD = BM². Q.E.D.

P R O P. XXXIX.

*In quolibet triangulo ABC, cujus crura angulum B TAB. 44.
continentia fiat BC, AB, & basis AC eundem an- fig. 3.
gulum subtendat, si capiatur AM arcus = diffe-*

rentiæ crurum = $BC - AB$, erit rectangulum sub
sinubus crurum BC , BA ad quadratum radii, ut
 $AC + AM$

rectangulum sub sinu arcus $\frac{AC - AM}{2}$, & sinu arcus
 $\frac{AC - AM}{2}$ ad quadratum sinus dimidii anguli B .

Quoniam est rectangulum sub sinubus crurum AB , BC
ad quadratum radii, ut IL ad sinum versum anguli B , vel
ut $R \times IL$ ad R ductum in sinum versum anguli B
(per prop. 36 hujus); est autem $R \times IL =$ rectangulo
 $AC + AM$ $AC - AM$

sub sinubus arcuum $\frac{AC + AM}{2}$ & $\frac{AC - AM}{2}$ (per pr. 37 hu-

jus); item est R ductus in sinum versum anguli B æqualis
quadrato sinus dimidii anguli B ; quare erit rectangulum sub
sinubus crurum, ad radii quadratum, ut rectangulum sub
 $AC + AM$ $AC - AM$

sinubus arcuum $\frac{AC + AM}{2}$ & $\frac{AC - AM}{2}$ ad quadratum sinus
dimidii anguli B . Q. E. D.

*Sequuntur duodecim casus triangulorum sphaerico-
rum obliquangulorum.*






TAB. 44.
fig. 1. 2.

	Datis	Quer.	Fiat
I	Ang. $B, D,$ & $BC,$	Ang. $C.$	$\cos S, BC : R :: \cos T, B : T, BCA$ (per 30 hujus). Item $\cos S, B : S, BCA :: \cos S, D :$ S, DCA (per 31 hujus). Quare angulo- rum BCA, DCA summa, si perpendi- cularis cadat intra triangulum, vel diffe- rentia, si extra cadat, erit $= BCD$. Num perpendicularis cadat intra vel extra, co- gnoscitur ex affectione angulorum $B \& D$ (per 22 hujus), quod semel monuisse suf- ficiat.

Datis

	Datis	Quer.	Fiat
2	Ang. B, C, & latere BC,	D.	$\cos, BC: R :: \cos T, B: T, BCA$ (per 30 hujus), & $S, BCA: S, DCA :: \cos S, B: \cos S, D$ (per 31 hujus). Si BCA sit minor BCD , angulus D erit ejusdem affectionis cum angulo B . Sin BCA sit major BCD , anguli B , & D erunt affectionis diversae per conversam pr. 22.
3	BC, CD lateribus, & ang. B,	BD lat. tus.	$R: \cos S, B: T, BC: T, BA$. (per 28 hujus), & $\cos S, BC: \cos S, BA: \cos S, DC: \cos S, DA$ (per 32 hujus). Horum BA, DA summa vel differentia, prout perpendicularis cadit intra, vel extra triangulum, est æqualis BD , quod cognosci nequit, nisi cognita sit species alterius anguli D .
4	BC, DB lateribus, & ang. B,	CD lat. tus.	$R: \cos S, B: T, BC: T, BA$ (per 28 hujus), & $\cos S, BA: \cos S, BC: \cos S, DA: \cos S, DC$ (per 32 h.). Prout DA similis est aut dissimilis CA vel ang. BDC , erit DC minor aut major quadrante (per 19, & 20 hujus.)
5	B, D ang. & BC latere,	BD lat. tus.	$R: \cos S, B: T, BC: T, BA$ (per 28 hujus), & $T, D: T, B: S, BA: S, DA$ (per 33 hujus), quorum BA, DA summa, vel differentia = BD .
6	BC, BD lateribus, & ang. B,	Ang. D.	$R: \cos S, B: T, BC: T, BA$ (per 28 hujus), & $S, DA: S, BA: T, B: T, D$ (per 33 hujus). Prout BD minor est, aut major quam BA , angulus D similis, aut dissimilis erit angulo B . (per 22 hujus.)
7	BC, DC lateribus, & ang. B.,	Ang. C.	$\cos S, BC: R :: \cos T, B: T, BCA$ (per 30 h.), & $T, DC: T, BC: \cos S, BCA: \cos S, DCA$ (per 34 hujus). Angulorum BCA, DCA summa, aut differentia, prout perpendicularis cadit intra vel extra triangulum est æqualis angulo BCD .

	Datis.	Quær.	Fiat
8	B, C, ang. & BC latere,	D C latus.	$\cos, BC:R :: \cos T, B:T, BCA$ (per 30 hujus); item $\cos, DCA: \cos, BCA: T, BC: T, DC$ (per 34 h.). Si angulus DCA similis sit angulo B (hoc est, si AD sit similis CA), erit DC minor quadrante. Si anguli DCA, & B sint dissimiles, erit DC quadrante major, quod sequitur (ex per. 18, 19, 20 h.)
9	BC, DC, lat. & ang. B,	Dang.	$S, CD:S, B::S, BC:S, D$, qui ambiguus est. Analogia sequitur (ex prop. 35 hujus.)
10	B, D ang. & BC lat.	D C.	$S, D:S, BC :: S, B:S, DC$, quod latus ambiguum est.
TAB. 44 fig. 3.	11 AB, BC, CA om- nibus lateri- bus,	Ang. B.	Rectangulum sub sinibus crurum AB, BC: quadratum radii:: rectangulum sub $AC+AM$ $AC-AM$ $\sinus arcuum$ & \sinus quadratum sinus ang. B (per prop. 39.)
TAB. 43. fig. 9.	12 G, H, D omni- bus ang.	G D latus.	In triangulo XNM est MN complementum anguli GHD ad semicirculum. XM complementum anguli G, & XN complementum anguli D, & angulus X complementum est lateris GD ad semicirculum. Quare mutatis angulis in latera, & lateribus in angulos, eadem est operatio, quæ est in casu 11 hujus, cum arcus & eorum complementa ad semicirculos habeant eisdem sinus.



D E

NATURA ET ARITHMETICA LOGARITHMORUM P R Æ F A T I O.

Ingens olim compendium accepit, *Mathesis*, primo characterum Indicorum, deinde Fractionum decimalium introductione, non minus tamen adjumenti ex Logarithmis, quam ex utroque invento, ei accessit: quorum quidem usum, per omnes disciplinas mathematicas latissime patentem, quis iis studiis vel leviter imbutus ignorat? Horum ope numeri fere immensi, & alias plane intractabiles, sine ullo tadio in ordinem coguntur: presentissimum horum auxilium ubique conspicitur, siue cursum navis dirigat *Nauta*, siue curvarum altiorum indolem investiget *Geometra*, siue stellarum loca exquirat *Astronomus*, siue alia naturæ phenomena explicet *Physicus*, siue demum pecuniæ ex usuris incrementum computez *Nummatus*.

Argumento, in quo versatur hic libellus, illustrando non defuerunt viri in re Mathematica primarii: sed eorum alii omnem illius ambitum complexi, doctissime illi quidem, sed magistris solum scripserunt: alii ad tyronum captum se accommodantes, certas quasdam, easque magis obvias Logarithmorum proprietates selexerunt, intimam eorum naturam non aperuerunt. Quod igitur adhuc desiderari videbatur, mihi in animo erat supplere hoc tractatu, qui in id præcipue collimat, ut Logarithmorum scientia iis, qui ultra Arithmetica speciosa, & Geometria elementa non processerunt, penitus aliquando pateat.

Mirabile Logarithmorum inventum Nepero Scoto, Merchestoniæ Baroni debetur, qui primus canonem Logarithmo-

M m 4

p14113

rum descripsit, construxit, & editis Edinburgi Anno 1614. Hunc statim omnes Mathematici, ejus utilitatem suspicientes, grati arripuerunt. Et cum de aliis fere omnibus præclaris inventis plures contendunt Gentes, omnes tamen Neperum Logarithmorum autorem agnoscunt, qui tanti inventi gloria solus sine amulo fruatur.

Aliam deinde magis commodam Logarithmorum formam Neperus excogitavit, & communicato consilio cum Domino Enrico Briggio, Geometriæ in Academia Oxoniensi Professore, hunc socium operis sibi adjunxit, ut Logarithmos in meliorem formam redactos compleret. Sed Nepero demortuo, totum, quod restabat, onus in Briggium devolutum est, qui magno labore, & summa, qua pollebat, ingenii subtilitate, canonem Logarithmicum secundum novam illam formam composuit pro viginti primis numerorum chiliadibus (scu ab 1 usque ad 20000), aliisque undecim, ab 90000 usque ad 101000; pro quibus omnibus numeris supputavit Logarithmos quatuordecim figurarum locis constantes. Hic canon editus est Londini anno 1624.

Eundem canonem iterato edidit Goudæ apud Batavos, anno 1628 Adrianus Vlacq, suppletis, ut docuerat Briggsius, chiliadibus intermediis prius omissis; sed brevioribus usus est Logarithmis, utpote qui ad decem tantum figurarum loca continuantur.

Computavit etiam Briggsius Logarithmos sinuum & tangentium pro singulis gradibus, graduumque centesimis, ad 15 figurarum loca, quibus adjunxit sinus tangentes, & secantes veros, seu naturales, quos prius ad totidem loca supputaverat. Logarithmi sinuum & tangentium dicuntur sinus & tangentes artificiales, ipsi vero sinus, & tangentes, naturales vocantur. Has tabulas simul cum tractatu de tabularum constructione & usu, post mortem Briggsii sub nomine Trigonometriæ Britannicæ editis Henricus Gelibrand Londini Anno 1633.

Post illud tempus pluribus in locis tabularum compendia prodire, in quibus sinus, tangentes, eorumque Logarithmi,

arithmi tantum constant septem notarum locis, & numerorum Logarithmi exhibentur tantum pro numeris ab 1 usque ad 10000, qui pro plerisque casibus sufficere possunt.

Harum tabularum dispositio ea mihi videtur optima, quam primus excogitavit Nathaniel Roe Anglus Suffolciensis, quamque, quibusdam in melius mutatis, sequitur Sherwynus in tabulis suis Mathematicis Londini Anno 1705 editis, in quibus habentur Logarithmi numerorum omnium ab unitate usque ad 101000 septem figurarum notis constantes, Logarithmorum quoque differentia partesque proportionales adscribuntur, quarum ope Logarithmi numerorum usque ad 1000000 facile haberi possunt: quatenus scilicet hi Logarithmi septem tantum figurarum notis exprimantur. Præterea in iisdem prostant sinus, tangentes, & secantes cum eorum Logarithmis, & differentiis pro quolibet gradu & minuto quadrantis, cum aliis quibusdam tabulis Mathematicæ praxi inservientibus.

CAPUT I.

De ortu, & natura Logarithmorum.

Quemadmodum in Geometria linearum magnitudines numeris sæpe definiuntur, ita quoque in Arithmetica vicissim expedit, ut numeri aliquando per lineas exponantur, assumendo scilicet lineam aliquam, quæ ipsa unitatem repræsentet, ejus dupla numerum binarium, triplata ternarium, dimidia fractionem $\frac{1}{2}$, & ita deinceps, exponet. Hac ratione quorundam numerorum genesis, & proprietates melius concipiuntur, clariusque in animo versantur, quam per abstractos numeros fieri possit.

Hinc si quælibet linea a in seipsam ducatur, quæ ex TAB. 44. inde prodit quantitas a^2 , non æstimanda est tanquam duarum dimensionum, sive ut quadratum Geometricum, cujus latus est linea a , sed tanquam linea, quæ sit tertia proportionalis

malis lineæ pro unitate assumptæ, & lineæ a . Sic etiam si a^i per a multiplicetur, quæ prodit, a^i non erit trium dimensionum quantitas, seu cubus Geometricus, sed lineæ, quæ est quartus terminus in progressionē Geometricā, cujus primus terminus est 1, secundus a . Nam termini 1. a . a^2 . a^3 . a^4 . a^5 . &c. sunt in continuā ratione 1 ad a ; & indices terminis affixi ostendunt locum seu distantiam, quam quisque terminus ab unitate obtinet. v. gr. a^5 est in quinto loco ab unitate, a^6 in sexto, seu sexies magis distans ab unitate quam a seu a^1 , qui immediate sequitur unitatem.

Si inter terminos 1 & a inseratur medius proportionalis, qui est \sqrt{a} , ejus index erit $\frac{1}{2}$, nam ejus distantia ab unitate erit semissis distantie a ab unitate, adeoque pro \sqrt{a} scribi potest $a^{\frac{1}{2}}$. Et si inter a & a^2 inseratur medius proportionalis, ejus index erit $\frac{3}{2}$ seu $1\frac{1}{2}$, nam ejus distantia erit sesquialtera distantie ipsius a ab unitate.

Si inter 1 & a inserantur duo medii proportionales, horum primus est radix cubica ipsius a , cujus index debet esse $\frac{1}{3}$; nam terminus ille distat ab unitate tertiam tantum partem distantie ipsius a , adeoque radix cubica scribi debet per $a^{\frac{1}{3}}$. Hinc index ipsius unitatis est 0, nam unitas non distat à seipsa.

Eadem series quantitatum Geometricæ proportionalium continuari potest utrinque, tam descendendo versus sinistram, quam ascendendo versus dextram; termini enim

$\frac{1}{a^4} \frac{1}{a^3} \frac{1}{a^2} \frac{1}{a^1} 1 a a^2 a^3 a^4$ &c. sunt omnes in eadem progressionē Geometricā. Adeoque cum distantia ipsius a ab unitate sit versus dextram, & positiva seu $+1$, distantia æqualis in contrariam partem, scil. distantia termini

$\frac{1}{a}$ erit negativa seu -1 , qui erit index termini $\frac{1}{a}$, pro

quo itaque scribi potest a^{-1} . Similiter in termino $\frac{1}{a^2}$ index -2 ostendit terminum in secundo loco ab unitate.

unitate versus sinistram locari, idemque valet terminus

$a - ' ac - ' .$ Item $a - ' est idem ac - ' .$ Indices enim hi ne-

gativi ostendunt, terminos, ad quos pertinet, in partem disce-

dere contrariam ei, qua ab unitate progrediuntur termini;

quorum indices sunt positivi. Hisce præmissis;

Si super lineam AN utrinque indefinite extensa ca-
pianur AC, CE, EG, GI, IL dextrorsum; item $AT, r n$
&c. sinistrorsum, omnes inter se æquales: & ad puncta $\pi, r,$
A, C, E, G, I, L erigantur super AN perpendiculares rectæ $\pi z,$
 $r a,$ AB, CD, EF, GH, IK, LM, quæ sint omnes continue
proportionales, numerosque representent, quorum AB sit
unitas. Lineæ AC, AE, AG, AI, AL $— a r — a n$ distantias
numerosum ab unitate respective exponent, sive locum & or-
dinem, quem quisque numerus in serie Geometricæ proportio-
naliū obtinet, prout ab unitate distat. Ita AG cum sit
triplex rectæ AC, erit numerus GH in tertio ab unitate lo-
co, si modo CD sit in primo; sic LM erit in quinto loco,
cum sit $AL = 5 AC.$

TAB 44.
fig 7.

Quod si proportionalium extremitates $\pi, a, B, D, F, H, K, M,$
rectis lineis jungantur; figura πM sit polygonum pluri-
bus aut paucioribus constans lateribus, prout plures, aut pau-
ciores in progressionē fuerint termini.

Si partes AC, CE, EG, GI, IL biscentur in punctis $e, g,$
 $i, l,$ & rursus erigantur perpendiculares $cd, ef, gh, ik, lm,$
quæ sint mediæ proportionales inter AB, CD, EF,
FG, GH, HI, IK, LM, nova orietur proportionalium
series, cujus termini incipiendo ab eo, qui proxime sequitur
unitatem, duplo plures sunt, quam in prima serie; & termi-
norum differentie minores sunt, propiusque ad rationem
æqualitatis accedunt termini quam prius; quin etiam in hac no-
va serie rectæ AL, AC distantias terminorum LM, CD
ab unitate exponent; scil. cum AL decies major sit quam
AC, erit LM decimus seriei terminus ab unitate, & ob Ae
triplo maiorem quam AC, erit ef tertius seriei terminus, mo-
do

do cd sit primus: & inter AB & ef erunt duo medii proportionales, inter AB vero & $L M$ erunt novem termini medii proportionales.

Quod si linearum extremitates $B, d, D, f, F, b, G, \&c.$ rectis jungantur, fiet novum polygonum, pluribus quidem, at brevioribus constans lateribus.

Si rursus distantiae $A c, c C, C e, e E$ &c. bifecari concipiuntur, & inter binos quosque terminos, ad medias illas distantias inseri intelligantur medii proportionales, alia nova orietur proportionalium series, terminos ab unitate duplo plures continens quam prior. Terminorum vero differentiae minores erunt; junctisque terminorum extremitatibus, numerus laterum polygoni augetur secundum numerum terminorum; minora autem erunt latera, ob diminutas terminorum à se invicem distantias.

Quin in hac nova serie, distantiae AL, AC &c. determinabunt terminorum ordines, seu locos: nempe si sit AL quintuplo major quam AC , sitque CD quartus ab unitate seriei terminus, erit $L M$ istius seriei terminus vigesimus ab unitate.

Si sic continuo inter binos quosque terminos inserantur medii proportionales, fiet tandem numerus terminorum seriei, sicut & laterum polygoni major quolibet dato numero seu infinitus; latera vero singula magnitudine diminuta fient quavis data recta linea minora; adeoque mutabitur polygonum in figuram curvilineam. Nam quaelibet figura curvilinea considerari potest tanquam polygonum, cujus latera sunt numero infinita, & magnitudine minima.

Curva sic descripta dicitur *Logarithmica*, in qua, si numeri per rectas ad axem AN normaliter insistentes repraesententur, portio axis inter numerum quemlibet, & unitatem intercepta, ostendit locum seu ordinem, quem numerus ille obtinet in serie Geometricae proportionalium, & aequalibus intervallis ab invicem distantium. Verbi gratia, si AL sit quintuplo major quam AC , sintque ab unitate ad LM mille termini continue proportionales, erunt ab unitate ad CD ducenti

centi termini ejusdem seriei, seu erit CD terminus seriei ducentessimus ab unitate; & quicumque supponatur numerus terminorum ab AB ad LM, erit illius numeri pars quinta numerus terminorum ab AB ad CD.

Curva Logarithmica potest etiam concipi duobus moribus describi, quorum unus æquabilis est, alter vero in data quadam ratione acceleratur, vel retardatur: v.gr. si recta AB super AN uniformiter incidat, adeo ut terminus ejus A æqualibus temporibus æqualia spatia describat, interea tamen ita crescât AB, ut æqualibus etiam temporibus incrementa capiat, quæ sint toti lineæ crescenti proportionalia, hoc est, si AB progrediendo in *cd*, augeatur parte sui *ad*, & hinc æquali tempore, quando in CD pervenerit, augeatur simili parte D*p*, quæ sit ad *dc*, ut incrementum *do* ad AB similiter, dum æquali tempore ad *ef* pervenerit, crescât parte *fq*, quæ sit ad DC, ut D*p* ad *dc*, seu ut *do* ad AB, id est, in æqualibus temporibus incrementa facta sint semper totis proportionalia.

Vel si linea AB regrediendo in contrariam partem, in constanti ratione minuat, ita ut, dum æqualia spatia, $\Delta\Gamma$, $\Gamma\P$ pertransit, decremента pariat, $AB - \Gamma\Delta$, $\Gamma\Delta - \Pi\Sigma$, quæ sint ipsis AB, $\Gamma\Delta$ proportionalia. Lineæ sic crescentis aut decrescantis terminus Logarithmicam describet. Nam cum sit AB: *do* :: *dc*: D*p* :: DC: *fq*, erit componendo AB: *dc* :: *dc*: DB :: DC: *fe*, & ita deinceps.

Per hos duos motus, unum scilicet æquabilem, alterum proportionaliter acceleratum aut retardatum, ipse Neperus Logarithmorum originem exposuit, Logarithmum sinus cujusque arcus vocavit Numerum, qui quam proxime desinit lineam, quæ æqualiter crevit, interea dum sinus totius lineæ proportionaliter in sinum illum decrevit.

Ex hac Logarithmicæ descriptione constat, numeros omnes in æqualibus distantis esse continue proportionales. Quin etiam patet, quod si sint quatuor numeri AB, CD, IK, LM tales, ut distantia inter primum & secundum sit æqualis distantiae inter tertium & quartum, qualiscunque sit distantia.

se-

secundi à tertio, erunt illi numeri proportionales. Nam quia distantiae AC , IL sunt æquales, erit AB ad incrementum D sicut IK ad incrementum MT ; unde componendo $AB : DC :: IK : ML$. Et vicissim, si quatuor numeri sint proportionales, erit distantia inter primum & secundum æqualis distantiae inter tertium, & quartum.

Distantia inter duos quoslibet numeros, dicitur Logarithmus rationis istorum numerorum, & metitur non quidem ipsam rationem, sed numerum terminorum in data serie geometricæ proportionalium progredientium ab uno numero ad alterum, definitque numerum rationum æqualium, quarum compositione efficitur numerorum ratio.

Si distantia inter duos quosvis numeros sit dupla distantiae inter alios duos numeros ratio duorum priorum numerorum, erit duplicata rationis posteriorum. Sit enim distantia IL inter numeros IK , LM dupla distantiae Ac , quæ est inter numeros AB , cd . Bisectione IL in I ob $Ac = IL = IL$, erit ratio IK ad lm æqualis rationi AB ad cd , adeoque ratio IK ad LM , quæ est duplicata rationis IK ad lm (per *defin. 10. El.*, 5), erit etiam duplicata rationis AB ad cd .

Similiter si distantia EL sit tripla distantiae AC erit ratio EF ad LM triplicata rationis AB ad CD ; nam ob distantiam triplam, triplo plures erunt proportionales ab EF ad LM , quam sunt ejusdem rationis termini ab AB ad CD . At tam ratio EF ad LM , quam ratio AB ad CD componitur ex rationibus æqualibus intermediis (per 5 *defin. El.* 6), adeoque ratio EF ad LM ex triplo pluribus rationibus composita triplica erit rationis AB ad CD . Similiter si sit GL distantia quadrupla distantiae Ac , erit ratio GH ad LM quadruplicata rationis AB ad cd , & ita deinceps.

Numeri cujuslibet Logarithmus est Logarithmus rationis unitatis ad ipsum numerum, vel est distantia inter unitatem & illum numerum. Logarithmi itaque exponunt dignitatem, locum, seu ordinem, quem quisque numerus obtinet ab unitate in serie geometricæ proportionalium. Verbi gratia si ab uni-

unitate ad numerum 10 sint proportionales numeri 10 000 000, hoc est si sit numerus 10 in loco 10 000 000^{mo}; per computationem inveniatur, esse in eadem serie ab unitate usque ad 2 proportionales terminos numero 3 010 300, hoc est numerus binarius stabit in loco 3 010 300^{mo}. Similiter ab unitate usque ad 3, inveniuntur termini proportionales 4 771 213, qui numerus definit locum numeri ternarii. Numeri 1 000 000, 3 010 300, 4 771 213 erunt Logarithmi numerorum 10, 2, & 3.

Si primus seriei terminus ab unitate dicatur y , erit secundus terminus y^2 , tertius y^3 , &c. cumque ponitur numerus denarius seriei terminus 10 000 000^{nus}, erit $y^{10000000} = 10$. Item erit $y^{3010300} = 2$. Item $y^{4771213} = 3$, & ita deinceps.

Omnes itaque numeri erunt potestates aliquæ illius numeri, qui est ab unitate primus, & potestatum indices sunt numerorum Logarithmi.

Cum Logarithmi sint distantie numerorum ab unitate, ut superius ostensum est, erit Logarithmus ipsius unitatis 0, nam unitas non distat à se ipsa. At fractionum Logarithmi sunt negativi, seu infra nihil descendentes, hi enim in contrariam discedunt partem, adeoque si numeri ab unitate proportionaliter crescentes habeant Logarithmos positivos, seu signo \times affectos, numeri ab unitate similiter decrecentes, seu fractiones habebunt Logarithmos negativos, seu signo $-$ affectos. Quod verum est quando Logarithmi æstimantur per distantias numerorum ab unitate.

At si initium capiunt Logarithmi non ab unitate integrali, sed ab unitate, quæ est in loco aliquo fractionum decimalium,

verbi gratia à fractione $\frac{1}{1000000000}$; tunc omnes fraction-

nes hæc majores habebunt Logarithmos positivos, reliquæ minores obtinebunt Logarithmos negativos, sed de hac re plura postea dicentur.

Cum in numeris continue proportionalibus DC, EF, GH, IK &c. distantie CE, EG, GI &c. sint æquales, erunt horum

rum numerorum Logarithmi AC, AE, AG, AI &c. æquidifferentes, seu Logarithmorum differentię erunt æquales. Numerorum itaque proportionalium Logarithmi sunt omnes in progressionē Arithmetica. Atque hinc oritur vulgaris illa Logarithmorum definitio, videl. Logarithmi sunt numeri, qui proportionalibus adjuncti æquales servant differentias.

In prima quam *Neperus* edidit Logarithmorum specie, posuit, terminorum proportionalium ab unitate primum, tantum ab unitate distare, quantum ipse terminus unitatem superabat. h. e, si vn sit primus seriei terminus ab unitate AB, ejus Logarithmum seu distantiam An vel By æqualem esse voluit ipsi vy , seu incremento numeri supra unitatem, ut si vy sit 1, 0000001, ejus Logarithmum An ponebat 0, 0000001, & hinc computatione facta numerus denarius seu 10 erit 2302585^{us} seriei terminus, qui itaque numerus est Logarithmus denarii in hac Logarithmorum forma, & exprimit ejus distantiam ab unitate in partibus, quarum vy vel An est una.

At hæc positio omnino arbitraria fuit, potest enim distantia primi termini ad ipsius excessum supra unitatem datam quamvis habere proportionem, & pro varia illa ratione, quæ pro arbitrio supponi potest, esse inter vy & By , incrementum primi termini supra unitatem & ejusdem ab unitate distantiam, diverse provenient Logarithmorum formæ.

Primam hanc Logarithmorum speciem in aliam magis commodam postea mutavit *Neperus*, in qua posuit, numerum denarium non esse 23025850^{um} seriei terminum, sed terminum 10000000^{um}, inque hac Logarithmorum forma primum incrementum vy erit ad distantiam By vel An , ut unitas seu AB ad fractionem decimalem, 0, 4342994, quæ itaque exponet longitudinem subtangentis AT.

TAB 45
fig. 2.

Post mortem *Neperi*, vir summus Dominus *Henricus Briggs*, immenso labore, Logarithmorum tabulas ad hanc formam contruxit & edidit. In hisce tabulis cum logarithmus denarii seu ejus distantia ab unitate ponitur 1, 0000000, sintque 1, 10, 100, 1000, 10000 &c. continue proportionales, erunt æquidistantes. Quare numeri 100 Logarithmus erit

2, 000000; millenarii 3, 000000; & numeri 10000 Logarithmus fiet 4, 000000; & ita deinceps.

Hinc Logarithmi omnium numerorum inter 1 & 10 incipere debent per 0, seu debet esse 0 in primo loco versus sinistram, sunt enim minores quam Logarithmus numeri 10, cujus initium est unitas; & Logarithmi numerorum inter 10 & 100 unitate incipiunt, sunt enim majores quam 1, 000000; & minores quam 2, 000000. Item Logarithmi numerorum inter 100 & 1000 binario incipiunt, sunt enim majores, quam Logarithmus numeri 100, quem incipit 2, & minores Logarithmo numeri 1000, qui incipit per 3; eodem modo ostendetur, in Logarithmis numerorum in 1000, & 10000 primam figuram versus sinistram debere esse 3; & in Logarithmis numerorum ab 10000 usque ad 100000 prima versus sinistram figura erit 4, & ita deinceps.

Prima cujusque Logarithmi figura versus sinistram dicitur characteristica, seu index; quia ostendit altissimum, seu remotissimum locum numeri à loco unitatum: v. gr. Si index logarithmi sit 1, numeri respondentis altissimus, seu remotissimus versus sinistram ab unitate locus erit locus decadam. Si index 2, remotissima numeri respondentis figura erit in secundo ab unitatum loco, hoc, est erit centenariorum aliquis. Et index Logarithmi 3 denotat, altissimam numeri sui figuram esse in tertio ab unitatum loco, & inter millenarios locari.

Logarithmi numerorum omnium, qui sunt in progressionem decupla, aut subdecupla, characteristicis, seu indicibus suis tantum differunt; in reliquis omnibus locis iisdem scribuntur notis, v. gr. Logarithmi numerorum 17, 170, 1700, 17000. Nam cum sit 1 ad 17, ut 10 ad 170, ut 100 ad 1700, ut 1000 ad 17000; distantia inter 1 & 17, inter 10 & 170, inter 100 & 1700, inter 1000 & 17000 erunt omnes æquales, adeoque cum distantia inter 1 & 17, seu Logarithmus numeri 17 sit 1, 2304489; erit Logarithmus numeri 170 = 2, 2304482; & Logarithmus numeri 1700 erit 3, 2304489 ob numeri 100 Logarithmum = 2, 0000000; & similiter ob numeri 1000 Logarithmum = 3, 0000000 Logarithmus numeri 17000 erit 4, 2304489.

N n

Sic

562 DE LOGARITHMIS:

Sic etiam numeri 6748. 674, 8. 67, 48. 6, 748. 0, 6748. 0, 06748 sunt continue proportionales, scil. in ratione 10 ad

	1. Eorum itaque à se invicem
6748	3, 8291751 distantia æquales erunt distantia
674, 8	2, 8291751 tia seu Logarithmo numeri
67, 48	1, 8291751 10, seu æquales 1, 0000000.
6, 748	0, 8291751 Quare cum Logarithmus nu-
0, 6748	— 1, 8291751 meri 6748 sit 3, 8291751, re-
0, 06748	— 2, 8291751 liquorum Logarithmi erunt,
	ut in margine.

In duobus ultimis Logarithmis indices tantum sunt negativi, reliquis figuris positivis manentibus; adeoque cum reliquæ figuræ addendæ sunt, subtrahendi erunt indices, & vice verba.

CAPUT II.

De Logarithmorum Arithmetica, ubi numeri sunt integri, vel integri cum decimalibus adjunctis.

TAB. 44.
67. 7.

QUoniam in multiplicatione unitas est ad multiplicatorem, ut multiplicandus ad productum, distantia inter unitatem & multiplicatorem æqualis erit distantia inter multiplicandum & productum; si itaque numerus GH per numerum EF esset multiplicandus, distantia inter GH & productum debet esse æqualis distantia AE, seu Logarithmo multiplicatoris. Si itaque capiatur GL æqualis AE, erit numerus LM productus; hoc est, si ad AG Logarithmum multiplicandi addatur AF Logarithmus multiplicatoris, summa erit Logarithmus producti.

In divisione unitas est ad divisorem, ut quotus ad dividendum; adeoque distantia inter divisorem & unitatem æqualis erit distantia inter dividendum & quotum. Sic si LM per EF esset dividendus, erit distantia EA æqualis distantia inter LM & quotum; adeoque si capiatur LG æqualis EA,

EA, AG erit quorus; hoc est, si ab AL Logarithmo dividendi auferatur GL seu AE Logarithmus divisoris, restabit AG Logarithmus quotientis.

Atque hinc adeo quæcunque operationes in communi Arithmetica perficiuntur, multiplicando aut dividendo numeros majores, & omnes facilius multo, & expeditius fiunt per additionem aut subtractionem Logarithmorum.

Sit exempli gratia numerus 7589 multiplicandus per 6757.

Addendo Logarithmos, ut in margine videre est, habetur Logarithmus producti, Log. 3. 8801846
cujus index 7 monstrat, esse in producto Log. 3. 8297539
septem locos præter unitatum locum; & Log. 7. 7099385
querendo in tabulis Logarithmum hunc, vel proxime æqualem, invenio, numerum respondentem minorem producto esse 51278000; & numerum producto majorem esse 51279000: quin capiendo differentias adjunctas, & partes proportionales invenio, notas ante-penultimam & penultimam esse 87, in ultimo autem seu in unitatum loco necessario erit 3, ob septies novem = 63; adeoque verus productus erit 51278173. Si index Logarithmi esset 8 vel 9, ultima vel penultima notæ obtineri non possunt ex tabulis, ubi Logarithmi tantum constant 7 figurarum locis præter characteristicam, adeoque ubi opus est, tabulæ *Vlacquiana*, in quibus Logarithmi sunt omnes decem notarum, vel *Briggiana*, in quibus Logarithmi sunt quatuordecim, adeundæ erunt.

Si numerus 78956 dividendus sit per 278, subtrahendo Logarithmum divisoris ex Logarithmo dividendi habetur Logarithmus quotientis, cui Logarithmo respondet numerus 282, 719, qui itaque erit quotiens.

Cum unitas, numerus quilibet assumptus, ejus quadratus, cubus, biquadratus, &c. sint continue proportionales, eorum à se invicem distantiae æquales erunt. Manifestum itaque est, quadrati distantiam ab unitate duplam esse distantiae radicis

N. n 2 ab

ab eadem : distantiam cubi triplam distantiae radice suae : biquadrati distantiam esse distantiae radice suae ab unitate quadruplam &c. Adeoque si duplicetur Logarithmus numeri, dabitur Logarithmus quadrati ; si triplicetur , Logarithmus cubi ; si quadruplicetur , prodit Logarithmus biquadrati . Et vice versa si Logarithmus numeri alicujus bifecetur , habebitur Logarithmus radice quadratae ejusdem numeri : quin & ejusdem Logarithmi tertia pars erit Logarithmus radice cubicae , & pars quarta , Logarithmus radice biquadratae , & ita deinceps .

Hinc radicem omnium extractiones facillime perficiuntur , secundo Logarithmum in tot partes , quot sunt unitates in indice potestatis . Sic ut habeatur radix quadrata numeri 5 , ejus Logarithmi capiatur pars dimidia 0 , 3494850 ; erit haec Logarithmus radice quadratae numeri 5 , seu Logarithmus numeri $\sqrt{5}$, cui repondet numerus 2,23606 quam proxime .

CAPUT III.

De Arithmetica Logarithmorum , ubi numeri sunt fractiones .

QUotiescunque fractiones per Logarithmo tractandae fuerint , ad vitandum laborem addendi unam Logarithmi partem , & subducendi alteram , expedit , ut Logarithmi incipiant non ab unitate integrali , sed ab unitate , quae sit in decimo , vel centesimo loco fractionum decimalium : v. gr. po-

TAB. 45.
fig. 1.

ne P O esse $\frac{1}{10000000000}$ & Logarithmos ab ejus loco in-

cipere . Haec fractio decies magis distabit ab unitate versus sinistram , quam numerus 10 ab eadem distat versus dexteram ; sunt enim decem termini proportionales in ratione 10 ad 1 ab unitate usque ad P O . Adeoque si A B sit unitas , ejus
Lo-

Logarithmus in hac suppositione non erit 0, sed erit $OA = 10, 000000$. Nam distantia denarii ab unitate est $1, 000000$; unde distantia numeri 10 ab PO erit $11, 000 000$; item distantia numeri 100 à PO, seu ejus Logarithmus à PO incipiens erit $12, 000000$; & numeri 1000 Logarithmus seu distantia à PO erit $13, 000 000$; atque hac ratione Logarithmorum omnium indices augentur numero 10, & fractiones, quorum indices fuerunt — 1, aut — 2, aut — 3, &c. fiunt 9, 8, aut 7 &c.

At si Logarithmi incipiunt à loco fractionis, cujus numerator est unitas, denominator unitas centum cifris adjectis (quod faciendum est, quoties fractiones occurrunt minores quam PO); illa fractio centies plus distabit ab unitate, quam 10 ab ea distat: adeoque unitatis Logarithmus habebit indicem 100. Numeri denarii Logarithmus indicem habebit 101. Et numeri centenarii Logarithmo congruet index 102, & ita deinceps indices omnes augentur numero 100.

Fractionum omnium, quæ sunt majores PO (à quo initium ducitur), Logarithmi erunt positivi. Et cum numeri 10, 1, $\frac{1}{10}$, $\frac{1}{100}$, &c. sunt in continua progressionem Geometrica, æqualiter à se invicem distabunt, & eorum proinde Logarithmi erunt æquidifferentes; adeoque cum Logarithmus denarii sit $11, 000000$; & unitatis Logarithmus sit $10, 000000$: erit Logarithmus fractionis $\frac{1}{10} = 9, 000000$; & fractionis $\frac{1}{100}$ Logarithmus erit $8, 000000$; & similiter index Logarithmi numeri $\frac{1}{1000}$ erit 7. Quin etiam eadem ratione, si index Logarithmicus unitatis sit 100, & denarii 101, erit index Logarithmi fractionis $\frac{1}{10}$ 99, & fractionis $\frac{1}{100}$ index Logarithmi erit 98; & fractionis $\frac{1}{1000}$ index Logarithmicus erit 97 &c. Hi indices ostendunt in quo loco ad unitatem primæ fractionis figura, quæ cifra non sit, ponenda fuerit. v. gr. Si index sit 4, ejus differentia ab indice unitatis, quæ est 10, scil. 6, ostendit, primam decimalis figuram significativam esse in 6^{to} ab unitate loco; ergo quinque cifrae velus sinistram ei præponendæ sunt. Ita si unitatis index sit 100, & fractionis index sit 80, erit prima ejus figura in vigesimo ab unitate loco, seu 19 cifrae præponendæ erunt.

Sit jam fractio GH per fractionem DC multiplicanda. Quia unitas est ad multiplicatorem, ut multiplicandus ad productum; erit distantia inter unitatem & multiplicatorem æqualis distantiae inter multiplicandum & productum. Quare si capiatur $GI = AC$, ad I erit productus IK . Et proinde si ab OG Logarithmo multiplicandi auferatur GI vel AC , restabit OI Logarithmus producti. Est vero $AC = OA - OC$, quæ ablata ab OG reliquet $OG + OC - OA = OI$, hoc est, si simul addantur Logarithmi multiplicatoris & multiplicandi, & è summa auferatur Logarithmus unitatis (qui semper scribitur per 10 aut 100 cum cifris), habebitur Logarithmus producti. ex. gr. Sit fractio decimalis 0, 00734 per fractionem 0, 006876 multiplicanda; pono, unitatis indicem Logarithmicum esse 100, & fractionum Logarithm erunt, ut in margine, qui additi, & rejecto Logarithmo unitatis, dant Logarithmum producti, 97, 8656961, cujus index 94 ostendit, primam producti figuram esse in sexto ab unitate loco. Quinque itaque cifrae præponendæ sunt, & productus erit, 0000642984.

In divisione, divisor est ad unitatem, ut dividendus ad quotum, & proinde distantia inter divisorem & unitatem æqualis erit distantiae inter dividendum & quotum. Itaque, si fractio IK dividenda esset per DC , capienda erit $IG = CA$, & locus quoti erit G . Est vero $CA = OA = OC$, quæ ad OI addita fit $OA + OI - OC = OG$, hoc est, si addatur Logarithmus unitatis ad Logarithmum dividendi, & à summa auferatur Logarithmus divisoris, restabit Logarithmus quotientis; sic si numerus CD per IK esset dividendus, capienda erit distantia $CS = IA$, & erit ST quotientis; cujus Logarithmus est $OA + OC - OI$. Sit $CD = 0, 347$, $IK = 0, 00478$. Ad Logarithmum ipsius CD addatur Logarithmus unitatis, hoc est, ejus indici præponatur 19, 5403295, 1 aut 10, & ex eo subducatur Logarithmus divisoris, restabit Logarithmus quotientis, cujus index 11 monstrat, quotientem esse inter nume-

97, 8656961
96, 9425041
94, 8082002

19, 5403295
7, 6794279
11, 8609016

ros, qui sunt à 10 ad 100: quæro itaque numerum Logarithmo
respondentem, quem invenio esse 71, 549. Si fractionis vul-
garis, verbi gr. $\frac{1}{2}$ Logarithmus desideretur, ad
Logarithmum numeri 7 addatur Logarithmus 10, 8450980
unitatis, vel (quod idem est) ejus indici præ- 0, 9036900
ponatur 1 aut 10, & subducatur ab eo Logarith- 9, 9420080
mus denominatoris 8, restabit Logarithmus fra-
ctionis $\frac{1}{2}$, vel fractionis decimalis, 875.

Ut fractionis cujuslibet DC potestates habeantur, capi-
endæ sunt CE, EG, GI, IL singulæ æquales AC, & EF
erit quadratus, GH Cubus, IK biquadratus numeri DC;
sunt enim ab unitate continue proportionales. Est præterea
 $AE = 2AC = 2OA - 2OC$; unde $OE = OA - AE =$
 $2OC - OA$, hoc est Logarithmus quadrati est duplus Logarith-
mi radice, minus Logarithmo unitatis. Similiter ob $AG =$
 $3AC = 3OA - 3OC$, erit $OG = OA - AG = 3OC - 2OA =$
Logarithmo cubi = triplo Logarithmi lateris minus duplo Lo-
garithmi unitatis. Eadem ratione, quia $AI = 4AC = 4OA -$
 $4OC$, erit $OI = 4OC - 3OA$, qui est Logarithmus bi-
quadrati. Et universaliter fractionis potestas sit n , Logarith-
mus L , erit Logarithmus potestatis $n = nL - nOA + OA$:
hoc est, multiplicando Logarithmum fractionis per n , & è
producto abjiciendo Logarithmum unitatis multiplicatum per
 $n - 1$, habebitur Logarithmus potestatis n ejusdem fraccio-
nis.

Ex. gr. sit fractio $\frac{1}{5} = 05$, cujus quærat potestas 6^{ta} ; hu-
jus fractionis Logarithmus est 8, 6989700, qui multiplicatus
per 6 dat numerum 52, 1938200, & ex 52 ablato numero 50,
qui est index Logarithmi unitatis in 5 ductus, restabit Loga-
rithmus potestatis 6^{ta} , scil. 2, 1938200, cui respondet numerus
000000, 15625: nam index 2 ostendit, septem cyphas primæ
figuræ præponendas esse.

Si fractionis 05 potestas octava desideretur, multiplican-
do Logarithmum per 8, prodit 69, 591600, at cum ex nu-
mero 69 auferri non potest 70 qui est septies index Logarithmi
unitatis, quin in numeros negativos deveniatur, pono, indi-

N n 4

cem

cem Logarithmi unitatis esse 100; & index Logarithmicus fractionis erit 98. Hic Logarithmus in 8 ductus dat 789, 5917600; & ex numero 789 rejecto numero 700, qui utpote cum cifris annexis est septies Logarithmus unitatis, restabit 89, 5917600 Logarithmus potestatis $8 =$ fractionis, cui congruens numerus est 0000000000 39062: nam cum index sit 89, & ejus differentia ab 100 est 11; figura prima fractionis significativa erit in undecimo ab unitate loco, adeoque decem cifrae præponendæ erunt.

Si in fractionibus, radices potestatum desiderentur; v. gr. fractionis E F quæraturs radix quadrata; quoniam radix est media proportionalis inter fractionem & unitatem; biseclâ A E in C, erit C D radix quadrata fractionis E F. Est

$$OA - OE$$

vero $AC = \frac{1}{2} AE = \frac{OA - OE}{2}$; adeoque O C Logarithmus

radicis $= CA - AC = \frac{OA - OE}{2}$. Si fractionis G H ra-

dix cubica quæraturs; radix illa erit prima duarum mediarum proportionalium inter unitatem & G H: secetur itaque A G in tres partes æquales, quarum prima sit A C; erit C D radix

$$OA - OG$$

quæsitâ; & quoniam est $AC = \frac{1}{3} AG = \frac{OA - OG}{3}$, si hæc

subducatur ad OA, restabit $\frac{2 OA + OG}{3} = OC$, scil. Loga-

rithmo radicis cubicæ fractionis GH. Sic etiam fractionis I K radix biquadratica habetur, secundo A I in quatuor partes æquales. Nam radix est prima trium mediarum proportionalium inter unitatem & fractionem. Sit itaque $AC = \frac{1}{4} AI$; & erit C D radix biquadratica fractionis I K.

$$OA - OI$$

Sed est $AI = \frac{4}{3} AC = \frac{4}{3} \frac{OA - OI}{4}$, adeoque $OC = OA - AC = \frac{3 OA + OI}{4}$

Universaliter si fractionis LM desideretur radix potestatis

$$nOA - OA + OL$$

n , ejus radice Logarithmus erit $\frac{nOA - OA + OL}{n}$, hoc est,

si indici Logarithmico fractionis præponatur numerus $n - 1$, & Logarithmus sic auctus dividatur per n , quotus dabit Logarithmum radice quæsitæ. Sic si quæratür radix cubica fractionis; sive 3, hujus Logarithmo præponatur $2 = n - 1$, quia radix cubica desideratur, fiet 29, 6989700, cujus numeri triens est 9, 8996566 æqualis Logarithmo radice cubicæ fractionis; & congruens Logarithmo numerus est 7937, qui erit radix quæsitæ.

CAPUT IV.

De regula proportionis, seu aurea Logarithmica.

Datis tribus numeris, qua ratione quartus proportionalis inveniendus sit, nos docet proportionis regula; scilicet termini secundus & tertius in se invicem ducendi sunt, & productus dividendus est per primum; qui prodit quotus exhibebit quartum terminum proportionalem quæsitum. At per Logarithmos minore labore habetur ille quartus; nam si è summa Logarithmorum secundi & tertii auferatur Logarithmus primi, qui restat, numerus est Logarithmus quarti proportionalis.

Quin etiam & hic labor minui aliquantulum potest, si loco Logarithmi primi capiatur ejus complementum arithmeticum, seu differentia Logarithmi à numero 10000000, & obtinetur, si pro singulis Logarithmi figuris scribantur earum differentiæ à 9. Complementum hoc arithmeticum cum reliquis duobus Logarithmis in unam summam conjiciatur, & à summa unitatis nota in primo versus sinistram loco sita abjiciatur; restabit Logarithmus quarti termini quæsitæ; atque hoc modo per unicam numerorum trium additionem invenitur

570 DE LOGARITHMIS.

tur Logarithmus termini quæſiti. Hujus rei cauſa hinc patebit. Sint tres numeri A, B, C, & è ſumma ſecundi & tertii ſubducendus eſt primus; non tantum operatio communi modo perficitur, ſed etiam ſi aſſumatur numerus quivis E, & ab eo auferatur A, reſtabit E—A. Si numeri B, C, & E—A in unam ſummam addantur, & è ſumma trium rejiciatur E; reſtabit B+C—A. Sic ſi ſubducendus eſt numerus 15
85 ex 23, capio numeri 15 complementum ad 100, quod
23 eſt 85; hunc numerum addo ad 23, & ſumma fit 108,
108 ex quo ſublato 100 reſtabit numerus 8. Sequuntur
exempla Trigonometrica regulæ proportionis per Logarithmos ſoluta.

TAB. 44. Sit triangulum ABC rectilineum, in quo dantur angulus
&c. A 36 gr., 46', angulus B 98 gr., 32', & latus BC 3478, &
quæritur latus AC. Fiat (per caſ. 1. trigon. planæ) ſi-
nus ang. A ad ſinum ang.
B, ut BC ad AC. Et quia Arith.comp.L,S,B. o. 2228938
ſinus Log. anguli A eſt primus Log. Sin. B. 9.9951656
ſinus analogiæ terminus, ejus Log. BC. 3.5413296
vice ſubſtituo complemen- Log. AC. 13.7593888
tum arithmeticum ejuſdem,
& addo Log. BC, Log. S, B, & prædictum complementum
in unam ſummam; & è ſumma rejecta unitate, quæ eſt in
primo verſus ſiniſtram loco, dabitur Logarithmus lateris
AC, cui congruens numerus eſt 5706, 306 æqualis AC la-
teri quæſito.

TAB. 44. Sit triangulum ſphæricum ABC, in quo dantur omnia
&c. 9. latera, ſcil. BC=30 grad., AB=24 gr. 4', & AC=42 gr. 8'.
Quæritur angulus B. Producat B A ad M, ut ſit BM=BC;
erit AM differentia laterum BC, BA æqualis 5 gr. 56'. (Per
caſ. 11. in triangulis obliquangulis ſphæricis). Fiat ut rectan-
gulum ſub ſinibus crurum AB, BC ad quadratum radii, ita
AC+AM AC—AM
rectangulum ſub ſinibus arcuum ———— ———— ad
2 2
quadratum ſinus anguli B.

Est

AC + AM

AC - AM

Est vero $\frac{2}{AC + AM} = 24 \text{ gr. } 2'$, & $\frac{2}{AC - AM} = 18 \text{ gr. } 6'$.

Et quia primus analogiæ terminus est rectangulum sub sinibus AB, BC, & secundus terminus est quadratum radii; Summa Log. sin. AB, BC subducenda erit ex duplo Log. radii, & qui restat numerus addendus est ad summam Log.

AC + AM AC - AM

S $\frac{2}{AC + AM}$ $\frac{2}{AC - AM}$. Quod idem erit ac si singuli Log.

sinus arcuum AB, BC subducerentur à Logarith. radii, vel

Log. S, BC comp. Arith. 0.3010299

Log. S, AB comp. Arith. 0.3898364

AC + AM

Log. S $\frac{2}{AC + AM}$ 9.6098803

AC - AM

Log. S, $\frac{2}{AC - AM}$ 9.4923083

2 Log. S, Ang. B $\frac{2}{19.7930549}$

dium 9, 8965274 est Log. sinus anguli B = 51 gr. 59. 56", & hujus anguli duplum erit 103 gr. 59'. 52" = angulo E, qui erat inveniendus.

CAPUT V.





De proportionalium quantitatum continuis incrementis, et de modo inveniendi per Logarithmos terminum quemlibet in serie proportionalium sive crescente, sive decrescente.

SI in axe Logarithmicæ ubivis capiantur partes quot vo- TAB. 45.
lueris SV, VY, YQ &c. æquales, & ad puncta S, V, Y, Q fig. 1.
&c.

&c. erigatur perpendicularis ST, VX, YZ, Q^n &c. ex natura curvæ, erunt omnes continuè proportionales, quin etiam continua incrementa Xx Zz Q^n erunt totis proportionalia. Nam ob $ST:VX::VX:YZ::YZ:Q^n$ erit dividendo $ST:Xx::VX:Zz::YZ:Q^n$, & componendo $VX:Xx::YZ:Zz::Q^n:n$. Hinc si Xx sit pars quælibet rectæ ST, erit Zz eadem pars rectæ VX, & Q^n quoque eadem pars rectæ YZ; ex. gr., si Xx sit $\frac{1}{10}$ ST, erit $Zz = \frac{1}{10}$ VX, & $Q^n = \frac{1}{10}$ YZ, seu, quod eodem redit, erit $VX = ST + \frac{1}{10} ST$. $YZ = VX + \frac{1}{10} VX$, item $Q^n = YZ + \frac{1}{10} YZ$.

Fiat ut ST ad VX, ita AB unitas ad NR; erit AN = SV; adeoque rectæ SV, VY, YQ &c. erunt singulæ æquales Logarithmo ipsius RN; & AV Logarithmus termini VX erit æqualis AS + AN = Logarithmo ipsius ST + Logarithmo ipsius NR. Item AY Logarithmus termini YZ æqualis erit AS + 2 AN = Log. ST + 2 Log. NR, & AQ Logarithmus termini Q^n æqualis erit AS + 3 AN = Log. ST + 3 Log. NR. Et universaliter si Logarithmus numeri NR multiplicetur per numerum, qui exprimit termini cujuscvis distantiam à termino primo, & productus addatur Logarithmo termini primi, dabitur Logarithmus istius termini. At si series proportionalium sit decrescens, seu si termini in continua ratione minuantur, & Q^n sit primus, habebitur Logarithmus alterius cujuscvis termini, multiplicando Logarithmum numeri NR per numerum, qui exponit ejus termini distantiam à primo, & subducendo productum è Logarithmo primi. Quod si productus ille sit major Logarithmo primi termini, initio ab unitate ducto; in eo casu ponendi sunt Logarithmi incipere ab unitate in aliquo fractionum decimalium loco detrusa; verbi gratia, ab OP: ita Logarithmus numeri Q^n erit OQ.

Exponat jam LM quamvis pecuniam, seu pecuniæ summam à creditore sœaori elocatam, ea lege, ut singulis annis usura annua sorti annumeretur, & finito primo anno sit usura seu lucrum Kk; & IK aggregatum sortis & lucri pariat usu-



Y



usuram Hb , quæ sit ipsi IK proportionalis, seu in ratione constanti. Hæc usura Hb finito anno secundo forti accedat, & fors ea sit GH , quæ ad finem anni tertii pariat usuram Ff ipsi GH proportionalem. Ponamus sortem singulis annis augeri parte sui vicefima $\frac{1}{20}$, adeoque erit $IK = LM + \frac{1}{20} LM$, $GH = IK + \frac{1}{20} IK$, $EF = GH + \frac{1}{20} GH$, & ita deinceps. Erunt proinde termini LM , IK , GH , EF &c. continue proportionales. Quæritur quantum aucta fuerit pecunia ad finem quorumlibet annorum.

Sit LM semiobolus, Anglice *Afarthing*. Ob LM ad IK , ut 1 ad $1 + \frac{1}{20}$; vel ut 1 ad $1,05$, ut AB ad NR , erit $NR = 1,05$, cujus Logarithmus AN est $0,0211893$, vel magis accurate $0,0211892991$. Quæritur quantum lucri accedat semiobolo, qui sexcentis annis fœnori expositus est. Multiplicetur AN per 600 ; productus erit $12,7135794$. Huic producto addatur Logarithmus fractionis $\frac{1}{100}$, nempe $97,0177288$ (nam est semiobolus pars libræ $\frac{1}{100}$). Summa $109,7313082$ erit Logarithmus numeri quæsiti, cumque index 109 superet indicem unitatis novenario seu 9 , erunt in numero respondente novem figurarum loca supra locum unitatum, & numerus ille in tabulis quæsitus invenietur major, quam 5386500000 , & minor quam 5386600000 . Unus itaque semiobolus fœnori datus; finitis sexcentis annis, pariet libras Anglicanas plures quam 5386500000 ; cui summæ solvendæ vix par erit omnis illa Auri, Argentique copia, quæ ab ipsa rerum origine ad hunc usque diem ex terrarum vilce-ribus eruta est.

Exponat Qn quamvis pecuniæ summam, quam post exactum integrum annum debitor creditori solvere tenetur, sed sine usura. Certum est, si debitor nunc totam solveret, illum amissurum jus, quod habet in usuram annuam, quæ ex pecuniâ illa prodiret; quin & minor summa fœnori exposita potest post annum cum sua usura summam Qn adæquare. Minor illa pecuniæ summa, quæ cum sua usura pecuniam Qn adæquat, præsens pecuniæ Qn valor dicitur. Sit AN Lo-

ga-

garithmus rationis, quam fors habet ad aggregatum fortis & usuræ, hoc est, si fors sit usuræ annuæ vigecupla, sit AN Logarithmus numeri $1 + \frac{1}{20}$, seu $1,05$, & capiatur QY æqualis AN ; erit AY Logarithmus præsentis valoris pecuniæ Qn . Patet enim, pecuniam YZ fœnori expositam finito anno parituram pecuniam Qn ; adeoque ut habeatur Logarithmus præsentis valoris, seu YZ ; ex Logarithmo AQ detrahi debet Logarithmus AN , & restabit AY Logarithmus præsentis valoris vel YZ . Si summa Qn non nisi post duos annos exactos debeatur; à Logarithmo AQ subtrahendus est numerus $2AN$, & manebit AV Logarithmus præsentis valoris, seu summæ, quæ pro pecunia Qn solvi statim debeat. Nam manifestum est, pecuniam VX fœnori expositam spatio duorum annorum pecuniam Qn procreaturam. Eadem ratione si summa Qn non nisi post tres annos debetur, à Logarithmo Qn subtrahendus erit numerus $3AN$, & qui restat AS , erit Logarithmus numeri ST , seu erit ST præsens valor summæ Qn post tres annos solvendæ. Et universaliter, si Logarithmus AN multiplicetur per numerum annorum, quibus exactis debetur summa Qn , & productus numerus ex Logarithmo AQ subducatur, hac ratione dabitur Logarithmus numeri, qui erit præsens valor summæ Qn . Hinc patet, si 5386500000 libræ Angl. societati alicui finitis sexcentum annis solvendæ fuerint, tantæ pecuniæ præsentem valorem, vix unum semiobolum adæquaturum.

TAB. 45.
fig. 2.

Si in axe Logarithmicæ ordinentur ad curvam rectæ HG , EF ; AB , CD , quæ sint proportionales, & extremitates ipsarum FH , DB rectis iungantur, quæ productæ cum axe conveniant in P & K , erunt rectæ GP , AK semper æquales. Nam ob GH : EF :: AB : CD ; erit GH : FS :: AB : DR . Sed ob æquiangula triangula PGH , HSF , item KAB , BRD æquiangula, erit PG : HS :: (GH : FS :: AB : DR):: KA : BR . Quarum proportionalium consequentes HS , BR æquales sunt; antecedentes igitur PG , KA æquales erunt. $Q. E. D.$

Si rectæ CD, EF ad AB, GH æqualiter accedant, ut tandem punctum D coincidat cum B, & punctum F cum H, rectæ DBK, FHP, quæ prius secabant curvam, vertentur in tangentes BT, HV; & rectæ AT, GV semper sibi invicem æquales erunt, hoc est, portio axis AT vel GV intercepta inter ordinatam & tangentem, quæ subtangens dicitur, erit ubique constantis & datæ longitudinis, quæ est præcipua Logarithmicæ proprietas. Nam in diversis Logarithmicis subtangentes curvarum species seu formas determinabunt.

In duabus diversæ speciei Logarithmicis ejusdem numeri Logarithmi, seu distantie ab unitate erunt subtangentibus suarum curvarum proportionales. Sint enim curvæ HBD, SNY, quarum subtangentes sint AT, MX, sitque $AB = MN = \text{unitati}$, item $DC = QY$; erit AC Logarithmus numeri CD in Logarithmica HD, ad MQ Logarithmum numeri QY, seu ejusdem CD in Logarithmica SY, ut subtangens AT ad subtangentem MX. Concipiatur interferi inter AB, CD vel NM, QY infinitos terminos continue proportionales in ratione AB ad ab , vel MN ad mn ; & ob $AB = MN$ erit $ab = mn$, item erit $bc = no$. Et termini proportionales, cum in utraque figura sint numero æquales, dividunt lineas AC, MQ in partes numero æquales, quarum primæ sint Aa, Mm; partes itaque illæ erunt totis proportionales, hoc est, erit $Aa : Mm :: AC : MQ$. Quoniam autem triangula TAB, Bcb sunt similia (nam pars curvæ Bb coincidat fere cum portione tangentis); item triangula XMN, Non sunt similia; erit Aa vel Bc : bc :: TA : AB

TAB. 45.
fig. 2. 3.

Item est no vel $bc : No :: MN$ vel $AB : MX$.

Unde erit ex æquo $Bc : No :: TA : MX :: Aa : Mm :: AC : MQ$. Q. E. D. Si AT vocetur a , ob $AB : AT ::$

$bc : Bc$; erit $Bc = \frac{a \times bc}{AB}$.

Hinc si detur Logarithmus numeri, qui sit unitati proximus,

mus, vel illam minimo excessu superet, dabitur Logarithmica subtangens, est enim excessus bc ad Logarithmum Bc , ut AB unitas ad subtangentem AT . Vel etiam si sint duo quilibet numeri quam proxime æquales, erit differentia numerorum ad differentiam Logarithmorum, ut alteruter numerorum ad subtangentem; v. gr. si incrementum bc sit 00000 00000, 00001 02255 31945 60259, & Bc vel Aa Logarithmus numeri ab sit 00000 00000 00000 44408 92098 50062; duobus his numeris & unitati inveniatur quartus proportionalis, scilicet 43429 44819 03251; is numerus dabit longitudinem subtangentis AT , quæ est subtangens Logarithmica, quæ exhibet Logarithmos *Briggianos*.

TAB. 45.
Fig. 3.

Si creditor pecuniæ summam scænoræ exponat, ea lege, ut singulis temporis momentis pars proportionalis usuræ annuæ sorti annumeretur, ita scilicet, ut post finitum primum temporis momentum, seu exactam anni particulam indefinite exiguam, usuram poscat tempori proportionalem, quæ sorti adjecta, unâ cum ipsa usuram pariat, finito secundo temporis momento sorti pariter accessoram, & ita deinceps. Queritur quantum creditori finito anno debeatur? Sit a usura annua unitatis, seu unius libræ, & si integer annus seu 1 dat usuram a , particula anni indefinite exigua Mm dabit usuram ipsi Mm proportionalem $Mm \times a$; & proinde si unitas per MN exponatur, ejus incrementum primum erit $no = Mm \times a$. Per puncta Nn concipiatur Logarithmica describi, cujus axis est OMQ . In hac curva, si portio axis MQ tempus exponat, ordinata QY pecuniam repræsentabit, quæ usque ad illud tempus, singulis momentis, proportionaliter crevit. Nam si capiantur $m1$ &c. $= Mm$, ordinatæ $1p$ &c. erunt in serie continue proportionalium in ratione MN ad mn , id est crescent eadem ratione, qua pecunia crescit.

Tangat Logarithmicam in N recta NX , ejus subtangens MX erit constans, & invariabilis, & triangulum minimum Non simile erit triangulo XMN . At ostensum est, esse incrementum $no = Mm \times a = No \times a$; erit itaque $no : No :: No \times a :$

$No ::$

No: a: 1. Sed ut no ad No, ita erit NM ad MX. Quare erit, ut a ad 1, ita NM seu 1 ad $MX = \frac{1}{a} =$ subtangenti.

Quod si usura annua sit pars fortis vigesima, seu si sit $a = \frac{1}{20} = 0,05$, erit $MX = \frac{1}{a} = 20$.

Quia in diversis Logarithmorum formis ejusdem numeri Logarithmi sunt subtangentibus suarum curvarum proportionales; si MQ tempus annuum, seu unitatem exponat, QY erit pecunia, quæ finito anno debetur. Ut verò innotescat QY, fiat ut MX seu 20 ad 0, 4342944 (qui numerus exponit subtangentem Logarithmicæ, quæ exhibet Logarithmos *Briggianos*), ita annus, sive unitas ad Logarithmum *Briggianum*, qui numero QY congruit; Logarithmus autem ille invenietur 0,0217147, cui respondens numerus = QY est 1,05127, cujus incrementum supra unitatem sive sortem, 0,05127 paucillum superat annuam usuram, 0,05; adeo ut si usura annua centum librarum sit quinque libræ, usura proportionalis singulis anni momentis forti 100 adjecta pariet tantum ad finem anni. *lib. fol. d.*

5:2:61.

Si quæretur usura ejusmodi, ut singulis momentis pars ipsius forti continue crescenti proportionalis ad sortem accedat, ea lege, ut finito anno producat incrementum, quod sit fortis pars quælibet data, v.gr. vigesima: fiat ut Log. numeri 1,05 ad 1, hoc est, ut 0,0211893 ad 1, ita subtangens

$0,4342944$ ad $\frac{1}{a} = 20,49$, & erit $a = \frac{1}{20,49} = 0,0488$. Nam si

concipiatur pars usuræ, 0,0488 momento respondens, hoc est, eandem habens rationem ad 0,0488, quam habet annus ad momentum, & fiat, ut unitas ad illam usuræ partem, ita fors ad ejus incrementum momentaneum; quæ hac ratione continuò crescit pecunia, ad finem anni augebitur vigesima sui parte.

CAPUT VI.

*De methodo, qua Henricus Briggs Logarithmos suos
supputavit, ejusque demonstratio.*

TAB 45.
fig. 2.

QUamvis Briggs lineam Logarithmicam nusquam descripsit, quem tamen in calculo adhibuit operandi modum, modique rationem ex contemplatione Logarithmicè evidentissimæ patebit. In qualibet Logarithmica HBD sint tres ordinatæ AB, *ab*, *qs* quam proxime æquales, hoc est, earum differentiæ exiguam admodum ad ipsas lineas habeant rationem; erunt Logarithmorum differentiæ differentiis linearum proportionales. Nam cum lineæ sint quam proxime æquales, propinquissimæ sibi invicem erunt, & pars curvæ *Bs* ab iis intercepta cum recta lineâ fere coincidet. Certe tam prope possunt ordinatæ sibi invicem admo- veri, ut differentia curvæ à recta ipsam subtendente habeat ad ipsam subtensam minorem qualibet datâ rationem. Triangula igitur *Bcb*, *Brs* pro rectilineis assumi possunt, & erunt æquiangula. Quare est *sr:bc::Br:Bc::Aq:Aa*; hoc est, excessus linearum supra minimam AB erunt Logarithmorum differentiis proportionales. Hinc patet ratio istius methodi, qua, tam numeri, quam Logarithmi per differentias & partes proportionales corriguntur. Quod si AB sit unitas, erunt numerorum Logarithmi differentiis numerorum proportionales.

Si intra numeros denarium & unitatem capiatur medius proportionalis, seu quod idem est, numeri denarii extrahatur radix quadratica; radix illa, seu numerus in medio erit loco intra denarium & unitatem, & ejus Logarithmus erit dimidius Logarithmi, qui denario competit, ac proinde dabitur. Si inter numerum prius inventum & unitatem iterum inveniat medius proportionalis, quod fit extrahendo numeri inventi radicem quadraticam, hic numerus unitati duplo vicinior

cinior erit quam prior, ejusque Logarithmus erit prioris Logarithmi semissis, seu Logarithmi denario competentis pars quarta. Si hac ratione continuo extrahatur radix quadratica, & bis fecentur Logarithmi, pervenietur tandem ad numerum, cujus

I

distantiā ab unitate minor erit parte —————

I 00000 00000 00000

illius Logarithmi, qui denario tribuitur. *Briggius*, peractis 54 radicum extractionibus, invenit, numerum I, 00000 00000 00000 12781 91493 20032 3442, ejusque Logarithmum fore 0, 00000 00000 00000 05551 11512 31257 82702. Supponatur Logarithmus hic æqualis *Aq*, live *Br*, & sit *qs* numerus radicum extractione inventus; erit differentia *rs*, qua unitatem superat = 00000 00000 00000 12781 91493 20032 35.

Horum numerorum ope Logarithmi reliquorum omnium inveniri poterunt ad hunc modum. Inter datum numerum (cujus Logarithmus inveniendus sit) & unitatem quærantur (ut superius ostensum est) medii proportionales, donec tandem inveniantur numerus tantillo unitatem superans, ut unitas præcedat quindecim cifras, quas totidem, vel plures notæ significativæ sequantur. Sit numerus ille *ab*, & notæ significativæ præfixis cifris differentiam *bc* denotabunt. Deinde fiat, ut differentia *rs* ad differentiam *bc*, ita *Br* Logarithmus datus ad *Bc* vel *Aa* Logarithmum numeri *ab*; qui itaque dabitur. Hic Logarithmus toties continue duplicatus, quoties extractiones factæ sunt, tandem dabit Logarithmum numeri quæsi. Hac etiam ratione inveniri potest subtangens Logarithmica; nempe si fiat *rs*: *Br* :: *AB* seu unitas : *AT*

subtangente, quæ itaque invenietur 0, 43429 44819 03251, per quam denique reliquorum numerorum Logarithmi innotescunt, nempe si detur numerus quivis *NM*, ejusque Logarithmus, & quærat alterius numeri Logarithmus, qui ad *NM* satis accedat; fiat ut *NM* ad subtangente *XM*, ita *no* differentia numerorum ad *No* differentiam Logarithmorum. Quod si *NM* unitas = *AB*, dabuntur Logarithmi multipli-

O o 2

pli-

*T. B. 45.
fig. 3.*

multiplicando differentias minimas $b c$ per subtangentem constantem $A T$.

Hac ratione inveniuntur Logarithmi numerorum 2, 3, & 7, & inde dabuntur Logarithmi numerorum 4, 8, 16, 32, 64 &c.; 9, 27, 81, 243 &c.; item 7, 49, 343 &c. Si à Logarithmo denarii auferatur binarii Logarithmus, restabit Logarithmus quinarium, & proinde dabuntur Logarithmi numerorum 25, 125, 625 &c.

Numeri ex his compositi, nempe 6, 12, 14, 15, 18, 20, 21, 24, 28 &c. facile Logarithmis suis inlruuntur, adendo Logarithmos numerorum componentium.




At numerorum primorum Logarithmos, per tot radicum extractiones invenire, molestum admodum & laboriosum fuit opus. Nec quidem facile fuit, interpolando per differentias primas, secundas, & tertias &c. Logarithmos supputare. Quo itaque absque tanta inopellia numerorum Logarithmi obtineantur, magni viri *Newtonus*, *Mercator*, *Gregorius*, *Wallisus*, & nuper *Halleius* series infinitas convergentes dederunt, quibus expeditius, & certius Logarithmi, ad quot volueris loca supputati haberi possunt. De hisce seriebus eruditum tractatum scripsit peritissimus Geometra *Halleius* inter acta Philosophica Societatis Regiæ extantem, ubi series illas nova methodo demonstrat, modumque computandi Logarithmos per eas docuit. Liceat hic subungere novam seriem, ex qua expedite, & facile fluunt Logarithmi, saltem pro numeris majoribus.

Sit z numerus impar, cujus quæritur Logarithmus; numeri $z - 1$, $z + 1$ erunt pares, & proinde dabuntur eorum Logarithmi, & Logarithmorum differentia, quæ dicatur y ; quin etiam datur Logarithmus numeri, qui est medius geometricus inter numeros $z - 1$ & $z + 1$, æqua-

$$\text{lis scil. semisummae Logarithmorum. Series } y \times \frac{1}{7} + \frac{1}{181} + \frac{1}{13} + \frac{1}{4z} + \frac{1}{242} + \dots \text{ \&c. erit æqualis Logarithmo}$$

$$+ \frac{7}{3602} + \frac{181}{151202} + \frac{13}{252002} \dots$$

mo



mo rationis, quam habet geometricus medius inter numeros $z-1$ & $z+1$ ad arithmeticum medium scil. numerum z .

Si numerus superat 1000, primus seriei terminus — ^y suffi-

cit ad producendum Logarithmum ad tredecim, vel quatuordecim notarum loca: secundus terminus dabit Logarithmi loca viginti. At si z major sit quam 10000, primus terminus Logarithmum exhibet ad octodecim figurarum loca, & hinc ejus usus optimus erit in supplendis Logarithmis chiliadum à *Briggio* prætermisiss. Hujus rei capiamus exemplum; sit inveniendus Logarithmus numeri 20001. Logarithmus numeri 20000 idem est ac Logarithmus binarii, præfixo indice 4, & differentia Logarithmorum 20000 & 20002, eadem est, ac differentia Logarithmorum pro numeris 10000 & 10001, scil. 0,00004 34272 7687. Hæc differentia si per 4z, seu 80004

dividatur, quotiens — ^y erit — — — 0,00000 00005 42813
4z 4,30105 17093 02416

Huic quoto addatur Log. numeri geometrici medii; summa erit Logarithmus numeri 20001. Hinc patet, ut habeatur Logarithmus ad quatuordecim loca, non opus esse producere quorum ultra sex loca. At si Logarithmus ad decem tantum figurarum loca habere velis, ut à *Vlacquo* in suis Tabulis factum est, duæ primæ quotientis notæ sufficiunt. Et si hac methodo computentur Logarithmi pro numeris supra 20000; labor omnis vix pluris erit, quam qui in excribendis numeris impenditur. Hæc series ex iis, quæ ab *Halleio* inventæ sunt, facile sequitur, qui autem plura de iis scire cupit, præfatum tractatum adeat & discat.

F I N I S.

THE JOURNAL OF THE

ROYAL ANTHROPOLOGICAL INSTITUTE

OF GREAT BRITAIN AND IRELAND

VOLUME LXXV. PART I. 1905.

LONDON: PUBLISHED BY THE INSTITUTE, 21, BEDFORD SQUARE, W.C.

1905.

DE
VIRIBUS
CENTRALIBUS.

U. S.

DEPT. OF THE INTERIOR

CENTRAL FILES

JOHANNIS KEILLII

EX

ÆDE CHRISTI OXONIENSIS, A. M. EPISTOLA

AD

Clarissimum Virum

EDMUNDUM HALLEJUM,

Geometriae Professorem Savilianum,

DE

LEGIBUS VIRIUM CENTRIPETARUM.

HAud oblitus es, uti arbitror, Vir Clarissime, te, cum nuper esses Oxonii, theorema, quo lex vix centripetæ *Quantitatibus finitis* exhiberi possit, mecum communicasse: quod theorema tibi monstravit egregius Mathematicus D. *Abrahamus de Moivre*, dixitque, Dominum Isaacum Nevvtonum theorema huic simile prius invenisse. Cum autem ejus demonstratio perfacilis sit, eam, itemque alia de eadem re cogitata non possum tibi non impertiri. Etsi minime dubitem, quin, si idem argumentum pertractare libuisset, tu acerrimo, quo polles ingenii acumine, rem omnem penitus exhaurire potuisses.

THEOREMA.

Si corpus, urgente vi centripeta, in curva aliqua moveatur, erit p̄is illa in quovis curvæ puncto, in ratione composita ex directâ ratione distantia corporis à centro virium, & reciproca ratione cubi perpendicularis à centro in rectam in eodem puncto curvam tangentem demissa, ducti in radii curvaturæ, quem ibi obtinet curva.

Sit Q A O curva quælibet, à mobili urgente vi centripeta ad punctum S tendente descripta; sitque A O arcus in minimo

TAB. 47.
fig. 1.

nimo quovis tempore percurfus, Pm ejus tangens, AR radius circuli æquicurvi, hoc est, cujus peripheriæ pars minima cum arcu $A O$ coincidat. Et sit SP recta à puncto S in tangentem perpendiculariter demiffa; ducantur Om ad SA , & On ad SP parallelæ, & exponat Om vim, qua mobile in A urgeatur verfus S . Vis, qua perpendiculariter à tangente recedit corpus, erit ut On , id est vis tendens verfus R , & faciens, ut mobile eâdem, qua prius, velocitate latum describat circum æquicurvum arcui AO , erit ad vim tendentem verfus S , qua corpus in curva AO movetur, ut On ad Om , vel ob æquiangula triangula, ut SP ad SA . Sed corporum in circulis latorum vires centripetæ sunt, ut quadrata velocitatum applicata ad radios, per Corol. Theorem. 4 *Princip. Newtoni*.

Eft vero velocitas reciproce, ut SP , five directe ut $\frac{I}{SP}$, adeoque quadratum velocitatis erit ut $\frac{I}{SP^2}$; vis igitur ut On , five vis, qua in circulo æquicurvo moveri potest corpus, erit ut $\frac{I}{SP^2}$. Oñfensum autem est, esse SP ad SA , ut vis $SP^2 \times AR$ tendens verfus R , qua corpus in circulo æquicurvo moveri potest, ad vim tendentem verfus S ; sed est vis tendens verfus R , ut $\frac{I}{SP^2 \times AR}$, adeoque cum fit $SP:SA :: \frac{I}{SP^2 \times AR} : \frac{SA}{SP^2 \times AR}$, erit vis tendens verfus S , ut $\frac{SA}{SP^2 \times AR}$.

Q. E. D.

TAB. 47.
fig. 2.

Cor. Si curva QAO fit circulus, erit vis centripeta tendens verfus S , ut $\frac{SA}{SP^2}$; adeoque si vis centripeta tendat ad

S pun-

VIRIUM CENTRIPETARUM. 587

S punctum in circumferentia situm, erit (per. 32 tertii) angulus PAS = ang. AQS; adeoque ob similia triangula ASP,

ASQ, erit $AQ : AS :: AS : SP$; unde $SP = \frac{AS^2}{AQ}$, &

$SP' = \frac{AS^2}{AQ'}$; unde $\frac{SA}{SP'} = \frac{SA \times AQ'}{AS^2} = \frac{AQ'}{AS}$, hoc est, ob

datum AQ, erit vis reciproce, ut AS'.

Sit DAB ellipsis, cujus axis DB; foci F, & S; AR, TAB. 47.
OR duæ perpendiculares in curvam sibi proximæ: ducantur fig 3.

KL, OT in SA, & KM in OR perpendiculæres. Quia
SA : SK :: * FA + SA : FS, hoc est data ratione, erunt re-

ctarum SA, SK fluxiones AT, Kk ipsius SA, SK pro-
portionales; & est AL = *; lateris recti = L. Porro ob
KA ad SP parallelam, est angulus ASP = KAL = TOA
ob ang. TAO utriusque complementum ad rectum: quare
L x SA L x SA

KA : AL :: SA : SP, unde $SP = \frac{L \times SA}{2KA}$ & $KA = \frac{L \times SA}{2SP}$.

Porro ob æquiangula triangul. KMk, GPS, & OTA,
SPA,

Est KM : Kk :: GP : GS :: AP : SK,

Item Kk : AT :: SK : SA

Item AT : AO :: AP : SA,

Erit KM : AO :: AP' : SA' :: SA' - SP' : SA' :: SA' -

$L' \times SA'$
 $\frac{4AK'}{4AK'} : SA' :: 4AK' - L' : 4AK'$, unde $L' : 4AK' ::$

$(AO - KM : AO ::) AK : AR$; ac proinde $AR = \frac{4AK'}{L'}$.

Eodem prorsus ratiocinio invenietur radius curvaturæ in hy-

perbola æqualis $\frac{4AK'}{L'} = \frac{L \times SA'}{2SP'}$.

In

* Prop 3.
Elem 6ti.

* Prop 6.
part. 4.
Sect. 1.
Mil.

TAB. 47.
fig. 4.

In parabola vero facilius est calculus. Nam ob datam subnormalem, est Kk semper $= AT =$ fluxioni axis, & triangula KkM , ATO , SPA , AKL æquiangula, unde $KM : Kk :: AP, SA$; item est AT , vel $Kk : AO :: AP : SA$, unde $KM : AO :: AP : SA :: SA' : SP' : SA'$; unde erit $SP' : SA' :: AO - KM : AO :: AK : AR$, ac proinde $SA' \times AK$
 $AR = \frac{SA' \times AK}{SP'}$; sed est $AL = \frac{1}{2}$ lateris recti $= \frac{1}{2} L$, &

$AK : AL :: SA : SP$, quare erit $\frac{L \times SA}{2 \cdot AK} = SP$, & SP'
 $= \frac{L' \times SA'}{4 AK'}$, quare erit $AR = \frac{4 AK' \cdot L' \times SA'}{L \times SA}$; vel quoniam est
 $AK = \frac{L \times SA}{2 SP}$, erit $AR = \frac{L \times SA'}{2 SP'}$.

TAB. 47.
fig. 5.

Atque ex his facillima oritur constructio pro determinando radio curvaturæ in quavis sectione conica. Sit enim AK perpendicularis in sectionem occurrens axi in K ; ex K super AK erigatur perpendicularis HK , cum AS producta concurrens in H . Ex H erigatur super AH perpendicularis HR ; erit AR radius curvaturæ.

In parabola paulo simplicior adhuc evadit constructio. Nam quoniam ex natura parabolæ est $SA = SK$; & angulus AKH rectus, erit S centrum circuli per AKH transeuntis, unde invenitur radius curvaturæ producendo SA in H ; ut $SH = SA$, & in H erigendo perpendicularem HR ; & R erit centrum circuli osculantis parabolam in A .

TAB. 47.
fig. 3.

Vis centripeta tendens ad focum sectionis conicæ, in qua corpus movetur, est reciproce proportionalis quadrato distantie. Nam quoniam $AR = \frac{L \times SA'}{2 SP'}$ erit $\frac{SA}{SP' \times AR}$

SA

$$\frac{SA \times 2 SP'}{SP' \times L \times SA'} = \frac{2}{L \times SA'}, \text{ hoc est, ob datam } \frac{2}{L} \text{ erit vis cen-}$$

tripeta ut $\frac{SA'}{1}$.

Sit ellipsis BAD, quam tangit in A recta GE, sintque SP per centrum ellipsis, & KA per contactum transeuntes perpendiculares in tangentem. Erit $SP \times KA =$ quartæ parti figuræ axis seu = quadrato semiaxis minoris = $BO \times DE$. Nam ob æquiangula triang. GBO, GLA, GAK, GPS & GDE,

$$\begin{array}{lll} SP : SG & :: & BO : GO \\ SG : DG & :: & BG : LG :: GO : GA \\ DG : DE & :: & GA : AK; \end{array}$$

unde $SP : DE :: BO : AK$, & $SP \times AK = DE \times BO = L \times SB$

Hinc si mobile moveatur in ellipsi vi centripeta tendente ad centrum ellipsis, erit vis illa directe, ut distantia; nam

$$\frac{SP' \times 4 AK'}{L'} = \text{datæ quantitatis. Quia est } SP \times AK$$

quantitas data, Vis igitur, ut $\frac{SA}{SP' \times AR}$, erit, ut SA di-

stantia.

In figura tertia demissa ab altero umbilico F in tangentem perpendiculi FI, ob æquiangula triangula SAP, FAI, TAB 47.
fig. 3.

$$\text{erit } SA : SP :: FA : FI = \frac{SP \times FA}{SA}; \text{ unde erit } SP \times FI =$$

$$\frac{SP' \times FA}{SA} = \text{quadrato semiaxis minoris; unde si axis major vo-}$$

$$\text{cetur } b, \text{ minor autem } 2d, \text{ erit } SP' = \frac{d \cdot SA}{b - SA} \text{ \& } SP = \frac{\sqrt{d \cdot SA}}{\sqrt{b - SA}}$$

In

In hyperbola autem est $SP = \frac{dSA_i}{\sqrt{b+SA}}$.

In parabola est $SP = \sqrt{dSA}$, posito ejus latere recto $= 4d$.

Quoniam est $TA' : TO' :: AP' : SP' :: SA' - SP' : dSA$
 $SP' : SA' = \frac{dSA}{b-SA} ; \frac{dSA}{b-SA} :: SA - \frac{dSA}{b-SA} : \frac{dSA}{b-SA} ::$
 $bSA - SA' - d' : d',$ erit $\sqrt{bSA - SA' - d'} : d' :: TA :$
 $TO ;$ cumque sit $TA = SA$, erit $TO = \frac{dSA}{\sqrt{bSA - SA' - d'}}$.

TAB. 47. Sit jam QAO quælibet curva, cujus arcus minimus sit
 fig. 7. AO, tangentes in punctis A & O, AP, Op, radius
 curvaturæ AR, perpendiculares in tangentes sint SP, Sp ;
 $SA \times TA$

erit $\frac{fP}{SA \times SA} = AR$. Nam ob æquiangula triangula est
 $fP : AO :: PA : RA$ & $AO : TA :: SA : PA$; unde ex
 æquo erit $fP : TA$ vel $SA :: SA : RA$; est vero $fP = SP$;
 quare erit $RA = \frac{SA \times SA}{SP}$

Hinc si distantia SA in suam fluxionem ducatur, & di-
 vidatur per fluxionem perpendicularis, habebitur radius cur-
 vaturæ ; quo theoremate facile determinatur curvatura in ra-
 dialibus curvis. Ex. gr. Sit AQ spiralis nautica ; quoniam
 angulus SAP datur, ratio quoque SA ad SP dabitur ; sit

illa ratio a ad b, erit $SP = \frac{bSA}{a}$, & $SP = \frac{bSA}{a}$ & $AR =$

$\frac{SA \times SA}{SP} = \frac{aSA}{b}$, unde facile constabit, spiralis nauticæ

evolutam esse eandem spiralem in alia positione.

Quo-

$$\text{Quoniam } AR = \frac{SA \times SA}{SP}, \text{ erit } \frac{SA}{SP' \times AR} = \frac{SP}{SP' \times SA};$$

atque hinc rursus, ex data relatione SA ad SP , facile invenietur lex vis centripetæ.

Exemplum. Sit VAB ellipsis, cujus focus S , axis major $VB = b$, axis minor $= 2d$, latus rectum $= 2R$. Sitque VaQ alia curva, ita ad hanc relata, ut sit perpetuo angulus VSA angulo VSa proportionalis, & sit $Sa = SA$. Quæritur lex vis centripetæ tendentis ad S , qua corpus in curva VaQ moveri potest. TAB. 47.
fig. 8.

Quoniam angulus VSA est ad VSa in data ratione, horum angulorum incrementa erunt in eadem ratione, sitque ea

$$\text{ratio } m \text{ ad } n; \text{ unde erit } ot = \frac{n \times OT}{dSA} \quad m$$

$$\text{Est autem } OT = \frac{dSA}{\sqrt{bSA - SA^2 - d^2}}; \text{ unde erit } ot =$$

$$\frac{n d SA}{m \sqrt{bSA - SA^2 - d^2}}. \text{ Quoniam autem est } SA^2 : SP^2 :: t^2$$

$$+ ot^2 : ot^2 :: SA^2 + \frac{n^2 d^2 SA^2}{m^2 \times bSA - SA^2 - d^2} : \frac{n^2 d^2 SA^2}{m^2 \times bSA - SA^2 - d^2}$$

$$:: 1 + \frac{m^2 \times bSA - SA^2 - d^2}{m^2 \times bSA - SA^2 - d^2} : \frac{m^2 \times bSA - SA^2 - d^2}{m^2 \times bSA - SA^2 - d^2}$$

$$:: m^2 bSA - m^2 SA^2 - m^2 d^2 + n^2 d^2 : n^2 d^2, \text{ unde erit } \sqrt{m^2 bSA - m^2 SA^2 - m^2 d^2 + n^2 d^2} : n d ::$$

$$SA : SP, \text{ \& } SP = \frac{n d SA}{\sqrt{m^2 bSA - m^2 SA^2 - m^2 d^2 + n^2 d^2}}.$$

$$\text{Cujus ut habeatur fluxio pro } m^2 bSA - m^2 SA^2 - m^2 d^2 + n^2 d^2$$

n^2

$$n^d d^d. \text{ Scribatur } x \text{ \& erit } SP = \frac{nd SA}{x} \text{ \& } SP' = \frac{n^d d^d SA'}{x};$$

$$\text{\& est } x = m^b b SA - 2 m^d SA \times SA, \text{ \& } SP = nd SA \times \frac{x^{\frac{1}{2}}}{n ASA x} - \frac{1}{x^{\frac{1}{2}}},$$

$$\text{\& reducendo partes ad eundem denomina-}$$

$$\text{torem, erit } SP = \frac{nd SA x - \frac{1}{2} nd SA x}{x^{\frac{1}{2}}}.$$

$$\text{Et in numeratore, loco } x \text{ \& } x, \text{ ponendo ipsorum valores}$$

$$\text{\& ordinando fit } SP = \frac{nd SA \times \frac{1}{2} m^b b SA - m^d d^d + n^d d^d}{x^{\frac{1}{2}}};$$

$$\text{unde erit } \frac{SP}{SP' \times SA} = \frac{\frac{1}{2} m^b b SA - m^d d^d + n^d d^d}{n^d d^d SA'}. \text{ Sed est } \frac{SP}{SP' \times SA},$$

$$\text{ut vis centripeta, quare erit vis, ut } \frac{\frac{1}{2} m^b b SA - m^d d^d + n^d d^d}{n^d d^d SA'},$$

$$\text{vel ob datam } n^d d^d \text{ in denominatore erit vis, ut}$$

$$\frac{\frac{1}{2} m^b b SA - m^d d^d + n^d d^d}{b R}, \text{ vel loco } d^d \text{ ponendo } \frac{2}{b}, \text{ erit}$$

$$\text{vis ut } \frac{SA' \left(\frac{1}{2} m^b b SA - \frac{1}{2} m^b b R + \frac{1}{2} n^b b R \right)}{SA'}, \text{ seu ob datam } \frac{2}{b}, \text{ ut}$$

$$\frac{A' m^d SA - R m^d + R n^d}{SA'} = \frac{m^d}{SA'} + \frac{R n^d - R m^d}{SA'}. \text{ Quae omnia}$$

exacte coincidunt cum iis, quae à Domino Nevvtono de vi centripeta corporis in eadem curva moti traduntur, in *Prop. 44. Princip.*

Quoniam vis centripeta tendens ad punctum S, qua urgente corpus in curva moveri potest, est semper, ut

SP

SP

—; hinc ex data lege vis centripetæ, inveniri potest

SP' × SA

relatio SA ad SP, ac proinde per methodum tangentium inversam, exhiberi potest curva, quæ data vi centripeta describi possit. Sit v. g. vis reciproce, ut distantiae dignitas quæ-

libet m , hoc est, sit $\frac{SP}{SP' \times SA} = \frac{b}{a^i SA^m}$; erit $\frac{SP}{SP'} =$

 $\frac{b SA}{a^i SA^m}$

, & capiendo harum fluxionum fluentes; erit

$i SP - ' = \frac{b SA^{i-m} + e}{m - ' \times a^i}$; unde erit $\frac{m - ' \times a^i}{b SA^{i-m} + e} = SP'$;

& multiplicando tam numeratorem, quam denominatorem fractionis, per SA^{m-1} & loco $\frac{m-1}{1}$ a^i ponendo d^i , fit

$\frac{d^i SA^{m-1}}{b + e SA^{m-1}} = SP'$; quare erit $SP = \frac{d \sqrt{SA^{m-1}}}{\sqrt{b + e SA^{m-1}}}$.

Quod si quantitas constans e sit nihilo æqualis, erit $SP = \frac{d \sqrt{SA^{m-1}}}{\sqrt{b}}$.

Adeoque, si vis reciproce sit ut distantiae quadratum, poni potest $SP = \frac{\sqrt{d^i SA}}{\sqrt{b}}$, & curva erit parabola, cujus latus re-

ctum est $\frac{4 d^i}{b}$; vel potest esse $SP = d \times \frac{\sqrt{SA}}{\sqrt{b - SA}}$, & curva

erit Ellipsis; vel denique potest esse $SP = d \times \frac{\sqrt{SA}}{\sqrt{b + SA}}$, & curva evadit hyperbola.

P p

Si

Si vis sit reciproce ut distantiae cubus, supponi potest, ut SP

$$\text{fit} = \frac{dSA}{b}, \text{ \& curva sit spiralis nautica; vel fieri potest, ut}$$

$$\text{fit SP} = \frac{dSA}{\sqrt{b - eSA^2}}, \text{ \& curva erit eadem cum ea, cujus}$$

 constructionem à sectore hyperbolæ petit Dominus Nevvtonus;

$$\text{nus; vel potest esse SP} = \frac{dSA}{\sqrt{b - eSA^2}}, \text{ \& ejus curvæ con-}$$

structionem per sectores ellipticos tradit idem Nevvtonus.
Cor. 3 Prop. 41 lib. 1 Princip.

Si vis centripeta sit reciproce ut distantia, relatio inter SA
 & SP æquatione Algebraica definiri nequit, curva tamen
 per Logarithmicam, vel per quadraturam hyperbolæ con-

$$\text{struitur, fit enim SP} = \frac{d}{\sqrt{b - L.SA}}, \text{ ubi L. SA designat}$$

Logarithmum ipsius SA.

Hæc omnia sequuntur ex celebratissima nunc dierum flu-
 xionum Arithmetica, quam sine omni dubio primus invenit
 Dominus *Newtonus*, ut cuilibet ejus epistolas à *Wallisio*
 editas legenti facile constabit, eadem tamen Arithmetica
 postea, mutatis nomine & notationis modo, à Domino *Leib-*
nitio in *Actis Eruditorum* edita est.

TAB 47.
 fig. 1.

Moveatur jam corpus in curva QAO, urgente vi
 centripeta tendente ad S; & celeritas corporis in A di-
 catur C; celeritas autem, qua corpus, urgente eadem vi cen-
 tripeta, in eadem distantia, in circulo moveri potest, dica-
 tur *c*. Constat ex theoremate primo, quod si SA exponat
 vim centripetam tendentem ad S, vis centripeta tendens ad
 R, qua urgente, corpus cum celeritate C circulum, cujus
 radius est AR describet, per SP exponetur. Corporum
 autem circulos describentium vires centripetæ sunt, ut velo-
 citatum quadrata ad circulorum radios applicata, quare erit
 SP:

$$SP : SA :: \frac{C^2}{AR} : \frac{c^2}{SA}; \text{ unde erit } SP \times AR : SA^2 :: C^2 :$$

$$C^2 \& C : c :: \sqrt{SP \times AR} : SA.$$

Si SP cum SA coincidat, ut fit in figurarum verticibus, erit $C : c :: \sqrt{AR} : \sqrt{SA}$. Quod si curva sit sectio conica, AR , radius curvaturæ in ejus vertice est æqualis dimidio lateris recti = L , ac proinde erit velocitas corporis in vertice sectionis, ad velocitatem corporis, in eadem distantia circum-
lum describentis, in dimidiata ratione lateris recti, ad distantiam illam duplicatam.

$$\text{Quoniam est } AR = \frac{SA \times SA}{SP}, \text{ erit } C^2 : c^2 :: \frac{SP \times SA \times SA}{SP^2} :$$

$$SA^2 :: \frac{SP \times SA}{SP^2} : SA :: SP \times SA : SA \times SP, \text{ adeoque ex}$$

data relatione SP ad SA , dabitur ratio C ad c . Ex. grat. Si vis sit reciproce ut distantiae dignitas m , hoc est, sit

$$\frac{SP}{SP^2 \times SA} = \frac{b}{a^2 SA^m}; \& \text{ erit } SP = \frac{b SP^2 \times SA}{a^2 SA^m}, \text{ adeoque}$$

$$\text{erit } C^2 : c^2 :: SP \times SA : \frac{b SP^2 \times SA \times SA}{a^2 SA^m} :: a^2 SA^{m-1} :$$

$$b SP^2. \text{ Unde si ponatur } SP^2 = \frac{d^2 SA^{m-1}}{b} = \frac{m-1}{2} \frac{a^2 SA^{m-1}}{b},$$

$$\text{erit } C^2 : c^2 :: a^2 SA^{m-1} : \frac{d^2 SA^{m-1}}{b} :: 2 : m-1; \text{ ac}$$

$$\text{proinde erit } C : c :: \sqrt{2} : \sqrt{m-1}.$$

$$\text{Quod si ponatur } SP^2 = \frac{d^2 SA^{m-1}}{b-c SA^{m-1}} = \frac{m-1}{2} \frac{a^2 SA^{m-1}}{b-c SA^{m-1}},$$

$\frac{a^2 b SA^{m-1}}{2}$
 fiet C ad c, ut a² SA^{m-1} ad $\frac{a^2 b SA^{m-1}}{2}$, hoc est, ut
 $b - e SA^{m-1}$ ad $\frac{a^2 b SA^{m-1}}{2}$; sed est ratio $b - e SA^{m-1}$
 ad $\frac{a^2 b SA^{m-1}}{2}$ minor ratione b ad $\frac{a^2 b SA^{m-1}}{2}$, seu ratione 2 ad
 $m - 1$, unde erit C ad c in minore ratione, quam est $\sqrt{2}$
 ad $\sqrt{m - 1}$.

Similiter, si capiatur $SP = \frac{a^2 SA^{m-1}}{b + e SA^{m-1}}$, inveniatur ef-

fe C ad c in majore ratione, quam est $\sqrt{2}$ ad $\sqrt{m - 1}$.

Cor. Si corpus in parabola moveatur, & vis centripeta ten-
 dat ad focum S, erit velocitas corporis, ad velocitatem cor-
 poris in eadem distantia circulum describentis ubique, ut
 $\sqrt{2}$ ad 1, nam in eo casu est $m = 2$ & $m - 1 = 1$. Velocitas
 corporis in Ellipsi est ad velocitatem corporis in circulo ad
 eandem distantiam moti in minore ratione, quam $\sqrt{2}$ ad 1.
 Velocitas in hyperbola est ad velocitatem in circulo in ma-
 jore ratione, quam $\sqrt{2}$ ad 1.

Si corpus in spirali nautica deferatur, est ejus velocitas
 ubique æqualis velocitati corporis in eadem distantia circulum
 describentis; nam in eo casu est $m = 3$ & $m - 1 = 2$.

P R O B L E M A.

Posito, quod vis centripeta (cujus quantitas absoluta nota est) sit reciproce, ut distantie quadratum, & projiciatur corpus secundum datam rectam cum data velocitate, invenire curvam, in qua movetur corpus.

Projiciatur corpus secundum datam rectam AB cum data TAB. 47.
velocitate C . Et quoniam quantitas absoluta vis centri-
petæ nota est, dabitur inde velocitas, qua corpus possit circulum ad distantiam SA describere urgente eadem vi; est enim
æqualis ei, quæ acquiritur, dum corpus vi illa uniformiter applicata urgente cadit per SA . Sit illa velocitas c . Ex A in
 AB erigatur perpendicularis AK , & in ea capiatur

SA'

AR quarta proportionalis ipsis c^2 C^2 & $\frac{SA'}{SP}$, & erit AR

SP

radius curvaturæ in A . Ex R in AS demittatur perpendicularis RH , & ex H in AR perpendicularis HK , & ducta recta SK dabit axis positionem. Fiat angulus $FAK =$ angulo SAK . Et si FA sit ad SK parallela, figura, in qua movetur corpus, erit parabola. Si autem axi SK occurrat in F , & puncta S & F cadant ad eandem partem puncti K , figura erit hyperbola; sin ad contrarias partes cadant puncta S & F , erit figura ellipsis, unde focus S & F , & axe $= SA + FA$ describetur sectio, in qua corpus movebitur.

J O A N N I S K E I L L I ,

M. D. & in Academia Oxoniensi Astronomiæ Professoris Saviliani observationes in ea, quæ edidit celeberrimus Geometra

J O A N N E S B E R N O U L L I ,

In Commentariis Physico-Mathematicis Parisiensibus Anno 1710 de inverso problemate virium centripetarum. Et ejusdem problematis solutio nova.

Nobilissimum est problema, data lege vis centripetæ, invenire curvam, quam describit mobile de loco dato, secundum datam rectam, & cum data velocitate egrediens, concessis figurarum curvilinearum quadraturis. Ejus solutionem perfectam olim dedit Dominus Nevvtonus in principiis Philosophiæ Mathematicis. Hoc ipsum problema denuo aggressus est vir clarissimus & Geometra celeberrimus Dominus Joannes Bernoulli in Academia Basiliensi Matheseos Professor *, qui non pauca, eaque egregia ingenii sui specimina jam pridem edidit, quibus Geometriam reconditiorem non parum ditavit. Unde à tanti viri acuminis novam pulchramque problematis solvendi methodum expectabam. Gestiebam itaque solutionem Bernoullianam perlegere, & cum Nevvtoniana comparare; quibus tandem diligentius perlectis & examinatis, hæc quæ sequuntur annotavi.

* Vide
Commen-
tarios
Physico-
Mathe-
maticos
Parisien-
ses Anno
1710.

Dominus Bernoulli eandem præmittit propositionem, quam Nevvtonus problemati demonstrando prius adhibuit: cuique ea in principiis XL. non minus pulchra, quam demonstratu facilis. Scilicet.

Si corpus cogente vi quacunque centripeta moveatur ut-
cunque, & corpus aliud recta ascendat vel descendat, sintque
eorum

eorum velocitates, in aliquo æqualium altitudinum casu, æquales; velocitates eorum in omnibus æqualibus altitudinibus erunt æquales.

Hujus proportionis demonstrationem Nevvtonianam, ait Bernoullius, esse nimis implicatam, & suam, quam simpliciorē vocat, ejus loco substituit. At pace tanti viri liceat mihi dicere, si quid discriminis sit inter demonstrationem Bernoullianam & Nevvtonianam, id in eo situm est, quod hæc TAB. 46. multo facilius esse videtur, minusque perplexa quam illa. Nam fig. 1. si centro C describantur circuli DI, EK, quorum interval- lum DE est quam minimum, sintque corporum in D & I velocitates æquales, & ab N ad IK demittatur perpendicu- lum NT, fusc ostendit Nevvtonus, vim acceleratricem secun- dum DE esse ad vim acceleratricem secundum IK, ut IN ad IT. Nimirum, si vis secundum DE vel IN exponatur per rectas DE vel IN, vis illa secundum IN resolvitur in- duas IT, TN, quarum illa solum, quæ est ut IT, motum secundum directionem IK accelerat: accelerationes autem, seu velocitatum incrementa sunt, ut vires, & tempora, quibus generantur conjunctim. At tempora ob æquales velocitates in D & I sunt, ut viæ descriptæ DE, IK; quare accele- rationes in decursu corporum per lineas DE & IK sunt, ut DE ad IT & DE ad IK conjunctim; i. e. ut DE quad. quod est IN quad. ad rectangulum IT × IK. Adeoque ob IN quad. = IT × IK, incrementa velocitatum sunt æqua- lia: æquales igitur sunt velocitates in E & K, & eodem- argumento semper reperientur æquales in æqualibus distantiis. Hæc est summa demonstrationis Nevvtoni, quæ tam dilucide ab eo exponitur, ut inter propositiones elementares paucas fa- ciliores invenias. At non sic procedit Dominus Bernoullius, sed illi sufficit dicere, Mechanicam ostendere, vim secundum DE esse ad vim secundum IK, ut IK ad DE. Mechanicam etiam ostendere, incrementa velocitatum esse in ratione virium, & temporum conjunctim; & initio motus, positis ve- locitatibus æqualibus, tempora sunt, ut viæ descriptæ DE, IK; & hinc, (argumento prorsus simili ei, quo utitur Nevvtonus)

concludit, incrementum velocitatis, quod acquirit corpus, dum describit IK, esse ad incrementum velocitatis, dum describitur DE, ut $DE \times IK$ ad $IK \times DE$, & proinde velocitatum incrementa ubique in distantis æqualibus esse æqualia.

At si tironibus facilem voluisset tradere demonstrationem, debuisset propositionem Mechanicam citare, eamque ad præsentem casum accommodare. Et quidem pluribus verbis opus est, ut hoc fiat per theorema, quod innuere videtur, in quo agitur de descensu gravium in planis inclinatis: nullum enim est hic planum datum, quod recto corporum descensui obstat; imo tantum abest, ut corpus à plano cohibeatur, ut è contra à plano seu tangente per vim quandam continuo retrahatur. Procul dubio igitur manifesta magis foret ejus ratiocinii vis, si dimissis Mechanicæ propositionibus, rem omnem ex propriis principiis demonstrasset, uti fecit Nevvtonus. Nam resolvendo triang. rectang. KNI in duo triangula æquiangula, est KI ad IN, ut IN ad IT, adeoque loco rationis NI ad IT ponere potuisset rationem KI ad IN vel ad DE.

Si de loco quovis A in recta AC cadat corpus, deque loco ejus E erigatur semper perpendicularis EG vi centripetæ proportionalis, sitque BFG linea curva, quam punctum G perpetuo tangit; demonstrat Nevvtonus, velocitatem corporis in loco quovis E esse, ut area curvilineæ ABGE latus quadratum. Adeoque si velocitas dicatur v , erit v^2 , ut area ABGE: & si S sit altitudo maxima, ad quam corpus in trajectory revolvens, deque quovis ejus puncto ea, quam ibi habet, velocitate sursum projectum ascendere possit: sitque quantitas A distantia corporis à centro, in alio quovis orbitæ puncto; & vis centripeta sit semper, ut ipsius A dignitas quælibet, scil. ut A^n , velocitas corporis in omni altitudine A erit, ut $\sqrt{n P^n} = n A^n$.

Similiter Dominus Bernoullius ostendit, si distantia à centro dicatur x , velocitas v & vis centripeta, esse $v = \sqrt{ab - f^2 x}$, ubi ex quadraturis constat, esse aream ABGE

$$= ab$$

* Vide
Propof.
39, & 40.
Principi-
piorum.

$= ab - f^{\circ} x$. Perinde itaque est, siue exprimatur quadratum velocitatis per aream ABGE, siue per quantitatem huic æqualem $ab - f^{\circ} x$. Et si vis centripeta sit, ut $n A^{\circ} - 1$, seu $n x^{\circ} - 1$, fit $ab = P^{\circ}$ & $f^{\circ} x = A^{\circ}$; adeoque $ab - f^{\circ} x$ est, ut quantitas $P^{\circ} - A^{\circ}$.

Describat corpus curvam VK, vi centripeta tendente ad C, deturque circulus VXY centro C intervallo quovis CV descriptus. Q sit quantitas constans, atque $\frac{Q}{A} = z$,

fitque KI elementum curvæ, IN vel DE elementum altitudinis, XY elementum arcus: demonstrat Nevvtonus, elementum arcus, seu XY exprimi posse per hanc formulam $Q \times IN \times CX$

$\frac{A A \sqrt{ABGE} - z^{\circ}}{a^{\circ} c x}$. Similiter ex præmissis Dominus Bernoullius, posito arcu UX = z, & altitudine, seu distantia = x, elementum arcus ad hanc reducit formulam scil. z =

$\frac{\sqrt{abx^{\circ} - x^{\circ} f^{\circ} x - a^{\circ} c^{\circ} x^{\circ}}}{Q \times CX \times IN}$. Et primo quidem aspectu videbatur formula Nevvtoniana quodammodo simplicior Bernoulliana, eo quod paucioribus constaret terminis; at re diligentius explorata, vidi Bernoullianam formulam omnino cum Nevvtoniana coincidere, nec nisi in notatione quantitatum ab ea differre. Nam si pro $ab - f^{\circ} x$ ponatur ABGE, pro $a c$ ponatur Q, & x pro A, a pro CX, & x pro IN, fit

$$\frac{\sqrt{abx^{\circ} - x^{\circ} f^{\circ} x - a^{\circ} c^{\circ} x^{\circ}}}{Q \times CX \times IN} = \frac{\sqrt{A^{\circ} \times ABGE - Q^{\circ} A^{\circ}}}{A^{\circ}}$$

$$= Q \times CX \times IN$$

$$AA \sqrt{ABGE} - \frac{Q^{\circ}}{A^{\circ}}, \text{ seu ponendo } z^{\circ} \text{ loco } \frac{Q^{\circ}}{A^{\circ}}, \text{ (quod facit}$$

Nevv-

Nevvtonus commodioris notationis gratia), formula Bernoulliana evadit $Q \times CX \times IN$

liana evadit $\frac{A' \vee ABGE - z^2}{2}$; unde constat, formulam illam

non magis à Nevvtoniana discrepare, quam verba latinis literis expressa differunt ab iisdem verbis scriptis in Græcis characteribus.

Post traditam generalem formulam descendit Dominus Bernoullius ad casum particularem, ubi vis centripeta est reciproce, ut quadratum distantiae; & per varias reductiones & operationes satis molestas, constructionem ostendit curvarum, quæ urgente ea vi centripeta describi possunt, easque ad æquationes reducendo, probat esse sectiones conicas. Deinde queritur, Dominum Nevvtonum supponere sine demonstratione, curvas à tali vi descriptas esse sectiones conicas.

Impossibile est, ut credat, nullam Nevvtono notam fuisse hujus rei demonstrationem; noverat enim, cum primum & solum fuisse, qui hanc omnem de vi centripeta doctrinam geometricè tractavit, quique eam ad tantam perfectionem perduxit, ut post plures, quam viginti annos, parum admodum à præstantissimis Geometris ei additum sit. Noverat etiam Bernoullius, Nevvtonum, præter generalem problematis inversi solutionem, ostendisse modum, quo formari possunt curvæ, quæ vi centripeta decrescente in triplicata distantiae ratione describuntur, adeoque alterum illum casum ignorare non potuisse. Nec profecto intelligo, qua ratione Bernoullius Nevvtono objiciat, cum hujus casus demonstrationem prætermisisset; cum ipse non pauca sæpius proposuit theoremata, quorum demonstrationes nusquam dedit; & quidni liceat Nevvtono ad alia festinanti hoc idem facere? Interim in nova *Principiorum* editione, facilius multo & magis clara, licet tribus verbis, extat hujus rei demonstratio, quam est Bernoulliana.

Tandem Bernoullius, ut necessitatem suæ demonstrationis inversi problematis in hoc particulari casu ostendat, hæc addit. Considerandum est, inquit, quod vis, quæ facit, ut

cor-

corpus in spirali Logarithmica moveatur, debet esse reciproce, ut cubus distantiae à centro; at .n inde sequitur, talibus viribus semper describi debere tales curvas, cum similes etiam vires facere possint, ut corpus in spirali hyperbolica moveatur.

Miror sane, quod vir Cl. suspicetur, Nevvtonum talem unquam duxisse consequentiam. Nam præter spiralem Logarithmicam, ostendit Nevvtonus, qua ratione aliae curvae numero infinitae & diversae formari possunt, quae omnes describantur eadem vi centripeta, qua spiralis Logarithmica; interque eas reponi debet hæc ipsa spiralis hyperbolica, ut in sequentibus ostendemus.

Unde autem concludit Nevvtonus, sectiones tantum conicas necessario describi debere per vim centripetam quadrato distantiae reciproce proportionalem: nempe, quod curvatura orbitae cujuscunque, ex datis velocitate, vi centripeta, & positione tangentis, datur; datis autem umbilico, puncto contactus, & positione tangentis, semper describi possit sectio conica, quae curvaturam illam datam habeat. Hoc à me prius ostensum est in actis philosophicis Londinensibus Anno 1708*. In hac igitur sectione, urgente illa vi, corpus movebitur, & in nulla alia; cum corpus de eodem loco, secundum eandem directionem, eadem cum velocitate, & urgente eadem vi centripeta exiens non possit diversas semitas describere.

*Vide supra p. 597.

Liceat jam mihi Dominum Bernoullium imitari, & inversum de vi centripeta problema longe diversa methodo resolvere, & ad casum particularem applicare; ubi scil. vis est reciproce, ut cubus distantiae, simulque ostendere demonstrationem Cor. 3 prop. 41 Principiorum Newtoni.

Quod ut fiat, quædam ex iis, quae in actis philosophicis No. 317 exposui*, hic præmittenda sunt.

Sit VII curva quævis, quam corpus urgente vi centripeta ad centrum C tendente describit: hanc curvam in duobus punctis infinite vicinis I & K tangent recte IP, Kp, ad quas è centro demittantur perpendiculares CP, Cf; centro item C describantur KE, ID, & ducatur CI.

*Vide supra pag. 585. & seq. TAB. 46. fig. 2.

Erit

Erit vis centripeta, ut quantitas $\frac{Pp}{PC' \times IN}$, quod theore-

ma licet in prædicto loco demonstravimus, ecce aliam ejus demonstrationem. Ex K ducantur Km ad CP, & Kn ad CI parallelæ. Et ob æquiangula triangula IGP, IKN, nKm, iteraque ob IKm & IpP æquiangula, erit

$$Ip \text{ vel } IP : IK :: pP : Km$$

$$PC : IP :: Km : mn$$

$$IN : IK :: mn : nK; \text{ unde ex æquo fiet}$$

$$PC \times IN : IK' : pP : nK, \text{ \& erit } nK =$$

$$pP \times IK'$$

$\frac{PC \times IN}{PC' \times IK'}$. Præterea tempus, quo describitur arcus IK est, ut

area seu triangulum ICK, vel ejus duplum $PC \times IK$; adeoque si tempus detur, erit $PC \times IK$ quantitas constans. Dato autem tempore, vis centripeta est, ut lineola Kn, quæ sub urgente vi illa describitur, adeoque vis centripeta est, ut lineo-

la illa Kn ducta in quantitatem constantem $\frac{1}{PC' \times IK'}$,

hoc est, erit vis centripeta, ut $\frac{1}{PC' \times IK} \times \frac{Pp \times IK'}{PC \times IN}$, seu

ut quantitas $\frac{Pp}{PC' \times IN}$. Quod erat demonstrandum.

Velocitas corporis in quovis loco est, ut via in minimo quovis tempore percursa directe, & ut tempus illud inverse; adeo-

que & ut $IK \times \frac{1}{PC \times IK}$, hoc est, velocitas erit reciproce,

ut perpendicularis è centro in tangentem.

Si distantia corporis à centro dicatur x , & perpendicularis in tangentem p , erit $IN = x$ & $Pp = p$, & vis centripeta ex-

po-

poni potest per quantitatem $\frac{f p}{p' x}$, assumendo quantitatem quamlibet pro f .

Adeoq; si cum Domino Bernoullio vim centripetam nominemus \circ , erit $\frac{f p}{p' x} = \circ$, & $\frac{f p}{p'} = x \circ$; & capiendo harum quantitatum fluentes, erit $\frac{f}{2 p^2} =$ fluenti quantitatis $x \circ$.

At cum velocitas corporis sit reciproce, ut perpendicularis p , ejus quadratum exponi potest per $\frac{f}{2 p^2}$. Si itaque velo-

citas dicatur v , erit $v^2 = \frac{f}{2 p^2} =$ fluenti quantitatis $x \circ$. Quod

si A sit locus, de quo cadere debet corpus, ut acquirat in D vel I velocitatem v , deque loco corporis D erigatur perpendicularis $DF = \circ$, erit rectangulum $DE \times DF = x \circ$. Sit jam BFG linea curva, cujus ordinatæ exponant vires centripetas, seu quantitates \circ . Fluens quantitatis $x \circ$ erit area

curvilinea $ABFD = v^2 = \frac{f}{2 p^2}$, adeoque erit v , ut aræ

$ABFD$ latus quadratum. Quod si velocitas ea sit, quæ ab infinita distantia cadendo acquiritur, erit v^2 , seu fluens ipsius $x \circ$ æquale aræ $o DFO$ indefinite protensæ.

Hinc semper dabitur quantitas p in terminis finitis, quando area illa curvilinea terminis finitis exponi potest. Sit, verbi gratia, vis centripeta reciproce, ut distantie dignitas m ,

hoc est, sit $x \circ = \frac{g x}{x^m}$, si velocitas corporis sit ea, quæ ac-

qui-

quiritur cadendo ab infinita distantia, erit $v' = \frac{g}{m-1 \times x^{m-1}}$

$= \frac{f'}{2p'}$, & in hisce omnibus casibus area indefinite protensa est quantitas finita. Potest autem corpus in trajectory revolvī velocitate, cujus quadratum vel majus fieri potest, vel minus quantitate $\frac{g}{m-1 \times x^{m-1}}$, vel huic æquale. Adeoque erit

$$v'^2 = \frac{f'^2}{2p'^2} = \frac{g^2}{m-1 \times x^{m-1}} + e^2.$$

Hinc urgentibus his viribus, tria curvarum genera describi possunt; prout e^2 est quantitas positiva, vel negativa, vel nulla.

V. G. Si velocitas major sit ea, quæ acquiritur ab infinita distantia cadendo, sit $\frac{f'}{2p'} = \frac{g}{m-1 \times x^{m-1}} + e^2$; si veloci-

tas sit minor, erit $\frac{f'}{2p'} = \frac{g}{m-1 \times x^{m-1}} - e^2$; si æqualis, erit

$$\frac{f'}{2p'} = \frac{g}{m-1 \times x^{m-1}}.$$

Sit $\frac{1}{2} f' = a^2 e^2$ & $\frac{1}{m-1} \times g = b^2 e^2$. Et si velocitas corporis sit ea, quæ ab infinito cadendo acquiritur, erit $p' =$

$$\frac{a^2 x^{m-1}}{b^2} \text{ seu } p' = \frac{a^2 x^{\frac{m-1}{2}}}{b}.$$

At si velocitas major sit, aut minor hac velocitate, fiet (ut

$$\text{ostensum est) } \frac{f'}{2p'^2} = \frac{g}{m-1 \times x^{m-1}} - e^2 = \frac{\frac{1}{m-1} g + e^2 x^{m-1}}{x^{m-1}}.$$

Unde

Unde pro f & $\frac{g}{m-1}$ ponendo earum valores $a^2 e^2$ & $b^2 e^2$,
 erit $\frac{a^2 e^2}{p^2} = \frac{b^2 e^2 + e^2 x^{m-1}}{x^{m-1}}$ seu $\frac{a^2}{p^2} = \frac{b^2 + x^{m-1}}{x^{m-1}}$, & fiet
 $f^2 = \frac{a^2 x^{m-1}}{b^2 + x^{m-1}}$.

Adeoque si vis centripeta sit reciproce, ut cubus distantiae,
 hoc est, si sit $m = 3$ & $m - 1 = 2$. Erit $p^2 = \frac{a^2 x^2}{b^2}$, vel $p^2 =$
 $\frac{a^2 x^2}{b^2 + x^2}$, vel denique $p^2 = \frac{a^2 x^2}{b^2 - x^2}$.

In primo casu constat, curvam esse spiralem Logarithmicam;
 nam sit $p = \frac{a x}{b}$, & $b : a :: x : p$; adeoque ob constantem ra-
 tionem b ad a , erit angulus CIP ubique constans.

Ponamus jam, esse $p^2 = \frac{a^2 x^2}{b^2 + x^2}$, & ex hac suppositione tres
 oriuntur diversae curvarum species, prout a major est quam b ,
 aut ei æqualis, aut minor.

Et primo sit a major quam b . Centro C, & ad distantiam TAB. 46.
 quamvis datam describatur circulus HYX, cui rectæ CK, fig. 3.

CI productæ occurrant in Y & X. Et est IN² : KN² ::
 IP² : PC² & ita CI² - PC² : PC² :: x² - p² : p² :: x² -
 $\frac{a^2 x^2}{b^2 + x^2} : \frac{a^2 x^2}{b^2 + x^2} :: 1 : 1$: $\frac{a^2}{b^2 + x^2} : \frac{a^2}{b^2 + x^2} :: b^2 + x^2 - a^2 : a^2$.

Quare erit $\sqrt{x^2 + b^2 - a^2} : a :: IN : KN :: x : \frac{a x}{\sqrt{x^2 + b^2 - a^2}} =$

KN. Et quoniam est a major quam b , erit $b^2 - a^2$ quanti-
 ta

tas negativa. Sit illa $-c^2$, unde fit $KN = \frac{ax}{\sqrt{x^2 - c^2}}$. Dicitur b radius circuli HY , & est $CK : KN :: CY : YX$; hoc est, $x : \frac{ax}{\sqrt{x^2 - c^2}} :: b : \frac{bax}{x\sqrt{x^2 - c^2}} = YX = y$, si arcus HY

vocetur y . Sit $x = \frac{c^2}{z}$; unde $x = -\frac{c^2 z}{z^2}$ & $\frac{x}{z} = -\frac{z}{z}$.

Item erit $x^2 - c^2 = \frac{c^4}{z^2} - c^2 = \frac{c^4 - c^2 z^2}{z^2} = \frac{c^2}{z^2} \times c^2 - z^2$; unde

de $\sqrt{x^2 - c^2} = \frac{c}{z} \times \sqrt{c^2 - z^2}$; quibus valoribus substitutis,

erit $\frac{bax}{x\sqrt{x^2 - c^2}} = \frac{-bax}{c\sqrt{c^2 - z^2}}$. Sit $a : c :: n : 1$; hoc est, sit

$a = nc$, & fiet XY seu $y = -\frac{nbz}{\sqrt{c^2 - z^2}}$. Est vero $\frac{nbz}{\sqrt{c^2 - z^2}}$

ad $\frac{cz}{\sqrt{c^2 - z^2}}$, ut nb ad c ; hoc est in ratione data; adeoque eorum fluentes, si simul incipiunt, erunt in eadem ratione,

hoc est, erit HY seu y ad fluentem quantitatis $\frac{cz}{\sqrt{c^2 - z^2}}$, ut nb ad c .

Quod si centro C , radio $CV = c$ describatur circulus VL , & CG sit $= z$, & $no = z$, fiet arcus $mn = \frac{cz}{\sqrt{c^2 - z^2}}$ fluxioni arcus Qm , quando fluxio est quantitas positiva; sed quan-

quando est negativa, ejus fluens est arcus Vm prioris complementum: Arcus enim, ejusque complementum eandem habent quantitatem fluxionem denotantem, diversis tantum signis affectam; quia crescente uno decrefcit alter.

Hinc est HY ad Vm , ut nb ad c ; sed est CV ad CH ,

$$\frac{b \times Vc}{c} \\$$
 ut $Vc:HY$, hoc est, $c:b::Vc: \frac{b \times Vc}{c} = HY$, quare erit

$\frac{b \times Vc}{c} : Vm :: nb:c$; unde $Vc:Vm::n:1$.

Præterea ex natura circuli erit $CG:CV::CV:CT$, quan-

$$\frac{c^2}{c^2} \\$$
 do mT circulum tangit, hoc est erit $z:c::c: \frac{c^2}{c^2} = CT = x$.

Hinc si capiatur angulus VGe ad angulum Vcm , ut n ad 1 , & producat Ce ad K , ut sit $CK =$ secanti CT , erit K punctum in curva quaesita.

Hic obiter notandum est, si n sit numerus, hoc est, si sit a ad c vel a ad $\sqrt{a^2 - b^2}$, ut numerus ad numerum, curva VI fiet Algebraica; nam in hoc casu relatio mG ad sinum anguli VGe æquatione definitur, & inde habebitur relatio sinus anguli VGe ad CT vel CK per æquationem determinatam, & inde demum dabitur æquatio, quæ exprimet relationem inter ordinatam & interceptam à pnncto C incipientem. Harum curvarum ordines, & gradus in scala æquationum Algebraica diversi erunt pro magnitudine numeri n . In his omnibus curvis sic descriptis asymptoti positio hac ratione determinatur; fiat angulus VCL ad rectum angulum, ut n ad 1 . In eo angulo distantia corporis à centro evadit infi-

nita. Jam quad. perpendicularis in tangentem $PC = \frac{a^2 x^2}{b^2 + x^2}$,

ubi x est infinita, sit $PC = \frac{a^2 x^2}{x^2}$, seu $PC = a^2$. Duci-

Q q

tur

tur itaque CR ad CL perpendicularis, & æqualis rectæ a , & si per R ducatur RS rectæ CL parallela, hæc curvam tanget ad infinitam distantiam, seu erit curvæ asymptotos.

Si corpus in quavis harum curvarum descendendo ad apsidem imam pervenerit, hinc rursus ascendet in infinitum, & aliam curvam priori similem, seu potius ejusdem curvæ similem portionem ascendendo describet.

Curvæ hæc possunt pluribus revolutionibus circa centrum torqueri, priusquam ad asymptoton convergere incipiant, & motus angularis rectæ CK erit æqualis totidem rectis, quot numerus n constat unitatibus. v. g. Si n sit 100, perficietur viginti quinque integræ revolutiones, priusquam distantia à centro evadat infinita.

Aucto numero n , eadem manente a , minuitur c ; est enim

$$a^2 = c^2 \text{ \& } \frac{a^2}{n^2} = c'^2 = a'^2 - b'^2, \text{ unde fiet } n'^2 - 1 \times a'^2 = n'^2 b'^2. \text{ Et}$$

proinde fiet $a : b' :: n' : n'^2 - 1$; adeoque si b' ad æqualitatem accedat ipsius a' , perveniet quoque $n'^2 - 1$ ad rationem æqualitatis cum n'^2 , & proinde augebitur n , & in eadem ratione minuetur c . Ponatur itaque, esse b' fere æquale ipsi a' ; adeo ut cum differentia sit infinite parva, fiat n numerus infinite magnus, & radius circuli c fiet infinite parvus, seu circulus in suum centrum contrahetur. At sic evanescente c , non pariter evanescit CT, si angulus VCM sit propemodum rectus: nam in omni circulo, etiam minimo, secans anguli recti est quantitas infinita. Curva itaque hæc, ob n numerum infinitum, infinitis numero revolutionibus centrum ambit, priusquam ad asymptoton convergere incipiet:

Evanescente autem c fit $b = a$ & $p = \frac{a x}{\sqrt{x^2 + a^2}}$. Et quo-

niam in omni casu est $y = \frac{b a x}{x \sqrt{x^2 + c^2}}$, evanescente c fiet y

$\frac{bax}{x^2}$, unde capiendo fluentes fiet $y = \frac{ba}{x}$, seu $xy = ba$
 = datæ quantitati.

Hæc curva est spiralis hyperbolica, quæ plures habet notabiles proprietates: Si ducatur radius quilibet CIY curvæ occurrens in I, & peripheriæ circuli in Y, & ex C ad CI excitetur perpendicularis CT, atque IT tangat curvam in I, & rectæ CT occurrat in T; erit CT constans recta, æqualis scilicet arcui VE; qua proprietate Logarithmicam æmulatur, cum CT curvæ subtangens dici possit. Sit enim radius circuli CE = b, arcus VE = a, CI dicatur x & VY

sit y. Quia est $ba = x \times y$, erit $\frac{ba}{x} = y$ & $\frac{bax}{x^2} = y$. Por-

to est CY : CI :: YX : NK, hoc est $b : x :: \frac{bax}{x^2} : NK$; quæ

proinde est $\frac{ax}{x}$. Et quoniam est IN : NK :: CI : CT, hoc

est, $x : \frac{ax}{x} :: x : CT$, erit $CT = a$.

Si centro C, intervallo quovis CG, describatur circuli arcus GF, hic arcus inter rectam CV & curvam interceptus erit semper æqualis constanti rectæ CT vel a. Nam quoniam est VL × CF = CV × VE; erit VL : VE :: CV : CF :: VL : GF; unde æquantur VE & GF. Si ad CG ex C excitetur normalis CR = VE, vel FG vel a, & per R agatur RS rectæ CV parallela, erit RS curvæ asymptotos. Nam est recta MS æqualis arcui GF; & proinde FS distantia curvæ ab RS est semper æqualis excessui, quo arcus superat suum sinum; at cum distantia crescat in infinitum, excessus ille minuetur in infinitum, & fiet tandem data quavis recta minor, & proinde RS erit curvæ asymptotos.

Q q 2

Sit

TAB. 46.
Fig. 1.

Sit jam b major quam a ; & similiter, ut in priore casu,

invenietur $KN = \frac{ax}{\sqrt{x^2 + b^2 - a^2}}$; at quoniam b superat a ,

erit $c^2 = b^2 - a^2$ quantitas positiva, & KN fiet $= \frac{ax}{\sqrt{x^2 + c^2}}$,

& ponendo radium circuli $HY = b$, invenietur $XY = \frac{bax}{cx}$. Ponatur $x = \frac{c^2}{z}$, & erit $x = -\frac{c^2 z}{z^2}$ & $-\frac{z}{x} = -\frac{z}{-\frac{c^2 z}{z^2}} = \frac{z^2}{c^2}$.

Erit quoque $x^2 = \frac{c^4}{z^2}$ & $x^2 + c^2 = \frac{c^4}{z^2} + c^2 = \frac{c^4 + c^2 z^2}{z^2} = \frac{c^2}{z^2} \times (c^2 + z^2)$; unde $\sqrt{x^2 + c^2} = \frac{c}{z} \times \sqrt{c^2 + z^2}$.

His itaque valoribus substitutis, fit $\frac{bax}{x\sqrt{x^2 + c^2}} = \frac{bax}{\frac{c}{z} \times \sqrt{c^2 + z^2}} = \frac{b az}{c \sqrt{c^2 + z^2}} = -y$. Nam tale sumi potest initium arcus HY ,

ut simul cum fluente quantitatis $\frac{-b az}{c \sqrt{c^2 + z^2}}$ crescat & decre-
scat. Fiat $nc = a$, & erit $\frac{nbx}{\sqrt{c^2 + z^2}} = y$, & $\frac{\frac{1}{2}nb'z}{\sqrt{c^2 + z^2}} = \frac{1}{2}$
 $by =$ sectori CXY .

Est autem $\frac{\frac{1}{2}nb'z}{\sqrt{c^2 + z^2}} : \frac{\frac{1}{2}cz}{\sqrt{c^2 + z^2}} :: nb' : c^2$, hoc est in data
ratio-

tione. Adeoque erit sector CXY ad $\frac{\frac{1}{2}c^2z}{\sqrt{c^2+z^2}}$ semper in

data ratione. Harum itaque quantitatum fluentes erunt in eadem ratione, cum simul incipere ponantur. Fluens autem

sectoris CXY est sector CVY & fluens quantitatis $\frac{\frac{1}{2}c^2z}{\sqrt{c^2+z^2}}$

est sector hyperbolæ, quod sic ostenditur.

Centro C, semiaxe transverso CV = c describatur hyper- TAB. 46.
Fig. 5.

bola æquilatera, & ex duobus punctis vicinis D & F ordi-
nentur ad axem conjugatum rectæ DB, EF; ducantur item
CD, CF. Et incrementum seu fluxio trianguli BCD
æquale erit BE × BD — sectore DCF; unde sector DCF
(qui est fluxio sectoris CVD) æqualis erit BE × BD — in-
cremento trianguli BCD. Et si BG dicatur z, ob hyper-
bolam, est BD = BC + CV = z + c; unde BD =

$\sqrt{c^2+z^2}$, & BE × BD = z × $\sqrt{c^2+z^2}$. Triangulum au-

tem BCD est $\frac{1}{2}z \times \sqrt{c^2+z^2}$, cujus fluxio est $\frac{1}{2}z \times \sqrt{c^2+z^2}$
+ $\frac{1}{2}z \times z$.

Subtrahatur hæc quantitas ab z × $\sqrt{c^2+z^2}$,

& restabit sector hyperbolæ minimus CDF = $\frac{1}{2}z \times \sqrt{c^2+z^2}$

$\frac{\frac{1}{2}z \times z}{\sqrt{c^2+z^2}} = \frac{\frac{1}{2}z \times c + z^2 - \frac{1}{2}z \times z}{\sqrt{c^2+z^2}} = \frac{\frac{1}{2}c^2z}{\sqrt{c^2+z^2}}$. Adeoque

fluens sectoris CDF est æqualis fluenti quantitatis $\frac{\frac{1}{2}c^2z}{\sqrt{c^2+z^2}}$.

Proinde erit sector CVD fluens quantitatis $\frac{\frac{1}{2}c^2z}{\sqrt{c^2+z^2}}$. Præ-

terea DT recta tangat hyperbolam, & occurrat axi conjuga-
to in T. Est ex natura hyperbolæ BC : CV :: CV : CT,

hoc est $z : c :: c - \frac{c^2}{x} = CT = x$. Atque hinc oritur constru-

ctio, quæ sequitur.

TAB. 46.
fig. 6.

Centro C, semiaxe transverso CV, describatur hyperbola æquilatera Vm, item circulus Ve. Capiatur sector circularis CVe ad sectorem hyperbolicum CVm, ut π ad 1; tangat hyperbolam in m recta Tm occurrens axi conjugato in T; producatuſ Ce ad k, ut fit $Ck = CT$, & punctum k erit in curva quæſita. Nempe talis eſt ea curva, ut ſi Ck dicatur x , perpendicularis à C in tangentem ejus de-

miſſa erit ſemper æqualis $\frac{ax}{\sqrt{b^2 + x^2}}$. Quando x eſt infinita,

evaneſcit b , & perpendicularis fit $= a$, & tunc coincidit CR cum CV. Si itaque capiatur in axe conjugato $CR = a$, & ducatur RS ipſi CV parallela, erit hæc curva aſymptotos.

Si eo uſque augeatur a , ut fiat quantitas $b - a$ infinite parva, tunc evaneſcet c , & quantitas $\frac{bax}{x\sqrt{x^2 + c^2}}$ fit $\frac{bax}{x^2} = y$.

Unde ſi capiantur harum quantitatum fluentes, habebimus $\frac{ba}{x} = y$, & $ba = xy$, hoc eſt, reſtangulum ſub arcu circulari

& diſtantiâ curvæ à centro erit ſemper data quantitas; atque hac ratione migrabit curva in ſpiralem hyperbolicam. Eſt itaque ſpiralis hyperbolica curva media, ſeu quaſi limes inter eas curvas, quæ conſtruuntur per ſectores circulares & eas, quæ conſtruuntur per ſectores hyperbolicos. Itaque ſpiralis illa hyperbolica concipi poteſt formari vel per ſectorem circuli aut ellipſis, vel per ſectorem hyperbolæ, cujus axis tranſverſus minuitur in infinitum, & in eadem ratione augeatur numerus π .

Ad eum jam devenimus caſum, ubi velocitas corporis minor

nor est ea, quæ acquiritur cadendo ab infinita distantia, & ubi

TAB. 46.
fig. 3.

$p' = \frac{a^2 x^2}{b^2 - x^2}$. Et hinc simili ratiocinio ac in priori casu inve-

nietur $KN = \frac{ax}{\sqrt{b^2 - a^2 - x^2}}$, ubi necesse est, ut sit b' majus quam

a^2 . Hinc si $b^2 - a^2$ dicatur c^2 , fit $KN = \frac{ax}{\sqrt{c^2 - x^2}}$; & proin-

de XY, seu $y = \frac{bax}{x\sqrt{c^2 - x^2}}$.

Sit jam $x = \frac{c^2}{z}$, & fiet $\frac{x}{z} = \frac{z}{x}$, seu $\frac{bax}{x} = -\frac{baz}{z}$, &

$c^2 - x^2$ erit $= \frac{c^2}{z^2} \times z^2 - c^2$, quibus valoribus substitutis, fit

$\frac{-baz}{c\sqrt{z^2 - c^2}} = \frac{baz}{x\sqrt{c^2 - x^2}} = -y$. Nam tale ponendum est

initium arcus YX, ut simul cum fluente quantitatis $\frac{baz}{c\sqrt{z^2 - c^2}}$

incipiat; unde erit $\frac{1}{2} \frac{b^2 a z}{c\sqrt{z^2 - c^2}} = 1 by = \text{sectori CXY} =$

$\frac{1}{2} n b^2 z$, ponendo $nc = a$. Est vero $\frac{1}{2} n b^2 z$ ad $\frac{1}{2} c^2 z$,

ut $n b^2$ ad c^2 , hoc est in ratione constanti. Quare harum

quantitatum fluentes sunt in eadem ratione, hoc est, fluens

quantitatis $1 by$ seu $\frac{1}{2} n b^2 z$ erit ad fluentem quantitatis

$\frac{\frac{1}{2}c^2 z}{\sqrt{z^2 - c^2}}$, ut n^b ad c^a . Est autem fluens quantitatis $\frac{1}{2}by$
 $=$ sectori CVX, & fluens quantitatis $\frac{\frac{1}{2}c^2 z}{\sqrt{z^2 - c^2}}$ est sector
 hyperbolæ, quod sic ostenditur.

TAB. 46.
 fig. 7.

Centro C, semiaxe transverso CV = c describatur hyperbola æquilatera, & ex duobus punctis infinite vicinis B & D ad axem ordinentur duæ rectæ BE, DF; ducantur item CB, CD. Et erit fluxio, seu incrementum trianguli CBE = triangulo CBD + BE × EF; unde triangulum CBD, seu sector minimus CBD erit = incremento trianguli CBE - BE × EF. Dicatur CE z , & erit BE = $\sqrt{z^2 - c^2}$, & BE × EF = $z\sqrt{z^2 - c^2}$. Est quoque triangulum CBE = $\frac{1}{2}z\sqrt{z^2 - c^2}$, cujus fluxio est $\frac{1}{2}z \times \sqrt{z^2 - c^2} + \frac{\frac{1}{2}z \times z^2}{\sqrt{z^2 - c^2}}$; à quo si subtrahatur quantitas $z \times \sqrt{z^2 - c^2}$, fit sector minimus CBD = $\frac{\frac{1}{2}z \times z^2}{\sqrt{z^2 - c^2}} - \frac{1}{2}z \times \sqrt{z^2 - c^2} = \frac{\frac{1}{2}z \times z^2 - \frac{1}{2}z \times z^2 - c^2}{\sqrt{z^2 - c^2}} = \frac{\frac{1}{2}c^2 z}{\sqrt{z^2 - c^2}}$; unde constat, sectorem CBV esse fluentum quantitatis $\frac{\frac{1}{2}c^2 z}{\sqrt{z^2 - c^2}}$. Præterea si BT tangens hyperbolam axi transverso occurrat in T, ex natura hyperbolæ fit CE : CV :: CV : CT, hoc est, $z : c :: c : \frac{c^2}{z} = CT = x$.

TAB. 46.
 fig. 8.

Hinc deducimus sequentem constructionem. Centro C, semiaxe transverso CV = c describatur hyperbola æquilatera VB, & circulus CG ex centro C. Ad hyperbolam du-

ducatur recta CB, & hyperbolæ tangens BT axi transverso occurrat in T. Capiatur circuli sector CVe, qui sit ad sectorem hyperbolicum CVB, ut n ad 1. In Ce capiatur CK = CT, & erit K punctum in curva quæsitâ, cujus perpendiculum è centro C ad tangentem in K demissum, si CK

dicatur x , est æquale $\frac{ax}{\sqrt{b^2 - x^2}}$.

Et in hac curva, urgente vi centripeta, quæ sit reciproce ut cubus distantie, movebitur corpus, si secundum directionem tangentis cum iusta velocitate exeat. Qualis autem debet esse velocitas, quæ faciat, ut corpus harum curvarum quamvis describat, sic invenietur.

Cum velocitas, qua corpus in trajectory quacunque movetur sit reciproce, ut quantitas p , assumendo constantem quam-

vis a , ea semper exponi potest per $\frac{a}{p}$. Et si ad axem CV

ordinentur rectæ, quæ sint reciproce, ut cubi distantiarum à centro, seu ut vires centripetæ, & hac ratione formetur figura curvilinea, ejus area indefinite extensa semper exponi

potest per $\frac{b^2}{x^2}$, ut ex quadraturis constat. At area illa est,

ut quadratum velocitatis, quæ acquiritur ab infinita distantia cadendo, adeoque velocitas hoc casu acquisita erit,

ut $\frac{b}{x}$. Hinc si velocitas illa dicatur y , & velocitas, qua-

corpus in trajectory movetur, dicatur v , talesque assumantur quantitates a & b , ut in una aliqua à centro distantia sit

$y : v :: \frac{b}{x} : \frac{a}{p}$, erit ubique in omnibus distantis $y : v :: \frac{b}{x} :$

$\frac{a}{p} :: p : \frac{ax}{b}$. Unde si $y = v$, erit $p = \frac{ax}{b}$, & curva hac

velo-

velocitate descripta erit spiralis nautica, vel circulus existente $p = x$, & $a = b$.

Si y sit major quam v , tunc p major erit quam $\frac{ax}{b}$, erit-

que illa, ut ex præcedentibus constar, $= \frac{ax}{\sqrt{b^2 - x^2}}$. Curva

autem construetur per sectorem hyperbolicum, ut in ultimo casu ostensum fuit, ubi distantia corporis à centro per concursum tangentis hyperbolæ cum axe transverso determinatur: Si y sit minor quam v , at in tantilla ratione, ut maneat b major quam a , curva formabitur per eundem sectorem hyperbolicum. At distantia corporis à centro desumitur ex concursu tangentis cum axe conjugato.

Si sit $y : v :: p : x$, erit in eo casu $a = b$, & curva evadit spiralis hyperbolica, ubi est $p = \frac{ax}{\sqrt{a^2 + x^2}}$. Hinc si de loco

quovis projiciatur corpus secundum datam rectam, cum ea velocitate, quæ sit ad velocitatem ab infinito cadendo acquisitam, ut distantia corporis à centro ad perpendicularem è centro ad lineam directionis demissam, movebitur illud corpus in spirali hyperbolica. Si denique sit v tanto major quam y , ut sit etiam a major quam b , curva construetur per sectores circulares. Atque hac ratione data velocitate semper determinari possit relatio quantitatum a & b , ac proinde curva describetur, in qua corpus cum illa velocitate movebitur: & vicissim datâ curvâ, seu datis quantitibus a & b , invenietur velocitas, qua curva illa describitur.

Omniū curvarum aræ (si circulum excipias), quæ urgente hac vi centripeta describi possunt, sunt perfecte quadrabiles. Nam primo, in spirali Logarithmica, quia est $p =$

TAB. 46.
fig 2.

$$\frac{ax}{b}, \text{ erit } KN = \frac{ax}{\sqrt{b^2 - a^2}} = \frac{ax}{c}, \text{ ponendo } b^2 - a^2 = c^2$$

adeo-

adeoque erit triangulum CKI = $\frac{\frac{1}{2} a x x}{c}$, cujus fluens est

$$\frac{a x^2}{4 c} = \text{areæ curvæ}.$$

4 c

Si p fit $\frac{a x}{\sqrt{b^2 + x^2}}$, & a major quam b, ostensum est KN

$$= \frac{a x}{\sqrt{x^2 - c^2}}, \text{ unde } \text{KN} \times \frac{1}{2} \text{CI} = \frac{\frac{1}{2} a x x}{\sqrt{x^2 - c^2}}, \text{ cujus fluens est}$$

$\frac{1}{2} a \sqrt{x^2 - c^2} = \text{areæ curvæ}.$ At si a minor sit quam b, fit

$$\text{KN} = \frac{a x}{\sqrt{x^2 + c^2}}, \text{ \& KN} \times \frac{1}{2} \text{CI} = \frac{\frac{1}{2} a x x}{\sqrt{x^2 + c^2}}, \text{ cujus fluens est}$$

$\frac{1}{2} a \sqrt{x^2 + c^2} - Q = \text{areæ curvæ}.$ Ponatur $x = 0$, & fiet $\frac{1}{2} a c - Q = 0$; unde $Q = \frac{1}{2} a c$, & area curvæ fit $\frac{1}{2} a \sqrt{x^2 + c^2} - \frac{1}{2} a c$.

In spirali hyperbolica evanescit quantitas c, & area curvæ fit $\frac{1}{2} a x$.

Si p fit $\frac{a x}{\sqrt{b^2 - x^2}}$, ostensum est, esse $\text{KN} = \frac{a x}{\sqrt{c^2 - x^2}}$;

$$\text{unde } \frac{1}{2} \text{CI} \times \text{KN} = \frac{\frac{1}{2} a x x}{\sqrt{c^2 - x^2}}, \text{ cujus fluens est } Q - \frac{1}{2} a \sqrt{c^2 - x^2}$$

= areæ. Fiat $x = 0$, & erit $Q - \frac{1}{2} a c = 0$, seu $Q = \frac{1}{2} a c$; unde erit area curvæ semper æqualis $\frac{1}{2} a c - \frac{1}{2} a \sqrt{c^2 - x^2}$. Fiat $c^2 - x^2 = 0$, seu $c = x$, & area curvæ fit $\frac{1}{2} a c$. Unde si initium areæ non capiatur ab initio ipsius x, seu ubi x est = 0, sed ubi $x = c$ est maxima, hoc est si area ab V incipiat, erit area semper æqualis $\frac{1}{2} a \sqrt{c^2 - x^2}$.

TAB. 47.
fig. 7.

De aeris, quas describunt corpora radiis ad centrum ductis, urgeate vi centripeta, quæ sit reciproçè, ut distantiarum cubi, se-

sequentia adnotavit peritissimus *Hallejus*. Nempe si corpora diversos circulos, vel diversas spirales hyperbolicas hac lege describunt; erunt areæ sectorum, tam in circulis, quam in spiralibus illis omnibus, æqualis temporibus descriptæ, semper æqualbus: nam velocitates corporum in circulis motorum secundum hanc legem debent esse radiis, seu distantiis reciproce proportionales, adeoque arcus simul percurti erunt quoque in eadem radiorum reciproca ratione; unde statim patebit, sectores simul descriptos esse æquales.

In reliquis omnibus curvis, cum sit velocitas ad velocitatem corporis in eadem distantia in circulo moti, ut $\frac{a}{b} \times x$ ad p ,






TAB. 46. seu ut $\frac{a}{x} \times IK$ ad KN ; interea dum corpus in trajectory-

percurrit lineolam IK , corpus aliud in eadem distantia motum percurrit arcum $\frac{b}{a} \times KN$; & area sectoris circuli & traje-

ctoriæ simul descriptæ erunt $\frac{b}{a} \times KN \times \frac{1}{2} CN$, & $KN \times \frac{1}{2}$

CN , quæ duæ areæ sunt in ratione data, scil. ut b ad a . Adeoque ubi est $a = b$, uti fit in spirali hyperbolica, area sic descripta erit semper æqualis areæ sectoris circularis in æquali tempore descriptæ.

TAB. II.



D 3
L E G I B U S
A T T R A C T I O N I S ,
A L I I S Q U E
P H Y S I C E S P R I N C I P I I S .

1871

THE

ATTRACTION

ALISSUE

PHYSICS PRINCIPLES

E P I S T O L A
 J O A N N I S K E I L L I I,
Ex Aede Christi Oxon. A. M. ad Clar. Virum
 G U L I E L M U M C O C K B U R N,
 M E D I C I N Æ D O C T O R E M,
 I N Q U A
 L E G E S
 A T T R A C T I O N I S,
 A L I A Q U E
 P H Y S I C E S P R I N C I P I A
 T R A D U N T U R.

CUm summâ benevolentiâ, & non vulgari amicitia me complexus sis, iniquus essem, Vir Ornatissime, nisi conarer aliquam tibi vicissim referre gratiam. Theoremata igitur hæc, quibus non modo rem Physicam, sed & Medicam aliquatenus illustrari posse arbitror, ad te mitto; munus, uti quibusdam fortasse videri potest, perexiguum. Tibi tamen & gratissimum fore spero, & non parvi æstimandum. Cum enim tum Philosophiam Mechanicam penitus perspexeris, & in praxi Medicâ felicissime sis versatus; tum etiam utrique promovendæ graviter incumbas, gratissima sine dubio tibi erunt vera Medicinæ principia, quoniam optime intelligis, quam periculosi ex falsis oriantur errores. Hæc igitur theoremata tibi, Vir Clarissime, in manus trado, tuoque arbitrio libens permitto.

Po-

Ponenda sunt fundamenti loco hæc tria, quibus omnis Physice innititur, principia. 1. Spatium inane. 2. Quantitatis infinitum divisibilitas. 3. Materie vis attractrix. Dari spatium inane, constat ex motu corporum. Quantitatis infinitum divisibilitatem, ex continuæ quantitatis natura demonstrant Geometræ. Materie inesse vim attractricem, confirmat experientia. Ex duobus primis principiis sequitur

THEOREMA I.

Materia exigua qualibet particula potest ita spatium quantumvis magnum occupare, ut pororum, seu omnium meatuum diametri sint datâ rectâ minores, vel ut particula omnes sint à se invicem remotæ intervallo datâ rectâ minore.

THEOREMA II.

Dari possunt, duo corpora mole equalia, at pendere, seu densitate (id est, quantitate materie) utcumque unequalia, in quibus erunt meatuum, seu pororum summae fere equaliter.

Sit v. gr. digitus cubicus alter auri, alter aeris: quamvis materia in cubo aureo vicesies millies superat materiam in cubo aërio, fieri tamen potest, ut spatia vacua in digito cubico auri sint fere æqualia spatiis vacuis in digito cubico aeris, scil. ut auri vacuitates sint ad vacuitates aeris, ut 999999 ad 1000000.

THEOREMA III.

Particula, quæ aquam, vel aerem, vel alia ejusmodi fluida constituunt (si modo se tangant), non sunt absolute solida, sed ex aliis compositæ particulis multis meatibus & poros intra se continentibus.

Par-

Particulæ corporum minimæ, & absolute solidæ, hoc est vacui omnino expertes vocentur primæ compositionis; moleculæ ex pluribus hisce particulis coalescentibus ortæ vocentur particulæ secundæ compositionis; moles ex pluribus moleculis coeuntibus conflatae vocentur particulæ tertiæ compositionis; & sic deinceps, donec tandem perventum fuerit ad particulas, è quibus corporum fit ultima compositio, & in quas eorundem fit prima resolutio.

Materiæ inesse vim attractricem, qua omnis materiæ particula trahit ad se omnem aliam materiæ particulam, & vicissim trahitur, primus ex phænomenis collegit Dominus Isaac Nevvtonus. Vis hæc, datâ materiâ in diversis distantis, reciproce proportionalis est quadratis distantiarum; ex qua oritur vis illa; quam gravitatem dicimus, qua corpora omnia terrestria ad terram rectâ feruntur, estque pondus corporum quantitati materiæ semper proportionale. Prolatâ hac, quam ipse primus detexit, materiæ vi attractrice, omnes planetarum motus, cometarumque phases pulcherrime explicavit, physicamque cœlestem ab illis, quæ tot retro fluxerunt, seculis vidum inchoatam, felicissime consumnavit Dominus Nevvtonus; vir ingenio pene supra humanam sortem admirabili, dignusque, cujus fama per omnes terras pervagata, cœli, quos descripsit, meatibus permaneat cœva.

Divina sagacissimi viri inventa sæpenumero mecum recolens, in eam tandem cogitationem incidi, principium quoddam Nevvtoniano non absimile ad phænomena terrestria explicanda adhiberi posse. Post iterata sæpius experimenta, materiæ terrestri inesse deprehendi vim quandam attractricem, ex qua plurimorum phænomenon ratio petenda est; meaque hac de re cogitata abhinc quinquennio Domino Nevvtono indicavi: ex eo autem intellexi, eadem fere, quæ ipse investigaveram, sibi diu ante animadverta fuisse. Quæstiones aliquot ad hanc vim attractricem spectantes, sub finem optices abhinc bennio latinè editæ, proposuit Dominus Nevvtonus; quem cum istiusmodi studia alterius excolere ætas ingravescens, & alia negotia vetant, tanti viri vestigiis insistere, cum-

R r

que

que longo licet intervallo sequi, haud alienum duxi. Im-
præsentiarum nuda quædam proponam theoremata, quæ for-
tasse aliquando fufius enuntiata & demonstrata iusto volu-
mine sum traditurus.

THEOREMA IV.

*Præter vim illam attractricem, qua planetarum, co-
metarumque corpora in propriis orbitis retinentur, alia
etiam inest materiæ potentia, qua singulæ, ex quibus illa
constat, particulæ se invicem attrahunt, & reciprocè à
se invicem attrahuntur: quæ vis decrescit in majore, quam
duplicata ratione distantie augescens.*

Theorema hoc multis potest probari experimentis; at ra-
tio, qua minuitur vis illa, dum à se invicem recedunt particu-
læ, num scilicet sit triplicata, quadruplicata, vel alia quæ-
vis distantiarum augescens ratio, quæ major sit duplicatâ,
nondum æquè per experimenta patet; erit fortasse aliquando
tempus, cum accuratiore adhibita diligentia innotescet.

THEOREMA V.

*Si corpus constet ex particulis, quarum singulæ vi po-
lent attractrice, in triplicata, vel plusquam triplicata ra-
tione distantiarum decrescens; erit vis, qua ab eo corpore
urgetur corpusculum, in ipso contactu, vel intervallo à con-
tactu infinite exiguo, infinite major, quam si corpusculum
illud ad datam à dicto corpore distantiam locaretur. Vide
Prop. 80, & 91 Princip. Nevvtoni.*

THEOREMA VI.

*Iisdem positis, si vis illa attractiva in assignabili distan-
tia ad gravitatem obtineat rationem finitam; eadem in ipso
contactu, vel in distantia infinite parva, vi gravitatis
erit infinite major.*

THEO-

THEOREMA VII.

Si vero in ipso contactu vis corporum attractiva ad gravitatem obtineat rationem finitam, eadem in omni distantia assignabili est vi gravitatis infinite minor, adeoque evanescit.

THEOREMA VIII.

Vis attractiva, qua pollent singula materiae particulae in ipso contactu, vim gravitatis prope in immensum superat; non tamen est vi gravitatis infinite major; adeoque in data distantia vis illa evanescet.

Vis igitur hæc materiae superaddita non nisi per spatiola admodum perexigua diffunditur; in majoribus distantis prorsus nulla est; unde motus corporum cœlestium (quæ longis intervallis à se invicem disjuncta sunt) per vim hanc attractivam nulla ratione turbari possunt, sed eadem ratione continuo peraguntur, ac si vis illa à corporibus iis prorsus abesset.

THEOREMA XI.

Si corpusculum aliquod corpus tangat, vis, qua urgetur illud corpusculum, hoc est, vis, qua cum eo corpore cohaeret, erit quantitati contactus proportionalis; nam partes à contactu remotiores nihil conferunt ad coherentiam.

Adeoque pro vario particularum contactu varii orientur coherentiæ gradus; omnium autem maximæ sunt vires coherentiæ, quando superficies, in quibus se invicem tangunt corpora, planæ existunt; quo in calu, cæteris paribus, vis, qua corpusculum cum aliis cohaeret, erit ut superficierum partes sese tangentes.

Hinc patet ratio, cur duo marmora exactissimè polita, & sese secundum superficies planas tangentia, à se invicem di-

velli non possunt, nisi à pondere, quod gravitatem aeris incumbentis multum superat.

Hinc etiam decantatissimi istius problematis de cohærentia materiæ solutio elici potest.

THEOREMA X.

Ea corpuscula facillime à se invicem separantur, quorum contactus cum aliis sunt paucissimi, & minimi; quales contingere solent in corpusculis sphericis infinite exiguis.

Hinc fluiditatis ratio redditur.

THEOREMA XI.

Vis, qua corpusculum aliquod ad aliud corpus maxime propinquum attrahitur, quantitatem suam non mutat, siue augeatur corporis attrahentis materia, siue minuatur, eadem manente corporis densitate, & corpusculi distantia.

TAB. 47.
fig. 10.

Nam cum vires particularum attractrices per minima tantum diffundantur spatia; liquet, partes remotiores ad CD & E nihil conferre ad attrahendum corpusculum A. Adeoque eadem vi versus B trahetur corpusculum, siue adsint hæ partes, siue amoveantur, siue denique aliæ ipsis conjungantur.

THEOREMA XII.

Si ea sit corporis alicujus textura, ut particule ultimæ compositionis, per vim quandam externam (qualis est pondus eas comprimens, vel ab altero corpore proveniens ictus) à primigeniis suis contactibus paululum dimoveantur, nec interim in novos contactus commigrent, particule per vim attractivam sese mutuo petentes ad contactus primigenios citò redibunt: iisdem vero redeuntibus particularum corpus quodvis componentium contactibus & positionibus, eadem quoque redibit corporis figura; adeoque per vim attractivam corpora pristinas, quas amiserunt figuras, possunt denuo recuperare.

Hinc

Hinc elasticitatis ratio reddi potest. Cum autem per vim elasticam corpora in se invicem impingentia à se mutuo resiliant (uti demonstratum est in lectionibus nostris physicis), à vi attractiva corporum oriri etiam debet eorundem à se invicem discessus.

THEOREMA XIII.

Quod si ea sit corporis textura, ut particula à prioribus contactibus per vim impressam dimota in alios, qui ejusdem sunt gradus, immediate deveniant, corpus illud in pristinam figuram non se restituet.

Hinc qualis sit textura, in qua corporum mollities consistit, intelligi potest.

THEOREMA XIV.

Particula materiæ pro diversa ipsarum structura & compositione diversis pollebunt viribus attractivis, puta, non erit æque fortis attractio, cum particula datæ magnitudinis pluribus perforata sit meatibus, ac si omnino solida & vacui expers esset.

THEOREMA XV.

Particularum perfecte solidarum vires attractivæ ex figuris ipsarum multum pendent. Nam si parva aliqua materiæ particula in laminam circularem indefinite exiguæ crassitudinis formetur, corpusculum in recta per centrum transeunte, & ad planum circuli normali locetur, sitque distantia corpusculi æqualis decimæ parti semidiametri circuli; vis, qua urgetur corpusculum, tricies minor erit, quam si materia attrahens coalesceret in spheram, & virtus totius particulae ex uno quasi puncto physico diffunderetur. Quin etiam eadem

circularis lamella fortius ad se trahit corpusculum, quam alia ejusdem ponderis particula, quæ in tenuem & longum formatur cylindrum.

T H E O R E M A X V I .

Sales sunt corpora, quorum particulae ultimæ compositionis magna vi attractiva pollent, inter quas tamen particulas plurimi interjacent meatus, particulis, quas habet aqua, ultimæ compositionis pervii: quæ igitur à salinis particulis fortiter attractæ in eas cum impetu ruunt, & à mutuo contactu eas disjungunt, coherentiamque salium dissolvunt.

T H E O R E M A X V I I .

Si corpuscula duo, viribus attractivis decrefcentibus, in triplicata aut plusquam triplicata ratione distantiarum se mutuo petunt; erit velocitas in se invicem impingentium infinite major, quam in dato intervallo. Vide Prop. 39 Princip. Nevvtoni.

T H E O R E M A X V I I I .

Corporis aqua gravioris eo usque diminui potest magnitudo, ut tandem in aqua suspensum maneat, nec vi propriæ gravitatis descendat.

Hinc patet ratio, cur particulae salinæ, metallicæ, & aliæ ejusmodi in minima redactæ, in suis menstruis suspensæ hæcant.

THEOREMA XIX.

Corpora majora minore velocitate ad se invicem accedunt, quam minora.

Vis enim, qua se mutuo petunt corpora A & B, parti- TAB 47.
culis maxime propinquis tantum inest; remotiorum quippe fig. 11.
vires nullæ sunt. Non igitur major vis adhibetur ad movenda corpora A & B, quam ad particulas c & d movendas, sed corporum eadem vi motorum velocitates sunt corporibus reciproce proportionales: unde erit velocitas, qua corpus A tendit versus B, ad velocitatem, qua particula c à corpore soluta versus idem B tenderet, ut particula c ad corpus A. Multo igitur minor est velocitas corporis A, quam foret velocitas particulæ c à corpore solutæ.

Hinc fit, ut corporum majorum motus sua natura adeo languidus & lentus sit, ut ab ambiente fluido, & aliis circumjacentibus corporibus plerumque impediatur. In minimis vero corpusculis viget virtus, & ab iis perplurimi producuntur effectus: tanto plus energiæ minoribus inest corporibus; quam majoribus.

Hinc patet ratio istius axiomatis Chymici. *Sales non agunt, nisi soluti.*

THEOREMA XX.

Duo corpuscula sese non contingentia, adeo sibi vicina locari possunt, ut vis, qua se mutuo petunt, vim gravitatis superet.

THEOREMA XXI.

Si corpusculum in fluido locatum à particulis ambientibus undique æqualiter trabatur, nullus exinde oriatur corpuscu-

R r 4

li

li motus ; quod si ab aliis particulis magis , ab aliis minus urgeatur , ad eam partem tendet corpusculum , ubi major est attractio : & motus productus inæqualitati attractionis respondebit , scilicet in majori inæqualitate major erit motus , in minore minor .

THEOREMA XXII.

Corpuscula in fluido natantia , & magis se invicem trahentia quam fluidi particulas interjectas , depulsis fluidi particulis ad se invicem accedent ea vi , qua ipsorum attractio mutua superat attractionem particularum fluidi .

THEOREMA XXIII.

Si corpus aliquod in fluido locetur , ejus partes fluidi particulas magis ad se trahunt , quam fluidi particula à se invicem trahantur ; sintque in corpore meatus plurimi particulis fluidi pervii , per hos meatus fluidum illud cito se diffundet ; & si partium in corpore connexio non tam firma sit , quin ab impetu irruentium particularum superari possit , orietur exinde corporis immersi dissolutio .

Hinc ut menstruum dato corpori dissolvendo sit idoneum , tria requiruntur . 1. Ut partes corporis particulas menstrui magis ad se trahant , quam eæ à se invicem trahantur . 2. Ut corpus habeat meatus particulis menstrui patentes , & pervios . 3. Ut coherentia particularum corpus constituentium tanta non sit , quin ab impetu irruentium particularum menstrui divelli possit . Hinc quoque constat , particulas spiritum vini constituentes magis à se invicem trahi , quam à particulis corporis salini in spiritu vini demersi .

TAB. XLII.




Fig. 2.




Fig. 4.




Fig. 5.




Fig. 7.




Fig. 8.




Fig. 9.




Fig. 6.

THEOREMA XXIV.

Si corpuscula in fluido natantia, & se invicem retentia elastica sint, post congressum à se mutuo resiliunt, & inde in alia corpuscula rursus impingentia denuo reflectentur: ex quo fient innumeri alii cum aliis corpusculis confictus continuæque resilitiones. Per vim autem attractivam continuo augebitur corpusculorum velocitas, & sensui patebit partium motus intestinus; sed prout fortius aut imbecillius se invicem trahunt corpuscula, & pro varia, qua pollent elasticitate, varii erunt hi motus, & diversis gradibus atque temporibus fient sensibiles.

THEOREMA XXV.

Si corpuscula se invicem trahentia se mutuo contingant, nullus orietur motus; propius enim accedere nequeunt. Si ad exiguum admodum à se invicem seponantur spatium, orietur motus; sed si longius distent, non majore vi se invicem trahent, quam fluidi particulas interjectas; adeoque nullus producetur motus.

Ex hisce principiis pendent omnia fermentationis & effervescentiæ phænomena. Hinc patet ratio, cur oleum vitrioli, cui paululum aquæ immititur, effervescit atque ebullit: corpuscula enim salina, infusâ aquâ, à mutuo contactu paululum dimoventur; unde cum magis se invicem trahant quam aquæ particulas, & cum undique æqualiter non trahantur, motum exinde oriri necesse est.

Hinc etiam liquet ratio, cur tanta cietur ebullitio, cum limatura chalybis mixturæ supradictæ injicitur: particulae enim chalybis magna pollent elasticitate, unde valida oritur reflexio. Hinc etiam videre est, cur menstrua quædam fortiori

vi

vi agunt, citiusque corpus aliquod dissolvunt, si aquâ dilutione fiant.

T H E O R E M A X X V I .

Si corpuscula se mutuo attrahentia vi elastica careant, à se invicem non reflectuntur; sed congeries seu molecularum particularum efficient, unde fiet Coagulum: & si particularum sic coacervatarum gravitas superet gravitatem fluidi, succedet quoque Præcipitatio. Oriri quoque potest præcipitatio ex aucta, vel diminuta gravitate menstrui, in quo natant corpuscula.

T H E O R E M A X X V I I .

Si corpusculorum sese invicem attrahentium, & in fluido natantium ea sit figura, ut in datis quibusdam ipsorum partibus majori vi attractiva polleant, quam in aliis, & major fit in iisdem contactus; corpuscula illa coibunt in corpora datas figuras habentia, & inde emergent ChrySTALLISATIONES; corpusculorumque componentium figuræ ex data figura chrystalli per Geometriam determinari possunt.

T H E O R E M A X X V I I I .

Si corpuscula magis trabantur à fluidi particulis, quam à se invicem; fiet ut, quasi se mutuo fugientes, à se invicem recedant, & per omne fluidum citò diffundentur.

T H E O R E M A X X I X .

Si inter duas fluidi particulas aliquod intercedat corpusculum, cujus binæ oppositæ facies maximis polleant viribus at-

attractivis, hoc interjectum corpusculum particulas fluidi sibi agglutinabit; & plura istiusmodi corpuscula per fluidum diffusa ejus particulas omnes in corpus firmum compingent, fluidumque in Glaciem reducent.

THEOREMA XXX.

Si corpus aliquod maximam emittat effluviiorum copiam, quorum vires attractrices sunt fortissimæ; cum effluvia hæc corpori alicui leviusculo appropinquent, ipsorum vires attractrices gravitatem corporis levioris tandem superabunt, & effluvia corpus illud ad se sursum trahent: cumque multo magis conferta sint effluvia in minoribus ab emittente corpore distantis, quam in majoribus, corpus leve versus densiora effluvia semper urgebitur, donec tandem ipsi corpori effluvia emittenti adhæreat. Hinc plurima Electricitatis phænomena explicari possunt.

Contra nostram hanc de viribus attractricibus doctrinam, fortasse objiciet aliquis; si vis hæc attractrix omni inesset materiæ, corpora ponderosiora, & plus materiæ in dato spatio habentia, plus debere attrahere, quam corpora minus gravia, quod experientiæ repugnat. Sed huic objectioni facile respondetur. Particulæ scilicet ultimæ compositionis (quibus solis tribuitur vis attractrix), confertim juxta se invicem locatæ, possunt corpus ponderosum constituere, etiamsi ipsæ in se sint rariores, quam cæ, quæ corpus leve constituunt, ultimæ compositionis particulæ, à se invicem remotiores, & plures & patentiores meatus inter se habentes.

Alia multa sunt naturæ phænomena, quæ mihi videntur iisdem principiis explicari posse, uti ascensus succi in plantis & arboribus, foliorum & florum determinatæ & constantes figuræ, eorumque virtutes specificæ, &c. Multa quoque, quæ in corpore animali quotidie occurrunt; præcipue quæ ad flui-

636 ATTRACTIONIS LEGES.

fluidorum cursus, secretionisque spectant, ab iisdem materiæ qualitibus pendent, & hinc morborum *Theoriæ*, & medicamentorum effectus optime eruuntur. Quantum huic usui inserviant hujusmodi principia, melius innotescet ex eo, quod frater meus nunc meditatur, opusculo; qui quidem, Mathematicas cum Anatomicis rationes confocians, in eo elaboravit, ut aliquam etiam praxi Medicæ lucem afferret.

F I N I S.



IN-

608665



I N D E X

RERUM ET TERMINORUM,

Qui in hoc opere explicantur.

A	A.		<i>Annulus Saturni.</i>	<i>244</i>
<i>Apsides, vide Apides.</i>			<i>Annus Magnus.</i>	<i>272</i>
<i>Achronicus ortus.</i>	<i>176</i>		- - Solaris Tropicus.	<i>416</i>
<i>Actio Reactioni æqualis.</i>	<i>115 & eeq.</i>		- - Ægyptiacus.	<i>486</i>
<i>Æquatio temporis.</i>	<i>451</i>		- - Astronomicus.	<i>486</i>
<i>Æquationes Temporis maximæ.</i>	<i>454</i>		- - Civilis.	<i>ibid.</i>
	<i>457</i>		- - Gregorianus.	<i>488</i>
<i>Æquator seu Equinoctialis.</i>	<i>266. 166.</i>		- - Julianus.	<i>487</i>
<i>Æquatoris secundarii.</i>	<i>271. 167.</i>		- - Magnus Canicularis.	<i>488</i>
<i>Æquinoctia.</i>	<i>414</i>		- - Lunaris Vagus aut Fixus.	<i>486</i>
<i>Alexandri mors, Æra.</i>	<i>471</i>		- - Anomalisticus.	<i>416</i>
<i>Attractio quid sit.</i>	<i>11</i>		<i>Anomalia Excentri.</i>	<i>428</i>
<i>Almicantaræ circuli.</i>	<i>170</i>		- - Media.	<i>281. 420</i>
<i>Altitudo poli.</i>	<i>171. 172</i>		- - Vera seu coæquata.	<i>ibid. 420</i>
- - stellæ.	<i>228. 171</i>		<i>Anser Americanus.</i>	<i>257</i>
- - - Coni umbrosæ terræ.	<i>303</i>		<i>Antarcticus circulus.</i>	<i>270. 167</i>
- - - Coni umbræ Lunæ.	<i>ibid.</i>		<i>in Antecedentia motus.</i>	<i>276</i>
<i>Amphiscii.</i>	<i>170</i>		<i>Arcticus circulus.</i>	<i>167</i>
<i>Amplitudo mundana.</i>	<i>251</i>		<i>Arcticus.</i>	<i>257</i>
- - - ortiva & occidua.	<i>171</i>		<i>Antipodes.</i>	<i>169</i>
<i>Anaſtra signa.</i>	<i>277</i>		<i>Antæci.</i>	<i>169</i>
<i>Andromeda.</i>	<i>257</i>		<i>Aphelion.</i>	<i>281</i>
<i>Angulorum mensuræ.</i>	<i>227</i>		<i>Apogei motus.</i>	<i>292</i>
- - - modus observandi.	<i>228</i>		<i>Apogæon.</i>	<i>290</i>
<i>Angulus quid.</i>	<i>117</i>		<i>Apparent Solis Diameter.</i>	<i>278. 420</i>
- - - in circulo anguloquovis rectilineo infinite minor est.	<i>41</i>		<i>Apparentis Diametri.</i>	<i>229</i>
- - - sub quo sol ex distantia Fixarum videtur.	<i>248</i>		- - - Umbra & Penumbra Diameter.	<i>104. 106</i>
- - - Commutationis.	<i>469</i>		<i>Apparitionis perpetuæ circulus.</i>	<i>175</i>
- - - Æquatoris & Eclipticæ.	<i>167</i>		<i>Apsides & linea Apsidum.</i>	<i>281</i>
- - - Eclipticæ & Meridiani.	<i>179</i>		<i>Apus.</i>	<i>257</i>
- - - Eclipticæ & Horizontis.	<i>412</i>		<i>Aquarius.</i>	<i>257</i>
- - - Eclipticæ & Verticalis, seu Parallelæ.	<i>413</i>		<i>Aquila.</i>	<i>257</i>
<i>Angulus Sphaericus.</i>	<i>511</i>		<i>Ara.</i>	<i>257</i>
<i>Animalculorum in liquoribus natantium magnitudo investigatur.</i>	<i>50. & seqq.</i>		<i>Archimedes antiquorum Physicorum illustrissimus.</i>	<i>2</i>
<i>Animalculum quodvis est corpus organicum.</i>	<i>51</i>		<i>Arcus.</i>	<i>517</i>
			- - Complementum.	<i>517</i>
			- - mensura in peripheria.	<i>625</i>
			<i>Ares Ellipticus inventio.</i>	<i>624</i>

Ar-

INDEX RERUM

<i>Argo</i> navis.	257	<i>Cancer</i> .	256
<i>Argumentum</i> Latitudinis.	468	<i>Canis</i> .	257
<i>Arctus</i> .	256	<i>Canon</i> Trigonometricus.	118
- -, machina bellica, describitur.	97	<i>Capricornus</i> .	256
<i>Aristarchi</i> problema de distantia Solis.	407	<i>Caput & Cauda</i> Draconis.	289
<i>Aritmetica</i> ad rite philosophandum		<i>Cardanus</i> (Hieronymus) philosophiam	
est necessaria.	12 13	Mechanicam excoluit.	8
- - logarithmorum.	562	<i>Cartesiani</i> gravitatem unde dedu-	
<i>Assensio</i> recta.	168	cunt.	1
- - obliqua.	175	<i>Cartesius</i> nullum Geometriæ usum in	
<i>Asymptotica</i> differentia.	ibid.	philosophia adhibuit.	8
<i>Ascii</i> .	370	- - excogitavit philosophiam, a	
<i>Aspectus</i> quadratus.	285	Mechanicæ legibus abhorrentem.	
<i>Asterismi</i> .	255		ibid.
<i>Astronomica</i> Tabulæ.	467	<i>Cassiopeja</i> .	256
<i>Asymptotos</i> .	609	<i>Cauda</i> Cometarum.	161
<i>Atmosphæra</i> beneficia.	184	<i>Celeritas</i> quid sit.	69
- - altitudo.	185	<i>Celeritas</i> corporum elasticorum inve-	
- - crepusculorum causa.	184	stigata.	144
- - refraction.	391	<i>Centrifuga vis</i> quid sit.	197
<i>Attractionis</i> Theoremata.	624. 626.	<i>Centripeta vis</i> quid sit.	196
	627. 628	<i>Centrum</i> Gravitatis quid sit.	124. 135
<i>Auri</i> ductilitas.	43 & seqq.	<i>Cerberis</i> statio.	614
<i>Axis</i> in peritrochio definitur.	101	<i>Circulares</i> partes quotuplices.	543
- - Eclipticæ.	272. 275	<i>Circuli</i> divisio in gradus.	227
- - Terræ.	267	- - polares.	167 & 117
- - hujus Parallelismus.	ibid.	- - Tropici.	ibid.
<i>Azimutales</i> circuli.	370	<i>Circulus</i> Equinoctialis.	166
<i>Azimutibus</i> .	371	- - Apparitionis perpetuæ.	175
		- - Antarticus.	167
		- - Arcticus.	ibid.
		- - Azimuthalis.	170
		- - Crepusculorum Finitor.	187
		- - Declinationis.	168
		- - Eclipticæ.	264. 165
		- - Excentricus.	279. 417
		- - Horarius.	372
		- - Horizon.	228. 266. 170
		- - Latitudinis.	116. 182
		- - Lucis & Umbre Terminator.	267
		- - maximus in Sphæra.	165
		- - meridianus.	168
		- - minor in Sphæra.	165
		- - Occultationis perpetuæ.	175
		- - Verticalis primarius.	370
		- - Visiois.	285
		<i>Climata</i> .	375
		<i>Coagulum</i> unde fiat.	614
		<i>Cocleæ</i> forma describitur.	103

B.

<i>Bacon</i> (Rogerus) Oxoniensis Phi-	
losophiam Mechanicam exco-	
luit.	8
<i>Berenices</i> Comæ.	257
<i>Bernoullius</i> (Joannes) Geometra cele-	
sterrimus.	175
<i>Bootes</i> .	257
<i>Boreale</i> Hemisphærium.	166
<i>Boyleus</i> laudatur.	9
<i>Bulialdi</i> correctio Hypothesis Wardi.	441. 442

C.

<i>Calculus</i> loci Geocentrici Planetæ.	468
<i>Calor</i> quare non maximus cum Sol	
Tropicum Æstivum tener.	282

ET TERMINORUM.

<i>Coherencia</i> gradus.	627	<i>Cupri</i> solutio.	44
<i>Calis</i> materia non in corruptibilis.	161	<i>Cycloidis</i> figura describitur.	170. 171
- - regiones.	156	<i>Cyclur</i> Lunæ.	425
<i>Cælum</i> est non Fluidum.	362	- - Solis.	423
<i>Calurus</i> Aequinoctiorum.	168	- - indictionum.	429
- - Solstitiorum.	276. 168	D.	
<i>Coma</i> Berenices.	157	D <i>Eclino</i> , quid?	168
<i>Cometa</i> Planetarum genus.	151	- - Solis qua ratione obic-	
- - motibus suis vacuum dari de-		- - vatur.	179
- - monstrant.	161	<i>Delineatio</i> phasium Lunarum.	187
<i>Cometorum</i> Caudæ.	161	<i>Descensus</i> gravium in plano inclinato.	
- - - Cursus in cælo.	158. 159		151
- - - Motus.	159	<i>Diameter</i> Solis apparens.	274. 103
- - - Orbis seu semitæ <i>veræ</i> .	160	- - - umbræ Lunaræ.	103. 106
- - - Parallaxes.	156	- - - umbræ Terrestris.	101
<i>Commutatio</i> .	469	- - - Penumbrae.	106
<i>Coni</i> Umbrosi Altitudo.	101	<i>Diametri</i> Apparentes.	129
- - Angulus.	104	- - - Fixarum.	164
<i>Coniunctio</i> Lunæ cum Sole.	186	<i>Dichotomia</i> Lunæ.	185
<i>Conoides</i> parabolicum.	102	<i>Differentia</i> Ascensionalis.	175
<i>Conus</i> .	104	<i>Dierum</i> inæqualitas.	442
<i>Copernici</i> Vaticinium.	114	<i>Dies</i> noctibus longiores augent calo-	
<i>Corporis</i> definitio juxta proprietates.	18. 21	- - rem.	182
<i>Corpus</i> quomodo à Cartesianis defini-		- - Longissimi & brevissimi.	458
- - tur.	20	- - quoduplex.	484
- - & spatium idem habent essen-		<i>Directio</i> motus.	73
- - tiale attributum.	21	<i>Discus</i> Telluris.	108
- - Mathematicum an à corpore		<i>Distantia</i> media.	181
- - Physico differat.	12. 13	- - - Solis à Terra, quibus modis	
- - nullum potest naturaliter in ni-		- - investigatur.	406
- - hilum abire.	77	<i>Distantiarum</i> Proportiones Harmoni-	
- - omne est <i>iners</i> materiæ moles.	77	- - cæ.	245
- - per se ex quiete ad motum tran-		<i>Divisibilitas</i> .	25
- - sire non potest.	106	- - - in infinitum quid sit.	26
- - perfecte durum definitur.	125	- - - quantitatit in infinitum	
- - molle.	ibid.	- - est unum ex tribus Physices princi-	
- - elasticum.	ibid.	- - piis.	624
- - perfecte elasticum.	ibid.	<i>Diviso</i> Logarithmica.	566
<i>Cosinus</i> inventio.	519	<i>Diurnus</i> motus Solis.	417
<i>Cosmicus</i> ortus.	176	- - - medius motus.	450. 451
<i>Craffiti</i> quid sit.	18	<i>Dodotemoria</i> .	264. 165
<i>Crater</i> .	257	<i>Dominicalis</i> litæra.	492
<i>Crepusculi</i> initium & finis.	190	<i>Dorado</i> .	257
<i>Crepusculum</i> , quid?	184	<i>Draco</i> .	256
- - - brevissimum.	189	<i>Draconis</i> Caput & Cauda.	289
- - - Durationes diversæ.	188	<i>Duratio</i> projectionis sursum factæ.	
<i>Culminatio</i> , quid?	171		19
<i>Cunei</i> materia & forma.	103	E.	
		E <i>Clipses</i> Lunæ quando.	297. 305
		- - Solis.	297. 112

Ecli-

INDEX RERUM.

[illegible]

ET TERMINORUM.

<i>Harmonia</i> inter Planetarum à Sole distantias & eorum tempora Periodica.	245. 469	<i>Julianus</i> Annus.	487
<i>Hébdomas</i> .	485	<i>Jupiter</i> .	318
<i>Hegira</i> Æra.	490		
<i>Héliacus</i> ortus & occasus.	484	K.	
<i>Heliocentrica</i> Latitudo.	336. 341	K <i>Alendarium</i> .	491
<i>Hipparchus</i> primus fixarum fecit Catalogum.	257	<i>Kepleri</i> Theoria.	423
<i>Hipparchi</i> problema pro parallaxi solis.	406	- - problema de Sectione Ellipticis.	427
<i>Hora</i> æquales & inæquales.	484. 485	L.	
- - Tempore & Planetarum.	485	L <i>Altitudinis</i> inventio.	178
<i>Horarii</i> circuli.	373	<i>Latitudo</i> quid sit.	18
<i>Horologia</i> Sciatica quam diei horam per tempus stationis solis, tempore solis indicant.	67	- - - Geocentrica.	173. 290. 366
<i>Horizon</i> .	228	- - - Heliocentrica.	ibid.
- - - sensibilis.	266	- - - Geographica.	169
- - - & Rationalis.	ibid.	<i>Legis naturæ</i> traduntur.	106
<i>Horizontis</i> Poli.	266	<i>Leo</i> .	256
<i>Hugenus</i> ab auctore commendatur.	2. 146	<i>Libra</i> .	256
<i>Hyperbola</i> .	613.	<i>Limites</i> .	116
- - - ejus natura.	613. 614	<i>Linea</i> quid sit.	18
<i>Hyperbola</i> cubicæ Quadratura.	48	- - nullam habet latitudinem.	27.
- - - æquilatera.	616	- - - Apsidum.	281
<i>Hyperbolica</i> Spiralis quid?	614	- - - Meridiana.	178
<i>Hypotenusa</i> .	526. 532	- - - Nodorum.	288. 461
		<i>Littera</i> Dominicalis.	492
		<i>Loci</i> longitudo.	371. 368
		- - situs in disco Telluris.	318
		<i>Locus</i> distinguitur in internum & externum.	65
		- - in absolutum & relativum.	ibid.
		- - - Stellæ ad Eclipticam reductus.	366
		- - - Geocentricus.	468
		<i>Logarithmi</i> negativi.	552
		- - - definitio.	560
		<i>Logarithmica</i> curva.	556. 557
		<i>Logarithmicus</i> index.	561
		<i>Logarithmis</i> utendi methodus.	578
		<i>Logarithmorum</i> usus.	551
		- - - inventor.	ibid. 552
		- - - canon.	552
		- - - ortus & natura.	553
		- - - forma.	560
		- - - Arithmetica.	562
		<i>Longitudo</i> quid sit.	18
		- - - Stellæ.	366
		S f	
		Lon-	

INDEX RERUM

<i>Longitudines</i> Fixarum quomodo inveniantur.	322	<i>Menfis</i> .	485
<i>Longitudinum</i> locorum investigatio.	323 350	- - Synodicus, & Periodicus	488
<i>Lucis</i> motus demonstratur.	342	- - Embolinæus,	485
<i>Luna</i> Terræ Affecia.	284	<i>Mensurum</i> ut dissolvendo corpori dato sit idoneum, tria requiruntur.	512
<i>Luna</i> Phases.	285	<i>Mercurius</i> Planeta.	319: 328
- - Lucula.	288	<i>Meridiana</i> lineæ inventio.	378
- - Lux in Eclipsibus totalibus.	327	<i>Meridianorum</i> differentia.	350: 351
- - illustratio à Sole, ejusque Quantitas.	287	<i>Meridianus</i> circulus.	168
- - Nodi.	288	- - Universalis.	109: 371
- - Eclipses.	297	<i>Methodus</i> Logarithmis utendi.	578
- - à Terra distantia.	304	<i>Metonicus</i> cyclus.	425
- - Parallaxis.	325 405: 411	<i>Momentum</i> , quomodo alias vocatur.	73
- - Variatio.	291	- - quomodo definitur.	ibid.
- - Apogæon & Perigeon.	290	<i>Motus</i> est omnis actionis physicae fundamentum.	12
- - Elongatio à Sole.	286	- - est affectio corporum nobilissima.	61
- - Facies.	295	- - eo sublato, omnis periret manducioratus.	61
- - Maculæ.	296	- - in eo vita ipsa consistit.	ibid.
- - Montes & ingentes Cavernæ.	294	- - scientia ad philosophandum rite, maxime necessaria est.	ibid.
- - Libratio.	292	- - de eo varia Veteribus Philosophis futilia argumenta proposita.	62 64
- - Motus circa Axem.	292	- - eorum solutiones.	ibid.
- - Motus ab occidente in orientem.	285	- - absolutus quid sit.	69
- - Motus Diurnus.	289	- - Definitio.	ibid.
<i>Lunaris</i> Umbra diameter.	306	- - relativus definitur.	ibid.
- - Altitudo.	31	- - acceleratus quid.	73
<i>Lunarium</i> motuum inæqualitates.	290	- - aquabilis quomodo sit.	ibid.
<i>Lupus</i> .	257	- - aquabiliter retardatus quid.	ibid.
<i>Lyra</i> .	256	- - aquabiliter acceleratus quid.	ibid.
M.		- - retardatus quid sit.	ibid.
<i>Macula</i> Jovis.	253	- - quantitas ab illius celeritate est distinguenda.	74
- - Lunares.	295	- - mutatio est proportionalis vi motrici impressæ.	111
- - Solares.	251	- - Gravium, eorumque symptomata explicantur.	153 & seqq.
<i>Magnes</i> non solum trahit ferrum, sed à ferro trahitur.	217	- - apparet quomodo oculis percipitur.	224
<i>Magnetis</i> attractionis & directionis causa nondum detecta est.	85	- - Apparet Solis.	254
<i>Magnitudo</i> ex quibus consistat.	26	- - æquales quare inæquales videntur.	231
- - Planetarum.	472	- - Cometarum.	357
<i>Mars</i> Planeta.	291: 328	- - Globi in navi cadentis.	211
<i>Martis</i> Parallaxis Solari duplo major.	411	- - Lucis.	149
<i>Materia</i> quid sit.	79	- - in Longitudinem.	281
- - cæli non incorruptibilis.	261		
<i>Media</i> distantia.	281		
<i>Medium</i> cæli.	371		

ET TERMINORUM.

<i>Motus Apogei.</i>	<u>392</u>	<i>Parallaxis Latitudinis.</i>	<u>398</u>
- - Medius.	<u>381. 435</u>	- - - Longitudinis.	<u>ibid.</u>
- - Nodorum Retrogradus.	<u>390</u>	- - - Lunæ.	<u>395. 325. 405. 412</u>
- - Planetarum circa Axes.	<u>353</u>	- - - oibis Annui.	<u>346</u>
- - Progressivus.	<u>318</u>	- - - Solis.	<u>405</u>
- - Regressivus.	<u>ibid.</u>	<i>Paralleli circuli.</i>	<u>365. 375</u>
<i>Motuum Radices seu Epochæ.</i>	<u>466</u>	- - - & Climata.	<u>376</u>
<i>Mundus nec in æterno existere potest, nec ab æterno existit.</i>	<u>17</u>	<i>Parallelismus Axis Telluris.</i>	<u>367. 374</u>
N.		<i>Partes circulares quatuordecim.</i>	<u>343</u>
<i>N Abonessari Æra.</i>	<u>491</u>	<i>Paschalis philosophiam novis speculationibus adauxit.</i>	<u>9</u>
<i>Nadir.</i>	<u>170</u>	<i>Pavo.</i>	<u>357</u>
<i>Natura methodo simplicissima progreditur.</i>	<u>77</u>	<i>Pegasus.</i>	<u>356</u>
- - - Logarithmi.	<u>353</u>	<i>Pendulum, machina, quid sit.</i>	<u>162</u>
<i>Nautica Spiralis descriptio.</i>	<u>618</u>	- - - ejus velocitas in quo consistat.	<u>164</u>
<i>Neomenia.</i>	<u>186</u>	<i>Penumbra.</i>	<u>301</u>
<i>Newtonus philosophus summus.</i>	<u>9</u>	<i>Penumbra dimensio.</i>	<u>302</u>
<i>Nihil aut Non ens habet nullas proprietates, aut affectiones.</i>	<u>77</u>	<i>Perigeon.</i>	<u>290</u>
<i>Nodi & Nodorum Linea.</i>	<u>388. 315</u>	<i>Perihelion.</i>	<u>281</u>
<i>Nodorum motus Retrogradus.</i>	<u>390</u>	<i>Periodi Planetarum.</i>	<u>469</u>
<i>Novagesimus Eclipticæ Gradus.</i>	<u>171</u>	<i>Periodus Dionysiana.</i>	<u>497. 498</u>
<i>Novilunium.</i>	<u>386</u>	- - - Juliana.	<u>500</u>
O.		- - - Sothiaca.	<u>488</u>
<i>O Bitus Alexandri Magni Æra.</i>	<u>491</u>	<i>Perigæi.</i>	<u>369</u>
<i>Obliqua Alcenio.</i>	<u>375</u>	<i>Peripatetici quibus auxiliis physicam suam explicant.</i>	<u>12</u>
<i>Obliquitas Eclipticæ.</i>	<u>367</u>	<i>Peripheria circularis divisio.</i>	<u>517</u>
<i>Ocasus siderum.</i>	<u>376</u>	<i>Periscii.</i>	<u>370</u>
<i>Ocultatio.</i>	<u>377</u>	<i>Perseus.</i>	<u>356</u>
<i>Odor aliz scædæ ad distantiam quinque pedum sentitur.</i>	<u>49</u>	<i>Phases Lunæ.</i>	<u>285</u>
- - - Canum venaricorum ad certos numeros revocari non potest.	<u>55. 56</u>	- - - Veneris.	<u>333</u>
<i>Odis scotus, ad quam distantiam se extendat.</i>	<u>45 & seqq.</u>	<i>Philosophi quot generum fuerint.</i>	<u>12</u>
<i>Olympicæ Æra.</i>	<u>491</u>	- - - quid statuerint.	<u>ibid.</u>
<i>Opibicæ sive Serpentarius.</i>	<u>356</u>	<i>Philosophia naturalis objectum sunt corpora eorumque in se invicem actiones.</i>	<u>76</u>
<i>Oppositio.</i>	<u>385</u>	<i>Philosophia Mechanica diu delituit.</i>	<u>8</u>
<i>Orbis Conditi Æra.</i>	<u>491</u>	<i>Philosophia à quibus sit exculca & adaucla.</i>	<u>9</u>
- - - Annui Parallaxis.	<u>345</u>	- - - societates à regibus institutæ magnum ei incrementum dederrunt.	<u>9</u>
<i>Orion.</i>	<u>356</u>	- - - totius mundi systematis à Newtono est patefacta.	<u>623</u>
<i>Orthographica Projectio.</i>	<u>308</u>	<i>Phœnix.</i>	<u>257</u>
<i>Ortus & Occalus Siderum.</i>	<u>176</u>	<i>Physica omnis actio à motu dependit.</i>	<u>12</u>
- - - Logarithmi.	<u>353</u>	<i>Physica quibus innitatur principis.</i>	<u>624</u>
P.			
<i>Parabola, sive linea parabolica, describitur.</i>	<u>170. 180</u>		
<i>Parallaxis.</i>	<u>425</u>		
- - - - - Altitudinis.	<u>398</u>		

INDEX RERUM

<i>Physica</i> res ad Geometriam & ad Arithmetica sunt reducendæ. 93	<i>Punctum</i> quid sit. 18
<i>Pisces</i> . 236	<i>Pythagorici</i> physicam suam larvis & hieroglyphicis velarunt. 11
<i>Planeta</i> quando directus & velox. 144	Q
- - quando Stationarius. ibid.	<i>Quadræ</i> v. l. 285
- - quando retrogradus. 146	- - - Hyperbolæ cubicæ. 48
<i>Planeta</i> Secundarii. 140	de <i>Quantitate</i> motuum Theoremata. 86. 87. 89. 90. 91. 92. 93
- - - Corpora Opaca Sphærica. 240	<i>Qualitatis</i> natura demonstratur. 11 & 159.
- - - Inferiores. 138	<i>Quantitas</i> acceleratrix cujusvis vis, quid sit. 76
- - - superiores. 139	- - - quæquæ ulterius dividi po- test. 11. 12. 13
- - - non in orbibus circularibus, sed ellipticis deferuntur. 623	<i>Quantitas</i> motus est vis seu energia, qua mobile secundum directionem suam tendit. 140
- - - circa solem moventur. 623	- - - Anni. 416
<i>Planetarum</i> ordo. 319	<i>Quies</i> absoluta quid sit. 69
- - - distantie quam proportio- nem obtinent ad Periodos. 245. 469	- - - relativa definitur. ibid.
- - - motus Apparentes inæqua- les. 297. 347	- - - est corporis cujusvis in eadem loco permanentia. ibid.
<i>Planetæ</i> solem circumire demonstra- tur. 243	<i>Quiescere</i> & tamen moveri quo quis dicatur. ibid.
<i>Planta</i> ex innumeris heterogeneis constant partibus. 80	R
<i>Platonici</i> physicam suam larvis & hier- oglyphicis velarunt. 11	<i>Rabix</i> seu Epochæ. 466. 489
- - - discipulos suos nisi sero ad philosophiam perdiscendam ad- miserunt. ibid.	- - - fractionis. 568
<i>Plenilunium</i> . 285	- - - quadratica. 578
<i>Polares</i> Circuli. 270. 367	<i>Refla</i> positionis inventio. 624
<i>Polus</i> Eclipticæ. 272	<i>Reductio</i> ad Eclipticam. 166
- - - Horizontis. 370	<i>Refractio</i> . 391
- - - Mundi. 274	- - - Atmosphæræ. 392
- - - in Sphæra. 531	- - - ejus investigatio. ibid.
<i>Polygonum</i> . 555. 556	<i>Refractio</i> variis effectus. 391
<i>Pondera</i> corporum quantitativis ma- teriz sunt proportionalia. 96	<i>Regula</i> duæ ad triangula rectangula resolvenda. 543
<i>Præcessio</i> Equinoctiorum. 277	<i>Retrogradatio</i> Planetarum. 118. 345
<i>Præcipitationis</i> origo. 614	S
<i>Principia</i> , quibus innititur Physica. 624	<i>Sagitta</i> . 256
<i>Problematis</i> Kepleri solutio. 427	<i>Sagitta</i> aliquando Arcus. 518
<i>Projectio</i> Orthographica. 308	<i>Sigittarius</i> . 256
- - - Umbra in Discum Telluris, ibid.	<i>Salus</i> vi attractiva possent. 630
<i>Projectionis</i> sursum factæ duratio. 190	<i>Saturni</i> Annulus. 242. 470
<i>Prosthaphæresis</i> . 420	- - - Satellites. 241
<i>Punctum</i> Mathematicum non est ma- teria, sed in ea consistit. 28	<i>Saturnus</i> Planeta. 241. 328
<i>Puncta</i> Solstitialia & Equinoctialia regrediuntur. 276	<i>Scorpio</i> . 256
	<i>Secans</i> in trigonometria quid. 518
	<i>Secor</i> hyperbolæ. 613
	<i>Selenographia</i> . 266
	<i>Sinus</i> Arcus. 518

Sinus

ET TERMINORUM.

<i>Sinus rectus.</i>	<u>517</u>
- - - versus.	<u>518</u>
- - - arcus dimidii inventio.	<u>519</u>
- - - dupli arcus inventio.	<i>ibid.</i>
- - - arcus unius minuti inventio	<u>522</u>
<i>Sol</i> , licet lucem emittat, nihil de sua magnitudine amittit.	<u>56</u>
- - - Circa Axem rotatur.	<u>251</u>
- - - nostri Syſtematis centrum.	<u>261</u>
- - - qua ratione, in ellipſeos focorum uno ſitus, circumbeat.	<u>621</u>
<i>Solis</i> Maculæ.	<u>252</u>
- - - Axis inclinatur ad Eclipticam.	<u>253</u>
- - - Apparens motus.	<u>264</u>
- - - - - motus inæqualis obſervatur.	<u>416</u>
- - - Aſcenſio Recta Declinatio Longitudo ex quibus datis inveniuntur.	<u>179</u>
<i>Soliditas</i> definitur.	<u>19</u>
- - - à Peripateticis Impenetrabilitas dicitur.	<i>ibid.</i>
- - - alter à Philoſophis, aliter à Geometris capitur.	<u>19 20</u>
<i>Solſtitia.</i>	<u>168. 414</u>
<i>Spacium</i> vocatur, in quo omnia corpora locari & moveri cernimus.	<u>20 21</u>
- - - ab omni corpore vacuum demonſtratur.	<u>24</u>
- - - hujus ſpacti natura non detinuitur.	<u>24 25</u>
- - - quid ſit.	<u>65</u>
- - - in abſolutum & relativum diſtinguitur	<u>66</u>
- - - percurſum quid ſit.	<u>71</u>
- - - ejus longitudo.	<i>ibid.</i>
- - - inane, unum ex tribus phyſices principis.	<u>624</u>
<i>ſpectator</i> eſt in centro proſpectus proprii.	<u>218</u>
<i>Sphæra</i> Recta.	<u>173</u>
- - - Obliqua.	<u>174</u>
- - - Parallela.	<u>175</u>
<i>Sphæra</i> poli.	<u>511</u>
<i>Spiralis</i> Hyperbolica.	<u>611</u>
- - - Hyperbolica quid?	<u>614</u>
- - - nauticæ deſcriptio.	<u>618</u>
<i>Statæra</i> quænam ſit machina.	<u>100</u>

<i>Stationes</i> Planetarum.	<u>118. 144</u>
<i>Stella fixe</i> ſunt ſoles.	<u>247</u>
- - - informes.	<u>257</u>
- - - nova.	<u>262</u>
- - - quæ periodicæ apparent & evaneſcunt.	<u>261</u>
<i>Stellarum</i> ordo.	<u>255</u>
- - - Catalogi.	<u>259</u>
<i>Subtilitas</i> materiæ ex auri ductilitate probatur.	<u>41</u>
- - - particularum lucis nemo mortalium atquei poteſt.	<u>56</u>
<i>Superficies</i> quid ſit	<u>18</u>
- - - ejus extrema dicuntur lineæ.	<i>ibid.</i>
- - - an ſit perfectæ plana.	<u>28</u>
- - - non eſt materialis.	<i>ibid.</i>
- - - quales colores accipiunt.	<u>82</u>

T.

<i>Tabula</i> Aſtronomiæ.	<u>466</u> & ſeqq.
<i>Tangens</i> quid.	<u>518</u>
<i>Taurus.</i>	<u>256</u>
<i>Teſcopii</i> Beneficia.	<u>230</u>
<i>Telluris</i> Poli.	<u>226</u>
<i>Tellus</i> circa ſolem movetur & circa Axem.	<u>245 264</u>
<i>Tempora</i> Periodica.	<u>469</u>
<i>Temporis</i> Aequatio.	<u>451</u>
- - - partes.	<u>448</u>
<i>Tempus</i> in abſolutum & relativum diſtinguitur.	<u>66</u>
- - - accelerari aut retardari conquit.	<u>67</u>
<i>Termini</i> Ecliptici.	<u>105. 111</u>
<i>Terra</i> non Sol movetur.	<u>50</u>
<i>Theoremata</i> raritatem & tenuitatem materiæ ſpectantia.	<u>57. 580</u>
- - - de Motus quantitate & ſpaciis à mobilibus percurſis.	<u>85</u>
- - - motuum Comparatorium.	<u>86. 87. 89. 90. 91. 92. 93</u>
- - - Attractionis.	<u>624</u> & ſeqq.
<i>Theoria</i> motus Telluris.	<u>413</u>
- - - Planetarum.	<u>459</u>
<i>Theoriſta</i> quibus incumbendum.	<u>15. 17</u>
<i>Tormenta bellica</i> quomodo dirigantur.	<u>189</u>
<i>Tor-</i>	

INDEX RERUM ET TERMINORUM.

<i>Toricellius</i> philosophiam novis speculationibus adauxit.	9	<i>Via</i> Lunæ à Sole.	306
<i>Trianguli</i> rectanguli solutiones	429	<i>Vires contraria</i> quænam.	75
gonometricæ.	429	- - - <i>motrices aquales</i> quænam sint.	ibid.
<i>Triangulum</i> .	256	<i>Virgo</i> .	256
- - - æquale & congruum.	533	<i>Vis impressa</i> quid sit.	74
- - - æquiangulum.	535	- - - in quo differat à vi motrici.	ibid.
- - - Sphæricum obliquangulum.	545	- - - <i>motrix</i> describitur.	ibid.
- - - eorundemque angulorum duodecim casus.	548	- - - <i>centripeta</i> qualis.	75
<i>Triangulus</i> rectangulus.	527	- - - quid sit, & quæ ita dici possit.	196. 197
- - - amblygonius.	ibid.	- - - <i>centripeta</i> effectus.	585 & seqq.
- - - Sphæricus.	531	- - - <i>centrifuga</i> quænam.	75
<i>Trigonometria</i> plana.	517	- - - describitur.	197
- - - Sphærica.	521	- - - <i>restitutiva</i> æqualis est vi compressivæ.	142
<i>Trigonometria</i> Definitiones.	517	- - - <i>attractrix</i> materiæ est unum ex tribus phycis principiis.	624
- - - munus.	ibid.	<i>Visto</i> quomodo sit.	226
<i>Trigonometrica</i> trianguli solutiones.	529	<i>Vita</i> in motu consistit.	61
<i>Trigonometricus</i> Canon.	518	<i>Umbilici</i> seu Foci.	280
<i>Trochlea</i> definitio.	102	<i>Umbra</i> corporis.	297
<i>Tropicus</i> Cancræ & Capricorni.	270	<i>Umbra</i> Lunaris Altitudo.	302. 303
	367	- - - Diameter.	304.
		- - - Terræ Altitudo.	303
		<i>Umbra</i> Coni Angulus.	301
		<i>Unitas</i> quid.	523
		<i>Volatus</i> avium unde dependat.	120
		<i>Vortices</i> in cælo nulli sunt.	362
		<i>Urbis condita</i> Æra.	490
		<i>Ursa</i> duæ	256
			W.
		<i>W</i> <i>Allius</i> laudatur.	9. 146
		<i>Wren</i> (Christophorus) Astronomiæ Professor, laudatur.	146
			X.
		<i>X</i> <i>Ypbias</i> .	257
			Z.
		<i>Z</i> <i>Enith</i> .	370
		<i>Zodiaci</i> Latitudo.	ibid.
		<i>Zodiacus</i> .	366
		<i>Zone</i> quæ & quot.	379

F I N I S.

